

CIMELIA

F

8127

F

8128




8127 — 8128

CIMELIA

Hist. 4087

VI. 6. 54.



Cim. F. 8127-8.

STANISLAI SARNICII
ANNALES, SIVE DE ORI-
GINE ET REBUS GESTIS
POLONORVM ET LI-
TVANORVM,
LIBRI OCTO.




Habes hîc priorem partem horum Chronicorum, hætenus omis-
sam & neglectam ab alijs authoribus: quæ incipit ab Asarmoth
conditore Sarmaticorum populorum, & continuatur ad Le-
chum ipsum, rerum ordine secundum temporum
seriem seruato.

*Et tandem à Lecho ad nostra tempora, quid in istis terris
actum sit fideliter exponitur.*

*Cætera, quæ in hoc libro continentur, ipsius libri argumentum
eidem præfixum indicabit.*

*Conuictus a Sarnickiensi Brâs Sarnicki Minor ad R.
gng Brâs Sarnicki*



ANNO DOMINI M. D. LXXX. VII.

THE NATIONAL ANTHROPOLOGICAL ARCHIVES

SMITHSONIAN INSTITUTION





AD INCLYTVM ET AM-
PLISSIMVM SENATVM REGNI
POLONIÆ, MAGNIQVE DVCATVS LITVA-
NIÆ VIDELICET: REVERENDSISIMOS SA-
crati ordinis Præsules Stanislavum Karnkouium Gnesnensem, Deme-
trium Sulikouium Leopoliensem ARCHIEPISCOPOS: Petrum My-
skouium Cracouiensem: Hieronymum Rozrazouium Wladislauien-
sem: Georgium Radiuilum Wilnensem & Cardinalem: Lucam Ko-
scielecium Pofnaniensem: Petrum Dunin Volscium Plocensem: Al-
bertum Baranouium Premisliensem: Melchiorem Gedrociū Samo-
gitæ: Laurentium Goslicium Camenecensem EPISCOPOS. Ad
Illustres Spectabiles & Magnificos dominos: Andreā à Theczyn
Cracouiensem: Stanislavum à Gorka Pofnaniensem: Christophorum Ra-
diuilum Vilnensem: Stanislavum Safraneciū Sedomiriensem: Eustathi-
um Volovvicz Castellā Vilnensem: Ioannem Hlebovvicz Trocen-
sem: Albertum à Lasko Siradiensem: Nicolaum Christophorum Radi-
uilum Castellā Trocensem: Ioannem Kiska Capitaneū Samogi-
tæ: Constantinum Ducem Ostrogæ Kiiouiensem: Stanislavum Zolkie-
uium RVSSIÆ: Ianusium Ducem Ostrogæ Volynensem: Ioannem
Tarlo Lublinensem: Nicolaum Radiuilum Nouogrodensem: Nicola-
um Moniuid Dorhostaiski Polocensem: Stanislavum Pacz Vitepscen-
sem: Paulum Pacz Mscyslauiem: Nicolaum Sapieia Minscensem: Ianu-
sium Zbarasium Braclauiem PALATINOS. Stanislavum à Tarnovv
Sedomiriensem: Ioannem à Theczyn Woyniciensem: Ioannē Taluofz
Samogitæ: Ioannem Sienienium Leopoliensem: Martinum Lesniovvol-
ski Podlasensem: Nicolaum Firleum Rauensem: Nicolaum Pacz Mscy-
slauiem: Pacum Minscensem: Nicolaum Ligeza Vislicensem: Nico-
laum Firleum Bieensem: Georgium Mnisek Radomensem: Raphaë-
lem Lescziniū Sremensem: Ioannem Miskouium Zarnouiensem: Chri-
stophorum Lantskoronium Malogostensem: Martinum Vroueciū Chel-
mensem: Stephanum Grudentium Naklensem: Christophorum Komo-
rouium Osyviecimensem: Stanislavum Gostomski Sochaczouiensem:

EPISTOLA

Droicinium Lubaczouienſem CASTELLANOS. AD officiales verò Magnos: Andream Opalenium Marſchalcum regni Polonię: Albertum Radiuilem Marſchalcum Lituanię: Ioannem Zamoſcium Cancellarium regni, & exercituum ſupremum præfectum: Andream Zborouium Marſchalcum curiæ regni Polonię: Staniflaum Radiuilem Marſchalcum curiæ Lit. Leonem Sapicia Procancellarium Lituanię: Ioannem Duſcium Theſaurarium regni Pol. Theodorum Skomin Theſaurarium Lit. AD ſtrenuos & generoſos equites Polonos quorum nomina inferius in Chorographia noſtra ordine honoris & dignitatis cauſa expreſſimus, alios verò charta capere non potuit. NEC NON ad urbium metropolitanarum Cracouienſes, Vilnenſes, Gedanenſes, Elbingenſes, Rigenſes, Poſnaniēſes, Leopoliēſes, Sedomiriēſes, Lublinenſes, Torunenſesque Proconſules & Conſules. Hi ordines ſupra nominati nunc faciem Reipub. in hoc celebri conuētu electionis repræſentant, quibus in hoc ſacroſancto actu à Deo Optimo Maximo ſpiritum ſalutaris conſilii & lætum ſucceſſum precamur, & obſequia noſtra officioſiſſimè commendamus.

CVM viderem Germanos, Italos, Hungaros, atque Hiſpanos, ab ipſo diluuiio, maiorum ſuorum res geſtas ſcribendo, auſpicatos eſſe, Illuſtres & Magnifici domini ſæpè mirabar, ac ferè ſtomachabar, cur noſtri Hiſtorici, gentium tantarum earumque, ampliſimarum, tam vile et à tam breui tēpore exordium ſumpſerint. Ita enim aſueuerunt, vt cum aliquid breuiuſculè & raptim de ijs rebus præſati fuerint, ſtatim ad Lechum delabantur, atque ibi deſiderium ſuum complentes, mox ſtadium remittunt. Quasi verò gentes linguę Slauonię, quę à Ponto ad Oceanum occidentem verſus, ab Adriatico ad Glaciale Septemtrionem tendendo, antea in mundo non fuerint, et nunc primum ante hos octingentos annos, veluti ab ouo excluſę in lucem prodierint. Negari ergo non poteſt nos acephalam & imperſectam hiftoriam hæcenus habuiſſe. Expectabamque, ego & cupiebam, vt aliquis fertiliori ingenio, & feliciores vena prodiret, qui ab hac infamia noſtram Rempub. eximeret, expectaitoniq; eruditorum hac in re ſatiſfaceret: Sed nemo apparuit, qui nobis præiret, ego quę in meo Muſæo habeo, dum vita ſupereſt, emittam. Fateor equidem magis hæc alicui ex ijs, qui in academijs & monaſterijs inter Muſas habitāt cōueniſſe, quàm mihi; cui ſi quid ingenioli eſt, in medio laborum æconomicorum exaruit. Vt cumque tamen ſe res habet, tantò maiore venia apud probos & humanos iudices dignus ero, quantò plura argumenta

PRÆLIMINARIS.

menta excusationis mihi suppetunt. Sed quòd rem tanti momenti nouamus, putabūt forsā aliqui nos sub Vaticano, aut potius Vauello monte videlicet arcis Cracouiensis, noua aliqua Chronica plumbeæ arcæ inclusa cercisq; inuoluta, vt Cicero alicubi de libris Sibyllinis inquit, reperisse. atque ita præiudicio nos grauantes clamabunt, rem impossibilem factū nos moliri. Sed isti cum perlegerint hoc nostrū opus, rem multò mirabiliore & prodigio siorem nos ausos esse deprehendent, quā si in visceribus terræ defossum librū reperissemus. Nam sicuti Medæ ossa dispersa recolligere, & vt rursus coalescant in vnum corpus cōponere impossibile videtur, ita lacinias huius historiæ cōsuere eamq; redintegrare impossibile videri potest. Nam quanta varietas hīc scriptorum est dum originem nostram explicant: alij nos ad Paphlagonas et Henetos orientē versus referūt: alij ad Germanorū Tuisconē in occidentem: alij ad Illyrios in meridiē: alij ex Roxolaniæ solitudinib. arctoīs nos educūt. In tāta inquam turba et varietate sententiārum, cum animaduertērem natalium nostrorum originem in dubium vocari, cerne-remq; patrum patriæ nostræ, Medæ exemplo crudeliter dissecta & dissecta membra per campos æquora & montes, manibus & digitis meis reuenter recollegi, & quæ erant malè coherētia coaptari, ac veluti in vnum corpus vt rursus coalescerent, feci. Non ausim quidem promittere seriatiim non interrupto ordine, singulos hosce Monarchas me potuisse enumerare; hoc enim propter progressionē & multiplices migrationes gentium, variasq; mutationes Rerumpublicarum, impossibile factū videtur: Sed tamen pro virili conatus sum omnia redintegrare complanareq; ad regulam chronologicam ac cosmographicam singula examinando, seruata interea maiestate vniuersalis historiæ, quæ veritas est. Interim eliciendæ purioris sententiæ causa contuli vetera cognomina gentis, montium, sylvarum, & fluuiorum cum narrationibus Historicorum; & quæ videbantur veritati respondere, studiose consignari, maximè vbi circumstantiæ rebus ancillari videbantur. Adhibui narrationes maiorum, quæ videbantur per manus esse traditæ, quasq; etiam aliarum gentium extranearum autoritas suo calculo comprobare videbatur. Hos itaque tres testes elaborando huic operi cum primis mihi depono. Non damnantur hīc aliorum labores, quin potius laudem cuiq; suam tribuere æquum esse duco: Dlugossus materiam nobis ipsam tradidit, Micchouius rudem illam & indigestam molem in epitomen redegit, D. Cromerus veluti reginam ornatisimam ex thalamo cincinnis verborum & sententiarum vestitam, vt decuit tantum virum, in medium produxit. Sed quorsum ista omnia si fundamentum malum & ruinosum? quicquid superstruxeris corruet; dicebat

EPISTOLA

cebat ille. Ego igitur incunabula nostræ gentis explicans, & ante aduentum Lechi per spacium temporis quatuor monarchiarum successiue historiam Sarmaticam texens, fundamentum solidius inueni, quod historie Polonicæ substerno. Ne quis autem existimet, me mordicus velle meatucri, iudicio eruditorum omnia subijcio. Corrigant illi & meliora efficiant, postquam eis primam glaciem fregi. Interim meo instituto & laboribus faueant & admodulentur precor. Certè volui prodesse patriæ, vetustatem nobilitatemq; natalium eius & originem, non ex fabulis petitam, vt hactenus factitatum est, sed genuinam demonstraui. Maiores nostros non aduenas, nec inquilinos in terra aliena sed indigenas, à seculis regiones has incolere ostendi, Sarmatiamq; semper Sarmatiam ad montes Sarmaticos fuisse. Adhæc, historiam quæ erat deprauata, redintegraui, caputq; ei augustius cum facie venerabili adieci & applicaui, ita vt si quis hæc nostra historie Miechouiensis, & D. Cromeri adijciat & accommodet, vno intuitu omnes Duces nostrarum Gentium, non à Lecho tantum, sed ab ipsis primordijs, veluti exercitum speciosissimum in clypeo Achillis exsculptum, cernere queat. Hos ergo labores meos cui dedicem & offeram in hac orbitate Reipub. post ereptum mihi Patronum Stephanum sacratæ memoriæ Regem, neminem video magis idoneum, quam vos Reuerendissimi Illustres & Magni. Domini mei, vt dum de nouo Rege creando ancipiti consilio distinemini, habeatis quo mentes vestræ occupentur, exempla interregnorum superiorum ad vsum modò reuocantes. Sed multò alia nunc facies rerum quàm fuit Lesci Primi & Secundi temporibus, cum pro adipiscendo regno cursu equorum in suburbio Cracouiensi ad Prandicium decurrebatur. Multò nunc subtiliores cæci illi styli vafro consilio excogitati, ambiguæ promissionibus conuestiti, apparatu velutiq; sabulo tecti via regia currentibus, & de salute incolumitateq; huius Reipub. deliberantibus obijciuntur. Adde quod ab orientali Monarcha adferuntur suspecta consilia, qui sub specie amicitie id potissimum agit, vt potentiam suam & auctoritatem in septentrionem vsq; proferat. Quare vos ô Patres magis oculatos esse decet ne quid vos lateat, ne vobis quid imponat, necue quis serò vocem illam in viro sapienti turpem exprimat: Non putaram. Dum priuata publicis anteferuntur, ruentibus publicis etiam & priuata in periculum deueniunt: dicebat quondam Hannibal ad suos Carthaginenses. Sed quid? Nec admodum mirari, nec indignari potestis ijs qui interdum talia excogitant, & in electionibus, perficiendis compendijs talibus, laborant. quandoquidem nec definitionem eligendi Regis cuius & qualis esse debeat, nec modum præscriptum nec formam ele-

P R A E L I M I N A R I S.

nam electionis celebrandæ habet hæc Res pub. per tot centurias annorū, ex quo stetit. sine quibus necessitas ipsa, etiam bonos viros, interdum cogit ad tales artes confugere. Alioquin enim in infinitum, tempus electionis, nullo effectu, cum grandi autem periculo, extraheretur, & tot voluntates hominum ferè semper inter se variantes ad vnum scopum impossibile est sine arte reducere. Respiciite, reuoluite annales nostros: vix vnum exemplum, exactè loquendo, liberæ electionis inuenietis, cui aliqua vis aut ars non admixta fuerit. Nec modò hoc in Polonia vsu venit, sed in omnibus propemodū nationibus, vbicumq; modus certus & proportio quædam certis numeris absoluta non est, tanquam ex cera efformata: at vbi hæc eadem est legibus sancita, res ista quanquam est per se perplexa & operosa, tamen citò, tutò, & prospere expeditur; & omnes isti cæci styli, omniâq; suspecta consilia vno impetu corruunt. Collegeram ego ante decem annos exempla & formulas electionum, Pontificum nimirum Romanorum, Imperatorum, et ducum Venetorum, excusâq; typis ad hunc vsu Reipub. in lucem edideram. Non contemnatis quæso prudentissimorum virorum consilia, nec sinatis amplius casu hanc Rempub. regi, nec permittatis dubiæ alicæ res, in quibus vita & mors, salus & interitus, ad limen sedent: Aut vnâ formam ex istis tribus eligatis, aut si potestis aliam accommodatorem excogitetis, qua & vos nunc & postea successores non sine gratiarum actione pro re bene gesta, in tali casu uti possint, vestrosq; conatus collaudare, & ad sydera extollere, quòd eos magna sollicitudine & periculo toties liberastis, quoties Reges ex hac vita contingit decedere. Respiciite quæso ad præcedentia tempora: intra hos duodecim annos, iam tres Reges mortui, tres electiones celebratæ. Possunt autem & sæpius vel peste vel bello eripi, ut sunt hominum res instabiles. Placet ne spectare toties Rempub. in periculis versari? Placet ne dubijs fluctibus iactandam toties obycere, quoties repetitis vicibus Reges nobis eripiuntur? Recordemini quæso vocis Regis mortui, quando in medio senatus ante biennium veluti iam supremam diem mortis sibi instare præuidens ea de re diserebat: Cohorresco inquit toto pectore, quoties mecum recogito interregnorum superiorum pericula. Respondistis vos tum de Rege viuentis Rege nolle vos deliberare. Ecce ergo nunc illud tempus aduolauit, & quidem difficilius, ni fallor, quàm superiora interregna. Igitur omisis comperendinationibus, nolite amplius rem differre, nec patiamini hanc nauiculam amplius fluctuare. Sanciat is aliquam amplissimam legem, quam siue Capturum more patrio perpetuum, siue auream bullam vocare licebit, Germanos in hoc imitati, qui huiusmodi voce talis sanctionis volentes laudes amplificare

EPISTOLA

plificare, nomen ei ab auro imposuerunt. Et verè aurea lex talis: nam nos à periculo absoluit, metu liberat, præterita corrigit, præsentia confirmat, futuris prospicit: & quod maximum est, reuera liberos, facit, cum ante a nomine tantum hac in parte liberi essemus, res autè ipsa nescio ubi exularet. Absque quibus rebus nomen ipsum electionis liberæ male sonat, pessimeq; expetitur: ita vt feliciores esse videatur populi illi, ubi nascuntur nō creantur reges. Sed ego forsā vlteriùs prouectus sum, quàm mihi conueniebat. Ignoscite quæso, si iusto dolore periculorum patriæ communis impulsus prudentioribus ansam vberius & exactiùs differendi de ijs rebus præbeo. Vos ipsi dicere soletis, sub interregno licere, apud nos cuius nobili viro sententiam in medium proferre. Dicta igitur mea sententia de ijs rebus quas ad salutem Reipub. conducere putavi: orationem meam ad vos conuerto, librumq; hunc vnà cum Typo ipso Chorographico Sarmatiarum vestris Celsitudinibus in manus offero, & rogo vt mei meorumq; laborum & impensarum, quæ certè non paruæ fuerunt, ratio habeatur. Ita enim nuper promisistis in Varsauiensi conuocatione, non priùs vos ad electionis actum accessuros, antequam priuatorum grauamina sustulcritis leuaueritisq;. Testes sunt oculi cæcutientes, perspicilla hæc & propemodum orbitas visus quam contraxi, volens laborem mihi à Regia Maiestate impositum sedulò & gnauius absoluerè. Rex est mortuus; sed vos mihi superstitis estis, quibus gubernacula regni concredita sunt. Potestis regnū ipsum deferre cui vultis, & mihi possessionē aliquam attribuere non potestis? Ego vobis patriam vestram, Sarmatiam integram, hoc typo ad viuum expressam præbui, vos mihi particulam eius denegabitis? Merces detenta laborum & oppressio pauperum vtrumq; istorum est detestabile apud Deum, & vtrumq; in peccatis mortalibus & clamantibus ad cælum à Theologis reponitur. Si nunc benignitas vestra mihi deerit, postea ope vestra non indigebo. Si nunc terræ funiculum mihi non præbetis, postea non nisi vna terræ vlna in latum, & tribus in longum indigebo. Beroso, Josepho, historicis pro merito erga Rempub. simili, quale ego Poloniæ præstiti, statua aurea à suis donata fuit; vos mihi cessite terræ non respondebitis? Sed & apud nos Cadlublo, Dlugosio, episcopatus opulentissimi donati sunt pro historico opere; & vos me exhaustum seruitio quod Reipub. impendi per annos decem, ita consensescere patieminus? Illi argumentum vulgare & tritum repetierunt, ego rem à nemine tentatam aggressus expediui. Illi à Lecho h. e. à tempore Iustiniani imperatoris incipiunt: ego à primordijs, ab aureo seculo exorsus seriem historiæ per illa præcipitia & mutationes Rerumpub. vsq; ad hæc nostra tempora continuo. illi tractationem de acci-

sis limi-

P R A E L I M I N A R I S.

*sis limitib. Sarmatiae, de eiusdem tributis, de conuitijs quorundam scripto-
rum in patriam nostram infamiam olentibus, aut sicco pede transferunt,
aut leuiter attigerunt: ego depulsis maleuolorum criminationibus ino-
piae, solitudinum, syluositatis, barbariei, quae patriae nostrae impingeban-
tur, fines veros veteris Sarmatiae ostendi, ac vindicaui: ego lineam origi-
nis, ut consuecta apud nos ratione loquar, gentium nostrarum ostendi ac
deduxi: ego maiores nostros ex densa caligine, veluti ex lyngo tenebrico-
so Patres veteris legis eduxi, res gestas illorum illustraui: Et ita illustra-
ui, ut cum fortunatissimis populis merito aequari queant. Quare non mi-
remini si complures Illustres viri inter vos pro me demissa oratione apud
vos intercedunt, Et ne ingratae patriae fumus oculos meos laedat ad anti-
dora mihi praestanda vos cohortantur. Video hic eos, qui strenue se in mi-
litia gesserunt, qui legationes obierunt, qui consilijs iuuerunt, etiam extra-
neos, etiam plebeios, a vobis praemijs dignis affici Et ornari, Et recte.
Nam ubi in Repub. praemia virtuti negantur, ibi virtus languet, probi-
tas friget. At ego, qui istarum omnium rerum officinam informatricem,
Et magistram trado, vitam memoriae, lucem veritatis (sic enim Cicero vo-
cat historiam) resq; vestras immortalitati consecro, ero ne neglectus Et irre-
muneratus? Nunquam hoc visum in Rebus quidem pub. bene moratis. Nec
sane de vobis mihi id in mentem venit. Nam bonitas vestra me meliora
sperare iubet, hilaresq; erga me vultus vestri me consolantur. Sunt enim
complures hic inter vestras Magnif. qui, adhuc viuentis Rege, me ad sub-
eundum hunc laborem Et verbis Et litteris suis cohortabantur: sunt qui
etiam pro me apud eum intercedebant, testesq; meae cum eo transactionis
fuerunt. Jam vero cum in eorum ipsorum manibus, quibus antea volun-
tas non defuit benefaciendi, facultas quoque nunc posita sit, tanto melio-
ra de illis me mihi polliceri licet, quanto plura in dies argumenta
habui eorum aequitatis, bonitatis, ac beneficentiae.*

*Valete quam optime heroes Et domini
mei summa cum obseruan-
tia colendi.*



ARGVMENTVM OPERIS, LOCO INDICIS,
in quo vtilitates libri succinctè enumerantur.

LLV D peculiare est auctori, quòd tertia parte chronica Polonorum adau-
xit, recuperauitq; historiam rerum ante aduentum Lechi gestarum in istis
regionibus per spacium quatuor monarchiarum, hætenus ab alijs auctori-
bus omisam suppressamq;. Recuperatam autem esse hanc scias ex Hebrai-
cis, Chaldaicis, Aegyptiorum, & Latinis historicis: Ex sacro codice videlicet, ex Be-
roso, Manetone, Metasthene, Herodoto, Xenophonte, Thucydide auctoribus aureæ
ætati vicinioribus: & ex Diodoro Siculo, Polybio, Iosepho, Cornelio Tacito, Plinio
Dione, Iornande, Procopio, &c. Ex poetis, Homero, Vergilio, Ouidio, & alijs po-
sterioribus probatissimis auctoribus. Hæc tractantur libro primo, secundo, tertio, &
quarto.

II. De vera origine Gotthorum, Vandalorum, qui cum essent propriè stirpis Sar-
matarum, primi vlti sunt iniuriam totius orbis terrarum de victoribus Romanis, &
ab his verissimè depressio Romani imperij incepta fuit, ferè ante 1200. annos: de qua
Blondus. Habentur hæc fol. 143. 145.

III. De limitibus veteris Sarmatiæ temporibus Cyri, Darij, Alexandri Mag. Au-
gusti, Constantini Mag. cognitio digna nobili Polono & ipso Polonia Monarcha.
fol. 93. 96. 110. Et de vera origine Polonorum, & quòd non aduenæ fuerint, nec in qui-
lini in terra aliena, licet Lechus ad eos venerit à meridie, non ab aquilonari parte, fol.
169. Et quòd hæc terra iam tunc habitata, non deserta fuerit, fol. 169. 185. Nec inops
signati auri & argenti, fol. 171. 303. Nec barbara, fol. 121. Vrbes habuit & arces, fol.
160. satisq; cōmodè habitauit, vt ex Cosmographorum tabulis clarè liquet, quorum
descriptiones certiores sunt, fueruntq; semper annotationibus historicorum. fol. 2.
chorographiæ. Hæ & aliæ inueteratæ opiniones pugnantes tamen cum superioribus
propositionibus vt falsæ & erroneæ confutantur. Sicut enim pertinebant ad infamiam
nostrarum gentium, sic confictæ fuerunt ab ijs, qui decora nostra & res gestas suis ada-
ptare, & nostris adimere conati sunt, fol. 169. Ibidem discursus, vt vocant, qua ratione
apud nos possent esse tam celebres, & tam frequentes vrbes, vt apud Gallos, & Italos,
si id ratio constitutæ Reipub. nostræ pateretur.

III. Opinio item noxia de veteri Germania ad Tanaim & Pontum, fol. 170. &
de Transylvanis Saxonibus, quos reliquias Gotthicæ stirpis per errorem quidam fa-
bulantur, refutatur. testè enim quidā victorias Gotthorum suis adscribunt, fol. 64. 65.

V. Quòd non ad Istulam terminabatur olim Germania 993. 95. Nec Germani
hic habitarunt ante Constantini Magni tempora ad ripas Istulæ, vbi est vmbilicus
Maioris, Minorisq; Poloniæ, vt plerique etiam ex nostris litteris mandarunt: sed ma-
ximæ Gentes Venedæ (stirpis Sarmatiæ) verba sunt Ptolomæi, & post eum Proco-
pii. Imo tota antiquitas non modò ita sensit ac scripsit, sed etiam spectandum tabulis,
figurisq; in ipsos oculos incurrētib. exhibuit, fol. 153. Vide & in chorographia nostra.

VI. Occasio controuersiæ inter Pontifices & Imperatores Romanos orta de pri-
matu, quæ potissimum inualuerat sub quinque Imperatoribus: Carolo Magno, fol.
195. Orhone Magno, fol. 215. 280 Henrycho Quarto, fol. 233. 239. Fridericho Se-
cundo, fol. 276. Ludouico Bauaro: id quod temporibus Locticonis debet adscribi.
Istis temporibus Reges Poloniæ ex Gibelinis facti sunt Guelphi. Absque autem hu-
ius historiæ exacta cognitione historia Polonica de Coronæ acquisitione, & coronæ
ademptione, eiusdemq; recuperatione, & alijs sexcentis rebus nullatenus intelligi po-
test. Ideo per occasiones tractatio huius rei hic breuiter inseritur.


VII. Cur ab Imperatoribus potissimum Chobrius Rex coronari & axioma re-
gium petere voluit. Contrà, quæ causa Pontificem Gregorium septimum impulerit,
ad abrogandam ei coronam, fol. 226. 233. 276. Commentum Schafneburgensis de tri-
butis, & lapsus Guagnini, quasi olim Polonia Imperio seruierit, & tributum pepen-
derit, confutatur, fol. 135.

Merita

VIII. Merita nostrarum Gentium peculiaria erga Rempub. Christianam commemorantur, declaranturq; fol. 388. & de quinque regnis institutis anteducetos annos in ijs regionibus, qua sese extendunt fines domini Regum Poloniæ, fol. 388. 248. Compendium historiæ Lituanicæ, & collatio ad illustrandas res vtriusque gentis magnopere necessaria, & de Columnarum Centaurorūq; huc aduentu, fol. 285.

Adiecta est in calce libri tabula chorographica Sarmatiarum non inelegans, absq; qua vir consularis de finibus regundis, cum Succorum Rege, Moscho, Tartaro, & Valacho consilia agitare & pacta facere non poterit. Gloriari autem nobilem Polonum de latifundijs Sarmatici domini, nec interim nosse, qua sese longitudo eius & latitudo extendit, sub quo climate & parte cœli versetur habitemusq; nec nosse limitaneas metas patriæ suæ, quas nos Vroczyška vocamus: ignorare distantias locorum celebriorum, & portuum, vt Rigæ, Naruæ, Kaczibey, & Bielogrod: nec nosse fluminum ortus, vias Scythicas Schliag vocatus, cum turpetum incommodum planè est. Nam nec historia patria, nec acta Postouienſia nouissima cum Moscho intelligi, nec accessiones Velitii, Liuoniæ, & aliorum territoriorum superioribus bellis partorum percipi possunt, absque adminiculo huius typi, in quo effigendo oculi mei cæcutire & caligine obduci cœperunt: Sed vobis Illustres & Mag. Domini Senatores, vestræq; fidei & discretionis, vt vocant, labores meos, & sumptus, quos in bonū Reipub. nostræ suscepi, prouocatus litteris Regiæ Maiest. & inuitatus priuatim à multis vestrum, humillimè commendo, & offero. Vtq; statim vsus huius historiæ cerni possit, Campiductoria ars addi debet: quæ vbi quæri & inueniri debeat, inferiùs monstrabitur.





ANNALES POLO-
NORVM, QVIBVS AV-
GMENTA ET DECREMEN-
TA REGNI: MUTATIONES ITEM ET
PROGRESSIONES GENTIS EXPLICANTVR.

Liber primus.

*In quo ea quæ acta sunt cum conditoribus Slauonicorum
populorum ab Asarmoth (à quo Sarmatæ) usque ad Ale-
xandri Magni tempora traduntur.*

De temporibus diuisionis gen-
tium sub Principe Pelek & Asarmoth.

Anno ab orbe condito 1790.

Anno à diluuiio, quo diuisio gentium facta est 133.

Anno ante Christi domini aduentum fere 2210.

VIDENTVR illi bono consilio vti, qui conscriptu-
ri gentium res gestas, primò originem earum inuesti-
gant, antequam ad vteriora progrediuntur. Nam stir-
pe & origine, vnde prodiit quæque gens, malè inuesti-
gata, necesse est historiam tota via aberrare. Ego ta-
men ne scrupulosa disputatione in ipso limine, lectoris delicatas
aures præfationibus longis, & non rarò lectori molestis offendam,
eam tractationem in alium locum commodiorem reiicio. Inte-
rim ne suspensum animo lectorem diutius teneam, in tanta varie-
tate opinionum, dum nos alii his, alii aliis gentibus, vt adscripti-
tios accommodant, nil tutius esse iudico, quàm postposita pompo-
sa illa & fastuosa natalium suorum à diis deabusque iactatione, sc-
qui diuinorum oraculorum testimonia longè verissima. Tradunt
autem scripturæ sacræ diuinitus inspiratæ, tres fuisse filios Noë,
Sem, Chamum, & Iaphet. Iapheto quidem tanquam minimo natu
patria ipsa celsit, hoc est, cum Asia minore Armeniæ montes, qui

*Gentium origi-
nes ex sacris li-
teris petende.*

A post mille

2 ANNALIVM POLONO.

post mille pericula, quæ toto propemodum anno periclitando in vndis experti sunt, primum hospitium & recreationem eis præbuere. Adhæc omnes insulæ Epeiri, Chersonesi, Cyclades, Sporades, Symplegades, & quibus tandem vocentur nominibus, per quas Italia & Græcia cum vicinioribus regionibus intelligenda est, quod & illæ similitudinem insularum referunt: adiecta insuper Asiæ septentrionali parte, quæ supra Meothidem iacet, & dominio mediterranei maris.

Cham accepit pro se & pro posteritate sua meridionalem plagam, in qua Africa cum vicinioribus regionibus Babylonem versus intelligenda est.

Semo celsit Asiæ maioris reliquum, hoc est, omnia campestria à Messa monte (siue Moschinos, siue Mæsiæ montes mediterrancos intelligas) quæ quasi spina dorsi totam carinam corporis, Asiam & Europam per medium, ab ortu ad occasum usque diuidunt. Atque hoc fundamento posito non possumus scriptoribus plerisque Germanorum assentiri, qui gentem Sarmaticam cum Germanica, Tuisconem suam cum Asarmoth cōminiscent, & has gentes, ut appendices Germaniæ faciunt, cum lingua, moribus, vestitu denique prorsus à se differant. Expressè autem Moses dicit non semel sed ter repetendo, quod Deus diuisit cunctas nationes secundum linguas & familias suas. Non possum etiā cum Dlugosio Hageco Boemo Illyriis eos substernere ac coniungere, ac neque ex Ionia & Paphlagonia in Europam per Henetos deducere, nisi prius de terminis temporum, & aliis quibusdam circumstantiis inter nos conueniat. Distinxit ergo & dislimitauit diuina scriptura humanum genus, regionesque à regionibus dispescuit, & quid ad quas gentes pertineat, non modò verbis geographicè ad morem Ptolomæi depinxit, sed etiam signis quibusdam vnum ab alio determinauit & distinxit. Hinc rupes ab architecto mundi fabricatæ sunt, montes, valles, maria, flumina, solitudines, syluæ, quibus veluti aues in ornitoboscio parietibus & macterie interseptæ nidificarēt, ne gens gentem, natio nationem, armis, bello, tam facile lacefferet, sed quælibet in suo nido, veluti illa fera animalia in arca Noë concamerata sese contineret. Et hic est vsus alpium, montium, paludum. Adeò verum est philosophi dictum: Deus & natura nihil agunt frustra. Sed quid? profuit ne nobis auctoris mundi consilium? Nequaquam: Ruimus in vetita, cupimusque negata. Aspice quæso, alpes, montes, lunæ montes Pyrenæos, aut hunc nostrum Carpatum, qui nobis impendet, quibus veluti signis incurrentibus in oculos, Italiam à Germania, & alias nationes disgregauit, non

*vs. fluminum,
aliorum, & syl-
varum.*

uit, non tamen hæc profuere. Transcenduntur turratæ rupes, superantur linitibus & nauigiis flumina, & maris vastitates fulcantur, penetrantur sylvæ & immensæ solitudines, & alter alterum ferro ac igni persequitur, mouentur bellorum tumultus exitiosi, & alter alterum veluti anser anserem per cancellū impetit, suggillat. Hinc ilias malorum, hinc lites, hinc bella parantur, & periclitando armis vario Marte dubium laudis decus queritur. Sed omiſſa deplo- ratione calamitatum generis humani, ad nostram historiam reuer- tamur. Reliquit ergo Cham successores suos, reliquit Iaphet, reli- quit etiam Sem posteritatem veluti municipes portionis suæ, Pe- lek & Iactanum. Ac per Pelek quidem Principem, sub quo diuisio gentium facta est, benedicti seminis Meſſie stirpem enumerant di- uini scriptores. Ab Iactan verò cum alii tum progenitor Sarmata- rum Afarmoth descendit. Nec ego video quo pacto se Europei Sarmatæ ab Asiaticis & utriusque à necessitudine patriarchæ huius homonymi Afarmoth ſeiungere debeant, & si illi cum pro cōdito- re & autore suæ gentis agnoscant, nostri qualiter eis renuncient non reperio. Sed de hac re paulò inferius. Fuerunt ergo statim à primordiis rerum Sarmatæ, in istis, quas nunc incolunt regionib⁹, nec in aliorum sedes irruerunt, & alios inde vi hæredes eiecerunt, nec se quoque à quoquam eiici paſſi sunt. Interim quæ ex Ptolomæo & Tacito de Henetorum huc ex Asia cō migratione quidam adierunt non repudio, ut suo loco latius hac de re differetur, quin potius mysterium illud diuini vatis ~~mecum~~ reuerenter recogito, qui prophetico spiritu fore prædixit, ut aliquando Iaphet mansu- rus sit in tabernaculis Sem. Cum igitur Henetorū maxima gens veniens, magna spacia inter Boryſtenem & Istrum habitare cœpe- rit, magnamq; Europæ partem occuparit, ut Ptolomæus & Pro- copius testantur, reipsa comprobatum est, quod antea multis secu- lis prædictum fuit, Iaphet in tabernaculis Sem habitaturum, id est Henetos in Sarmatarum regionibus. Hæc mihi originis ratio *Commentitiæ gentium origi- nes.* simplicior & magis natiua videtur, quàm fabulosis & eumentis ti- tulus se ornare. Cuius commenti finis & exitus huc recidit, ut de- lecta fabulofitate narrationis turpiter & cum rubore assertam ſen- tentiam deferere, & apatores, id est, sine certo patre & propagato- re gentis remanere neceſſe ſit.

Hæc generatim dicta sunt: quod si quis rem ad calculum re- uocet, & ad particularia descendere velit, hac via mecum proce- dat. Inprimis ad sacra Biblia recurrat. Postea ad Babylonicam hi- storiam, quam se Berofus sacerdos Babylonijs publica fide & ſen- tentia ſenatus conſcripiſſe fatetur, deueniat. Iſtis duobus teſtibus

mundus nihil habet antiquius, quo res suas fulciat. Ex his duobus fontibus Diodorus Siculus, Philo, Iosephus, Eusebius, & cæteri posteriores omnes hauserunt. Quanquam autem historiam Babyloniam cum historia sacra non conféro, tamen cum Iosepho historico, inter scriptores prophanos priorem ei locum hac in re tribuendum censeo.

Primum argumentum, quo demonstratur, Sarmatas esse gentem peculiarem, ex Gene. cap. 10.

Quod igitur ad Mosem attinet, is primò ponit Noë, secundò Sem, tertio Arphaxat, quartò Selach, cuius filius est Eber, & mox addit: Ipsi quoque Eber nati sunt duo filii, nomen vnus Peleg, quia in diebus eius diuisa est terra. Hebraice sic: פֶּלֶג כִּי בַיָּמָיו נִגְלְתָה הָאָרֶץ. Et nomen fratris eius Ioctan, qui genuit Elmodat & Saleph & Asarmoth. Et mox eodem capite decimo. Isti sunt filii Sem, secundum familias suas, secundum linguas suas in terris suis, in gentibus suis. Istæ itaque sunt familiæ filiorum Noë per generationes suas in gentibus suis, in terra, post diluuium. Primum itaque argumentum quo probatur, Sarmatas gentem esse peculiarem, & nequaquam aliarum veluti appendicem quandam, verissimè petitur à diuisione linguarum. Nam si singulis linguis attribuitur suus Patriarcha, quomodo lingua Sarmatica aut Slauonica proprio Patriarcha destituetur vnde sit propagata? cum sit lingua copiosissima, & in tot dialectos scindatur. Manifestè autem hîc affirmat scriptura diuinitus inspirata, non semel sed ter in vno capite, diuisionem illam gentium secundum numerum linguarum factam fuisse, quæ linguæ septuaginta numerantur.

Secundum argumentum, ex Deut. 32.

Memento dierum seculi, intellige annos generationis, interroga patrem tuum, & annuntiabit tibi. Quando diuidebat altissimus gentes, quando separabat filios Adam, statuit terminos populorum secundum numerum filiorum Israël. Ex hoc loco, secundum argumentum assumitur. Nam si illa fatalis diuisio gentium, facta est secundum numerum filiorum Israël, vt hîc aperte dicitur, ab Asarmoth, Sarmatas deriuare necesse est. Nam si Iauan Iones, Tubal Hispanos, Tuiscon Tudescones Germanos, Gomer Cymbros condidit, quomodo Sarmatarum origo ad Asarmoth referenda non erit? Si inquam hoc argumentum, Græcis, Germanis, Hispanis & aliis nationibus seruit, quid causæ est, vt etiam Sarmaticis populis seruire non debeat? Præsertim cum historia Babylonica etiam Sarma-

etiam Sarmaticorum populorum historiam complectatur, vt mox clarius patebit.

Tertium argumentum ex Act. 17.

Nec manibus humanis colitur Deus indigens aliquo, cum ipse det omnibus vitam & halitum & omnia: fecitque ex vno sanguine omne genus humanum, vt inhabitaret per vniuersam superficiem terræ, definitis temporum opportunitatibus, quæ præstituit, & positis finibus habitationis eorum. Inde tertium argumentum sumere licet, nempe à limitum & finium durabilitate, quibus semel ab initio circumuallatæ sunt nationes in suis territoriis: ideo addit, finibus habitationis eorum. Inhabitare fecit, inquit, genus humanum per vniuersam superficiem terræ. Quæ verba prorsus ab Apostolo deprompta esse videntur ex Mosis Deuteronomio superius adducto, vbi dicit: Quando separabat filios Adam, statuit terminos populorum, secundum numerum filiorum Israël, ita vt illa descriptio finium cuiuslibet regni in Strabone, Ptolomæo & aliis vetustioribus ac recentioribus scriptoribus & cosmographis, non aliquo fortuito casu constare, sed diuinis oraculis firmata esse videatur & ob eam causam certa & inconuulsa esse debet. Nam sicut Babylonica historia Sarmatiam Europeam ad Tanaim extendit: ita postea Alexandri temporibus idem repetitum est, ac demum Augusti seculo, Traiani ac Theodosii, idem confirmatum esse reperitur, videlicet, quicquid est intra mare Sarmaticum ab occidente, & Meothidem, Tanaim, Pontumque Euxinum ab oriente, à meridie verò circumcirca montes Sarmaticos, id nomine Sarmatiæ censerī debere, vt luculentius inferius demonstrabitur, vbi peculiaris tractatio de finibus vetustis Sarmatiarum instituetur. Ac quod in laudem diuinæ prouidentiae in asserendis & tuendis finibus Sarmatiarum dictum est, hoc etiam de Italiæ, Germaniæ, Hispaniæ, Galliarum, aliarumque vetustarum nationum, dictum esse putemus, quas quantumvis Cæsarum vis ab animi impotentia profecta aliquoties conuellere tentauit, tamen Deus, qui est supremus regundarum finium magister & tutor, suum decretum incassum abire non est passus.

Nolo hic molestus esse lectori illa quæstione, Semne an Iaphet fuerit maior natus, vt plerique putant, ideo quod capite 10. & 21. dictum est: Ipsi quoque Sem natus est: etiam ipse est pater omnium filiorum Eber, frater Iaphet maior. Sed alia versio magis probatur eò quod clarius hunc nodum soluit, inquiens: De Sem quoque nati sunt, patre omnium filiorum Heber, fratre Iapheti maiore: Et

Annotatio vtilis de filiis Noë

scriptura ter quaterue eo ordine eos enumerat, proinde & eodem ordine nati esse credantur. Quod autem Moses primam sortem Iapheto tribuit, trahunt hoc quidam, & non ineptè ad comprobendam & illustrandam illam ciuilem legem: Maior diuidat, minor eligat.

Sic & illud quod eidem Iaphet celsit patrium solum, montes inquam Armeniæ, qui eis post diluuii incommoditates primum hospitium præbuere, eò detorquent, vt herciscundis filiis familiæ, minimo natu patrium habitaculum debeatur. Maiores enim propter maiorem ætatem magis prouidi esse solent, iuniores autem, vt imbecilliores non item.

Per Babel intelligunt Babylonem, sed epitheton ei additur Sinear, ad differentiam alterius Babylonis quæ in Aegypto fuit. Per Sephar montem Indiæ intelligunt. Per Mes optimè possunt intelligi montes Sarmatici, eò quod Nyssiis adiacent, & totam Europam per medium secant, quibus si addas Parthicos & Emodios montes, videbis quasi cingulum, quod totam habitabilem per medium ambiens cingit. Sed iam posito totius operis solido fundamento ex diuinis oraculis, ad Babylonicam historiam descendam.

De temporib. Seba, Nimrod,

viuente adhuc principe Asarmoth.

Anno mundi 1810.

Anno à diluuiio 157.

Anno à diuisione gentium ad Babel 25.

Anno ante aduentum Christi domini 2190.

IN AM ab eo anno historia Babylonica mentionem Sarmatarum facere incipit, dicitque à Tuiscone Sarmatas maximos populos fuisse fundatos. Quia autem & Moschi Sarmatæ Riphæi in eadem historia Babylonica vocantur, & eadem lingua vtuntur, etiam initia regni eorum in idem tempus reiecit, ita vt duo simul Patriarchæ, quasi ex condicito, vnius domini fundamenta iecisse videantur. Ita enim dicit: Moschus dux missus ab eodem Saturno, fundat Moschicum regnum. Duplicis autem Moschouæ meminit, Asiaticæ & Europæ sicut & Sarmatiæ. Omitto disputationem illam, quomodo Moschi in septemtrionem conferint, cum antea in Capadocia vicina Paphlagonibus nostris Hænetis, rāquam gens consimilis lingue habitationem sibi delegerit, ibique urbem à suo nomine appellarit, quæ vsque ad Claudii tempora Mazaca vocabatur. Ille enim tractus passim tum lingua Slavonica tam in

Moschi Sarmate.

LIBER I.

7

uonica tam in Capadocia quam in Paphlagonia utebatur. Tandem
 Claudius hanc urbem Cæsaream vocauit, sed Iulianus apostata hoc
 cognomen eidem postea abrogauit. Hæc de initiis regni Sarmati-
 ci dixisse sufficeret, nisi plerique scriptores Germanici ad ampli-
 ficandam supra modum gloriam sui Tuisconis abuterentur loco ci-
 tato Berosi, ideo hic submonendum lectorem putauit, nomen Ger-
 mania, Scythia & Sarmatia, apud scriptores latissimè & largè pa-
 tere, ita ut aliquando nomen Sarmatia transeat usque ad Germa-
 nos ad Rhenum habitantes, unde à Beroso expressè Rheni Sarmat-
 ia, illi incolæ ad Rhenum vocantur. Et Plinius Scytharum nomen
 in Sarmatas usque & Germanos cadere affirmat. Quæ igitur Bero-
 sus de fundatione regni Sarmatici à Tuscone attulit, cautè sunt ac-
 cipienda. Alioqui si quis Berosi phrasim vrget, nos vicissim ei di-
 uina oracula opponimus, quæ expressè reiiciunt confusionem ori-
 ginis nationum, & asserunt diuisionem gentium secundum nume-
 rum linguarum & patrum illorum factum fuisse, ita ut singulae gen-
 tes à singulis patriarchis deriuentur. Nec video, quo pacto facta te-
 cta Berosi authoritas permaneat, nisi tropicè eum per catachresin
 quandam Germaniam, Sarmatiam vocasse fateamur. Ferè enim est
 vsitatum in omnibus linguis, vicinitatis ratione alteram pro alte-
 ra nominare nationem. Sic Germanos ad Rhenum multi Gallos
 vocauere, & vice versa. Et Sarmatas vocant Scythas, eò quòd vici-
 niæ ratione in quibusdam altera alteri communicet. Sic & nos Ra-
 domienses & Podlascios, Masouios vocare solemus, qui etsi Maso-
 uii non sint, tamen vicinæ ratione, eos solemus afficere hoc cogno-
 mine. Et cum eam appellationem indignius à nobis ferunt, per mo-
 dum cuiusdam urbanitatis solemus regerere non sine ioco: Etiam-
 si vestri, Masouii non sunt, tamen pro igne ad Masouios frequenter
 decurrere solent. Sic & Russos, Lublinenses subinde vocari nomi-
 mus. Sed & in conciliis oecumenicis generalibusq; hoc idem usu
 venit, sicut in illo Constantiensi & Basiliensi aliàs seruatum esse ex
 actis conciliorum patet, ubi in ferendis sententiis Germanicæ na-
 tionis Episcopi cum Polonicis iungebantur, ut quicquid illi refer-
 rent, id dictum esse Germanorum nomine putaretur. Hæc dicta sint
 de catachresi illa, qua Berosium usum esse etiam aliis in locis mani-
 festum est. Et Ptolomæus montes, qui cingunt Germaniam ad Da-
 nubium Sarmaticos simili ratione vocauit. Affirmant alii Chalda-
 o homini non fuisse septemtrionem cognitum, aut malè versum,
 aut ab aliquo adulteratum, ut non raro accidere historicis, exem-
 plo Eutropii, Iornandis & ipsorum etiam Euangelistarum proba-
 ri potest, quos Erasmus Roterodamus aliquib. in locis corruptos
 esse conqueritur,

esse conqueritur, quod si ne hac quidem solutione contentus esse aliquis velit, ei priuilegium illud diuinum diuisionis vniuersæ habitabilis trium fratrum opponimus. Quod si ne scripturæ quidem testimoniis stare velit, mirari nos oportebit, eos qui aliàs scripturæ auctoritatem aliis scriptorib. iure anteponunt, in ea causâ ubi de prærogatiuis nationum agitur, scripturæ auctoritati sententiam Berosi præferre. Sed nos clarissimæ genti ornamenta & quæuis præconia libenter fauimus, modò Berosus sobriè intelligatur. Nam non desunt alii, qui quidem priuilegii istius, vtpotè à Deo lati auctoritatem agnoscunt, sed tamen per tyrannidem patres quosdam multa sibi permisisse prætendunt, ex quib. habetur illud, quod Tuiskon præsumpserit Sarmatarum regnum sibi vendicare. At priuilegii istius ea vis est & verborum sensus, vt Deus in eo expresserit non modò quid fieri vellet, sed etiam quid deinceps in sequentibus ætatibus accidere debuit fatidico spiritu prædixerit. Cuius prædictionis inuariabile decretum si in dubium vocatur, & reliquarum quoque prophetiarum, quæ in Bibliis extant non reperio quo pacto certitudo constare possit. Adde quod illa ipsa historia Berosi nequaquam absolutum dominium Tuiskoni vendicat, quin immo eum Iani seruituti obnoxium facit, eumq; ad occidentem ab ipso missum esse prædicat, quò ibi ipsius permissu auspicaretur regnum. Viciniores autem sunt multò Sarmatæ Ioniæ, ubi Ianus sedem habuisse prædicatur, quàm ipsi Germani. Maluisset igitur Ianus eos suo imperio subiicere, si quid in eos iuris habuisset, quàm occidentem versus nescio cuius alterius dominio ipsos implicare. Sed si de reb⁹ tam vetustis licet liberè loqui, Ianus ius domini non potuit alteri resignare, ubi ipse ne ad plantam quidem pedis possessionem habuerit.

De temporibus Nahor & Iani.

Anno à mundi creatione 1896.

Anno à diluuiò 240.

Anno à diuisione gentium 108.

ITERVM eadem historia Babylonica Sarmatiæ Europæ mentionem facit his verbis: Araxa cum filio Scythæ paulò ante creato omnium gentium Sagarum rege Sabatio Saga, ipse occupauit omnem partem occidentalem ab Armenia vsque in Sarmatiam Europæam &c. Vnde liquet Beroso Asiaticam Sarmatiam notissimam fuisse. Quia ad differentiam huius vocat Sarmatiam Europæam. Hæc ideo addo, quod quidam auctoritatem huius

An Beroso nota
fuerit Sarmati
a Asiatica.

ratem huius scriptoris hoc nomine cōuellere nituntur, quasi fines
 Europeæ Sarmatiæ ponendo ad Tanaim, ignorarit Asiaticos Sar-
 matas. Massagetarum etiam, qui à Myfiis & Getis Sarmaticis po-
 pulis dicuntur, in id tempus origo reiicitur.

*De Massage-
 tarū origine.*

De temporibus Nini, Beli filii qui fuit tertius Rex Assyriorum.

Anno ab orbe condito 1910.

Anno à diluuio, 258.

Anno ante Christum 2090.

TERTIO iam & quidem magis significanter Sarmatarum
 mentionem facit historia Babylonica. Tuiscon, inquit, &
 Gygas Sarmatas legibus format apud Rhenum: & addit: &
 id ipsum agit Tubal apud Celtiberos & Sarmothas apud Celtas
 &c. Apparet hinc ante politiam Mosis apud Germanos, Gallos,
 Hispanos, leges fuisse politicas promulgatas. Sed quærerem hic:
 Quid opus erat Sarmatis ad Tuisconem & quidē Gygantem pro-
 ficisci, petitem leges, cum Sarmatia Europea propior fuerit mul-
 tō Græcis, ubi Ianus regnabat, cui ipse Tuiscon subiectus fuit. Nā
 Berosus apertè dicit, Tuisconem à Iano in eas oras fuisse missum,
 ut veluti Vassallus quidam Iani fuisse videatur. Quod autem Sar-
 matae littus Ponti tum inhabitarent, eiusq; domini possessores fue-
 rint, ex sequentibus liquet. Dicit enim: Barzanem Sabatii filium
 regnasse usque ad Sarmaticum Ponti littus. Vnde euincitur illo
 tempore sicuti mare ad ostia Istulæ, occidentem versus, ita ad ori-
 entem, Euxinum Pontum mare Sarmaticum simili ratione vocari
 solitum fuisse, sicuti & Ouidius vocare solet. Quo fundamento po-
 sito inuitabiliter concluditur: quicquid intra hæc duo maria est,
 id veteribus Sarmatiæ nomine dici. Sed quid maria dicimus? cum
 etiam hîc & incolæ Rheni Sarmatae vocentur a Beroso, quos ille
 legib. assuefaciebat. Quod autem eò loci Sarmatas illos, Scythas
 nonnulli recetiores vocant, istud in Beroso non habetur. Nisi for-
 tē iuxta Plinii phrasim, etiam in Germanos, Scytharum nomen
 cadere putemus. Nam diligentius excutienti monumenta vete-
 rum liquet, in triplici potissimum significato nomen Sarmatarum
 accipi. Primò Riphæos Sarmatas vocabant, ubi nunc Moschouia
 est: qui autē Germanis permisti erant, illi Rheni Sarmatarum no-
 mine censebantur. Porro qui in meditullio habitabant, nimirum
 inter vtramq; Sarmatiam & montes Sarmaticos, illi absolutè Sar-
 matae voca-

*Triplex Sar-
 matiarum si-
 gnificatio.*

mata vocabantur. Informabat igitur legibus Tuiscon suos Germanos, non homines nostros. Nam Germanorum politia toto cœlo differt à politia nostrarum gentium, quæ Lacedæmoniorum politia similior est. Quod autem quidam, appellationes illas oppidanorum ad Margemburgum, quæ patrum nostrorum memoria abolitæ sunt, ad confirmandam Tuisconis in ferendis legibus, auctoritatem adducunt, id ridiculū est. Potius ergo putarim illum morem reliquum mansisse ex gubernatione veterum Polonorum, qui fines suos ad Albim vsque fluuium quondam extendebant, sicut à Dlugosso Miechouiēsi, & à D. Cromero euidentissimis documentis probatum est, & à nobis vberius infra probabitur. Cōtigerunt autem hæc, quæ dicta sunt de legislatione Tuisconis, ante Abrahamum natum, propemodum 40. annis, quando Germani adhuc rudēs erant, & ad erudiendum alios minus apti, vt Strabo de eis testatur libro 7.

De temporibus Abrahæ.

Anno ab orbe condito 1964.

Anno à diluuiō 358.

Anno ante Christum 2036.

QUARTO, sit præterea alia mentio Sarmatarum in Beroso his verbis: Anno 6. Semiramidis, apud Rheni Sarmatas regnauit filius Tuisconis Mannus, & apud Ianigenas Razennos, Vesta vxor Iani sempiternum ignem custodiendum tradidit, &c. Ex Diodoro Siculo transferantur huc de regno Semiramidis Reginae Assyriorum, quomodo iis temporibus floruit, & quibus modis ad regni fastigium peruenerit. Fuit hæc vxor Nini Regis, foemina magni nominis. Et videtur seculum illud occulto fidere foeminis fauisse. Nam eodem tempore Isis illa regina Aegypti, quæ postea Osiridi nupsit, famam suam mirabilibus auxerat factis. Testatur hoc, Epitaphium ipsius, cuius Diodorus Siculus meminit: Ego, inquit, sum Isis regina Aegypti à Mercurio crudita: quæ ego legibus statui, nullus soluet: ego sum vxor Osiridis: ego sum prima frugum inuentrix: ego sum Osiri regis mater: ego sum in astro canis refulgens: mihi Bustia vrbs condita est, gaude gaude Aegypte, quæ me nutris. Addendum etiam hîc putauim, quæ afferuntur de antiquitate & celebritate duarum urbium in Europa, Treuiri & Tigurinorum vrbe, vt facilius intelligi possit, quis tum status Europæ fuerit, & quàm habitabilis. Marianus Scotus, qui Fuldæ floruit circa annum domini 1060. in Chronicis suis ad annum Abrahæ

semiramidis
regnum.

De antiquitate
duarum urbium
Europæ Tre-
uiri inquam
& Tigurino-
rum.

num Abrahæ 16. hæc ad verbum annotauit: Hoc anno Trebeta filius Nini à Semiramide expulsus ex regno, Treuirim condidit, urbem in Gallia, ante Romam conditam annis 1150. Reliqua de Treuiri & Tigurinorum vrbe ex quodam Germanico scriptore adiiciam. Tigurinæ vrbis Chronica vetustissima perhibet, primis illis seculis Treuironum urbem, Tigurinorum arcem ac ciuitatem vocauisse & agnouisse sororem. Etenim testantur, 30. annis à Treuironum vrbe condita, & quidem Abrahæ temporibus extructam esse, à Principe quodam istius tractus Thurico, in colle ad Limagum fluuium, vbi è vicino euoluitur lacu, arcem insignem & munitam, quæ à conditore dicta sit, Thuricensis, & Thuricum castrum. Populos certè eius tractus constat ex historiis & geographis, temporibus vetustissimis Tigurinos fuisse. Vnde postea ipsa ciuitas ad arcem extructa, & Thuricensis ab arce, & Thuregum denique & Tigurum, vtpote quæ Tigurinorum erat metropolis, est appellata, Germanicè verò dicta Zurich, voce à Thurico, (quem Thurich etiam nominare possis) modicè deflexa. Itaque iuxta Mariani supputationem, Thuricensis arx ante extructam Romam condita esset annis 1220 aut circiter. Ante natum Christum circiter annis 1975.

De temporibus Semiramidis.

Anno ab orbe condito 2000.

Anno à diluuiio 341.

Anno ante Christum 2000.

Hic Chronologi, primæ ætatis à condito orbe, finem faciunt. Iam enim 2000 anni sunt præterlapsi. Circa hæc tempora Noach exantlatis laboribus multis, visa iniquitate seculi, quod præcessit diluuium, satiatusque formidine, pauore & periculis, quæ ipsi euenerunt, periclitanti in diluuiio, vitam cum morte commutauit. Hoc etiam tempore Osyris rex Aegyptiorum cum sorore adolescentula inuenit aratrum & artem agriculturæ, quam per vniuersum propagauit orbē. Hæc vera esse inscriptio columnæ cuiusdam, in Aegypto inuentæ indicat: pater, inquit, est mihi Saturnus. Sum verò Osyris rex, qui vniuersum orbem in Indorum & vsque ad Istri fontes, & alias partes vsque ad Oceanum percurri, nec fuit in orbe locus, quò non peruaferim. Diodorus libro primo. Hic quidem expresse non fit mentio Sarmatiæ, sed quia Istri mentionem facit, additq; nullum locum in orbe reperiri, quo tunc non peruaferit ars illa agriculturæ, necessario inde elicitur,

Noah moritur.

Inuentio agriculturæ.

« Osyris.

«

«

B. 2 etiam in

etiam in has regiones hanc artem tunc introductam fuisse, quia Ister fuit limes Sarmatarum. Agnoscant igitur nostri & recognoscant, beneficium se accepisse à meridionalibus populis, quod inde ad eos propagata est scientia agriculturæ. Sed vicissim meridionales acceptam ferre debent, septentrionalibus scientiam curulem. Tradunt enim, quod Gomerus superiori seculo docuit suos Italos castra vel urbem ex curribus componere. Et idcirco urbs in Italia ab eis vey appellata est, vocabulo Sago, qui, veias plaustrum appellant. Notum est autem, vocabulum vus currum sonare in lingua Sarmatica. Non ergo Gomerus ab alia natione castra metandi scientiam ex curribus, accepisse credendus est, quam à Sarmatis, qui hinc Scythæ catachresticè appellantur.

*De origine æconomiae et quæ ad ækonomiam pertinent,
expressè sic Diodorus.*

Osiris peragrandò vniuersum orbem docuit ea, quorum inuentor fuit, tauros domesticare ad aratrum, arare, serere, plantare vineas & vinum conficere, & cereuisiam, vites adiungere palis & putare, vt Poëta

*Vnciq; puer monstrator aratri
Prima Ceres ferro mortales scindere terram
Instituit &c.*

Deus Aegyptiorum bos.

Propter eam igitur subtilitatem ingenii, quod rex Aegypti dominationem bouum inuenit, bos Aegyptiis fuit sacratus & pro Deo cultus, quem apim vocauere. Cuius instituti æmulatione ducti Iudæi, cum in deserto essent, vitulum sibi conflauerunt, memoriale scilicet deorum Aegyptiorum, quos isthic manendo viderant & eis assueuerant.

De potu cereuisiæ.

Confectio Cereuisiæ Aegypti.

Orosius cereuisiæ Aegyptiacæ confectiõnem sic describit, vnde nostræ dissimilem fuisse constat. Vltimo inquit, omnes subito duabus portis eruperunt, larga prius potione vsi non vini, cuius ferax is locus non est, sed succo tritici per artem confecto, quem succum à calefaciendo coeliam vocant. Suscitatur enim illa ignea vis germinibus madefactæ frugis, ac deinde siccatur, & post in farinam redacta molli succo admiscetur, quo fermento sapor austeritatis adducitur. Qua de causa recitat scriptura sacra, ocium, saturitatem panis, vagas libidines hoc tempore in mundo maximè regnasse. Et eam saturitatem magno prouentu prodiisse existimandum est, quòd eo tempore primum agricultura & cultus vinearum inuentus fuit, vnde homines inpinguati & locupletati inolescere coeperunt.

LIBER I.

coeperunt. Hac etiam ætate regnavit Aralius apud Babylonios, apud Gallos Drius, à quo Druidæ illi sacerdotes instituti, apud nostros verò vicinos Tuiscones Hermion. Hac etiam ætate Amraphel ille Assyrius, floruit cum quo Abraham conflixit, Lotum vindicaturus Gene. 14. Hunc Amraphalem putant eo loci ZAMEIM NINIAM vocari à Berofo.

Postea Gyngæon, qui cum Sarrone Celtarum rege literarum studium, ad reprimendam hominum ferociam in parte occidua primus instituit: hic quidem Gallos, iste vero suos Tuisconas. Peleg etiam ille sub quo diuisio gentium facta fuit, hac ætate moritur cum esset annorum ducentorum triginta nouem.

De temporibus Iacob.

Anno à condito orbe 2110.

Anno à diluuiio 510.

Hæperitabat tum apud Babylonios Baleus Xerxes, id est triumphator: apud Tuiscones Marfus. Iam hîc definit historia Babylonica Sarmatarum meminisse expressè. Hoc tempore tribus in locis Italia arsisse dicitur, vnde de Phaëtonte fabula nata est, qui tum apud Ligures regnabat. Istis temporibus Iacob Patriarcha vixit & Iob, quem Deus laudat vehementer. Nonus rex Babylonis fuit Amatritus: decimus Belochus, quo tempore etiam Gambriuium apud Tuisconas regnasse fertur, qui à corona nomen Gambri habere dicitur. Primus enim hic inter reges Tuisconum coronatus esse dicitur. Vndecimus Babylonis rex Baleus: apud Tuisconas seu Germanos Sueuus. Nauium vsum tunc inuentum esse ad maria transfretanda prædicant. Sed Noë periclitatio tempore diluuii, antiquiorem fuisse arguit.

De temporibus duodecim patriarcharum.

ante Moysen centum annis, post mortem Iacob duodecim annis.

Anno à condito orbe 2269

Anno post diluuium 569

Anno ante Christum 1701

Hic quoque Sarmatarum nomen expressè non ponitur, sed tamen princeps eius stirpis Vandalus nomine commemoratur. Ab hoc quidam Germanici scriptores Slauonica gentis

cæ gentis nationes deducunt. Ex quibus quidam non postremus in hoc genere, ad eum modum scribit: Vandalus apud Tuisconas regnavit hoc tempore. Hinc Vandalorum gens, quæ lingua Slauonica vtitur, denominata est, ex quib. nunc multæ maximæq; gentes diuisæ sunt, Poloni, Boëmi, Slauoni, Croaci, Vandali ad Marchiam Brandeburgensem. Hæc ille, quæ si vera sunt, iam triplici modo stirps nostrarum gentium à Iaphet deduceretur. Primò per hunc Vandalum, quem ex Tuisconis posteritate esse volunt: & hoc ante Mosen euenit. Deinde per Paphlagonas, qui secuti sunt Antenorem post bellum Troianum. Tertiò per Alanum, quem dicunt nonnulli nostratium, primum ex Asia colonias deduxisse ad nostros homines, sed tempus eius rei non assignant.

At iam aliquoties monstratum est, hanc opinionem non posse cum scriptura consentire, quæ affirmat diuisionem gentium, factam esse secundum numerum patrum, nepotum Noë, & secundum numerum linguarum. Potius igitur dicemus, hunc Vandalum fuisse regem peregrinum, accersitum à Tuisconibus ex gente Sarmatica. Nam liquet ex Beroso, cum iam ad inclinationem spectaret regnum Tuisconum, peregrinos reges accersitos fuisse, idque iam ex Sarmatis, iam ex Græcis. Mox enim subiungit Marsum etiam, & Herculem ipsis imperitasse, quæ nomina indicant hos principes, Græcos fuisse, aut vtramque gentem Teutoncam & Sarmaticam alternatim, iam ex Teutonibus sibi reges delegisse, iam ex Sarmatis, ut ex æquo imperitare viderentur. Ad extremum propter dissidia ciuilia, Græcos extraneos accersuisse, quæ res postea regno eorum exitium & finem accelerauit. Nam Berossus statim post commemorationem istorum, historiam huius gentis texere desuit, tacite innuens ob exilitatem non fuisse dignos qui amplius enumerarentur.

Series principum Sarmatarum antiquissimorum. Huic enumerationi Tuisconicorum regum, opponunt scriptores rerum Polonicarum suum Catalogum priscorum regum Slauonicæ gentis: Philaram, inquam, Alanum, Anchisen, Pamphilum, Reasilinam & Alanum Secundum, quem primum ex Asia in Europam commigrasse ferunt, ut iam dictum est, eique quatuor filios fuisse ferunt, qui nomina gentibus certis dederunt, ita ut à Vandalo Vandalorum gens, à reliquis Russi, Bohemi cognominati sint. Sed quid sentiendum sit de hac traditione antiquorum, inferius lectorem, admonebimus.

De Sarmatis & eorum origine.

Dixi

Dixi de Sarmaticis rebus sparsim superius, nunc earum anacephaleosim faciam. Nullum est dubium populos nostros, ac omnes eos qui Slauonica lingua vtuntur, Sarmatas vocari a veteribus. Vocis autem etymon non eodem modo omnes deducunt. Quidam Sarmatam, ducem altitudinis exponunt, quia montium istorum altissimorum legitimus possessor statim ab initio fuerit, vel quia regiones septentrionales incoluerit, quibus Mathematici altitudinem supremam adscribunt. Alii viperinum aspectum ex Græco interpretantur. Græci enim non Sarmatas sed Sauromatas vocant, *σαῦρος* autem eis viperam significat, eo quod terrifico aspectu præditi erant, quodque perculerunt fortasse quondam metu & formidine belli Græcos homines. Sed Sauromatas verius dixerim vocari Asiaticos Sarmatas. Nam nostri homines iudicio omnium, nequaquam improbo aspectu præditi sunt, sicuti de Asiaticis populis vt plurimum id verum esse creditur. Originem autem Sarmatarum, ab Asarmoth deducere sacris literis compellimur. Sed & Iosephus gentium origines exemplo Moysis describens, affirmat singulas gentes è singulis Patriarchis cognomina suatrahare. Et postea latius hoc idem explicat, tempus originis earum statim ab illa fatali diuisione & dissipatione, quæ contigit ad turrim Babel, edifferens. Quæ si omnia simul conferantur, amplam materiam suppeditare possunt, encomia gentis nostræ canere volentibus. Nam si tempus spectes, temporibus aurei seculi Saturno scilicet apud Babylonios regnante orti sunt: si Patriarchæ dignitatem, ille ex stemmate Sem, maioris natu prodiit, per quem saluatoris genealogiam ducere spiritus sancti consilium fuit: si capacitatem & amplitudinem regionis, fluminum, & maris, portuumque multitudinem, certè commoditates tantæ reperiuntur in iis terris, vt cum omnibus præcipuis gentibus, certare posse videantur. Quod verò attinet ad cœli clementiam, certè vbi Polonia & Boëmia est, eam talem esse experimur, vt nec frigoribus supra modum intensis, nec caloribus Africanis obnoxia sit, sed mediocritate gaudet tali, qualem sibi & ad tuendam valetudinem, & voluptates concessas retinendas quispiam optare possit. Iam politiam si quis expendat, hæc non tam est ad delitias comparata, quàm ad eum finem, vt quàm diutissimè durare possit, habeatque semper militem exercitatum, durato corpore, agilem ad tractanda arma, non deliciis diffluentem, sed semper agrorum cultu & venationum sollicitudine ita assuefactum, vt tempore belli in ediam, labores militares, ferre possit. Fuerunt in mundo Monarchæ & domitores orbis, Cyrus, Darius, Alexander, postmodum Romani. Nullus tamen horum quicquam

*Etymon vocis
Asarmoth.*

Laus Sarmatarum à circumstantijs loci & temporis.

Nullus Imperator Sarmaticus dictus.

quicquam iuris vnquam habuit, in Sarmatiam, nullus est dictus Sarmaticus, sicuti à deuietis aliis gentibus non rarò sunt denominati. Vnde cognomina nata sunt, Asiaticus, Africanus & etiam Germanicus. Sarmaticum autem qui sese diceret, nunquam est inuentus. Rationem eius rei malo verbis Nasonis explicare, de Sarmatis Getisque ita dicentis:

*Maxima pars hominum nec te pulcherrima curat
Roma, nec Ausonii militis arma timet.*

Divisio & partes Sarmatarum.

Hæc ad laudem politiae Sarmatarum, quæ Lacedæmonum similima est, referantur. Interim fatemur, nullam politiam in mundo reperiri posse, quantumvis laudabilem, quæ careat suis næuis. Partes Sarmatarum, à regionibus & cognominibus, possunt enumerari.

Cromerus in Prolegomenis.

Sarmatæ Europei non sunt orti ab Asiaticis.

Nam alia est Sarmatia Asiatica, alia est Europæa. Rursus Europeanum alii fuerunt Rhæni Sarmatæ, vt Berolus vocat, alii Riphæi Sarmatæ, alii Tyrigetæ Sarmatæ, vt Ptolomeus vocat, alii Iaziges Sarmatæ, vt Strabo, alii Acarocantæ, qui in aula Cōstantini fulserunt. Alii Regii, forsan Mithridatis. Quanquā & antiquos Sarmatas reges habuisse suos, testantur scriptores nō obscuro vt infra patebit. Peculiariter autem quidam ex eis Sarmatæ absolutè absq; adfectione cognominis dicebantur. Qua ratione nostros, qui ad montes Sarmaticos habitabant vocatos non rarò reperias. Vtrum autem Asiatici à nostris an nostri ab Asiaticis orti sint, differit primarius scriptor Polonicæ historiæ. Et videtur in eam sententiam inclinare, vt credat nostros ab Asiaticis prodiisse. Et rationem eius rei adfert: quia inquit, omnes coloniae deductæ sunt ex Asia in reliquas orbis partes. Sed eius sententiæ reclamant Berosus, qui cum Tuiscone statim à primordiis eo delatas fuisse Sarmatas affirmat. Reclamat & Diodorus Siculus, qui asserit, ab Olbio quodam postea, temporibus videlicet Gedeonis, fundatam fuisse Asiaticam Sarmatiam. Vnde Ptolomæus Olbiæ mentionem facit in Sarmatia Asiatica.

Sarmatas non esse Germanos.

Sarmatas non esse Scythas.

Sarmatas non esse stirpis Germanorum, eruditè D. Cromerus demonstrat, & euidentissimis argumentis potest demonstrari ex Cornelio Tacito, ductis argumentis à moribus, vestitu, lingua, armis, legibus, politia, sicuti ex annotatione inferius patebit.

Sarmatas etiam non debere confundi cum Scythis, iisdem argumentis probari potest, ductis à moribus, vestitu, lingua, armis, legibus, politia & authoritatibus antiquitatis, finiumq; descriptione. Nam regiones à Tanai vsque ad Rhenum, Sarmatæ nō Scythæ possidebant, vt ex Beroso & aliis historicis, & Cosmographis liquet.

De tem-

LIBER I.
De temporibus Moſis. 17

Anno ab orbe condito 2375.

Anno à diluuiò 775.

Anno ante Chriſtum circiter 1625.

A Principe Pelek ſub quo diuiſio gentium facta eſt, ad Moſen uſque numerantur 628 anni. Intra hoc ſpaciũ temporis, iam genus humanum multiplicatum fuerat, & coloniæ in vniuerſum orbem deductæ. Iam Aegyptii auſpicati erant ſuum regnum. Iam Nimrod ille cœperat eſſe potens in terra, ieceratq; fundamēta vrbiſ & imperii Babylonici. Iam Zoroaſtres princeps ex ſtirpe Sem filii Noë maioris natu, non modò regnum Baſtrianorum ſibi ſtabilierat, ſed etiam Nino regi de finibus bellum mouerat. Huius principis mentionem libenter facio, non ea tantum de cauſa, quòd vicinus fuit noſtris gentilibus Sarmatiſ Aſiaticis, & de ſtemmate noſtri Patriarchæ Sem, ſed etiam quòd fuerit inter principes ætatiſ illius facilè princeps. Antiquior eſt hic Moſe, nam ſerè quadringentiſ annis præceſſit eum. Hic primus fuit Mathematicorum ſtudiorum inuentor & doctrinarum phyſicarum, vt autor eſt Plinius. Adde quod etiam Iapheti poſteritaſ iam regna ſua dilatauerat. Nam vt cæteros taceam, de Tuiſcone conditore gentiſ Germanicæ ferunt, quòd iam ad occidentem proceſſerat, & vrbeſ aliquot in Galliis & Germania excitatæ erant. Conſimilia Beroſuſ ſcriptor peruetuſtuſ de Sarmatiſ Poloniæ inhabitatoribuſ prodidit, quòd iam eodem ipſo tempore occidentem verſuſ progreſſi erant, fineſq; regni ſui incipientes à flumine Tanai, Rhenum verſuſ extenderant. Sed de Beroſo, eiꝰque deſcriptionibuſ Germaniæ pariterq; Sarmatiæ infra luculentiuſ ſuo loco dicetur. Diuini Moſiſ teſtimonium ea de re, meritò nobiſ maioris authoritatiſ quàm cuiuſquam alteriuſ eſſe debet. Cùm enim iſ nominet nepoteſ Noë, illoſ inquam heroeſ antiquoſ Heber, Miſraim, Nimrod, & alioſ, id ita intelligendum eſt, ac ſi nominaret regna ac populoſ qui ab eiſ iam deriuati & propagati erant, & hoc potiſſimuſ intelligi velim de regniſ, populisq; homonymiſ patronimiſq; ſeu quæ nominibuſ ſuiſ referunt reſonantq; Patriarcharum ſuorũ appellationeſ. Cum enim enumeraret filioſ ipſoſ, & nepoteſ ſinguloſ ſecunduſ cognationeſ ſuaſ, concludit: ab iſtiſ, inquit, diuiſæ ſunt genteſ in terra poſt diluuiũ. Quæ, inquam verba cogunt omnino lectorem, vt ſicuti Aſſyrii ab Aſſur, Chananæi à Chanaan, Ioneſ à Ianan, Tudecoſ, id eſt, Germani ab Aſcha-

Zoroaſtres.

Genef. 11.

Deute. 32.

Actor. 17.

ab Ascanetz appellantur, ita Sarmatas ab Asarmoth dictos esse fateatur, & habuisse incrementum regni sui iam ante Mosē, illo inquam interstitio temporis, à diuisione gentium vsque ad Mosē. Neque enim Mosēs ita de iis gentibus locutus est, quasi antea fuissent, postea autem esse desierint, sed quarum antea ita durabiliter iacta erant fundamenta vt ad eius vsq; ætatem pertigerint, quæque erant ita conspicuæ, vt à quouis demonstrari digito possent. Et hoc præcipuè de Sarmatis intelligendum est, quorum & ante Mosē statim Berofus, & post Mosē Mantanes Aegyptius historiam complexus est. Atque ita iam habemus historiam continuatam de regno Sarmatico ab ipsa diuisione gentium vsque ad Mosē per annos septingentos & aliquot, qua etiam si breuis sit, debemus esse contenti. Cætera quæ ad id tempus referenda sunt ex annotatione cognoscentur.

Ad lectorem prologus apologeticus.

Fateor quidem, cum ab initio hoc opus scribere instituissem, me ex authoribus tantum materiæ adepturum nequaquam existimasse, quantum negotii istius magnitudo requirebat: sed postea præter spem multa occurrebant, quæ ad illustrandum hoc totum negocium seruiabant, quæ mihi omittenda non videbantur. Proinde ne lectorem expectatione sua fraudarem, per modum annotationum quædam subiicienda duxi. Abhorreo ab omni ostentatione styli. Proinde non elaboravi, vt me stylo aliquid valere demonstrarem, sed vt seriem historiæ Polonicæ tanquam filum per vniuersas vicissitudines temporum verissimè extenderem.

Annotationes.

Temporibus Mosē apud Babylonios regnabat Sparetus, apud Aegyptios Cenchres Pharaō, de quo Berofus ita dicit: in Cenchre finierunt reges magni Aegyptii, qui cum Hebræis de magica pugnauit, & ab eis submersus fuit. Eodem tempore apud Italos Blafcon, cuius vxor Roma.

Questio de ætate Zoroastis.

Circa eadem tempora fertur regnasse apud Celtas Lugdunus, à quo Lugdunum est cognominatum. Inachus verò apud Athenienses, Cecrops apud Lacedæmonios. De Zoroaste Bactrianorum rege mouent hic quæstionem annalium annotatores, an sub Nino regnauerit, ac bellum propemodum primum in mundo cum eo acerbum & funestum duxerit, vt vult Diodorus Siculus, Iustinus, Orosius & plerique: an verò cum Ninia Nini filio hoc gestum sit, vt vult vnus inter omnes Berofus. Iudicium hic lectori permittitur. Potior tamen pars cum Beroso sentit, vtpotè cui omnium perspectissi.

spectissima erat historia patriæ suæ. Hoc tempore lucorum plantandorum superstitio gentilis nata est, Crano Ianigena primo eius rei autore, Abrahami nimirum tempore. Zoroastis istius quædam scripta hætenus celebrantur. Ne autem cui mirum videatur apud Scythicas gētes instituta historiæ prius floruisse quàm in aliis gentibus. Cato certè de originibus in secundo fragmento, affirmat Scytharum annales vetustiores fuisse, quàm aliarum nationum. Ideo Berofus Chronica Scytharum allegat, inquiens: iuxta id in nostra Chaldaica & primordiali historia Scythica, fideli memoria conseruatum est.

Lucorum origo.

Anno Mosis circiter sexagesimo floruit Mercurius Trismegistus Aegyptiorum Philosophus admirandus. Extant adhuc quædam eius scripta, quæ fuisse eum diuinarum & humanarum scientiarum peritissimum demonstrant. Sub idem tempus frutex oliuæ primum Athenis in arce, & forsan in tota Europa ortus esse prædicatur.

Mercurius Trismegistus quando?

De temporibus Iosue.

Anno ab orbe condito 1495.

Anno exitus ex Aegypto 40.

Anno ante Christum 1505.

IAM hîc deficit historia Babylonica, sed tamen ex Mose supplere defectum oportet ne filum historiæ rumpatur. Nam sicuti post exitum ex Aegypto dixerat, diuisionem gentium factam fuisse iuxta numerum linguarum & septuaginta patrum, ita moriturus sub finem vitæ suæ eandem historiam diuisionis repetens inquit: Memento dierum seculi, intellige annos generationis, interroga patrem tuum, & annuntiabit tibi. Quando diuidebat altissimus gentes, quando separabat filios Adam, statuit terminos populorum secundum numerum filiorum Israël, positis finibus habitationis eorum. Ad quæ verba si addas verba illa Daudis: Terminum posuisti eis, quem non transibunt, tunc apparebit diuisionem gentium & fundationem nationum durasse toto eo tempore, usque ad illam metam quando Iosue supremum adiit magistratum, adnumeratis quadraginta annis peregrinationis in deserto, quibus Moses præfuit populo Dei. Ergo sicut aliarum nationum, ita & Sarmatarum limites in suis metis, temporibus Iosue durauerunt. Moses enim hæc verba protulit sub mortem suam, quando scilicet Iosue ad gubernandum populum Dei inauguratus fuit. Esse autem verissimam hanc demonstrationem regni

Deutero. 32.

Diodorus Siculus lib. 6.

Sarmatia Asiatica.

Regine Polonie materna insignia.

Sarmatiæ, etiam prophanorum scriptorum autoritate comprobari potest. Scribit enim Manethon Aegyptius in sua historia in supplemento Berosi, sub idem tempus apud Celtas Gallatam iuniorem regnasse, qui, inquit, Sarmatas depulit. Sic Diodorus Siculus libro sexto eadem de re tradit, illiusq; belli rationem latius describit, quod statim sub tempora Iosue fuisse perhibetur, quanquam alii ad tempora Gedeonis illud reiiciunt. Sed de supputatione temporum fateor me minus sollicitum fuisse, propter occupationes, quibus necessariò distinebar. Satis autem mihi erit, ut iam toties repetii, si seriem historiæ Sarmatiæ ac proinde & Poloniae inuestigauero. Sed dum Europæ Sarmatiæ recordor, neque Asiaticæ omnino obliuisci possum, quam Diodorus Siculus hoc ipso tempore aut paulò post fundatam fuisse ab Olbio patre Gallatæ affirmat. Commemoratur autem nomen Olbiæ in descriptione Asiaticæ Sarmatiæ à Ptolomæo Geographo. Si quis autem & res addat, quæ sub hæc tempora apud vicinas gentes cuenerunt, non mediocriter adiuuabitur ad intelligendum eius temporis statum rerum Sarmaticarum. Hoc etiam tempore non multò post, terræ istæ occidua & prouinciæ, Sarmatiæ nomen consecutæ sunt ab Europa illa, quæ ab Ioue compressa esse fertur. Sed non nouum est gentib; scortationes, stupra, & alias incôcessas libidines regum, Iouis titulo tegere. Eodem tempore apud Turenos, id est, Tuscos Italos Oscanus regnauit, cuius insigne serpens fuit. Insigne est hoc maternum gloriosissimæ scæminæ reginæ nostræ, vxoris Stephani primi, à quo Osco forsan originem & antiquitatem suorum insignium ostendere potest. Hoc eodem tempore Illus regnauit apud Troianos, à quo Ilion Troia vocata. Nam tempore Iosue regnum illud initium habuit.

De temporibus Samsonis.

Anno ab orbe condito 2790.

Anno ab exitu 337. Iubileo 6.

Anno ante Christum 1210.

ARgonauticam expeditionē præcipuorum principū Græciæ, omnibus ætatibus apparet fuisse celeberrimam. Hæc refertur ad tempora Samsonis, qui fuit coætaneus Herculis. Eratque illud æuum ferax fortissimorum virorum, & ingeniorum, ad bellum & ad artes idoneorum. Nam sub illud tempus floruit Sampson & Hercules, viri fortissimi, floruit & Linus præceptor Herculis, & Orpheus clarissimi & antiquissimi Poëtæ, cuius
opera

opera & auspiciis literas & artes transtulit Cadmus rex ex Phœnicia & Asia in Græciam, adeoque vniuersam Europam. Sic Phineas Poëta clarissimus eodem tempore floruisse apud Henetos, ex quibus gens Polona originem ex parte ducit ab Apollonio prædicatur. Et erant quidem ante hanc expeditionem alia bella Græcorum, bellum nimirum Atheniensium cum Thracibus, duce Erichtæo Atheniensi: bellum Persei cum Persis, quo nomine & imagine cœlesti donatus est ab antiquitate, eò quod Gorgonas interfecerit in Lybia. Sed hoc Colchicum fuit clarissimum inter illa, eo quod præcipuum Græciæ robur, isthic collectum fuit, & à clarissimo Poëta Orpheo carmine decantatum, sicut & illud bellum Titanum, quod conforme illi est, quod in sacris literis de ædificatoribus turris Babel proditum est. Sed de illis bellis non ita refert nos commemorare, sicut de hoc Colchico, cuius narratio reuocat nobis in memoriam, gentes pariterq; & regiones, quæ ad nomen Sarmaticum legitimo iure pertinent. Imò & Colchis ipsa inter regiones Sarmatiæ Asiaticæ connumeratur à Geographis. Quod autem in hac historia interdum non ex professo gesta recitantur Sarmaticorum populorum Europæ, de eo iam præfatus sum, me videlicet interdum optimo iure velle etiam vicinarum gentium, gesta attingere, vt nostrarum rerum commemoratio inde magis elucescat & auribus gratior reddatur, iuxta illud: Quæ singula non iuuant, coniuncta multa iuuant. Quamquam in eodem carmine Apollonii duarum etiam gentium Sarmaticarum fit mentio, Henetorum inquam, qui postea in supplementum Sarmatis cesserunt, & principis Moschorum, qui eadem lingua vtuntur, quæ & Sarmatæ, & fines nostri à Mediterraneo mari vsque ad occidentale & Venedicum sinum finibus eorum cohærent. Quin & regiones, quibus antea imperitabant, & quibus nunc cum imperio præfunt, antiquitus teste Ptolomæo & aliis Geographis ad Sarmaticum nomen pertinebant. Vocatur enim illa gens Rhiphæi Sarmatæ. Nam sicuti Germaniæ nomine includuntur multa regna, & ducatus, Francones, Heluetii, Sueui, Saxones &c. Ita Sarmatiarum nomine comprehenduntur omnia dominia, quæ intra & ultra montes Sarmaticos & mare Sarmaticum continentur. Et sicuti ea quæ priuato nomine egerunt vel Sueui, vel Francones, aut etiam Saxones, meritò sibi vendicant Germani, eodem iure omnino ea quæ nationes Slauonicæ linguæ vnquam in historiis patrasse scribuntur, merito Poloni ad se pertinere & de iis gloriari possunt. Non video igitur, quomodo à possessione eorum, quæ in Colchica historia siue de Henetis siue de Moschis dicuntur excludi possimus.

*Expedi-
tio Col-
chica vnde ce-
lebris reddita.*

*Consilia au-
thoris in de-
scribenda hac
historia.*

*Moschi cur
Rhiphæi Sar-
matæ dicti.*

Sed est aliud, quod nos excitauit ad refricandam memoriam expeditionis Argonauticæ, nimirum, quod plures Coloniae ex Colchis ipsis deductæ sunt in regiones Sarmaticas. Fuit quondâ vrbs *Thomos vrbs.* notissima, Nasonis Poëtæ carminibus & exilio celebris, Thomos nuncupata: non procul ab Insula Paucen in ipsis ostiis Istrî, quæ ideo sic dicta, quod in eo loco Medea regina dissecuit membratim fratrem suum Absyrtum. Hæc olim à Sarmatis & Getis inter quos Ouidius exulabat, inhabitata fuit. Chilia nunc forsan vrbs eo in loco inædificata est. De hoc miserabili reguli Colchorum casu Naso carmine commemorat. Inde Thomus, (inquit) locus est dictus, quia fertur in illo, membra soror fratris consecuisse sui. Sic Polam celebrē urbem in Illyrico vel Istrîa, ab iisdem Colchis colonias suas deduxisse historici memoriæ prodiderunt, à qua Polam tandem Polonorum ducem Lechum prodiisse, nomenq; suis dedisse pleriq; putauerunt. Sed non modò Polam urbem, sed totam fere Istricam gentem ab iisdem ortam esse Stephanus author est. Fama enim tenet Aëtam regem ad Argonautas persequendos Colchicum exercitum misisse, qui vt à Ponto ingressi sunt Istrum, nec raptore aurei velleris inuenissent, siue tædio longioris periclitationis in mari, siue illecti amænitate loci, sedes iſtic suas fixerunt. At non modo prouincias & vrbes, sed etiam ipsos duces & Reges gentium Geticarum Sarmaticarumq; palam gloriatos esse se ortos ab illis progenitoribus, inferius docebitur, vbi de Amelfreda Vandalorum regis vxore, historia recitabitur.

*Pola vrbs
Colchica.*

De quatuor gentium historia,

videlicet, Getarum, Illyriorum, Amazonum, Moschinarumq;: Quæ ad Sarmaticæ historiæ negocium illustrandum commodè possint, circa tempora Nasonis, adaptari.

Gothi sarmatica gens.

GETAS qui postea dicti sunt Gothi, Sarmaticam gentem fuisse, linguaq; Sarmatica, quæ eadem est cum Slauica v. s. os esse probauimus certissimis argumentis, vbi de origine Gothorum tractatum instituimus adductis, argumentis tot & tantis, quæ nulla sophistica conuelli possunt. Et vnde nam error ille promanarit, quod Scandiæ populi gloriantur se non modò esse Gothos verissimos, sed etiam Gothorum progenitores ibidem declaratur, ita vt ea de re deinceps nullam fore dubitationem sperem. Sic de Illyriis, consentienter tradunt Historici, Lechum ad redintegran-

redintegrandas Sarmatiae ruinas vnà secum colonias adduxisse, Venedorumque nomine illas sicuti & nos appellari. Clarum ergo & manifestum est nos in illos, & vicissim illos in nos aliquid iuris habere, sicuti paulò superius demonstratum est, & infra vbi tempora Mithridatis persequemur, latius commonstrabitur. De Amazonibus, cum hæ Asiaticorum Sarmatarum vxores fuerint, & Capadociae regiones, vbi Moschinorum sedes fuerunt, inhabitarent, nemo non videt, quod eorum commemoratio in rem historiae Sarmaticae plurimum faciat. Monstrantur etiam in Boemiae finibus arces quaedam, quæ Dzievvczyhrad, id est, puellares arces vocantur, vbi sedes quoque suas habuisse feruntur: quæ mulieres siue veteres Amazones fuerint, siue veterum progenies, testantur saltem nomina illa, eas etiam in istis regionibus suas colonias habuisse. De Moschis verò an in Sarmatiarum numero collocari debeant mox apparebit. Redeamus iam ad consignationem historiae Sarmaticae, quæ in Getarum gestis notior apparebit. Narrat igitur Iornandes Sesostrim regem Aegyptiorum bellicosissimum isto tempore Getarum regi Tannasi bellum mouisse, in cuiusque regnum irruisse: sed qua audacia irruerat, eadem non modò repulsus est, sed etiam fugatus usque in Aegyptum, & nisi amnis intransmeabilis fluenta obstitissent, Sesostris in suo ipsius regno oppressus fuisset. Attamen Partorum regnum & alias prouincias, quas armis Aegyptius, in potestatem suam redegerat, Getæ in reditu depopulati sunt, maioremque Asiae partem occuparunt, de qua Getarum expeditione etiam Valerius Flaccus meminit. Nomen Sesostris latinè est, ponens exactores, vel direptor: sub hoc enim rege Aegyptii regni potentia valdè creuerat. Hic multas vicinas gentes domuit & latè in Asia regnavit, & nauigiis lustrauit maria, insulas & littora, quorum cognitio initium fuit doctrinae Cosmographicae. Quo successu rerum gestarum insolentior factus, etiam reges captiuos ad currum triumphalem, vt eum traherent iungere solebat. Is etiam consilium coepisse narratur vt iungeret Oceanum meridionalem cum mari mediterraneo, & iam fossam grandem ad eam rem præparare ad mare Erythreum inceperat, nisi consilium eius temerarium Deus auertisset. Quam autem spectabilis & venerandus apud suos fuerit, testatur responsum illud Sacerdotis Aegyptii ad regem Darium. Nam cum Darius vellet statuam suam collocare ante Sesostris statuam, à Sacerdote prohibitus est, hac ratione, adiecta: quia Darii magnitudinem rerum gestarum nondum adæquasset. Hanc libertatem Sacerdotis Darius collaudauit. Hæc ideo refero, vt quantò magis Sesostris in coelum

Illyriorum cognatio cum Sarmatis.

Amazones Sarmaticæ.

Tannasi Regis Getarum bella cum Sesostris Aegyptio sub idem tempus.

Sesostris audenda facta.

in coelum vsq; à suis laudib. effertur, tantò conspectior fama Sarmaticorum Getarum, qui eum vicere reddatur. Sub hoc idem tempus Samsonis, Argonautarum illa celebris expeditio à quibusdam, magno argumento refertur, quæ, inquam, expeditio suscepta fuit causa adipiscendi aurei velleris, ac ex istorum ducum Argonauticorum stirpe originem suam Gothorum principes illi, qui armis suis Italiam attriuerant, deducebant, quo nomine Annales Hutorum cognomen sibi indiderant, ex qua etiam stirpe domus Austriaca originem suorum natalium ducit. Ex Gothis enim qui in Hispania post illa Italica bella hæserant, etiam ipsi prodiisse narrantur, de qua re inferius luculentius narratio hæc absoluetur. De Illyriis iam quædam dicta sunt, & infra vberius dicetur. Iure enim sibi vendicant originem stirpis Cholchicæ, in id multis & præcipuis authoribus consentientibus. Iam quod ad Amazones pertinet, etiam harum origo in id tempus reicitur, de quib⁹ apud Iustinum multa digna notatu leguntur.

Victoria Sarmatarum de Scythis parta.

Ad eadem tempora referenda puto ea quæ Diodorus Siculus libro 2. capite II. de victoria Sarmatarum, parta de gente Scythica, eorumq; regno subactò refert. Cum enim de origine eorum complura attulisset, exposuissetq; quomodo Scythia dux primus natus fuit ex Ioue & virgine quæ fuit vmbilicotenus homo, reliquum verò eius viperæ speciem retulit: hanc matrem Scytharum ex terra sua ptesponte natam fuisse tradit. Tandem subiungit: Sub his inquit regibus, Saca, nimirum, & Massageta ex prouinciis à se bello subactis coloniæ deductæ sunt: sed duæ maximæ: altera ex Assyriis, inter Paphlagoniam ac Pontum posita, ex Media altera ad Tanaim flumen, cuius populum Sauromatas appellarunt. Hi multis post annis imperio latè diffuso, magna ex parte vastata Scythica, eam penitus desertam cultoribus reddiderunt.

De Moschis luculentior narratio.

Moschorum nomen dicunt significare extendentem arcum. Hos populos Riphæos Sarmatas scriptores vetusti vocant. Et hac lege puto eorum descriptionem plurimum etiam pertinere ad còplementum historiæ Sarmaticæ. Adde quòd Moses describens origines gentium etiam Mosoch filii Iaphet nepotis Noë & aui Asarmoth mentionem facit, cum quo forsan nepos scilicet cum auo suo occupauit has regiones. Sic in libro Paralip: eiusdè mentio repetitur. Et lamentum Dauid in Psalmis: Hei mihi quod exulo in Mesech, eodem detorquent quidam, ac si feritas gentis his ver-

*De Mosoch ex
sacris literis.*

Paralip. I.

his verbis à propheta notaretur. De prophetia Ezechielis, vbi hoc nomen Mosoch quoque commemoratur, inferius dicemus. At nō modò sacrae literæ, sed & prophani scriptores huius gentis mentionem faciunt circa eadem tempora Samsonis. Apolonius enim in carmine Argonautico, cuius Orpheus poëta antiquissimus autor esse dicitur, mentionem facit Moschinorum, eosque non sine nota barbariei commemorat, innuitque eos dictos esse Moschinos à casis ligneis, quarum nomen fuit *μοσχῖνοι*, forsan quòd virgeas casas habitabant. Sed verbis poëtæ si addas expositionem Strabonis, tunc melius vim nominis de quo dicimus intelliges. Quidam, inquit Strabo, eorum in arboribus aut turriculis habitant, quæ cum Mos- *Moschinorum*
syni dicantur ipsis Mosynæcorum appellatio inde obtigit. Iam si *erymon.* cuti Sarmatia duplex ponitur, ita Moschouia quædam septemtrionalior, & quædam meridionalior, ad fluuium Thermodon-tem in Cappadocia, statuitur. Hæc Mazaca dicebatur, vsque ad Claudii tempora, qui eam Cæsaream deinceps vocari voluit. Sed & hoc nomen ei iterum ademptū fuit ab Imperatore Iuliano. Meminit & Strabo & Ptolomæus montium Moschinorum, quod & in tabulis eius videre est in descriptione Cappadociæ: sed quia Strabo prolixius huius gentis mores & habitacula describit, ascribere hîc eius verba non me piguit: Per hos, inquit, transit mons asperimus Scydifses, (Ptolomæus Scordiscum vocat) qui coniungitur *Moschinorum*
Moschicis montib. qui supra Colchidem sunt. Extrema eius tenet *mores.* Heptacometæ quos septem paganos vertere licet. Sequitur Pariadres, qui vsque ad minorem Armeniam à locis Sidenæ & Cappadociæ finitimis porrectus, orientale Ponti latus conficit. Vniuersi qui montana ista incolunt plane sunt feri. Sed septempaganorum feritas omnium reliquorum superat feritatem. Nam eorum quidam etiam in arboribus, aut turriculis habitant, quæ cum Mosyni dicantur, ipsis Mosynæcorum appellatio inde obtigit. Carnibus ferinis, & glandibus arborum victitant. Insidiantur autem iter facientibus, in eos de suis desilientes turriculis. Septempagani etiam tres Pompeii cohortes conciderunt cum ex per montes istos iter facerent. Nam insani mellis crateras eis propinauerunt in itinere, quod arborum summa ferunt germina: eo poto iam mente ab- *Pompeij cohortes male tracta-
te à Moschinis* alienatos adorti facilè interfecerunt. Ex his descriptionib. liquet Moschorum populos habitasse in illis montanis Cappadociæ. Et quemadmodum nunc vicini sunt nostræ gentis hominibus, ita & tunc non procul à Paphlagonibus habitabant, nostris Henetis. Et vtrasque gentes istas eadem lingua tunc vsas fuisse, sicuti & nunc, testis est Strabo lib. eodē. Paulò post autē, inquit, Henetos qui expeditioni

*Tempus quo ex
Paphlagonia
Moschini cesserunt.*


ditioni nō interfuerunt Cappadoces esse factos. Ac videtur altipulari huic sententiæ id, quod omnis Cappadocia quæ appropinquat ad Halim, & pone Paphlagoniam porrigitur, utroque sermonis genere utitur, & vocabulis Paphlagonicis abundat. Quando autem & quas ob causas ex Cappadocum regione in Septemtrionem processerint Moschi illi, non ita ex scriptoribus liquet, sed credibile est vel furoribus Mythrīdatis cesserisse, cum eos urgeret diuturno bello, vel quod timerent Romanorum arma ultrocia quia tres cohortes Pompei deleuerant. Ideo in intima Septemtrionis sese abdiderunt. Gloriatur nunc Iohannes Basilus dux Moschorum & iactat, antecessorem suum Augusti Cæsaris cognatam in matrimonium duxisse ut ita stirpis suæ laudes amplificet. Sed si quid tale aliquando fuit, tunc istud accidisse puto, cum adhuc in Cappadocia eorum maiores manentes Romanis viciniore erant.

De temporibus Saulis & Davidis.

Anno à condito orbe 2840.

Anno ab exitu 387.

Anno ante Christum 1160.

onsensu Chronologorum gestum est bellum Troianum temporibus Saulis, quod etiam arithmetico calculo comprobari potest. Complexi sunt autem autores utrumque: & exercitus Troiani conscriptionem, ex quibus videlicet gentibus constitit, & reuersiones Ducum in varias orbis partes post confectum finitumque bellum. Et Homerus quidem lib. 2. Iliadum enumerat prolixum catalogum gentium quæ conuenerant oppugnatum Troiam, singulas suis coloribus depingendo, inter quos, Henetos cum suo duce hoc carmine celebrauit.

*Paphlagonibus autem præerat Pilemnius, hirsutum cor,
Qui Cytorum habitabant, & Sesanum
Ex Henetis, ubi mulorum generatio agrestium,
Circaque Parthenium fluium, inclytas domos habitasse
Cromamque Aegialumque & altos Erythimos, Flumina.*

Sed & Argonautica historia, quam complexus est Apolonius eiusdem gentis & ducis mentionem facit, eumque inter principes, qui sulceperant expeditionem illam, omnibus ætatibus celebrem commemorat, nomenque eius exprimit Euesum vocans. Atque hoc quidem nomen affine esse liquet nomini Aeneæ cuiusdam principis, qui

LIBER I.

27

cipis, qui post Alanum statim inter peruetustos reges Slauorum hoc ordine à nostris enumeratur, vt primum locum obtineat Iauanus Noë nepos, deinde hunc sequatur Iaphet filius, post hunc Philaras, inde Alanus, Aeneas, Alcanes Pamphilus, Reasilnias: hinc Alanus secundus qui primus ex Asia in Europam commigrasse fertur. Atque hæc quidem recitatio suggillatur à quibusdam ex ea causâ, quod illis absurdum videtur, Aeneam illum, qui fato profugus Italiam venerat, sic retrorsum ad præcedentia secula non ita multò post Noë reiectum. Sed hæc causâ non est apud me ita grauis, vt illos autores, qui secuti traditionem patriam, & vetustiores scriptores, qui catalogum istorum regum hoc ordine consignarunt, ausus sim cõuellere. Fieri enim potest, vt alter hic Aeneas vetustior sit illo Anchisiade Aenea, aut vitio librariorum pro Enesio duce, quem Henetorum principem carmen Argonauticum esse vult, Aeneæ nomen repositum sit. Quod autem non vique adeo diuexandos exagitandosq; acerbis autores antiquos censeam, adducor primò humanitatis officio, deinde & aliis rationibus. Neque enim tam vanos illos priscos fuisse existimandum est, vt res fictas pro veris mûdo obtrudere voluerint. Nam sicuti illi bono studio ista tradiderunt, ita opinor habuisse eos in promptu vetustiores autores ex quibus talia hauserunt. Et Strabo libro quarto, in huiusmodi, inquit, rebus probabili coniectura par est esse contentû. Quod autem textentibus nobis historiâ vetustam de origine & antiquitatibus gentis Polonæ sermo delapsus est ad commemorationem Henetorum, qui à Iaphet descendunt, nemini in rem videri debet. Asarmoth enim nepos Noë, fuit præcipuus author, conditor, plantator, & pater gentium Sarmaticarum: Henetorum verò gens suo honore fraudari non debet, cum ab eis non parua accessio, tum supplementum & decus profectum sit post tempora belli Troiani, sanguini Sarmatico. Quod vel ipsius principis Poëtarum Vergilii autoritate comprobari potest.

Historici Henetorum.

*Antenor potuit medijs elapsus Achuis
Illyricos penetrare sinus &c.*

Antenorem autem ducem, Henetos in Europam tum duxisse autor est Iustinus historicus, Strabo & alii. Vnde Polybius, qui castra sequebatur Scipionis iunioris in Affricam, scribit suo æuo totum sinum Illiricum eiusque incolas Venetos appellatos fuisse. Et in Liuiio historico occurrit sæpius mentio exercituum Venetorû, cum multis post seculis demum urbem & Rempub. Venetorum quæ nunc floret, excitatam fuisse inter omnes constet. Siue igitur

D 2 Antenore

*Ptolomæus li-
bro 3.*

Antenore duce, siue aliis occasionib. appulerint in Europam Heneti, certè pro multis vnus Ptolomæus grauiſſimus autor nobis luculentus testis eius rei eſſe debet, qui affirmat Henetos populos, qui iidem ſunt cum Venetis, maxima Sarmatiarum ſpacia in Europa complexos eſſe. Quod autem aliis quoque occasionib. Henetos aſterioribus fortunæ caſibus actos in eas regiones ſe contuliſſe prædicatur, non debet abſurdum videri, cum etiam noſtri hiftorici eos cum Vandalo ſecundo huc veniſſe affirmant, hoc eſt, ad ſuos populares eadem lingua vtentes. Hæc ergo omnia, quæ allata ſunt ex hiftoricis & poetis, ſi in vnum conſerantur expendanturq; non debet in poſterum cuiquam mirum videri, ſi inter maiores noſtros & conditores harum gentium, non modò Aſarmoth Semi nepotem, ſed etiam Ionum Græcorum principem, qui à Iaphet deſcendit recensuero. Si quod autem adhuc dubium hac de re lectori malè habet, reſeruet aures integras uſque ad illum locum, vbi inferius ea de re ex profeſſo inſtituemus tractationem. Interim nemo miretur, quòd tam numeroſæ gentes, quas cernimus, ab iis duobus principibus à nobis commemoratis propagatæ ſunt, cum ab vno Tuiſcone littus Oceani occidentalis innumeris Germanorum populis completum eſſe videamus. Quanquam hiftorici præter Aſarmoth & Iauanum, Alanum quoque & Moſech nepotes Noë iis gentibus attribuunt, à quibus variæ gentes eorum nominibus conſormes propagatæ eſſe creduntur, quæ tandem vno cognomine Sarmatæ iuſtis de cauſis, aliis non inuitis appellari cœpere.

De Getis vel Gottis populis Sarmaticis.

Scribit Dio hiftoricus, perſequens hiftoriam ſuam cui titulum, Getica impoſuit, & eandem hiftoriam Iornandes repetit, quòd apud Getas in Meſſia ſub bellum Troianum Telephus regnauit. Fuit iſ Hercules ex Auge ſorore Priami filius, vir bellicoſus, procerus corpore, ſed plus vigore animi terribilis, paternam fortitudinem propriis virtutibus æquans. Is igitur tum Danaïs bellum intulit, Theſandrum Græciæ ducem occidit, Aiace & ipſum Achillem fudit & profligauit. Vulneratus iſ quoq; fuit Achillis iaculo in femore, tamen non prius è pugna diſceſſit, quàm finibus hoſtes eieciffet. Hoc eodem tempore Hercules pater in morbum peſtilentem incidit, & ob remedium doloris in flammas ſe coniecit, & ita vitam finiuit, quod in exemplum regibus in medium obiter adfero. Nam Sigifmundus rex Poloniæ, vt à magnis viris audiui, cum à medicis moneretur, vt Sedomiria, graſſante ibi tunc peſte, diſcederet, reſpondiſſe fertur: nullum regem poſſe adduci, qui vnquam peſtilentiæ ſæuitia abſumptus eſſet.

*Reges an debeant
timere peſtilentiale
contagium.*

De Cimbris

De Cimbris.

Cimbrorum ad Oceanum occidentalem antiqua est mentio. Meminit Strabo eorum. Sed multò antiquior est historia illorum, qui ad Meothidem manserunt ad Bosphorum Cimmericum. Homerus enim de iis commemorat, quòd ipsius ætate, à Bosphoro incursiones in omnes regiones ad Iouiam vsq; fecerint. Ac non modò nominis eorum meminit, sed naturam quoque regionis, quam incolabant, situmq; eius (Strabone hunc locum eius exponente) significat. De caliginibus enim Cimmericis sic canit:

*Hos aër nebulae que tegunt, nec splendidus vnquam
Illustrat radys illos & lumine Titan,
Sed tristes noctis sese extendere tenebrae.
Desuper.*

An autem Bosphorini Cimbri à Chersoneseis occidentalibus, vel occidentales ab orientalib: orti sint, non ita facilè diiudicare possumus. Bosphoranos quidem antiquiores esse certum est. Verùm si ab occidente inprimis processerant Meothidem versus, tum in Sarmatarum stirpem tam longo spacio iam degenerasse eos oportuit. Nam à bello Traiano ad Cimbrorum expeditionem prope modum mille anni numerantur. Certum est tamen eam gentem piraticæ & rapinis intentam fuisse, vt Strabo testatur. Et vñtatum est illis populis, qui ad Borysthenem manent, in vñdis spaciosi fluminis naualem fortunam tentare. Cuius generis Kozakorum Nisouorum cohortes hætenus Cimmericorum cõditionem prorsus referunt. Et plurimi inter eos etiamnum ex Circasiis, qui Cimmericorum posteritas esse dicuntur, militant. Sed etiam ex Germanis hætenus, Hungaris, Polonitiis & aliis innumeris gentibus plurimicis commilitant. Talem igitur confluxum hominum fuisse Cimbro credibile est, sed tamen auspiciis Cimmericorum, res vniuersa ibi tum gerebatur.

De Amazonibus.

Si Themysciræ sedes fuerunt Amazonum, tum eas nostræ linguæ fuisse necesse est. Nam Themyscira fluuius est Cappadociæ in Euxinum pontum sese inuoluens, nec remota regio à montibus Moschinis & à Paphlagonibus. Nam Parthenius fluuius, vbi Henetorum sedes fuit proximus est Themyscyræ. Ostensum est autem Cappadociam fuisse sedem Moschinorum populorum, & in vtraque gente Moschinica inquam, & Paphlagonica linguæ nostræ vsus fuit: Referatur ergo in eadem tempora expeditio illa in Asiam, Amazonum & Cimmericorum, de qua Eusebius. Referatur & illud facinus quando Ephesinum templum succenderat, de quo Manethon

*Alopa provin-
cia ponti.*

Aegyptius. Contigerunt hæc sub annum 2825. à condito orbe: Sed & in Troiano bello eas adfuisse testatur Homerus & ducis eorum meminit. Duxit Amazones Odius & Epistrophus vnâ. Ex Alopa pride. n: vnde & Amazonidum genus extat. De ducib. autem stirpis earum, quæ eis præerant in bello Troiano, Maro sic canit

*Ducit Amazonidum lunatis agmina peltis
Penthesilea frens, medisque in millibus ardet,
Aurea subnectens exerta fibula mamma
Bellatrix, audetque viris concurrere virgo.*

Amazones Sarmaticas mulieres fuisse testatur Pomponius Mela istis verbis: Foeminae inquit Sarmatarum cum viris bella incunt, atque vt habiles sint, natis statim dextra aduritur mamma, inde exedita in ictus mamma, quæ exeritur, virile fit pectus: arcus tendere, equitare, venari, puellaria pensa sunt, ferire hostem, adultarum stipendium est, adeo vt non percussisse pro flagitio habeatur.

De Sarmatis in genere sub idem tempus.

Quid senserit Homerus de gente Sarmatica testatur ei⁹ admirator Strabo, qui illud homeri problema, cum dicit Iouem respexisse ad

Λατίνωρος, & Βίαν τ' his non est iustior vlla

Gens hominum: de Sarmatis exponit, quod iustitiam sum-

mè colerent, à fraude in cōmerciis abstinere, nec epulis sumptuosis excepto lacte delectarentur. Ad confirmandam verò Homeri sententiam, idem Strabo Hesiodi quoque poëma illud, quod circuitum terræ inscripsit, adducit, vbi inquit: Phineam ab Harpiis abductum in terram eorum, hominem scilicet prudentem & iusti amanti. Quib. pro domibus currus sunt, viuere lacte affucti. Subiicit deinde causam, quod cum exili victu vtantur, neque sint quæstui dediti, iniuicem vitam degant iustam &c. Hæc Strabo in laudem Sarmatarum ex Homero & Hesiodo adfert, & apologiam facit contra eos, qui de Sarmatis contraria sentiunt, eisq; notam crudelitatis aspergunt. Atque alii quidem, inquit, de crudelitate eorum dicunt, quod sciunt animos hac terribilium narratione percelli, cum tamen in alteram partem, neque quod dicatur desit, neque exempla. Ex hac narratione statum rerum Sarmaticarum facile temporibus Saulis & Davidis intelliges, quamq; iuste & sanctè vixerint, simplicitatis peruetustæ exemplum referentes. Vixit autem Hesiodus centum annis post Homerum. Ergo cum ducenti anni exacti essent post bellum Troianum, Hesiodus ista de Sarmatis memoriæ prodidit. Nam Homero quoque centum anni tribuuntur post bellum Troianum.

*Strabo lib. 7.
Geographiæ a-
pologiam pro
Sarmatis facit.*

De tempo.

De temporib. Nabuchodno-
zar Regis Babel.*Anno ab orbe condito 3337.**Olympiade 38.**Anno ante Christum 663.*

ANte Babylonicum imperium singulae regiones suos principes habebant qui eis amanter ut parentes filius imperabant, sed malitia inualecente, coeperunt homines iugum illud excutere, & pro libidine agere quae volebant. Itaque cum paterna & equabilia imperia detrectarent, Deus excitavit monarchias, id est, cum ampliore & formidabiliore potestate imperia, ut quibus paternae admonitiones non sufficerent, eos necessitas parendi in officio contineret impelleretque. Ita divina providentia tempora temporibus conferendo singulis aetatibus. oportuna remedia ad sustinendam humani generis imbecillitatem optima ratione subministrat. Numerantur autem quatuor monarchiae, quarum prima Babylonica fuit, cui sub haec tempora Nabuchodonosor rex cum imperio praefuit, quo etiam regnante Iudaeorum regnum destructum, & Iudaei Babylonem in servitutem abducti sunt, sicuti sacrae literae de huius principis amplitudine luculentius tradunt. Hoc etiam regnante scriptor historiarum Berosus sacerdos Chaldaeus floruit, qui de initiis regni Sarmatici, tum etiam de finibus eiusdem non contemnenda reliquit, quemadmodum a nobis commonstratum est. Fuisse autem Sarmatarum populos maximos ante Nabuchodonosorem, & iam tum late dominatos esse, contextus verborum Berosi indicat. Neque enim Berosus de iis rebus loquitur, quae quidem ante fuerunt, at postmodum esse desierint, sed quae a suis initiis tanquam carceribus egressae usque ad eius seculum pertigerunt. Quod autem quidam illa verba Berosi cum Sarmaticas gentes a Tuiscone conditas esse affirmat, ad eleuandam & minuendam amplitudinem nominis Sarmatici detorquent, hoc minime ex iis verbis colligi posse existimo. Nam si condere gentes idem significat, quod legibus informare, ut ex Beroso & aliis idoneis authoribus liquet, certe isti citius ex pumice aquam extorserint, quam id quod volunt, inde obtineant. Nam Sarmatiam appendicem Germaniae esse, & legum instituta ad imitandum assumere, multis parasangis a se differunt. Accepimus nos a Iudaeis quoque leges, non tamen hoc nomine ad ipsos pertinemus. Accepit & ipse Tuiscon leges cum iure domini ab ipso Iano, ut idem refert Berosus, non

rosus, non tamen ideo fuit oriundus ex Iano ipsisque Græcis. Verum Mosis autoritas sufficere nobis debet, qui affirmat Iaphetum in tentoriis Semi habitaturum, non Semum in Iapheti. Citius ergo Germania Sarmatiæ quàm Sarmatia Germaniæ aliquid debere ex iis verbis intelligetur, cum Sarmatæ ex stemmate & funiculo Sem ea quæ habent habere credantur, Germania verò territorii beneficium tanquam soboles Iaphet recognoscere debeat.

Iam quia Ezechiel propheta synchronos Berosi, aut certè non longo spacio temporis ab ipso remotus fuerit, non incommode eius descriptionem, Berosi descriptioni subiiciemus, ut scilicet de hac gente, quod iudicium fuerit illius ætatis melius intelligi à quo uis possit. Inquit igitur propheta cap. 38. Fili hominis pone faciem tuam contra Gog Mosoch, & Tubal, vaticinare cōtra eum &c. Eusebius Cæsariensis, Theodocion, & Symmachus per Rosch non simpliciter caput intelligit, ut aliqui volunt, sed principem. Hallucinatur tamen in eo, quod Romanum principem notari putat. Locus enim hic non potest intelligi nisi de principibus septemtrionalibus, quia additur: qui habitant latera Aquilonis. Ad hæc Roma tunc nondum innotuerat: Nam Ezechiel temporibus Iechoniæ Regis vixit, hoc est anno mundi 3354 Olympiade quarta, ab vrbe autem condita duntaxat anno 136, iuxta supputationem quorundam. Itaque & propter vrbs nouitatem, & propter splendorem monarchiæ Babyloneæ non potuit esse ita celebre nomen Romæ, ut suspicionem cuiquam mouere deberet, euasuram ad eam potentiam. Sed & tautologia capitis seu Rosch principis esset molesta & aspera. Possibilior & amabilior expositio erit, si contextus intelligatur de aliquibus principibus septemtrionalibus, qui inhabitant latera ista Aquilonis. Et quia tria illa regna, Roxolanorum, Moschorum, & Colchorum celeberrima tunc erant Aquilonem versus, à quo orbi terrarum omne malum impendere solebat, ideo de Roschorum principe oportunior videtur esse expositio: Nam & ipse Strabo scribens: An autem ultra Roxolanos habitet, septemtrionem versus prorsus ignoramus, facile indicat quàm latè tunc imperabant istæ gentes. Sed si quis cognomen Rosch eludat, certè Mosoch eludere non potest quin de principe septemtrionali prophetam loqui fateatur. Celebre est autem in scriptura nomen Mosoch. Facit eius mentionem Moses Gene. 10. Facit & scriptor libri Paralip. cap. 1. quibus etiam hic propheta astipulatur: Sed de Moschorum origine superius, à nobis dictum est, de quorum vicinitate cum Sarmatia Lucanus meminit inquiens: sæuisque affinis Sarmata Moschis:

De Gog

Magog principem significat, qui nomadicis legibus viuit sub tentoriis, quâ pabula inuitant, & sequentis fugientisque hostis temeritas, vt Pomponius Mela definit. Tales erant Pontici Sarmatæ, & plerique Germanorû, quod vitæ genus Scythę hæc tē⁹ sequuntur.

De Roma.

Romulus tum natus est ex meretrice, cui nomen fuit Lupa, vt vult Plutarchus. Vnde lupanaria esse dicta volunt. Sed facinus tantum, fabula de Lupa animante crudeli obumbratur. Sub quali autem aspectu & constellatione hæc vrbs fundata fuit, docet Sempronius Gracchus.

Rubigalia festa.

Paulò ante instituta erant à Numa, festa rubigalia, qualia etiam nunc plerisque in locis celebrantur circa festum Marci Euangelistæ. Nomen ipsum indicat, quòd supplicationes populus tum faciebat ad Deos, ne fruges rubiginis vitio corrumperentur.

De temporibus Cyri Persarum Regis.

Anno ab orbe condito 3400
Olympiade 56
Anno ante Christum 600

Quis fuerit Cyrus, & quàm clarus princeps, multi historici memoriæ prodiderunt. Hoc duce à Babyloniis transit imperium ad Persas, cuius etiam famam & heroica facta complures loci celebres, ab eius nomine nuncupati referunt. Memorantur vrbes celebres, Cyra, Anticyra, memoratur & flumen quoddam non procul à Colchide, Cyrus, ab eius clade & occidione dictum. Ibi enim cum Tomyri regina fataliter confligens interiisse prædicatur. Fuit autem Tomyris regina Massagetarum. Hi antiquitus ad nomen Sarmaticorum populorum referuntur, vt inferiùs docebimus. Et vocantur hi in crimen, accusanturque crudelitatis à scriptoribus Romanis, sicuti & ipsi Sarmatæ. Sed nescio quomodo verum sit illud dictum: quo sese fortuna inclinât, eò & fauor hominum, addiderim ego, & stylus scriptorum. Nam autores non raro gnatonisando suis Romanis, adulatores officia præstant, & quantum septentrionalibus populis detrahunt, tantum se suis adieciisse putant. Cum autem Massagetas populos Sarmaticos

E fuisse constet,

*Getæ unde di-
cti.*

Gelones qui.

*Moschinorum
origo.*

*De Mazouio-
rum origine.*

fuisse constet, existimo eadem ratione appellatos, sicuti & alios eorum cognatos, Getas, γέτας enim græcis vicinum significat. Itaque qui Græcis vicini erant, habitabantq; ultra Istrum vers^o Thraciam, Getæ, id est, vicini Græcorum, qui verò ad flumen Tyram Tyrigetæ, qui ad Tibiscum Tisigetæ ab Herodoto vocantur, id est vicini & accolæ illarum regionum, quæ permeabant illa flumina. Arisigetæ, id est, bellicosi. Nam Aris Martem græcis significat, quem Getæ pro Deo colebant. Sic Massagetæ, id est, vicini Moschinorum montium, vel potius populi mixti ex Getis & Mysiis, ut Strabo vult. Gelones verò videntur dicti à regionibus, ubi niue, gelu, pruinis & glacie omnia rigent, qui & picti dicuntur à Poëtis, quòd vestib⁹ vermiculato opere acu pictis gaudeant, quarum vestium vsus apud Moschos creberrimus adhuc est. Cum autem Massagetæ vicini semper erant Sarmatis Asiaticis, non desunt autores, qui existimant, quòd commigrantibus ex Asia in Europam Sarmatis, Massagetæ iuncti eis ad eas regiones perucnerint, nomenq; Masouiorum nostrorum ediderint. Neque incredibilia admodum narrare videntur, præcipuè si ista conferantur cum iis, quæ de commigratione populorum occidentalium ex Asia, scriptores prodiderunt. Sicut enim Henetos ex Paphlagonia orientali, Romanos à Troianis, Hispanos ab Hyberis, Moschos à Moschinis Capadocibus, Mysios à Mysiis Asiaticis, Pannonas ex Pæonia, sic Masouios à Massagetia colonias deduxisse, & in eas oras cum Sarmatis peruenisse autumant. Et sicuti istis in Asia cohabitabant, ita etiam eò locorum insimul habitasse, eisq; sese coniunxisse opinantur. Certè isti nostri, robore corporum & virtute militari non degenerarunt ab illis, qui duce scæmina Cyrum cum innumeris exercitibus ad internecionem deleuerunt. Scio quæ nostri Chronologi de Masouiorum origine à Massao Tyranno, cuius castra secuti erant contra regem Polonorum, scripserunt. Sed mihi incredibile videtur, gentem tam præclaram & animo excelsa præditam ab hoc vili homine, & quidem tyrânno nuncupationem suorum natalium petiuisse.

Annotatio.

Massagetæ olim Indiam versus collocatos scim⁹, sed successu temporis progressos esse occidentem versus credibile est. Scribunt autem autores, dictos esse Massagetæ, quod ex Getis & Mysiis vnam Rempub. sibi constituerint. Porro Tomyrim, cum qua Cyrus conflixit Reginam fuisse Getarum disertè ex Trogo Iornandes demonstrat, & in signum victoriæ urbem Thamyrin in Mysia seu Got-

LIBER I.

scu Gotthia de suo nomine ædificasse narrat. Scribit etiam, quòd cum ad fluentia Araxis infessa ripa transitum ei intercludere potuit, tamen elegit armis eum vincere, quàm loci beneficio submouere. Meminit & victoriæ eius de Parthis adeptæ, opimæq; prædæ ab eis ablata. Ibi, inquit, primum gens Gotthorum serica vidit tentoria.

Sub idem tempus.

Solinus capite septimo: cùm olympiade octaua & quinquagesima victor Cyrus intrasset Asiæ oppidum Sardis, vbi tunc Cræsus latebat, Arhys filius Cræsi mutus ad id vsque temporis, in vocem erupit vi timoris: exclamasse enim dicitur: Parce patri meo Cyre, & hominem te esse vel casibus disce nostris.

*Arhys filius
Cræsi.*

Aliud,

Zaleucus legumlator apud Loces, crebro sermone celebratur. Hic legem de adulteriis tulit, vt quicumque in adulterio comprehensus fuisset, vtroque oculo priuaretur, quam legem, quia filius eius violauit, pater hac poena eum afficere voluit, sed populo intercedente pro filio iuvene, misericordem se exhibere voluit, ita tamen ne vis legis à se lata imminueretur, itaque sibi vnum oculum & filio vnum erui iussit. Hoc exemplum rarissimum est, apud nostrates legumlatores, aut earundem custodes. Ita maiestatem legum custodierunt prisca Reges.

De Zaleuco.

De temporibus Darii Regis

Persarum.

Anno ab orbe condito 3453

Olympiade 67

Anno ante Christum. 547

Sicuti Cyri ita & Darii imperium non fuit tutum à gentibus Sarmaticæ stirpis. Semper enim infestis armis infundebant se in regiones Asiaticas easque vastabant ac depulabantur. Ideo Ezechiel vehementer conqueritur, & denunciat eis malum exitum. Sed & Herodotus ab illis temporibus autor non valde remotus, quæ nam illæ gentes fuerint, quæ tum armis grassabantur per Asiam refert, & nominatim exprimit Getas vicinos Traciæ ad Bosporum, sicut & nomen ipsum viciniam, vt supra monuimus, indicat. Nominat & Cimerios populos, nempe illos, à quibus Cimbri illi, qui Italiam inuaserant, originem ducunt. Cum

E 2

cunt. Cum his Sarmatas iungit. Apparet igitur non modò ex Berofi ac ipsi⁹ Mosis testimonio, sed etiam ex Herodoto gentem hanc plurimum consilio & armis tum valuisse. Neque enim imbellis ac mediocris fortunæ Principis fuit, non tantùm sumere arma, sed etiam laceßere tantos Monarchas, Cyrum, Darium, ad quorum nomen Græci, Aegyptii adeoque totus orbis terrarum attonitus metu & formidine concutiebatur. Nabuchonodoneser certè tam latè & longè regnum suum extenderat, vt etiam in Hispaniam vsque peruaserit, vrbesque eius oppugnarit.

Cyrus igitur obiecit se furori harum gentium, vt illarum exercitus Asiam intrare tentantes arceret. Dari⁹ verò iam ingressos & omnia tumultib. miscentes, vt eiiceret, lōgius processit. Sed Dario difficilior fuit fortuna, iam enim priore successu elati animo ob profligatum Cyrum, maiore spe & audaciore animo cōtra eum ferebantur & intumescabant. Itaq; Darius mutato consilio, metuens Cyri fatales casus, ab eis pedem retulit: cum Getis verò in reditu pacem fanxit. Ad Amyntam verò regem Macedonum cum acerbiori mandato legatos misit, imperiosè præcipiens, vt terram & aquam traderent, si pacem habere vellent. Res illa durior Regi tum videbatur, sed tempori seruiendum fuit. Nam collatis copiis suis cum Persarum viribus, Darium robore & numero militum superiorem facilè perspiciebat, proinde ad quietiora consilia decurrit, placidè respondet, legatosque illos ad conuiuium inuitat: sed legati inter conuiuandum obliti officii, minus verecundè pro ingenta Persis procacitate sese gerebant. Nam foeminis nobilioribus arridere & adblandiri inter conuiuandum coeperunt, immo vlteri⁹ prouecti etiam basia eis dare & impudicè attrectare libidinosum genus hominum coepit, quam petulantiam cōiunctam cum insigni contumelia Rex aspiciens dolenter tulit, sed tamen iram firmitus compressit, in aliud oportunius tempus vindictam differens. Interim filius regis Alexander, patrem hortatur, vt se dormitum è conuiuium conferat, quo discedente simulat hilaritatem Alexander, ac paulò post rogat legatos vt concedant mulieribus à mensa surgere, promittens mox redituras. Vbi discessissent, iubet adolescentes totidem forma venustos, & animo generoso præditos vestib⁹ mulierum induere, ac succinctos gladiis sub chlamide in earum loca succedere. Cumque Persæ nihil de solita lasciuiâ remitterent, attrectareque pergerent, iuuenes abditos gladios expediunt, & subito ad vnum interficiunt omnes. Hanc historiam attexere volui, quia commemorata Darii expeditione, facinus hoc quod in se complectitur lasciuiæ poenam, transiliri non potuit,

potuit, præsertim cum hæc eodem tempore acciderint, quando transactio de pace cum Sarmaticis populis in reditu ex septemtrione ab eodem rege Persico facta fuisse prædicatur. Fuit autem hic Alexander Alexandri Magni proauus. In idem tempus refertur ab eruditis quod Herodotus refert de auxiliis, Lacedemoniis missis ab hominibus nostris, quos illi Viridomirim machimotatas id est bellicosissimos vocant. Athenienses perculsi metu ex aduentu nostrorum, detrectabant descendere in arenam.

De periculoso bello Darij.

Vbi Darius adiit periculum, dum se ad conflictum cum gentibus istis præparat, describit Strabo istis verbis. Inter mare Ponticum ab Istro Tyram versus, Getarum iacet solitudo campestris tota, & aqua carens, in qua Darius Hytaspis filius destitutus, quo tempore Istrum transgressus in Scythas duxit, in periculum venit, siti cum toto exercitu pereundi, ac serò intellecta re reuersus est.

De causis belli Darii cum Getarum rege Attyra, quem Scytham vocant.

Darius Attyræ regi Scytharum hac maxime de causa bellum intulit, quod filiae eius petitas nuptias, non obtinuisset. Incredibili igitur apparatu, hoc est cum 70000. armatorum Scythiam ingressus, ac non facientibus iustæ pugnae potestatem, insuper repentinis incursum extremas copiarum carpentibus, metuens ne sibi reditus interrupto ponte fluminis negaretur, amissis 80000. bel-latorum trepidus refugit.

*De causa belli
Paulus Orosius
lib. 2. cap. 8.*

De pontibus & apparatu belli fugaque Darij.

Deinde Darius rex Persarum Hytaspis filius, Antriregiri regis Gotthorum filiam in matrimonium postulauit, rogans pariter atque terrens nisi suam perageret voluntatem. Cuius affinitatem Gotthi spernentes, legationem eius irritam reddiderunt. Repulsus igitur ac furore inflammatus Darius octoginta millia armatorum contra ipsos eduxit, nauibusque penè à Chalcedonia usque ad Bizantium initar pontium cõtabulatis, petit Thraciam & Mæ-siam ponteque rursus in Danubio pari modo constructo, duobus mensibus crebris fatigatus excursionibus hostium, in Taphis octo millia perdidit armatorum, timensque ne pons Danubii à suis aduersariis occuparetur, celeri fuga in Thraciam rediit.

De temporibus Xerxis Regis

Persarum.

Anno ab orbe condito 3470
Olympiade 73

De expeditione Xerxis.

Iornandes de
rebus Geticis.

Post varii discessum iterum Xerxes filius eius paternas iniurias vlcisci cogitans, trecentis millibus armatorum, rostratis nauibus mille septingentis, & onerariis trib. millibus contra Gotthos profectus est ad bellum. Sed vt venerat, ita absque aliquo certamine suo cum rubore recessit.

Herodo. lib. 4.

Circa hæc tempora tradunt, Sarmatas elegantiae sermonis studeo, vt aliquid supra Mysios suos Homolglottos & supra Scythas haberent, genus sermonis elegantius & magis ornatum inuenisse. Aliquid tale etiam apud Græcos Solonis tempore euenisse narrant. Hinc apparet etiam illis temporibus magnam fuisse differentiam in moribus & sermone inter Sarmatas, & Scythicam gentem. Potest & illud ad eadem tempora adiici, quod de Pausania narratur, quod propriis oculis vidit, thoracem Sarmaticum admirando opere concinnatum. Fuit is coaptatus ex vngulis equinis & squamis Draconis, & tantæ duricie, vt nequaquam armis Græcorum inferior appareret.

Pausanias in
Asiaticis.

Thorax Sarmaticus.

De temporibus Artaxerxis

Persarum Regis.

Anno ab orbe condito 3520.
Olympiade 84.

Francorum origo à Scythis.

Tritemius narrat, quod Germanorum Francorum non contemnenda pars sub hoc tempus à Scythis originem duxerit, idque ex ea occasione. Antenor Scytharum ad ostia Danubii rex, à Gotthis in bello cum multis cohortibus cæsus est: huic successit filius Marcomirus, qui populum cui præfuit in Germanorum fines ad ostia Rheniperduxit, & ibi nouum regnum inchoauit, ex quo tandem vtraque Franciæ regna propagata sunt. Regnavit Marcomirus annos viginti octo. Si cum Tritemii historia conferas Herodotum libro quarto statim ab initio, de vna re videntur loqui. Dicit enim quod tum temporis Scythæ Cimmerici regione

merios regione cedere coëgerunt. Non desunt tamen, qui dicunt hunc Antenorem non Scytham fuisse, sed Gotthicæ gentis. Neque enim Scythæ ad ostia Danubii tum habitaverunt sed Getæ. Et nomen filii Antenoris Marcomir indicat Geticam linguam, quæ eadem est cum Sarmatica, Polonicam redolens. Mir enim nostris pacem significat. Et multa nomina eandem vocem retinentia apud nos hætenus reperias. Cazimir, Wladimir, Ludomir, &c. Quod autem ad ostia Rhæni confederit, existimo quod ei prior habitatio in patria ad ostia Danubii perplacuerat. Ne qua igitur parte inferiorem aut dissimilem priori locum post cōmigrationem suam capefferet, pro ostiis Istri, ostia Rhæni sibi delegit, ibique gentem novam auspicatus est, quam Germani Neümagon vocant, quod sonat, novi cognati. Vocati sunt postea Sycābri à regina quadam Britannia, cui nomen Cambra fuit. Vnum hîc quærendum puto, videlicet cum isti, Scythæ aut Gotthi fuerint, cur sibi & suis liberis nomina Troianorum imponebant. Ordine enim successionis reges ex illa stirpe vocabātur, Antenor, Priamus, Helenus, &c. Quod ideo commemoro, ne cuiquam absurdum videatur, quod veteres quoque, Polonorum Chronicam texentes, seriem antiquæ stirpis ducum Polonorum nominibus exoticis cognominarunt, videlicet Philaram, Alanum, Anchisen, Aencam, Ascanium, Pamphilum, Reafniam, & consimiles. De qua re superius quoque injecta mentio fuit. Sed hîc quoque occasionem prætermittere nolui. Nam si Getarum regibus aut Cimbris quos Scythas Trithemius vocat, licuit Troianorum nomina in usum suum convertere, eorumque nominibus insignire suos, non video causam, cur idem Polonorum maioribus non licuerit, præsertim cum Iornandes testetur usu illis temporibus, principibus venisse, ut Romani Macedonum, Græci Romanorum, Sarmatæ Germanorum, Gotthi plerumque Hunnorum nomina mutuarentur. Hæc ideo recito, quia posteriores scriptores pro summa prudentia ducunt ob eam causam propinare risui, & etiam flagellare illos bonos Dlugoffos, Miechouios antiqui moris homines, quod in seriem regum Poloniae principes introduxerint nomina Troianorum referentes.

Marcomir.

Sarmaticæ gentes cur Troianorum nomina sibi imponebāt

Libro de rebus Geticis, ab initio.

De temporibus Philippi Regis

Macedonum.

Anno ab orbe condito 3605.

Olympiade 105.

Anno ante Christum 406.

Ex historiis

*Lingua Heneta
apud Illyrios
ante Alexandrum
Magnū.*

*Amyntas rex
Macedonum.*

*Bardyllus rex
Illyriorum.*

HX historiis non difficulter colligi potest non tantum ante octingentos annos, sed etiam Darii & Alexandri temporibus Illyrios lingua Henetorum hoc est, qua Slaunos vtuntur, usos fuisse. Ad quam rem astruendam non desunt nobis argumenta. Nam si Heneti praeipuas sedes & portum suorum malorum quarentes cum Antenore profugerunt ex Asia post bellum Troianum in Illyridem, ibique domicilium ad tempora illa, quando Polibius vixit, fixerunt, certe linguam eorum sparsam istic fuisse nemo est, qui inficias eat: aut monstrent quomodo & quando isthinc expulsi fuerint Heneti. Relinquitur igitur esse verum & minimè dubitandum, illos Henetos Illyrios, cum Henetis seu Venetis nostris, & utrosque cum Sarmatis cum quibus mixti erant, cognatos & ὁμογλώττους fuisse. Quod cum ita sit, res Illyriorum ad nostras gentes iure propinquitatis & necessitudinis merito pertinere videntur. Nec abs re fuerit, si bellorum, quae cum Macedonicis regibus gesserunt, hic mentionem fecero. Traditum est ergo Amyntam regem Macedonum, paulò ante Alexandrum Magnum captum fuisse in praelio ab Illyriis, sed deinde Philippus ultus est iniuriam fratris & talionem reddidit. Nam victis Atheniensibus Pæonas aggressus est, & Bardyllum regem Illyriorum intercepit. Trucidata tum septem millia Illyriorum feruntur, & post victoriam potitus est aliquot oppidis Illyriorum, quae antea Macedonibus Illyrii ademerant. Hæc proculdubio digna sunt cognitione eorum, qui cupiunt scire, quid cum Sarmatis Sarmatarumque cognatis in iis terris actum sit inter illas vicissitudines rerum & mutationes temporum, quando Monarchæ Monarchis succedebant, & quando à Persis ad Macedones imperium transferebatur, appetentibus iam Alexandri Magni temporibus. De Philippi Macedonum regis matrimonio, quo pacto Medopam Gothilæ Getarum regis filiam in uxorem acceperit, ut tali affinitate roboratus Macedonicum regnum sibi stabiliret, lege Iornandem de reb⁹ Geticis.

De obsidione Vidistanae Urbis in Mæsia, ex eodem Iornande & Dione historicis.

Eadem tempestate Philippus inopiam pecuniæ passus Vidistanam Mæsiæ ciuitatem instructis copiis vastare deliberat, quæ tunc propter viciniam Tomyris, Gotthis erat subiecta: unde sacerdotes Gotthorum, illi qui pii vocabantur, subito patefactis portis, cum cytharis & candidis vestibus ipsi obuiam sunt egressi, paternis diis ut sibi propitii essent, ac Macedones repellerent, voce supplicii modulantes. Quos, Macedones sic confidenter ipsis occurrere con-

tuentes,

tuentes, stupeſcunt, & ſi dici fas eſt, ab inermibus tenentur armati. Nec mora, acie ſoluta, quam ad bellum inſtruxerant, non tantum ab urbis excidio deſtiterunt, verumetiam quos foris erant iure belli adepti, reddiderunt, ſcedereque inito ad ſua reuerſi ſunt. Atheas à Strabone nominatur, Rex Sarmatiarum, qui cum Philippo tunc confligit.

De temporibus Darii, vltimi Regis Perſarum.

Anno ab orbe condito 3630
Olympiade 111
Anno ante Chriſtum 370

DIxi de iis, quæ acciderunt gentibus Sarmaticis ſub Dario primo, dicam & de iis, quæ euenerunt ſub Dario vltimo. Apparet omnino tum etiam ſumme opinionis viros fuiſſe populos Geticos, vtpotè, qui non modo ad Iſtrum, ſed etiam uſque ad Thracas, extenderant fines regni ſui. Scribit enim Herodotus, quod Darius rex ſummis laudibus eos extulerit, maxime quæ fecerit, cumque in conſpectum eius veniſſent vocat, καὶ δεικνύται καὶ δικαιοτάτω θράκων : & videtur Darius concordare cum Homero, & alludere ad illas laudes, ubi noſtras gentes ex Iouis ſententia vocat, Λατιυροσ Αβιοσ, hiſ non eſt iultior vlla, gens hominum &c. Apparet ergo eos à barbarie fuiſſe remotiſſimos, virtuteque militari plurimum excelluiſſe, quandoquidem tam inſigni præconio eos ornat. Sed cum eos Thracas vocat, videtur Græcis potius quàm Germanis, vt nonnulli recentiorum volunt, adnumerare eos voluiſſe. Iam enim tum traiecto Iſtro & ſuperatis Myſiæ finibus Thraciam attingere incipiebant, præſertim Alexandri Magni temporibus. Ideo & nomina Græcorum ſuis regibus accommodando, ſe genti Thracum, ab ea captando beneuolentiam attemperare cœperant. Nam Dromichetes, de quo inferius dicitur, Græcum eſt prorfus vocabulum, à velocitate curſus, vel quod in rebus bellicis celeritati, in qua omnia ſita ſunt, ſtuduerit, dictus. Sed & Theodoricus Græcum eſt nomen, illius inquam principis Gothorum ſeu Getarum, qui Romam totamque Italiam temporibus Honorii armis ſubegerunt. Miror ergo vndenam quibuſdam in mentem venerit, quod Gothos Germanos fuiſſe aſſerere volunt, ex eò quod ne vnum quidè nomen Principū Gothicorū mōſtrari poſſit, quod aliquid commune cū lingua Slauonica habeat (verba ſunt Hi-

Homeri & Darii
teſtimoniū
de gente Sarmatica.

Iliados 1.

De cognominibus
Gotthorū,
cur ea à Thracibus & Græcis
mutuati ſunt.

F ba ſunt Hi-

ba sunt Historici Polonorum.) Potest autem paruo admodum negotio monstrari, & Theodorici nomen & Dromichetis, Græcorum fuisse cognomina, quæ tum apud Russos in frequentissimo vusu erant, & etiamnum esse non desierunt, ut ii qui in iis regionibus versati sunt testari possunt. Sed & illa nomina filiorum Theodorici, Vallamir, Theodomir, & Vindemir, prorsus resonant Slauonici cum idioma. Mir enim pacem significare nostris, nemo est, qui nesciat. Sed & hætenus plurima oppida in Russia Polonia reperias, quæ huiusmodi cognominibus ab eorum conditoribus appellatur, ut Wolodomir, Cazimir, Sedomir, Skarmir, Lubomir. Sed & in Germania, Visinaria vrbs celebris, ideo sic appellata, quod eam à Polonorum duce Vismaro filio Lechi extructam fuisse inter omnes conitat. Sicut igitur Getæ non erant Thraces, quamvis inter Thraces à Dario numerentur, nisi forte per figuram, viciniae ratione, ita neque Vandali Germani erant, quamvis à Plinio inter Germanos vicinitatis haud dubiè & commerciorum causâ reponantur. Sed quia inferius ex professo hæc quæstio vberius à nobis tractabitur, ideo lectori hîc molestus esse nolo, ne prolixioribus digressionibus indulgendo continuam seriem historiæ institutæ cum tædio lectoris, abrumpere videar. Igitur postquam à nepotibus Noë incipiendo, ad Alexandri Magni usque tempora historiam nostram perduximus, finem hîc libro primo imponamus.

Liber secundus

In quo ea quæ acta sunt in ijs terris, ab Alexandro Magno usque ad Pompeium, Magnum & Iulium Augustum comprehenduntur.

P R O O E M I V M

Ititulus ipse libri indicat causam cur hic subsistendum lectori, & in medio quasi cursu respirandum censuerimus. Tunc enim Babylonicum imperium à Persis ad Græcos translatum fuit, vnde gravissima bella secuta sunt, & vniuersa gubernatio in orbem terrarum immutata fuit. Duravitque circiter annos 300. Vocantur autem hi Principes, Magni per excellentiam, non tantum ob res bellicas, quanquam & hæc magnæ sunt, sed à rebus actis & actis, domi, foris, pace & in bello, hoc est quod excelluerunt virtutibus æconomicis, politicis, bellicis, adde & ecclesiasticis, pietate inquam, & iustitia. Tales merentur dici inter Christianos: Constantinus Magnus, Carolus Magnus, Ottho Magnus, Cazimirus Magnus Rex Poloniae. Inter gentes verd: Cyrus, Iulius, Alexander Magnus, qui tale meruit præconium: Prouocauit, inquit ut strenuus, equiparauit ut meritis, superauit melior, solus quæ sine emulatione clarus, adeo ut nemo virtutem eius superare, vel optare saltem fortunam eius, ausus fuerit.

De tempo-

De temporib. Alexandri Magni Regis Macedonum & summi in orbe monarchæ.

Anno ab orbe condito 3630

Olympiade 111

Anno ante Christum propemodum 350.

Monet nos temporum series continua, ut ea quæ temporibus Alexandri Magni cum gente nostra acta sunt recitemus. Sed commemorato nomine regis Magni, forsitan etiam aliquid magnum, quod ad rem propositam faciat, à nobis expectabit lector. Et haud dubiè in ea expectatione non hallucinabitur. Iam enim inde à primordiis maiora incrementa rerum ab iis gestarum, maiorem etiam & ampliorem nostræ historiæ suppetabunt materiam, usque quo tandem ad Vandalorum & Gotthorum res memorabiles tam in Africa quàm in Italia gestas peruenimus. Alexander igitur Magnus cum in Achaia assensu & fauore Græcorum dux belli contra Persas declaratus fuisset, dedit omnè operâ ut nihil, domi aut foris prætermitteret, quod ad expeditionem Asiaticam pertinere videbatur, & quod ad augendam expectationem, quam de eo vniuersus orbis conceperat, facere iudicabat. Et quia de Getis gente vicina eorumque virtute militari increbuerat fama, audiueratque eos à suo hoste Dario prensari, utque se ei adiungerent præmiis inuitari, cupiuit & ipse eos quacunque ratione sibi deuincire. Facile enim prospiciebat, si se Dario adiunxissent, absente præsertim ipso ob Asiaticam expeditionem, multum damni eos Græciæ ob vicinitatem inferre, eiusque cursum victoriarum interpellare posse. Proinde Syrmum regem Getarum & insulæ Peucen, ubi Getæ præcipuum domicilium habebant, primò exquisitis artibus sollicitandum putauit. Cumque hoc non successisset, etiam bellum ei antequam contra Persas iret, indixit. Vario euentu res gesta est, sed tandem utrique è re sua iudicabant, ad pacis consilia decurrere. Nam & Macedo Asiaticam expeditionem in animo versabat, & Syrmus urgente Alexandrum Persico bello, facile magnum quid ab eo se extorsurum opinabatur. Itaque occasione viam patefaciente, & ipse pacem non abhorruit. Sancitur itaque pax, ineunt foedus, percutiuntur victimæ. Nec regem Syrmum opinio quam conceperat, fefellit: ab utrisque enim tum aliquid emunxit. Allata sunt à rege Persico munera & miræ pollicitationes: ab Alexandro verò præter honores delatos & virtutis

*Privilegium
ab Alexandro
Magno gentib.
Slauonicæ stir-
pis Alexandrie
datum.*

testimonium insigne, etiam finium ampliissimi regni sui accessio-
nem non parum adeptus est. Vidi ego priuilegiū quoddam gen-
ti Sarmaticæ ab Alexandro Magno donatum, quo ei omnia regna
& prouincias, quæ intra hos duos maximos fluuios, Borysthenem
nimirum & Istrum, attribuit. Talemq; eminentiam iulq; absolu-
tum eis inscribit, vt omnes populos gentesq;e, cuiuscunque stir-
pis illæ fuerint, quæ in ea plaga orbis terrarum intra hos fines no-
minatos manerent aut mansuræ sint, eis obnoxios tributariosq;e
decernat. Inuentum & hoc priuilegium in Archino Boëmorum
regni, & postea in monasterio quodam non admodum procul à
Cracouia asseruatum fuit. Mirabarq; ego, & sæpe ea de re cum do-
ctis viris conferebam, quam occasione & quo tempore ex muni-
ficentia Alexandri tantam beneuolentiam consecuti sint populi
Sarmatici simul & Getici: sed verisimile est hæc sub illos tumultus
belli Persici accidisse, quando Macedo profecturus ad bellum
Asiaticum itineri se accingebat, & metueret ne Darii partes auxi-
liis missis Syrmus augerer, ideo tam liberaliter cum eo transegisse,
quod ex sequenti historia belli Dromichetis cum Lysimacho ge-
sto clarius apparebit. Non me etiam latent ea, quæ à nostris histo-
ricis memoriæ prodita sunt de bellis Lechi primi Polonorum du-
cis cum eodem rege Alexandro Magno, sed quid ea de re sentiam,

*Comatio Ale-
xandri magni
gentem nostris
populis.*

in Lechi huius historia apparebit. Memoria etiam digna sunt, ea
quæ literis Miechouiensis de stirpe Alexandri mandauit, & quod
originem eius à gente Slauonica deriuat. Hocq;e autoritate & te-
stimonio Philopolensium confirmare nititur. Affirmatq;e constan-
ter eius rei non modo scripta nuda, sed etiam columnas & imagi-
nes hoc ipsum repræsentantes eosdem Philopolenses hætenus ha-
bere. Sed hæc veritati an sint consentanea, & quo pacto conueni-
ant cum serie eius progenitorum, quæ inde ab Hercule vsque ab
Herodoto deducitur, inferius suo loco dicemus. Strabo tamen re-

*Philippi Regis
Macedonum
matrimonium
cum Regina Ge-
tarum.*

fert, libro septimo, Philippum patrem Alexandri, Getarum regi-
nam in matrimonium duxisse. Illa etiam Ptolomæi descriptio de
aris Alexandri ad Borysthenem locatis, ad confirmandā narratio-
nem superiorem de priuilegio Alexandri Magni, multum facere
videtur. Si enim signis & monumentis incurrentibus in oculos fi-
nes harum gentium veluti quibusdam gadibus confirmare, & ra-
tos habere non dubitauit, omnino nec absurdum erit relatu, etiā
ad signa, hoc diploma eum addidisse. Sed quidam contrarium sen-

Aræ Alexandri

tientes dubitant an Alexander illas aras erexerit, cum non appare-
at ex historicis, quod ille tantum temporis habuerit, vt illi vaca-
ret arctoas regiones inuisere. At parum refert per se ipsum id fece-
rit, an per

rit, an per quempiam alium. Iustinus tamen historicus libro tricesimo sexto affirmat eum per Zopyrona quendam illa bella septemtrionalia cum Massagetis administrasse. Quod si autem in dubium vocare aras illas licebit, licebit & de ponte dubitare, quem superfluenta Araxis erexerat, eumque Augustus Cæsar instaurare suo ævo curauerat. Vtraque enim tam ara, quam pons non longo intervallo loci à se distant.

De privilegijs duobus Alexandri Magni.

Ad illustrandas res Slauonicarum gentium proferuntur duo privilegia Alexandri Magni: alterum quod Bulgari producunt in suis antiquitatibus ac etiam Croatæ, cuius exemplar aureis literis in pargameno Alexandriæ scriptum, inter Thesauros Turcorum hætenus pro magna gaza asseruari constanter affirmant, dicuntque illud eo tempore in manus Turcorum incidisse, cum Mahomet eorum Imperator Constantinopolim expugnaret: huius exemplum inferius à me subiicietur. Aliud verò privilegium, quod à me adductum iam est, ad Slauonicas nationes propriè pertinet. Ideo à Boëmis, qui etiam à Slauonibus oriundi sunt, Slauonica lingua descriptum asseruatur. Extat eius exemplar in quodam peruetusto libro Chronicorum Bohemicorum. Cogitans autem quando & quibus occasionibus emanarint hæc privilegia donationum Alexandri, incidi in Strabonis librum septimum, ubi describit Alexandri Magni expeditionem in Triballos usque; in Istriam, quidque rei habuerit cum Syrmio rege Sarmaticorum Getarum ibidem annotavit, quod negocium, ut melius à quouis intelligatur, ipsius auctoris verbis illud explicabo.

De expeditione Alexandri Magni contra Syrmum regem Slauonicarum nationum: ex Strabone libro 7.

Alexander Magnus Philippi filius in ea expeditione quam in Thracas supra Aemum habitantes fecit, impressione in Triballos facta, quos ad Istrum usque; & sitam in eo insulam Peucen pertingere videbat, ulterius autem fluvii à Getis teneri, eoque progressus dicitur. Et in insulam quidem ne intraret, nauigiorum fuisse impeditum penuria (eo enim cõfugisse ante Syrmum Triballorum regem aggressoque intrare obstitisse vi) ideoque in Getas traiecisse, captaque eorum vrbe celeriter reuertisse domum. Hoc eodem tempore Celtæ qui ad Adriam incolebant amicitia & hospitii iungendi causa Alexandrum conuenerunt. Quos Rex comiter exceptos inter pocula interrogauit, ecquidnam esset, quod maxime metue-

Colloquium Alexandri cum Adriæ incolis.

rent, expectabat enim hanc responsionem, se ab ipsis maximè timeri, ii verò responderunt, nihil sanè, nisi fortè ne cœli ruina obruerentur, interim se tanti viri amicitiam maximi pendere. Hac quidem simplicitatis barbarorum indicia, quorum ille non passus Alexandrum in insulam venire, dona tamen misit, amicitiamque iunxit, hi nullius metu se teneri, magnorum tamen virorum amicitiam plurimi se facere responderunt.

*De Perdica prorege ab Alexandro in Macedonia relicto
et de bello eius cum Sitalco Gottho.*

*Iornandes de
rebus Geticis.*

*Saxonia vastata à Gotthis
occidentalibus*

*Orosius lib. 1.
cap. 16.*

Quem dolum (hoc est Philippi, qui sub specie affinitatis provincias Getarum Sarmaticorum inuaserat) tandem post longum tempus reminiscens egregius Gotthorum ductor Sitalcus, centum milibus virorum congregatis, Atheniēsis intulit bellum aduersus Perdicam, Macedoniae regem, quem Alexander Atheniensium principatui hæreditario iure reliquerat successorem. Magno prælio cum hoc inito, Gotthi superiores inuenti sunt, & sic pro iniuria quam illis in Mæsia dudum fecissent, isti in Græciam discurrentes, cunctam Macedoniam vastauere. Circa eadem tempora Gotthi fines Saxoniae vastarunt, vt Trithemius narrat. Existimo hoc factum nō tribuendum esse nostris Gethis occiduīs, qui Visigotthi dicebantur. Nam tum Gotthi orientales implicati erant bello Macedonico, quod cum Perdicca illis fuit. Adhæc nostri Visigotthi multò viciniore sunt Saxonibus, quàm Ostrogotthi. Scribit etiam Hypocrates Sarmatarum bellicosum ingenium depingens: Hac in parte, inquit, nō modò mares sed etiam mulieres ipsorum, vsque adeò arti militari vacabant, vt etiam legibus apud eos cautum fuerit, nullam fœminam ad matrimonium admittendam, quæ tres viros in bello non interfecisset. Apparet ergo hoc sæculo Sarmatarum nomen, quod attinet res bellicas celebre fuisse. Nec immerito Paulus Orosius de iis gentibus in eorum laudem memoriae prodidit: Hos, inquit, Alexander euitandos pronuntiauit, Pyrrhus exhorruit, Cæsar etiam declinauit.

*Diploma Alexandri Magni datum Illyrijs, ex Græco in
latinum conuersum.*

Extat in libro Dominici Cylleni Græci de veteri & recentiori scientia militari ad Emanuele Philibeum ducem Subaudiæ, impressum Venetiis apud Franciscum de Portonariis Anno 1550.

Nos Alexander Philippi Macedonum Archos, Monarchiæ ac
Græcorum

LIBER II.

47

Græcorum Imperator, Magni Iouis filius per Arthemum nunciū Allocutor Brachmanorum, & Arabum, solis & lunæ conculcator, Persarum ac Medorum domitor, dominus ab ortu solis vsque ad occasum, à meridie vsque ad septentrionem, Illustri prosapia Illyriorum populorum, Dalmatiæ, Liburniæ cæterarumque eiusdem idiomatis & linguæ gentium ad Danubium, & medias regionum sedes incolentium, gratiam, pacem atque salutem à nobis & successoribus nostris succedentibus nobis in gubernatione nostra mundi. Quoniam semper nobis affuistis veraces in fide, in armis strenui, nostri coadiutores bellicosi atque robusti, damus & conferimus vobis liberè & in perpetuum totam plagam terræ ab aqui lone vsque ad fines Italiæ Meridionalis, vt nullus valeat ibi manere aut residere, seu ibi locare, nisi vestrates: & si quis alius inuentus fuerit morari, sit seruus vester, & postea sint serui posterorum vestrorum. Datum in ciuitate nostra noua Alexãdrina fundata super magna Nili flumina. Anno XII. regnorum nostrorum arridentibus magnis Diis, Ioue, Plutone, Marte & maxima Dea Minerua. Testis huius rei Achetas, Iaxis, Legatichas & alii principes XI quos nobis sine prole decedentibus relinquimus nostros hæredes & totius orbis terræ. Contigerunt hæc ante aduentum Christi saluatoris circiter trecentis annis.

De temporibus post Alexandrum Magnum, Lysimachio dominante.

Anno ab orbe condito 3650
Olympiade 116

Direpto dilaceratoque imperio à morte Alexandri Magni, pro se quisque agebat, obuia quæque sibi vendicans. Igitur Rex Getarum Dromichetes, ne interea temporis sibi quoque deesse videretur, vnum ex successoribus eius Lysimachum qui thesauris in vrbe Pergamo ab Alexandro præpositus fuit, bello adortus est. Et aliquanto post Lysimachus à Dromichete acie victus in deditionem venit, cumque de conditionibus pacis laboraretur diligenter, non ita multò post ab eo liberaliter dimissus. Lysimachus tandem motus illa clementia Regis Getarum, gratitudinis ergò concessit vt Getæ in posterum ad Istrum sedes haberent suas, immo & filiam suam Regi in vxorem despondisse narrat Pausanias. Inde factum esse credo, quod Getæ inter Thraces ab historicis subinde connumerati sunt, nominaque propria suis regibus à

Lysimachus à nostris captus

Lysimachi filiam ducit Dromichetes.

Græcis

Græcis accepta indere cœperunt. Inde etiam factum reor, ut non modò noti fuerint Græcis, sed paulatim Græciam versùs fines domini sui protenderint. Conferantur hæc quæ de concessis à Lysimacho prouinciis, Gotthicis populis retulimus, cum illa donatione Alexandri & diplomate vel priuilegio per eum nationibus linguæ nostræ cōcesso: existimo quod & ratio postulatorum, & æquitas concessorum, habet in se magnam verisimilitudinis notam, ut illam narrationem de transactione inter nostras gentes & Alexandrum Magnum nequaquam absurdam ac minimè fabulosam esse putemus. Sunt enim quidam ita morosi, ut malint suis commentitiis narrationibus, quas ipsi sibi in suo cerebro exsculperunt, locum dari, quàm ea quæ ex classicis scriptoribus eruta sunt, admittere.

De bello Lysimachi cum Dromichete Getarum rege, ex Strabone.

Postea autem temporis Lysimachus Getis, eorumque Regi Dromicheti bellum inferens, non discrimen duntaxat adiit, sed viuis in hostis potestatem peruenit, salutemque barbari humanitate adeptus est, uti supra commemorauimus. Duo ergo principes Alexandri Magni in deditiōem nostrorum Getarum deuenerunt, Perdicas inquam & Lysimachus.

De rebus Illyriorum & de bellis Cimbricis Mitridatisque, quantum spectat ad præsens negotium.

Anno ab orbe condito 3735.

Olympiade 137.

Ante Christi aduentum 265.

Tres cause.

LVuabit etiam non mediocriter lectorem cupientem sibi comparare notitiam rerum Sarmaticarum, nosse quid cum Illyriis gentibus actum sit ante Saluatoris aduentum. Diximus enim Illyrios duplici de causa obnoxios esse Polonis: & quod maiores nostri stirpis Henetæ, præcipuas sedes apud ipsos duce Antenore habuisse prædicantur, tum etiam quod Lechus, Czechus, Reipub. nostræ conditores ab eis prodiisse, & colonias secum duxisse in eas oras magno omnium consensu perhibeantur. Addam & ego tertiam rationem, quæ me adducit ut credam, illis temporibus lingua etiam nostra vfos fuisse. Reperio enim apud veteres Geographos, Ptolomæum inquam & alios, nomina montium

mina montium & fluuiorum, quæ prorsus Polonicum idioma resonant. Sic mons notissimus, quem vocat Curuanca, qui Noricum *Mons Curuanca.* ab Illyrico dislimitat. Sic Odra Psari villa, vnde progenitores nostri Lech, inquam, & Czech huc aduenisse perhibentur. Postquam igitur non mediocriter stabilimentum nostri homines suæ Reipub. ab Illyriis acceperunt, meritò dixi non parum conducere ad illustrandam historiam nostram res eorum, quæ illis tam cum Græcis quàm etiam Romanis intercesserunt nosse. Commemorantur autem ab vrbe condita quatuor potissima bella Illyrica. Primum, *Quatuor bella Illyriorum.* quando ab vrbe condita 525 Romani consules Fuluium & Posthumium miserunt contra Teucam Illyriorum reginam, quod bellum ab eis ob violatos legatos susceptum fuit. Secundum bellum fuit Persicum, quod cum Perseo Macedonum Rege gestum fuit. Tertium Macedonicum dictum, quod cum Gentio Rege Illyriorum gesserunt Romani. Captum fuit Rex Gentius & in triumpho vnà cum Perseo Macedonum Rege ostentatus. Quartum bellum Illyriorum numeratur, quod duce Cn. Casconio contra eosdem populos administratum est. Licet autem varias mutationes Illyrii experti sint, propter varia bella iam cum Regibus Macedonicis, iam etiam cum Romanis, tamen multa adhuc cognomina extant peruetusta, quæ monstrant veteres Illyrios eadem lingua usos fuisse, qua & nunc vtuntur. Nam quod quidam eius rei causam in Russos & Roxolanos reiciunt, quod quondam vagabundi depopulati sint eorum terram, & quod ab eo tempore linguæ nostræ vsus apud eos inualuerit, id non videtur consentaneum. Ptolomæus enim Geographus longè ante Russorum hæc bella vixit, immo etiam ante Lechi ipsius ad eas oras aduentum. Nam Mauricius & Phocas, quorum temporibus Roxolani penetrasse Europam prædicantur, multis post seculis vixerunt. Adde, quod illis Roxolanorum, quæ non diu durarunt bellis, incredibile est tam fortes impressiones factas fuisse, vt potuerint tot regna longè & latè à fundamento immutare. Longius spacium temporis & diuturnius intercessit, cum Gotthi Vandaliq̃ue Italiam concusserunt, Hunni Pannonias debellarunt, Francones Gallias oppresserunt, & tamen nec linguam eorum, nec vestitus rationem poterant in illis gentibus ad nostra vsque tempora ita abolere, vt nullum vestigium patrię linguæ, morum, & lineamentorum in vultu remaneret in ipsis, sicuti in Illyricis gentibus videre est, ita vt etiam si alia argumenta eius rei nobis deessent, vel hoc solum sufficeret, linguam hanc qua vtuntur, eis non esse adsciticam & peregrinam, sed multis seculis hæreditario iure ab ipsis possessam.

Annotata post, de Illyriis.

Teuca Regina Illyriorum, Romanorum legatos interfecit. Titus Livius in sua historia prolixè hac de re.

Pleuratus Thraciæ Scerdiletus, Illyriorum Reges ac Aetoli, foedus cum Romanis faciunt contra Philipppum Macedoniæ, eiq; bellum indicunt. Livius. Illyrii Macedoniam populates ab Antigono victi. Polybius. Philipppus Illyrios Macedonia expulit.

*Ab orbe condi-
to 2747.*

Paulus Aemilius Dimalem Illyrii ciuitatem vi cœpit: vrbes cæteræ in Romanorum fidem acceptæ. Illyriorum rex in Macedoniam expellitur.

Histri populi ad Illyricum Romanos fugarunt. Marcum Licinium cum suis militibus oppresserunt, hinc Manilius Regem temulentum vicit.

*Livius Decade
quinta.*

Aepulo Istriorum Rex dum computationi indulget, capitur, qui captivum se esse non sensit, donec mane discussa crapula à somno expergisceretur: tota regio tandem Romanis se dedit.

3792.

Gentius Rex Illyriorum bello captus, & in triumpho vnà cum vxore ostentatus à Luc. Amtio. Eodem tempore Illyrium subactum, Scodra capta, Livius lib. 4. Florus 2. capite 13. Eutropius 4.

3810.

Bellum cum Dalmatis vicinis eorundem Illyriorum. Martius parum prosperè primum, hinc feliciter contra Dalmatas pugnat. Tandem à Nasicca consule domiti Illyrii.

Exemplum amoris erga parentes.

Circa eadem tempora accidit insigne pietatis exemplum, quod Romæ editum est. Humilis in plebe & ignobilis puerpera, supplicii causa carcere inclusa matre, cum impetrasset aditum ad cam, & ne quid cibi inferret prohibita, deprehensa est vberibus suis matrem alere. Plinius libro septimo capite tricesimo sexto. C. Scribonius vicit Dardanos vicinos Illyriorum transalpinos, Myfiam superiorem versus, & ad Danubium vsque primus Romanorum penetrauit, ob quod factum triumphum meruit. Plutarchus in Lucullo.

*Romani quan-
do primum ad
Danubium pe-
netrarunt.*

Circa hæc tempora difficilimum bellum Augusti Cæsaris cum Illyriis gestum describit Florus libro quarto capite duodecimo.

Illyrii quoque sub alpibus agunt, imasque valles & quædam quasi claustra custodiunt, abruptis torrentibus implicati. In hos expeditionem ipse sumsit, fierique pontem imperavit. His se & aquis & hoste turbantibus, cunctanti ascensum militi scutum de manu rapuit, & primus tunc, agmine sequente, cum Illyricus multitudine pontem

pontem succidisset, faucius manibus ac cruribus speciosior sanguine, & ipso periculo augustior terga hostium cecidit. De iis vulneribus etiam Suetonius meminit: in bello, inquit, Dalmatico, (sed Dalmatiam, Illyricam regionem vocat) vulnera excepit: vna acie dextrum genu lapide ictus: altera autem & crus & vtrunque brachium ruina pontis confauciatus. Quam ergo hoc Illyricum bellum periculosum ac difficile fuerit Augusto, vel hæc vulnera testari possunt. Neque enim recordor aliis in bellis fauciatus fuisse. Proinde absolutis iis bellis cum tres triumphos simul egisset, non immerito scriptores, primi triumphi causam assignant, de Illyriis, secundi de Antonio post victoriam Acciacam, tertii de Cleopatra profligata.

Vulnera Augusti.

Dixi de rebus Illyriorum post Alexandri tempora usque ad Christum, dicam & de Pæonibus, Boiis, Gotthis, Cimbris, Sarmatis. Nam ad intelligendum statum illius temporis, quis fuerit in iis regionibus, apprimè est necessarium cognoscere historiam illarum gentium. Cum Romani hoc tempore negocia habuerint potissimum cum illis populis, & historiæ nihil memorabile hoc auo afferunt, quod non attingat res gestas Boiorum, Gotthorum, Cimbrorum, & aliorum quorum iam meminimus, de iis quoque utilia adferemus ad nostrum argumentum.

Alia tabula chronologica rerum Sarmatarum.

Agis Pæonum rex moritur, Pæones à Philippo subiugantur. Et forsan tunc Pæones ad Danubium usque transferunt, ex quibus volunt Pannonas ortos esse.

3605.

Gotthi Sarmatici, quos Visogotthos vocant, hoc est ii, qui ad Vistulam sedes habuerunt, fines Saxonum vastant. Trithemius.

3637.

Ptolomæus Philadelphus septuaginta interpretes ad instar septuaginta patrum, à quibus ad turrim Babel secundum septuaginta linguarum genera gentes diuisæ sunt, congregat, isti sacra Biblia vertunt. Idem rex bibliothecam cui hætenus par non inueniebatur comparat. Huic præfecerat Demetrium Phalereum.

3685.

Hucusque Roma scandulis tecta fuit, Plinius lib. 16. cap. 10. Hoc etiam tempore primum argenteo signato uti coeperunt Romani.

Aemilius Boiorum agrum populatur deq; Gallis triumphat. Idem Boii in deditionem accepti. Polybius.

3740.

Harum gentium mentionem facio, eò quòd antecessores nostrorum Boëmorum esse dicuntur, aut iidem cum eis erant, ut plerique volunt. Erant autem vicini Gallis istis, qui proximi erant Rheno. Ideo eis commilitant.

Boiorum historia quomodo in rem nostram faciat.

Gotthi secundo ingressi Saxoniam vastant, quod de nostris Visogotthis, id est, Vistulæ accolis, qui non procul à Saxonibus di-

2745.

Gotthi Saxones ingressi.

stant, intelligendum est. Lucius Furius de Boiis & Gallis triumphat. Merula Boios superavit. Tertio Scipio Nasica eosdem Boios superat, & castra eorum capit.

Marcellus consul à Boiis oppressus magnam exercitus partem amisit. Liuius lib. 3. Si vim nominis Slaunici inspicias, hac voce Boii dicuntur bellatores ab eis, vnde vox boiovvac, boiarin. Et certe multa facebant negotia Romanis, vt videre est ex hac cōsignatione. Marcomirus Sicamborum rex regnat ad Rhenum.

Gens Sarmatica cum Romanis bellum gerit.

Gens Bastarnarum Istrum transire volens submersa est. Eutropius lib. 4. sed & Orosius eam pugnam sic describit lib. 4. cap. 20. Bastarnarum gens ferocissima, autore Perseo Philippi filio, prædaram spe sollicitata, & transeundi fluminis cupiditate, sine vlla pugna vel aliquo hoste deleta est. Nam tunc fortè Danubius, qui & Ilter, glacie superstratus, pedestrem facile transitum patiebatur. Sed cum improvidè toto & maximo simul agmine inæstimabilis hominum, & equorum multitudo transfret, enormitate ponderis & concussione gradientium cōcrepuit gelu, & glacialis crusta dissiit, vniuersumque agmen, quod diu sustinuerat, mediis gurgitibus victa tandem & comminuta destituit, atque eadem rursus fragmentis impredientibus superducta, submersit. Pauci ex omni populo per vtramque ripam vix concisis euasere visceribus.

Post Antenorem iterum Clodomirus Sicamber Gallos vicit, & ingenti clade affecit. Dum Sicamborum mentionem facio, recordandum, quæ de origine Sicamborum à Getis aut Cimbris supra retulimus. Trithemius autor, & Strabo lib. 7. Bastarnæ in mediterraneis Tirigetis confines sunt: quod de Podgoriis quidam intellectum esse volunt, & quidem non ineptè, vt mox apparebit. De Bastarnis hoc refero, quod & ipsi Sarmatica gens fuere, quamuis originem eorum ad Germanos plerique referunt, sed iam transierant in gentem Sarmaticam. Cōmemorat etiam Strabo quòd ante hæc tempora Cimbrī ab occidente prædones vagi venerunt ad Meothidem tympanis ex coriis humanis vsi.

De bellis Cimbris.

Duo etiam Cimbrica potissima bella hoc tempore commemorantur cum Italis: alterum quando obuius eis missus fuit C. Papyrius Carbo consul, qui eos fudit, fugauit, castris exiit: alterū quòd duce M. Manilio Cos. gestum est ad Rodanum, vbi Romani ita victi & attriti sunt à Cimbris, vt decem tantum homines euaserint qui triste hoc nuncium Romam reportarunt. Cæsa tunc fuerunt Romanorum supra centena millia, simul cum sociis nominis Latini, tantusque metus & luctus Romæ obortus fuit, quantus Hannibale deuastante omnia, vix fuisse creditur. Legatur Orosius lib. 5. capite 16.

capite 16. qui fufius hæc persequitur. Primi hi fuerunt, qui viam & aditum Europeis populis ad Italiam monstrarunt. Adnumerantur in ea victoria Cimbris Teutones. Sed ex hac narratione Orofii, & Vellegii apparet, hiftoricos voluiffe simpliciter Cimbros, Germanos appellare. Nam inquirentibus gentium originem, offert fe Strabo, qui Cimbris nomen fuiſſe inditum affirmat à Cimneriis, quos ſupra Thraciam habuiſſe ſedes, nomen Cimnerii Boſphori indicat. Horum nominis & ſtirpis reliquiæ, illi populi ſunt, quos hæcenus Circasios vſitatè vocamus. Certè hi robore militari & animi celſitudine non ſunt diſpares illis Italiæ vaſtatoribus. Nam & auorum noſtrorum memoria virtus illorum & dexteritas in bellis obeundis ita enituit, vt Aegyptii principale robur, & ſtabilimentum ſui regni eius ſtirpis homines eſſe voluerint. Longoquæ tempore apud illos illa lex durauit, vt nemo in regem aſſumeretur niſi ex Mamaluchis, hoc eſt bellatoribus illis, qui creti erant ſanguine Circasio. Vltimus ex ea gente Rex Aegyptiorum fuit Aſſymbeius ille à Selimo Turcorum Imperatore crudeli genere mortis affectus. Sed inueſtigatores antiquitatum accuratiores cōſtanter affirmant Cimbrorum illorum veterum patriam fuiſſe eandem, vbi nunc Circasii noſtri ſedes habent ſuas, & ex eo ſanguine cretos, tandemque in Germaniam conceſſiſſe, ſedesque ſuas in illam regionem tranſtuliffi, quæ modò Cimbrica Cherſoneſus dicitur. Sed non ita facilè inueſtigari poteſt, quonam tempore hæc acciderint. Nam ſunt complures in ea ſententia, quòd tunc primum relictis prioribus ſedibus à Meothide palude rectà in Italiam contenderrint, ac in proſeſtione Teutones ſibi adiunxerint vnà cum Tigurinis ac Gepidis noſtris, ac tādē aucti copiis & commeatu, Romanis intulerint bellum funeſtum, quo demum finito reliquiæ illius exercitus attritæ, poſt varias iactationes in Germania in illa Cherſoneſo habitationis locum delegerint. Alii verò iis à Cambra regina quadam nomen impoſitum ferunt. Quapropter optarim ego, vt poſteriores hiftorici in euoluendis antiquitatibus veterum ſcriptorum integritatem imitentur, & quid cuique genti tribuendum ſit, abſque præiudicio tribuant. Non inuidere debemus noſtris vicinis res memoratu dignas, quas ipſorum antecēſſores peregerūt. Sed quæ etiam Sarmat. cis populis propria ſunt, malignitate verò ſcriptorum interuerſa, liceat nobis rurfus vindicare. Cimbros veteres ad Sarmatas pertinuiſſe nemini eſt dubium, & nunc illas regiones pertinere ad ditionem regum Poloniæ manifeſtum eſt. Nam & præfecturam illam Dux quidam magni nominis Viſnouecius ſumma cum laude, commendatam à Rege Poloniæ adminiſtrat.

*Gepidæ.**De lebetæ Gepi-
darum Augu-
sto oblato.*

Quod eo libentius commemoro, quia hoc anno, quo hæc scribebam vir ille strenuus duos exercitus Scytarum dissipavit, duosq; Caros, hoc est, duces belli præcipuos sanguine imperiali natos interceptit. Fuerunt isti vel fratres vel filii summi eorum Monarchæ. Hæc propter illos addenda putavi, qui hîc somniant veterem Germaniam, quæ Borysthenes, Tanais, Tiras, & Danubius exonerans sese miscet ponto, de qua re inferius plura. Gepidas fuisse Gothicos populos certum est. Habitabant ii etiam Carione attestante, ubi nunc est Scepusium ad flumen Visclam, Vislok nostri vocant. Strabo etiam ultra Danubium Gepidas collocat Istriam versus, sed nescio an isti Gepidæ Strabonis iidem sint cum Gepidis Sarmaticis, qui cum Cimbris stabant in acie ad aquas sextias, de quibus modo à nobis tractatum est. Adducitur autoritas Cilicii Cimbri quod ille affirmet lebetem æneum Augusto Cæsari dono à Gepidis in Hispanias missum, sub illud tempus, quando in Hispaniis legati regum, ei, petitem amicitiam occurrerant. Sed recordor me legisse apud Strabonem libro septimo, quod Cimbri tum lebetem obtulerint, qui apud ipsos sacerrimus habebatur, non Gepidæ. Idem Strabo ibidem laudat Posydonii sententiam, qui coniectura colligit Cimbros fuisse homines prædones ac vagos, armisque ad eum lacum vsque progressos fuisse: ab iis Cimmericum Bosphorum denominatum quasi Cimbricum, cum Græci Cimbros Cimmericorum nomine afficiant.

*3870.
Gothicus rex
Borobista Ger-
maniam inva-
dit.*

Ferè centum annis ante Christum Borobista rex Gotthorum in Teutones irrumpit, contra quem conspirarunt tres reges, & coadunatis copiis eum vicerunt, videlicet Cassander, Sicamber, Arathius Saxo Dornigiorum Hamer. Hunc quoque Borobistam Visogothum fuisse nullum est dubium.

*3885.
Diceneus Phi-
losophus.*

Hac ætate, id est tempore Syllæ, Sitalcus rex Gotthorum, Germanorum terras depopulatus est. De qua re Iornandes in rebus Geticis ad eum modum: deinde regnante in Gotthis Sithalco Borobista Dicene⁹ venit in Gotthiam, quo tempore, Romanorum Sylla potitus est principatu, quem Diceneum Borobista suscipiens Sithalcus, dedit ei penè regiam potestatem, cuius consilio Gotthi Germanorum terras, quas nunc Franci obtinent depopulati sunt. Hæc ante Christum ferè septuaginta annis acta sunt. Diceneus hic fuit cōsiliarius & doctor, qui Philosophiam & Theologiam docuit Sarmaticos Gotthos.

Circa hæc tempora illa expeditio Thracum Italiam versus est collocanda quam Luc. Florus libro tertio capite quarto recitat. Inuaserant Thraces Thessaliam & in Dalmatiam vsque ad Adriaticum penetra-

eum penetrarant, & in mare contorta tela miserunt, quos, ubi rescuerunt, persecuti sunt Romani duces sed dispari euentu: Didius vagos, & libera populatione diffusos intra suam repulit Thraciam. Drusus vltius egit, & vetuit transire Danubium. Minutius toto vastauit Hebro, multis quidem amissis dum per perfidum glacie flumen equitatur. Piso Rhodopen Caucasumque penetrauit. Curio Daciam tenuis venit, sed tenebras saltuum expauit. Appius in Sarmatas vique peruenit. Lucullus ad Tanaim.

*An Dani incolæ Cimbrica Cherconesi, sint Cimbri
illi veteres.*

Dacos occidentales non Dacos sed Danos dicendos esse ostendit Iosephus Meletius Ptolomei interpres. Germanos autem aduenas esse in Daniam. Plebeios autem qui isthic sunt & alia quam Germanica lingua populariter loquuntur, esse stirpem antiquorum Danorum. Regem tamen Daniae non posse plus quam octodecim millia militum habere ad bellum. Tam angustam illam regionem esse, & ideo Cimbros illos veteres qui trecenta millia eduxerunt, non potuisse ex incolis illius insulae tantum exercitum conscribere.

Daniae nomen.

Commemoratis autem Cimbris & Roxolanis è vestigio in medium se profert Mithridatis Regis Ponti historia, qui eodem ferè tempore floruit, quo Cimbri claruerunt. Præsertim cum in eius historia expressè sit mentio Sarmatarum Bastarnarum & Cimbriorum. Mouet atrox & diuturnum bellum Romanis Mithridates, quorum potentiam vt citius frangeret, à fronte & à tergo eos aggressus est. Ipse quidem in Asia sæpius cum Pompeio & aliis eorum ducibus conflixit. Sarmatas verò beneficiis & muneribus deuinctos ab alia parte contra eosdem concitauit. Hanc historiam Iustinus & Valerius tibi latius suppeditabit. Non recordor autem me legisse de alio bello Sarmatarum cum Romanis, isto præsertim tempore, nisi hoc quod Cimbri gesserunt. Vnde colligere licet Cimbros Sarmatas vocari ab historicis. Quod ne cui mirum videatur, subire debet in memoriam, quod Cimbri Bastarnæ & Sarmatæ tum temporis confines erant, & vnam patriam, tractum nimirum littoris Ponti & Meothidos incoluerunt. Itaque non est mirum si scriptores alternatim hæc cognomina interdum confundunt. Sub hoc tempus, quæ gesta sunt in Sarmatia Pontica, differit Strabo lib. 7. describens tabulam Sarmatiæ & Thraciæ. Et optarem vt lector iterum & iterum relegat illas descriptiones Strabonis. Quis enim statutus & qui mores tum harum gentium fuerint, facile ex illo loco colliget. Cum enim mores, bella, politiam eorum descripsisset, epilogum in fine

*Mithridatis
tempora.*

3877.

*Hoc tempore
rex Sarmata-
rum Palaco
vel Polaco.*

*Taurica Cher-
sonesus & se-
ptentrionali-
ora quando &
qua de causa et
occasione Ro-
manis subiecta
fuerunt, sed nō
posseſſa tamen*

*Veneri portū
borysthenicum
à Regibus Po-
lonie obinere
cupiebant.*

Salsamenta.

*Fertilitas agri
ad Tiram.*

gum in fine subdit istis verbis. Talis ergo est vniuersa portio Eu-
ropæ extra Danubium inter Rhenum & Thanaim. Propterea hor-
tator fui, vt relegatur hæc pars Strabonis. Inde enim non modò
Sarmatarum mores Põticorum qui fuerint, discet attentus lector,
sed etiam omnium gentium illarum, puta, Getarum, Vandalorum,
Baltarnarum, Gepidarum & etiam Germanorum. Dicit enim à
Rheno incipiens ad Tanaim, vnam regulam viuendi & mores te-
nuisse, ita vt possit hic illud vsurpari: Ex vno disce omnes. Inpri-
mis ergo situm loci describit, deinde nominat gentes, quæ tum illa
loca incoluerunt, nominat Getas, Roxolanos, Vrgi, quorum ple-
rique Nomades sunt, Iazigas, Sarmatas, Regios, forsàn Mithridatis
Magni, Tirigetas. Nominat & reges eorum proprios, qui littus
Meothidis Tauricam vsque ad ostia Tiræ fluminis gubernabant,
videlicet Leuconem, Sagoram, Palacum, Parisiadem. Hi, inquit, ty-
ranni vocabantur, quanquam plerique iustè imperabant. Fuit hoc
primùm liberum regnum, & nemini obnoxium erat. Sed Mithri-
dates Rex Ponti cum à principio belli Romani, vires crescerent,
eò res eorum adduxit vt ei tributum pendere cogerentur, & pri-
mo quidem perpusillum & tolerabile, sed postea laborans inopia
sumptuum in bellum Romanum, coactus est admodum intollera-
bile & onerosum imponere, qua de causa primò ei bellum moue-
rant. Verùm ne mole negotii opprimerentur, seruierunt tempori,
& vltro illis prouinciis cesserunt: tandem victo Mithridate omni-
a in Romanorum venerunt potestatem, & Romani postea Regi
Bosphori cuncta donarunt. Fuit illud territorium ad ostia Tiræ ad-
modum fertile & vbere gleba. Proinde Leuco rex, Arheniensibus
ex illa regione frumenta quotannis mittebat, quem morem Vene-
torum Respub. cum puer essem reducere suum ad vsum volebat,
miserantque Oratores ad Sigisinundum senem regem Poloniae ro-
gatum, vt exemplo hoc veteri regum Sarmaticorum & etiam Ka-
zimiri Magni supra ducentos annos, vellet in eum vsum terras eas-
dem, & portus concedere, vt Cyprios suos inde subleuare possent
frumento. Adhuc enim tunc Cypri regnum sub potestate Veneto-
rum erat. Tributi nomine illi veteres reges Mithridati cxxx millia
medimnorum pendebant & 13. talenta argenti. Facit etiam salsä-
mentorum mentionem, quæ ex illa regione in totam Græciam
mittebätur, pisces forsàn vsiones aut lucios quales nunc ex Russia
vsque ad occidentalem Oceanum passim tranſmittuntur. Ager,
inquit, ibi quocunque fossore scissus tricuplum reddebat.
Post montana, inquit, vrbs sequitur Theodosia campo prædita
fertili & portu vel centum nauibus recipiendis apto. Hic olim li-
mes fuit

mes fuit Bosphorianorum & Taurorum, sed & nostri hactenus, qui ex illis regionibus veniunt, mirabilia de illa fertilitate, & piscium copia & mellis abundantia narrant.

Facit etiam ibidem Sarmatarum potentiae mentionem. Ostensum est, inquit, migrationes populis contingere, ubi finitimi in imbelliores impetum faciunt, sicuti qui sunt trans Istrum Sauronatae saepe praevaluerunt, pulsisque aliis in eorum loca immigrarunt.

Potentia Sarmatarum temporibus illis.

De frigoribus illarum regionum narrat, & pro inaudita re ponit, in Bosphoro vites sub hyemem defodi. De caloribus vero intensis, quibus interdum regiones illae aduruntur, physicam rationem & quidem peculiarem adducit. Sed & aestus, inquit, ibi accidere tradunt ingentes. Siue id fiat quod corporibus aestus est insolens: siue quod crassus aer tanto magis incalcescit. Meotidem vocat putrem paludem, & vix inquit futilibus potest nauigari cymbis. Ventienim, inquit, facile coenosa loca denudant, & scopulos intra aquas latentes. Talibus futilibus cymbis hactenus Borysthenici Kozaki vtuntur. Templi dicti Parthenii etiam mentionem facit, forsitan phanum illud Dianae, de quo infra. De cibis loquens facit mentionem condimenti ex lacte, quod apud nos hactenus in usu est, & vocatur campust: acido, inquit, lacte vtuntur pro condimento, certa

Physica ratio cur caleant regiones septentrionis.

quadam arte preparato, ideo inquit, Homerus eos vocat galactophagus seu lactiuoros, verba sunt Strabonis: Stipedia, inquit, non soluunt aliis regibus, viribus suis confisi. Castrant, equos, ut eo habeant eos ad equitandum mansuetiores. Sunt enim parui, verum acres admodum & cotumaces. Habent, inquit, etiam animal, quod ab iis Colos dicitur, magnitudine inter ceruum & arietem media, album, cursu quam illa velocius quod naribus aquam in caput haurit. Ego existimo Strabonem de Alcibus loqui, qui lingua nostra voce simili Los vocantur, tantum syllaba co adempta. Nam isti naribus solent aquam in insequutores suos ciaculari. Rustici ait, etiam si humiliores videtur, tamen latrocinii non abstinere in mari. Hoc etiam hactenus inter eos reperias. Postremo etiam bellorum ab eis gestorum mentionem facit. Primum Roxolanorum de quibus sic dicit: Roxolani etiam contra Mithridatis legatos pugnarunt, Tasio ipsos ducente, ut suppetias ferret Palaco. Et creditum est eos esse bellicosos. Sed aduersus compositam probeque armatam phalangem quavis barbara natio & levis armaturae exercitus parum habet virium &c. Vtuntur galeis de crudis bouum tergoribus & toracibus, kaphtan puto. Arma iis hasta, gladius, arcus, &c.

Lactis condimentum.

Colos animal.

Bellum Roxolanorum.

In composita acie quantum sit.

Bellum Mithridatis & Sarmatarum.

Hac de moribus Sarmatarum ex Strabone. Secundum bellum fuit Mithridatis cum se aduersus Romanos pararet contra Scythas qui

H

Scyturo

*Mithridates
conciat Sar-
matas contra
Romanos.*

Scythuro & Paleco fratri parebant. Etiam illo tempore immisce-
bant se Sarmatiis. Vocat eorum prouinciam paruum Scythiam.
Tertium bellum Mithridaticum fuit ad Eupatorium urbem, quam
in memoriam nominis eius Diophantes dux exercitus cōdiderat
in Cherfoneſo. Et optarim, vt viri bellicosi artem illam veterum
expugnādarum munitiorum, qua ibi Mithridatici milites vſi ſunt
expendant. Describit hanc idem Strabo eodem in loco. Et certè ta-
lis eſt, quæ conferri poſſit cum recentiorum ingenioſis inuentis.
Ex his Mithridaticis bellis nata puto erant illa bella Romanorum
contra gentes Sarmaticas. Nam Iuſtinus tradit, quòd Mithrida-
tes eo tempore ſollicitè Sarmatas exaſperabat & concitabat con-
tra Romanos, vt eis mouerent bellum, quo vndique eorum viribus
diſtractis occaſionem opprimendi eos nanciceretur. De hac re ſu-
pra iam dictum eſt.

*Germanorum
nominis ery-
mon.*

*Gepidarum ſi-
tus illo æuo.*

Huc referatur inuaſio illa Gotthorum duce Comofiſico, qui
fuit rex & ſacerdos gentis. Contra hunc cum continuis decem an-
nis Germaniam affligeret, deuſtaret, & depopularetur, coacti ſunt
Teutonici populi foedus perpetuum inire, vt quæque regio, ſi opus
eſſet auxilio adiutum veniret, communemque cauſam defenderet.
Et ob eam conſoederationem, ac veluti fraternitatis cuiuſdam co-
gnationem Germanos dictos eſſe Germanos plerique putant, cui
ſententiæ etiam Cornelius Tacitus & Strabo aſtipulari videtur af-
firmans Germanos à Gallis Romæ Germanos ſeu fratres fuiſſe cō-
pellatos, & inde origo cognominis GERMANVS deducitur. Sed
aliis beati Rhenani ſententia magis placet, qui Germanos dictos
affirmat à vocula gar & man, quaſi garman, id eſt ex toto vir.

Strabo lib. 7.

Gepides Dalmatæ Pannonii in poteſtatem Cæſaris tum reda-
cti, ſed Gepidarum ſedem Strabo ponit ad Danubium ſub Albio
monte, non in Lithvānia vt quidam ſcripſerunt. Hi, inquit Stra-
bo, armatura Gallica ſe muniebant, notis compuncti corpora in
more reliquorum Illyriorum & Thracum. Sed de iſtis inferius,
vbi de Cimbris agemus, cum quibus in acie ſtetiſſe in pugna ad a-
quas Sextias feruntur.

*ſtatio alia Ge-
pidarum.*

3939 anno, hoc eſt, ante Chriſtum natum triginta annis, ii-
dem Gotthi quos Viſogothos, id eſt Viſtulæ accolæ exponere li-
cet, vi & potentia illius conſoederationis Germanicæ ex Germa-
nia expulſi erant.

De gente Gepidarum lege Procopium lib. 3. de bello Gotthi-
co. Habitabant iſti etiam Procopii tempore ad Syrmium & Dal-
matia partem occupauerant, de qua re controuertebant coram
Imperatore Iuſtiniano. Apparet etiam ex rebus actis poſt mortem
Attilæ,

Attilæ, eos hîc alicubi mansisse, vt supra dictum est. Cum enim filii Attilæ inter se de successione circiter triennium dissiderent, Ardaricus rex Gepidarum bellum mouit aduersus Hunnos, & trucidatis triginta millibus Hunnorum & filio Attilæ Ellac maximo natu, potitus est regno Pannoniæ, sed de iis inferius.

*Ardaricus rex
Gepidarum il-
lo æuo.*

De temporibus Iulii Cæsaris.

EVerunt illis temporibus & paulò post complures scriptores, sed in eruenda & elicienda ex eis veritate magnus delectus adhibendus est, considerandumque quo quis eorum animo & tempore scripserit. Strabo grauis scriptor inter Geographos: sed quia describere situm orbis terrarum eiusque partes, recens argumentum fuit, nec adhuc expolitum, non ita ad amissim potuit omnia efformare: & sicuti ei vel prouinciarum præfecti Romanorum, vel oratores qui in variis partibus mundi legationes obibant, per manus tradiderunt, ita ipse suis libris memoriæ prodidit, multa posteris expolienda relinquens. De hoc paulò inferius.

*Censura adhi-
benda legendis
autoribus.*

Berosus multò vetustior Strabone, sed homo Chaldaeus de occidentalibus prouinciis non potuit exactè omnia nosse, propter longissimam distantiam locorum. Proinde à scriptoribus occidentalium regionum fabulosus vocatur. Veteres tamen magis reuerenter de eo sentiunt. Vide Iosephum contra Apionem lib. 1. Ego etsi non sum is, qui mihi summam iudicium de tantis viris, tamen quia ad submouendum lectorem res est admodum necessaria, hunc scopulum transilire sine nota negligentiae cuiusdam non possum. Dico ergo, reuerenter de hoc viro sentiendum, quia se ea quæ scripsit, publica fide scripsisse fatetur. Adhæc ne omnia acta rerum humanarum prorsus in dubium vocentur, habendos esse in honore veteres scriptores, qui de antiquitatibus mundi, tanquam de suis rebus videntur loqui: tamen sicubi eos contingat à sacrosanctæ scripturæ testimoniis aberrare, deferendi sunt. Huic regulæ & Berosi historiam subiiciendam iudico, & maximè vbi originem Sarmatarum & Tuisconum confundit. D. Cromerus cum in eo aliquid suspectum offendit, aut adulteratum aut ex Chaldaeo in Græcum malè versum esse putat. Nec mirum est interdum scriptores adulterari, quod exemplo Eutropii de legatione Philonis ad Apostolos, & aliorum historicorum probari potest.

*Eutropius ad-
ulteratus.*

Diodorus Siculus iam Beroso hac in parte inferior censetur.

bibliothecas aliorum hic voluit coaceruare in suos libros, & fabulas Scythicas aspergit.

Strabo Augusti militiam sequebatur, proximusque fuit ætati Christi domini. Res ponticæ videntur ei fuisse non incognitæ. Nam subditus fuit Mythridatis regis Ponti ex vrbe Amasia, et hinc non procul natus, Tirannone grammatico vsus fuit præceptore. Vbi Polybius desit, inde veluti à calce narrationes suas texere incipit. Fuit maximus Homerici ingenii admirator, eiusque carminibus tanquam diuinis oraculis sua scripta cohonestare nititur, eumque à criminationibus Eratosthenis Geographi strenuè defendit, in hoc tamen ab Homero disidet, quod Cimerios Bosphoranos, qui postea cum Romanis bella gesserunt cruenta, ab occidentalibus, qui ad Chersonesum delati erant, ortos esse docet, cum Homerus antiquissimos incolas fuisse Cimerios testetur. Et scriptura sacra docet occidentales populos ab orientalibus ortos, non contra. Adde quod ipsemet ingenuè testatur occiduas regiones, quæ ultra Albim sitæ erant, sibi incognitas fuisse. Fieri tamen potest vt exercendæ pyratice causa etiam ex Germanis multi discurrerint vsque ad pontum Euxinum, & Cimeriis veteribus se adungentes in Kozakorum artibus se exercuerint, quod & hætenus factitari ab Hungaris, Germanis, Lithvvanis & aliis gentibus, quæ se eò, vsu recepto conferunt, experientia docet.

*Iudicium de Li-
vio Stephani
Regis Poloniæ*

*Germani an a-
liunde vene-
rint.*

Liuius verò historicorū princeps dicitur. Gaius tamen Cæsar sinistrè de eo sentit; neque Liuium, sed liuidum vocandum suadet. Adhæc verbosum & negligentem: ideo ex bibliothecis publicis putauit eiiciendum. Stephanusque Rex S. Polonorum, me coram astante dixit, eum quod attinet ad instructionem exercituum, complura scripsisse, quæ nunquam in vsu erant. Sed quis est quæso historicorum cui labi & errare non contingat: securè interdum dormitat Homerus, dixit ille. Tacitus Cornelius, quia pleraque ex Beroso desumpsit, etiam apud eosdem neotericos eadem nota aspergitur, quique apud multos eloquentiæ laudem obtinuit, à Tertulliano non simpliciter eloquens, sed mendaciloquentissimus vocatur. Vixit is sub imperatore Traiano, Plinii Iunioris æqualis, cum quo etiam vixisse familiariter prædicatur. Ea tamen de quibus scripsit non contigit ei propriis oculis videre, ideo non raro hallucinatur. Scripsit is Germanos aliunde non venisse, sed ibidem cretos esse. Dicit ea se quæ de Germanis scripsit, ex carminibus & cantilenis eorum accepisse, quod vnum, inquit, apud eos memoriæ & annalium genus est. De origine cognominis Germanorum cum Strabone consentire videtur. Quod si aliunde non venerunt, con-
trarius ergo

trarius ergo est Cornelius sententiæ eorum, qui veterem Germaniam ad Euxinum Pontum & in Asia statuunt, ex illisque locis delatos longo spacio temporis post commigrationem Tusconis hic confedisse. Codicem quoque Cornelii corruptum fuisse, testatur duplex lectio, quæ in marginibus annotatur.

Plinius Scythi Germanos & Sarmatas adnumerat, quod ego excusandum per figuram catachreseos iam ostendi.

Sed quid miramur istos? cum & in philosophis hac in parte desideretur fides. Aristoteles problemate 15. scripsit & memoræ prodidit, **T R A C E S** qui in vicinia nostra erant, ita esse rudes & nihili ut numerare etiam nesciant nisi ad quatuor. Sed quid miramur alienos, cum etiam nostri non veriti sunt balbutire, alienis erroribus admodulantes, affirmando pro re certissima ante quadringentos annos pecuniam incognitam fuisse Polonis, sed corrigio inquit loco pecuniæ utebantur, cum ex legibus appareat illis temporibus non modò Reges, sed etiam Episcopos facultatem eudendæ pecuniæ apud nos habuisse. Ita dum alius supra alium noui aliquid adferre vult futilia mendacia sparguntur. Non sunt immunes etiam viri graues interdum à specie quadam vanitatis, dum extollicre suam nationem quisque satagit. Cum adolescens essem, & in Germania operam literis darem, quidam vir summæ autoritatis, & quidem Theologus, cum hilarius conuiuaremur, & de Lithuanis mentio iniecta fuisset (aderant autem tum etiam quidam qui hæc audiebant ex ducale stirpe.) Quid inquit, si eos nostri Germani non docerent, etiam liberis operam dare nescirent. Ecce vides usque adeo verum esse illud: Suum cuique est pulchrum.

Ptolomæus posterior istis, apparet omnibus diligentior fuisse. Similiter tamen prout alii ea quæ scripsit alienis oculis vidit. Et vocabula rerum nationibus vsitata, Græcæ elegantiae & proprietati phrasis cum esset nimium addictus subinde corrumpit. In quod etiam vitium plerique nostratum incurrerunt, dum scribentes historiam delicatis Romanorum auribus nimium placere student, & ex Polonicis nominibus illas fisisutiones tanquam minus conditas & barbaras, ut illis videtur elidere conati, ex bonis Polonicis malè latina reddiderunt. Ita scilicet vitia quædam vitando in contraria incurrimus. Cautior hac in re Ouidius videtur. De hoc enim genere versionis peregrinorum vocabulorum prudenter ad eam modum scripsit.

Peregrina nomina elegantis causa non licet corrumpere.

Hic ego si vitij assum corrumpere nomen ridear, & meritò peccus habere neget.

*Nume. i latitu-
dinum & lon-
gitudinum in
Ptolomeo cor-
rupti, non sine
maximo dam-
no studiosorū.*

Et Augustus Cæsar testante Suetonio in vita Augusti perinde scribendum ac loquendum existimavit. Etiam & hoc eidem Ptolomæo perfamiliale est, quod describendo remotiores regiones, nomina earum propria omittit, sed loco eorum aut prænomena aut cognomina eis imponit quæ ipsemet confinxit, ut Ichteophagi, id est piscium voratores. Galactophagi quia lacticiniis vescabantur. Sic Agatyrsi, Anartophracti, Iazyges, Tisigeræ etiam, Tirangitæ & consimiles. Neque enim credibile est eo pacto aliquas gentes usu recepto antea uspiam vocatas fuisse: sed quia aut cibo tali, aut exercitio consimili occupabantur: vel ad flumina sic vocata habitabant, ideo ab illis locis sic dictis, & usu rerum eis recepto nomenclaturas eis imponit. Inde factum est cur in eo autore pauca nomina Polonica & Germanica inuenire liceat, quæ posterius seculum à maioribus eis tradita constanter retinuit.

Iornandes iam de rebus Geticis certiora narrat quam alii, sed exordium eius adulteratum & suppositicium esse videtur. Non enim constat sibi, & principium cum fine non cohæret. Geras ex parua illa insula Scandia, quam vaginam gentium vocat, educit, & postea quasi oblitus sui eos bella ingentia cum Sesostris rege Aegyptiorum & postea cum Thesandro, Achylle & aliis, duce & rege suo Thelepho ex Hercule prognato gessisse. Quæ si vera sunt, ut quidem ea verissima esse series historiarum monstrat, tunc omnino eam ipsorum transmigrationem in Sarmatias ex Scandia, ante bellum Troianum & forsan etiam ante Colchicum fuisse necesse est. Nam Sesostris ante bellum Troianum, Telephus autem tempore belli Troiani vixit. Si igitur Ostrogothi & Visogothi nostri ex Scandia ab occidente prodierunt, necesse esset eos ante Christi aduentum plus mille & trecentis, aut certe quadringentis annis id fecisse, quod cum temporum ratione minimè consentit. Nec auctoritate alicuius historici vetustioris fulciri id potest. Et propterea dixi principium esse suppositicium, aut ab illo Ablauio historico, quem sequitur & quem allegat, hac in re deceptum fuisse puto. Sed & paulo post veluti oblitus sui, tradit eos ex Scythia ortos, & stationes eorum profectionis describit, folio sexcentesimo sexto.

Procopius Medicus, velut quidam volunt, Imperatori à commentariis. Hic quia castra Bellisarii sequebatur, dum Gothicum Vandalicumque trahitur bellum, veriora præ aliis tradidisse creditur. Ea tamen quæ in castris acta fuerunt, melius nouisse videtur, quam illa quæ domi, & in patria illarum gentium antiquitus contigerant.

De posterioribus

De posterioribus scriptoribus.

Schaffneburgensis ante quingentos annos vixit,
 Helmodus Presbyter ante quadringentos,
 Gallus & Cadlubcus ferè synchroni regi Criuoustio.

Blondus Forolimensis decades scripsit. Affirmat autem is Slauos
 iam dudum sedes in Polonia habuisse, indeque primùm Illyricum
 petiisse, & ex Illyrico iterum cum Lecho repedasse:

Dlugoffum Delium, natatorem vocat D. Cromerus.

Hæc breuiter.

Ouidii Poetæ descriptiones, quod Iulii temporibus adscripse
 rim, etiam si Augusti tempore exulauerit, causa est quod ei⁹ narra- Ouidius.
 tiones seculum Iulii respiciunt. Miror autem recentiores, qui de
 Getis & Sarmatis vetustioribus sententiam suam ferre, historiam-
 que eorum complecti conantur, cur cum præterierint, cum ille so-
 lus id præ aliis scriptoribus, quos nominaui, peculiare habet, quod
 in exilium ad Getas missus, ea quæ per aliquot annos familiaris
 inter eos versando vidit, verius narrare potuit, & literis manda-
 re, quàm illi, qui alienis auribus, & alienis oculis percontando, ea
 quæ non viderunt, posteris legenda reliquerunt. Ego igitur de re-
 bus Geticis Sarmaticisque scripturus, autorem huic diligentius
 nunc examinandum perpendendumque statui. Et quia Geogra-
 phi describentes aliquam regionem, hanc ut plurimum methodum
 feruant: Primum tradunt situm regionis, deinde fines eius, quæ
 illi latera vel orientis vel occidentis, septentrionis & meridiei
 vocant, tandemque ea quæ intra illos fines continentur depin-
 gunt, hoc est, vrbes, vicos, & munitiones celebriores, quæ sitæ sunt
 ad loca nobiliora, fluuios qui regionem præterlabantur. Sylvas item
 & paludes, quæ putantur esse notabilis quantitatis. Hæc omnia
 quoad fieri licebit, ex Ouidio illustrare conabimur. Ac situm qui- Situs Sarmati-
arum.
 dem Sarmatiæ ponit ille ad Pontum, cuius etiam partem maxi-
 mam Sarmaticum mare aliquoties vocat in carmine suo.

*Crede tamen, nec te causas nescire sinemus,
 Horrida Sarmaticum cur mare duret hyems*

Ex hoc testimonio poetæ demonstratur, quod isti populi mare
 proprium à suo nomine Sarmaticum dictum antiquitus habebant
 non modò ad occidentem quàm Istula in Oceanum se Sarmaticum
 exonerat, sed etiam ab oriente quàm patet Meotis & Pont⁹ ad ostia
 Istri. Ibi enim tum Sarmatæ præcipuas sedes habebant. Proprie
 igitur loquendo Sarmatia nobis erunt populi illi omnes qui intra
 duo illa

*Fines Sarmati-
arum à mari
ad mare Sar-
maticum.*

duo illa maria ab occidente & oriente, & montes Sarmaticos qui meridiem respiciunt continentur. Nominat tandem & describit iis versibus præcipua flumina, quæ ad has terras pertineant. Ac de Borysthene sic.

Borysthene.

Cumque Borysthene liquidissimus amne Diraspes

De Danubio.

*Innumeri que alij, quos inter maximus omnes
Cedere Danubius se tibi Nile negat.*

*Nitrositas &
salsedo maris.* Inter hæc duo maxima flumina veluti inter duos limitaneos fines, alios cōplures describit, quos tam frequentes memorat, ut etiam affirmet p vbertate aquarum, quibus irrigatur Pontus, immutari naturam maris illius, ut dulcedine fluuiarum aquarum nitrositas & salsedo maris alteretur.

De Hypani quem Bozek multi putant.

Hunc Licus, hunc Sagaris Peneusque Hypanusque Cratesque

*Epitheton Ty-
ra.*

De Tyra quem Nestrum vocant Poloni.

Labitur & nullo tardior amne Tyras.

Sed hæc descriptio minimè conuenit nostro Nestr. Vocat enim tardissimum, cum cōstet Nestrum celeritate sua & rapiditate multa flumina antecellere.

De mari Sarmatico, id est, de Ponto iterum.

Horrida Sarmaticum cur mare duret hyems

Et alio in loco.

*Celebris men-
tio maris Sar-
matici.*

sed non Sarmatico tingitur mari

*Quod terras Geticas, unde Gotthi tum prodierunt, ubi
et Thomos urbs fuit, Sarmatiam vocet.*

*Ovidius in Sar-
matia vixit.*

Nec mea Sarmaticum contegat ossa solum

*Inter hæc flumina varias gentes collocat, eisque
sedes attribuit suas.*

De Besis.

Sarmate cingunt fera gens Besique Getæque

Extant adhuc appellationes Bieksi & Beszczadi mōtes ad Sambor
De Corallibus

De Corallibus.

*Littora pellitis nimum subiecta Corallis,
Hic mea cui recitem nisi flauis scripta Corallis.*

Manferunt autem in illis oris & Græci. Sed hi vt plurimum mercatores erant. Manferunt Baltarnæ, quos Podgorios plerique putant, & hi magna ex parte Germani erant, sicut & nunc inter Podgorios complures reperias. Manferunt etiam & Gallatæ Mysiis immixti, quos Scordiscos alii vocant. Sed hi omnes inquilini erant. Nam quia per Istrum prono flumine commoda nauigatio tum erat, ideo moris erat omnibus accolis Istris, sed & Gallis & Germanis siue militia, siue mercaturæ causa, ab occidente Græcos, vtpotè celebriores & ditiores populos nauigationis beneficio inuisere. Submittebantur etiam non rarò & auxilia Græcis à Celtis, hoc est, Gallis & Germanis, vt ex historia Brenonis & Gallogræcorum apparet. Et quia facilior est nauigatio prono quàm aduerso flumine, ideo post bella confecta sæpius contingebat tenuiores peregrinos ad ostia Istris desperato reditu, ius regionis capessere. Inde exitimo Geticas terras & Mysias multiplici colluie gentium illo tempore repletas fuisse, indeque Mysos vocatos, id est, miesancy mieszani, ex diuersis gentibus. Sed tamen apparet ius domini penes Sarmatas Getasque fuisse.

Baltarne.

Scordisci Galli

Occasio curvarie gentes ad ostia Istris habitabant.

Mysiorum crymon.

*Quod Sarmatæ frequentiores, et stabilimentum
Reipublicæ illius erant.*

*Sarmatice maior Geticæque frequentia gentis
Per medias in equis itque reditque vias.
In quibus est nemo qui non Coryton & arcum
Telaque pipereo lurida felle gerat.
Vox fera, trux vultus, verissima mortis imago.
Non coma, non vlla barba resecta manu.*

In hac descriptione gentium non audimus nominari Germanos, sicuti quidam veterem ibi imaginantur Germaniam, sed tantum Sarmatas Getasque, penes quos militaris ordinis decus manebat, quod ex hac hypotyposi liquet, cum eos equis vehi, habitu & apparatu militari, & quidem numero frequentiores, aspectu truci, coryton & arcum gerentes, euntes & redeuntes equis, ob oculos ponit. Neque Sarmatas separat à Getis sed qualem nunc necessitudinem inter Podolios, Russos & Polonos esse videmus, cum Poloni isthic ferè semper militiam profiteantur & præfecturas administrant, talem quoque tunc statum inter Sarmatas Getasque & alios populos fuisse ex ea descriptione liquet.

Vetus Germania.

I

Temperiem

ANNALIUM POLO.

Temperiem cœli sic describit.

*Si numeres anno soles & nubila toto
Inuenies nitidum sæpius esse diem.*

Frigora intensissima & genus curriculi quod
Colasam vocant, stridulum.

*Nec mare concrevit glacie, nec ut ante per Istrum
Stridula Sarmaticus plaustra bubulcus agit.
Ipse vides onerata ferox ut ducat Iaxis
Per medias Istri plaustra bubulcus aquas.*

Religionem eorum sic describit, et quod Dianæ potissimum
addicti erant. Et conferantur cum istis ea quæ Chronologi no-
stri de Dzienomæ seu Dianæ cultu veterum
Polonorum scripsere.

*Nec procul à nobis locus est, ubi Taurica dira
Cede Phœtræ spargitur ara Deæ.
Templa manent hodie vastis innixa columnis
Perque quater denos itur in illa gradus.
Fama refert illic signum cœleste fuisse,
Consortem Phœbigen colit illa Deam.*

Mores eorum in bello, & quod soli, Romanorum
arma despiciebant.

*Maxima pars hominum, nec te pulcherrima curat
Roma, nec Ausonii militis arma timet.
Stirmona venisti Mariticolamque Geten &c.*

Pax incerta apud eos.

*Pax tamen interdum est, pacis fiducia nunquam
Sic hic nunc petitur, nunc timet arma locus.*

IncurSIONES & refugia ad vrbes. Omnes consuetudines istæ in illis
oris ferè hætenus durant.

Duella, lites.

*Adde, quod iniustum rigido ius dicitur ense,
Dantur & in medio vulnera sæpe foro.*

Sterile solum ad Istri ostia non in Podolia ipsa.

*Tristia deformes patiunt absynia campi
Terraque de fructu quam sit amara docet.*

Vestitus ratio hybernalis.

*Pellibus hirsutis arcent mala braccis
Oraque de toto corpore sola patent.*

De decoratione eorum et longis capillis.

sæpe sonant moti glacie pendente capilli,

Et nitet induto

*Sterile solum
Poloniny vo-
cant hætenus
Valachi.*

LIBER II.

67

Et nitet inducō candida barba gelu.

Conferantur hæc quæ Chronologi nostri de tonsura capillorum, eorumque prolixitate inter gentes Polonicas commemorant. Solebant enim veteri more alere comas Poloni vsque adco, vt etiam ad morem mulierum conuoluere eas moris erat. Quem morem etiam Sigismundum primum regem Poloniae seruasse & in peplo ambulasse vidimus, & alii antiqui moris homines idem faciebant. Destinatum autem festum quoddam habebant primæ tonsuræ capillorum, vt ex Miesconis historia liquet. Addantur huc illa quæ de Pontifice Benedicto primo referuntur, qui cum Cazimiro primo Monacho relaxasset votum, vt regiam dignitatem liceret ei adire, hanc legem genti Polonæ imposuit, vt illum morem prolixos capillos gerendi tanquam gentilem abiiceret. Sed tamen mos alendi capillos Sarmaticus non prius fuit abrogatus, quam post quandam cladem, Buconiensē dictam, vbi complures ex Polonis inuenti erant capillis ex arboribus suspensi. Et tunc primum nausæ coepit esse illa comatio Polonis, quæ olim decori & elegantia seruire putabatur. Hæc prolixius de vestitu & de decoratione Polonorum dicere placuit, vt si descriptiones historicæ non sufficiunt ad probandum, Sarmatas Geticos non fuisse Germanos, (qui ab istis consuetudinibus, omnibus ætatibus remotissimi fuerunt) at hæc sola vestitus ratio, & decorationis mos, tum denique consuetudines eorum tam in pace quam in bello, non modò nobis ostendant, sed etiam reipsa ante oculos conspiciendos statuunt primos nostros progenitores. Pinguntur nunc Lechi, Czechi & Boleslaorum imagines à pictoribus & typographis, quæ prorsus referunt antiquissimam ideam veterum Polonorum. Et cum artifices illi diuexantur arguunturque à curiosis, ob licentiam fingendi quas vellent imagines veterum heroum, affirmant se hæc probare posse non modò ex traditione veterum, sed etiam Phænomenis magicarum artium: aiuntque circulatores & nigromantas veteres ita fuisse harum rerum peritos, vt possent ex veteribus bellatoribus, quos vellent, arte malignorum spirituum, à puluerib. excitare, in proprioque habitu & forma visendos demonstrare. Quod & nostro æuo de quodam Fausto Germano Nigromanta, ab iis qui hæc viderunt certo affirmatur, quòd videlicet quodam tempore, expectentibus ab eo Norinbergensibus, Aeneam, Achillem, Hectorem ac Herculem & alios heroas equis insidentes, propriosque & natiuos vultus & vestitus habentes, spectandos in suburbio ante portas & mœnia cunctis visendos statuerit. Et quia veteres Cracouienses municipes præ aliis, his artibus dediti & implicati erant,

*Festum primæ tonsuræ.**Benedicti Papæ transactio cum Polonis.**Magica Phænomena.**Faustus Nigromanta.*

plicati erant, itaque constanter affirmatur de iis, quod ministerio eiusdem artis, tales euocauerint umbras heroum Polonicorum, quales Ouidi⁹ depingit, & quales postea typis mandare, & in com-
pitis pingere coeperunt.

De œconomia Sarmatarum et in primis de domicilijs eorum.

Gentes hasce sparsim habitasse autor est Procopius, ob idq; Spor-
ros, id est sparsos fuisse vocatos. Vandali iam magis cultas domos
habebant. Sicuti & nunc Poloni elegantia ædium Russos & Podo-
lios antecellunt. Ac in eo genere politiæ Procopius præfert Van-
dalos Slauis: sed illo æuo etiam apud Germanos idem ferè mos æ-
dium extruendarum fuit teste Strabone lib. 7. Casis, inquit, habi-
tant, structura in vnum diem constantibus, nomadibus quas in cur-
ru circumuehunt similes.

Oeconomica mulierum sic traducit.

— Palladis vii
Arte Tomitanæ non didicere nurus,
Fœmina pro lana Cerealia munera frangit,
Suppositoq; grauem vertice portat aquam.

De potu eis vsitato.

Nos habeat regio nec pomis fœta nec vuis.
Et fermentatis imitantur vnea sorbis.

Hoc genus potionis ex pasta farinæ subacta, & quantum satis est
fermentata aqua calida, & herba aliqua, videlicet, vsifranca, vel
pampinis vitium adhibitis. Quod genus potionis in deliciis est
adhuc apud gentem Russorum, at Germanis hætenus incogni-
tum. Quod autem dicit nec vinum nec poma habere istas regio-
nes, hoc condonandum forsitan est poëtæ, qui vt citius flecteret ad
commiserationem sui Romanos suos, interdum amplificat suas
miserias. Nisi malimus credere, vetustioribus temporibus caruif-
se vitibus illas regiones ad Istrum.

*Lingua Sarmatica et Getica Ouidio ita cognita
fuit vt loqui ea et scribere potuerit.*

Cumq; ego de vestra nuper probitate referrem,
Nam didici Geticæ Sarmaticæq; loqui.
Ab pudet & scripsi Getico sermone libellum.
Structæque sunt nostris barbara verba modis.
Et placui, gratæ mibi, cæpiq; poëtæ
Inter inhumanos nomen habere Getas &c.

Qui veterem Germaniam (ea enim phrasi vtuntur) ad Pontum sta-
tuunt, & Getas

tuunt, & Getas Germanos fuisse affirmant, ut hoc hominibus probent, in eo potissimum elaborant, ut doceant Getas sermone Germanico omnino usos fuisse. Nescio enim quomodo verisimile videatur, ut credamus illos populos eiusdem stirpis gentisque esse, qui eandem inter se linguam communem habent. Volunt autem suum axioma hoc fulcire autoritate Strabonis, quam tamen non adducunt, nec locum ubi nam querenda sit monstrant. Sed iam dictum est, in confirmandis huiusmodi rebus, delectum adhibendum in scriptoribus. Qui narrata narrant, nec propriis oculis ea viderunt, tales etiam in foro ad probandas res dubias non admittuntur. Poëta hic, cum tam longo tempore inter eos vixerit, merito inter scriptores eius argumenti primum locum habere debet. Dicit autem hic & gloriatur se in lingua Sarmatica & Getica ita profecisse, ut posset non modò communia obiter transigere, sed etiam Getica poemata ad captandam apud eos hoc modo benevolentiam, fundere. Nequaquam autem patiuntur circumstantiæ, ut putemus Geticum Sarmaticumque sermonem duas linguas inter se dissidentes fuisse, sicuti Germanicam & Polonicam discrepare videmus: vel si admittamus duas, tum sibi admodum affines credibile est fuisse, sicut modo Russorum & nostram, cognationem magnam habere videmus, ita ut etiam si una ab altera dialectis dissideat, tamen natura utrarumque & sonorum ratio eadem est. Apud me omnino nullum dubium relinquitur, quin credam, quamvis rerum magna vicissitudo fuerit, tamen regiones illas, quæ etiamnum lingua Slauonica vruntur, longè ante nos retroactis seculis eadem usos fuisse. Nimirum Mysiam inferiorem, quæ nunc Bulgaria est, Pæones ad Strimonem & Aenium ubi nunc Bofini, Lyburnos ubi nunc Croatia ac demum Illyrios & Dalmatas, adeoque omnes populos, qui Græciæ impendent, incipiendo ab Istro. Nam etiam si historia testatur, postea subiisse quosdam populos Septentrionales in illa loca, tamen veteres colonos, reliquos aduentitios ac simili lingua videntes anteuertisse huius suæ linguæ usu credibile est. Vbi enim postea & quando abolita & abrogata illa lingua istarum gentium fuerit, non reperimus. Et certè incredibile est, ex quo subintrarunt gentes Slauonicæ in illa loca, tam breui tempore ita adulterare potuisse eorum linguam ut à fundamento conuelleret & suam de integro inuehere possent. Considerentur saltem celebriorum locorum cognomina, quibus usæ sunt vetustas. Insula illa notissima antiquitus Peuca dicta. De qua Lucanus sic libro quarto.

*Getæ veteres
quonam sermone
vsi sint.*

*Cognomina celebriora apud
veteres.*

*Et barbara Cone
Sarmaticas ubi perdit aquas, sparsamque profundo*

I

3

Multifidi Peucen

Multifidi Peucen vnum caput abluit Istri.

Hæc inquam Peucen, Miedza etiam vrbs, quæ & Strymon dicta, & à Pæonibus quondam inhabitata, nonne apertè Polonicam dialectum sapit? Sic in Illyride mons quæ Curuanka Ptolomæus nuncupat. Hæc, inquam, appellationes, si eas expendas, manifestè referunt sonum & inflexionem linguæ nostræ. Et adhuc in Polonia complura reperias nomina nobiliorum locorum & cognomina familiarum quæ Pelconum nomine vocantur. Vnde & peruetusta illa vocabula prodiisse credo, Svvatopelka, Iaropelkao, quibus præ aliis Pomeranorum duces non ita pridem appellari desierunt. Sed & illa prouincia propinqua Pomeranis Paluki, inde nomen traxisse putatur. Sic altiora promontoria ex quibus speculari solent aduentum hostium, Rusi hæcenus Curhani vocant, quæ appellatio prorsus conuenit cum cognomine montis illius Curuanka, qui Noricum ab Illyride determinare à Geographis veteribus perhibetur.

Peuca insula. Sic Miedza vrbs, Strymon Ouidio dicta significat nostris metam, qua fundorum dominia determinantur. Nam sicuti vrbs illa Metis à meta est dicta, quod Germaniam à Galliis dirimere dicitur, ita regio Strymonis cum suis illis altissimis montibus, Hæmo inquam & Rhodopen, has vniuersas Slauonicas gentes ab vniuersa Græcia dirimebat: vt quicquid Istrum versus vergeret Slauonum esset, & quæ ad Aegeum mare & Propontidem spectarent, ad Græcos pertinerent. Sic Bessi populi antiquissimi ad eundem Strymonem, ab eodem poëta toties celebrati, Polonicam quoque appellationem prorsus olent. Et nescio an montes Bieścady nuncupati, qui confinio Transyluaniae sunt, aliqua cognatione cum illis non participant. Adde istos montes Krepak, qui ab ipso Ptolomæo Carpatus vocatur. Et multa alia iis consimilia adduci possent, sicuti inferius vbi Traiani tempora persequemur, adducentur. Ac tandem, vt meam sententiam breuius iterum declarem, mihi sanè incredibile prorsus videtur, in tam amplas & vastas regiones, quæ forsan maiorem partem Europæ complexæ sunt, & ab Adriatico ad Glaciale mare extenduntur, fortuito, aut bellorum iniuriis, vt aliqui volunt, linguam Slauicam, vt peregrinam & ascititiam à sexingentis & octingentis annis dispersam ac disseminatam esse. Cuius rei etiam paulo superius rationes à me adductæ sunt. Sed quid opus est istis hîc cornutis argumentis à signis, ab antecedentibus, à consequentibus, à rei adiunctis, ab vnitæ linguæ, cum autoritas Procopii historici ad dissoluendas istas omnes contentiosas concertationes sit ita aperta vt nihil apertius in ea causâ dici potuerit. Eius verò hæc sunt verba: Gotthicæ gentes multæ quidem & aliæ prius fuere

us fuere quàm nunc, omnium maximè ac potissimum Gotthi & Vandali & Visogotthi & Gepidæ, iamdudum Sarmatæ & Melanchlæni appellati. Non igitur amplius mirabitur lector, quòd Sarmaticam historiam texentes, persequendo tempora Darii, Alexandri, Gepidicorum & Ostrogothicorum, ad constituendum integrum corpus historiæ mentionem sæpè fecimus, cùm omnes istas gentes apertè in nomen & titulum Sarmaticum coartarit Procopius, his enim postea subiungit: Sunt & qui Geticas has gentes vocent, quæ omnes nominib. quidem inter se differunt, cætera conveniunt. Nam & albi sunt omnes corpore, flavi, proceri quoq; & aspectu probo, legibus item eisdem vtuntur. Similiter omnes Arrianæ fidei, lingua vna Gotthica appellata vtentes, & vt mihi sanè videtur ex vna omnes gente procreati, nomina postea ab eorum ducibus varia sortiti. Ii autem populi, loca supra Istrum iam pridem incoluere (nota habitationem Sarmatarum ad Istrum iam pridem.) Deinde Gepides loca circa Singidum & Syrmium tenuerunt. Hactenus Procopius. Non diuersum Plinius lib. 4. cap. 12. de iis tradit. Has omnes gentes inquit aliàs Sarmatas, aliàs Getas, aliàs Scythas, aliàs Dacos, aliàs Amaxobios vocatos, variè littori, Istri scilicet, apposita tenuere. Hinc est quod Ovidius sicut & Plinius in suis Poëmatis variè has gentes nominat, iam Getas, iam Sarmatas &c. Eò quòd sicuti ad Vistulam ita ad ostia Istri mixtim & indifferenter habitabant. Quod autem Strabonis auctoritatem quidam prætere vult, certè non contemnendum testimonium attulissent, si locum vbi hæc scripserit Strabo citassent. Sed nihil tale apud Strabonem reperio, nisi quod expressè dicit: *διόγλωστοι δ' εἰσι διέτρετο τοῖς Δάκοις*: vnilingues autem vel eadem lingua vtuntur Getæ cum Dacis. Cùm autem Ovidius testetur se didicisse Geticè Sarmaticèq; loqui, nō duas sanè linguas didicit, præfertim iam senio confectus. Nec duarum linguarum tanquam diuersarum mentionem facit. Nullum ergò dubium est, Getarum & Sarmatarum vnā fuisse linguam, vt ex Procopio apertè probatum est. Non est autem parui faciendā auctoritas vtriusque istorum tam Ovidii quàm Procopii. Nam etsi Procopius in istis regionibus non mansit, vt Ovidius, tamen in exercitu Bellisarii cum Gotthis & Vandalis conuersando, de omnibus rebus istis certior reddi potuit, ita vt præ omnibus aliis scriptoribus, qui narrata ab aliis narrant, isti duo in ea causa merito sibi primum locum vendicare possint. Nemo igitur deinceps obstrepat, nec cōtendat Gotthos, Germanos fuisse, nec Germaniam veterem ibi statuat, vbi antiquitus erant sedes gentis Sarmaticæ.

Getæ seu Gotthi, Vandali, Gepidæ, Ostrogothi Sarmatarum nomine continentur

Plinij auctoritas.

Vnilingues.

Ovidius, Procopius, cum aliis auctoribus sint antepōnēdi.

*Palynodia in qua Ovidius retractat, quod acerbius
interdum has gentes traduxerit.**Apologia pro
Sarmatica gen-
te.**Talia succensent propter mihi verba Poëta
Iraque carminibus publica mota meis.
In loca non homines verissima crimina dixi,
Culpatis vestrum vos quoque sæpe solum.**Due cause cur
apologie sue
Poëta menda-
cia admiscet.**Homeri testi-
monium de Ge*

Occurrunt quedam in lectione huius Poëtæ, quæ perperam & affectatè dicta esse putantur. Sed non difficilè erit ea dignoscere. Nam ubi petit reuocari ab exilio, calamitates suas supra modum amplificando regionis intemperiem accusare solet, ac interdum etiam gentis mores traducit, ut ita Augustum citius ad misericordiam flectat. Adhæc quia perspectos habebat mores gentis suæ, quod perlibenter audiebant criminari & in odiū adduci illas gentes, quæ potentiæ & dominationi eorum resistere poterant, itaque criminationibus calumniatoriis indulget aliquando. Omnibus enim propemodum Monarchis, qui virtute militari vnquam excelluerunt, quasi ingenitum esse videtur, aduersarios suos non modo regnis & opibus exuere, sed quod maius est, existimationi eorum insidiari, fama que bona & autoritate expoliare. Cuius rei ratio in promptu est. Milites enim eorum in eos maximè feritate & rabie militari ferebantur, qui populariter contumeliis & probris supra alios apud eos traducebantur. Proinde Ovidius in omnes partes oculos circumferens, & quid quaque parte geratur, unde causam suam fauorabilem redderet, sollicitè circumspiciens, nomini Sarmatico Geticoq; non parcat, & criminando mores, accusando cœlum, vituperando terram, amplificandis suis calamitatibus, nimis multus est. Ex eo genere & illud est, quod eò amentitiæ interdum prouehitur, ut conuicium barbariei interdum eis impingat, & quæ ipse retractauit reuocauitque, eis non veritus est obiiicere. Principes ergo, si nomini suo apud posteros optimè consultum volunt, vel hoc exemplo moniti literatos viros maiore in pretio habeant, ne dum eos minus dignè tractant, vitreoli ineluibilibus maculis ab eis aspergantur. Vnus homo Ouidi⁹ quantum nocuit gentibus nostris, eorumq; opinionem quantum læsit, exemplo esse potest. Sed receptui canamus. Redeundum est, unde digressi sumus. Si autoritatibus certandum est, maioris autoritatis apud quosq; Darii Magni regis Persarum esse debent testimonia de gentibus nostris, quam Ouidii, qui cum hæc effutiret, rem priuatam agebat. Retulimus autem paulò superius Darium hoc testimonio gentes nostras ornasse, ἀνδριστάτας καὶ δυναιοτάτας τῶν βασιλέων vocando. Similiter & Homerus ex sententia Iouis eosdem vocauit, Gala

uit, Galactophagos Abiosque his non est iustior vlla gens hominum. Hoc testimonium de maioribus nostris nulla vnquam malignitas hominum abolere poterit: atque hoc quidem præconium Ouidio obiicim⁹, qui impatiens exilii, homo Italus lactuca & aliis condimentis palato feruientibus orbatu⁹ furiosè indignatur & subinde diis deabusque suis, in crimen vocando cunctos, non parcit. Quanquam postea furore poetico mitescente ad se redit, & ea quæ petulantius exciderunt recantat, affirmatque se loci & regionis inclementiam potius accusasse, quàm homines ipsos, vt manifestè ex carmine à nobis citato liquet. In loca, inquit, non homines verissima crimina dixi. Et abutuntur quidem non pauci versibus istis Ouidii, sinistri nescio quid de istis gentibus sentiendo. Sed si hac in re vnius alicuius testimonio niti volunt, Germanos certè Plini⁹ inter Scythas etiam reponit. Et Ouidium etià ipsum quamuis latinè loquentem, Getæ barbarum vocabant, vt ipse de se testatur. Sed & Cato Græcis indignatur. Etiam, inquit, & nos vocant Græci barbaros & spurios. Sed quid? Dum de huiusmodi popularibus conuitiis disceptatur, eo ferè res deuenit, vt Anacharsis apud Athenienses Scythia fiat, & vice versa Athenienses apud Anacharsen. Ac barbaros quidem Romani vocabant, quicumque eis imperia præstare nolebant. Tandem vocabulum adaptatum est omnib⁹ qui vitam suam feritate, asperitate & inciuilitate morum infuscerent, teste Cicerone de claro Oratore. Tandem posterius seculum barbaros coepit vocare omnes illos populos, qui Christiani non essent. At cum gentes nostræ multis attestantibus, humanitatis virtute permultos alios populos superent, certè barbari non nisi à barbaro & immani homine vocari possunt, vt interim non confugiamus ad legum præsidium, quæ determinant, neminem hominum, qui Christianæ professionis sit, deinceps vocari posse barbarum.

*ris nostris ex
sententia Iouis*

Quis sit barbarus?

*Humanitas
Polonorum.*

De Ouidij exilio.

Causam exilii Ouidii referunt editionem libelli illius de amorib⁹. Nam Romani etiam si gentiles fuerint, tamen honestatem matrimonii coluerunt. Dicunt autem insidiatum esse thoro Augusti, sed cum exulans, fuerit propemodum sexagenarius, non puto ob ætatem, obnoxium fuisse vsque adeo illicitis amoribus, præsertim cum ei coniuux fuerit. Viuus Epithaphium sibi scripserat: & vir quidam ex Russia spectatæ nobilitatis, dixit se reperisse lapidem quendam in planicie quadam ad oppidum Asau, cui hoc carmen incisum fuit, quod venam Ouidii refert.

K

Epitaphi

Epitaphium Ouidij.

*Hic situs est vates, quem diri Cæsaris ira
Augusti, patria cedere iussit humo.
Sæpe miser voluit patrijs occumbere terris,
sed frustra, hunc illi fata dedere locum.*

LIBER TERTIVS

*In quo ea quæ acta sunt in ijs terris, ab Augusto usque ad
Constantinum Magnum, comprehenduntur.*

P R O O E M I V M.

QUOD librorum nostrorum distinctionem Imperatoribus ijs tribuimus qui non sine præfatione honoris, Magni vocantur, causa est quod regnantibus ijs maxime mutationes in mundo fiebant, quæ cursum huius historie narrationis abrumpunt. Ideo hinc iure auspicabimur librum tertium, cum Pompeius Magnus statim præcessit hæc tempora. Maior tamen Pompeio fuit Iulius, qui ab eo fuit superatus: sed utrisque Maximus est Saluator noster, quod ille fuerit domitor cæli & terræ. Ideo ei ab angelo non en Magni inditum fuit. Et tunc mutationem longè maximam mundus expertus est.

De temporibus Augusti
Cæsaris.

Anno ab orbe condito 3963.

Anno Christi saluatoris, qui propter nos & propter nostram salutem descendit de cælis, 1.

AM peruenimus ad annum 3963, nobilem aduentu Christi saluatoris nostri. Multæ & maximæ mutationes acciderunt istis temporib. hoc est, ante & post annum natalis Christi. Nam orbis terrarum concussus bellis Iulii Cæsaris & aliorum Romanorum ducum, vnam post aliam cateruam malorum secum trahebat, & quod in annua cæli conuersione sub tempora mesis, sole ad summum apicem ascende te fieri solet, vt mota sidera tum maximè tonent & post illa tonitrua ac tempestates serenitas vt plurimum consequi solet, sic in humani generis conuersione mundus tum intremuit bellis & rumoribus bellorum, denuntians nobis serenitatem futurorum bonorum. Nam Deus miseratus vicem generis humani mundo plus satis tot & tantis malis defatigato, donauit saluatorem, qui sua morte pacificare debuit omnia quæ in cælis & quæ in terra. Donauit & principem

*Aduertum Christi
que mala
præcesserunt.*

& principem clementia & bonitate spectabilem Augustum Cæsarem, sub quo rursus recreatus aliquo modo mundus à bellorum tumultibus requieuit. Neque hæc statim acciderunt postquam adisset imperium. Nam ut taceam alia bella, quæ ab eo in diuersis mundi partibus gesta sunt, de iis tantum necesse est nos loqui, sine quorum cōmemoratione enarratio historiæ nostrarum gentium consistere nullo modo potest. Tria igitur præcipua bella numerantur quæ gessit Augustus cum Vltromontanis, ut vocant, regionibus, & omnia propemodum ad Danubium. In Rhetia quidem & Vindelicis ad caput fluminis ipsius per Drusum Germanicum. In medio hoc est, Pannonia, per se & Tiberium. In inflexione verò, ubi iam Ister vocari cœpit, & ad ostia properat, quo sese exoneret in Pontum, hoc est in Mysia inferiore, per M. Crassum. Et Germanici quidem belli initia Germanis fuere lætiora. Nam tribus legionibus quas duxit Varo profligatis, & Druso ex lēfione cruris mortuo, Romani admodum consternati fuere, nisi Tiberius rursus eorum res exrexisset. Cū enim Pannonios & Noricos edomuisset, promouit castra in Germaniæ interiora, laturus suis auxilia. Et aperto quidem Marte nihil tentādum sibi duxit. Nam Harminii maximi tum Germanorum ducis fortunam reformidabat. Consilio ergo addit dolum, cōductis enim & concitatis Harminii cognatis, domi eum interfici curauit. Interim ipsemet Imperator Augustus, ubi fuerit & quid gesserit, sic Suetonius in vita eius describit: Reliqua, inquit, bella per legatos administravit, ut tamen quibusdam Pannonicis atq; Germanis aut interfuerit aut non longè abfuerit. Erga Sarmatas autem Augustus mitiorem se præbuit. Nam cum Oratores Sarmatarum ei occurrissent, & de pace mentio fieret, facillè hanc eis annuit, & superiorum cladum acerbiter obliuioni tradidit, adiecta tamen conditione, ne deinceps limites Istri transirent, Mysiaq; abstinerent, unde liquet quòd initium Geticorum bellorum cum Augusto & Romanis, fuit de finibus concertatio. Cū enim Romani in hoc semper incumberent, ut quàm latissimè & longissime proferrent suos fines, itaq; Getas Istri ripas transire prohibebant. Et ut durabili præsidio eorum conatus infringere possent, semper more suo præfidiarios in finibus illis Mysiæ tenebant. Meminit Poëta Ouidius Flacci cuiusdam præfecti copiarum illarum, quæ apud Romanos tum merebant stipendia. Habentur hæc lib. 4. elegia 9.

*Transactum
Augusti cum
Sarmatis.*

*Causa bellicum
Romanis defen
sio finum.*

*Flaccus dux co
piarum.*

*Præfuit his Græciæ locis modò Flaccus & illo
Ripa ferox Istri sub duce tuta fuit.
Hic tenuit Mysas gentes in pace fideli,
Hic arcu flos terruit ense Getas.*

Narrat etiam de eodem Flacco, quod urbem Troëzen à Getis captam recuperavit, quæ tamen longius ab Istro Græciam versus distabat. Existimo autem Flaccum fuisse hunc, ad quem Valachi nostri originem suam referunt. Sed quæ narrant Valachorum historiæ, pugnare videntur cum serie vniuersalis historiæ: nondum enim tum Romani ripas Istri transcendere cogitabant, nedum ut legiones trāsmittere, vbi nunc est Valachia, possent. Quod ex hac transactione Getarum cum Augusto, cuius modo mentionem fecimus, sole clarius cerni potest. Sed de Valachis inferius luculentius, vbi tempora Traiani Imperatoris persequemur.

Ex sacris literis.

Quæ adferenda erant ex Poëtis & historiis, iam attulimus, veniamus iam ad sacros scriptores. Paulus dicit ad Romanos cap. decimo quinto, se prædicasse Euangelium nostris hominibus, quodque incipiens ab Ierusalem & circumiacentibus regionibus vsq; ad Illyricum impleuerit Euangelii Christi munus. Constat autem & Dalmatas Illyriorum appellatione non raro comprehendi. Ad Titum autem capite tertio, testatur se in vrbe Nicopoli ad Danubium sita hybernaturum, eoque ad se Tichicum discipulum properare iubet, vnde etiam epistolam illam ad Titum scribit. Ostensum est autem Gotthos tum habitasse ad vtramque ripam Istri, & Sarmatas & Gepidas ad Syrmium, vt ex Ouidio probatum est, hoc est in Mysia vbi hæten⁹ Rascii & Bulgari lingua nostra videntur. Vbi & Philopolensium mœnia, de quibus in Alexandro Magno retulimus. Inde fit, quod Russi hætenus gloriantur, & passim iactant quod Paulus ipsis prædicauerit Euangelium, eosque illo sacro edulii genere pauerit, quod Cuthiam illi vocant. Petrus etiam Apostolus priorem suam epistolam, ante alios dirigit ad ecclesias Pontum inhabitantes, vbi primariæ Sarmatarum sedes erant. Sed & de Apostolo Andrea Græcorum historiæ & Russi multa prædicant, & quod sedis Constantinopolitanæ conditor fuerit, sicuti Petrus Romanorum, affirmant. De eius etiam indefesso studio in promouenda Euangelii prædicatione mira narrant, affirmantque eum zelo prædicationis ita prouectum, vt etiam Sarmatiam totamque Russiam & intima Moschouiæ penetrauerit. Diuus Andreas, inuectusque ostia Borysthenis, Albam Russiam, ac tandem totum septemtrionem peragravit, peruasitque ad caput vsque sinus Venedici, vt etiam in picturis Geographorum, passim eius imago annotatur: inde mare Botnicum, Suedicum, Liouonicum, Balticum, sinum Godanum ac denique Oceanum ipsam Germanicum

*Nicopolis est
Bulgarie metropolis.*

*Paulus Russis
an prædicauerit?*

*Eusebius lib. 3.
cap. 1.*

*Andreas sedis
Constantinopolitaneæ fundator*

manicum sulcasse, ac demum emenso illo circulo, quā Oceanus lambit Germaniam, ostia & portum Herculei freti intrasse, sicq̃ nauigando vsque Eperum in Grāciam rediisse, isticq̃ crucis morte crudeliter à rege illius oræ affectum esse, in quam sublatus tri-
 duispatio ad extremum vsque halitum non desuit viam salutis an-
 nunciare cunctis astantibus. Hæc si vera sunt, Paulo qui gloriatur
 se supra alios Apostolos laborasse, videtur non fuisse inferior, exan-
 tatis tot laboribus, vigiliis, & forsan etiam naufragiis.

Collatio labo-
 rum in ecc̃esi-
 a Dei, Andreae cū
 Apostolo Pau-
 lo.

*Anacephaleosis rerum quæ acciderunt inter Sarmatas &
 Romanos, ante & post aduentum Christi, ubi queritur
 quidnam populus Romanus in regiones, quæ ex hac
 parte Danubij sunt, iuris habuerit.*

Cogitans hac de re, & causam totam diligentius expendens, nihil
 amplius inuestigare potui, nisi quod Romani affirmant deuicto
 Mithridate Rege Ponti, iure belli omnia quorum dominus erat
 Mithridates ad se deuoluit. At ostēdi potest, quod ne ipse quidem
 Mithridates legitimo iure aliquid hīc possederit, excepta Tauri-
 ces parte aliqua, itaque neque Romani aliquid hīc sibi vindicare
 poterant. Nam cum attriuisset Roxolanos, & circumuenisset Re-
 ges Tauricæ, Palaco, Scyturumq̃ue eius filium, insinuare se aliquo
 modo in possessionem huius ripæ citerioris cœpit. Itaque Roma-
 ni tribus ingentibus bellis superato Mithridate, felicitate Sillæ, vir-
 tute Luculli, & magnitudine Pompeii, totam Pōticam regionem
 credebant iam esse sui iuris. Hinc est quod Pompeius Pontum in
 prouincias redegit, & postea regibus Bosphori omnia attribuere
 voluit. Sed nihil tum nisi verbis actum est, ad rem ne deueniret ne-
 gotium, totius Aquilonis conspiratione refragatum est & nostro-
 rum viribus, ita vt tonante & fulminante septemtrione omnes nu-
 beculæ illæ Romanorum discussæ esse videantur. Sed ex sequen-
 te cōsignatione temporū tota hæc controuersia clarior reddetur.

Consignatio temporum sub Augusto.

3846. Lucius Cecili⁹ bellum cum thracib. gessit. Flor⁹ autor.
 3852. Porti⁹ Cato malè cōtra thraces pugnauit & Scordiscos.
 3854. M. Liuius Drusus aduersus Scordiscos gentes à Gallis o-
 riundas in Thuria feliciter pugnauit, magnumq̃ue honorem tulit.
 Florus.

2892. Scribonius Procos vicit Dardanos, & ad Danubium vs-
 que primus Romanorum penetrauit, triumphumq̃ue meruit.

K

3

2890. Hinc

2896. Hinc excitatae gentes septentrionales, coadunato ex omnibus gentibus exercitu, ac sicut Romani ad Danubium, ita illi ad Adriaticum mare usque progressi sunt. Discedentibus illis Romanis illos insecuti sunt. Tunc Lucullus ad terminum gentium Tanaim delatus est, Appianus in Sarmatas, Curio versus Daciam venit, sed tenebras saltuum expauit, ut superius dictum est. De his Florus libro 3. cap. 4.

Ita exasperatis utrinque animis exarsit Mythraticum bellum. Nam Mithridates rex Ponti non amplius differendum negotium ratus, attrectari terminos suos à Nicomede ut causam belli prætendit. Spem ac fiduciam dabant ei Romanorum vitia, quod tunc civilia & socialia bella inter eos exarserant.

3881. Primus Sylla cum Mithridate concurrat, post civilibus bellis auocatus negotium Lucullo committit. Plutarchus in Luc,

3894. Lucullus secundus dux, fugato Mithridate Armeniam populatur, Tigranem in regnum redire cogit. Lacherem in amicitiam recepit. Fuit is filius Mithridatis rex Bosphori. Hoc bello imensos thesauros ad illas delitias quibus post se dedit, comparauit, Apollinemque Capitolinum ex Bosphoro secum Romam asportauit. Potuisset autem Lucullus Mithridatem superare, sed eum militum sedatio retinuit.

Tertius dux Pompeius, in Mithridatem, noctu commilitante luna & lumen præbente irruit. Post ultimam victoriam in provinciam Pontum redegit, tandem Romae triumphum splendidissimum duxit. Plinius septimo.

Conquieuerunt postea hæc bella pontica, per triginta & aliquot annos usque ad Augusti tempora, quando in Hispanias post Acciacam victoriam sese contulerat. Tunc etiam Crassus Thraciam in officium reduxit. Iam enim antea domiti descuerant. Interim Sarmatæ exercitum conscribunt, iamque ad Danubii ripas peruenierant, sed Augustus ad Lentulum scribit, ut ad ripam Istri transitum eis impediret.

Et quia fatale Dei decretum ad pacem sanciendam cunctas gentes orientales occidentalesque urgebat, ut aduentus Messiae pacis beneficio clarior redderetur, etiam ipsi Sarmatæ missis legatis ad Augustum Cæsarem amicitiam absque numeribus, quod nemini antea contigit, facile impetrant. Hæc pax durauit per annos 30. usque ad tempora Tiberii, quando Mysiam provinciam iisdem Romanis vi eripuerunt Sarmatæ.

Florus lib. 4.
cap. 12.

Consignatio

*Consignatio locorum quæ ad intelligendam historiam rerum
nostrarum temporibus Augusti multum facit.*

Quidam vir doctus historicus nostri seculi pulcherrimè de Augusto ad eum modum: Deus hunc iuuenem, qui non erat præliator, mirabiliter textit, & adiuuit, & per eum imperio restituit pacem.

Delimitibus ad occidentem.

Suetonius in vita Augusti, Germanos, inquit, ad Albim fluuium, summouit, ex quib. Sueuos & Sicambros dedentes se traduxit in Gallias &c.

Sabellicus in verba Suetonii sic. Albis fluuius est qui in duo spacia Germaniam determinat, & autor est in primo lib. Strabo, qui in septimo quoque libro tradit, Romanos non transcendisse fluuium Albim. Et Lucanus in secundo

*Albis Romano
rum limes.*

Emulat ab extremo flauos Aquilone Sueuos,

Albis & indomitum Rheni caput.

Hæc de occidentali limite Germanorum. De orientali verò quod Danubii ripa diuidebat Sarmatas à Romanis, testatur Augusti scriptum ad Lentulum, cui præcipiebat, vt ripam tantum defendat Danubii. Florus lib. 4. Et Ouidius de Flacco. Hoc, duce, inquit, ripa tuta fuit. De Scythis verò Suetonius: Scythas auditu modo cognitos Augustus pellexit ad amicitiam populi Romani ultro per legatos petendam. Sed Strabo non sine sale risit Scytharum potentiam, de qua tamen gloriatur: Gens Scytharum, inquit, aduersus externos inuicti sunt, atq; inexpugnabiles, quod nihil, inquit, habeant, cuius causa seruitutem sustinere velint. Hæc ille lib. 7.

De Sarmatarum viribus, temporibus Augusti sic inquit Strabo. Berebistes natione Geta, cum imperium in suam gentem suscepisset, eam crebris afflictam bellis refecit, tantumque exercitatione, sobrietate ac diligentia profecit, vt intra paucos annos magnum constitueret regnum, finitimasque plerasque gentes, Getarum imperio subiecerit, quin & Romanis iam cœpit terrorem afferre, Istrum audacter transiens, Thraciamq; ad Macedoniam vsq; & Illyricum populans, idem Celtas Thracibus & Illyriis permixtos vastauit, Boios qui sub Critasiro erant prorsus deleuit, itemque Thauriscos, vt suæ genti tanto maiores essent facultates.

De Cotifone Rege Gotthorum tempore Augusti.

Cotifonem tanti fecerat Augustus, vt eum affinem sibi fecerit. De Cotifone Horatius lib. 2. Carminum.

Occidit Daci Cotifonis agmen,

Medius

*Medius infestus sibi, luctuosus,
Disidet armis.*

Si quis autem luculentius nosse velit historiam horū temporum & scire quid actum sit Iesu Christi temporibus in istis terris, legat de Arminio Duce Germanorum, bellicosissimo, qui solus tum opponere se potentiae Romanorum. Passim hæc occurrunt. Legat etiam de Marobudo rege Morauorum qui fuit gente Sarmata de stirpe Quadorum. Habentur hæc apud Cornelium Tacitum, Suetonium, Strabonem lib. 7. & Velegium Paterculum. Tēpori tum seruiebat Marobudus hic: videbat enim fatis quibusdam Romanorum potentiam in immensum crescere. Itaque consilio magis quam armis Augusti vires auertebat. Coluit quidem pacem cum Romanis, sed ita, vt ostenderit sæpius, si lacessitus fuisset ab eis, & voluntatem & potestatem resistendi sibi non defuisse. Ideo Romani considerata hominis prudentia & dexteritate in rebus agendis, blandē cum eo egerunt. Quin potius eum contra Arminium acerrimum ipsorum hostem cōcitabant, vt ita inferendo ei arma, Germanorum vires à tergo reuellerētur. Quod vt magis strenuē ageret, auxilia etiam ei mittebant, non militum quidem, nam id ob loci distantiam vix præstare potuissent, sed magna vi pecuniæ ei missa: consiliisque suppeditatis per internuncios res gerebatur. Itaque ad Albim vsque tum fines domini sui Marobudus extenderat. Sed in senectute eum dissidia domestica exceperunt, ita vt patria relicta in Italiam abire cogeretur, vnde postea, astutia Romanorum detentus redire non potuit. Batus Rex Dalmatarum synchronus etiam Marobudi fuit. De quo vide in Descriptione nostra Poloniæ.

Post tempora Augusti, re= gnante Tiberio.

*Anno ab orbe condito 3979.
Anno Christi 17.*

Augusto regnāte Sarmatogetæ seruientes tempori aliquo modo conquieuerant, sed deinde succedente Tiberio ad ingenium redierunt, armisq; veteres sedes repetere cœperunt, & Mysiam quæ Pannoniæ iungitur, ad Pontumque vsque cum Danubio decurrit, infestis armis ingressi occupabant, Imperatore siue arma tam bellicosæ gentis reformidante, siue negligentia vitio laborante & conniunte. De qua re Suetonius ita scribit: Armeniam à Partis occupari, Mysiam à Rege, Dacis, Sarmatisque, Gallias à

Gallias à Germanis vastari neglexit &c. Hæc Suetonius. Quod autem nomen regis inculco, facio ideo ut series regum antiquissimi morum, qui istis gentibus imperitabant aliquo modo instaurari & recolligi ex historicis possit. Si autem addatur hic rex illis duobus, quorum mentionem feci, persequens Alexandri Magni tempora, habebimus iam tres reges Geticos: Syrmum primum, à quo Syrmium vrbs, celebris propter concilium illud isthic agitatum, extructa fuit, & Dromichetem, qui postea Lisimachum, ducem Alexandri Magni coeperat, & tertium hunc Varfestum, qui Augusti & Tiberii tempora attigerat, & Cotisonem de quo Horatius. Mirari autem quis posset, cur & Poëta Ovidius, & hic Suetonius quoties Getarum meminit subinde & Sarmatas eis admiscet, & indifferenter hoc vel illo nomine utrosque appellat. Si autem Sarmatarum regnum procul fuit à Getarum provinciis, nec Getæ includuntur Sarmatis, quamam de causa Sarmatæ non necessaria sibi pericula attrahebant, & belligerando contra Romanos non necessario se implicabant bello? Vnde quæso intercessit eis cum Getis tam arcta necessitudo, ut se non dubitarint multoties pro eis eorumque iniuriis in manifesta pericula conicere, si Geticæ provincie ad Sarmaticam Rempub. non pertinebant? Et cur Ovidius inter Getas manendo optat sibi & precatur ne sepeliatur in terra Sarmatica, si fortè isthic ei contingat mori? Est & Valachia ditionis Polonorum, arma provincie eorum vel insignia sunt caput Bubulinum quod in corona insignium, quæ propria sunt regni insculpitur. Ad hæc semper iusiurandum conceptis verbis ex formula ad id preparata præstant Voieuodæ eorum Polonis, promittuntque solenniter coram Rege vel Oratoribus eius, se in fide & clientela Sarmatici nominis permansuros, licet subinde hoc nomine cogantur experiri arma Turcicæ tyrannidis. Sed illo tempore Getas arctius obnoxios fuisse Sarmatis credibile est. Nam siue œconomiam respicias, agricolas Getarum Sarmatas vocat Ovidius, siue mercaturæ cōmercia, negociationes eorum tanquam inter concives communes eis fuisse cum nostris apparet. Quid militiam commorem? tanta alacritate tantoque ardore animorum rem gestam à Sarmatis in causa Getarum apparet, ut vnam Rempub. vnos fines, vnamque causam eis fuisse pro qua pugnare solebant, non sit difficile iudicare. Quod ex illis versibus Ovidii apparet:

Sarmaticæ maior Geticæque frequentia gentis

Per medias in equis itque reditque vias:

*Appendix in qua sparsum partes quædam historia
eorundem temporum apertius illustrantur.*

L Irruptiones

*Reges Getarum
veteres.*

Varfestus rex.

Argumentum 1.

Argumentum 2.

Irruptiones Sarmatarum Suetonius Tiberii temporibus, istis verbis describit: Armeniam inquit à Parthis occupari, Mysiam à Dacis Sarmatisque, Gallias à Germanis vastari neglexit: Tiberium intelligit. Eutropius verò addit, & Pannoniam à Sarmatis tum vastatam: Resolutis inquit, artibus militiæ, Armenia per Parthos, Mysia à Dacis, Pannonia à Sarmatis, Gallia à finitimis gentibus direptæ sunt. Notandum & illud quòd Helias Spartianus Getas dici Gotthos affirmat. Vnde Diasyrticus, hoc est dubius iocus emerfit in Antonium Caracallam, qui cum Getas denicisset, & fratrem nomine Getam trucidasset, à Pertinace fuit festiuiter traductus. Etenim mordaciter Getici nomen inter alia cognomen Antonio ascribendum esse censuit, vtrunq; innuens: & quòd Getas vicerit, & quòd fratrem Getam crudeliter necarit. Sed & Plinius lib. 4. expressè ostium tertium Istri formosissimum omnium, Calostomos nuncupatum dicit, & insulam ibidem Sarmatis tribuit, & Sarmaticam insulam eam appellare non dubitat. Enumerat Reges Gotthorum Iornandes qui intermedii sunt inter Tiberium & Domitianum. Temporibus Augusti ante Tiberium fuit Cotison. De quo Horatius lib. 2. Carminum. Secundus Diceneus qui & philosophiam Ethicam & Logicam & Mathematicas artes eos docuit & Theologiam. Hæc omnia non barbarorum sunt instituta. Etiam instituit ordines sacerdotum, quorum alios pileatos, alios capillatos vocauit. Post Diceneum enumerat Comosicum, nō imparem solertia Diceneo. Tertium Corillum, qui per 40. annos Daciam, inquit, rexit, forsitan vsq; ad Ducebalum, qui cum Domitiano & Traiano diuturnum bellum gessit, & ne error in Daciæ nomine versetur, describit fines Daciæ qui erant illo tempore: Hanc inquit ab oriente Roxolani (nota temporibus Tiberii & Christi Roxolanos non pcul à Danubio mansisse) ab occasu Tamazithes, à septemtrione Sarmatæ & Bastarnæ (prorsus Podgorios Bastarnas nominat, vt supra quoq; aliquoties dictum est,) à meridie amnis Danubii fluenta terminant &c. Dicitque eam corona montium cingi, & duos accessus habere tantum: vnum per Bontas, alium per Thebas. Ex qua descriptione apparet, Daciam tunc fuisse, eam quam nos vocamus Transylvaniam. Et Iornandes suo tempore, hoc est cum Gotthi vastabant Europam, Gepidas ibi sedes suas habuisse, Gepidamque illam regionem vocatam fuisse testatur.

Pannonia à Sarmatis petita illo tempore

Pliny locus de Sarmatia ad Istrum.

Series regum Gotthorum.

Roxolani illo tempore non remotè à Danubio habitauerunt. Bastarnæ.

Dacia vbi nunc Transylvania.

Temporibus Claudii fratris Drusi.

Anno ab orbe

Anno ab orbe condito 4015.
Anno Christi 50.

Quod attinet ad politica nihil tale habemus de Sarmaticis populis, sed quantum ad religionem, refert Eusebius, quod eo tempore ad eas regiones annuntiatio Euangelii Iesu Christi perlata fuit. Nam post illud concilium Apostolicum, in quo abrogata fuit circumcisio, Apostoli ex mandato Christi, & concilii illius iussu, veluti datis dextris inuicem per vniuersum orbem terrarum dispersi sunt. Et ex eis Diuus Andreas per ostia Borysthenis ingressus Arctoas regiones, ad illam coenam domini magnam vocat predicatione Euangelii Roxolanicas gentes. Et post quinquaginta sex annos Apostolus Paulus gentilibus nostris Dalmatis, Illyriis, & Nicopolensibus ad Danubium (regia Bulgaria illa vrbs fuit) iubileum remissionis peccatorum, gratiam & pacem, sonora tuba apostolica predicauit vnà cum Timotheo & Tichico discipulis suis. De qua re ipsemet testatur ad Romanos 15. 2. Timoth. 4. ad Titum cap. 3. Tum temporis etiam diuus Petrus Galatis, Capadocibus, Thomas Parthis vel Brachmanis, Bartholomæus Indianis, & sic alii aliis predicarunt. Hac de re Eusebius loco supra citato, & Sabellicus. Ab illo tempore ferunt Christianismum durare apud Piecziborios Scythas, quos forsan Penticapeos Strabo vocat.

Galba dominante.

Anno ab orbe condito 4035.
Anno Christi circiter 73.

Regnantibus aut potius de sceptro imperii inter se digladiantibus Imperatoribus, trium aut quatuor gentium Sarmaticarum fit mentio, Sarmatarum inquam Alanorum, Roxolanorum & Iazigum. De Sarmatis Iosephus libro sexto capite vndecimo, consultò recitat historiam, quomodo transeuntes Danubium, in Mysiam impetum fecerint, & illatis magnis damnis praesidia cum eorum duce Fôteio Agrippa interfecerint, praedamque optimam secū agentes abduxerint, quos postea Rubrion Galus missus à Vespasiano dissipauit, & dispositis fortioribus praesidiis ripam Danubii aduersus eorū incursiones tutatus est. Et hinc apparet, fines Romanis, Danubii alteram ripam fuisse, alteram vero à Sarmatis defensam. Alanorum verò Sarmaticarum gentium idem Iosephus libro septimo capite decimo nono gesta recitat, sed eos ibi vulgato errore Scythas vocat. Expeditionē isti fecerunt in

Fonteius interfectus.

Sarmatae Mysiam inuadunt tempore Galbae Alani.

Pacorum regem Medorum cuius ditionem vsque ad fines Armenia deuastauerunt, vxoresque eius abduxerunt. Sed primùm Hircanorum regem attriuerunt armis, eò quòd eis transitum negauit in Mediam per illas angustias montium, vbi, inquit, Alexander Magnus portam ferream excitauerat ad arcendas gentes Arctoas & vectibus ferreis eam obdiderat. Huius loci cum rex Hircanorum dominus fuit, eos illac transmittere noluit. Sic & Teridates Rex Armenia non minus periculum adiit eodem tempore, & parum abfuit, quin viuus in eorum manus deuenisset.

De Iazigibus.

De Sarmatis Iazigiis qui suppetias laturi Vannio regi Sueorum iuerant, cum à Ligiis seu Syllesiis, vt aliqui volunt oppugnaretur, lege Cornelium Tacitum libro duodecimo, vbi recitat quo pacto Claudius à Domitio fuit adoptatus. Meminit eorum & lib. 19. Et apparet magnæ tum reputationis eosdem Iazigas fuisse. Nā inter se armis disceptantibus Vithelio & Vespasiano vtrique prestant gratiam Iazigum, vt eos in commilitium adsciscant, & alter aduersus alterum eorum cohortibus se muniat. Plurimum enim vim equitum eorum reformidabant, qua, inquit, etiam illa ætate plurimum valebant.

*Sarmatica
gens Roxolani
vocalur.*

Roxolanorum verò prælia libro 10. idem Tacitus commemorat, Othonis acta persequens. Eò audentius, inquit, Roxolani Sarmatica gens priore hyeme cæsis duabus cohortibus, magna spe ad Mysiam irruerant: Nouem millia equitum, ex ferocia & successu prædæ magis, quàm pugnae intentæ. Post hanc victoriam etiam & cladis eorum meminit quæ postea secuta est & causam cur ab eis malè pugnatum sit, non in ipsos sed in aëris temperiem aduersam refert. Sarmatæ, inquit, dispersi, aut cupidine prædæ graues onere sarcinarum, & lubrico itinerum adempta equorum pernecitate, veluti vincti cædebantur. Nam mirum dictu, vt sit omnis Sarmatarum virtus veluti extra ipsos. Nihil ad pedestrem pugnam tam ignauum: vbi per turmas aduenere, vix vlla acies obstiterit eis.

*Sarmatarum
robur in qua in
structione ver
citius consistit.*

*Gladij Poloni
ci veteres.*

Sed tum humido die & soluto gelu, neque contis, neque gladiis, quos prælongos vtraque manu regunt (horum gladiatorum, & nostra adhuc ætate vsus fuit) vti potuerunt, lapsantibus equis ex cataphrastorum pòdere, simul altitudine & mollitie niuis impediète.

Domitiano regnante.

Anno ab orbe condito
Anno Christi

4045.
83.

Verissimum

Verissimum est vetus dictum: Bellum incipere in cuiusvis potestate est, sed finem ei imponere, non nisi eorum est, qui à Deo adiuuantur. Ita Romanorum bellum cum Sarmatis Gotthisque seu Getis sese habet. Sub Augusto quidem incoëptum, sub Tiberio inflammatum, sub Domitiano verò ardere coëpit, & tandem Gotthis Italiam inuadentibus in flammam inextinguibiles vel potius cineres versum est. Huius belli apud multos historicos & poëtas descriptionem habemus. Et Suetonius quidem in vita Domitiani sic: Violatis deinde paulò post Romanis bella intulerunt. Eam iniuriam Romani duo duces Opius Sabinus & Cornelius Fuscus ultum missi, ambo vnus post alium cum exercitu & legionibus cæsi sunt. Claruit tunc inter eas gentes princeps ferè omni laude superior, & in rebus bellicis Romanorum ducibus præcipuis comparandus Ducebalus, quem Orosius Diurpaneum Panorum Polonorum, id est, dominorum appellationem præ se ferentem vocat. Hoc duce potissimum hæ gentes usæ sunt in eo bello. Alter scriptor Dion huius belli mentionem faciens in laudes eius regis tali digressiuncula prorumpit: Is erat inquit, in cognoscendis rebus bellicis perspicax, in agendo solers, promptissimusque ad inuadendum & ad regrediendum, si res ita postulabat. Nouerat enim optimè insidias facere, prælium committere, optimè vti victoria, & acceptam cladem ferre moderatè. Sed Suetonii verba ipsa de hoc bello & de Domitiano adscribere placet: Expeditiones, inquit, partim sponte suscepit, partim necessariò: sponte in Catos: necessariò autem vnā in Sarmatas, legione cum legato simul cæsa. In Dacos duas: primam Opius Sabino consulari oppresso. Secundam Cornelio Fusco præfecto cohortium prætorianarum, cui belli summam commiserat. Laborat hinc Iustus Decius scriptor rerum Polonicarum volens probare Getas fuisse Sarmatas. Sed hæc res labore tanto non indigebat, cum res per se sit plana. Cuius negotii euidentissima documenta à me adducta sunt, & adhuc inferius adducentur. Ex Paulo Orosio: consimilia de eodem bello. Bellum aduersus Germanos & Dacos per legatos iussit administrari pari Reip. perniciæ. Nam quanta fuerint Diurpanei Dacorum regis cum Fusco duce prælia, quantæque Romanorum clades longo textu euoluerem, nisi Cornelius Tacitus de reticendo interfectorum numero & Salustium Crispum & alios autores quamplurimos sanxisse, dixisset. Domitianus tamen prauissima elatus iactantia sub nomine superatorum hostium de extinctis legionibus triumphauit &c.

Ex Suetonio.

Orosius lib. 7.
cap. 10.

Eutropius verò de iisdem expeditionibus Domitiani ad eundem modum sic scribit: Expeditiones quatuor habuit: vnā ad-

Ex Eutropio.

uerſus Sarmatas, alteram aduerſus Cattoſ. De Daciſ Cattisq̃e duplicem triumphum egit, de Sarmatiſ ſolam lauream uſurpauit. Multas quidem calamitates iſdem bellis paſſus eſt. Nam in Sarmatiſ legio eiſ cum Duce interfecta eſt, & à Daciſ Appiſ Sabinuſ conſulariſ, & Corneliuſ Fuſcuſ præfectuſ prætorii, cum magniſ copiis occiſi ſunt. Meminit & Statiuſ eiſdem cladiſ.

Rhenus & attoniti uidit domus ardua Daciſ

Et coniuratos deiectos vertice Dacoſ.

Ex Iornande.

Quia hic Statiuſ meminit coniurationiſ Gotthorum contra Romanos, exponit hæc Iornandeſ, commemorans foedus quoddam, quod cum aliis principibuſ pepigerant Gotthi: Huiuſ confederationiſ mentionem facio, ad illuſtrandum conſiliuſ Slauorum, qui ſimile foedus aut idem contra eorundem Romanoruſ potentiã fecerunt. Et tunc Slauorum nomen ſibi impoſuerant: de qua re Iornandem iam audiamuſ: Domitiano inquit, regnante, eiſ auaritiã metuentes, foedus quod dudum cum aliis principibuſ pepigerant Gotthi ſoluentes, ripam Danubii iam longè poſſeſſam ab imperio Romano, deiectiſ militibuſ cum eorum ducibuſ, vaſtarunt, cui prouinciã tunc poſt Agrippam præerat Pompeiuſ Sabinuſ (de Agrippa hoc à Sarmatiſ occiſo, ſupra ex Iosepho memini): & mox: Apud Gotthoſ autem Dorpaneuſ principatuſ agebat, quando bello commiſſo Gotthi Romanis deuictiſ Pompeii Sabini capite abiſſo multa caſtella & ciuitateſ inuadenteſ de parte Imperatoriſ, publicè depredarunt, qua neceſſitate ſuorum Domitianuſ adductuſ cum omni virtute ſua in Illyriuſ properauit, & totiuſ penè Reipub. militibuſ ductore ſuo prælato cum electiſ ſimiſ viriſ amnem Danubiuſ confertiſ nauibuſ ad inſtar pontiſ tranſmeare coëgit ſuper exercituſ Dorpanei. Tum Gotthi haud ſegneſ reperti, arma capeſſunt, primoq̃e armati cōſſictu mox Romanos deuincunt, Fuſcoq̃e duce extincto diuitiaſ de caſtriſ militum deſpoliant, magnaq̃; potiſ uictoria, iam procereſ ſuoſ quaſi qui fortuna vincebant, non pueroſ homineſ ſed Anſeſ vocauere.

Pompeiuſ Sabinuſ deuictuſ

Fuſcuſ deuictuſ

De pseudotriumphis Domitiani.

Vera autem Dionem de eo ſcripſiſſe apparet, cō quod conſtat inter omneſ Domitiano Cæſari ita formidabilem fuiſſe Diurpaneum, vt ne aſpicere eum, nedum accedere aut cōſerere manuſ cum eo auſuſ fuerit. Ideo Sabinuſ & Fuſcuſ magniſ nominis duceſ ei oppoſuit. Sed & ii fuſi fugatiq̃e cum exercitibuſ totieſ uictoribuſ, deleti trucidatiq̃e ſunt. Verituſ igitur Domitiuſ infamiam apud ſuoſ, ſimulq̃e ne adiret periculũ capitiſ, vana & futili iactantia & pseudotriumphis negociuſ corrigendũ ſibi ſta-

tuit: poëtiſ

LIBER II.

87

tuit: poëtis dat negocium celebrandi sua bella, trophæa passim collocat victoriarum; triumphosq; de trucidatis legionibus peragit. Interim verò ne Diurpaneus victoriam prosequatur, pacem redimit, falsamque gloriam aucupatur, non modò de Getis & Dacis, sed etiam de Sarmatis. Fatetur tamen, ne in toto mendax appareat, minus se interfecisse de Sarmatis, proinde hac de causa lauream tantum Ioui Capitolino donat, ut Suetonius tradit.

De regno Dacorum, nostra memoria excitato.

Ac eius quidem regni memores etiamnum Valachi nostra memoria ante quindecim annos, extimulati fama veteri rerum gestarum, cogitabant hoc ipsum regnum situ iam & pulvere oblitum instaurare, ac quendam Despotam de stirpe veterum Despotarum, ut ille ferebat, volebant regio diademate insignire: sed tota illa res breui in inuidiam versa, tandem ipsimet Despotæ interitum acceleravit. Paulò post enim à Thomsa quodam Satrapa, palatii sui magistro obtruncatus fuit, quo nomine de eodem interfectore ab Augusto Rege Poloniæ tanquam supremo Daciæ domino supplicium sumtum fuit. Leopoli enim metropoli Rusiæ in foro cunctis spectantibus præcisum ei fuit caput. Noueram ego hunc Despotam, & familiariter eo usus sum non exiguo tempore. Et videbatur homo esse religiosus & bonus. Sed ut postea ferebatur, successu fortunæ deprauatus superbire coeperat, amicitiamq; cum Baronibus Poloniæ rescindere, quam si diutius coluisset, & ipse incolumis hætenus regnare potuisset. Sed verè dicitur: Luxuriant animi rebus plerunque secundis: Et, asperius nihil est humili cum surgit in altum. Verius autem ad Transylvaniam gloria regni Dorpanei iure successionis pertineret, quàm ad Valachum, cum sedes Dacorum & Dorpanei præcipue fuerint, ubi nunc est Transylvania, cuius rei à me mentio superius est facta. Orosius, utpotè latinus, regem hunc Dacicum, Diurpaneum vocat, at Græci Decebalum, sicut apud Dionem videre est.

Despota Valachia.

Causa interit Despotæ.

Appendix.

Post deuictos Romanos, tanta gratulatio oborta fuit Dacibus, ut etiam suos belli duces, Anses, id est, semideos, quos Rusi Bohattiras, latini Heroas, Germani halbe gotter, vocare inciperent. Ex his Heroibus originem ducit Iornandes, & familia clarissima Amaleshutorum, de qua paulò post dicemus. Post illa bella exitimo monetam Romanam cum imaginibus & inscriptione Traiani in Poloniam inuectam, quæ à rusticis etiamnum arantibus agros reperitur

Anses vel Bohattiri.

Occasio monetæ Romanæ in Poloniam inuectæ.

gros reperitur effoditurq;. Hæc vero est, alia bigata, alia quadrigata. Nam olim ab Imperatoribus pecunia cum talibus imaginibus in triumphis spargebatur.

De temporibus Traiani Imperatoris.

Anno ab orbe condito

4065

Anno Christi

105

Quia durabili præsidio Romanorum bella administrabatur, ideo quantumvis robur exterarum gentium sese eis pro tempore obiiciebat, omnes tamen aut vi aut mora, extrahendo tempus conflictus, debiliores reddebant. Sic bellum Diurpaneicum, cum sedecim annis durasset, ad extremum tandem Rege extincto debilitari coepit, & paulò post ab Imperatore Traiano finitum est. Occasio renouati belli, erat memoria recens interfectorum Ducum cum exercitibus sub Domitio, & quod recens Iazygas Metanastas Diurpaneus vi & ferro, ut desertores communis belli & communis periculi hostiliter persequeretur. Manebant Iazyges in vicinia Dacum, Tibiscum versus. Itaque Romani usitato eis prætextu defendendi vicinos, (præsertim qui oppressi esse videbatur) aduersus vim potentioris regis, expediunt arma. Potitus victoria Traianus, ob perennem memoriam rei bene gestæ, triginta columnas, ut essent veluti termini & gades imperii, in Istrum iniecit. Expulit & magna ex parte veteres colonos ex Dacia, illectusque soli fertilitate veteranis suis eam attribuit, hoc nimirum consilio, ut essent velut antemurale & propugnaculum contra vltiores Sarmatas. Utque celerius & magis expedite à legionibus, quæ ad tutandos fines Mysiæ erant iuuarentur, & ipsi vicissim re ita exigente legiones illas iuuare possent, pontem admirando opere & impensis magnis per Istri vastam amplitudinem excitat, non procul à Nicopoli, ubi quondam Paulus Apostolatuungebatur, ubi etiam postea copiarum Christianorum quas contra Turcam Sigismundus Cæsar ante centum annos eduxerat, à Turcis oppressæ sunt. Per eam occasionem proditum est memoriæ ab historicis, quod Valachi initium sui dominatus in illis oris iecerunt. Sed quia Valachorum obiter mentionem feci, non abs re fuerit si luculentius de eorum origine, quid sentiendum sit, ex monumentis veterum retulerimus.

De Dacorum et Valachorum vera origine.

Narrat

Narrat Eutropius, quod profligatis Dacorum copiis Traianus Imperator illam regionem in formam prouinciæ redegerit, Romanoque Imperio adiecerit, siue vbertate soli illectus, siue eo proposito, vt haberet vnde militibus stipendia merita compensaret. Quod autem ipsi Valachi iactant se ortos à Flacco quodam Romanorum principe, non omnino hallucinantur, habentque quendam eius rei prætextum. Poëta enim Ouidius in suo carmine facit mentionem eius rei, vt supra quoque commemoratum est. Sed Flaccus hic Augusti temporibus adhuc in Mysia inferiore in ulteriore ripa Istrī militabat, nec sese Romani adhuc in eam regionem citiorem insinuare poterant. Vera ergo sunt hæc, quæ ex Eutropio adferuntur. Sed consilium Imperatoris, occupandi alteram ripæ partem, poterat ad acquirendam laudem ipsimet prodesse, sed Romanis valde triste & exitiale fuit. Traiecto enim Istro, illa finium turbatio & pontis extructio seminarium fuit postea illorum diuturnorum bellorum Gotthicorum. Nam ob illam temerariam & imperiosam Romanorum audaciam omnes hæ gentes ita exasperatæ sunt, vt totus tunc contra eos septemtrio tonare videretur. Facta enim conspiratione & confœderatione inter sese, toto animo contra eos ferebantur. Huius coniurationis Poëta etiam meminit: Et coniuratos deiecit vertice Dacos &c. Sed narrata occasione rei, ad propositum redeamus. A gente Getica Valachos primam originem ducere, præter documenta alia illud argumento est, quod vigorem animi ad eam vsque diem, eundem retinent, & bellis apprimè delectantur, ita vt eodem epitheto Marticolas cum poëta eos merito vocare possimus: aspectum trucem præ se ferunt, & in fronte hyrcum militarem gerunt. Lingua eis cum Getis quondam communis fuit. Nam Strabo testatur suo tempore vtrosque & Getas & Dacos vnius lingue fuisse. Quod autem vestigia lingue Italicæ inter eos sparsa sunt, existimatur ab illis legionibus Italicis factum esse. Sed tamen Sarmaticæ lingue vsus apud eos quoque hætenus ita per familiaris fuit, vt etiam regulum suum Vauodam lingua nostra vocare non desierint. Quin & ipsum nomen quo gens vocatur, à nostris hominib. est eis impositum. Nam cum nostræ lingue homines eos Valachos, hoc est à Valachis vel Italis oriundos cœperunt appellare, mox vicinæ quoque gentes nostro exemplo, id est Germani, Lithviani, ac demum & ipsi Itali similiter affluerunt eosdem cognominare. Sed & in Græcis historiis Blachos, W litera in B mutata eosdem vocari reperimus. Hi Multani etiam subinde vocantur, vocabulo ad illos saltem detorto, qui superiorem Daciam inhabitant. Sunt tamen alii quibus infe-

Eutrop. lib. 8.

Blachi.

M riorem

*Multani unde
dicti.*

*Tyragita Sar-
mata.*

riorem prouinciam potius ita appellare placet. Puto autem Multanos à multitudine gentium quæ eò confluxerant, temporibus Romanorum, & varietate confusioneq; linguarum sic appellari. Ostensum enim est præter antiquos Getas & Dacos etiam Græcos & Italos & Slauos isthic habitasse. Et Ptolomæus Cistobocas & alias plerasq; prouincias Daciæ à Sarmatis vltioribus inhabitatas fuisse affirmat. Quin & ad Tyram populi Sarmatogetæ ab eodem ponuntur. Temporibus autem Honorii & Arcadii Gotthos iam post illam expeditionem Italicam hanc regionem recuperasse, autor est Iornandes & Procopius. Ab hac igitur multitudine gentium Multanos vocatos esse, sicuti Syllesiam, eandem ob causam nomen suum sortitam res ipsa indicat. Mores gentis sunt magna ex parte ad astutiam inclinati. Ideo principes finitimi, etiam si deierauerint millies, non admodum eorum pactis fidunt. Sed & Cornelius Tacitus aliquid simile vetustatem de eis sensisse prædicat: Nota, inquit, Dacorum gens, nunquam fida, tunc sine metu abducto ex Mysia exercitu &c. In historia Latina prima eorum fit mentio ab anno 1330. In Græca autem à temporibus Isaaci Angeli. Fuit Wnalia dux belli strenuus ex hac gente tempore Honorii. Fuit & Aetius ille popularis Valachorum, non dispar huic, q̄ mediis steterat cum suis copiis in illa grauissima pugna triduana, Vādalorum inquam, Hunnorum & Gotthorum ad Tolosam.

Appendix.

*Forma ponti
in Danubio.*

Formam pontis illius admirandi à Traiano in Danubio extructi Dion describit in Traiano ad eum modum: Eius pontis pilæ sunt 20. ex lapide quadrato, singulæ absque fundamentis, altitudine pedum 150. latitudine 60. Distant inter se interuallo 180. pedum, suntq; cum fornicibus coniunctæ, cuius operis sumptus licet sit incredibilis, tamen plus admirationis habet, quod hæc in fluuio gurgitibus pleno, limosoq; alueo facta sunt, quodq; fluxus eius fluminis alio auerti non potuit. Neque verò latitudo ipsius idcirco à me dicta est, quòd permagna sit: nonnunquam enim duplo triploq; magis inundat, sed quod tanta sit in eo loco angustissimo, quo tamen nullus erat ad pontes faciendos accommodatior. Quo in loco, quanto magis flumen ex lato in angustum fluit, rursumque ex angusto fit latius, tanto rapidius fertur, altiusque est, vt id pontis faciendi difficultatem augeat maximè. Ex quo Traiani magnitudo animi intelligi facile potest.

De Burijs Sarmatis qui tunc commilitabant.

Dion ibidem.

Postquam

Postquam Traianus in Dacos exercitum duxit, nec longè abfuit ab iisdem locis in quib. Buri hostes castra posuerunt, fungus ingens ad eum allatus, in quo scriptum erat latinis literis: Burros socialesque omnes à Traiano petere, vt pace facta domum reuertetur. Sed Traianus nihilominus confligit &c. De Buriis supra dixi. Erant ii populi ad ripam Istulæ, ferè eo locorum, vbi nunc Varka aut Varlsauia. Vide Ptolomæum. Circa eadem tempora Gotthi nostri seu Visogotthi Germanorum fines attrectant: sed à Ducib⁹ Germanis Richimero Francorum & Ermanaricho Turnigiorum reprimuntur. Germania enim toties à Gotthis vastata, vi confederationis illius excita, intenta erat ad infringendos conatus Gotthorum. In decursu etiam eorundem temporum referunt historici Sauromatas à Traiano Imperatore fuisse in fidè acceptos, quod de Asiaticis Sarmatis intelligendum puto. Nam hæc sub tempus expeditionis illius acta prædicantur, quando Traianus in orientem profect⁹ erat cum exercitu, quo tempore magnum discrimen vitæ adierat. Tempestate enim illius terræ motus, qui Antiochiæ acciderat, parum aberat quin obrueretur, ni se confestim inde propripuisset. Iam quod Danos à Dacibus istis siue Valachis quidam deducunt, non videtur vero consentaneum esse. Plinius enim iam suo tempore insulam illâ, vbi nunc est regnum Daniæ vocat Dumnos. Ideo proprie Poloni eos non Dacas sed Dunos vel Dunczi ki vocant. In qua sententia est etiam Melius Ptolomæi interpres, qui magis propriè vocandos censet Danos quàm Dacas. Hos alii Multanos vocant, quod ex multis generibus hominum conflati erant, quod etiam Mysiorum nomen *od zmieszania iezyka* respicere videtur. Illa enim confusio gentium constare videtur ex aduenis & indigenis, hoc est, potissimum ex Roxolanis Romanisque sicut & Syllesiorum voce quasi conuenarum globum quendam instar Euripi tumultuantium vocatum putant, licet alii Syllesiorum nomen Slauonum nomen respicere, cum eoque coherere putent.

Sociale bellum

Buri qui.

Gotthi Germaniam vastant.

Terre motus Antiochiæ.

Multanorum, Mysiorum, & Syllesiorum nomen.

Posttempora Traiani, re-

gnante Adriano Imperatore.

Anno ab orbe condito 4080.
Anno Christi 118.

Adrianus Traiano successit, qui quanquam optimè consultum nomini sui consobrini & patroni voluit, cuius ope ad decus imperii peruenerat, tamen cum animaduertet eius consiliis non respondere effectum, quin potius contrarium accidere

Traianus pontem erigit, Adrianus pontem diruit. Iustinianus restaurat eundem.

rium accidere, itaque pontis illius per Danubium machinam superbè & multo sumptu extructam deiicit. Nam cum hæc eo fine excitata & excogitata esset, vt magis expedite harum gentium incursiones à Mysia arceri possent, contrarium accidit. Instrato enim ponte & via patefacta, quoties libuit, silenti agmine & aperta vi infundebāt se & adoriebantur ditiones Romanorum prædæq; liberius agebant, oblata & transcendendi flumen & redeundi tam commoda occasione. Ita non rarò accidit mortalibus, vt quæ putant ipsis prodesse sæpe obesse soleant. Pontem igitur illum primus Traianus extrui curauit, hunc post eum Adrianus diruit & deiicit. Rursus eundem Iustinianus nouis ad hoc institutum causis eum impellentibus instaurari curauit. Et hoc anno quo Serenissimus rex Poloniæ in Moschouia absuit, fama fuit sparsa, Turcam velle omnino exemplo superiorum Imperatorum denuo eundem excitare.

Ante Traianum idem pons erat ligneus.

Occasionem pontis illius à Traiano sabrefacti describit Dion historicus inquiens, quòd Traianus pontem hunc fecerat, metuens ne Danubio cōglaciato frigoribus, Romanis qui trans flumē essent bellum inferrent, quòd si eueniret, vt posset per eum copias facile traducere. Adrianus contra metuens, ne Sarmatæ oppressis custodibus pontis in Mysiam facile trāsirent, superiores partes eius disturbare iussit, ita vt pilæ eius tantum ostentationis causa supra undas eminerent, constaretque nihil tale reperiri, quod humano ingenio & infano sumptu effici non possit. Meminit Orosius belli Sarmatici cum Imperatore Adriano lib. 7. cap. 13. ante Traianum etiam pontem extructum fuisse legimus à Domitiano, sed ille fuit ligneus, nauibus contextis innitens, vt supra etiam meminimus. Ante Domitium Darius etiam in eodem Istro ad Zeugma Ieron pontem erexerat. Strabo lib. 7. Cazimirus Magnus rex Poloniæ longè post, ibidem Seuerinum oppidum locauit, vt esset arx belli. Cromerus lib. 13. Vbi Iouius quoque hunc pontis locum fuisse affirmat.

De finibus vetustis et limitibus Sarmatiæ Europææ tractatio incunda et utilis.

Quia hîc sæpius incidit sermo de limitibus, quibus Sarmatiæ à regionibus Imperii Romani distinguebantur: Præterea quia Ptolomæus Mathematicus iisdem temporibus floruit, qui præ aliis, luculentius de Sarmatiis earumque situ & finibus memoriæ prodidit, non potui sicco pede transire hanc rem, præsertim cum ea tractatio non modo seruiat delectationi, sed etiam utilis sit, & digna auribus

auribus Principis & cuiusvis nobilis Poloni. Est præterea res iucunda homini liberaliter educato, nosse in qua regione patria sit ipsius sita, in qua enutritus & educatus ad societatem humanam, cui etiam hoc nomine vitam & fortunas suas debeat. Audiuius autem iam aliquoties quo modo Moses diuinus, cum esset eruditus in omni genere sciëtiarum Aegyptiacarum, trium filiorum Noë legiones exactè ac propemodum Geographice distinxerit ac dislimitauerit, ut putares eum regundorum finium perfectissimum magistrum fuisse. Nam & consuetudinem mathematicorum & phrasas ipsas sequitur. Sicut enim Ptolomæo est consuetudo, latera regionum primum describere, ita & Prophetæ, ductorem suum Moysen secuti, laterum aquilonis, in quibus Mosoch regnavit & alii septem trionales principes, sapius meminere. Existimo igitur principia artis Geographicae ab illis sanctis patribus profecta fuisse ex quibus artem postea integram coagmentarunt insignes artifices. Babylonica ergo historia, describendo fines Sarmatiae Europææ, affirmat hos populos illo tempore vetustissimo regnasse à Tanai usque ad ipsum Rhenum. Nec mirum videri debet, quod Berosus tam latè diduxerit fines Sarmatiae. Credibile est enim etiam illo tempore usitatum fuisse Sarmatarum nomine vocari omnes gentes, quæcunque lingua Slauonica utebantur, puta: Polonos, Roxolanos, Getas, Vandalos, & Moschos, & alios populos apud quos hætenus in usu est lingua Slauonica, qui illa loca inhabitauerunt. Sicut autem Babyloniorum regum temporibus, ita quoque & Alexandro Magno regnante tam longè & latè Sarmatas regnasse, tenuisseque utramque ripam Istri probari potest. Quod ex transactione Alexandri cum Getis, & diplomate concessio, cuius non ita pridem libro secundo mentionem fecimus, cuius probatum esse potest. Præterea locus ad Tanaim, ubi olim fuisse aras Alexandri scriptores tradunt, indicat fines Sarmatarum eosdem fuisse temporibus Græcorum Monarchiæ, ita ut videatur ista res non modò scriptorum nudis verbis celebrata, sed etiam signis incurrentibus in oculos veluti gadibus quos scopulos vocant confirmata, id quod facere solent ii, quibus facultas regendi fines inter vicinos à suprema potestate conceditur. Hæc acta sunt ante bis mille annos. Sic post Alexandrum Lysimachus princeps & successor Alexandri, id quod summus Monarcha in orbe semel statuerat, ratum fecit & confirmavit. Quod ex secunda eius transactione liquet, quam cum Dromichete rege Getico peregerat. De qua re lib. 2. abundè à nobis commemoratum est, cum tempora eiusdem Lysimachi persequeremur. Sic Darius rex Persarum, post Cyrum secundæ Monarchiæ conditor,

Principia geographica à patribus accepta

Berosus lib. 4. & 5.

Temporibus Alexandri Magni dislimitati Sarmatiae.

Lysimacho regnante.

Darius.

*Quartæ monar-
chiæ assensus.*

*Suetonius in
vita Augusti.*

*Florus lib. 4.
cap. 12.*

*Occidentalis li-
mes.*

*Romani Albim
non transierunt*

Traiani temp^o

Ptolomæi lib. 3.

chiæ conditor, non legitur fines Sarmatici regni aliquando rescidisse. Habuit autem eius rei occasionem admodum opportunam in reditu ex Septemtrione, illo nimirum tempore cum ad Amintam regem Macedonia cum durior nuncio misisset. Ecce iam ostendimus consensum, qui fuit trium monarchiarum temporibus, ostendimus quoque Romanorum, qui eadem quæ superiores de finibus Sarmatiarum sanxerant rata habuerunt, suoque calculo comprobant. Scribunt enim historici Augustum cum in Hispania illis periculosis temporibus degeret, cum legatis Sarmatarum Getarum quæ pacem sanxisset, foedusque percussisset iis conditionibus, ne ripas Istri transcenderent. Ideo ad Lucillum scribit, ut adversus Sarmatas ripam tantum Istri tueretur. Et de Flacco OVIDIVS inquit. Hoc duce, ripa tuta fuit Istri. Et ostensum est ex eodem Poëta Ouidio, quod suo tempore mare illud, qua se Ister Ponto miscet, mare Sarmaticum vocabatur, ex quo irrefragabiliter concluditur, fines Sarmaticos eatenus extendi, quatenus mare Sarmaticum diffunditur. Imò & Plinius expressè fatetur Calostomum, id est tertium ostium Istri Sarmatas inhabitasse. Hæc dicta sint de limitibus Sarmaticis orientem versus. Quod verò attinet ad occidentales limites, de iis scribit Suetonius sic: Germanos ultra Albim summouit, ex quibus Sueuos & Sicambros dedentes se, in Gallias traduxit, atque proximis Rheno agris collocavit. Quæ verba Suetonii Beroaldus & Antonius Sabellicus exponens, inquit: Albis fluuius est, qui in duo spacia Germaniam determinat, ut autor est primo Geographiæ Strabo, qui in septimo tradit Romanos non transcendisse fluuium Albim &c. Quod autem narrat eum Sueuos transtulisse in Gallias & ad Rheni fluentia, forsan ideo fecit, quod eos malè tutos fore à nostris gentibus præuidebat, qui fines suos ad ripam Albis fluminis extendebat. Itaque Sueuos tanquam alieni fundi dominos inde transtulit, ne deinceps materiam belli Sarmatis aliquam relinqueret. Sic Traiani columnarum aut pilarum in profluentem Istri iniectio, pontisque erectio quid aliud sibi vult obsecro, nisi quod huiusmodi signis Imperatores eodem fines in omne æuum sancire voluerunt. Et quamuis postea lapsus prætergressus sit hos limites, colonias in Daciam transmittendo, tamen Gotthici populi breui sua recuperarunt. At Adrianus successor Traiani illum ipsum pontem tanquam materiam omnium malorum deiecit, re ipsa innuens se velle veteribus finibus Istri contentum esse. Iam ordo & series temporum nos monet, ut Ptolomæi quoque testimonio ea quæ diximus probemus. Scribit verò is Sarmatiam Europæam à septemtrione Oceano terminari, ab

nari, ab occasu parte Germaniæ, à meridie Iazigibus Metanastis. Ac quemadmodum Ouidius Ponti Euxini illam oram, qua seclè Istula & Borysthenes exonerant, Sarmaticum mare vocat, ita Ptolomæus Oceanum qua Istula & Albis mari miscetur eodem cognomine, id est, Sarmaticum appellauit. Quod si istis lateribus duobus veluti parietibus addideris Carpati montes, quos etiam multoties Sarmaticos montes idem scriptor ex autoritate & consensu antiquitatis vocat, non erit difficile quæ Sarmatia antiquis erat, eiusque fines cōcipere. Quicquid enim gentium reperitur intra duomaria ista Sarmatica, id est, Pōtum Euxinum ab oriente, & Oceanum ad Istulā ab occidēte, mōtesque Sarmaticos circum à meridie, id totum Sarmatiā appellari nemini dubium esse debet. Ptolomæus ergo si iuxta Ioachimi Vadiani sententiam exponatur, pro nobis facit. Verba Ptolomæi sunt: Ab occasu verò terminatur Vistula fluuiio & parte, quæ est inter caput ipsius & Sarmaticorum montium, linea & montibus ipsis quorum situs dictus est. Quæ verba Vadianus scribens in Pomponium Melam sic exponit: Ideo Ptolomæus addit, non Istula tantum, sed & montibus qui in Iazyges imminēt, & Germaniæ parte terminatur. Sed de Ptolomæo eiusque sententia quid sentiendum sit, mox accuratiùs dicemus.

Temelior geographicum.

Ex Solino.

Solinus & Mela Pomponius Sarmatarum fines non denotat, sed tamen dum Germaniæ veteris limites describit facillè pater qui Sarmatiæ fines tum fuerint. Porro de Germania sic tradit: Germania extenditur inter Hercynium saltum, & rupes Sarmatarum, vbi incipit, Danubio, vbi desinit, Rheno, perfunditur. Ergo iuxta Solinum initium veteris Germaniæ à capite Danubii incipit, & extenditur, quā Rhenus lambit mediterranea totius Germaniæ. Vbi ergo alas suas nunc Germani extenderunt, ab illa parte Gallia erat, ab hac verò Boëmia, versus Sarmatiam.

Ex Iornande

Ad Ptolomæi descriptionem & Solini, addatur etiam illa Iornandis qui Iustiniani temporib. statim sub Lechi tempora vixit. Nam & is non dissimilia de finibus Vandalix memoriæ prodidit: Vandalis, inquit, ab oriente Gotthos, ab occidente Marcomanos, à septentrione Hermoduros, à meridie Istrum habent. In quibus verbis tria debent obseruari: Primò quòd Gotthos, Burios, Quados, & Ossos in Vandalis reponit. Nam si cum Marcomanis vsque ab occidente fines habuerūt Sarmatici Vandalis, Gotthini autem, Offi, Burii,

Consensus Iornandis & Dionis Historici et neotericeorum.

lib. 4. à principio.

Bugunte Burgundiones sunt

A distinctione Marchionatus argumentum.

si, Burii, terga Marcomanorum iuxta Cornelium Tacitum claudunt Itulam versus, tunc necessariò in Vandalorum partem non Germanorum trāseunt. Secundò, notandum quod hic à possessione ripæ Istri Vandalos non remouet suo æuo. Tertiò quod confines eis Hermunduros facit. Et notum est etiam attestante autore supplementi Carionis, Hermunduros habitasse in aditu montium Sudeti, quos Vandalicos montes Dion vocat. Ergo apparet vtrūque, Dionem inquam & Iornandem consentire in eo quod Vinda seu Vandali iam illo tempore ad Albim sedes suas habuerunt, à quibus certè Sorabi non possunt disiungi, vt etiam mox ex Caroli Magni historia eadem res clarius illustrabitur. Affirmant autem nostri historici, Dlugossus, inquam, Miechouiensis, M. Cromerus, & luculenter declarant, Caroli Magni temporib⁹, quo etiam Lescus tertius apud Polonos regnavit, fines nostrarum gentium vique ad Albim & vltra Albim prolatos fuisse. Quorum narrationem etiam autor ipse supplementi Carionis, homo alioquin Germanus, & historica professione nemini secundus, suo calculo cōprobat: Cuius verba hæc sunt: Terminarunt ergo Germaniam, versus ortum & gentem Henetam Caroli Magni temporibus, Albi fluuius & montes Boëmici. Sic & autor supplementi eiusdem Carionis Marcomanos dictos esse affirmat, quòd Germaniam à Sarmatia olim diieterminabant. Mark enim fines significari dicit lingua Germanica. Et Buguntas quos ad Albim ponit Ptolomæus, indicat esse colonias Burgundiorum, quos inter Sarmatas collocat, sicuti & nunc incolæ illorum locorum sunt stirpis Polonicę. Sed versus occasum non reperio &c. Sed & ipsius Theodosii temporibus (quòd iam multò ante fuit) fatetur Saxonicos & Turingicos exercitus collocatos fuisse in illis partibus ad tuendos limites contra Sarmaticos &c. Hæc temporanea defensio finium in ordinariam abiit. Nam postea temporib⁹ Carolorum, Otthonum constituti sunt Marchionatus, hoc nimirum consilio & ad eum finem, vt essent semper parati ad tutandos & defendendos illos limites, non expectato illo comitiorum publico senatus consulto, quod & expositio ipsi nominis eorum indicat: Marchiones enim quasi limitanei custodes dicuntur. Nam sicut Marchionis Antuerpiensis officium erat fines aduersus Gallos, ita Tyrolensis aduersus Slatos, Austriaci aduersus Pannonas, Duringici aduersus Danos, Saxones verò & Mysnici aduersus Sarmatas defendere. Vel igitur ex hac sola Marchionatuum ordinatione, officioque eorum qui hunc magistratum gerunt, ac ex ipsa vi nominis liquet, qui fines olim fuerint Germaniæ, & qui Polonorum. Nam si Germania vterius ad septem-

ad septentrionem protenderetur, utique isti marchionat⁹ nequaquam ad Albim & Salam, sed ad Viadrum & Vistulam constituti fuissent, sicuti postea fatiscientibus viribus Polonorum ob directum & diuisum regnum per principes Regi⁹ sobolis, Brandeburgensis instituta est vltimò noua Marchia. Quod si autem aliquibus adhuc ista quæ attulimus non satis faciunt, saltem cōsiderent scripta eorum, qui etiam tempora consignerunt, quando & à quibus illæ Slauonicæ prouinciæ Poloniæ detractæ sunt. De Lusacia enim vtraque chronicon Germanicum sic annotat: Sub Henricho inquit, Boëmia Lusaciæ accessione vtriusque aucta in fidem & clientelam contulit se Cæsaris. Et mox: Hæc res causam dedit, ut principes Syllesie orti à Ladislao, ut dixi, dolore repulsæ & cōtempnus sui, à Polonis discederent. Et postea: Mox sese duces Syllesiorum ex certa & tuta libertate in seruitutem coniecerunt, priore duriori conditione infelicitè mutata. Inuitati enim & conuersi his dissidiorum domesticorum occasionib⁹, ad concupitam iam dudum & tentatam sæpe Syllesiam Boëmici reges, Ioannes patre Henrico 7. Imperatore natus, vir astutus, & Carolus filius, auctis inter dissidentes principes odiis, non magno negotio perfecerunt, ut aliqui spontè, aliqui expugnati minis vel pretio, plurimi blandis capti pollicitationibus, liberè colla obuio iugo subderint. Hoc intestinarum discordiarum motu redacta sub iugum Syllesia, paruit deinceps regibus Boëmiæ. Et paulò post: Hoc nuptiarum fœd⁹, hoc est Jagellonis & Hedwigis reginæ Polonorum, inter vtramque gentem Polonicam & Lithvvanicam bella diremit, & Polonia adaucta accessione Lithvvanicæ ac finitimæ Russiæ, iacturam auulsæ Syllesie compensauit. Eadem scripsit Dlugossus Polonus, & Martinus Cromerus de occasione ademptæ Syllesie, Lusatiæ, Pomeraniæ & aliarum prouinciarum Albim versus, à regno Poloniæ. Sed malui non meæ gentis hominis testimonium adducere, ne de re per se manifesta postea quisquam ambigat. Ad eandem rem facit testimonium illud cuiusdam historici recentis: Huius rei, inquit ille, non modò scripta historicorum, sed etiam vrbi-um populorumque nomina & cognomina nobis argumento esse possunt. Sunt ibi populi qui adhuc nostra lingua vtuntur, Lusacii, Vindæ, Sorabi, cum quibus contigit mihi lingua nostra sapius loqui. Et cum assiderem mensæ, hospita dixit ad puellam: Golyca nâhulay bânku pyvvá, id est, famula adfer amphoram cereuisiæ. Sic & vrbes suis nominibus testantur, cuius nunc sunt & cuius ditionis antea fuere, Zgorzelecia, Miedzibozum, Wismaria à Lecho ipso condita, Luna & ipsa Lubeka, quæ adhuc ab incolis illius re-

N gionis, qui

Lusacia & Syllesia quando aucta à Polonia et per quos ante 200 annos

Vltimi & polonienses à Polonis auelluntur, Cromerus auctor.

gionis, qui sunt nostrę linguę Bukouecia dicta. Amplissimum emporium illud est quod nobilitate famę & opibus cum Gedanensium portu certare videtur. Has diuiserat Lescus secund^o inter filios suos, & quid cuiq; filiorum cesserat, non est mei instituti nunc commemorare, cum autores nominati toties ante me id fecerint, & ex professō hoc argumentum tractarint. Cōmemoratur etiam hīc de contributione Lebusensis episcopatus, quam vocant numum sancti Petri. Hic numus hactenus in ararium cleri Poloniae confertur, vt inde veteri more ante defectionem illarum prouinciarum nomine huius regni Pōtifici Romam mitteretur. Quo argumento M. Cromerus episcopus Varmirgensis probat illas prouincias fuisse ditionis Polonorum. Nam eundem episcopatum à Boleslao fundatum postea Cazimir^o Vratislauia transtulerat. Quę demum acta sunt temporib. Caroli Magni & paulō post in negotio finium quib. Germania & Sarmatia distinguuntur exposuimus. Sed & temporibus Chobri regis Poloniae, quo Otho tertius Germanię imperio pręfuit, vt hęc ipsa altercatio de finibus semel tolleretur, & inter reges inuicem amātissimos, Othonem, inquam & Boleslaum eius nominis Chobri, amicitię foedus Gnesnæ in illo celebri regum conuentu ictum, floreret & magis ac magis augeretur, eosdem fines, qui sepius materiam dissidiorum prębebant, renouare decreuit Bolesla^o & perfecit. Namq; sicut antea orientem versus columnas ferreas, & tubos perpetuo sub aquis resonantes, vt Russi tradunt, in cōfluentem Borysthenis & Zulæ iniecerat, vt dirimerent Sarmatiam à barbarorum prouinciis, sic etiam in ripa Salę post celebrem victoriam, vt determinarent eandem Sarmatiam à Germania simili consilio immiserat alias tres statuas. Sed & inter populos septentrionales & fines Poloniae, vt extaret monumentum limitum perpetuorum idem pręstare nequaquam neglexit. Similiter enim magno pręlio profligatis Prussis iniecerat alias ferreas columnas in Ossam flumen mille passus ab oppido Rogosno, qui locus ab accolis illius territorii hactenus monstratur. Quod attinet ad meridiem nihil tale factum legimus. Nam Carpatum mons Sarmaticus sua altitudine arduus & conspicuus à longē fulget, & vix non ad prętereuntes clamando fatetur se esse terminum, qui custodiat & perpetuo tueatur territoria & limites Sarmatarum. Hoc ergo Boleslai istius memorabile factum, si quis cōferat cum aris illis Alexandri magni & Iulii Cęsarıs, & consilium veterum illorum Heroum perpendat, qua ratione illi suas prouincias à Sarmatarum regionib. dislimitare voluerint, omnino perpussillam differentiam inter illos antiquiores limites & istos posteriores reperiet.

*Contributio
quę vocatur
numus sancti
Petri.*

*Chobri regis
temporibus.*

*Limites & co-
lumnę Boleslai
temporibus.*

riores reperiet. Accisos tamen Sarmaticos aliquomodo & ab oriente, res ipsa fatetur. Ut ut tamen se res habet, hoc fundamentum vniuersæ rei nemo conuellere potest, Sarmatiam Europæam esse & vocari debere quicquid ad Sarmaticos montes est & duo Sarmatica maria, nimirum Pontum Euxinum, & Oceanum Sarmaticum, quem contiguum esse Oceano Germanico nemini dubium est. Vbi sunt ergo nunc illi maritimarum urbium incolæ, qui subinde musitare solent & inter gregales suos spargere, regem Polonorum non habere dominium maris, nisi quoad equus adaquandus mergi non potest. Sed iam receptui canamus: Hos ergo fines & pacem inter vicina regna, Germaniæ inquam, & Poloniæ, ut Deus Opt. Max. sempiternis temporibus magis ac magis conferuet precandum est. Nam quanta commoda prodeant generi humano ex concordia & pace istorum duorum regnorum, nemo est qui non videt.

Chorographia Ptolomaica.

Quatuor latera primò scilicet limites Sarmatiæ Ptolomaicæ, explicantur ab hoc autore, deinde insigniorum locorum mediterraneorum cognomina recitantur: gentes videlicet quarum triplicem gradum facit, maiores nimirum, minores, & mediocres: sic postea & montes, sylvas, solitudines, flumina describit. LATERIS quidem septentrionalis loca sic consignat Ptolomæus: Oceanus Sarmaticus, sinus Venedicus, Chronos fluuius, vbi nunc Regius mons, Rubon flumen, id est, Duina, vbi est Riga &c. Et Istula. Sic igitur Oceanum Sarmaticum primo collocat, quo multa particularia maria comprehenduntur, videlicet: Venedicum, Cimbricum. Vnde colligitur quòd Sarmaticus Oceanus ultra Pomeraniam & Cimbricam Chersonesum usque; ad Vismariam & ad ostia Albis extenditur, ut eum quoque D. Cromer⁹ ex sententia antiquitatis terminat. LATERIS autem MERIDIONALIS angulum videtur incipere Ptolomæus ab ostiis Tyre fluminis, tandem flexionem facit ad ipsam aciem & angulum montium Sarmaticorum per Dacicos montes, quos à Thraciæ montibus Tatros nominatos puto, donec emergit ad montem Carpati, à quo lineam mathematicam ducit usque; ad mare Sarmaticum. Quam lineam D. Cromerus ducendam putat à capite Istulæ, quam ex Sarmaticis ditionibus oriiri nemo negare potest, vbi nunc est Strumenum oppidum, à scaturigine ex qua Istula profuit, dictum. Nam lingua Polonica scaturigines riuorum strumen vocare solemus. Hanc ergo Ptolomaicam lineam D. Cromerus incipiens à montibus Sarmaticis ducit

triplices gentes.

Tatros montes.

Strumen oppidum.

N

2

per summitates

Linea Ptolomaica.

*Causa belli ab Antonio suscep-
ti contra Sar-
matas ad mon-
tes Carnuta-
nos.*

*Quæ in Ptolomæo cautè le-
genda sunt.*

*Metanastæ Ia-
zyges unde di-
cti.*

per summities fluminum Istulæ, Vartæ, Viadri vsque ad conterminiû Oceani Sarmatici & Germanici. Alii verò non cõtemnendi autores dirigunt hanc lineam ab extremitate môtium Sarmaticorum per ditiones antiquorum Gotthorum, Ossorû, Buriorum, qui iuxta Cornelium Tacitum, Marcomanorum Quadorumque terga claudunt, septemtrionem Istulam versustendendo, & applicant ad iugum Boëmicorum montium hiulcum descendens, quos Dion Seueri Imperatoris temporibus viuens Vandalicos vocat. Dicit enim expressè Albim oriri ex Vandalicis montibus, alii eam possessionem Hermunduris tribuunt. At Iulius Capitolinus non modò Marcomanos sed etiam Hermunduros vocat, quos Dion Vandalos vocare videtur. De Quadorum sedib. lege Amianum Marcellinum, non poenitenda ibi reperies. Vt igitur hanc rem in pauca conferam: Hanc lineam Ptolomaicâ eruditi ducunt à iugo Boëmicorum montium hiulco, descendente per loca metallica vsq; ad Sarmaticos montes. Et nominant loca & oppida, vbi hodie metalliferæ vrbes sunt. Cremnium, Semnium, Sala vetus & noua. Ptolomæ⁹ loca illa vicina σιδηροποιχῆας vocat, quod ferrum nobile territoria illa tum suppeditabant: sed nunc non modo ferraria, sed etiam auraria, argentaria, æraria & plumbaria isthic inueniuntur. Et existimo temporibus illius belli funesti Romanorum, quod in iis locis cum Sarmatis & Quadis, Marcomanisque duxerunt, Duce Antonio Pio, causam præcipuam fuisse thesauros metallicos, quorum vena admodum diues illo tempore isthic reperiebatur. Neque enim in tam remotas regiones legiones Romanorum ex stationib. suis progressæ essent, si de lana caprina actum fuisset. Sed quia de auro & argento res agebatur, quorum inexplebili cupiditate ardebant Romani, ideo tam remotum tamque periculosum bellum suscipere eos non piguit. Sed ad propositum reuertamur. Monuimus iam cautè hic Ptolomæum legendum, nec per omnia eius topographica probanda. Nam vt Daciam recenter ablatam Romanis suis vendicet, adiungit eam & confundit cum Mysia, recedèdo à transactione illa Augusti Imperatoris, videturque eam ad Tyram detrudere. At notum est ex Ouidio, quòd Tomos urbem & alias regiones illas Sarmatarum maior pars tenebat. Et Plinius ostium Istri Calostomon dictum expressè dicit Sarmatas possedisse. Quin & ipsi & Getæ & Daces Sarmaticæ gentes erant. De Iazygib. nullum est dubium. Nam & ii cum Iazygib. Sarmatis iidem erant, nisi quòd montes Sarmaticos transcenderant & Danubii ripam citeriorem Tibiscum fluuium versus possederant. Ideo Metanastæ à Ptolomæo vocantur. Nisi igitur

Nisi igitur Ptolomæus Traiano, Adriano suis principibus complacere voluisset, propriè & legitimè limitem meridionalem cum Iornande ducere debuisset ad ripam Istri, & tandem montes Sarmaticos & Marcomanos & Quados versus. Cornelius Tacitus, etsi etiam Romanis suis adblandiebatur, tamen non ausus fuit dicere, quòd Istula Germaniam à Sarmatia dislimitet, sed satis ei dixisse fuit, Germaniam à Dacia & Sarmatia separari montibus Sarmaticis & mutuo metu. Ex quibus verbis liquet tum maximos & incredibiles motus fuisse excitatos inter istas gentes ob violatos limites, ad id extimulātibus Germanos Romanis, qui posteaquam ademissent Germanis nobilissimas regiones, detrudebant eos ad ditiones Sarmatarum qui ibidem habitabant, ad Istulam nempe ubi & nunc habitant. Rectè igitur Monsterus hæc verba Cornelii exponit: Illo, inquit, tempore non lingua Germanos à Sarmatis diuisit vt nunc, sed mutuus metus, nam ac si in horas venturi essent, ita omnes timor occupabat. Et certè si septemtrionalem ripam Sarmatæ tenuissent, Germanos non ita metus distinuisset. Nam antequam fluenta Istulæ transirent, fama velox eos præmonuisset. Sed de istis rebus per occasionem necesse erit reiterare sermonem.

Magis probanda fides Cornelij Taciti quam Ptolomæi.

LATVS OCCIDENTALE. Etiam hîc Ptolomæus cautè legendus. Nam sicuti describendo latus meridionale Daciam Sarmatis detraxit, ita hîc sedem ferè recentioris Sarmatæ carpit. Nam quia illis temporibus in iis potissimum duobus locis maxima bella gesserunt Romani cum gentibus nostris, in angustum eas redigendo, vt mox apparebit ex descriptione belli Quadorum, Vandalarum cum Antonio, ideo fines Romanorum proferre nititur, spatia illa maxima Istulam versus, Germaniam vocando. Magna ex parte enim tum Romani Germaniam inferiorem accisam reddiderant. Itaque quantum eis ad Rhenum ademerant, tantum Istulam versus ablata compensando damnum præstare voluerunt. Facile enim est, vt ille dicebat, ex alieno largiri. Verùm si quis terminos Sarmaticorum montium & Oceani Sarmatici inter sese comparet, & à margine vnius ad marginem alterius lineam ducat, facile apparebit quàm magna spatia regionum Sarmatiæ obuenient Viadrum versus & nouam Marchiam. Non igitur probandi sunt illi, qui sub prætextu Ptolomæi descriptionis, alteram ripam Istula tenus, ubi est Cracouia, Germaniæ vendicant, ac de ripa identidem occinendo vltra Istulam Sarmaticas gentes deturbant, Germanis verò Maiorem Poloniam imo & vmbilicum ipsum totius Poloniæ ubi est Petricouia attribuunt. Hoc prætextu Ptolomæi-

carum picturam etiam nostri historici, (dico de recentiorib' quibusdani) lapsi sunt, affirmantes Germanos in Polonia habitasse ante tēpora Constantini Magni. Ac posset sane concedi, eos hīc mansisse vt inquilinos iure precario, non autem iure hæreditario. Notum est enim per se, quanto tempore, & quā immania bella gesserint Romani cum Germanis, itaque veteribus sedibus exuentes eos necesse erat magnam vim hominum retrocedere, & opem hospitiumq; à vicinis Sarmatis petere. Ita magis credibile apparet Germanos in Sarmatarum sedes tum successisse, quā Sarmatas & Slauos in Germanorum, prout quidam nostratium non veriti sunt talia asserere. Alter error est tabularum Ptolomaicarum, quòd gentes Sarmaticas collocat ad ripam septentrionalem Istulæ, quod nullo modo rerum natura patitur. Sunt illa loca vt plurimum inhabitabilia, sterilia, inculta, arenosa, syluosa, & lapidibus ita referta vt mirentur prætereuntes vnā aristam solum illud producere posse, vt credibile non sit tot & tantas gentes illud territorium alere potuisse. Verisimilius est ergo eos habitasse & coluisse alteram partem ripæ meridionalem. Nam & nomina gentium minorum, quæ isthic hætenus manent valde respondent, & sunt conformia nomenclaturis Ptolomaicis. Nam Carodunum respondet Cracouiæ, vt quidam volunt, ita Auarini, vbi est Varaka, Buri vbi est Varſauia, B litera in V more vsitato versa. Sic Sobocii vbi est Sobota, Geitones Gedanenses, vt doctis nostri seculi placet.

Tertius error Ptolomaicarum typographiarum est, quòd Germaniam describendo Istulam non è montibus Carpati deriuat, vt res ipsa testatur, sed ex Gabreta sylua vel Sudeti montibus aut nescio quibus locis qui Danubium magis respiciunt. Itaque non est mirum, quòd populos Germanicos, qui illa campeſtria inhabitabant, incolas Istulæ facit. Nam vno dato inconuenienti alia inconuenientia subsequi necesse est. Sed si à iugo vltimo Carpati montis Sarmatici ad terminum maris Sarmatici lineam duxisset, omnino ex Sarmatia non effecisset Germaniam. Etenim p principio Geographico tenendum est semper, quicquid est intra vtraque maria Sarmatica, & montes Sarmaticos, tanquam legitimos & vetustos terminos, id totum autoritate scriptorum, qui floruerunt ante controuersiam excitatam inter Romanos de finibus Germaniæ & Sarmatas, ad Sarmatiam pertinere. Cur autem Ptolomæus & secum ipse & cum aliis dissideat, eiusq; picturæ Germaniæ cum picturis Sarmatiæ pugnent, inuenio duas causas, alteram quod ipse narrata narrauit, & prout ei ex Romanorum castris topographia missa

*Disconuenientia
tabularum
Ptolomæi.*

phia missa fuit, ita eam œcumenicæ descriptioni accommodauit. Alteram quod hac in re à suis dominis Romanis dissentire tum difficile tum periculosum ei fuit. Nam Imperatores quod Sarmatis tam remotis à se populis, nihilque vnquam malè de se meritis bella mouebant, hoc prætectu excusabant, quod se dominos totius Germaniæ iure belli profitebantur. Itaq; cum penes illos summa rerum esset, non erat eis difficile ex non Germania Germaniam facere, vt quantum eis detraxerint à Rheno, tantum adderent à septentrione.

LATERIS ad PONTVM descriptio sic se habet: Borysthenis ostia, hypanis fluuii ostia, (nō Bozek, quia ab illa parte Asiam versus ponitur.) nem⁹ dianę, quod Sagori, id est, sanct⁹ mons dicitur, gora enim montem Polonis significat. Nam prisca Sarmatæ Dianam præcipuè coluerunt, quam Dzienoniam vocabant. In cuius honorem templum hoc erectum fuit, & nemus quoddam consecrarant, & promontorium ei dedicarant. Existimo id factum ab eis ad imitationem templi illius Asiatici, quod olim Magnę Dianę dicatum fuit. Mysaris promontorium fuit Mysiam versus. Carciniti ostia, credo Kazibemiū portum esse. Ostia Bycen Buges à Plinio. Agarum Sagarum vocat. Quod autem Ouidii lacum Vido-ue iezioro quidam esse volunt, fieri potest, at non propterea, quod ibi locus exilii eius fuerit, sed quod aliquo fortuito casu eò delatus fuerit.

Lateris ad Pō-
tum.

Hypanis non
est Bozek flumi-
nis iuxta Ptolō-
mæum.

Sagarum, id est
święta gorá.

Appendix

De ijs quæ cautè legenda sunt in Ptolomæo breuius.

In vocabulis & nominibus locorum prima difficultas est. Nam quædam nomina de industria Romani in suam linguam conuerterunt, vetera abolentes. Putabant enim in omne æuum suam monarchiam duraturam. Quædam verò ipsi autores corruerunt, vide & expende tecum solum nomen Vistulę quomodo in eo autores varient? Mela Vistulam vocat, Plinius Vistillum, alii Iustulam alii Vandalum fluuium. Sic Boëmæ regnum, Velegius Boiohemum, Strabo Bubienium, Tacitus Boiemum. Præcipue verò Ptolomæus homo Græcus elegantię sermonis studēdo remotissimè omnium discedit à veteribus nominibus & prænominibus. Retinuit tamen quædam veterum Sarmatarum vocabula, vt Carodum, vbi est Cracouia, Sidones vbi nunc Szidloviec, Szidlovv, Burii vbi nunc Varká, Varfzauia, Sobociū Sobota, Geitones, Gedanenses, Calisium Calisz, Carpatius Krepak, Calusium flumen Albim versus, à cáluza, quod coenosum puteum & lutulentum significat. Hæc

Ptolomæ⁹ lon-
gius præ alijs
discedit à vari-
is nominibus
locorum.

*Ptolomæus la-
tera Germaniæ
describens pro-
uehitur vsque
ad extraneas
gentes, ut cui-
ret reiteratio-
nes.*

*Error Ptolomæi de ortu
Borysthenis.*

ficat. Hæc reperiuntur in Ptolomæo, quæ adhuc veluti scintillæ micant inter rudera abolitorum nominum Sarmaticorū & nouorum introductionem. Tertiò numeri altitudinum & latitudinum, magna ex parte corrupti in eo sunt, non sine maximo damno studioforum, quod experientia per instrumenta astronomica comprobauit. Quartò instituens Germaniæ tabulam intra suos fines describere, pergit & euagatur vsq; ad regiones septentrionalissimas, forsan vsque ad Elicen vrsam & ipsum polum. Existimo autem hoc consilio eum fecisse, vt vna expeditione vel occasione & Germanici Oceani ripam, & Sarmatici Balticique maris spacia trāsfalcaret. Hinc est quod illam phrasim repetit: Extensio prima, extensio secunda, sicut in descriptione quoque Danubii fecit, flexiones & diuertigia illa Danubii enumerans, quæ cum simpliciores legunt, putant Germaniam eousque extendi debere, & ad orientem prouehēdo credunt eum impinxisse eius fines in Pontum, & vnā cum Danubii profluente in ipsius Euxini Ponti ripas immergi. Sunt alia in quibus attentus lector cauere debet ne aberret, quæ egrè defendi possunt. Verbi gratia: Montes altissimos Venedicos ponit, vbi nunc est Lithvvania vel Samogetia, qui nunc non visuntur, forsan terræ motu dehiscuerunt. Alios quoq; montes statuit, ex quib. Borysthenes oriri deberet, quos Peucinos vocat, & isti quoq; euanuerunt. Nam constat ex illorum testimonio, qui habitauerunt in illis locis, Borysthenem ex stagnis iisdem oriri, ex quibus & alia maxima flumina, Duna, Narua, & aliquomodo Volha Latinè Rzda dicta. Sed quid miramur veteres, cū Cornelius Tacitus tradat quendam celebrem locum in septentrione reperiri, ex quo orientis solis strepit⁹ & fragor veluti rotarum inter sese colluſtantium exaudiatur. Hunc locum Sueciam quidam putant esse. Taceo reliqua miracula septentrionalia quæ Latinos quosdam scriptores posteritati tradere non piguit. Sed illud est nocentissimum quod Ptolomæ⁹ tradens Germaniam Istulatenus finiri, mox tamen vltra Istulam progressus, Scandias, Dacias, Norduegias, Chedinas, Phænonas reponit, quæ an à paraphrastis Ptolomæi, an verò ab ipso aurore aspersa chartis fiat, non ita liquet, sed magnam partem existimo adsutam esse à Neotericis. Cautè enim Ptolomæus dicit, nec vocat istas insulas Germaniam, sed Germaniæ inquit adiacent insulæ, iuxta Albis fluii ostia &c. quas tandem enumerat. Sed quantascunque auctoritates autorum quis obtendat, ego in eo argumento certius puto, esse plus tribuere experientiæ & rationibus quàm testimoniis scriptorum. Verè enim & sobriè dixisse videtur Anius Witerbiensis scriptor eruditus & vetu-

tus & vetustatis indagator non contemnendus: Autores, inquit, quandoque fallunt & falluntur, non autem nomen impositum. Ideo argumentum à nominibus vetustis gentium & locorum est validius quocunque autore. Et mox exemplo id comprobat. Ideo, inquit, Liuius in quinto ab vrbe condita, quanquam multos haberet autores asserentes Thuscum imperasse toti Italiæ, solo tamen nomine Turreno imposito toti circa Italiam mari, pro validiore quàm autoribus argumento vsus est dicens: Mari supero & infero quibus Italia insulæ modo cingitur, terra marique Thufici quantum potuerint, nomina sunt argumento, quod alterum Thuscum vocabulo gentis, alterum Adriaticum vocauere Italiæ gentes. Existimo ex supra dictis attentum lectorem optimè intelligere posse, quid ei hac in re sequendum sit. Obtendant alii prætextus quosdam autoritatum, apud me illud principium Geographicum toties à me repetitum plus pòderis habet. Quod quicquid est terrarum inter duo maria Sarmatica, Euxinum, inquam Pontum & Oceanum Sarmaticum, & montes Sarmaticos id totum nomine Sarmatiæ censerì oportere. Huc addantur nomina linguæ Slauonicæ, quibus vsus est Ptolomæus in describendis regionibus sitis ad Vistulæ ripam meridionalem, quæ paulò ante à me recitata sunt. Non repudio interim & testimonia scriptorū, sed eorum potissimum, qui res sibi probè cōpertas tradiderunt, nec linguam venalem habuerunt. Audiuimus iam ex Procopio & Iornande, & adhuc audiemus, Vandalos Gotthos fuisse gentes stirpis Sarmaticæ, & ad Istulam habitasse, nostraque lingua Polonica vsos fuisse. Hi verò vbi nunc est Cracouia, Maior & Minor Polonia, habitabāt. Quid ergo nostra refert, quòd Romanorum ducum scriptores interdum loquuntur ea quæ intelligunt ipsis profutura ad extendendam famam maiorum suorum. Falluntur certè qui existimant Romanos solo ferro armisque & non etiam scriptorum fauore eruditorum profecisse, peruenisseque ad summum culmen & fastigium opinionis in mundo. Habebant illi multos strenuos milites, sed certè non laborabant inopia virorum eloquentissimorum, quorum opera & famam & imperii sui fines pariter volebant immortalitati consecrare. Ita utroque stylo, ferro nimirum & penna tantum valuerunt, vt ad eam diem res eorum immarcescibiles esse videantur. Quare cum agitur de fama & de finibus, non admodum nostri scriptores Ptolomæis & Cornelis fidant, aliàs à scopo aberrabūt. Historia Babylonica Rheni Sarmatas ad Rhenum vsq; prouehit, & nostri scriptores vltra Istulam & forsan ad Roxolanos eos detrudunt, ex patria sua Germaniam faciendo.

Qui scriptores esse debent scriptis in talibus causis.

Romani armis & ope scriptorum eloquentissimorum emerferunt e te nebris.

Sed nihil facilius est, quàm ex alieno liberalem esse. Liquet autem ex scriptoribus, Bructeros seu Brunsvingos & Zenones fuisse quòdam accolas Rheni, sed bellorum iniuria à Germanico Duce Romano fuisse reiectos ad interiora Germaniæ. Necesse igitur addegit eos, ut quantum eis isthic adimeretur, tantum hinc eis accederet. Præterea, quòd Romani gloriabantur de Germaniæ possessione, id tam apud suos quàm apud extraneos profuit eis, ut ex Germania Europam ferè facerent, & ut deuicta ad tempus Germania pro dominis toti⁹ septemtrionis sese vèditarèt. Noti sunt Domitiani Imperatoris Romani de Sarmatis & Dacibus pseudo triumpho, qui cum deuictus esset, & turpiter se dedisset, tamen victorem se palam non est veritus gloriari. Sic & Commodus Imperator de Germanis nondum victis triumphum egit. Hoc sane & aliis forsàn vsu venerat, sed res sapius malè gesta scriptorum bonorum eloquentia corrigebatur. Quod si maiores nostri tales & tam facundos adepti fuissent aduocatos, haud dubiè res suas illustres multò illustriores clarioreque reddidissent.

De temporibus Antonini Pii.

Anno ab orbe condito 4102.
Anno Christi 140.

ANte mille & quadringentos annos Antonin⁹ successit Adriano qui princeps multis laudibus à scriptoribus celebratur. Hic etiam Dacorum & Alanorum armis lacepsus fuit, nullum tamen memorabile prælium tum factum fuisse memoratur. Satis enim fuit ei si quoquo modo à limitibus Romanis eos amoueret & propulsaret. Nam irritare animos bellicosæ gentis nequaquam è re & utilitate Reip. iudicauit. Dicere enim hic solebat, malle se vnum ciuè seruare, quàm mille hostes interficere.

De temporibus Aurelii

Antonini.

Anno ab orbe condito 4125.
Anno Christi 163.

Dixi paulò superius, & meminerunt etiam mediocriter versati in historiis, in eo limite, Minorem Poloniam versus, quà itur Vienna Cracouiã, bella difficilia Romanos gestisse cum populis Sarmaticis, quod vel ex bello Marci Antonii, quod biennium durauit, contra Sauromatas & Germanos finitimos manife-

mos manifestum esse potest. Malo autem rem gestam ipsorum historicorum verbis exprimere, cum ea de re non modò scriptores historiarum, sed etiam ecclesiastici Tertullianus, & Eusebius memoriæ prodiderint. Marcus Antonius, inquit, cum in Germanos & Sarmatas expeditionem mouisset, & exercitus siti affligeretur, in rerum desperatione fertur fuisse. Milites verò legionis quam Melitinam vocabant, genua in ipsa acie contra hostes ad terram usque curuasse, sicut & nobis orandi consuetudo est, & ad supplicandum Deo esse conuersos. Cum autem hostibus spectaculum hoc insolens appareret, ferunt aliud quiddam insolentius subsecutum, fulmen videlicet, quod hostes in fugam impulerit, & imbrem ad refocillandum exercitum, qui iam totus siti affligeretur: Addit Apollinarius, quòd legio illa cuius precibus factum fuerat hoc miraculum, ex eo tempore peculiarem appellationem ab Imperatore obtinuerit, vt Romana lingua fulminea Græcè *νεφαινοβόλῃ* vocaretur. Hoc exemplo probatur vtrumque, & quod militia sit concessa à Deo Christianis, & quòd infidelibus propter religiosos & Deum timentes supremus moderator rerum opituletur, qui est exercituum dux, & vltimum refugium mortalium. Notum est autem Melitenses fuisse ex insula vicina Siciliæ pro cuius possessione cum Turcis etiam nostra ætate Christiani atrocia bella mari & terra gesserunt. Isti erant Christiani apud quos Paul⁹ Apostolus dum nauigaret Romam, dicturus causam coram Cæsare, prædicabat Euangelium, eiusque opera ad fidem Christianam fuisse conuersos non sine graui coniectura multi credunt. Cui⁹ rei quoque superius mentio facta est. In eadem historia fit quoque mentio Squadorum & Marcomanorum, qui etiam Romanis cum Sarmatis sese opposuerant. Qui autem fuerint Squadi & vbi locorum tunc habitauerint, variè de hac re doctiores sentiunt, nec tamen multum inter se differunt. Sunt in Maiore Polonia quæ Quidzinum & Squidzinum vocantur, cognomine admodum proximè ad Squadorum appellationem accedente. Est etiam in Prussia Quidzinum oppidum ad flumen Ossam, non procul à Rogozno. Iam Quadi, Osi, Gotthi contermini sibi erant olim. Forsan igitur reliquæ eorum illic confederant. Alii ex eleuatione altitudinum & latitudinum Geographicarum deprehendunt locum eorum incidere eò vbi nunc est Petricouia. Sed non cohærent ista cum Taciti descriptione, qui dicit Ossos, Burios claudere terga Marcomanorum & Quadorum. Citius ergo crediderim Ossos ibi mansisse. Expressè autem Eusebius dicit gestum hoc bellum fuisse cum Germanis & Sarmatis: at Sarmatis sane nihil negotii cum Romanis fuisset, si

Melitenses qui fuerint.

Squadorum locus & sedes.

*Mōtes Sudeti.**Ex Orosio.**Pugna Carnu-
tana & causa
eius.**Sorabi & Sar-
matae iſdem c-
rāt autore ſup
plementi Cario-
nis.*

ſuiſſet, ſi vltra Iſtulam, Ruſſiam verſus habitaſſent, vt picturæ Pto-
lomæi indicant. Sed quia hoc prælium ad fines Boëmię fuiſſe ſcribi-
tur, ad ſyluam Gabretam & montes Sudeti, fines igitur Sarmatia-
rum contiguitatem quandam iſthic habuiſſe credibile eſt. Nam &
appellatio mōtium Sudeti omnino dialectum Ruthenicam ſonat,
ſicut & ſylua Gabreta, qui inquam montes non multò poſt Van-
dalici ſunt appellati Dione autore. Ponuntur etiam populi Sudini
in Sarmatia à Ptolomæo, in illa ora vbi eſt Pruſſia. Verum illuſtrā-
di hui⁹ negotii cauſa adhuc Oroſium de eodem bello ad eum mo-
dum ſcribentem audiamus: Nam cum inſurrexiſſent gentes imma-
nitate barbaræ, multitudine innumerabiles, hoc eſt Marcomani,
Qualii, (ſecundum alios Quadi,) Vandali, Sarmatæ, Sueui, & o-
mnis penè Germania, & in Qualos vſq; progreſſus exercitus, cir-
cumuentusq; ab hoſtibus eſſet, & propter aquarum penuriam
potius ſitis quam hoſtium periculum ſuſtineret, ad inuocationem
nominis Chriſti, magna fidei conſtantia quidam milites conuerſi
ſunt, ſubitòq; tanta vis pluuiæ effuſa eſt, vt Romanos quidem lar-
giſſime ac ſine iniuria reſecerit, barbaros autem crebris fulminum
içtibus perterreret, complures eorum occideret, in fugamq; co-
geret, quorum terga Romani vſque ad internecionem cædentes
glorioſiſſimam victoriam, & omnibus fere antiquorum titulis præ-
ferendam, rudi paruoq; militum numero, ſed potentiſſimo Chri-
ſti auxilio reportarunt. Haſtenus Oroſius. Eutropius locum pu-
gnæ nominat: Ingenti ergo, inquit, labore & moderatione cum
apud Carnutum iugi triennium perſeuerafſet, bellum Marcoma-
nicum confeſcit.

Nominat hic Oroſius locum pugnæ in finibus Squadorum,
quorum domicilia erant hic alicubi inter Cracouiam & Wratifla-
uiam, vt doctiores tradunt, regio tamen & fines eorum protende-
bantur Morauiam & Boëmiam verſus. Et quia Sarmatis Vanda-
los coniungit, venio in eam ſententiam, vt putem Ptolomæi tem-
poribus partem Vandalorum ibidem prope Sudeti montes habi-
taſſe. Nam Dion hiſtoricus, qui ſtatim eſt Ptolomæum ſubiectu-
tus, Sudeti montes Vandalicos vocat. Si autem Vandali, etiam &
Sorabi eis coniungendi erunt. Quod ſi Sorabi, ergo & Sarmatæ.
Fatentur enim Germanici ſcriptores Sorabos gentem eſſe Sarma-
ticam, nomenq; Soraborū & Sarmatarum non lōgè ſyllabis etiam
à ſe differre ſcribūt. Mores autem, ſtudia ſimilima & lingua etiam
teſtantur Vindas illos & Sorabos ex vna ſtirpe proficiſci, & pari-
ter iunctos in illis oris ad Albiſ ripam conſediſſe. Hæc de Anto-
nii temporibus, qui poſt eam pugnam in Pannoniam caſtra pro-
mouerat,

mouerat, ibique vitam cum morte commutauit. Sæpius autem in illis limitibus bella fuisse agitata, vel illud documento esse potest, quod Romani isthic coacti sunt tres legiones continuo asseruare, quarum stationes & territoria annotat Ptolomæus. Legio Germanica decima ad Passauiam. Legio Germanica 14. ad Hunien Rab. Legio prima auxiliaria ad Salam flumen Aenipontis.

Stationes legionum Romanarum.

De Squadis populis appendix clarior.

Quia hoc bellum fuit stupendum & miraculo insigni cœlitus confirmatum, ideo ab omnibus scriptoribus, præsertim verò Christianis celebratur. Præterea duo Imperatores Romani illud administrabant, cum Antonio Aurelius Commodus. Ideo terror tantus vicinos reges ob Romanorum apparatus formidabilem inceserat, ut cum ad Aquileiam exercitum promouissent, plerique reges poenitentia moti belli ducti, tumultus autoribus cæsis veniam deprecarentur. In hoc bello quia Quadorum mentio fit crebra, ideo operæ pretium est nos aliquid de eis dicere, ut stirpe & loco habitationis eorum cognito, circumstantiæ historiæ clariores reddantur. Designat patriæ locum Quadorum Ptolomæus lib. 3. cap. 11. Sub sylua, inquit, Hercynia sub Orcino nemore Quadi. Sub quibus ferri minera & lunæ syluæ. Syluam autem Hercyniam denotat. In primis nominat montes Sudeti Bambergensis, nunc sub montibus Sudeti ponit syluam Gabretam, prorsus è regione montium Sarmaticorum ultimi iugi. Inter ergo prædictam syluam & Sarmaticos montes syluam ponit Hercyniam, id est, resinæ abundantem, piceam. Sub sylua hac statim Quados ponit, Sidirorichias ibidem, id est, ferri mineras. Si nunc altitudinum & latitudinum numerum inuicem conferas, locus non remotè capitis Oderæ aut paulò superius veluti digito designatur. Nam Cornelius Tacitus affirmat Gotthinos populos claudere terga Marcomanorum & Quadorum Istulam versus. Quæ descriptio prorsus respicit Bregam vel Wratislauiam. Nam ibi Gotthorum sedes fuisse apparet. Ideo Oderam Gutalum Plinius vocat, à Gotthis puto dictum, sicuti à Varta Varinos vel Burios à Vandalo flumine vel Vistula, Vandalos, Sueuos à Sueuo flumine, quæ nunc Sprea dicitur, & in Odram non remotè à Stetino incidit. Et expressè Strabo dicit: Gotthorum fines cum finibus Sueuiæ coire: Getarum, inquit, fines à finibus Sueuiæ porriguntur. Sed diligentissimè obseruandum & notandum, quod dicit Cornelius Tacitus: Gotthini, inquit, tributa patiuntur, partem tributorum Sarmatæ, partem Quadi ut alienigenis imponunt. Ex quibus verbis liquet, illam totam

Bellum Caranum tantum quam celebre fuit & formidabile.

Locus pugne inuestigatur.

Fines Getarum iuxta Strabonem.

Cornelii sententia venior.

*Ptolomei sen-
rentia.*

*Fortissimum
argumentum.*

*Quādo proces-
serint Boëmi
& Vandali ad
Albim.*

regionem Sarmatiā fuisse, & ditionis Sarmatarum. Cur enim Gotthos alienigenas vocat, si indigenæ isthic Sarmatæ non essent. Cur imponunt tributum & exigunt Sarmatæ à Gotthinis, Ofsis, & Buriis, si domini & hæredes non sunt illorum locorum, vbi Gotthi metalla effodiebant? Dicit enim Tacitus: Gotthini quo magis pudeat ferrum effodiunt. Cur denique præcipuè molem belli istius contra Antonium Marcomani & Sarmatæ & Quadi sustinent, si non pro patria pugnabant? Atque hîc iam clausos manibus tenemus Ptolomæum & Ptolomaistas q̄ vltra Istulam Sarmatas ex patria ipsorum expellunt, qui Germaniam ex Polonia faciunt, qui deniq; cum Ptolomæo Germaniam Istula tenus terminari fingût, & inde vbi est & fuit sedes & vmbilicus Maioris & Minoris Poloniæ, Polonos vt exules in exilium eiiciunt. Cur enim alienigenas Gotthos faceret Tacitus si indigenæ non essent Sarmatæ? Cur tributum imponunt Ofsis, Gotthis, vt inquilinis? Cur Vandalos Sarmatas ab occidente cum Marcomanis limites habuisse Iornandes narrat? Cur tam difficilimi belli aleâ sustinent? Cur idem Iornandes dicit Gotthos in Vandaliam quondâ se insinuassee cû venirent aliunde? Cur Iulius Capitolinus Hermunduros, qui ad caput Albis habitabant & Marcomanos Sarmatis adnumerat? Cur Dion dicit Albim ex Vandalicis montibus oriri, sub quibus hoc bellum gestum prædicatur? Nam Vandali tum propriè Sarmatæ vocabantur, quos Ptolomæus maximas gentes vocat Sarmatiam incolentes. Ante ergo bella Vandalica & Gotthica illas regiones occuparunt Boëmi, Vandali ad Albim, vbi nunc Vendæ & Sorabi manent. Sed de Vandalorum & Gotthorum origine paulò inferius dicturi sumus, ideo ad illum locum reliqua reuicimus. Anius scriptor refert Quados primò ad confluentem Danubii & Narrabonis, qui Rab hodie dicitur mansisse. Et ex Eutropio lib. 6. apparet eosdem etiam in Heluetia aliquando habitasse, aut saltem eis commilitasse. Strabo etiam libro 7. dicit: In illo tractu ad Danubium Boëmorum regem Marobudum regiam suam habuisse, illucque Marcomanos *ἑταιροὺς*, id est gentiles & conterraneos suos trāstulisse. Iam quia Marcomanos Sarmatis iungunt scriptores plerique, non est difficile coniectare Boëmos illos veteres sicut & Quados cognatos sibi inuicem fuisse.

De temporibus Pertinacis &

Seueri Gordiani Philippi Arabis Imperatorum.

Anno ab orbe condito

4034.

Anno Christi

225. & 247.

Pertinax

Pertinax nihil memorabile cum iis gentibus gessit, nisi quod mediocri cum laude Mysiam & Daciam rexit. Vbi autem iam receptum fuit eo tempore Romanis, lectissimos viros ac ferè ab Imperatoribus secundo loco habitos Sarmaticis gentibus opponere. Itaque aut per seipsos aut per viros opinione sibi pares incepta bella cōtinuare cogeantur. SEVERVM Imperatorem, quod post Pertinacem posuimus causa est: Reminisci enim debemus eorum quæ ex Dione de Vandalis & Vandalicis montibus supra retulimus. Nam Dion hic qui ista memoriae prodidit vixit imperante Severo. Gordiani verò tēporib. iterum bella hæc Gotthica recrudescere cœperunt, inualescere tamen non poterant, quod vtrinque leuioribus præliis periculo virium facto, ad pacificationem deuentum fuit. Philippi Arabis temporibus, qui post Gordianum imperabat, primusq; religionem Christianam cum magna animi humilitate amplexus erat, iterum ad ingenium reditum erat. Nam Gotthorum sollicitationib⁹ tota Sarmatia excita vnà cum Dacibus & aliis ferocibus populis petiuit Romanos bello, ac exercitu trecentorum millium conflato & cōquisito Mysiam Traciamq; multis feueritatis exemplis editis, nulli sexui parcendo clade maxima affecit. Interim Decius cum exercitu, maximi tunc nominis Dux promouit castra, & paulò post cū imperii honores adiisset, ab Imperatore Philippo eis oppositus fuit. Sed aliquot præliis superatus & victus, infecto bello, nulloque operepretio facto reuersus est. Administrabat is tunc prouinciam in Illyrico, ac infecto tandem Philippo machinationibus Decii, illi bellorum tumultus excitati deferuescere cœperunt. Habemus iam Sarmaticæ historiæ seriem deductam post aduentum Christi ad annum 250.

Philippus Imperator Christianus.

Decii Imperatoris temporib.

Anno ab o. be condito 4215.
Anno Ch. isti 282.

Iornandes eius temporis sic texit historiam: Cuius, inquit, secessum Decius Imperator cognoscens, & ipse vbi subsidium ferre gestiens, iugo montis transacto ad Beeroam venit. Ibiq; dum equos, exercitumq; lassum refoueret, illico Cuina dux cum Gothis in modum fulminis ruit, vastatoque Romano exercitu Imperatorem cum paucis, qui fugere quiuerant ad Thusciam rursus trans Alpes in Mœsiam proturbauit, vbi tunc Gallus dux limitis cum plurima manu bellantium morabatur. Collecto

Cuina dux Gotthorum.

Imperator Decius cum filio perit.

Collegitque tam ex inde, quam de hoste exercitu, futuri belli reparat aciem. Cuina verò diu obsessam inuadit Philopolim, prædaq; potitus, Priscum ducem qui ibi erat, confœderauit, quasi cum Decio pugnaturum, venientesq; ad conflictum, illico Decii filium sagitta faucium crudeli vulnere confodiunt. Quod pater animaduertens, licet ad confortandos militum animos dixisse fertur: Nemo tristetur; perditio vnius militis, non est Reipub. diminutio: tamen paternum affectum non ferens, hostes inuadit, aut mortem aut vltionem filii exposcens, sed circumseptus à Gotthis & ipse interficitur, imperii finem vitæque terminum faciens.


Sub Valeriano Gallieno & Claudio Imperatoribus.

Anno ab orbe condito	4217.
Anno à Christo	256.
Ante annos	1400.

Asiam Sarmatæ vastant.

Imperatoris Valeriani calamitas.

Triginta tyranni.

 Opiis Decii in Illyrico per Sarmatas attritis, Romanorū ille ardor & libido mouendorum bellorum mitescere & fatiscere cœpit. Et conqueuerunt illi aliquantisper, & fœd^o cum Gotthis eodem tempore renouarunt. Sed Sarmatæ fortunam sequuti Pannoniam populabundi vastant, ac tandem exercitu transportato in Asiam, Nicomediam propemodū deleuerunt, Bithiniam vastarunt, Macedoniam & Thraciam longe lateque populati sunt. Non parum autem conatus eorum adiuuit calamitas Valeriani Imperatoris. Is enim tum anno imperii sui quarto in orientem contra Persas expeditionem suscepit, tandem victus captusq; à rege Persarum Sapore in extrema senectâ à ceruice ad pedes excoriatus est. Multa etiam alia crudelitatis in eum exempla edidit. Nam ad maiorem Romani nominis contumeliam, quoties equum conscendit, pedem ceruici Valeriani imponebat, ac pro scabello eo vsus est. Tanta est humanarum rerum vicissitudo, vt ille qui in culmine rerum sedebat, humi repere & conculcari se, caputque subiicere cogatur, & rursus alternante fortuna, qui fortunæ successu exultare videbatur, ad extremam miseriam redigatur. Interim Gallienus Valerii filius voluptatibus deditus Bacchanalia viuebat. Adde quòd triginta illi Duces, qui à suis exercitibus creati, pro Imperatoribus se gerebant, partim inter se dimicando, partim ab aliis extraneis petiti, imperii vires non mediocriter tum labefactarunt. Hæ tres causæ Sarmatarum Getarumque successus in vastandis illis regionibus non mediocriter adiuuerunt. Verum

runt. Verum cum aliquantisper eis fortuna indulisset, liberiusque soluta disciplina militari per Achaïam agendo prædas vagarentur, à Machario quodam dissipati oppressique sunt. Altera verò pars exercitus eorum Asiatici, qui ut dictum est, Bythiniam & Nicomediam occuparat, promouit castra Ephesum usque, illicque templum celeberrimum, quod totius Asiæ sumptibus extructum, & longo temporum ævo locupletatum fuerat, vno momento ab eis igni absumptum est, forsan æmulatione quadam ad hoc inducti, qualis animos religiosorum pari studiorum propensione inter se certantium, suavi quodam delirio non raro affilare solet: vel potius ita persuasum habebant, suæ Deæ Tauricæ templum non posse ad eam celebritatem & famam emergere nisi Diana Asiatica æmula eius ab ipsis è medio tolleretur. At Deus qui sacrilegis est fuitque semper insensus, amplius illam eorum insolentiam coniunctam cum avaritia non tulit. Claudium namque ut cum copiis eis obviam iret concitavit, qui cum numerosiore exercitum haberet (trecentis enim ferè millibus constabat) eos consequutus partim cædit, partim capit, classesque eorum dissipat, & navium ad duo milia alias mergit, alias ad deditiorem cogit. Fuit hoc prælium ad flumen Tyram, quem Nestrum vocamus, ferè in conspectu Dianæ ipsorum & templi Taurici, quod forsan spoliis ditare cogitarent. Quanto in metu & trepidatione tum fuerint Romani, detexit eorum gaudium incredibile in quod eruperunt, cum de Claudii successu & victoria reportata audissent. Viventem enim adhuc præconio admodum fauorabili ad eum modum ornavunt: CLAUDI AVGVSTE, tu frater, tu pater, tu amicus, tu bonus senator, tu princeps. Mortuo verò aliquantò post, clypeum aureum, in quo imaginem eius exsculperant in Capitolio collocant. Acciderunt hæc ante mille & quadringentos circiter annos.

Templum Dianæ Ephesinæ combustum.

Locus pugne Claudii ad Tyram.

Aureliano Imperatore regnante.

Anno ab orbe condito 4235.

Post illam dimicationem quicuerunt aliquantisper Getæ & Sarmatæ, ita tamen ut semper de vlciscendis iniuriis & vindicandis finibus, pellendisque ex Dacia legionibus cogitarent. Tandem sub hoc Imperatore, duce Canabo regeque suo Romanis bella intulerunt, sed re male gesta, Rege amisso fortunæ cesserunt, servantes se melioribus temporibus. Desiderati sunt multi

Canabus dux Sarmatarum.

P

Mulieres Amazonas.

De hac re lege Lucium Florū.

Boëmorum originē à Boijs veteribus nihil detrahatur, etiam si postea Czechis eis admisti sunt.

sunt multi ex eis, ita ut Danubium cum quinque tantum millibus traiciendo domum dilapsi sint. Habuit Aurelianus Imperator summam peritiam bellorum Sarmaticorum Geticorumque, quam sibi comparauerat tempore Claudii, à quo præcipuus dux belli & magister equitum contra Gotthos designatus fuerat. Cum igitur multo usu habitum sibi acquisiuisset, nil eum latebat, quicquid etiam machinarentur hostes, & in promptu occurrebant ei artificia, norat quid sequendum, quid vitandum ducenti bellum cum gente bellicosa. Narrat Iustus vir clarissimus qui compendium quoddam historiæ Polonicæ paulò ante nostram ætatem conscripsit, quòd in ea pugna quædam fœminæ bellicosæ interceptæ à Romanis & in triumpho ostentatæ fuerint, quas ex numero Amazonum antiquarum fuisse creditum sit. Videtur autem ad Zenobiam illam Palmirorum reginam alludere. Sed hæc fuit ex veteri stirpe Ptolomæorum oriunda, non ex Sarmatico sanguine. Hæc inquam cum aliquoties foeliciter signa cum exercitu Romano contulisset, tandem ab Aureliano capta fuit, dum inter crepitus gladiatorum ad securiorem locum se recipere pararet. Perducta demum Romam in quodam admirando ornatu, stupentibus cunctis in illa pompa præ admiratione maiestatis, in fœmina lectissima. Hæc una cum filiis & filiabus ante triumphalem curram Imperatoris ostentata fuit. Felicior certè Cleopatra Antonii tum reputabatur, quæ præuidens hunc euentum, serpentibus vberibus admotis perire maluit, quàm se asseruare ad triumphorum & triumphatum ludibrium spectaculorumque se præbere materiam. Hic iterum vicissitudo rerum cogitur. Quæ fuit victrix regis Saporis & triumphatrix clarissima, ipsa demum ludibrium fortunæ experta est, dum Romanæ plebis etiam vilissimis quibusque spectanda proponitur. Creditum est à multis alteram Semiradem fuisse, dum in se oculos cunctorum conuerteret. Nouitas hæc Imperatorio triumpho magnam & raram accessiōem fecit. Fuit & aliud bellum Aureliano ab altera parte occidentem versus cum gentibus stirpis Sarmaticæ, Boëmis inquam & Marcomanis, qui nunc Moravi vocantur. Hi ingressi Italiam, similem Cimbrico, urbi Romanæ terrorem incusserunt, multiq; vtrique trucidati sunt. Sed tamen fortuna à partibus Imperatoris stetit. Scio doctorum sententiam de gente antiquorum Boëmorum, qui Ptolomæo Boii dicuntur. Sed sicuti Germanis parum detrahatur, eò quòd ii qui nunc Germani nominantur, olim Celtæ vocabantur, ita Boëmi licet Czechorum accessiōe, aliqua ex parte renouati sunt, tamen ideo, id quod antea fuerunt esse non desierunt. Adiecta autem illa obseruatione

obseruatione de Vandalis & Vandalicis montibus, quod iam ante Aureliani tempora, illa spacia, vbi est Boëmia occuparint, omnino nullum absurdum restabit, si Boëmos illos & Morauos qui Italiam inuaserant, & contra Aurelianum in acie steterant, progenitores horum Boëmorum, qui gētiles nostri sunt, vocauerimus.

Imperante Probo Augusto.

Anno ab orbe condito 4240.
Anno Christi 281.

Sub hoc Imperatore Romani denuo exercitus duxerunt in regiones transalpinas, & Germaniam Galliasque vastando hominum ad 40. millia trucidasse feruntur, de qua re Orosius legatur. Et quia Sarmatis minimè formidabilia erant arma Romanorum, iam enim multo usu eis assueti erant, ideo nō expectando dum ad fines eorum pertingerent, illos auerterunt, transmissisq; exercitibus intima Illyriæ petiuerunt, legiones Romanas ad arma prouocantes: pugnatum est vario Marte, tandem repressi cesserunt. Irritati Romani à Sarmatis, furorē suum in Getas populares Sarmatarum effuderunt, ad detentionem eos cogentes. Vnum est quod notandum venit. Illis temporibus inter alias pœnas, quibus victores victos multabāt, illa non postrema fuisse memoratur, quod Pannoniis interdictum fuit, vt à vinearum cultu prorsus abtinerent. Et videtur quidem in speciem res ista minoris momenti, sed tamen beneficiis Dei quæ exhilarandis mortalium animis seruiunt, frustrare humanum genus, & pariter ægrotos cum sanis, bellatores cum imbellib. incommodo tanto indiscriminatim afficere, videtur iniquum. Liquet igitur edictum hoc ab impotentia animi profectum fuisse. Fertur etiam nunc, Turcam Christianis quibusdam regionibus, quæ quondam generosissima vina producebant, vinearum cultum interdixisse, sed alio respectu, nimirum, quod id ex præscripto superstitiôsæ religionis facere se prætendit. Sed Probus Imperator nequaquam improbè fecit, quod edictum illud relaxans, iterum militibus in Sirmio vites plantare permisit. Vnde vini origo est, quod nostri Scremskie vino vocant. Hæc Eutropius.

Vinearum cultus interdictus Pannonijs.

Sirmiensia vina.

Sub Carolo Narbonensi

Imperatore.

Anno ab orbe condito 4248.
Anno à Christo 286.

P

2

Quoad

*Collatio bello-
rum Samni-
tum cum bellis
Sarmaticis &
Gothicis.*

Quoad Probus vixit, virtutis eius & dignitatis habuerunt rationem gentes nominatæ, at illo in Asia fato horribili præter opinionem, cum se iam accingeret bello Getico, sublato, Sarmatæ rursus Pannoniam repetierunt, Thraciamque irrumpentes inuasērunt. Hos Caius repressit multis captis aliisque trucidatis, quorum 20. millia fuisse creduntur. Mirandum est, tot funesta & atrocia bella has gētes cum Romanis reintegratis viribus gessisse, multoties vtrinque exercitibus concisis, & tamen re-collectis viribus, & resumpto animo denuo noua & continua bella ciere potuisse. Miramur Veientum, Samnitum bella Liuium legentes, toties repetita & toties sopita, cumque infinitæ myriades ex ea gente à Romanis iugulatæ tradantur, quomodo vel vna anima post illas clades ex illa stirpe superstes manserit. Sed si res Samnitum sunt admirationi, conferantur cum eis prælia Sarmatica Geticaque vsque ad vastatam captamque ab eis & Vandalis urbem Romam, & inuenientur tot trucidata cadauera, vt eorum molem & numerum vix ipse orbis terrarum supportare posse videatur. Incipiendo enim ab Augusti temporibus vsque ad vastatam Italiam per annos 400. hæc laniena durabat. Et vocatur quidem Thybris flumen fatalis Romani Imperii limes, quod ibi Crassus, Carus & alii complures clarissimi duces Romanorum ceciderunt.

*Compendium Chronologicum rerum Sarmaticarum per
hos sexaginta annos gestarum ad Constantinum usque
Magnum.*

Anno 240. Maximus patre Gottho Mecca, matre Alana, quæ Ababa dicebatur natus. Is cum esset stupendæ & ferè plusquàm Herculeæ fortitudinis, in Imperatorem Romanum fuit electus. Scribit de eo Iornandes, quòd solus sedecim milites superauit. Imperatorem in equo variè flexus rotantem & procurrentem cursu adæquauit, ita vt equus fatigaretur, ipse interim ita infatigatus remanserit, vt statim in gratiā Cæsaris septem lectissimos recentes & valentissimos milites certando, luctando superaret. Multa etiam alia de eius fortitudine vide ibidem.

Maximi Imperatoris stupenda fortitudo.

Anno 252. Decius Imperator vnà cum filio à nostris profligatus, filius sagitta traiectus, pater mortem filii vlcisci volens in A-bricio flumine Thraciæ submersus, Iornandes de rebus Geticis, Calsiodorus, Orosius, Eutropius. Iornandes ad Philopolim locum pugnæ illius fuisse scribit.

*Decius.
Romani tribu-*

Anno 254. Gallus Hostilianus cum nostris gentibus foedus i-cit, non sine Romani nominis ignominia tributum eis pendens, sicuti olim

sicuti olim quoque hoc idem tributum pendebant, usque ad Tra- ^{tarij Gotthis.}
iani tempora. Pomponius & Blondus.

Anno 257 Gotthi in Asiam irruerunt, omnia longe lateque i-
gne ferroque vastantes. Et Ephesinæ Dianæ templum incendunt.
Iornandes.

Anno 261. Regilianus à Moësis Imperator factus: is cum Sar-
matis vicisset tandem à Roxolanis Sarmatis occiditur.


Anno 262. Græciam, Macedoniam, Pontum, Asiam, & alias
prouincias nostræ Gentes deuastant, hæc Cassianus, Blondus, Tre-
belius, Iornandes.

Anno 266. Sarmatæ & Quadi Pannonias occuparunt, Eusebi⁹.
Et reuocandæ hîc in memoriam expeditiones Sarmatarû pro ob- ^{Sarmatarum}
tinenda Pannonia. Prima sub Tiberio. Secunda sub Antonio Phi- ^{expeditiones}
losopho, tempore belli illius famosissimi ad montem Carnutû. ^{in Pannonias}
Tertia hæc sub Gallieno, tandem sub Constantino & Valentinia- ^{quot fuerint et}
no de quibus postea. Hîc videant illi qui dicunt Germanos habi- ^{quanto tempo}
tasse, vbi nunc est Polonia, ante tempora Constantini Magni, cum
Sarmatæ tunc non modo vbi est Polonia, sed etiam vltra Danu-
bium regnum suum extenderint, vt liquet ex istis tribus eorum ex-
peditionibus in Pannonias. Trita autem eis via fuit, quod Polo-
ni Slak vocât, Pannoniam versus, per vallem ad flumen Sola, Vag, ^{Traiectus Sar-}
Rab, quem Ptolomæus Narbonem vocat. Illac traiectus eis fuit ^{matarum &}
trans Danubium. Ergo regio illa ex ea parte Danubii, vbi est Cas- ^{via trita in P.}
souia & Pestum, pro Pannonia non reputabatur à veteribus, sed ^{annoniam.}
fuit regnum Marobudi regis Marcomanorum, de quo supra ex ^{Marobudi re-}
Strabone & Cornelio Tacito. ^{gia Buda.}

Anno 271. A Claudio Gotthi victi cum Illyricum vastarent.

Anno 273. Sarmatæ & Sueui à Valeriano victi in Pannonia, &
Canabus dux Gotthorum trans Danubium interemptus. Quasi
enim ex composito inter istas gentes res gerebatur, Ostrogotthi
Illyricum, Visogotthi Pannonias vastabant, Marcomani verò Me-
diolanum, quo etiam tempore 15. millia Germanorum ad lacum
Benacum cæsa esse prædicantur, lege Vopiscum, Trithemium.

*De transitibus Ostrogotthorum Visogotthorum et Ro-
manorum.*

 Strogotthi seu Gotthi per Mysiam ad pontem Traiani
transmittere exercitus solebant: Visogotthi seu Sarmatæ
ad confluentem Danubii & Narbonis, quem Rab hodie
dicimus per prouincias Marobudi regis Marcomanorum: Roma-
nis veteribus trita via fuit per mare Adriaticum, flumen Benacû,
P 3 stagnum

stagnum Scutari dictum, & tandem per Sauum & Drauum. Aut ex Thracia rectà in Mysiam inferiorem penetrabant.

LIBER QVARTVS

In quo ea quæ acta sunt à temporibus Constantini Magni ad tempora Caroli Magni comprehenduntur.

P R O O E M I V M

HOC tempore commigrante Constantino Constantinopolim, à Romanis ad Græcos imperium translatum fuit. Vnde eo tempore maxima mutatio secuta est. Ergo hinc librum quartum auspicabimur. Quidque secum hæc commigratio attulerit mox apparebit.

De Constantini Magni temporibus.

Anno ab orbe condito	4270.
Anno Saluatoris	310.
Ab hinc anno	1275.

Romani tributarij.

Constantinus Magnus ad tantum fastigium honorum euectus, inuenit imperium non modò turbatum, sed etiam Sarmaticis Geticisque bellis ita languefactum, vt etiam Imperatores Romani Scythijs pèdere tributa, pacemque ab eis redimere cogerentur. Ideo Constantinus Magnus coactus fuit Roma Constantinopolim sedem imperii transferre, vt ibi arcem belli erigens contra Sarmaticas gentes (nominatim enim hi exprimuntur) propiore oportunioreque loco eorum insultus commodiùs reprimere posset. Nam toties in Græciam ire, Romam redire & rursus reuerti, quoties buccina ex specula signum hostilis aduentus darètur, secumque tentoria, machinas & alia impedimèta bellica trahere, minimè ex re & utilitate Reipub. Romanæ iudicabat. Sed res comprobauit consiliù illud fuisse minus salutare, & medicinam illam morbo fuisse deteriore. Nam cum cernerent Vandali & Gotthi aliæque gentes Sarmaticæ exhaustam Italiam ducibus belli & milite strenuo propter illam Imperii translationem, quam præcipuus flos nobilitatis Romanæ secutus erat, naçti hanc occasionē, vniuersam belli molem exemplo Hannibalis in Italiam transtulerunt, vt ita hostem iuum tanquam beluam in

luam in sua arena & latibulis citius conficere possent. De quibus rebus inferius locupletius dicitur. Narrant & aliam causam eius instituti Constantino fuisse, nimirum ut ex vna fidelia vtrumque parietem dealbaret, hoc est, ut ipsemet vtroque Imperio tam orientali quam occidentali potiretur. Nam quantas difficultates & pericula illi facefferet illa distractio Imperii, abundè testatur exemplum socialis belli cum Licinio, cum quo aliquoties admodum periculose dimicauit. Quænam autem aliæ causæ occultiores Imperatorem mouerint impulerintq; ad eam commigrationem, cum omnis mutatio sit periculosa, curiosè non disputo. Satis tamen constat, quòd locus ille Bosphori instar portæ fuit septentrionalibus & orientalibus gentibus, quo superato intima imperii penetrare, prædas agere, & singula excutere quoties libuit semper poterant. Ideo in illis angustiis durabile præsidium collocare ad perpetuandam firmandamq; maiestatem Romani Imperii plurimum referre intelligebat, & hac specie consilii oblata ad perficiendum institutum animum adiecit. Sede autem translata Constantinopolim, non statim Constantinus ab initio, sicuti nouus hospes, volebat vicinos asperioribus bellis aggredi aut fatigare, ne videlicet concitatis in se animis omnium, omnium etiam simul arma experiri cogeretur, itaque prius consiliis quàm armis rem conficere tentat, & Scythas quidem primo legationibus mansuefacit, deinde ubi iam satis deuinctos sibi intelligebat, cum Sauromatis eos inuicem committit, ut scilicet inter se digladiando mutuis vulneribus labefactati citius conciderent. Tale consilium olim Romanis & nunc Turcis non inusitatum in difficilibus arduisque rebus fuit. Euzebii verba sunt. Cum Scythæ contra Sauromatas insurgerent, Sauromatæ domini seruos ad vlciscendum hostes suos Scythas armarunt, qui cum victores euassissent, inflati successu, scuta sua contra dominos leuarunt, ac cunctos à suis sedibus pepulerunt, ita ut expulsi & deserti in fidem & clientelam Imperatoris Constantini confugere cogerentur. Scribit deinde Eusebius quod Imperator eodem tempore magnam partem Sarmatarum in milites delegerit, aliis verò agros ad colendum diuiserit. Hoc consilium prudentissimi inquit, principis benè eis celsisse & ipsi fatebantur. Nā postea siue beneficentia illa Imperatoris mansuefacti, siue metu percussi, præsidia armata contra se Constantinopolim adducta ceruicibus suis semper parata cernentes, intra fines suos se continuerunt, foedusque cum Imperio renouatum annis ferè septuaginta vsque ad tempora Valentiniani inuiolata fide tenuerunt & custodierunt. Subiiciam & hypotiposim, in qua describit habitum, vestitum &

*Artes regie
in Constantino
Magno.*

Habitus Sarmaticus.

stitum & ordinem quo ante Imperatorem stare solebant, ut ex ornatu etiam externo progenitores nostros cognoscere queamus: Ex ordine, inquit, stantes coram Imperatore videres, quibus stola erat peregrina, ac variegatum habituum species, & coma cum capitis tum barbae admodum prolixa, ac aspectus facierum rigidus &c. Corporum etiam statura excellenter magna, & alii vultu erant rubricundi, alii niue candidiores, alii colore temperato.

Appendix historiae Sarmaticae sub Constantino Magno.

Lib. 7. cap. 28.

Rebellio Gotthorum contra Sarmatas.

Visimirus Vandalorum rex.

Marissia flumen nunc forsitan Marissa dicitur, non remotè ab eo loco ubi oritur Viscia.

Anno Christi 336. Romani Gotthos in Sarmatarum regno vicerunt. Hæc tradit Hieronymus, Pomponius, Eutropius, & Ecclesiastica historia. Sed ex Orosio huius belli descriptionem adscribam: Mox, inquit, Gotthorum fortissimas & copiosissimas gentes in ipso barbarici soli sinu, hoc est Sarmatarum regione deleuit Constantinus &c. Ex quibus verbis liquet, quod aliquoties iam monstratum est, Gotthos in Sarmatia mansisse, iamque in eorum stirpem transisse. Nam de Visigothis hoc intelligendum puto, qui hinc ad Cracoviam & Gedanum habitabant. Nam quidam eorum metallicas mineras ad Sarmaticos montes effodiebant, ut ex Cornelio probatum est, quidam verò electrum ex mari Baltico colligentes inter Germanos distrahebant, ut ex Plinio quoque monstravimus. Quo nomine Tacitus eos Sarmatis & Quadis tributarios fuisse aperte testatur. Sed tempore Constantini iam eos in tantum excussisse iugum Sarmatarum liquet, ut etiam ferro cum eis decernere non dubitarent. Forsan inflati fiducia thesaurorum, quos ex metallicis rebus apud suos benefactores sibi comparant, de viribus suis tantum præsumpserant. Huius victoriae de Vandalis seu Sarmatis partem historiam Iornandes latè prosequitur libro de rebus Geticis. Describit primò Geberichum regem, ex patre Ouida prognatum, id est, ex linea hæredibusque aurei velleris. Describit & Visimirum regem Vandalorum, quem ex stirpe quoque non minus clara Asdingorum processisse affirmat. Fuit etiam postea rex Polonorum Lechi filius Visimir, quo nomine apparet delectatum esse Lechum, quòd id meminerat in usu fuisse apud maiores suos Vandalos etiam bellicosissimos. Describit & locum illius pugnae, in sedibus scilicet Gepidarum ad flumen Marissiam non procul à Viscia, existimo ubi nunc Scepusium. Subiungit tandem diu durasse illud prælium inter Gotthos & Vandalos, ad extremum tandem à partibus Gotthorum stetisse fortunam, quo casu attriti Vandali reliquie eorum in Pannoniâ commigrarunt, quam à Constantino Imperatore tunc impetrarant. In cuius etiam possessione po-

sione postea fuerunt, usque ad tempora Honorii & Arcadii, per annos nimirum centum triginta, & ex illa prouincia tandem euocati à magistro militiæ in Gallias & Hispanias abierunt. Annotat etiam Iornandes inter alias causas translatae sedis ex Italia Constantinopolim, hanc non postremam fuisse, nimirum, quod mirè delectabatur Constantinus habitatione loci talis, qui nondum vlla gentili Idololatria prophanatus esset, sicut fuit noua Constantinopolis.

De Valentiniani temporibus.

Anno à condito orbe 4330.

Anno à Christo 368.

Ab hinc anno 1300.

Post hos 70. annos Sarmatae beneficiis & prudentia Constantini deuincti, sanctae foedera pacis retinuerunt usque ad Valentiniani tempora. Quanquam autem Constantium Imperatorem filium Constantini cum Sarmatis quoque dimicasse commemorant, sunt tamen illa praelia quasi obiter facta nec digna, ut cum sequentibus bellis cõparentur, quae partim ad Constantinopolim, partim ad urbem Romanam, vtriusque scilicet imperii sedes occidentalis & orientalis, gesta sunt. Sarmatae enim cum quibus sopita & non extincta erant semina belli, ruptis Romanis finibus Pannoniam iam antea aliquoties tentatam, & à Constantino Magno donatam inuadunt, quam iniuriam Valentinianus vindicaturus, raptim negotiis in Gallia compositis cum exercitu occurrit, & ad Brigionem oppidum confedit. Sarmatae audito Imperatoris aduentu, & quod magna contentione apparatusque ingenti administrandum hoc bellum decreuisset, ut eius primos impetus quoquomodo eluderent, Satrapas suos viros animi magnitudine & corporis proceritate conspicuos mittunt, qui eum hortentur ut depositis armis meliora de ipsis speret, & ad pacis studium eum inclinent, quos ille ad se ingredi iubet. Cumque praeter opinionem spectatae grauitatis vultu oculos eius perstrinxissent, Imperator ipsum augustum aspectu motus interrogat, an cuncti Sauromatae tales essent: Illi mirati procacius interrogatum, quod tempori & Imperatoriae Maiestati minus conueniens apparebat, ad eius interrogata directe respondendum non censuerunt, sed tantum dignitatem suam tuentes, & Imperatoris leuiusculam percotationem perstringentes, quadam suffulti animi praesentia grauius respondent, Optimates Sarmatarum ad ipsum venire, nec amplius. Quibus quatuor verbis ita animum eius pupugerunt, ut praeracundia Imperator in furem propemodum versus vociferando seipsum lacerarit, &

Legatio Sarmatarum ad Valentinianum

Q rarit, &

rarit, & venam ruperit, & paulò post exagitatus intemperie affectuum, ebulliente sanguine, vitam cum morte commutarit. Oratores verò illi cum se ita despicabiles & contentos cernerent, ea quæ viderunt & audierunt, ad suos renunciant. Ita vtrinque animorum exacerbatio illa propemodum fortuita, occasio fuit illorum fatalium bellorum, quæ Gotthica vocantur, eaque tam orientem quam occidentem versus. Cômonefaciendum hîc lectorem putavi de Sauromatis tum temporis Pannoniam vexatibus, quos nonnulli dissimulato eorum nomine Quados vocant, speciem pro genere ponentes. Sed qui sint populi Squadi, quæ regio & fines eorum, & quòd Sarmatis omnino adnumerandi sint, libro 3. cum sententiam Ptolomæi de finibus Sarmatiarum & Germaniæ explicarem, puto me abundè docuisse. Si autem alicui adhuc ea in re minus satisfactum videtur, fruatur opinione sua. Interim eius opinioni tres sacræ historiæ scriptores opponimus, Rufinum, inquam, Socratem, & Sozomenum, qui bellum hoc describentes, legatos hos Sarmatas fuisse, & bellum illud à Valentiniano tum directè contra Sarmatas institutum fuisse demòstrant. Vnde irrefragabiliter id quod supra quoque ostensum est, sequitur Squados, illos, qui de finibus cum Antonio bellum gessere, Sarmatas fuisse. Hæc acta sunt ante mille & 300. annos.

De Valentis Imperatoris temporibus.

Anno ab orbe condito
Anno à Christo

4344.
282.

Gotthi ab Hun-
nis patria pul-
si.

Tempus primi
adventus Hun-
norum ad eas
regiones.

Interim dum hîc ab occidente futuri belli femina iaciuntur, ab oriente aliud emergit, quod præsens exitium Romanis copiis attulit. Et si res humanas æstimare licet, nihil est esseque potest in Rebuspub. mortalium tam elaboratum, & tam sublime tamque firmum, vt satis viam sibi inuenientibus vltimes poenæ ingenii humani consilia non superent. Getæ seu Gotthi Sarmatici populi, dum in Thracia & Pannonia militiæ vacant, ab Hunnis gente septentrionali sedib. antiquis sunt pulsi. Res apud multos admirationi erat, quòd genti bellicosæ & præpotenti ea acciderent, quæ imbellibus tantum metuenda sunt, cumque veluti ludibrio fortunæ expositi aliquantulum secum quid esset agendum in eo casu, quodue consilij genus arripiendum deliberarent, vicit plurium sententia, qui suadebant, potiùs Imperatores Christianos placâdos, quam cum hostibus gente bellicosa, iam ad prælium parata, & dimicationem exposcente, Marte iudice, ferro discernendum

cernendum & de possessione littoris Pontici, in vnius diei fortunam summam rei conferendam. Nec malè consilium illud eis cefit. Nam præter expectationem, id quod optabant, Valens Imperator eis concessit, & votis eorum annuit, habitareque eos siue in Mysiâ vellent, siue in Thracia permisit. Illi gratitudinis ergò religionem Imperatoris nempe Arrianam se amplexuros recipiunt & reipsa amplectuntur, qua re Valentem ita sibi deuinctum reddiderunt, vt eorum virtutem in bellicis rebus, Romanis suis præferret. Iamque complures milites Romani quasi despici se cernentes vacationem militiæ ab eo petebant, & abiectis gladiis, manus bu-ri & vomeri applicabant, agriculturæq; se totos tradebant. Interim verò Getæ strenuam operam in arcendis hostibus defendendisq; finibus ei liberaliter & prolixè promittunt. Imperator eis ita fidit, vt neq; foedus cum eis sanciret, neque adimeret arma, vt in tali casu antea moris fuerat: quicquid verò liberet & placeret eis magno suo & imperii toti malo permetteret. Militabant tum inter eos duo duces, quorum alteri Athalarichus, alteri Phritigires nomen fuit. Ferunt & Turingicos quosdam ex Germanis tum inter Gotthos militasse. Et vt ego existimo, tunc temporis primum, per illam conuersationem, Getarum vetus cognomen in Gotthorum transformatum & germanisatum, hoc est, iuxta dialectum Germanicam deprauatum fuit, vt postea pro Getis Gotthi passim appellari cœperint. Omitto hîc quæ de ecclesiis Gotthicis & earum Episcopis, deq; Gotthicarum literarum inuentione scriptores tradiderunt. Apud scriptores ecclesiasticos talia legendo lector desiderium suum implere poterit. Redeo igitur ad bella eorum. Gotthi tunc duorum maximorum ducum ciuilib. bellis implicati erant. Sed Athanarichus, maiorem potentiam acquisiturus auxilia Imperatoris implorabat, itaque adiutus eius copiis Phritigerum superat, solusque regno potitur. Fuerunt tandem aliquantisper eorum res in pace. Sed cum non longè post Romanorum Ducum auaritiam cernerent, subindeque improperiis eorum & contumeliis irritarentur, pax eorum quo magis diuturnas ferias habuit, eò maiorem in flammam semel violata amicitia erupit. Nam aliquoties increpati, cum imperia eorum ferre nō possent, præsidia eorum adoriuntur ac Lupicinum simul & Maximum duces eorum obtruncant. Nec contenti hoc facto, maiora aggrediuntur: Mysiam & Thraciam armis sibi subiiciunt, subactisq; tributum imperant: ad extremum cunctis Romanis qui tunc istic erant formidolosi esse cœperunt. Susceperat tum expeditionem Valens contra Persas, quibus repressis contendebat Antiochiam,

Valens Gotthis concedit in Thracia sedes.

Valentis securitas & creditas malè cefit.

*Gotthi cum
Sarmatis.*

*Valentis Im-
peratoris tra-
gicus casus &
tristis euentus*

tiochiam, sed sæpius querulis Thracum & Græcorum vocibus e-
uocatus ac propemodum extimulatus, relicta Antiochia in Euro-
pam duxit. Gotthi aucti Sarmatarum copiis, quas in Pannonia tē-
pore Valentiniani militasse superius diximus, aduentanti occur-
runt, nec pugnam detrectant, tandemque signis collatis equites
Romanos proturbant, & loco dimouent: ita legiones nudatæ præ-
fidiis nullo negotio soluuntur, & in fugam præcipites vertuntur,
quib. sese Imperator ipse fugiens immiscet, mutatoque vestitu cum
sese euoluere conarctur in potestatem hostium deuenit. Nā cum
inclusus turri aut domunculæ cuidam, euentum negotii sollicitè
expectaret, à prætereuntibus qui equis vehebantur, agnitus obiter
fuit, cumque prodire nollet, igne circumiecto combustus. Hic fu-
it finis bellorum magno ardore animi susceptorum, Romanis fi-
nes imperii sui proferre satagentibus, & Sarmatis Getisque patri-
os fines propugnare annitentibus. Accidit hæc clades ante annos
mille triginta. Quæ autem in occidentali imperio acta sunt inte-
rea temporis, postea dicetur.

De temporibus Theodosii *Primi Imperatoris.*

<i>Anno ab orbe condito</i>	4345.
<i>Anno à nato Christo</i>	383.
<i>Anno ab hinc</i>	1181

*Præsidia ad Al-
bim.*

*Controuersia
de finibus cum
Saxonibus.*

Temporibus etiam Theodosii motæ erant lites non paruæ
de finibus inter nostros populos & Germanos. Proinde
Saxonici exercitus & Turingici collocati erant inter Al-
bim & Viadrum ad defendendos limites & arcendas gentes Sar-
maticas. Rursus cum Gotthis, qui iam relictis prioribus sedibus
Myrsiam & Thraciam inhabitabant, acerbiores erant controuer-
siæ. Nam licet obnoxii iam cœperant esse orientalibus Imperato-
ribus ob beneficium recens acceptum, tamen cum regem & regi-
men proprium haberent, viresque eorum indies assurgere videren-
tur, tam propinquum semper impendere ceruicibus eorum ho-
stem molestè Romani ferebant, præsertim cum mors Valentis re-
cordatioque præteritorum bellorum cruciaret Imperatores. Got-
thos autem ad cauendum sibi in posterum ob recens patratum fa-
cinus, conscientia exacuebat, itaque vtrisque venenum alentibus
conflatum fuit denuo bellum. Cumque ad arma conclamatum es-
set, & Gotthi non per omnia paratos se animaduernerent, præeun-
te Athalaricho rege ad pacis se studium confestim conferunt. Ad
quam rem

quam rem duo eos inuitabant: primò incommodum belli quoddam nuper acceptum, quodq; de clementia Theodosii omnia læta audiebant, alterum quod ipsemet, vt ad se venirent, eos inuitabat. Nec fefellit Gotthos coniectura. Theodosius enim prospiciens turbulentum vndique rerum statum, pericula ad orientem, pericula ad occidentem quæ Romano imperio impendebant, & alia maiora metuens (nam ex Italia ad eum quotidie perferebantur noui rumores) summo iure cum Gotthis non egit, quin potius ad clementiæ & facilitatis consilia decurrit, Constantinum Magnum imitatus pietissimum pariter & prudentissimum principem, qui paulò ante absque gladio Sarmatas & Gotthos consimilibus consiliis mansuefecerat. Accidit interea, vt Athalarich⁹ postquam rediisset in gratiam cum Imperatore, moreretur ibidem: hunc Theodosius honorificentissimo apparatu & pompa funebri exportari iubet, multis ducibus Romanorum & præfectis copiarum fun⁹ eius deducen⁹tib⁹. Gotthi cum ordinem gubernationis, seriem Senatorum & ducum, deducen⁹tium funus viderent, principisq; iustitiam mansuetudine summa temperatam perspexissent, qui vi & ferro perumpi non poterant, bonitati & pietati cedunt, libenterq; se victos fatentur, dixeruntq; se agnoscere hoc Imperium à Deo esse ordinatum, nec fore felices qui illud euertere conarentur. Itaque fœdere icto cum Imperatore fidem & operam suam ei promittunt, militiamq; professi sub eius signis militarunt. Erant autem ferè ad viginti millia, ac Romanorum res deinceps tantum abest vt turbarent Gotthi, vt etiam quantum in eis fuit, auxerint. Cumq; Imperator pacatis rebus orientis ex Thracia in Italiam rediisset contra Eugeniũ & Arbogostum ducens exercitum, Gotthorum quoq; decem millia sibi adiungit, quorum magna ex parte, virtute & constantia Gallorum exercitus in illis angustiis bello difficillimo & valdè periculoso expugnati fuerunt. Stetissetq; integrum & inuiolatum illud pacis fœdus quod Theodosius magis necessariò, quàm optato consilio cum ea gente pepigerat, nisi Stiliconis artibus, à Gildone filiis Theodosii trucidatis, interuersum fuisset, & stipendia merita cum cômcatu eis dari solita denegata fuissent, vnde noui motus statim orti sunt. Nam iterum hac iniuria recenti Gotthi exasperati Thraciam superantes Pannoniæ interiora inuasērunt, de qua re luculentius dicere necesse erit. Iam enim Gotthorum erga Romanos & Romanorum erga Gotthos ita inflexi erant animi, vt Imperator Gratianus prætorianorum cohortem, ad custodiam propriæ salutis ex eis sibi adlegerit, qui honor & prærogatiua ab Europæis regibus hac nostra ætate solis po-

Virtute Gotthorum inter Alpes Theodosius victor.

Filijs Imperatoris trucidatur

Fidelitatis bonos Germanis habitus.

tissimum Germanis deferri solet. Quod autem & Theodosius eis plurimum filius sit & eorum viribus opera non poenitenda peregerit, inde apparet, quod Stilico cum esset stirpis Sarmaticæ, dux magni nominis præcipuos honores apud ipsum consecutus est, ita ut præcipuus dux belli ab eo sit designatus, penes quem summam rei totius esse voluerit. Quin & illud quod supra de præsidiis ad Albim sylvasq; Hercynias dispositis, ad defendendos limites contra Sarmaticas gentes diximus, eius instinctu eiusque consilio factum fuisse prædicatur. Nouerat enim Stilico mores gentis, cum & ipse esset eorum conterraneus & popularis, & ne quid à milite contra disciplinam militarem designaretur, ipsemet legiones quæ ab eo dispositæ erant obequitabat, in præuaricatoresque edictorum à se latorum grauitè animaduertebat.

Compendium Chronologicum historiae rerum Sarmatarum à Valentiniano ad Theodosium, per annos circiter triginta.

Anno 362. Imperator Gallus, ut existimo, qui ad orientem electus erat, Sarmatas, & Quados superat, illisque Zizam vel Dziezam, ut Polonicè loquamur, præfecit.

Anno 363. Honoratius primus, Constantinopolitanus Imperator Sarmatas rebelles fertur domuisse. Amianus libro 19. Ego existimo intelligendum hoc de illis Sarmatis, qui Pannonias occupant, non de vniuersa gente. Hoc enim circumstantiæ nequaquam patiuntur. Nam quantum negotii Valentiniano, ipsi postea dederint, mox annotabimus.

Anno 367. Hunni vastata Alanorum regione Gotthos aggrediuntur. Amianus lib. 22. 23. 24. Habebant ergo tum Gotthi à tergo & à fronte hostes, & quidem potētissimos, hinc Romanos inde Hunnos. Nō est igitur mirum eos ab aduersa fortuna indignis tractatos.

Anno 368. Ermanarichus Gotthorum rex potentissimus, ille quem Alexandro Magno comparat Iornandes. Hic 20. ferè nationes subiugarat, in quibus & Germanos numerat idem autor. Et existimo Hunnos, ubi audirent de successu aduersarii, inuidia incitatos eius patriam à tergo aggressos esse & vastasse.

Anno 370. Vandali nostri æmulati hanc Gotthorum suorum cognatorum laudem, etiam ipsi ad ripas Rheni confederunt, qui postea Burgundiones dicti. Nominat Ptolomæus inter Venedicas gentes Phrugundiones à Septentrionali ripa Istulæ. Isti itaque qui

que qui ad Rhenum confederunt, hac de causa & Vandali & Burgundiones dicti sunt. Crantius autor.

Anno 371. Gotthi Istrum transeuntes Thraciam peruastrunt. Tripartita historia & Amianus libro 31.

Anno 378. Sarmatae Pannoniam vastant. Et hoc tempore Valentinianus prae iracundia mortuus, ut supra narratum est: eodem anno Ermanarichus rex Gotthorum nobilissimus à duobus nebulonibus interfectus, Bomfinius autor.

Anno 380. Hunni iterum Gotthos aggressi patriam eorum occuparunt, ita ut coacti sint novas sedes trans Danubium à Valente Imperatore in Pannonia petere. Orosius lib. 7. cap. 31. Tripart. histor. lib. 8. capite 12. Hoc tempore Thorismundus Ostrogotthorum, Atanarichus Visogotthorum rex vixit.

Anno 381. Gotthi ob auaritiam Maximi annonae praefecti, fame coacti rebellant, Thraciam, Thessaliam, Epaurum vastant. Iornandes, Diaconus, Orosius.

Dion historicus de Diurpaneo illo Gotthorum rege dicit, quod cum à Romanis interrogaretur, cur foedera cum Traiano iniuria violarit, respondisse fertur: Quia auaros mitterent praefectos. Eandem causam rebellionis Gotthi optimè poterant reddere Valentiniano. Non enim amplius ferentes Maximini annonae praefecti auaritiam, ad extrema remedia confugerunt.

Anno 382. Vandali sedibus suis relictis terras alienas inuadere coeperunt, rege Modigilo, qui eis triginta annis praefuit.

Anno 383. Longobardi ex Scandia insula Oceani septemtrionalis egressi Vandalos qui remanserant duce Iborea & Alone vicerunt. Prosper in Chronico. Non Roxolani ergò in Vandalorum sedes successerunt, ut quidam volunt, sed citius Longobardi, (si vera dicit Prosper.) Apparet & ex hoc loco, non ita ex his regionibus Vandalos populariter egressos fuisse ante aliquot annos, ut ex eis ne vnus homuncio in patria tum remaneret. Quidam enim affirmant Roxolanos Vandalorum vacuas sedes occupasse discedentibus ipsis in Hispanias, sed falsò.

Anno 384. Theodosius Gotthos multis praeliis superat, & ex Thracia pellit, cum Athanaricho eorum rege foedus icit. Blondus decade prima lib. 9. Is Athanarichus Constantinopolim venit, ibique post paucos dies moritur.

Anno 398. Gotthi sine rege sub imperio Romano stipendia faciunt annis octodecim, post Athanarichi mortem. Commemoratur hic illud Theodosii praelium in angustiis Alpium, quando miraculosè ventus excitatus in faciem hostium puluerem impulit, atque

Responsum Diurpanei Traiano.

Theodosii praelium in angustiis Alpium.

lit, atque ita viam ad victoriam Theodosio patefecit. Laudatur ibi virtus Gotthorum. Ac de hoc bello Poëta Claudius:

Omniū dilectē Deo cui militat æther

Et coniurati veniunt ad classica venti.

Gotthorum tunc erāt decem millia in exercitu Theodosi, in quorum vexillo depingere iusserat Imperator istas literas, X. P. Σ. quæ significant nomen Christi. Accidit hæc victoria miraculosa ante annos 1181. Septemb. 17. die, anno Imperii Theodosii 17.

DE GOTTHIS ET EORVM REPVBLICA.

Homeri et Gotthorum comparatio eadem.

Getæ unde dicti.

Gotthorum gens quia fama rerum gestarum alias nationes non paucas supergreditur, & prima omnium cunctarum gentium ulta est & vindicata iniuriam aduersus Romanos, & vtrumq; Imperiū, videlicet, orientale & occidentale debellauit, Romam aliquoties cœpit, vastauit, in thronoq; Imperiali prima sedit, Valentem viuum igne combussit, Decium aquis submersit, filium sagitta traiecit, interfecit, & alia infinita patrauit, ideo multę nationes eam sibi vendicāt, sicut & Vandalos, ppterq; rerum amplitudinem ab vtraque gente gestarum & stupendos ausus, eos sibi tanquam consanguineos adiungunt. Eoque res denegit vt sicuti olim duodecim vrbes Græciæ inuicem rixabantur & iure contendebant singulę, sigillatim sibi Homerum vendicantes, quælibetq; earum apud se natum fuisse iactitabat, propter famam celebrem diuini vatis. Simili modo Vandalos Gotthosque multę nunc nationes tanquam suam progeniem sibi appropriant propter famam nominis & magnitudinem rerum gestarum, quas ante mille annos vtrique isti populi ab vna stirpe & vna gente, ediderunt. Quapropter operæpretium me facturum putauī, si de eorum origine & rebus gestis ex professo tractationem instituerem, eorumque hystoriam magna ex parte deprauatam extricarem, & in apertum producerem. Iam quidem complura sparsim de eis à nobis dicta sunt, sed tamen si rem in pauca conferam, vtile erit lectori. Tradit autem Helias Spartianus, & rerum gestarum series indicat, Getas & Gotthos vnā gētem fuisse. Antiquiorem tamen appellationem Getarum esse quā Gotthorum constat. Et appellatio videtur ex re ipsa sumpta. Nam γελτω Græcis vicinum significat. Ideo celebriorum fluminum & aliorum locorum vicini aut potius incolæ Getæ vocabantur. Nam qui ad flumen Tyram Sarmatæ habitabant, Tirigeræ vocabantur, qui ad Tibiscum Tisigeræ, qui ad montes Moschinos Massagetæ seu Samogetæ, qui ad flumen Istrum

men Istrum Istrogetæ, vnde Ostrogotthos vel Ostgotthos postea dictos esse puto ab eo, quod ad ostia Istri seu Danubii inhabitabant. Et Ptolomæus iam Arfigetas iam Gyngiuonenes, vbi nunc Polonia est, ponit. Qui verò vltra Istrum habitabant propinquiores Græciæ Gitonas absolutè vocat. Inde factum reor vt postea Getarum nomen obtinuerint. Ne quis autem hos Sarmatas fuisse ex eorumque stirpe originem suam ducere dubitet Ptolomæum consulat. Is certè lib. 3. cap. 10. Tyrfigetas Sauromatas expressè appellat. Non desunt qui etiam Ostrogotthos ab vrbe nobili in Volinia Ostrog dicta, patria ducum Ostrouiorum cognominatos esse putent, indeque illas gentes oriundas & postea progressas affirmant. Sed illi forsan ad Alanos potius veteri more referuntur. Quæ omnia si in vnum conseras, ad eundem sensum, & vocis significatum de quo iam diximus, & nomen Getarum nos ducit. Regia autem vel metropolis Getarum quæ fuerit, non ita facile est colligere, credibile tamen est eā quam Zarungetussam vocant fuisse. Zarum enim lingua Heneta principem vocat, Getussæ autem nomen gentem illam Getarum indicat. Sed illud est dignum consideratione, quod cum appellationes Tyrigetarum Tisfigetarum inueniamus, quo autem cognomine in vniuersum eorum patriam vocemus non ita liquet. Nam vbi Germani habitant Germaniā vocamus, vbi Galli Galliam, Gotthiæ autem nomen non ita frequens imò insolens reperitur: Causam eius rei nullam aliam reperiō, nisi quod in vniuersum Sarmatiæ nomine istæ prouinciæ omnes appellabantur. Quando autem & quibusnam occasionibus vox Getarum in nomen Gotthorum cōmutata sit, superiùs dum Theodosii tempora prosequeremur diximus. Nam illo tempore quando ex bonis gentibus mali Christiani facti fuerunt, sacramentoque baptismi ab Episcopis initiati, existimo istam permutationem vocum factam fuisse, Germanis ad eam rem ansam præbentibus, qui iam tum Getis admixti communem causam contra Romanos defendebant, iunctisque viribus non modo iugum eorum excutere, sed etiam par pari reddere satagebant. Gotth enim & bonum & Deum significat, qui autem lauacro baptismi irrigantur sacrisque initiantur iam quasi diuini facti videntur. Alii verò eos fataliter Gotthos vocatos arbitrantur, quod instar flagelli Dei Romanis fuerunt. Itaque historici inflexo nonnihil vocabulo ad sonum & dialectum germanicam pro Getis paulatim Gotthos appellare cœperunt. Erant enim reuera Romanis eorumque prouinciis flagellum durissimum, ita vt contuso & fracto eorum Imperio vrbi non pepercerint, imò deuastata & propemodum dele-

*Ostrogotthi.**Ostrog arx sedes ducis Easi ly in Volinia.**Regia Getarū.**Zarungetussa
vbi Dacie in
Ptolomeo.**Ex Gotthis
Ge
tæ quando.*

R ta, etiam

Mos Romanorum in commutandis nominibus urbium.

ta, etiam nomen ipsum Romæ Adulphus filius Alarici abolere & in Gotthicum conuertere commutareque decreuerit, nisi vxoris intercessione crebrisque & demissis obsecrationibus Deus institutum eius auertisset. Hoc verò facinus exemplo Romanorum ipsum facere volebat, qui hunc morem habebant, ut deleta regno aliquo & in prouinciam redacto etiam veteres appellationes abolerent, & antiquarent, nouas verò e sua lingua tribuerent. Hinc est quod in Ptolomæo ægrè inueniuntur cognomina prisca tam in descriptione Pannoniæ, quàm etiam Mysiæ vtriusque. Ideo nata sunt cognomina in Hungaria, Corona, Alba regalis, Prætoria, Augusta &c. Et in Germania Colonia Agrippina, Augusta, Argenti-na, Basilea, Spira, Aquisgranum & alia infinita huiusmodi. Liberum enim eis hoc erat, semel Germania in suam potestatem redacta & subiugata auita nomina pro libidine abolere & quadrata rotundis miscere. Generatim de Gotthis iam aliquid diximus, ne quid tamen sicco pede transisse videamur, neue quispiam nos aliquid lectorem celare voluisse opinetur, methodicè rem eandem ex probatissimis autoribus trademus.

De nomine Getarum caput primum.

Ab etymo cognominum non semper valent argumenta.

De nomine Getarum iam supra diximus. Addam tamen rem dignam notatu de nominibus istis ex Dione historico qui sic dicit. Porro eam gentem Dacos appello nam ita se ipsi nominant, eodem nomine à Romanis appellantur. Etsi non ignoro eos à quibusdam Græcis Getas esse dictos, quod an rectè factum sit, nescio. Helius Spartianus, Dion, Orosius, Iornandes, & alii Getas Gothos esse dicunt. Sumunt alii encomia suarum gentium, Saxonas à Sais deriuando, & Dacos à Dais, quarum gentium laudes ex Xenophonte libro 5. in Pædia Cyri recitantur. Sed perpusilla admodum accessio laudum inde petitur. Nam si tanta vis est argumenti ab etymo vocis, possent etiam Dani à tribu Dan Iudæorum deriuari. Possent & Poloni à Pelek illo patriarcha, abnepote Noë deriuari, aut ab Apoloniis, aut etiam à Palaco illo rege, qui ante tempora Christi vixit, & cum Mithridate conflixit. De qua re superius ex Strabone nonnulla allata sunt.

De origine Gotthorum, caput secundum.

De origine Gotthorum duæ sunt sententiæ authorum. Alii eos ex Scandia nauibus profectos & ad Istulæ flumen delatos esse affirmant, interque Vandalos vi & armis sedes sibi parasse. Alii à Meothide palude profectos ad Istrum & Danubium confedissee memoria prod. derunt: sed siue hoc siue illo modo de illis sentiamus, vtraque

traque ratione Sarmatę erunt. Nam & Scandia & alii insulares populi septemtrionem versus à Sarmatarū iure secerni non possunt. Siquidem in Sarmatico mari illę insulę innatant, & vltra Istulam exporriguntur. Magis tamen consentaneum esse videtur, eos ex Asia sicut & alias omnes gentes occidentales, colonias post illam diuisionem gentium deduxisse. Nam quod Iornandes eos ex Scandia venisse cum rege Beria affirmat, hoc iam superius est confutatum libro 3. nec potest cum Chronologica ratione consistere, & à Biblica veritate alienum est, quin & sibi ipsi hac in re contrarius est, aut principium eius adulteratum est, cuius rei supra mentio facta est.

In quas gentes propriè diuidantur Gotthi.

Alii vocantur Ostrogotthi, alii Visogotthi, alii Gepidę, alii Daces Tirangitę, alii Gitones, alii simpliciter Getę vel Gotthi. Ostrogotthorum nomen Gothos indicat, & etymon vocis respicit cognomen Istri. Ergo Ostrogotthos dicemus Gotthos illos ad Istrum habitantes, id est orientales. Nam & Ister ipse ad orientem vergit, vbi in Euxinum mare illabitur. Quapropter quod Auentinus de Osterfze meer, & de Vuelterfze meer, id est orientali & occidentali mari tradit prætereo. Alii Visogotthos dictos putant à fest Goth, quasi ipsissimos Gotthos, quod ab iis alii vt à patribus procefferint. Visogotthos Iornandes vocat Gotthos, qui occidentem spectant, hoc est, qui ad Vistulam manebant. Nam & Vistula è Sarmaticis montibus exurgens, vt Iornandes tradit, in Sarmaticum Oceanum sese abscondit, occidentem versus. Vocat autem Iornandes apertè Vestgotthos parentes Ostrogotthorum: Gepidarum nomen significat Gotthos, qui ad Visclam manebant (nostri illud flumen vocant Vislok,) vbi nunc Scepusium est. Et etymon vocis Iepida, exponit Iornandes pigrum, Iepanda enim Geticè significat tardum ingenio. Quoniam igitur isti tardioris ingenii reputabantur, ideo eos afficiebant cognomine hoc Gepidarum. Daces à latinis sic Gotthi appellabantur, sicuti à Gręcis Getę, à Germanis Gotthini: inde flumen Gutallus à Plinio vocatur, quod per eorum ditionem permeat, & apud illos oritur. Tyrangitę, Tisigetę à fluminibus accolę Gotthorum appellantur. Qui ad Tyram habitabant Tyrangitę, qui verò ad Tisam Tisigete, qui ad Raban, vbi est Bochna Arsigetę, quin & Tanaitę à Ptolomęo ad Tanaim ponuntur. Piengitas eosdem puto à Ptolomęo vocari, quos modo Gepidas diximus. Post quos Biesi, à quibus hactenus montes Biesczadi vocantur. Procopius vsque adeo dilatat

Ostrogotthorum nomen.

Visogotthorum nomen.

Gepidarum nomen.

nomen Gotthorum vt etiam Alanos & Elios homines nostræ linguæ Gotthinos vocet, & hos vnius stirpis fuisse prædicat, vt verè Gotthia idem ei sit quod Sarmatia, sicuti rursus Sarmatia pro Gotthia non rarò accipitur.

De stationibus Gotthorum, caput quartum.

Post illam diuisionem gentium primam stationem eorum fuisse ad Mæothidem & ad montes Sarmaticos tradunt, secundam in Thracia, tertiam in Pannonia, quartam in Italia, quintam in Hispania, postquam expulsi erant ex Italia opera Bellisarii, & vltima vice Narsetis Eunuchi. Nobilissimi erant isti duo duces Imperatoris Iustiniani. Ostrogotthorum sedes fuit Zarmigetussa, & Thomos vrbs ad Istrum, Peucen Insula Istri, qua de causâ Ostrogotthi dicti sunt. Regiones illas, vbi colabant agros Getæ Besarabiam à duce vocant nostra ætate. Et quanquam illas legiones Italicas, quas Traianus in Daciam olim introduxerat, Aurelianus postea reduxit, tamen coloni & alii qui œconomiam iam auspicati erant istuc remanserunt, qui linguam Slauonicam corruperunt vsu linguæ latinæ introducto qua Valachi corruptè hætenus vtuntur. Visogotthos ad fontes Gutali suum domicilium primarium habuisse iudico, quam per vniuersam Sarmatiam sparsos fuisse Cosmographi annotant. Vbi est Gedanum Ptolomæus Gitonas ponit. Sicuti autem ad Istrum Sarmatæ & Getæ mixtim habitabant, vt ex Ouidio apertè liquet, ita etiam ad Istulam & Sarmaticos mōtes sparsim inter Sarmatas degebant, erantq; veluti prouincia ipsorum. Notum est vbi ponat Ptolomæus Sidorichias. Ibi eos metalla effodisse Cornelius Tacitus testatur. In eadem sententia sunt & Neoterici scriptores, Eberstemus Tilemanus, & Carion ipse, qui disertè dicit, quòd Gotthi ad vtramque ripam Istulæ habitabant.

*Visogotthorum
sedes.*

De finibus et limite Gotthorum.

Limites minorum gentium, sicuti Gotthos, Ossos, Burios Ptolomæus sic vocat, difficilius est dignoscere ob nomadicam consuetudinem. Nam hodie hîc erant, & post aliquod tempus alio commigrabant. Sicuti de hoc genere vitæ nomadico Strabo dicit: Rebus inquit suis curribus impositis facillè cum pecore suo abeunt quo visum fuerit. Gotthorū tamen vtpote nobilioris gentis Strabo regionem sic describit: Latus autem Germaniæ meridionale Sueui tenent. Post hos Getarum regio arcta primo, quâ iuxta Austrinam parrem secundum Istrum protenditur, & è regione finium Hercyniæ syluæ partem montium ipsa quoque complectens. Deinde verius septentrionem dilatatur vsque ad Tyrigetæ. Et mox:

Hi Getæ

Hî Getæ ad vtramque partem Istri accolebant, &c. Ideo Iordan-
des plurimos sin⁹ maris Pontici & plurima flumina in illa eorum
regione fuisse commemorat. Similiter Cornelius Tacitus regio-
nem Visogothorum describens ait : Gotthini, Olsi, Burii terga
Marcomanorum Quadorum claudunt. Omnesque hi populi pau-
ca campestria, cæterum saltus & vertices montium iugumq; inse-
derunt. Dirimit enim scinditq; Sucuiam continuum montium iu-
gum, vltra quod plurimæ gentes, ex quibus Ligii &c. Guthones
quo magis pudeat & ferrum effodiunt. Similiter & Orosius de iis.
Ex quibus descriptionibus liquet, Gotthorum seu Getarum, vt
Strabo ipse ista nomina coequat, fines incipi à limitib. Sueuorum.
Sueuorum autem sedes indicat fluuii nomen Sueu⁹, qui nunc Spre
a à quibusdam scriptoribus Germanicis vocatur. Sed veterum
sententia magis placet, Albim versus Sueuos habitasse. Ideo recti-
us ille amnis qui prope Calusium flumen est Sueuus vocatur, hoc
est inter Albim & Viadrum, Cimbricū Chersonesum versus. Hunc
Plinius Gutalum vocat à Gotthis, qui sedes suas isthac tenebant,
& extendebantur vsque ad montes Sarmaticos, ex quibus hic quo-
que Gutalus oritur, & tandem montes Sarmaticos infederāt, non-
nihil in campestria descendentes Cracouiam & Niepolomiciam
versus. Nam illæ syluæ Niepolomicianæ etiam Hercyniæ vocan-
tur à Ptolomæo. Ideo Strabo dicit: E regione, inquit finium Her-
cyniæ syluæ, ac ita demum omnes montes Daciam versus occupa-
rant, & tandem vsque ad Istri Ostia & Tyræ, vbique permixtim
cum Sarmatis habitantes, vt Strabo eodem à principio eiusdem li-
bri dicit. Et cogitanti mihi quæ causa sit, cur potissimum in Cra-
couienſi terra & apud Podgorios non eodem modo nobilitatis
nomina finiantur, nam alia in ski desinunt, & hos puto de stirpe
Vandalica originem ducere. Aliqua verò simpliciter, prout casus
fert, hos Gotthorum sanguine cretos intelligo. Nam tales potif-
simum hucusque sedes suas ad radices illorum montium tenent,
quorum nomina & catalogum per ordinem Alphabeti hîc placet
adiicere.

*Sueuorum se-
des.*

*Sylua Niepolo-
miciana.*

Strabo lib. 7.

*Fines Sueuici
contigui erant
cum finib. Got-
thorum.*

Series Gotthicorum nominum.

Bal	Kloſas	Tárlo
Barzy	Kula	Talaphus
Dembrodes		
Dersniak	Niemſta	
Ciolek	Czurylo	
Firley		Zarebá
Fredro	Plázá	
	R	3
		Frykacz

ANNALI VM POLO.

Frykacz Rozen

Fårurey Szary

Gám Rath Száfrániec

Gutthouie forsan & nomen ipsum à Gotthis habet.

Gárnifz Svvidvva

Hárinek Smolik

Hinek Strzala

Herboth

Iaxa

Iordan

Gutthorum fa-
milie in terra
Sedomiriensi
& Premisliensi
si sedes habet
suas.

Száfrach Got-
thius.

Bálta Gotthius

Hos omnes ex stirpe Gotthorum prodiisse, ut diximus, credibile est. Dembrodes significat gentis Debno progenitorem. Nam Debno signi eorum militaris est nomen. Rod vero seu rodzaj patria lingua significat genealogiam. Quod autem quidam hunc Dembrodem Scytham fuisse prædicant, inde factum esse reor, quod Getæ ipsi à plerisque per abusum Scythæ vocantur. Quomodo autem successu temporis Dembroti posteritas in Sedomiriensem terram veniens fidem Christi sub Chabrio suscepit & monasterium Calui montis fundarit postea dicitur. Szafarach etiam Gotthi strenui militis & ducis mentionem facit Iornandes ante mille annos. Hic cum Fritigero & Alateo Theodosio Cæsari se opponebat, & forsan ipsorum opera Valens Cæsar ille viuis igni combustus fuit & victoria gloriosa de eo parta. Fuit & Balta dux Gotthorum. Nescio si Barsonum gens & Balorum aliquid commune cum eis non habeant. Virtute certè militari, & togatis virtutibus nequaquam ab eis degeneravit Stanislaus Safranecius, qui modo agit summa cum laude Palatinum Sedomiriensem. Sed ad propositum redeamus.

De moribus et vestitu Gotthorum.

Gotthi non erant ea leuitate præditi, ut in gratiam Italorum, ubi tunc manserant mutarent patrium morem sese vestiendi. Nam & crinigeri & pelliti incedebant, de qua consuetudine eorum Claudianus Poëta ad eum modum:

Crinigeri ferè patres, pelliti Getarum

Curia, quos plagis decorat numerosa cicatrix,

Et tremulos regit hasta gradus, & nititur altis

Pro baculo contis, non exarmata senectus.

Apparet ex iisdem carminibus. Getas ad extremum vitæ hastis longis quibus gradum fulciebant usus fuisse, quibus quasi symbolis significare voluerunt, se ad ultimum halitum militiam profiteri, in eaque professione se mori velle. Ideo dicit Poëta non exarmata senectus.

seneatus. Hæc de vestitu senatorum. Militum verò cōsuetudinem ex Ouidio depinximus, qui eos vsos fuisse corito & arcu testatur. Scribit Tacitus Ostrogotthos equitatu potissimū valuisse. Et alibi inquit: Omnium harum gentium insigne rotunda scuta erant & breues gladii, quos nos schabla vocamus.

De lingua Gotthorum veterum caput sextum.

Cornelius Tacitus videtur Gotthis Gallicum sermonem tribuere, aut saltem accentu Gallico vsos fuisse. Non delint enim, qui ita Cornelium Tacitum exponendum putant. Et probant Gallos olim alio sermone vsos fuisse, quā nunc vtūtur. Et credibile est. Nam hunc qui est latino sermoni affinis, quo nunc vtuntur, Iulii Cæsaris temporib⁹ inuectum fuisse historiæ prædicant. Porro antiquos Gallos Græcis characteribus vsos fuisse ad tempora Caroli Magni, lingua autem Celtarum veterum locutos ostendunt auctores. Plinius cōmemorat aliquot voces Celticas ex quibus marcham equam vel equum vilem & valdè malum macilentumq; sonat. At istis qui sinistrè Cornelium exponunt opponimus tres auctores. Inprimis Strabonem, qui dicit getas cum Dacis *δορυχωτες* fuisse. Et Ouidium qui gloriatur se intra paucos annos didicisse Geticè Sarmaticèque loqui. Sed & Procopius de bello Vandalico statim ab initio libri, fatetur Gotthos, Vandalos & Melanclienos, quos nos Czern vocamus, eodem sermone vsos fuisse, vnamq; gentem fuisse, licet nominibus diuersis, cætero inquit conueniunt. Nam & albi sunt omnes corpore, flau: coma, proceri quoque & aspectu probo, legib. item eisdem vtūtur, similiter & Arrianæ omnes fidei, voce vna Gotthica appellata vtentes. Hæc Procopius apertè. Est autem testimonium istorum trium maioris faciendum quā aliorum complurium. Nam isti vt vocant oculati sunt testes. Ouidius inter Sarmatas & Getas mansit aliquot annis ibique mortuus est. Procopius castra Bellisarii secutus multoties cum eis conuersat⁹. Strabo etiam non procul à Gotthis natus fuit in regno Mithridatis. Meminerunt scriptores Orosius & Procopius aliquot nomina Gotthicorum, Radagisus Polonica lingua est, co rad byvva gosciom, id est hospitalis. Arbogostus, Dobrogostus, & consimilia. Sed non miror quosdam recentiores Germanicam linguam Gotthis tribuere. Nam dato vno inconuenienti alia inconuenientia sequuntur. Quia ab ea parte australi Istulæ, vbi est ipsa Polonia Germaniam fuisse affirmant, ideo ratione concomitantia compulsi G O T T H O S & Q V A D O S dixerunt fuisse Germanos. Quia autem Germanos fecerunt, necessariò tertium com-

Gallos olim alia lingua & alia scribendi forma nempe Græca vsos.

Getica Sarmatica; lingua eadem sunt.

Ouidius, Procopius, Strabonis testimonia veriora.

mentum

mentum eis affingere oportuit, ut eos lingua Germanica usos fuisse comminiscerentur. At Quados Sarmatas fuisse iam demonstratum est. Sed quia Regulis Sarmatarum post mortem patrum fors illa cesserat, itaque dominio distracto, ut fit, aliam Rempub. sibi erexerant, sed non aliam stirpe aut origine. Quod autem Iornandes ex Scandia ortos predicat, non videtur consentaneum. Nam mox idem veluti sibi contrarius ex Scythia Ouida ortos narrat. Affirmat autem Scythas Ouim vocare terram Scythicam. Et nescio an vox illa ovvczina inde non deriuetur, aut certe aurei velleris occultam significationem repræsentat. Gotthorum enim principes Anses & Amatae & Ouidæ dicebantur, eò quòd ad raptos aurei velleris suam originem referrèt. Et etiamnum Austriaci principes aureum vellus symbolo ouis repræsentant, quia stirpem originis suæ ad Gotthos referunt. Sed iam ordine reges inde à Syrmio recitemus. Vetusiores qui fuerunt ante & post bellum Troianum iam superius commemoravi.

amate.

Reges gentis Getarum.

SYRMVS rex, qui cum Alexandro Magno conflixit, Peucen insulæ rex nominatur. Ponit autem Ptolomæus populos Sarmaticos Peucinos ad montes Peucen Sarmatiæ, isthic alicubi ad montes Borysthenis. Nescio an nò Polocenses illi sint aut vbi est Smolensko. Nam πέννη pinum pinguem significat, nos Smolna vocam⁹. Prorsus autem Borysthenes alluit Smolensko, & inde oritur non procul, estque locus pinetosus. Et sunt vicina loca illa à quibus coloniæ deductæ sunt ad illam Insulam Peucen quæ est obiecta Istro. Fieri quoque potest, ut Paluki populi ab iisdem oriundi sint, cum Boruscis vicinis, & sicuti isthic insimul manserunt, ita postea progressi insimul in confinio confederint. Syrmia autem appellatio non remota derivatione cum Sarmatarum cognomine congruere videtur. Condiderat Syrmus Rex urbem nobilissimam Syrmium, vbi concilium illud Syrmienſe dictum, Nicæno contrarium ab Arrianis celebratum fuit.

DROMICHETES. Hic post Syrmum cum Lysimacho successore Alexandri dimicavit, eumque cum cepisset, absque redemptione dimisit, cuius beneficii memor, & habitandi facultatem in Mysia & Thracia ei concessit, utq; magis solida spes pacis in posterum inter eos fieret, filiam suam in matrimonium ei despondit. Pausanias narrat.

VAREESTVS. Hic temporibus Augusti cum Romanis bellum gessit. Meminit eius expresse Strabo. Bellorum autem ducis Flacci ex parte Romanorū ad Danubium Ovidius de Ponto meminit. Nam ibi tum quoque exulabat.

COTISON fuit rex Getarum, etiam temporibus Augusti tantæ opinionis, ut Augustus filiam suam Iuliam ei desponderet, & rursus eiusdem filiam in matrimonium sibi copularet. De hoc lege Suetonium in vita Augusti. Meminit & Horatius huius Cotisonis: occidit inquit, Daci Cotisonis agmen &c.

DZIURPANEVS quem alii Ducebalum vocant. Sedecim hic integros annos, incipiens à Domitiano vsque ad Traianum, produxit bellum cum Romanis. Idem aliquoties Romanorum maximos exercitus fudit. Fuscum consulem vnà cum legionibus trucidauit, & amplissimas victorias retulit, ita ut ab eo Domitius pacem redimere cogeretur. Donec tandem artibus Traiani Imperatoris & indefessa perseverantia superatus furori aduersæ fortunæ succubuit. Mirificè hîc laudatur à Dione.

De veteri Germania ad Pontum, Borysthenem et Tanaim.

Quanquam autem Dziurpaneus rex Dacorum vocetur, tamen & Getis imperitabat. Nam Getæ & Daces gētiles sibi erant. Hoc fundamēto posito non difficile erit inuestigare, Sarmaticę ne genti an Germanicę debeant adnumerari. Quod commemorare placuit propter quosdam recentiores qui secuti autorem supplementi Carionis, hîc ad Istrum & Borysthenem, quā patet littus Ponticum, ubi Getas & Dacos Ptolomæus ponit, Germaniam veterem sibi fingunt & imaginantur, ex qua Danos, Gotthos & alios Baltici maris accolas, itemque Mysios Saxonas oriundos, eosque Germanica lingua vsos etiam tum, firmiter asseuerant: quin etiam ad Constantinopolim & in Taurica etiamnum inueniri prouincias, ubi reliquię priscorum Gotthorum passim Germanicè loquantur. Et Transylvanos Germanos quos Siebenburger vocant, affirmant, eorum Gotthorum posteritatem esse. Hęc in nouo Carione aperte leguntur. Qui liber, quia est omnibus ob reconditam in eo eruditionem gratus, & ab omnib. passim manib⁹ territur, multis Germanis, Gallis, & aliis nationibus rem ita se habere persuadet. Res profecto ista magna est, & digna cognitione etiam maximorum virorum, qui Reipub. gubernationi præsunt. Nam huiusmodi disputatione non modo possessio & fines Sarmatię petuntur, sed etiam fama & res fortiter feliciterq; gestæ pro salute & incolumitate patrię ab vna gente in aliam transferuntur. Existimo igitur me rem dignam nobili Polono facturum, si hęc posteritati discussa enucleataque relinquam. Et si verum vetus illud dictum est, quod bona fama est alterum patrimonium, certè ubi hęc euicero, & propugnando declarauero, tam me promeritum gratiam

*Germani in
Transylvania
an sint Gottho-
rum reliquię.*

S apud pa-

*Petrus Carion
probabilius de
Transylvanis.*

apud patricos Polonos totamque Rempub. putabo, ac si pro finibus patriæ dimicando aliquid laude dignum patrassent. Inprimis ergo quod attinet Transylvanos Germanos, ex eorundem testimonio res sciri potest, qui interrogati de origine sua, de Gotthis nihil respondent, sed se Saxones dicunt, quemadmodum etiam ab Vngaris aliisque vicinis ita vocantur. Et si ingenium militare Gotthorum & mores, linguam, vestitum spectes, nihil in istis reperies, quod veteres Gotthos representet. Probabilior ergo prior editio Carionis, quæ sensit eos esse reliquias exercitus Caroli Magni. Et miror cur novus Carion à veteri Carione ea in re desciverit, sibi quæ ipsi non constet, præsertim cum non solus Carion, sed etiam cum eo complures de hac gente in ea sententia sint. Quod verò ad Tauricanos & alios accolæ Ponti attinet, ego quasi à plurimis nobilibus, qui legationes regis Poloniæ in Turciam obeunt, & ab Armenis Leopolitensibus, qui in illis regionibus continenter negotiantur, & illis isthuc omnia perinde nota sunt, atque in Polonia, an aliquid tale istis reperiant, sed nihil tale affirmant, quin potius fatentur tam in illis littoribus, quam in aula Turcici Imperatoris passim usum esse linguæ nostræ, quam Slauonicam vocari vix obtinuit. Et Polonitum illi & Alani ad Constantinopolim hætenus eadem lingua utuntur. Quare ista missa faciamus. Qui hæc veterem Germaniam temporibus Romanorum fuisse somniant, obliti sunt quod Cæsar ex professo commentarios suos scribendo, de rebusque Germanicis prolixè tractando, nullam mentionem Germaniæ alicuius facit: quod omnino prætermisurus non erat: si quidem iam illo tempore Getarum Sarmatarumque mentio celebris erat, & iam de finibus Istri cum eis contentio oriebatur. Secundò qui hæc Germaniam statuunt, prorsus limites Sarmatarum à fundamento conuellunt, & ea quæ Babylonii, Cyri, Darii, Alexander Magnus, Lyfimachus, Augustus & alii monarchæ de distinctione horum dominiorum decreverunt, & scriptis, signis, columnis, aris quæ consignata esse voluerunt, illi quantum in eis est irrita & cassa esse volunt. Præterea Ptolomæus ipse describens has regiones cum minima quæque excuteret, peculiariterque Sarmatiæ limites depingeret, nullam tamen huius veteris Germaniæ in istis oris mentionem facit. Sic & Strabo & Ovidius, sic & alii, qui eius tempora sunt secuti. Commemorantur quidem Alani, Corales, Getæ, Daces, Paziriacæ, Roxolani, Hunni, (nam & hi inter Sarmatas ponuntur) commemorantur Antæ, Massagetæ & Cimbri, quos Strabo inter Sarmatas ponit & alii, sed Germanorum hæc nulla fit metio. Nisi forte Bastarnas nobis obiciant, quos Germanos fuisse Strabonis sen-

Argumentum 1.

Argumentum 2.

*Argumentum
3. ab autoritate.*

bonis sententia cōfirmare volunt. Esto verò Bastarnas fuisse Ger-
 manos, at illi suam prouinciam vt inquilini possederūt, non vt he-
 redes. Arauerunt hīc agros, vaccas mulserunt, equorum greges pa-
 uerunt, aliaque œconomica administrarunt, sicuti & nunc Pede-
 montanæ regionis incolas, quos Podgorios vocamus, ingenium,
 mores, originem veterum Bastarnarum prorsus referre videmus.
 Et oras illas incolunt, vbi Ptolomæus Bastarnas ponit, & œcono-
 micissimum est genus, & lineamenta ingeniumque priscæ gentis
 referunt. Tribuitur autem hoc Bastarnis, quòd præ aliis gentibus
 œconomiam accuratiùs exerceant. Nam & Bastarnarum nomen
 idem quod Fest arnen innuere videtur, vt volunt Germanici scri-
 ptores. Sed quid sunt ista si conferantur cum iis, qui pomposo &
 sublimi orationis genere veterem nescio quam hīc Germaniam
 comminiscuntur? Aliud est coloniam aliquam ex Germanis huc
 deductis conficere, aliud Germaniæ fines vsq; ad ipsum Pontum
 proferre, ex Sarmatia Germaniam facere, & omnia confundere.
 Scriptores veteres & historici p̄ magno miraculo narrant, quòd
 tempore quodam, duce Brennone Græci viderint Celtas seu Ger-
 manos, sulcantes mare mediterraneum, Atheniensibus fortè con-
 tra Philippum suppetias laturus. Hæc inquam pro miraculo à ve-
 teribus narrantur. At sane miraculum nullum hīc esset, si iamdu-
 dum in vicinia cum Thracibus, Mysiis & Macedonibus hīc con-
 uixissent, & tempore longo eis immixti fuissent. Quod si autem
 ea ratione Germaniæ fines angusti videntur, si à capite Danubii ad
 Rheni profluentem & ostia in Germanicum cum Solino extēdat,
 rixari debent cum Romanis & Ptolomæo, ei que litem cum Bili-
 baldus consiliario Cæsareæ maiestatis intendere, quòd Germanis
 Germaniam tanquam iniquus regundorum finium magister acci-
 sam reddiderit, dum conuiuentibus oculis, Germaniæ Vltrarhe-
 nanæ Galliam versus, quam Belgicam Galliam vocant oblitus,
 tantum à ripa Rheni Germaniam respiciens extendit. Sed quod
 Germaniæ fecit, idem quoque Poloniæ facere non neglexit, dum
 Germaniam Istula tenus terminat, vt quantum ei à meridie Gal-
 liam versus amputauit, tantum ei à septemtrione in Sarmatiam in-
 tendendo cursum redderet. Sed de his rebus nolo esse prolixior,
 cum etiam lib. 2. sub finem mentio sit iniecta, vnde si quæ adhuc
 desiderantur, petet lector.

*Bastarnarum
gens.*

*Argumentum
4.*

*Bilibaldus in li-
bro de vocibus
regionum Ger-
manicæ.*

CANABVS. Is contra Aurelium Imperatorem mouerat bel-
 lum. Cumque Gotthi primi imperii fines inuasissent, à Romanis
 ultra Danubium erant reiecti, in quo prælio fusa esse quinq; mil-
 lia Gotthorum dicuntur, ipsumq; cæsum esse regem. Necessè au-

S

2

tem est,

*Ob inopiam
scriptorum
Sarmatis mul-
tum decedit.*

tem est, ut scriptoribus Romanis eorumque testimoniis nitamur, quandoquidem hæ gentes propriis historicis carent, quos si haberent, multa possent corrigi, quæ in historia latinorum desiderantur. Quid enim Græci præter fabulas de Sarmatia scripserunt? Romani verò quoniam ubiq; ferè propriæ laudi studuerunt, non tam gesta sua maximis extulerunt laudibus, quàm incommoda, quæ à Sarmatis, Getis & Vandalis acceperunt callidè suppresserunt.

ATANARICHVS: qui cum fratre Fritigero intestinum bellum gessit, & à fratre ope Romanorum auxiliorum, quæ impetraverat, superatus fuit. Quo fratrum dissidio audito, Hunni eos armis aggrediuntur, ambosque sedibus patriis pellunt. Confugiunt tandem ad Valentem Imperatorem, qui eis Mysiam cum Thracia attribuit, istucque eos commigrare facit. Paulò post irritatis utrinque animis bellum acerbum motum fuit. Constantinopolis ab eis obsessa, suburbia flammis absumpta, & ipse Imperator incendio conflagrauit, de qua re superius iam dictum est. Tandem Athanarichus cum de renouandis foederibus ageret, euocatus Constantinopolim, ibi moritur, ubi & sepultus est, multis eum desiderantibus & collachrymantibus.

*Exbeditis Ala-
rici in Italiam*

ALARICHVS. Hic se Theodosio in Italiam ducenti exercitum adiunxerat, præfectusque fuit copiis Gotthorum, quæ decem millibus constabant. Tandem confecto bello cum exercitum domum reduxisset, ob non soluta stipendia occupandi Pannoniam autor fuit, & deinde à Radagiso accersitus, cum exercitu qui bis centena millia armatorum continebat, in Italiam contendit. At cum magna pars exercitus illius ob rem à Radagiso malè administratam, virtute Stiliconis dissipatus & fame confectus esset, Alarichus reliquias militum in Pannoniâ reduxit, ubi postea à Gothis in regem electus est, & adiunctis Sarmatarum & Dacorum viribus denuo in Italiam expeditionem molitus est, ut posterioribus factis priorem ignominiam aboleret. Cumque iam fines Italiæ ingressus esset, cum Stilicone ingenio & viribus pariter decertavit. Et Stilico quidem, ut cum ab oppugnatione Romæ auerteret, ductare eum persuasionibus, & falsa spe maioris commodi coepit, utque in Gallos nouandis rebus studentes iret hortatur. Cuius ille simulat se consilio acquieturum, confestimque Gallias ingreditur, cumque iam ad Alpes peruenisset, quidam Iudæus Saul dux copiarum, instinctu Stiliconis in eum irruit magnoque detrimento eum affecit. Sed ille instaurato exercitu rursus superior euasit. Ac detecta fraude, cum didicisset à quo illa consilia consuta erant, dedit operam, ut artem arte vlcisceretur, illæque machinationes in caput auctoris

put auctoris reciderent. Itaque statim Honorio Imperatori persua-
det Stiliconem ambire imperium, olere regem, utq; sibi ab eo ca-
ueret & per literas & per legatos monet, indicatque eum omnino
de abrogando ei imperio, & ad se transferendis honoribus co-
gitare, hocque quibuscunque documentis potest ei probatum fa-
cit. Et quia suspicio ex media rei natura deprompta solet esse per-
suasibilis, maximè quando de summa rerum agitur, itaque iuueni
adhuc imbecilli iudicii, id quod vult facile persuadet. Nec potu-
it Honorius ulterius præstolari, ut inuestigaret, verane an confi-
ctæ essent illæ criminationes. Sed iubet, Stiliconem vnà cum filio
Eucherio interfici. Ita Gotthus perducto consilio eò quò vole-
bat, cum videret Italiam tanti nominis duce orbatam, erectus a-
nimo, sublati signis Romam liberè pergit, omiffaque Gallia cum
biennio urbem obsedisset, Calendis tandem Aprilis anno Christi
410, anno ab vrbe condita 1166. eam capit. Ita Roma cum esset
caput mundi dominaque orbis, corrui & mundi desiit esse caput.
Hanc cladem Sybillæ ante multa secula prædixerant. Quin & vul-
tutes illi 12. qui Romulo fundamenta urbis iacenti præteruolan-
do apparuerant veluti *τοπικῶς* hos mille & 200. annos, quibus du-
rauit, id est 12. centurias annorum innuisse videntur, ut Varro ex
sententia antiquitatis hoc mysterium exposuit. Hæc acta sunt ab
hinc anno 150. supra millesimum. Sequitur deinde est in vrbe, & mi-
les nihil omisit, quod fieri solet in tam lugubri & miserabili casu,
nisi quòd multitudini, quæ in Christiana templa confugerat, par-
sum est, præcipiente Alaricho. Nam Gotthi religionem Christia-
nam, quam semel amplexi erant semper reuerenter coluerunt. In-
ter prædam quæ ex templis thesaurisque publicis & priuatis con-
gesta erat, (fuit autem maxima) Placidia Galla, soror Imperato-
ris Arcadii & Honorii fuit, quam tandem filio Adulpho iuueni A-
larichus despôsavit. Nam Alarichus ipse iam senex erat: Post eum
successum rerum non quieuit Alarichus, sed prosecutus est victo-
riam, duxit exercitum ulterius, ut Italiam occuparet, peragratisq;
celebriorib. locis, Campaniam, Lucaniã, & Brutios, Sicilia quoq;
regnum depopulatus est, ac in vltima Italiæ ora, vnde & Hannibal
vale vltimum Italiæ dicens soluerat anchoram, mortuus est. Eo-
dem tempore tradunt quidam scriptores, extructam in Italia fu-
isse à gentib⁹ nostris urbem Asindonem, quanquam alii eam iam
antea destructam, à Sidonibus verò nostris paulò post sub Deside-
rio Longobardo restitutam tradunt. De hac gente Sidonum au-
tor Anius Italus diligens antiquitatum inuestigator, sic scribit li-
bro de antiquitatibus Ethruriæ: Sidones, inquit non procul à Vi-
stula fluuio

*Alij ad deuasta-
tionem quæ sub
Totila accidit
Sybillæ prognos-
ticon detor-
quent.*

*Vultures duo-
decim excidi-
um Romæ de-
notant.*

*Placidia capta
ab Alaricho.*

*Asidone seu
Cosæ vrbs in I
talia à Polo-
nis extructa.*

stula fluuiio Poloniæ ii vocantur quos nunc Polonos dicimus, quorum metropolim *CRAËOVIAM* idem influit fluuius Vistula, quem Visciani vocant. Hi victis Lógobardis Italiam occuparunt, & sub Desiderio Cossas reparantes seu Asidoniam prolatione sua Profidoniam dixerunt. Nomen Sidonum veterum in Polonia videtur hæsisse in illo territorio, vbi est Szidlovv & Szidlovvec oppida. Nam & nomen non longè degenerauit à prima nomenclatura Sidonum, & situs loci quem Ptolomæus ponit videtur conuenire cum situ istorum oppidorum.

*Gotthica &
Vandalica hi-
storia quomo-
do in harmoni-
am reducat.*

ADVLPHVS filius Alarici & nouus gener Imperatorum Honorii Archadiiq; rex creatus est & patri successit. Is Romam reduxit exercitum hoc consilio, vt eam deleret. Sic enim ei Daces Gotthique consulebant, sed tandem vxoris Placidia humilimis precibus placatus sententiam mutauit, ac potius inito foedere cum Honorio, in Gallias abiit, & inde in Hispaniam. Ibi cum Vandalos offendissent, quomodo se erga suos populos gesserint, & inuicem ab Italicis ducibus commissi quam horribiles conflictus fecerint, suo loco enarrabimus, cum ad illam metam perueniemus. Inde iam Chronologi Polonorum, historiam nostræ gentis texere incipiunt. Sub istud enim tempus Lechi & Czechi aduentus ad istas regiones cadit, vt docet Vapouius, D. Cromerus, & Boëmorum quoque scriptores. Et iam non sine quadam voluptate attentus lector oculos suos delectatione satiabit, cum seriem Gotthicorum & Vandalicorum regum cum serie Polonorum regum veluti ad confluentem duorum amplissimorum fluminum prospiciet in vnum coincidere, & tempora Lechi cum vltimis regib. Vandalorum coalescere. Res enim ipsa testabitur siue reges Gotthorum siue Vandalorum in frõtispicio regum Poloniæ in chronicis præponas, vtrumque mirifice quadrare, ac inuicem ita coalescere, vt postea ne vestigium cicatricis apparere possit. Cum enim vtræq; hæ gentes, hoc est tam Gotthi quam Vandali assueti essent aquam nostræ Vistulæ bibere, & pecora sua inde adaquare, certè tam de Gotthis quam de Vandalis nulla gens iustiùs potest gloriari præ ipsis Polonis. Vt etiam Iostus Decius idem, licet & ipse Germanus fuerit, fatetur. Redco ad hunc Adulphum regem Gotthicum, qui quam gratus gener fuerit affinibus Honorio & Arcadio exitus mox docebit. Nam cum Vandali & Gotthi vario ingenio de Hispaniæ possessione disceptarent, misit Honorius cum exercitu ducem quendam insignem Constantium Patricium Romanum, qui vt tantò fidelius & magis strenuè cõtra vtramq; gentem, Gotthorum inquam & Vandalorum rem administraret, benè eum sperare iussit

*Adulphi regis
historia conti-
nuatur.*

rare iussit, promissis oneravit, animoq; erexit, adiecta hac conditione, ut si Placidiam vindicaret ab illo mœsto matrimonio, famamq; reduceret, eam omnino se ei nuptum traditurum, quodque maius est, etiam consortem imperii effecturum. Pulchrum erat brabium, & dignum tanto athleta & etiam ipso agonotheta. Proinde Constantius ut voti compos fieret, summa diligentia & fide in illo negotio versabatur, præsertim cum ad eius institutum viâ ei fortuna patefecisset. Adulphus enim interea cum tres annos in Hispania degisset, interficitur, itaq; submotis Vandalis ex Narbonensi Gallia Placidia ei reddita fuit. Cum autem partim propter religionem Christianam, quam Gotthi sequebantur, partim propter cupiditatem adeundæ Hispaniæ inter Vandalos & Gotthos gravis contentio insurgeret, Constantius cum Gotthis simul amicitiam, seque cum eis sentire non obscurè significat, idque ob duas potissimum causas: tum quod Christiani essent & ipsi, tum quod metuebat si eos offendisset, ne recenti successu victoriarum in Italia partarum inflati, & gloria rerum gestarum bullientes, iterum patriæ maiora mala accumularent. Nec eum iudicium fefellit ut ex sequente historia patebit. Itaque Constantius ex animi sententia negotio confecto Romam reuersus utrunq; consecutus est, & ad gubernacula imperii admissus, & viduam Placidiam in uxorem duxit, ex qua tandem suscepit filium Valentinianum tertium. Vltimus hic fuit Imperator occidentis. Quanquam alii vltimum Augustulum esse volunt, quod ita in fatis erat, ut imperium quod virtute primi Augusti ab initio partum esset, hoc idem in Augustulo eius nominis vltimo desineret.

Aug. Julius vltimus occidentalis Imperator.

De Theodorico Gotthorum rege.

Theodoricus rex Gotthicus, qui Pannoniam possidebat missus à Zenone in Italiam quam tenuit annos triginta, cum adhuc adolescens esset fuit loco obsidis apud Martianum & Leonem. Ibi Romana disciplina institutus est, & postea ad paternum regnum remissus, foci⁹ Romani imperii fidelis fuit. Hic habuit tres filios, Walamir, Theodomir, & Widmir. Inter hos prim⁹ regnavit Walamir maximus natus, cumque Attilæ filios aliquot præliis superasset, ipse deinde in prælio, quod cum Suevis fecit, in ea regione, quæ nunc est Austria, periit. Deinde regnavit Theodomir. Hic pater Theodorici huius, quem nominamus Veronensem fuit, & victores Suevos & Alemanos è Pannonia depulit. Tertius frater Widemir duxit exercitum in Italiam, ibi mortuus est. Quia verò Theodoricus absente patre Sarmatas qui Gotthorum & Romanorum terras populati fuerant, repulerat, Zeno Imperator eum ad se vocat & facit eum

Walamir, Theodomir, Widmir.

Odoacer Rugi-
anus.

cit eum patricium & consulem. Ac misit eum in Italiam contra Odoacrum Rugianum. Potit⁹ Italia urbem Romam senatui regendam commendauit. Theodoricus habuit sororem vxoris suæ Amelfredam, quam despondit regi Vandalorū in Africa. Nondum enim ex vtrorumque animis necessitudinis priscæ, & amicitiaē vinculum prorsus exoleuerat. Habuit & filiam Amaloshutam.

De nominibus Amelfreda et Amaloshuta.

Id nomen fuit familiæ Theodorici, quæ sic à vellere Iasonis dicta est. Gotthi enim olim ex Colchica in Europam progressi fuerāt. Amalosunthæ autem nominis erymon esse volunt quasi Amalorum schônbeit. Hanc Theodoricus despondit Eutarico Widerici Hispanici regis filio, qui etiam ex familia Amalorum fuit. Sed recordandum est eorum quæ ex Iornande attulimus, quod illo seculo vsus obtinuerat apud Gotthos, nomina Germanorum sibi imponere.

THEODATVS regnavit duos annos post necatam Amalosuntham, auarus, insolens in rebus secundis, in aduersis timidus. Cū bellum ei inferret Iustinianus propter Amalosunthæ necem, initio trepidus Italiam se ei traditurum promissit. Sed cū in Illyrico dissipatus esset Iustiniani exercitus, elatus noua spe legatos Iustiniani retinet inclusos carceri.

VITIGES quartus rex Gotthorum regnavit annos quinque. Huius temporib. moles totius belli Gotthici Italiam attriuit, ad quam liberandam cum Bellisarius missus esset ab Imperatore, multa perseverantia & maximis conatib. adnixus est reprimere Gotthorum potētiā, sed exercitus Virigis cōstabat centum & quinquaginta millibus Gotthorum, robore & peritia rei militaris excellentium. Hi quodam tempore cū vidissent Bellisarii copias egressas ad spectanda hostium castra, contempta paucitate prælium cient, & quod cognoscebatur equus Bellisarii ex colore quod gilvus esset, & albo capite, Gotthi non ineptē iudicantes, duce interfecto facilem victoriam fore, itaque se cohortantur, ut quā primum conglobati impetu facto in vnum hunc irruerent: ac ubi emicando eis sese in conspectum obtulisset, sublato clamore hac voce Gotthici eum iam adesse insonant: Vala vala. Itaque omiffis ceteris in Belisarium solum tela coniiciunt, ac eum acius confectantur, lanceis ensibusque petunt, ita ut præseruidi animo iam cum comprehensuri erant, nisi armigerorum illius & satellitum opera, inprimisque veri Dei prouidentia liberatus fuisset.

Vala quid.

Narratio

*Narratio de quodam casu in ea obsidione, qui ostendit
lusum puerilem sepe ominosum esse.*

Dum hæc agerentur, bellumque acre indies inualesceret, res memoratu digna contigit. Samnites pueri nonnulli cum pec^o pastum educerent, per lusum, ut assolent, duos inter se deligunt corporis habitudine ac specie præstantiores, quorum alterum Belisarium vocitant, Vittigem alterum, & hos colluctari inuicem iubent. In ea colluctatione, qui Vittigis nomen fuerat sortitus, in terram victus prolabitur. Hunc statim puerilis illa & inconsideratior turba, illudendo simul & increpando, de proxima arbore suspendunt. Lupo deinde interueniente conspecto exterriti omnes fugam capessunt: qui verò suspensus pendebat, à cæteris destitutus interiit: Quibus de rebus certiores facti Samnites, pueros quidem missos fecere, sed ex his, quæ acciderant coniectando collegerunt, victorem omnino Belisarium fore. In hunc Vittigem adductum Constantipolim Iustinianus nihil asperè constituit, quia perfidia suorum captuserat. Ideo propter reuerentiam regii nominis fecit eum patricium.

TOTILA penultimus rex Gotthorum, regnavit annos 10. Res Gotthicas singulari virtute & felicitate rursus erexit, etsi tandem ipsius etiam fortuna conuersa est, sicut & Benedictus Abbas ei prædixerat inquiens: Multa mala facies, Romam ingredieris, 9. annis regnabis, decimo morieris. Ac flexisse eum Benedicti adhortatio dicitur, ut min^o crudelis in victoriis fuerit. Initiò ad Placentiam vicit Romanum exercitum duplo maiorem suo, insigni stratagemate. Cum intellexisset Iustinianus Gotthos iterum superiores viribus in Italia, secundo misit Belisarium, sed neque accedere ad urbem obsessam Belisarius potuit, nec exercitum parem habuit hostibus. Duravit illa obsessio Romæ biennium, simul & alibi multæ vrbes iam à Totila iam à Belisario alternante fortuna occupabantur. Placentiæ tanta fames inualuit, ut pater qui multos filios habebat, spectantib^o multis sese de ponte in Tybrim precipitem dederit videns filios petentes cibum se sequi. Maluerunt itaq; Romani Gotthos in urbem intromittere quam extrema incommoda pati. Gotthi ingressi urbem passim obuios interficiunt, direptiones, incendia ædificiorum spectantur. Iubet & Totilas muros dirui, totamque urbem deleri, sed Pelagius Pontifex cum demissè intercederet, Totilas, cædes, & incendia prohibuit, subinde tamen Romanos conuiciis incessit, prodicionem ipsis obiciens in seipsos & patriam, & quod à Gotthorum maximis viribus discedendo ad Græculos homines, qui ipsis præsidio esse neque-

T ant confu-

D. Benedicti prædictio.

Fames in obsidione grauissima.

Totila. expeditio contra Romanos formidabilis.

ant, confugerint, cum antea ex Græcia neminem in Italiam viderit aduentantem, qui eis auxilio esset, præter Tragædos & Mimos & Nauticos quosdam prædones. Ad quam exprobrationem nemo ex Romanis ausus est ei quicquam respondere. Et si autem fuit Roma ab Alarico & Genferico Vandalo capta & direpta, tamen ita miserè destructa non fuit, sicuti in tertia hac expugnatione. De qua etiam Sybilla prædixit. *Ῥώμη μὲν ῥύμνη ἐσθεται καὶ δ' ἄλλος ἄδ' ἄλλος.* Hæ poenæ erant sæuitiæ Romanorum aduersus Christianos. Acciderunt hæc anno Romæ 1296. Anno Christi 546, iam post finitum regnum Vandalorum in Africa. Anno ab Augusto 504. Anno post destructionem Carthaginis 700. De hac vastatione etiam Scipio ille incendium Charthaginis aspiciens ac illacrymans dixisse scribitur, Se cogitare simile fore aliquando excidium Romæ: & augurium duodecim vulturum in ea desolatione completum fuisse quidam tradunt.

TEIAS vltimus rex Gotthorum à Narsete victus. Eunuchus is fuit in aula Iustiniani, tãta verò induitria eius fuit, vt postea summus dux in Italia factus sit. In Campania vterq; exercitus confligit, vbi magno prælio ad Nucenam victi sunt Gotthi, posthacque vires Gotthorum planè collapsæ sunt. Teias ipse prælians interfectus est. Reliquiæ præsidiorum quæ Cumis erant, dimissæ quidem sunt, & vita concessa, ea tamen conditione adiecta, vt reliquiæ Gotthorum ex Italia discederent.

*De reliquijs Gotthicæ gentis post Vittigis captiui
abductionem.*

Iornandes cum descripsisset captiuitatem Vittigis regis Gotthorum, & quo pacto proditus à Belisario Constantinopolim perductus esset, tandem elegiam canens cum dolore intrinseco finem sermonis sui ita facit: Hucusque, inquit, Getarum origo, & Amalorum nobilitas, & virorum fortium facta, ac laudanda progenies laudabiliori principi hoc est Iustiniano Imperatori cessit. Narrat etiam reliquias Gotthorum in suas terras abiisse, agmina que illa vrsi signa in vexillo prætulisse. Idem narrat in quas regiones abierint gentes, dissipato exercitu. Mortuo Attyla, Gotthorum, inquit pars, Hunnorum terras in Pannonia occuparunt, Sarmatæ & Cemandri in Illyrico ad castrum Martenam sedes datas coluerunt: alios verò, quos iuniores Gotthos vocat, dicit cum suo Pontifice Valtzila Mœsiam petiuisse. Scyri quos Alamicam gentem facit, inferiorem Scythiam minorem & Mysiam petiuisse. In quib. locis & nunc ab iis qui Constantinopolim ire solent vi-
suntur. Mie-

*Scyri cum Got-
this.*

LIBER IIII.

147

suntur. Miechouiensis etiam Polonutios reliquias Gotthorum facit, quos in illis partibus hucusque ad suam ætatem permanere affirmat. Rugios verò etiam cum Gotthis rediisse dicit Scandropolim usque. Hæc vrbs forsàn ab insula Scandia dicta, ad ostia Istulæ, vbi quoq; vetus eorum domicilium fuisse dicitur. Ideo Rigam in Liuania urbem à Rugiis istis quidam dictam esse putant. Gotthorum verò partem post cômigrationem illam, nomen insularib. populis in Suecia dedisse non malè quidam opinatur. Nam veteres insulas libenter occupabant. Ac tantò magis credibile videtur, hos qui multum terris iactati & alto, multaq; perpessi, portum suorum malorum & quietem quærentes eò celsisse. Hæc historia de regibus Gotthorum ex Iornande allata est. Sed scriptor hic extremum actum & interitum regis Teiæ & cômigrationem Gotthorum ex Italia non est complexus. Nam historia eius finitur in Vitige. Procopius vterius progressus etiam Totilæ & Teiæ bella describit, & iter quod arripuerat illud agmen Gotthorum, quod mille viris constabat, non prætermisit describere, ad eum modum inquiring: Dum hæc agerentur, mille numero è castris abeuntes, Ticinum ad urbem locaque cætera huic circumiecta trans Padum fluuium agmine vno contendunt. Ex qua directione itineris credibilius est eos rediisse ad priscas sedes à septemtrione Istulam versus, vt ibi nouum regnum Lechi, de quo haud dubiè audiuerant, suo aduentu stabilius redderent. Nam illa via per Padum vsitatio est arripientibus iter in Poloniam. Et nescio si hic alicubi non hæserint, vbi est Chelmenensis prouincia, cum hæc nus hæc pars Poloniæ pro signo authentico insigne vrsi præferat, quo & Gotthi illi utebantur. Hoc eodem signo vrsi & Kiouenses hætenus vtuntur, & forsàn in vno comitatu tunc socii erant. De Hispanicis Gotthis, qui iamdudum antea post Vandalorum in Africam emigrationem in eorum sedes successerant, suis locis per occasiones in ea historia mentionem faciemus. Florebat enim & durabat eorum regnum usque ad Caroli Magni tempora, & vterius, recitanturque ferè 30. Gotthicæ stirpis reges in hac serie.

Rugij cum Gotthis abeunt.

Chelmense signum Vrsi.

Miramur autem scriptorem Italicum Carolum Sigonium virum eruditum, quòd cum historiam ordine per reges Romanorum ab inclinatione Imperii Romani texere incepisset, cur præteritis regibus Gotthorum nostrorum qui in Italia plus quàm 70. annis, ordine regnarunt, primique iniuriam totius orbis vlti sunt, cur inquam ab Albuino, & aliis Longobardis regibus inceperit historiam suam. Notum est autem primam inclinationem Romani imperii inceptam fuisse à Gotthis. Facile fuit victos vincere

T

2

Longobardis.

Lôgobardis. Adde quòd & hoc æuo nostro qui in reges Romanorum creantur ex eadem gente Gotthica de qua dicimus originem suam deriuant. Ideoq; signum aurei velleris p symbolo quodam gerunt, significantes se ab illis Gotthis lineam originis suæ ducere qui descendunt ab Amaleshutis, id est, raptorib. aurei velleris. Post expulsos enim Gotthos ex Italia, in Hispaniis ceteri longo post seculo vsque ad Caroli Magni tempora regnarunt, ad quos Hispani ac proinde & Austriaci originem suam referunt.

DE VANDALIS ET EORVM REPVBLICA.

REs à memoria hominum remotissimas commemoraturus sententiam tantum autorum aperiam, quam tamen præstat sequi quàm coniecturas & nouas opiniones fingere, præsertim cum illi autores quorum testimoniis nitimur, in ea causa rationibus & maxima verisimilitudine non destituantur.

*Magnitudo
gentis.*

*Phineas Va
res.*

*Herodotus
& alij autores
Henetos ex A-
sia venisse affir-
mant.*

Strabo lib. 7.

Gentes Vandalorum maximas fuisse non modo series historiarum, sed & numerus exercituum qui trecentorum millium fuisse narratur argumento esse potest. Vandalicę autem gentis conditorem Vandalum nepotem Noë affirmant fuisse. Commemorant & ex autore carminis Argonautici, quòd sub tempus expeditionis Argonautarum, hoc est ante Dauidem temporibus Samsonis, Phineas vates Tirijs floruerit inter Henetos, ad eosque anni definitionem eiusq; computandi rationem ex Tiro & Sidonijs, qui vicini erant Iudæorum, attulerit. Quod omnino verisimile est. Quia & Græci scriptores affirmant sub illud ipsum tempus, hoc est quando Cadm⁹ apud Phœnicas regnauit, ad Græcos fuisse characteres literarum ex Asia translatos. Adducunt & ex Homero, quod illi ipsi Heneti militabant in Troianorum bello, de qua re superius lib. 1. à nobis luculentiùs est tractatum, nunc summam rei tantum proponimus. Addunt etiam & confirmant eadem autoritate antiquitatis, hoc est, Herodoti, Vergilijs, Polibij, Iustini & aliorum, quod iidem ipsi populi post Troiam vastatam cum Antenore in Europam transuerint, repleuerintq; littus Adriaticum in Illyrico, unde & Henetum mare illud à quibusdam vocatur. Et postea quoq; multos alios eiusdem gentis homines subsequutos comitatoque fuisse varios duces in Europam, varijs causis eos impellentibus, Ex quibus memorant nostri Chronologi Alanum secundum. De hac cômigratione etiam & posteriores autores meminerunt. Narrat Cornelius Tacitus inter Borysthenem & Istrum gentes quasdam
vagas

vagas oberrare, Henetos intelligens. Plini⁹ etiam lib. 4. & 13. Vandalos Sarmatas vocat, & dicit eos ad Vistulam cum Scyris & Hyris populis habitasse suo tempore. Et Dion scribit Albim fluuium oriri ex montibus Vandalicis. Polybius etiam scribit suo æuo totum littus Adriaticum Venetias vocatum fuisse. Scribunt etiam Antiochi Hieracis temporib. Galatas occupasse in Asia patriam veterem Henetorum: Ptolomæus quoque libro 3. capite 5. iis verbis scribit: Habitant autem Sarmatarum maximæ gentes Venedæ per totum Venedicum sinum. Si igitur Vandali tum ibi habitarunt, etiam & Sorabi illi qui sunt ad Lubecum, cum vnam gentem statim ab initio fuisse Vandalos cum Sorabis, mores, cognatio, & lingua eadem indicet. Adde istis Ptolomæi sententiam & picturas, & montes Vandalicos & mare Vandalicum & populos Vandalicos, quos ibidem ferè ponit, ubi & Plinius, vltèrius versus septentrionem sedes eorum dilatans. Vistulam etiam veteres appellasse Vandalum testantur, affirmantque à flumine Vandalo fuisse appellatos. Et rursum flumen Vandalum à Regina Venda quæ se ad Cracouiam de ponte præcipitem dederat exoluendi voti causa, appellatum esse. Sed verisimilius est flumen à populis Venedicis fuisse appellatum, & non modo flumen ipsum, sed etiam illud mare & montes illius prouinciæ, eò quòd istic confederant. Venetos verò dictos ab illis Henetis Asiaticis qui huc commigrauerant, & ipsa cognatio appellationum & vocis similitudo indicat. Exigua enim mutatione, vsuq; recepta litera h. pro v. Venetos p Henetis appellare coeperunt. Et tandem à vicinis Germanis paulatim ad sonum linguæ Germanicæ voce, vt moris est, inflexa, pro Venetis vel Vandis, Vandali sunt nuncupati, Wandeln enim Germanicè est peregrinari. Istæ enim gentes sæpius vagatæ nouas sedes quærere solebant. Et certè res ipsa & verisimilitudo indicat, vtrumq; vocabulum tam Gotthorum quàm Vandalorù esse à Germanis ad eorum Grāmaticam deflexum. Nam Germanis sicuti ex Getis Gotthos, ita ex Venetis Vandalos facere non est difficile, nec violentum. In appellatione tamen sin⁹ Liuonii maris antiquum & incorruptum vocabulum permansit. Non enim Vandalicum Dialectico Germanica sed Venedicū sicut olim ita & nunc appellatur. Quod propter illos addendum putavi, qui differentiam quæritando inter Vinidas Venedosque, Vandalos hîc ad ostia Istulæ statuunt, Vinidas verò Mæothidem versus & pone montes Sarmaticos transferunt. Cum iuxta eorum ratiocinationem potius hîc Vinidas, vt vicinos Venedico mari & Vandalos istic Mæothidem versus ponere oportebat. Id verò faciunt propterea, vt se non dissentire à sen-

*A Getis Gotthi
à Venedis Van
dali sunt, vtra
que voce à Ger
manis detorta.*

sententia Iornandis, quam ipsimet adducunt, ea ratione testentur. Ita enim inquiunt, & istis verbis ex cunctis vetustioribus autoribus epilogum de origine & progressionibus Vandalorum illorū qui Romani & Romanas prouincias dilacerarunt elicere volunt: Facile, inquiunt, est deprehendere ex Iornande, Procopio & aliis scriptoribus quid de Vandalorum sedibus sentiendum, qui à Mæothide profecti versūs occidentem solem ad Viistulam in extrema ora Germaniæ confedisse & Germanos & Francos vexasse dicuntur. Deinde verò ad meliores sedes in Pannoniam indeque in Galliam, Hispaniam & denique Africam commigrasse. Hæc illi de patria & origine & progressionē Vandalorum tradiderunt. Et postea quasi obliti sui secumque pugnantes, tradunt Vandalos illos orbis debellatores Germanos fuisse, habitasseque ad sinum Venedicum. Quæ si vera sunt, quomodo à Mæothide superius prodisse eos astringunt? An verò Germani vnquam ad Mæothidem habitarunt? Aut qua de causa, cū essent Germani, gentiles suos tam crudeliter persecuti sunt? aut cur ad Venedicum sinum habitarunt, cū Istulam limitem Germaniæ ipsimet faciant? Cū igitur hæc sententia pugnet cum consensu historicorum, & sibi ipsi cōtraria sit, quærēda est nobis alia verior & solidior, quæ cum testimonio antiquitatis & traditione veterum, & circumstantiis rerum conueniat, & quæ non inuitē coalescere possit cum testimoniis classicorum autorum. Si igitur ex autoribus recitatis in vnum conferantur expendanturque ritē sententiæ, colliget lector quatuor locos celebriores illo seculo à Venedis inhabitatos fuisse: ad Pontum & Mæothidem, ad Istulam ad eiusque ostia, & Venedicum sinum, ad Albim, & ad Istrum quoque in Pannonia, vnde expeditionem illam pararunt in Hispanias. Et omnes istos Sarmatas fuisse, ex eademque stirpe originem ducere mihi nullum dubium remanet, nisi quòd illi Venedi & Vinidæ, prisca appellatione non vsq; adeò deprauata, isti verò vt Germanis viciniore, Vandali à Germanis appellabantur. Quod autem tam magna spacia compleuerint, vt ferè eosdem fines si non maiores, quàm Polonorū prouinciæ sunt, occuparint, nemini mirum esse debet. Ptolomæus enim eos describens, Maximam gentem Venetorum fuisse vocat, nec frustra. Ideo enim à Græcis Spori, id est sparsi vocantur. Nam sicut illæ insulæ, quæ Sporades dicuntur, ab eo quòd hinc inde sparsæ mare cōpleuerint, ita & huius gentis homines prouinciatim alii ad orientem alii ad occidentem hinc inde habitarunt. Ideo Procopius à Mæothide prodisse eos, Iornandes ponē montes Sarmaticos habitasse, Dion ad Vandalicos montes in Hermunduris cōfedissememoriae

Ptol. lib. 7.

memoriæ prodiderunt. Ptolomæus verò vsque ad sinus Venedici oras eorum fines protendit. Sed nescio sane vndenam hæc illi acceperint, qui scriptis prodiderunt, quòd Gotthi irati ob stipendia à Theodosio non soluta, relicta Thracia Pannoniam inuaserint, eamque Vandalorum manib. eripuerint, cum à Constantino Magno donatam hætenus possederint. Scio quæ ex Iornande adferuntur de Rege Gebericho Gottho, quòd Vandalos profligarit, cum ad paucitatem redacti, à Constantino Magno in Pannonia nouas sedes impetrassent, vnde postea in Hispaniam & Africam concesserint. Sed ista dum mecum reuoluo, incidi in illam historiam apud Eusebium de Sarmatis, quomodo temporibus eiusdem Constantini lacefsiti bello à Scythis seruos suos contra eos armarint, & tandem serui victoria potiti contra dominos suos arma sustulerint, ac sedibus propriis pepulerint, qui tandem necessitate compulsi ad Constantinum Christianum Imperatorem confugerunt: quos, inquit, tanquam saluandi gnarus omnes in Romanorum terram suscepit, & ex illis sibi idoneos milites collegit, &c. Et mox: alios ad colendum agros diuisit, ita vt calamitatem à seruis acceptam benè sibi cessisse confiterentur. De hoc inquam genere Sarmatarum mihi cogitanti, quinam fuerint, & per quam occasionem in gratiâ Imperatoris se insinuarint, res verissima apparuit eos Vandalos intelligendos esse, ad quos postea & Gotthi ex Thracia tanquam ad suos populares accesserunt, quiq; sicuti olim ad Pontum, ita & nunc cum iisdem littora Istri in Pannonia inhabitant. Tandemq; cunctis viribus suis reollectis, & ex vniuersa Sarmatia corrogatis auxiliis, & adiunctis Sueuorum vicinorum aliorumque Germanorum copiis, ex quorum re erat communem causam communibus auxiliis excutiendæ seruitutis gratia, cõtra Romanorum potentiam tutari, ex Pannonia soluentes anchoram bipartito agmine prouincias hostiles aggressi sunt: Gotthi, inquam in Italiam abierunt, Vandali verò in Gallias, Hispanias, & vsque in Africam peruaferunt, rursusque ex Africa Romam petierunt, cuius historiæ summam hîc quoque methodicè absq; longis ambagibus enarrare statui, sicuti de Gotthis quoque paulò superius feci.

Conciliatio auctorum.

Sarmate Caragmini dicti à Constantino excepti.

DE VANDALIS METHODICA TRACTATIO.

De origine Vandalorum et cognominis ratione, caput I.

Alii Vandalos à rege Tuisconum Vandalo deriuant, quem dicunt vixisse Altadis tempore, regis Babyloniorum, longè ante natalem domini, & isti hoc consilio id faciunt, vt progenitores nostrarum gentium

*Tres sententia
de origine Vene-
dorum.*

gentium in arbore consanguinitatis Germaniæ ponant, sic ut nos quibusdam conditionib⁹ & parentelæ ratione iuris sui faciant. Alii verò ut Orosius, à Gallis Venetos huc venisse affirmant. Sed verior est & solidioribus nititur fundamentis Virgilii sententia, qui vult dicere post bellum Troianum Antenorem cum Henetis profugisse, Achiuos per Illyricos sinus, ut supra meminimus, in qua sententia est & Plinius, & autorem eius rei grauissimum citat Catonem: Venetos inquit ille, à Troiāna stirpe ortos autor est Cato: verba Catonis sic se habent: Venetia est omnis ora circum finum maris post Histriam vsque ostia Padi. Et mox: Venetis cunctis prima origo Phaëtontea est, quæ Græcis occasionem mentiendi de Phaëtonte & Eridano præbuit. Posterius mixta his nobilis stirps Troiana à quibus Pataua suo conditore inclyta. Vixit autem Phaëton Iacobi & Esau temporibus 2102. annis ab orbe condito. Post quem Vandalus apud Tuiscones 160. annis regnasse dicitur. Omnia hæc sunt antiquissima situ & puluere obsita. Merito igitur dixi sententiam illam nobis sequendam esse, quæ nobilissimorum autorum nititur fundamento, videlicet Catonis, Virgilii, Strabonis, Iustini, Plinii & Sempronii, qui dicit, Venetias primò Phaëtotei postea Troiani eisdem mixti coluerunt. Fieri autem potest ut post illam cladem Heneti duces & alii veluti ex communi incendio sese eripientes in eas oras deuenerint, sicuti nostri historici Alanum secundum ex Asia stipatum cohortibus venisse in eas oras tradunt. Apertè autem Ptolomæus sic dicit: Tenent Sarmatiam Maximæ gentes Venedæ, per totum Venedicum finum. Huius rei nobis fidem facit etiamnum appellatio sinus Venedici maris ad Prussiam & ulterius. Iornandes verò Vandalorum sedes describens dicit per vniuersam regionem, ubi nunc colonia eorum est, sparsos fuisse. Ita enim Vandalia limites describit: Vandalis inquit ab oriente habent Gotthos, ab occidente Marcomanos, à septentrione Hermunduros, à meridie Istrum. Et alio in loco: Ad Vistulam flumen Vinidarum natio populosa confedit. Quorum nomina licet nunc per varias familias & loca mutantur, principaliter tamen Sclauini & Antes nominantur. Ne autem aliquis in nominibus Vandalorum, Vinidarum, Venedorum ludat, Proprius nobis suo testimonio luculento omnem scrupulum eximet, Gotthica inquit gentes multæ quidem, & aliæ prius fuere quàm nunc, omnium autem maximæ ac potissimæ Gotthi & Vandalis & Visigotthi, & Gepides, iam dudum & Sarmatæ & Melanchleni appellati. Sunt & qui Geticas gentes has vocent, quæ omnes nominibus quidem inter se differunt, cetera conueniunt. Nam & albi sunt omnes corpore,

*Cato, Plinius,
& Virgilius
de gente Veneda.*

Lib. 3. Cosmo.

*Plinius lib. 4.
cap. 13.*

omnes corpore, flauī coma, proceri quoque, & aspectu probō, legibus item eisdem vtuntur, similiter & Arrianæ omnes fidei &c. Plinius etiam Vandalos Sarmatas expressè vocat: quidam, inquit, hæc habitari ad Viſtulam vsque fluuium à Sarmatis, Venedis, Scyris & Hyris tradunt &c. Ideo Vandali fortiter lege Symmachiae cum Quadis contra Antonium Imperatorem in illa pugna dimicarunt, quæ accidit centum & aliquot annis post Christum natum. Quod si autem alicubi, remotè sub arctoa regione habitassent Sarmatæ, non video causam, quæ eos ad pugnam tam asperam impulisset cum Romanis.

De nominibus Vinidarum, Venedorum, et Vandalorum, et stationibus eorum, caput secundum.

Illa subtilis distinctio, in qua rima quæritur, vt elabantur contrarium sentientes, iam superius est à nobis discussa. Autores Græci & Latini diuersis vocalibus istarum gentium nomina exprimunt, consonantes tamen easdem retinent. Iornandes dicit Vefogothos, Procopius Visogothos. Quos Græci Getas vocant, Germani Gotthos, Plinius Gutones, Ptolomæus Gitones, alii Gutas: sicuti nunc alii Polakos, alii Polonos, alii Lechitas nostram gentem vocant. Sic & illo tempore alii Venetos, alii Vinidas nostram gentem vocarunt, Germani verò Vandalos. Quos Vendilos Procopius vocat, hos Iornandes Vandalos. Certum est tam Procopium quàm Iornandem de vna gente loqui. Nam eandem historiam texens illorum bellatorum Vandalorum, sedem eandem eis tribuit. Et quos à Mæothide progressos Procopius dicit, eosdem & Iornandes ad fontes Istulæ ponit. Puerile enim est cogitare in tanto exercitu trecentorum millium, tantum Cracouiense territorium fuisse & Sedomiriense. Haud dubiè ibi etiam à Mæothide & ab occidentali mari populi erant, vt de Alanis expressè annotatur, qui eis commilitarunt.

De progressionibus et stationibus Vandalorum, ac exercitus conscriptione, caput tertium.

Sicuti Vandali cum Quadis, Gotthis, lege Symmachiae steterunt multoties in acie, contra communes hostes: ita in illa maxima expeditione Vandalorum in regiones meridionales, haud dubiè etiam eædem nationes eos non deseruerunt. Et forsan hîc conscribatur exercitus ad Istulam, qui fuit transmissus ad illos qui iam Pannoniam antea per centum annos possederant. Prima igitur statio eorum fuit, hîc in Polonia, quò populi à Mæothide & mari Bal-

V tico ac-

*Vandali ad Al-
bim.*

tico accurrebant, alii spontè, alii fame pulsî, ut Procopius de Vin-
dilis à Mæothide procedentibus tradidit. Affirmat autem Al-
anos in vicinia Vandalorum habitasse. Secunda statio fuit in Pan-
nonia, unde soluentes in illas regiones contenderunt. Iam autem
ad Rhenum, illi Vandali quos & Burgiones Ptolomæus vocat, con-
federant antea, forsan ut veluti anteambulones sedem belli istic
eis in tempore præpararent. Tertia statio eorum fuit in Hispania,
unde per fretum Gaditanum cum lectissimis traiecerunt. Quarta
Charthagini in Africa, ubi regna opulentissima nacti nonnihil
quieuerant, de qua re inferius. De illis autem qui ad Albim sunt,
Vandalis, inquam, & Sorabis & Vultzis aliud est iudicium, illos
enim ego cum Borobista rege Gotthorum processisse puto circa
annum ab orbe condito 3870. quando contra hunc regem Got-
thorum tres reges Germanici coadunatis copiis conspirarant, vi-
delicet Cassander, Sicamber, Arathius Saxo Doringiorum Hamer.
Quamquam & ante aliquoties in mediam Germaniam progressos
fuisse Gotthos ante Iulii tempora ostendi. Et quia Vandali Got-
thi, Sarmatis Symmachia nexu semper deuincti erant, credibile
est eos illo tempore in illis regionibus hæsisse. Et nisi hoc conce-
datur non video quo pacto Dionis locus ille saluari possit, cum
dicit Albim oriri ex Vandalicis montibus. Dion autem vixit Seue-
ri tempore ante annos 1383. Sed de his superius iam dictum est &
forsan per occasionem adhuc dicetur.

De lingua Vandalorum caput quartum.

Vergilius decimo Aeneid. de suis Mantuanis sic canit :

*Mantua diues agri, sed non genus omnibus vnum,
Gens illi triplex, populi sub gente quaterni
Ipsa caput populis, vires de sanguine Thusco.*

Quod inquam Vergilius de sua patria dixit, hoc & mihi explican-
ti originem gentis Polonæ dicere licet. Nam sicuti illi triplices po-
puli in quarto, videlicet Mantuanorum consummantur, ita hic Van-
dali Gotthi & Quadi in Sarmatarum tanquam protopatorum no-
mine coaugmentantur. Quod Procopius ferè totidem verbis ex-
plicans sic inquit : Gotthicae gentes multæ quidem, & aliæ plures
fuere quàm nunc. Omnium autem maximæ Gotthi, Vandali, &
Visigotthi Gepidesq; iam dudum & Sarmatæ & Melanchlæni di-
cti. Quare hæc carmina Vergilii possent ad eos eo modo detor-
queri & accommodari.

*Lechiua diues agri, sed non genus omnibus vnum,
Gens illi triplex, populi sub gente quaterni
Ipsa (id est Sarmatia) caput populis, vires de sanguine Vandro.*

De Vandalorum consuetudinibus in bellis ducendis.

Vsitatum

Usitatum fuit Vandalis omnem spem victoriæ in campestri pugna locare. Ideo urbibus non delectabantur, exceptis fortioribus aliquot locis, reliquas munitiones diruebant. Hunc quasi ingentem morem à maioribus Vandalis, hodie quoque Poloni in usu habent, eumque speciosis verbis iactant. Quod institutum an laudandum sit, Vandalorum ipsorum exemplo cum essent in Africa patebit. Quam historiam malo Procopii verbis explicare: Gizerichus, inquit, post hæc ad Africæ statum conuersus, ciuitates omnes præter Charthaginem mœnibus nudauit, ut neque ipsi Afri Romanorum agentes prædas, haberent quò se reciperent, neque Romani si ab Imperatore in Africam mitterentur, discedentes, munitas præsidii relinquerent, negotium præterea Vandalis facerent. Quod quanquam benè ab initio succedere videretur, tempore tamen procedente Belisarius loca sic disincta & immunita paruo negotio cœpit: ex quo Gizerichus ridiculus est visus, qui quod optimum ei videbatur consilium, in stulticiam damnumque versum vidit. Sicuti autem in curulibus castris eorumque munitione Poloni nunc multum præsidii collocant: ita etiam olim. Nam quatuor menses Belisarius in castris abditos oppugnauit. Usque adeo ars castrorum metandorum antiquitus in ea gente floruit.

*Questio. An res
bes munitas mu-
nitas habere
sit utile?*

*Refutatio eorum quæ contra hanc sententiam
adferri possent, caput sextum.*

Sed quia de cognominum Vandalicorum vocibus iniecta est mentio, non alienum fuerit à re, si eorum rationem paulò plenius examinemus. Non enim desunt, qui probare conantur Vandalos illos Germanos fuisse origine, ex eo quòd duces & principes ipsorum nominibus Germanicis appellabantur. Quod genus ratiocinii an in se aliquam vim & efficaciam habeat dispiciendum venit. Inprimis autem negatur, illa nomina Vandalicorum ducum fuisse Germanica. Nam Genserici nomen prorsus idem est, quod Poloni vocant Gasiorek, ut iam dictum est, quanquam in huius appellatione variant. Nam alii Honorichum, alii Honorificum, secundum Procopium, vocant. Ideo vel ex hoc exemplo patet, in ea causa syllabis cognominum non esse usque adeò fidendum, Trasimundi nomen magis Græcum est, audaciâ insignem in duce designans. Thrasos enim audaciam significat. Sed largiamur reperiri inter eos quædam nomina Germanica, non tamen statim obtinebunt, quod volunt. Nomina enim Principibus viris ex occasionibus. nouis imponi nemini dubium est: vel ab euentibus, vel quia sic cognatis arridet, vel vicinis sese accommodando, vel quia apud com-

Nomina Vandalorum.

Sarmatæ peregrina nomina sibi imponebāt

Errores cosmographie Latinarum.

militiones suos hac re captant beneuolentiam. Sic nomen Theodati Imperatoris orientalis compositum est ex Græco & Latino, ut ea ratione exercitui qui potissimum ex Græcis & Romanis constabat commendabilior redderetur. Inter nomina regum Poloniæ varii generis nomina reperiuntur. Inuenias Italica, Gracchus Popilius seu Popiolus. Plurima Germanica, ut Henrich⁹, Lodouicus, Conradus &c. Euocantur etiam interdum extranei reges, qui secum & peregrina nomina inuhere solent. Sed ex Iornande hunc nodum dilucidè soluere placet, dicit enim hoc pacto: Nec quis dicat, hoc nomen à lingua Gotthica omnino peregrinum esse. Nemo est qui nesciat vlti plerumque nomina gentes amplecti, ut Romani Macedonum, Græci Romanorum, Sarmatæ Germanorum, Gotthiplerunq; Hunnorum. Ficulneum itaque argumentum est eorum, qui Vandalos Germanos ideo facere volunt, quòd pleraq; Germanorum cognomina inter eos reperiātur, cum hîc expresse dicat Iornandes tantum studium inter vtramque gentem, Germanos nimirum & Sarmatas fuisse, ut etiam Sarmatæ nomina Germanorum passim asumerent. Et ob hanc necessitudinem puto plerosque scriptores lapsos esse, quòd Vandalos Germanis connumerandos duxerunt, ut Plinius & Cornelius Tacitus. Plini⁹ quidem Vandalos inter Germanos ponere quodam in loco videtur. Cornelius autem Tacitus coætaneus eius dubitat, inter Germanos ne an Sarmatas eos reponere debeat. Autor autem Cario Plinii sententiam quæ fuerit explicans affirmat eum non de Vandalis loqui, qui ad Vandalum siue Istulam habitabant, sed de illis qui ad Albim & Vandalicos montes sedes habuerunt. Nam quia altercatio vetus fuit inter istas gentes de finibus, Sauromatis Vandalicos montes & Albim tanquam limitem suum defendentibus, Germanis contra resistentibus, itaq; possessoribus inter se discordib⁹, necesse est scriptores quoque discordes dubiosque fieri. Negari sane non potest veteres scriptores dum septemtrionales prouincias describere volunt, subinde errare. Nam idem Plinius Germanos inter Scythas connumerat, Iulius Cæsar in commentariis flumen in Germania Scaldam in Mosam dicit influere. Strabo Lupiam & Visurgim in Amasim deferri refert, sicut Pomponius Mela in Istrum Istulā influere affirmat. Ptolomæus ipse de ortu Borysthenis hallucinatur. Quin & de Istula secum dissentit. Nam in tabula Germaniæ ortum eius propè Danubium ponit. Itaque censeo non admodum esse fidendum passim in omnibus rebus scriptoribus antiquis. Et multi inter illos mentione facta vlttramontanarum regionum Germanos tantum velut vicinos & sibi magis notos intel-

notos intelligunt ceteros ignorant. Quin & nunc multos reperias inter Gallos, Italos, qui Polonos Germanos esse credunt. Imò in conciliis superioris ætatis Constantiensi inquam & Basiliensi, quoties autoritate quatuor nationum, videlicet Italicæ, Græcæ, Germanicæ, Polonicæ, patres illi aliquid decernere volunt, ferè semper Polonos cum Germanis coniungunt, & amborum suffragium pro vno reputant. Quare & illa Methodii epistola, in qua se Vandalì Germanos profitentur vel ficta est, vt alia pleraque eius generis, vel de Vandalis, in quorum exercitu Germani complures militare consueuerant, intelligenda. Nam sicuti nunc Poloni rarò militiam exercent absque Germanis, ita & olim, præsertim, cum communem causam tutabantur contra Romanos: vel per tropum catachriseos, ratione viciniæ, vt supra demonstratum est, exponenda. Hæc de autoritate Methodii & Papæ Gregorii. Sed quia rem cominus agunt, nobis quoque argumenta contra eos expedire liceat. Ptolomæus autem Venedos inter Sarmaticas gentes ponit, & in tabulis pingit, nec ad lacum Mysianum diuersos esse ab istis. At occidentiores Venedos insigniores fuisse celebrioresque orientilibus credibile est, & ideo inde exordium illius expeditionis magnæ factum fuisse testantur scriptores, quòd ibi regiam forsitan habere consueuerant, & comitia sua celebrare. Nam rebus florentibus in Græcia, ipsi etiam conferebant se ad Ponti ripas: rursus occidentem versus translato imperio ipsi quoque libentiùs ad confluenta Istulæ commorabantur. Imò successu temporis & regiam huc transtulerunt. Adde quod Iornandes sapius Slauos, Antas, Venedos, ex vna stirpe Venetorum, prodiisse, tria que nomina edidisse fatetur. Ergo non ex Germanis. Nec illa distinctione proficient, qua alios Venetos & Vinidas faciunt à Vandalis, cum hos Germanos fuisse, illos verò Sarmatas fateantur. Nam, si se ita res habet, tum declinando vnam plagam, alteram grauiorem accipient. Nimirum illos qui duce Genserico admiranda gesserunt, Germanos non fuisse, siquidem Vandalos in Germania collocant vltra Istulam: qui verò Romam vastarunt à Mæothide prodierunt, & Vinidæ Veneti que appellabantur non Vandali, & inde prodiisse dicuntur. Hæc aperte fatentur scriptores. Hic est finis litis, dum alterum extorquere voluerunt, vtrumque amiserunt. Commonstratum autem est à nobis, melius ea de re Crancium & Ireneum, qui Vinidas, Venetos, Vandas Vandalos vnam gentem fuisse docent, ac licet syllabarum accessionibus & detractionibus voces istæ differant, re tamen ipsa eas minimè differre tradunt, quod Iornandis autoritate comprobari potest. Vinidarum, inquit, natio

Methodij epistola.

Cur Sarmatæ Germanis admiscantur sepe

Autores qui nobiscum sentiunt.

populosa confedit, quorum nomina licet nunc per varias familias & loca mutantur, principaliter tamen Slaui & Antes nominantur. Ego existimo eum de hac mutatione & deriuatione nominis loqui, quod ab aliis Vandali Vindæ & Veneti tum vocabantur. Sic & nunc à Germanis hæc gentes partim Vindæ, partim Venden & Vinden vocantur. Nec modò istos qui ad Albim manent, ita vocant, sed etiam Illyricos incolas, ut Melius in Ptolomæum annotat. Quod propter eos addo, qui quasi obliti sui, fatentur quidem Slauos illos ad Albim à Germanis Vindas dici, sed excipiunt non esse hæreditarium nomen, sed prisca gentium Germanicarum, quarum sedes post Gregorium Magnum occuparint: idque usitato more aliis quoque gentibus, sicuti Czechi Boëmos se quoque appellari volunt, quod Boiorum sedes occuparunt. Fuerit autem ita ut ipsi volunt. At si non stirpis sed nationis nomen esse volunt, qua de causa ergo Slauos Illyrios, totamque illam oram Germani Vindas vocant, si illius regionis Germanicæ in Lusatia tantum nomen est, & non stirpis totius, quæ usque ad Venetos refertur? Mihi sanè usus cognominandi has gentes Vindas ad Germanos demanasse videtur ab illa consuetudine peruetustissimi illius seculi, quando Polybius vixit, qui fatetur omnes illos populos ad mare Adriaticum suo quo Venetos fuisse appellatos. Adde quod Germani non modò populos, sed linguam quoque nostram Vandalicam vocant. Quod si ita est, non ergo eo respectu Vindas suos vocant Vandalos, quod Vandalorum sedes occuparunt, & in eorum sedes successerint: Sed quod prognati ex Vandalis Vandalii, ipsa lingua patria & hæreditaria, Vandalica nimirum utantur. Nec temerè puto obrepisse illam consuetudinem Chronologis Polonis peruetustis, adcoque toti generi, ut se Poloni ipsi nect Vandalos esse gloriantur, cum ea res etiam ad sacra & templa ex traditione peruetusta peruaserit. Citat enim & allegat ad eam rem confirmandam non ineptè Miechouiensis peruetustam formulam orationis publicæ quæ antiquitus in templis huius regni in festo Alberti à sacerdote cantari solebat ad hunc modum: Benedic dominum regem cunctorum conuersa gens Vandalorum. Quod cum ita sit, mirum non est Polonos in defendendis antiquitatibus & prerogatiuis gentis suæ pertinaces esse, ut potè quæ non modò ex scriptis patrum accepta, sed etiam per manus tradita sunt. Malè igitur illi, qui ista in dubium vocant contra tot historicorum autoritates, non modò Græcorum, Latinorum, sed ipsorum Germanorum etiam, ac denique ipsarum ecclesiarum ac templorum authentica testimonia, quæ instar oraculorum habenda erant.

Decem nouem

Vinden appellant Germani non modò istos ad Albim, sed etiam Illyrios.

Autoritas ex ecclesiasticis monumentis.

*Decem et nouem argumenta confirmantia de Vandalis
veterem traditionem et auitam sententiam.*

Ea quæ prolixius narrantur, non ita à rudibus mente concipi possunt, ideo breuiter & distincte rem vniuersam comprehendemus. Refutauimus argumenta impugnantia traditionem patrum de origine Polonorum à Vandalis, nunc rursus argumenta, quæ pro affirmatiua propositione faciunt recitabimus.

PRIMUM argumentum sit ab autoritate scriptorum, quos in tres classes diuidemus: vetustiores primò, deinde recentiores, qui autem in media ætate floruerunt, in medio etiam collocabimus. Ex vetustioribus qui dilucidè de istis rebus scripserunt, est Ptolomæus qui dicit: Tenent autem Sarmatiam maximæ gentes Venedæ &c. Plinius verò: Quidam verò hæc habitari ad Vistulam fluuium à Sarmatis, Venedis, Scyris-Hyris tradunt. Ablauius historicus antiquus Gotthorum, ex quo Iornandes suam hausit historiam, dicit Gotthos in Vandalos impetum fecisse, eorumque sedes ad Vistulam occupasse. Mediæ ætatis scriptores sunt Iornandes & Procopius, cuius autoritates pagina superiore iam produximus, nec opus est iterum eadem repetere. Tertiæ ætatis recentiores autores sunt præcipuarum nationum, Italiæ, Hispaniæ, Germanorum, Boëmorum & Polonorum. Italus Anius Viterbiensis non ignauus antiquitatū indagator, multoties fatetur Vandalos esse Polonos. Sic & historia Hispanica cuius testimonium Micchouiensis citat in ipsa præfatione. Ex Germanis plurimum Carioni tribuo. Is multoties hoc idem fatetur, sed ex commentario in Cornelium Tacitum, verba eius producam: Equidem sum cuique iudicium permitto, inquit: sed tamen Ptolomæi descriptione moueor, & ipsa appellationis vetustate, vt Vandalos gentem Sarmaticā esse existimem, quos vocamus Venden. Et Funicius: Vandalorum gens quæ lingua Sclauonica vtitur, nominata est die Wenden, è quibus nunc multæ & maximæ gentes diuisæ sunt, Boëmi, Poloni, Sclauoni, Croatii &c. Et Melius enarrans Ptolomæi scripta, fatetur Germanos in vniuersum vocare gentes Slauonicas, die Wenden.

*Ablauius au-
tor historię
Gothicæ.*

SECUNDUM argumentum ducitur à nomenclaturis vetustis montium, fluminum, vrbiū, gentium, quod fortius argumentum esse volunt quàm autoritates historicorum. Montium item nomina huius postremæ ætatis, quæ in Ptolomæo reperiuntur: mimirum Carpatus, Biesczady, Vandalici montes &c. Vavvla, Lafotinum. Rekevka, Nogavvka. Horum posteriora in Ptolomæo non reperi-

non reperiuntur, sed antiquissima esse liquet. Tertiò fluminum, ut Vistula, quam alii vocant, Vandalum, Vartam, Gutalum Chalusam: Affirmant autem scriptores, fluminum nomina omnium maximè durabilia esse & retinere primèquam appellationem vetustatis. Quartò oppidorum & gentium, puta Calis, Sobocii, Carodunum, Gutones ubi Gedanum, Variorum ubi Varca, Varssa-ua, Sidonum ubi Szidlovv, Ducleotæ ubi Ducla, Starogardia siue Starigrod. Credibile igitur est veteres incolas harum regionū fuisse nostræ gentis, & nostræ stirpis, quandoquidem nostra ætas & gens hætenus vocabula ista retinent. Et prorsus naturam Polonici sermonis sapiunt.

TERTIVM argumentum à proprio linguæ nostræ vsu. Contrà cognomina locorum nobiliorum nihil Germanicum redolent, nec syllabæ illæ veluti sunt, Rad, Hart, Bring, Mund, Old, Win, Rich. Ergo Germanos hîc hæredes fuisse olim non est credibile. Extarent etiam vestigia hîc politiæ, œconomiæ & morum Germanicorum, sed nihil tale reperies.

QVARTVM argumentum. Si Roxolanici populi nationes in Illyrico, Boëmiâ & Poloniâ, Russiâ, & alias inundassent, unde tot & tanti inhabitatores venissent, & quis locus antea eos capere potuisset? Hunnorum erant aliquot centena millia, & tamen vix Pannoniâ replere potuerunt: qui verò tanta latifundia implerent, unde quæso prodissent?

QVINTVM argumentum. Non agant coniecturis, sed ostendant apertè ex historicis, quando post tempora Vandalorum, Gotthorum, terras Polonorum Roxolani occuparint. Si hoc præstare non possunt, ergo figmenta sunt & imaginattones quæ narrant.

SEXTVM argumentum. Ab impossibili ducitur argumentum, quo probatur nequaquam Germanos fuisse cunctos illos populos qui ante mille annos processerunt in perniciem Romanorum. Nam si Vandalorum exercitus constabant trecentis millibus, Gotthorum similiter, Longobardorum, Sueuorum non paucioribus, item Francorum in Galliis: cùm Odoacer etiam Rugianus magnas copias habuerit, quas in Italiâ duxit, quomodo credibile est ex vna natione eodem tempore potuisse educi tot & tantos exercitus, tantamq; vim populorum. Nunc Germania est magis habitata, & magis dilatata, & tamen centum millium exercitus Carolus Quintus vix potuit ex ea conficere, quando ad Vienne duxit exercitum contra Turcos ante quadraginta annos.

SEPTIMVM argumentum. Cùm historici res Germanorum & Vandalorum referunt, cur eos sibi inuicem opponunt diametraliter: Vandali,

liter: Vandali, inquiūt sic, & Germani sic: Fecerunt hoc Germani, fecerunt hoc Vandali: si non sunt diuersæ gentes. Et cur Vandali in Germanos & rursus Germani in Vádalos tam inexplibili odio ferebantur, vt alii alios occiderent cū possent, terras etiam alii aliis eriperent, & iuris sui facerent? Quod nequaquam tam infestis animis nec ita durabili odio fecissent, si vtrique stirpis Germanicæ essent.

OCTAVVM argumentum. Si Vandali Germani erant, cur extra limites Germaniæ manebant, hoc est alii ad Mæothidem vicini Alanis, alii ad Venedicum sinum in Sarmatia vt Ptolomæus inquit. Nam scriptores illos populos qui montes Italicos transcederant, apertè dicunt fame pulsos à Mæothide discesisse.

NONVM argumentum. Si Vandali Germani erant, cur diuersa utebantur lingua, Sarmatica nimirum, quam & Gotthicam Procopius vocauit, non Germanica sicuti Procopius ab initio libri de Vandis apertè testatur. Sed & Ouidius vnā linguam intelligens, dicit se didicisse Geticè Sarmaticèque loqui.

DECIMVM argumentum. Cornelius dubitat an Venetos Germanis adnumerare debeat, tamen eos discernit politia, moribus, & vestitu, & inde probat gentem aliam fuisse Germanos à Sarmatis, hoc est Vandalis. Nam Sarmatæ inquit, sub plebeia libertate viuebant, Germani sub arctiore disciplina. Sarmatis & Vandalis coniugia mixta erant, Germanis non. Sarmatæ laxa veste utebantur, Germani sago & veste stricta, & singulos artus exprimente. Quem morem etiam nunc Germani seruant, nec ex eo quicquam remiserunt.

VNDECIMVM argumentum. Vandali ex Paphlagonia in eas regiones peruenerunt. Germanos autem Cornelius Tacitus indigenas ac propemodum autochthonas fingit, minimèq; aliarum gentium aduenas, & hospiciis mixtos, quæ in Vandalos cadere non possunt.

DVODECIMVM argumentum. Cæsar cū Germaniam describit nullam Vandalorum facit mentionem, quòd nequaquam commissurus erat, si Vandali ad Germaniam pertinuissent.

DECIMVM TERTIVM argumentum. Si Vandalia est Germania, vbi quæso erit Sarmatia meridionalis? vbi Slauonia? Siquidem regiones montium Sarmaticorum Vandalis adscribit Iordanes.

DECIMVM QVARTVM. Consensus Chronicorum Boëmicorum, Polonicorum, Russicorum veterum & recentium non est contemnendus. Nam pro deposito quodam veluti per manus tra-

dito hæc narratio in gentib. istis duravit & permanfit ad hunc vsque diem, nimirum quòd Vandali sint Poloni. Si autem Germani hîc ante Constantinum Magnum habitarunt, cur montes isti supra Cracouiam non sunt dicti montes Germanici? Vocantur autem ab omnibus scriptoribus Sarmatici montes.

DECIMUM QUINTVM argumentum. Annotamenta quæ in ecclesiis hac de re reperiuntur sunt magnificienda, præsertim cùm etiam in publicis precibus hæc res exprimat. Memini autem superius testimonium ecclesiasticum, & precatiunculam publicam adieci, quæ sic se habet: Benedic regem cunctorum conuersagens Vandalorum.

DECIMUM SEXTVM argumentum. Germanorum, cognomen temporibus Cæsarum primum natum fuit attestante Strabone lib. 7. & Cornelio Tacito de Germania. Sarmatarum autem, nomen & Venedorum longè antiquius est. Et si Germani Celtæ vocabantur, certè Vandali Sarmatæ Celtæ non erant.

DECIMUM SEPTIMUM argumentum. Affirmant quidam Roxolanos Vandalorum vacuas sedes occupasse dum Vandali in Hispaniis bella gererent. At Prosper historicus affirmat post discessionem Vandalorum Longobardos nihilominus hîc ubi est Polonia dimicasse cum Vandalis. Non igitur ita populariter inde emigrarunt Vandali, vt multi ex eis hîc non remanerent.

DECIMUM OCTAVVM argumentum. Adhæc experiëntia comprobatur, ubicunq; aliquando vi aut consiliis in potestatem redactæ sunt aliquæ gentes à monarchis, ibi duas linguas in vsu esse, alteram penes consulares & militares viros, alteram inter plebeios & agricolas, vt in Dania, Russia, Prussia, Italia, Græcia, & etiam in Vngaria: veteres enim coloni patria lingua in villis vtuntur: in aulis verò & prætoriis exotica lingua, quam secum fortior pars attulit, publica tractantur negotia. Huius rei ne vestigium quidem in Polonia apparet. Sed omnes ad vnguem, vna lingua patria vtuntur tam in aula & prætoriis, quàm in templis. Quod ita strictè seruatur vt ne quidem in môtibus, fluuiis, syluis signum aliquod extet mutationis. Ex quo liquet aborigines esse, gentes Polonas & linguam Sarmaticam antiquitus retinere, quæ nec in prolatione nec in constructione vllam contaminationem adulterationemue passa sit.

DECIMUM NONVM argumentum. Sarmatæ etiam vocantur à veteribus Moschi, Roxolani & Iazyges. At isti nostra lingua vtuntur. Ergo & istæ terræ ad Sarmatiæ complementum pertinent. Sicut & Lucanus poëta testatur *sæuis affinis Sarmata Moschis*. Prudenter autem ab

tem ab eruditis deprehensum est, nullam esse gentem. sub coelo quæ priscam simplicitatem, mores & linguam inde à temporibus patriarcharum per illos bellorum tumultus fidelius seruarit quam Moschos. Nam ad illas terras niue & glacie rigentes nec Darius, nec Alexander Macedo, neq; Iulius, neque Augustus armis penetrare potuerunt. Ac ne quidem id forsitan optabant etiam si potuissent. Proinde Moschi non poterant esse obnoxii causis illis quæ alterationes gentibus inducunt.

De Gandaricho Principe

Vandalorum.

<i>Anno ab orbe condito</i>	4374.
<i>Anno à nato Christo</i>	412.
<i>Ante annum</i>	1150.

Gandarichus corrogato exercitu ex Vandalis Alanis, aliisque Sarmaticis populis quorum numerus ab aliis centies quater millium, ab aliis trecentorum millium refertur, relictis suis sedibus ducit exercitum unam cum patre suo Modigilo sene admodum per Germaniam Rhenum. versus, quo superato Treuirim urbem Galliarum petit. Et quia istic paulò ante Francones confederant, maximamque partem Galliarum in suam potestatem redegerant, ideo hos, consilium ei præbente Stilicone Romanorum duce, cuius persuasionibus ex Pannonia euocat⁹ erat, aggreditur, & fatigatos armis ex Galliis abire cogit, quos ubi submouisset, liberè tandem longè lateque nemine prohibente Galliam vastat, & populabundus quoquo versus discurrit. Ac ubi iam cædibus & prædis satis indultum esset, & à gentibus extraneis vindicata Gallia ac Romanorum desiderio & iræ satisfactum esset, ipsi in Hispanias ulterius cõtendunt, Burgiones verò populares eorum, qui & ipsi tum ad Vistulam in vicinia cohabitabant, ac etiam Sueui, illecti amœnitate regionis & coeli clementia sedes ibi figunt, prouinciasque Heduarum, Lingonum, Vesutiorum, Cabilonensium sibi vendicant, quam postea Burgundià à suo cognomine. appellant. Vandali tamen nihilominus Burgundis & Sueuis commilitonibus destituti non. quieuerunt, sed superatis Piræneis montibus interiora Hispaniarum. petierunt, & istic Beticam armis subactam à suo nomine Vandaliā, sicut ab Alanis Catalaniā cognominarunt. Sed quid accidit? Cum ad summum culmen fortunæ peruenerunt, Gandarichum ducem suum amittunt. Subita is tum morte eis ereptus videbatur, nō sine suspi-

Modigilo rex.

cione grandi irati numinis, quod templum thesauris & celebritate pernobile. Hispalis vrbis, quam interea temporis vi coeperat, diripere statuisset. Hæc acta sunt ante 1150. annos.

Gensericus II. Princeps

Vandalorum.

Anno ab orbe condito 4390.

Anno Christi 428.

MOrtuo Gandaricho successit Genserichus filius, quod nomen Polonicum esse apparet ex sono & dialecto sermonis nostri, significatq; idem quod nostri Gasiorek, id est, antierem vocant. Et si conferas vocem Gensericus & Gasiorkus exilis admodum differentia relinquetur. Romanos interea diuersi affectus ac velut contrarii raptabant, & propter successus Vandalorum in diuersum agebant. Quod prosperè gentes Romano nomini infestas ex Galliis Hispaniisque expulcrant, gratum eis erat: quod verò vires & fama eorum in tantum crescebant, ut vix à Romanis si maiora auderent, retrahi possent, hoc eos malè habebat. Proinde ad artes solitas confugiunt, utque utriusque gentis, hoc est Gotthorum & Vandalorum robur diminuerent, utroque Stiliconis opera inuicem committunt, & de Hispaniæ gubernatione armis disceptare faciunt. Sed Deus Romanorum consilia, fortuna eorum ad imum ruente, alio diuertit. Cum enim vario Marte inter se dimicassent, ne ulterius sociale bellum inter eos cresceret, noua res emerfit. Regebat tum quidam Bonifacius Africam, dux Valentiniani, quem cum Imperii hostes armis undique vrgerent, nec auxilia ad compescendos eorum furores ei restarent, Gensericum ex Hispaniis quamprimum precibus & muneribus inuitat, multa spe cum onerando, ut ei præstò adsit. Nec ille detrectat, eò quod iam bellum sociale in europa cum Gotthis perosus esset: morem igitur ei gerit, & quinquaginta millia lectissimorum virorum transportat per illud Gaditanum fretum, primoque Hyponem, deinde Carthaginem contendit. Ac vrbe in potestatem redacta, Aphrica vniuersa ab eo pacem petit, fascesque Imperii defert. Animo erectus Gensericus magna cum tentasset, maiora adhuc meditatur. Còsecta tunc variis bellis Italia ingemiscebat & à tyrannide Maximi oppressa suis minimè confidens auxilio exterorum indigebat, itaque opem Genserici, qui tum famarum gestarum spectabilis erat, implorat, eiusque fidem sequitur. Gratum tum Genserico hoc nuncium fuit, ac quod duas gentes & duas vrbes

& duas vrbes Romam & Carthaginem dominas videlicet orbis terrarum. Imperio suo adiungere easque armis sibi subiicere, ad nominis sui gloriam, plurimum referre iudicabat, itaque rebus in Aphrica ex tempore compositis, primò Corsicam, deinde Siciliam, via Hannibalis petit. Cumque Hetruriam armis tentaret, ab Eudoxia Romam accersitur: ille plenus animi mox se sistit, & de Maximo Tyranno supplicium capit. Digna tunc mors Tyranno iudicata est, vt ille qui omnium libertatibus infidatus fuerat, ab omnibus quoque lapidibus obrueretur: hoc decretum ab eo latum fuit. Ne verò & sibi interea deesse videretur, Eudoxiam & filiam eius Eudociam vnà cum Placidia secum in Aphricam auehit, & paulo post matrem sibi, quod senex iam erat, & filiam Honorio in matrimonium desponsat. Nec diu matrimoniū illud stetit. Nam breui ipse moritur, filio Honorio in Imperio relicto. Fuit Gensericus vir astutus, & ad varias fortunæ occasiones intentus, didiceratque cum hoste non tantum viribus, sed & industria certare. Volebat ille paſtorum conuentorumque cuitos fidelissimus videri, sed euentus non semel docuit, eum pro temporis oportunitate foedera & seruasse & violasse. Cumque aduerso Marte aliquoties pugnaſſet, iterum se arte & consilio erexit, & cum in profundum delapsus eſſet, iterum ad summum emerſit. Proinde Sertorio ob eam causam à quibusdam non ineptè confertur. Fuit tam elato & excelſo animo, vt si vitam ei ſuperi prorogaſſent, etiam Babylonem petere, & exemplo Alexandri Magni Orientis Imperium sibi armis vendicare cogitaret. Videbatur enim se hoc nominæ fortuna Alexandri Magni conferre, quod ſicut Alexander 40. & aliquot millibus orientem sibi ſubegerat, ita ille pari numero copiarum, 50. nimirum millibus, Aphricam domuerat, quodque fata Alexandro negauerant, Romam, Senatum videlicet orbis terrarum, vt Cicero loquitur, in ſuam poteſtatem redegerat.

*Carthaginem
& Romam du-
as mundi domi-
nas Vandali
capiunt.*

HONORICVS II.

*Anno ab orbe condito 4437.
Anno Chriſti 476.*

Secundus rex huius ætatis Vandalorum numeratur Honorius Genſerici filius, cuius natura & mores erant ad tyrannidem compoſiti. Namque vtriusque ſexus homines tam viros quàm mulieres perſequebatur. Et viros quidem igne ferro & aqua è medio tollebat, virginum verò corpora ad motis ſacibus vrebatur, mammillisque & brachiis præciſis ad Arrii dogma amplectendum cogebat. Fuit quoque Auguſtinus Episcopus Hy-

X 3 ponenſis

Eudoxie pietas & crux.

ponensis spectator aliquomodo harum calamitatum, sed Deo illi parcente, septimo mense post Hyponem à Vandalis obsessam mortuus est. Huiusmodi crudelitatis exempla secutæ sunt poenæ. Afflixit Deus illam gentem fame & gravissima pestilentia, & ipse rex phtiriasi consumptus non sine gravissimis doloribus & tormentis decessisse scribitur. Eudoxia filia Valentiniani Imperatoris, & mater Hilderici pii regis, vxor verò huius regis Honorici, prætextu religionis & voti suscepti adeundæ Hierosolymæ, à marito se eripuit, nec postea, auersata illam mariti fauiciam ad eum rediit, sed in precationibus lachrymisque, & aliis quæ ad exercitia Christiana pertinent, magnam partem sui æui transegit. Regnavit hic annos octo.

G V N D A B V N D V S.

Anno ab orbe condito 4446.

Exit & hic Gundabundus Arrianus & sævit aduersus Christianos, nec fuit filius Honorii, sed frater & consage patruo ipsius & Germano fratre Genferici. Ideo Gundabundi nomine patronymico fuit appellatus. Puto hunc Gonzagen Gonzagarum nomen in Hispaniis reliquisse, quorum hæcenus clarissima familia in Hispaniis extat.

T R A S I M V N D V S III.

Hic 27. annos regnavit, vir præclaræ indolis & sapiens, omnesque maiores suos animi magnitudine excelluit, ut Procopius de eo tradit. Erga Christianos astutè se gessit, non poenis corporis, aut suppliciis velut alii, sed præmiis & honoribus ad suam fidem eos inuitans. Erat enim Arrianus. In gratiam huius Fulgentius rogatus, de mysteriis fidei Christianæ scripsit. Et ab eo emollitus postea non ita sævit in Christianos.

I L D E R I C V S V.

Sunt qui Ilderichum hunc antecessisse Trasimundum scribunt, de qua re litem alicui mouere non est mei instituti. Fuit is Genferici nepos, Honorici verò filius, quem ex Eudocia susceperat. Eratque non malè institutus in religione Christiana. Nam sacramento adactus, ut quoad viueret inimicum se præberet orthodoxis, promissis non stetit, nec in re natura turpi fidem datam fallere turpe putauit. Omnes enim orthodoxos in exilium missos reuocauit, eisque fauit, & ecclesias orthodoxorum in Africa restituit, quo nomine suis fuit inuisus & contemptus. Et quia minus

quia minus idoneus videbatur ad bella gerenda, à Gilimero è viuis sublatus est.

GILIMERVS VI.

Gilimerus fuit abnepos Genferici, cuius etiam magna ex parte mores & naturam retulit. Fuit enim valdè rei militaris peritus: sed fortuna & successu in rebus gerendis dispar, quòd exitus eius mox declarabit. Concitata multitudo per seditionem Ilderico regi insidiæ struuntur, & pericula creantur. Erat enim plebi inuisus hac de causa, quòd nihil commune cum Arrianis habere volebat. Itaque eum cum filiis & eis qui ei addicti erant in vincula coniiciunt, ad extremum & necant. Sed Deus vindex scelerum non diu tulit hoc detestandum facinus. Cùm enim sæpius querulæ voces Aphricanorum ad aures Iustini Imperatoris deferrentur, defensionemque contra crudelem regem Gilimerum ab eo peterent, misit Imperator exercitum in Africam cui Belisarium præfecit virum impigrum, ingenio tali in quo nihil ex quatuor illis virtutibus defuit, quæ in duce belli omnibus numeris absoluto requiruntur. Nam siue peritiam rei militaris, siue felicitatem coniunctam cum modestia, & opinionem quæ requiritur in bono duce spectes, nihil in eo desiderabatur. Proinde cum veteribus Imperatoribus, Scipione inquam, Paulo Aemilio, Fabio, merito confertur. Is ubi cum exercitu Africanis apparuisset, castraque castris contulisset, Gilimerus conscientia metu percussus trepidare cœpit, ac primo prælio victus erigere se deinceps nec animum resumere potuit. Tandem Belisarius profligato hoste cum castra contra Carthaginem promouisset, ciues se ei dediderunt, ultroque urbem aperuerunt, & ipse Gilimerus fame compulsus, cum se de vno loco in alium transferret & iam vix sustentare vitam posset, nec ei per solitudines vaganti spatium respirandi daretur, ad manus eius deuenit, quando se & omnia sua Bellisario dedit. Confecto bello Belisarius victor Constantinopolim deuenit & in triumpho Regem captum ostentat. Fertur cum extremam suam calamitatem videret, in ea verba prorupisse: Vanitas vanitatum & omnia vanitas. Hic fuit regni Vandalici in Africa exitus postquam durasset annos quinq; supra nonaginta. Causas commutationis fortunæ Vandalorum varii varias referunt. Dicuntque ab illo tempore collabi eorum res cœpisse, postquam virtus Vandalica & indoles, quam secum ex Europa attulerant, in eis degenerare cœpisset. Et est quidem aliquid quod isti dicunt. Gilimer enim iam Afer erat, & exercitus eius non iam ex Vandalis

Belisarij laus.

*Cur aduersa
passi Vandali.*

Finis regni Vandalorum & initium regni Polonorum.

Vandalis constabat, quorum vix eo tempore vnus ex iis qui ex Europa venerant, superstes erat. Sed verius ratiocinantur illi, qui deletos eos ob crudelitatem affirmant. Nam Deus Tyrannos detestatur & vehementes motus in homine deprimere solet. Sed quia Vandalorum gens in Afros transiens Sarmatarum esse desiit: adhuc Afrouandalorum regum finis incidit in exordium principum Polonorum quando Lechus & Czech⁹ ex Illyride vel Croatia in eas oras peruenit, ideo Vandalicis rebus quas in Africa gesserunt valere iussis ad Polonicas bono omine iam accedamus.

LECHVS.

Anno à diuisione gentium

4512.

Anno Christi

550.

Occasio aduentus Lechi & noue gubernationis.

Cum igitur hæ gentes de exitu tristi suorum cognatorum Vandalorum in Africa audissent, & Getarum etiam popularium suorum in Italia res ad interitum spectarent, (Benifarius enim dux bellum quoque Vitrigem regem eorum captum Constantinopolim secum abduxerat) valde moesto animo faciem & statum miserabilem Reipub. suæ contemplabantur. Metuebant sibi à Romanis, ne filiorum rebus collapsis in patres animaduicerent, & in Italia & Africa conuersis rebus Gothorum Vandalorumque, de ultione in eos à quibus emissi erant ne aliquid durius statuerent. Sicuti morem hunc Romanis fuisse non vno exemplo comprobari posse meminerant. Itaque vt se aduersus futuros casus melius munirent, de alia forma Reipub. suæ cogitare coeperunt, præsertim cum se oportunos & aliarum quoque gentium incursionibus cernerent, eo quod iam Vandalicis Gotthicisque expeditionibus satis milite opibusque exhausti essent. Accessit huc noua difficultas, quod hæcenus veteri more gentis sub polycratia viuentes, non habebant vnum principem, cui salus Reipublicæ curæ esset, qui que eis cum imperio præesset, resque eorum turbatas moderaretur. Itaque de accersendo principe secum deliberant. Mittunt igitur in Illyricum accersitum Lechum & Czechum, quod ii tunc magni nominis duces essent. Accessit & persuasio quædam quod præ aliis cunctis gentibus, ipsis vtiliorem fore principem iudicabant ex illis nationibus, quæ ob veterem cognationem, & vnius linguæ vsum, ab vna stirpe Vencorum eandem cum ipsis originem agnoscerent. Præterea opinionem prudentiæ de eis concipiebant, quia viciniore erant Græcis & Italis, & terras inhabitabant quas solis radii magis perpendiculares serenant & illustrant. Sed quò melius res intelligi queat, quonam

quonam tempore hæc acciderint perpendendum est. Status denique regni Poloniæ ex statu Reipub. Europææ, qui tunc erat metiendus est nobis. Imperabat tum Iustinianus Iustini ex sorore nepos, in oriente. Occidentale vero imperium, primò per duces quos in Italiam mittebant Cæsares, demum per Exarchas administrabatur. Seuerus Campanus Pontifex tunc sacris Romæ præerat, qui fuit in exilium missus ob eam causam, quòd occultè cum Gotthis sentire putabatur. Constantinopolitanam verò sedem tum Antemius regebat. Desierat iam regnum Vandalicum in Africa capto Gilimero rege eorum. In Italia etiam Gotthicum natabat. Paulò ante partim propter Vandalorum & Gotthorum vastationes, partim propter Attylæ Hunnorum ducis violentas irruptiones, viginti & aliquot oppida antiquorum Venetorum, qui cum Vinidis & Vandalis Anthenoridæ, id est ab Anthenore orti vno nomine iure vocari possent, vrbs Venetiarum, in toto orbe admirandæ fundamenta in maris Adriatici sinu iecerunt. Et post illos bellorum motus veluti post diluuium quoddam Respub. eorum, sicuti & Polonorum instaurari cœpit: Vt sicuti quondam gentes Venetæ cum gentibus Vandalicis vnum principium habuerant, ita & instauratiōis eorum periodus veluti ab vnâ metâ & carceribus suæ felicitatis initia sumeret. Tempore iam certo definito, & domicilio Lechi antiquo reperto, iam velum ad nauigandum & vltius prouehendum explicabimus, methodum aliorum ea in re secuti. Viuentibus igitur istis gentibus sub polycratiâ & libertate populari, ac ducum imperio contentis qui ferè singulis regionibus, sicuti adhuc apud Russos fieri videmus imperitabant, vnus principis creandi, qui ex æquo omnibus iura daret, cunctorum animos studium inuasit. Creabant quidem & illi antea vnum principem, sed tantum tempore belli, exemplo veteri Lacedæmoniorum. At nunc ex illa pluralitate dominorum summis incommodis acceptis, & ad huc maiora metuentes, vnum euocandum, vnum creandum **L E C H V M**, penes quem & pacis & belli tempore summa rei esset, vno ore conclamant. Qui cum ad eas oras multis laboribus exantlatis peruenisset, inuenit quidem solitudines, ruinam, munitionum, & magna ex parte sylvas, non tamen ita, vt plerique putant, quod tantum à Satyris hic locus inhabitatus fuerit. Liquet enim ex Ptolomæo, populosam fuisse hanc regionem, inhabitasseque eam Gitones, Burios, Burguntas, Arfigetas, Auarinos &c. Quin & Carion docet ex sententia Plinii, Vandalos tunc habitasse in Pomerania ad Megelburgenses. Et licet multi Genferici signa & fidem secuti, non modica agmina ho-

*Status verum
christianarum
Lecho adueni-
ente quis fuit.*

*Polonorum et
Venetorum
Respublica.*

*An habitabilis
fuerit Polonia
tempore Lechi*

Regia Gnesna.

gmina hominum secum primò in Pannoniam, deinde ex Pannonia ad meridionales regiones eduxerāt, tamen senes, agricolas, sacerdotes, foemineum sexum cum paruulis q̄ Sarmatici sanguinis veterem originem cōseruabant, hīc remansisse credibile est. Attamen Lech⁹ exercitu iultē magnitudinis secum abducto, & coloniis quibusdam deductis ea quæ deserta erant repleuit, diminuta auxit, & quæ ruinam minabātur instaurauit. Regiam etiam in aliquo loco natura munito vt erigeret, absq; mora cōsiliū cœpit. Proinde Gnesnam, olim iuxta quōdam Lemisaletum dictam ad hoc deligit, cui & Vismariā adiungit. Gens Illyrica ad mare Adriaticū valde amœnum locum iamdudum possedit, quod & nomen eius Græcū vt puto indicat, & nauigationi maris assueta fuit, & spacia illa oræ maritimæ ad mare Sarmaticum. Germaniam versus, quæ situs Cimbricæ Chersonesi patet, ad flumen. Caluzam, adiuncto sinu Venedico, vbi Ptolomæus veteres Venetos ponit, longè latèque complexa est. Et gentes quidem Sarmaticæ iamdudum veteri more patrum recepto, non admodum illis superbis & ad luxum comparatis edificiis delectabantur: totum suæ Reipub. stabilimentum non in murorum celsitudine, sed in dextris & robore militum exercitatorum collocātes. Sed tamen complura oppida excitant, vbi mercatoribus tantum & opificibus eorumq; officinis locum tribuunt: ipsimet vt commodius venationibus ac agriculturæ laboribus tempore pacis corpora militum durare & exercere possint, in pagis habitare malunt. Attamen & ipsi aulas satis splendidas habent, vt cuiq; videre licet. Et si Græcorum & Italarum more, equestris ordinis homines prouinciatim in vnum locum cuncti aulas suas comportarent, haud dubiè multas etiam Florentias, multas Basileas, multas Norimbergas in Polonia haberemus. Et fatendum est eos qui in vrbibus habitant, vinum lectissimum, carnes recentes, poculenta, & alia id genus quæ seruiunt voluptati & gulæ, citiùs habere posse: sed maiores nostri diligentes militi habitationem, non quid magis voluptuosum, sed quod ad retinendum robur & vigorem militarem magis conduceret, Lacedæmoniorum exemplum secuti, quæsiuerunt. Illud etiam obseruandum puto, quod quando Persarum, Græcorum, Romanorum monarchiæ & Reipublicæ ad orientem magis florebant, regiam quoque Sarmatæ suis principibus ad Istrum & Pontum, sedesque sibi deligere malebant. Ideo Ouidius potissimum orientalium Sarmatarum mentionem facit. Quia tum florentibus rebus Romanorum & ipsi eodem oculos suos dirigeabant. At rursus quando occidentales monarchiæ & Respub. transferri cœperunt, & ipsi à Mæothide ad Ocea-

de ad Oceanum occidentalem, sedes suas vnà cum regia transferre maluerunt. Quo consilio & Lechus maiorum exemplo innixus domicilio suo locum hîc deligit, vrbes ædificat, regiam excitat, quam Gnesnæ nomine, id est, nidum appellauit. Nam sicuti nidi sunt auibus in refugium tempestatis tempore, ita & illi Gnesnam veluti nidum id est refugium & arcem belli esse voluerunt. Nam quod aliqui originem aquilæ, quod est amplissimum huius regni insigne, magis concinnè explicare volentes, Lechum eò loci cum venisset, multos aquilarum nidos reperisse tradunt, indeque omnis boni auspicio accepto, pro signo authentico aquilam albam expansarum alarum diducto rostro, vsurpare cœpisse, mihi omnino verisimile non est. Nec puto tantum principem re tam exili ad tam sublimem cogitationem tum excitatum fuisse. Fruantur tamen qui volunt hac sua contemplatione. Mihi victricia signa Polonorum eorumque mysterium explicare volenti magis probabile videtur, Polonos hac in re Romanos veteres imitatos fuisse, quibus aquilæ signum in bello præferebatur. Notiùs est quam ut à me commemorari necesse sit de argenteis aquilis in vexillo temporibus Iulii & Augusti portatis. Aut igitur Romanorum est, ut dixi imitatio, aut Gensericus Vandalorum rex Gratiano duce in Africa victo, aut vrbe Romana capta thesauros excutiendo Romanos, inuentum banderium, ut vocant, cum tali imagine ut esset memoriale victoriæ, ad proceres qui hîc remanserant in eius veteri patria transmisit: vel posterioribus temporibus, quando Romani Pontifices ecclesiasticam Hierarchiam, hoc est concatenationem & consensum regum Reipub. Europæe fancientes, dato & accepto iureiurando cum axioma regio, etiam vexillum cum insignibus veterum Romanorum transmiserunt regibus Poloniae eo fine ut firmiter recordarentur se esse & debere manere propugnatores defensoresque catholicæ fidei, & dignitatis Reipub. Christianæ aduersus barbaras gentes. Iudicium tamen hic liberum cuius de hac re permitto. Iam quod attinet formam Reipublicæ, moderato & æquabili imperio Lechus ab initio cōtentus fuit: sed quod quidam ita simplicem & deiecto animo tam Sarmaticum populum quàm Vandalicum sibi imaginantur, ut opera rustica regi suo nauasse, & pecuniæ ignaros fuisse affirmant, mihi id non videtur verisimile, nec existimo hoc cadere potuisse in illos qui orbem terrarum peragrandò, commoda aliorum regnorum decerpserant, & marsupia plena auro & argento Gallico retulerant. Sed & nunc non rarò videm⁹ in variis Poloniae partibus purissimi argenti monetam cum imaginibus Iulii, Traiani, Vespasiani, & aliorum

*Vide Ciceronē
contra Catilinam.*

*Insignia regni
aquila & eius
origo.*

*Forma Reipub
Polonicæ sub
Lecho.*

Imperatorum in catinis æneis defossam reperiri sæpe & exarari. Vnde ratiocinari licet non vanis argumentis illud priscum seculum non fuisse indigum pecuniæ. De bellis Lechi cum Germanis & Danis non est mei propositi prolixiorē narrationem instituere, ne ea quæ Martinus Cromerus eleganter memoriæ prodidit, videar retexere. Quæ Vapouius prodidit memoriæ de duello, vel singulari certamine Lechi cum quodam regulo Germanico non sunt in dubium vocanda. Neque enim hæc scripsisset ille, nisi auctores eius rei habuisset. Illud, quod quidam tradiderunt, tunc primum regni fines Bremam vsque & Visurgim prolatos fuisse, mihi non videtur per omnia cum serie vniuersalis historiæ quadrare. Ostensum est enim supra ex Dione & Plinio, illis temporibus iam Vandalicos populos istuc ad Albim habitasse. Nisi fortè quæ negligentia maiorum amissa erant, Lechus tum bello illo recuperare voluerit, aut tantum de possessione illius regionis, quæ Albi & Visurgi interiecta est dimicarit.

Fines regni Lechi.

V I S S I M I R V S.

Posteritatis Lechi cum posteritate Iagellonis eadem perodius.

Supputatio chronologica cur ad annum 550. refertur aduentus Lechi.

Dani attriti à Visumiro.

Gedaneusum vrbs.

Lechi posteritas, vt ab autoribus magno consensu annotatum est, post mortem eius ad annos centum quinquaginta durauit. Fere hoc idem eum compleuit, quod domus Iagellonidarum postremo hoc seculo in Polonia feliciter regnauit. Attigit ergo posteritas Lechi tempora Leonis eius nominis secundi Imperatoris. Condidit Vissimirus duas vrbes maritimas, vnam Albis ostia versus, quam à suo nomine Vismariam vocauit, & alteram Gedanum, quæ quia ex Dacibus vel Danis constabat, vel Getis vel Gitonibus, Gedanum est appellata, vt placet doctis. Nam Ptolomæus ad illa ipsa ostia Vistulæ Gitones Sarmaticam gentem, quæ cum Gotthis eadem est, collocat. Reliquias autem Dacorum isthinc traiectum in Daniâ habuisse affirmant. Sed alii tradunt Danos à Lecho & Vissimaro eius filio, nauali prælio ita fuisse attritos, vt tributum etiam pendere Vissimaro cogerentur. Quia enim Illyrii naualibus præliis assueti erant, cum ad mare sedes suas haberent, ideo Dacis qui nondum vsum earum rerum ita acquisuerant, Lechus & ii qui eius fidem secuti erant, terrore fuerunt. Confecto autem bello illi Dani qui à Vissimaro Reges capti erant, ciuitate tum donati sunt, vtque confidenter Gedani habitarent & negociari possent, concessum est eis. Ex hac accessione, vrbs illa non mediocriter fuit aucta & locupletata, ita vt nunc autoritate regum Polonorum suffulta, & commerciis Polonorum adiuta, splendore & opibus certet cum emporiis præcipuis in Europa

is in Europa. Cætera de hoc filio Lechi apud alios autores inquirito. Sed tamen illud de significatione nominis Vissimiri huius prætereundum non putavi, nomen Vissimir cum nomine illorum Visogothorum, qui ferè circiter eadem tempora in Pannonia beligerarunt, admodum cõforme esse, & significare iuxta nostrum sermonem studiosum pacis. Mir enim pacem apud nos significat. Cõsimile quid etiam Saiphrid apud Germanos denotat. Commorantur autem tres fratres illi Visogothorum in Pannonia, Theodomir, Widmir, & Wladimir, quorum vnus fuit pater illius Theodoricus Gotthi qui Rauennas dicitur. Cuius virtutem & res gestas admirata est Italia, laudauit Gallia, scriptis etiam poematis celebrauit Germania. Horum ergo principum nomina si expèdas, & cum nomine huius Vissimiri filii Lechi componas, videbis gentile nomen illo æuo vsitatum, indicare Lechi posteritatem, & cum illis Visogothorum principibus vnã gentem fuisse, & ab vna stirpe demanare. Adde quod ex eadem ratiocinatione elicitur, Polonicam linguam illo seculo in Polonia in vsu fuisse. Siquidem nomina ista Vissimir, & Wladimir Visogothica ad vnguẽ dialectum & sonum Polonicum resonant. Quod propter illos addendum putavi, qui affirmant temporibus expeditionis illius Gotthorum & Vadalorum, Germanos in Polonia habitasse, vsum vero linguæ quæ nunc vtimur, cum Roxolanis postea introductum fuisse, cum iam sole claruis demonstratum sit, & Lechum ipsum Slauiçæ gentis hominem ante Roxolanorum expeditionem, quæ ad tempora Mauricii refertur, iam ad eas regiones habitatum appulisse, quod etiam ex illorum commentariis euidenter monstrari potest.

Nomina Gothica.

INTERREGNA.

SI ab ea meta, id est ab anno domini quingentesimo quinquagesimo per annos centum 50. Lechum cum sua posteritate regnasse in Polonia præsupponimus, vt quidem præsupponere nos necesse est, tunc subducta ratione temporum ad calculum Chronologicum, aut paruum aut nullum tempus istis interregnis relinquetur. Et puto nostrates historicos (de vetustioribus dico) interregna hæc excogitasse, quod eos parum exercitatos in Chronologica supputatione apparet fuisse. Nam si anno quinquagesimo supra quingentesimum initium regni Polonorum statuimus, eisque annos centum quinquaginta, quibus posteritas Lechi regnauit addiderimus, exurgent anni septingenti. Restant ergo tantum centum anni ad Lechum secundum syn-

*Observatio
supputationis
interregnorum*

chronum Caroli Magni Imperatoris, qui inquam. centum anni quinque regibus Polonorum, Graco videlicet, Lecho secundo, Vendę, Premislo, & Lesco secundo tribuuntur. Quia tamen Chronologi veteres propiores erant illis seculis, dandum est aliquid eorum autoritati, quia veluti de suis rebus & quidem probè cognitis loqui videntur. Sed ut dixi, breuia illa interregna fuisse credibile est. Eorum autem hanc occasionem fuisse existimo, quod graue erat assueta relinquere. Assueta erat hæc gens teste Procopio sub plebeia & antiqua libertate viuere. Itaque forsitan seuerioribus mandatis vel potius iniuriis superiorum principū oppressi & grauati, tanto alacrius recordabātur secum libertatis qua olim vserant in polycratia, ideo iam laudando vnus principatum iam vituperando hæsitabant: quid fugiant non ignorantes sed quid sequantur addubitantes. Ad extremum tamen necessitate compulsi duodecim. Palatinos, quos nos Voieuodas vocamus eligunt. Sed propter ademptam à Germanis Syllesiā & Lufaciam puto iam vix septem aut octo Palatinatus veteres restare ex illis duodecim. Suppletus est tamen eorum postea numerus, & etiam auctus. Sed termini eorum prisca sunt mutati. Significat autem nomen Voieuoda seu Palatinus idem. ac si tu diceres belli dux, & equipollet prorsus cognomini Hethman quod à Germanis petatum est. Hoc tempore nondum. Episcopi in Senatu locum. habebant. Quia nondum Poloni Christiani erant facti.

Creandorum
Palatinorum
12. causa.

Anacephaleosis historie Vandalicę per annos 180. hoc est, ab illo tempore quando armis Europam et Africam concusserunt, usque ad Lechi in Poloniam aduentum.

370. Vandali ad Rheni ripas confederunt, primò ii Burgundiones dicti. Ponit autem Ptolomeus Phrugundiones ad Istulam. Sunt ergo isti ex gente Vandalorum. De hac re Albertus Cranz. Sed meminisse hinc oportet quòd ante hanc expeditionem. annis 130. donata fuit eis à Constantino Magno possessio Pannoniæ. Serui eorum post victos Scythas arma in ipsos conuerterant.

378. Sarmatæ Pannoniam vastant. Amianus lib. 30.

382. Modigilo duce Vandali terras alienas inuadere coeperunt, sedibus suis relictis. Præfuit autem eis annos 30. Nomen Modigili in vñ adhuc fuit apud Lithuanos non ita pridem.

382. Longobardi ex Scandia insula Oceani septentrionalis egressi Vandalos Iborea duce & Alone vicerunt. Prosper in chronico. Non. fuit ergo Polonia penitus deserta à Vandalis, etiam si potior pars eorum abierat in Hispaniam & Galliam, quandoquidem sequente

dem sequente anno conflixerunt ii qui hîc remanserant cum Longobardis.

411. Vandali & Alani Gallias intrauerunt, biennio ante Gothicam obsidionem Romæ, Honorii anno 16.

412. Gandarichus Vandalorum rex Hispaniam occupat. Regnat annis 16. Cranz lib. cap. 26. Ibidem in exercitu apud eum Modigilus pater moritur.

413. Franci Rhenum transeuntes à Vandalis Burgundionib. repelluntur ad sua. Blondus.

414. Quindecimo anno Honorii Carolus Vandalorum rex assensu Germanorum cum magna multitudine Gallias inuadit, multas vrbes populatur. Anno altero captus & extinctus est & succedit ei Gotgisch rex. Tripartit. Chronicon Polo. Iiti fortè Germanicè loqui didicerunt, vnde Gregorius & Methodius occasionem sumserint vt Germanos esse existimarent.

426. Constantinus cum exercitu aduersus Vandalos Hispaniam vastantes missus.

428. Gensericus Vandalorum rex annis 48. belligeratur. Gensericum fuisse dictum putant Polonico sermone, ac si dicas Gosiorek. Cotisonem verò Getarum regem Kotek.

431. Vandali euocati à Bonifacio Africæ præfecto Hispaniam relinquunt, in Africa sedes figunt. Cigaineros illos vagos populos per Poloniam, nonnulli putant esse reliquias Vandalicæ gentis ex Africa redeuntis post illa bella.

433. Visigotthi eam Hispaniæ partem occupant, quam Vandali reliquerant. Iornandes.

434. Gensericus Hyponem obsidet. Gensericus dolo Carthaginem capit.

439. Genseric⁹ pacem cum Valentiniano Imperatore facit, finesque imperiorum suorum constituunt. Vbi postea Vandali 95. annos regnant.

444. Gensericus Siciliam affligit. Sebastianus Africam inuadens Giezericum retrahit vt cogatur Carthaginem redire.

445. Theodosius Imperator bellum in Vandalos mouet: sed longis cunctationibus negotium differens Siciliæ magis oneri quàm Carthagini auxilio fuit. Procopius & Diaconus.

446. Cum Giezerico pax à Valentiniano Augusto confirmata, & iterum Africa certis spaciis inter vtrumq; diuisa est, Hæc Cassianus.

459. Roma duce Genserico à Vandalis capta, omnibus opibus & ornamentis Imperatoriis in Africam translatis. Certò certius est

tus est aquilas eius imperii signa fuisse, quæ forsan huc transmissa occasionem Polonis dedere ut eodem signo uti inciperent.

472. Marcellinus vir potens in Illyrico, dum Sardiniam & alias maris insulas iussu Leonis Imperatoris à Vandalorum iugo liberare conatur, in Sicilia occiditur.

473. Vandali ab Heraclio ad Tripolim incommodum accipere. Procopius de bello Vandalico lib. 2.

474. Gensericus in Italiam traicere volens a Basilio incommodo affectus est.

476. Honoricus Vandalorum in Africa rex annos 7. regnat. Victor Episcopus de persecutionibus.

484. Gundabundus Vandalorum rex annos 12. persequitur Christianos.

492. Gundabundus Burgundiorum rex qui etiam ex Vandalica stirpe erat, intrat Italiam, & magna præda onustus domum redit. Blondus autor. Affirmant autem Polonos signa gentilitia à Burgundionibus suis popularibus accepisse.

495. Thrasimundus Vandalorum rex in Africa 27. annos regnum potitur.

505. Bulgari Slauonica gens Thraciam vastant, eo tempore quo Thrasimundus Vandalis in Africa imperat. Iamque confœderatio illa symmachiæ inter gentes Slauonicas emergere & patescere cœperat.

523. Hildericus Vandalorum in Africa rex annos 7. Pius hic fuit ac orthodoxus, & à patre in exilium pulsos reuocauit.

523. Prima mentio Slauorum in historiis, etiam si antea gens ista fuit.

524. Annus hic notandus, quo bellum sociale inter Antas & Slauos ad Istrum fuit cum Hildibio illo bellicoso principe. Nomen Antarum natum esse tradit Procopius libro 3. de bello Gotthorum, ab eo quod anteriorem partem ripæ fortiter dimicando in conspectu Romanorum occuparint.

530. Gilimer Hilderichum captum carceribus inclusit, regnumque ei eripuit fraude.

534. Octauo anno Iustiniani Belisarius finem Vandalicis bellis in Africa facit.

550. Hic annus nobilis aduentu Lechi ex Croatia in Poloniam. Accidit hoc 26. annis post finitum regnum Vandalorum in Africa, adhuc Totila Gotthorum regnum in Italia acriter defendente, quod postea decem annis sequentibus cum Teia extinctum est. Qui euentus tristis gentes Slauonicæ linguæ ad confœderationem illam

nem illam excitauit, præbuitque occasionem Polonis accersendi
Lechum ex Slauonia ad eas regiones.

C R A C V S.

Anno à condito orbe 4662.

Anno Christi 700.

Anno ab hunc 885.



Su edoctos Polonos quantum malorum occurrat Reip.
vbi eam absque ordine multi regunt, veluti pœnitere
cœpit consilii. Rursus igitur vt vnus eis cum imperio
præflet consilium inierunt. Et erat quidem graue, præsertim an-
tiqui moris hominib⁹, libertati cui assueuerant valedicere, cum-
que modo singuli sibi reges videbantur, honorem tantum in v-
num conferre, & ad vnus nutum deinceps viuere. Erat, inquam,
graue, sed necessarium, & propter intestina disidia coercenda,
& propter repellendos hostes, qui celatum benè ad eam diem o-
dium ac dolorem amplius dissimulare non poterant, nomenque
Sarmaticum deletum cupiebant. Itaque post varias consultatio-
nes, virum opinione virtutis clarum, opibus & clientelis benè mu-
nitum eligunt, cui summam belli & pacis committunt. Craci no-
men huic erat. Habitauit is tum ad radices montium Sarmatico-
rum, vnde Istulæ flumen demanat cum ingenti strepitu, euomens
fontes aquarum: decem & tribus milliaribus à Cracouia ab inco-
lis monstratur locus. Fuerit iste Romanus an Sarmata non dispu-
to. Et licet Tiberius Gracchus ante aduentum Saluatoris 140.
annis fuit, tamen cum in summam acerbicatem odiorum gens illa
Gracchorum apud suos Romanos incurrerat ob leges illas agra-
rias non suo ordine, nec suo tempore latas, ita vt ne conspectum
quidem patriciorum ferre posset: fieri potuisse arbitror, quod huc
subducendo se ab illo incendio odiorum commigrarunt, eorum-
que posteritas ad eam diem latuerit. Nec mihi ignotum est à Pto-
lomæo urbem hic quoque statui, vbi nunc est Cracouia, aut non
admodum remoto istinc spacio, quam CARODVNVM ille vo-
cat, voce non remota ab appellatione Cracouia: sed vt iam dixi
conuellere veterum scriptorum sententiam, qui quasi de suis reb⁹
& probè compertis videntur loqui, non arbitror esse conueniens.
Apparet sane prudentissimum virum fuisse, qui tam idoneum, tã
pulchrum, tam munitum natura locum, tamque omnibus rebus
ad victum necessariis refertum, ædificandæ tantæ vrbi delegerit.
Huic, pergendo ad septemtrionem par non reperitur vrbs. Ita-
que sedem regiam Crusficia transtulere maiores nostri ad eum lo-

Cracus an Ro-
manus fuit
vel indigena.

Z

cum. Huius

*Figura mœnio-
rum vrbs Cra-
couiensis.*

cum. Huius vrbs figuram testudinis musicalis formæ quidam comparant. Nam si mœniorum versus occasum rotunditatem ovalem spectes, & postea quomodo Istulam versus ad orientem instar manubrii strictius sese contrahit, ac tandem assurgendo veluti caput erigit, & attollit ea parte, vbi est mons Væuelo, supra quem arx admirando opere excitata est, non ægrè omnino figuram testudinis repræsentabit. Verum, qui concinnius vrbs huius effigiem exprimere vellet, magis scitè eam aquilæ expansarum alarum, quod est insigne regni huius comparaverit, vt corp⁹ vrbs per circumferentiam corpori alitis conferatur, suburbia ab vtraque parte alas expansas repræsentent. Caput verò alitis excelso monti seu rupi Væuelo quod paulatim assurgit conferatur. Ex hac figura vrbs primarię veluti archetypo vrbs Lublinensis & Posnaniensis postea exemplum & formam sumsit distinguendarum platearum & arearum suorum mœniorum, ita vt trium istarum vrbium conformitas tanquam sororum Germanarum similima esse videatur. Bellagessisse Cracum complura memoriæ proditum est. Et habent quidem Poloni alias voces, quibus hoc genus promontiorum appellare solent, puta, gura, gurka, pagorek, curhan. Sed quia Romanus fuit Cracus, igitur Romano more suum funus peragi voluit, & collem illum paucis litteris immutatis Mogilam pro molle latina voce appellavit, vnde postea exaggerata promontoria appellari mogila cœperunt.

De Olofago ex Chronico Miechouiensis.

Erexit arcem habitationis suæ in expedito colle Væuelo, supra fluvium Istulæ sito, & ei ciuitatem adiecit atque fundavit, de suo nomine Cracouiam appellando, felicem agris & rebus secundis, nisi Olofagus quædam belua, (vt aiunt Draco) plurima impedimenta intulisset. Rapiebat è specu montis egressa, iumenta & homines incautè oberrantes, rictibus horridis voracissimè deglutendo. Gracus afflictæ Cracouiæ condolens tria corpora iussit quotidie Olofago exponi. Nam his contenta, alia non requirebat. Sed & hoc onerosum erat, propterea suapte industria excoxitavit vt corporib. quæ obicienda erant, sulphur & cauma ignitum ex cera & pice includerentur atque occultarentur. Cumque belua tum naturali rabie, tum voraci esurie exagitata sine delectu oblata prædam raperet atque voraret, sensim debilitata & tandem extincta est.

De origine Craci ex Cromero.

Aeneas Syluius, & Hagecus, non hunc sed alium Cracum, siue Cromerum tunc

cum tunc apud Boëmos regnasse volunt, & Cracouiam siue Crocoueciam arcem in Boëmia extruxisse, morientemq; eo ferè tempore, quo noster regnare cœpit, tres filias reliquisse, è quibus vna Libussa saga paternum regnum suscepit, assumpto sibi in societatem thori & principatus Premisso rustico homine, quem missi equites in ferrea tabula, hoc est, in vomere aratri prandentem reppererant: eorumque posteritatem longa & perpetua successione per multa secula Boëmis præfuisse.

LECHVS SECVNDVS.

Lecidit Lechi regnum in illa tempora, quando inter principes Romanos creuerat illa laniena crudelis. Ita enim consuetudo obtinuerat, vt rarò aliquis Imperator dignitatem adire posset, nisi prius antecessorem suum è medio sustulisset. Sic Mauricium cum vxore & liberis Phocas, Phocam Eraclitus. Iustinus auribus dissectis nasoque in Chersonesum relegatur. Leontinus similiter ab Absimaro naso mutilatus (sicut & nunc apud Valachos consuetudo inoleuit) ineptus ad capeffendos imperii honores redditur, & tandem custodiæ mandatur. Rursus Iustinianus vocatus ad imperium Leontium & Absimarum educens è vinculis spectante populo interfici curat. Ac deinceps Philippic⁹ Imperator factus vtrumque & patrem Iustinianum & filium eius Tiberium, vt liberius dominaretur sustulit. His ferè temporibus Lechus Secundus natu minor, curato patris Graci funere, in regnum successus est: & quia maiorem natu fratrem obstare sibi ad retinendum regnum putabat, vitæ eius insidiatur, eumq; per speciem venationis obtruncat, imitatus videlicet Romulum gentilem suum, (nam & Gracus Roma oriundus erat) vel potiùs corrupti illius seculi tot exemplis parricidiorum deprauat⁹, vt iam meminimus. Sed Deus iustissimus iudex, qui exerta manu parricidis minatur, tantum scelus non tulit. Non quidem derepente eum è medio sustulit, sed quò longiores ei ferias indulfit, eò magis tarditatem grauitate poenæ compensauit, vt diutiùs cum suis æumnis luctando grauiùs torqueretur, lenta morte eum excarnificando. Detecto tãdem scelere, regno est deturbatus, & in exilium missus, ac tandem intus pauore, foris sollicitudine eum excruciente, paulatim contabuisse fertur, nullosq; liberos post se reliquisse.

Ex Cadlubk Vincentio de parricidio Lechi in fratrem.

Viuentè adhuc patrè parricidium ab eo patratum, sed mortuo demum patrè, & iam ipso regnante scelus patefactum est.

ANNALIVM POLO.
V A N D A.Anno à diuisione gentium 4712.
Anno Christi 750.*Lex Salica.**Locus sepul-
chri Vandæ.*

Ege quidem Salica cautum est, ne ad tale fastigium hono-
rum foemine⁹ sexus admittatur. Sed Slau partim opinio-
ne virtutis moti, partim quòd recordabatur meritorum
Graci erga Rempub. ipforum, magno consensu Vandam ad hoc
culmen honorum euehant, eique regium officium committunt.
Forſan etiam non immemores erant exemplorum antiquorum.
Nam Semiramidis quondam, Tomyris & Zenobiæ foeminarum
bellicosissimarum gubernatio salutaris fuit Rebuspub. quibus
præerant. Quanquam nostra hoc nomine illis anteferenda est,
quòd laudem victoriæ non sibi nec suæ industriæ deberi, non mo-
do verbis nudis sed etiam sacrificio inaudito testata est. Nam
cum Rithigerus Dux Germaniæ hac de causa ei mouisset bellum,
quod in nuptias iuuenis intempestiuo amore accensi non consen-
tiret: illa commisso prælio & victoria ex eo parta stupenda morte
in victimam seipsam Deo veluti triumphans immolauit: ex pon-
te Cazimirienſi in profluentem Istulæ se præcipitem dando. Cu-
ius corpus vorticibus aquæ ablatum, à principibus regni ad
confluentem duorum amnium Dlubniæ & Viſtulæ, quarto ab vr-
be lap. de sepelitur, in cuius rei fidem & sempiternam memoriam
ingens tumulus ferè è conspectu vrbis excitatur. Nam mons V-
uello, cui est arx inædificata, & ab altera parte Istulæ collis Gra-
ci, collatus cum mole sepulchri Vandæ, quod nos Mogilam vo-
ce semilatina vocare solemus, fere triangulum æquilaterum effi-
ciunt. Disputatione illam omitto, rectene virgo fecerit, quòd sibi
mortem consciuerit, Republica sine gubernatore relicta. Sed He-
roum facta non semper cadunt sub regulam iudicii communis,
præsertim si iuxta normam religionis, in qua vixit, factum hoc e-
xaminetur. Quæritur etiam hîc de hoc Rithigero cujas fuerit.
Borussus esse non potuit, vt vult Hagecus, cum & ipse Ptolomæ-
us Venedicas gentes istic collocet, & appellatio sinus Venedici
hoc idem attestetur. Borussi autem subiecti tum erant Vandæ Re-
ginæ. Quæstio etiam illa, an Vanda à Vandalo flumine, vel Van-
dalus à Vandæ hoc stupendo facto denominatus sit iudicio lecto-
ris decernenda relinquitur. Acta autem hæc sunt anno ab hinc cir-
citer octingentesimo tricesimo tertio: De imaginibus tollendis
controuersia tum Rempub. exercente & Pontificibus cum Gallis
de Imperio transferendo consilia agitantibus.

Oratio

*Oratio dehortatoria subditorum ad Principem suum
Rithigerum, ut à bello Vandico abstineat.*

Renunciant Oratores duci suo eximiæ puellæ pulchritudinem & sapientiam, & animum ad belli dimicationem quam ad nuptias paratiorem: adhæc permagnas & instructissimas armatorum copias. Quibus auditis labascere Teutonum animi cœperunt, & monere & orare ducem suum non destiterunt, ne se exercitumque suum propter intempestiuum amorem, atque cupiditatem suam coniciat in periculum. In glorium esse viro cum scœmina certamen, etiam si exploratam habeat victoriam.

Epitaphium Vande Regine, statuae incisum quæ in tumulo collocata fuit à morte eius.

Hic iacet in Tumba rosa mundi non rosa munda,

Non redolet sed olet, quæ redolere solebat.

Graci regis nata, benè Vanda fit vocitata.

Vt nam hamus piscem trahit ab æquore captum,

Vanda sic formosa omnes traxit speciosa

Illius in amorem, & in fauoris vigorem.

Hæc per decorem Almani vicit furorem,

Nam eò quod spreuerat hominum connubia cuncta,

Celibem hæc obtulit Dis mersa flumine vitam,

Quam mox arripuit Deorum non floridus hortus.

P R E M I S L V S.

Anno ab orbe condito 4722.

Anno Christi 760.

Sapienter institutam hanc Rempub. fuisse etiam illis prioribus temporibus inde liquet, quod ad vtrumque casum siue moriente siue viuentis rege, optimè ei prospectum fuit. Ac superstitis quidem rege gubernatio solet esse facilior & magis expedita, sed priuato principe bono, omnibus periculis obnoxia relinquitur. Proinde maiores nostri illo æuo ad eos casus in promptu habebant Senatum duodecim Palatinorum, qui tempore interregni munus regium obibant. At insurgentibus bellis difficilior fit regiminis ratio. Verum est enim Philosophi axioma: Vbi pariter omnes Rempublicam curant, pariter omnes negligunt, dum non apparet vnus aliquis in quem culpa reiiciatur. Non libenter tum inferiores parent superioribus: non libenter se periculis obiciunt, nec libenter contribuunt ad vsus Reipub. cum diuersorum studiis occupata & obfuscata, vbi nam eius facies lateat, vbi caput, discernere non sit facile. Proinde ille duodecim-

*Interregni
status misera-
bilis.*

*Stratagema
regis Premisli*

viratus inter bellorum tumultus vnum aliquem insigniorem, virum è medio sui eligebat, quem vniuersis copiis veluti dictatorem præficiebat. Sic Vanda fatis erepta, Palatini contra Morauos & Hunnos infestis armis fines Poloniæ diuexantes Premislium eligunt ac hostium conspirationi opponunt. Ducem hunc fuisse animo excelso & industria singulari nomen ipsum indicat, & stratagema peculiare quo vsus est tempore difficili testatur. Cum enim sentiret imparem numero se habere exercitum, non desperat de victoria, sed artē adhibet, galeas benè defricatas litargirio inungit, easque è cōspectu hostium in locis syluosis appendit, vt re-percussione splendoris & micatione crebra oculi hostium perstringantur & inopinatò ingentem aliquem exercitum adesse cum apparatu bellico inusitato suspicentur. Sic rebus extempore præparatis, intentus ad omnes occasiones, quid facto opus sit sollicitè considerat. Si hostes pergerent, ille paulatim relato pede è conuallibus & densis rubetis hosti insidiabatur. Si verò consternati retrocederent, tergoribus eorum cædendo è vestigio insistebat. Nec sefellit eum iudicium. Cum enim hostes minimè suspicarentur, subito eos prima vigilia inuadit, cumque contactis galeis litargirio illitis appropinquarent, & splendore noctis tenebras discuterent, speciem densissimarum phalangum hostium oculis exhibuerunt. Interim ipsemet ab alia parte, qua minimè putabatur, cum suis prætorianis, & aliis delectis equitibus latus eorum aggreditur. Hostes consternati trepidare & mox soluere acies cœperunt. Contra ille tergoribus instare & victoriam persequi non prius desit, donec se victos faterentur. Fuit hæc victoria Premislo & ad illustrandam famam valde oportuna & hostibus formidabilis, præsertim cum illucescente die cernerent se & viribus & ingenio superatos. Premisli autem sopita controuersia de finibus, ad instaurandam disciplinam, & œconomiam domini sui reparandam se conuertit, ac tandem foris & domi prosperè rebus compositis fatis concessit.

DE ORIGINE, INCREMENTIS, ET
DECREMENTIS REIPUBLICÆ SLAVONICÆ
GENTIS.

*Nomina im-
ponuntur genti-
bus quatuor
modis.*

Inuestigaturi nomen & originem Slauorum methodo v-
sitata & quidem ex media rei natura deprompta proce-
demus. Notum est nominari gentes à quatuor causis, vel
occasionib⁹, vt in præliminari præfatione diximus. Aut à ducibus,
vt Sarmatæ, Tuiscones. Secundo à situ locorum nominantur gen-
tes, vt

tes, vt Pomerani, Cifalpini, Pædomontani, Transalpadani &c. Sed neq; hac ratione Slauorum nomen explicatur, cum id nobis nihil tale denotet. A prioribus etiam incolis non raro reperias quasdam gentes vocari: sic Troiani, Itali sunt dicti, eo quòd ab Italici hospitio sunt excepti. At in iis regionibus ante Iustiniani tempora, gentem quæ Slauorum nomine vocaretur non reperimus. Non igitur mutare nomen poterant ab iis qui in rerum natura non erant. Quartus modus restat quo etiam gentes cognomina assumunt, nempe ab euentu, & à studiis, vt Nomades dicti sunt illi, qui ad morem pastorum vitam ducebant, sæpius vertendo solum. Hic attentus lector nobiscum subsistat. Nam cum Slaui nostri, neque à ducibus dicti sunt, neque à situ locorum, neque à prioribus incolis, consequens est, eos à studiis & euentu rerum sic dictos. In his omnibus conuenit nobiscum historiæ Polonicæ scriptor præcipuus. Sed nondum finem adepti sumus, nec rem acutè tigitimus. Varia enim & multiplicia sunt studia & rerum euentus. Ille enumerat victorias Roxolanorum partas ex Dacibus, Pannoniis, Dardanis Lyburniæ populis, Illyriis, Dalmatis, Thracibus. Ad extremum & Græciam eos ita potenter diuexasse narrat, vt etiam linguam Græcorum, sæpius eos armis exercendo, penitus corruperint, rebusque tam feliciter gestis Slauorum siue Slauinorum nomen à gloria sibi sumserint. Hæc ille. At hæc sententia non potest & secum ipsa & cum serie historiæ vniuersalis cohærere. Si enim ab earum rerum claritate sibi nomen imposuerunt, quas enumerat, tunc nomen Slauorum posterius oporteret istis omnibus factis esse, quæ enumerauit. At Slauorum nomen longè ante Græciam armis Slauonicis attritam, & ante linguam Græcorum immutatam, Iustiniani temporibus emerfit. Alius ergo euentus & alia studia eorum nobis quærenda sunt, à quibus Slauini & Slaui, id est, celebres dicti sunt. Scriptor quidam Chronicorum Germanus ex sententia Trithemii & beati Rhenani Germanorum nomen ex confederatione quadam prodiisse affirmat, vnde tempore Augusti, vt Strabo & Cornelius Tacitus docent, Galli eos fratres seu Germanos, id quod nobis *pobratym* Germanis verò *bruder* significat, à similitudine morum vocarunt. Ita sane eodem exemplo Sarmatici populi, id est, reliquæ Vandalorum & Antorum Alanorumque quæ post expeditiones illas Africas in istis oris remanserant, symmachia inter se sancita initoque solenni fœdere nomen Slauorum quod essent *δμόγλωττοι*, id est, eiusdem lingue & loquelæ sibi imponunt. Cum enim audissent Romanos eis minitari, eò quòd Vandalorum exercitus sobolem suam, veluti examina

*Inquiritur vnde
de dicti Slau.*

*Germanorum
nomen vnde or-
tum.*

ti examina apum, in eos & eorum. prouincias paulò ante ex suo gremio emisissent, ne imparati ac veluti scopæ dissolutæ inter se dissilientes inuenirentur, omnes in vnum conspirant: ad quam. rem eis calcar non mediocre addidit fama de Vandalis Africanis ad eos perlata, quod eorum res ad inclinationem interitumque non obscure spectarent. Nec nouum est hoc gentibus in extremis casibus ad simile remedium confugere. Sic olim contra Gotthos, tres principes Germaniæ præcipui coadunatis copiis foedus inierant, Cassander nimirum Sicamber, Arathius Saxo, Hamer Doringiorum. Sic postea contra Romanos Getæ, Daces, Buri coniuuant. De quo & Poëta: *Et coniuratos deiecit vertice Dacos*. Sic & nostra memoria contra Turcas, Itali, Germani, Hispani vnà cum Venetis eadem ratione foedera inierant. Ne verò altera natio præ altera aliquideam in re priuatim aucuparetur, non iam nomen quod partis erat vel vnus nationis toti multitudini imponunt: nec iam Polonos, Boëmos, Bulgaros, Bosnēses, vel Rascios Croatasue aut Roxolanos se vocant omnes. Hoc enim inuidiam intestinam concitaret. Sed nomen tale quod ex æquo omnibus quadrat, & de energia initi foederis cunctos semper cōmonefaciat magno omnium consensu sibi adaptant: Slauos se cognominantes, hoc est, populos multos & varios, sed tamen ex vna stirpe originem ducentes. De quo foedere Romani cum audissent pauore turbabantur. Tamen ne trepidationem suam coram vulgo proderent, vimque illius confederationis apud plebem suam, quantum in eis fuit, eleuarent, extenuarentque, non iam Slauos, id est, maiorum suorum studiosos sed Sclauos, id est, seruos per antiphrasim eos appellauerunt. Sed an Romanos hæc subtilitas & cauillatio in vocibus iuuerit, tempora. sequentia patefecerunt, & effectus monstrauit. Cum enim eos maxima clade toties affecissent, imperiumque eorum dilacerassent, senserunt postea re ipsa Sclauine an Slaui fuerint illi, quorum ferro & sagittis petebantur, quosque non sine contumeliæ nota p Slauis Sclauos id est seruos appellare voluerunt. Non assentior illis, qui à conditione loci, ab vrbe seu ciuitate noua vel stagno Roxolaniæ dictos esse putant Slauinos. Non enim tam exile nomen tamque angustum titulum gentes tam celebres passæ essent, nec inde illi qui ex æquo nomen hoc sibi veluti certatim adaptarunt materiam aliquam tantopere gloriandi habuissent, non modo reges Polonorum inquam & Boëmorum sed etiam Constantinopolitanorum. sicuti est Ziemiska Imperator. Aut quæ regiones tam spatiosæ esse. poterant, quæ tot & tantas gentes quas vix maior pars Europæ sustentat, alere potuisset? Si à loco veteris

Zemiska orientalis Imperator.

loco veteris habitationis sic nuncuparentur?

Non assentior illis etiam, qui ad Lechum ita originem Polonorum astringunt, ut ab eo quasi Adamo totum genus Polonicum prodiisse putent. Confirmavit Lechus res Polonorum, non autem ipse eas fundauit, stabiliiuit, non primus instituit, dissipatos ut aquila sub alis suis recollegit & recreauit, non quasi antea non fuerint in mundo, produxit, nec in noua radice, ut Iurisperiti loquuntur, vnquam fundamenta regni iecit, sed eis qui multos antea Regulos sparsim habebant, vnum se regem cunctis præbuit. Vocatus enim huc erat ex Croatia. Quod si vocatus, erant igitur hic incolæ qui eum vocabant consilio inter se inito. Turba autem illa, quæ illum secuta erat, non potuit alterationem in tota gente talem facere, quæ deleteret & aboleret auitum eorum nomen, Vandalorum aut Sarmatarum. Venit & nunc cum non contemnendo comitatu ad capeffendum regnum Poloniæ Stephanus rex, ex Vngaria, nec tamen alterare potuit hic manipulus hominum gentis veterem stirpem. Ac talis videtur esse istorum opinio, ac si quis cogitaret vna gutta aquæ fluuiialis in mare immissa totam maris naturam posse transmutari. Verè igitur concluditur, nostram gentem non aliunde venisse, sed hic iamdudum ut hæredes mansisse. Nam licet Lechus & Czechus aliunde cum suis venerit, tamen ut dixi plures hic, quàm secum attulit, incolas veteres, Vandalos inquam, & Sarmatas inuenit, quorum respectu & intuitu nos non esse aduenas prædicare possumus. Laudo certè Mathiam Miechouensem, licet antiqui moris hominem, quod vehementi percitus zelo, ut verus & ingenuus Polonus, insurgit contra illos, qui ad Germanos & Roxolanos sub prætextu defensionis nostri, transferunt auitos Poloniæ honores. Cùm enim cōpluribus verbis hac de re disputasset, tandem ita concludit: Cùm multis testimoniis huiusmodi sententia vallata sit, Polonos & Vádalos eosdem esse, & quidem ex antiquissimis, qui quæ ante Christum propaginem duxerunt: erubescat insulsus oppugnator, temerariè & non verè suas chartas non probatas ostentans. Tu autem mi Andrea Crici, (Episcopum Cracouiensem alloquitur) antiquitatum diligens perscrutator tales aggredere & confuta. Nam quia Polonorum & Boëmorum historia ab initio huius operis posita in toto discrepat, reiicienda & salua reuerentia tanti historici pro non vera habenda est. Hæc ille. Tertiò non probo etiam illorum sententiam qui Slauorum gentem temporibus Iornandis vel potiùs Iustiniani prodiisse in lucem affirmant. Negari forsan non potest primam mentionem nominis Slauorum factam esse in historia Procopii, illis nimirum

*Apostrophe
Miechouensis
ad Cricium.*

*Cassubij ante
Christum.*

lis nimirum quibus vixit temporibus: sed quòd antea hæ gentes non fuerint in iisdem prouinciis quas & nunc incolunt, hoc certe probare non possum. Relegatur historia Augusti Cæsaris, quam superius consignauimus. Relegantur & illa, quæ à Cornelio Tacito in Othone Syluio, qui octauus post Caium Cæsarem apud Romanos numeratur, de Slauorù Roxolanis scribuntur: Roxolani, inquit ille, Sarmatica gens priore hyeme cæsis duabus cohortibus magna spe ad Moesiam irruperant. Proinde nec Grammaticum, Saxonem, nec Blondum tam seuerè obiurgandum censerem, eò quòd Cassubios & ipsam gètem Slauicam ante Christum natum extitisse, bellaq; cum quibusdam Germanis gessisse memoriæ prodidere, ac etiam cum Danis & Suecis eorum finitimis signa contulisse. Quo etiam respectu existimo quòd Dlugosius sequutus eundem Grammaticum & Blondum historicum, Odoacrum Rugianum, Slauum Sarmatam facit, qui Italiam, inquit, ingressus magnam terrorem eodem tēpore quo & Gotthi in Italia regnarunt Romanis incussit. Rugiis enim à Ptolomæo ea regio & locus natalis assignatur vbi nunc Cassubii degunt. Rectè & Miechouienfis exemplū Hieronymi adfert, qui fuit homo nostrę gentis Slauonica, & literas quæ a Russis Buiunica vel Asbuka vocantur, genti suæ reliquit. Rectè & de diuo Martino adfertur ab eo exemplum, qui cum esset Slauus, stipendia merebat in exercitu Iuliani Cæsaris. Iulianus autem fuit statim post Constantinum Magnum longè ante Iustiniani tempora. Sic & Diuus Cyrillus non minus appositè in exemplum adducitur, qui erat Slauus & Slauicas literas inuenit quas Czurulica vocant. Testatur autem Cario, in bibliotheca Reuchlini Erfordiæ hætenus reperiri librum. Cyrilli scriptum contra Iulianum apostatam lingua & characteribus Slauonicis. Quapropter merito potest probari Miechouienfis sententia cum ea moderatione quę superius à nobis relata est. Non enim pugnant hæc: nominis Slauorum primam quidem mentionem factam esse à Procopio & Iornande, & tamen hanc gentem iam dudum antea suis gestis satis conspicuam fuisse. Sed quo res Polonorum in Slauorum historia magis conspicuę reddantur, sicuti supra de Gotthis fecimus, ita nunc Slauorum res gestas chronologicè & breuiter percurremus, vt postea lector recurrendo ad autores citatos latius ibi omnia cognoscat.

Anacephalæosis historiæ Slauonicæ cuius prima pars est à Christo ipso ad aduentum Lechi in Poloniam: secunda à Lechi aduentu ad Caroli Magni tempora per annos ducentos quinquaginta.

Non commemorabo vetustiora. Incipiam ab Augusti temporibus, cuius ætate Strabo scriptum reliquit: Ultra Roxolanos an aliquis habitet nescio.

50. Quæ Paulus scripsit gentium nostrarum faciens mentionem, hoc loco in memoriam reuocentur. Vide supra cum Augusti tempora describeremus.

73. Othonis Syluii temporibus cohortes & duces Romanorum à Roxolanis cæsos esse meminit Tacitus.

360. Iulianus vixit, in cuius exercitu Diuus Martinus militabat. Hunc fuisse Slauiæ gentis tradunt. Et Cyrillum, tradunt scripsisse contra Iulianum lingua & characterib⁹ Slauonicis, quod exemplar aiunt reperiri adhuc Erphordiæ in Bibliotheca Reuchlini. Ego tamen vereor ne hoc scriptum sit illius Cyrilli qui cum Methodio longè post Bulgaros prædicauit Euangelium. Moueor tamen ea re quod cōtra Iulianum dicitur scripsisse. Nam in operibus Cyrilli illius antiquioris extant scripta nobilissima contra Iulianum.

386. Diuus Hieronimus vixit hac ætate, quem hominem nostræ linguæ fuisse affirmant, & quod Biblia nostra lingua verterit ex Hebræo, & genus literarum quod Bucuuica vocant primus tradiderit, sicut illas alias à Cyrillo czirulica.

420. Nostri antiquitatum indagatores adserunt historiam, quod Slauiæ gentes duce Bardilo Dacos expulerint ex Dacia.

Iam venio ad illos ducentos quinquaginta annos ab aduentu Lechi ad Craci tempora, quos scriptores nostri tantum, Lecho & Vissimiro tribuunt: reliquum gubernationis tempus Palatinis & aliquot regibus. Videtur igitur hîc aliquomodo hiare historia, quem hiatum vt supplere queam⁹, historia Slauonica nobis vten dum erit. Abolitis enim rebus Vandalorum, Gotthorum, Antarum, Burgionum, nomen hæserat in Slauonibus, idque potissimum ob confederationem illam populorum istorum de qua in præfatione præliminari & modò diximus.

528. Prima mentio expressè fit circa hæc tempora à Iornande de reb⁹ Gotthicis. Introrsum, inquit, Dacia est ad coronæ speciem arduis alpibus emunita, iuxta quorum sinistrum latus, quod in aquilonem vergit, ab ortu Vistulæ fluminis per immensa spacia Vinidarum natio populosa consedit, quorum nomina, licet nunc per varias familias & loca mutantur, principaliter tamen Slauini & Antes nominantur. In quo testimonio Iornandis vtrumque notare licet: Et quod Slauini origine Vinidæ seu Vandæ sunt ipsissimi, & ex ipsis nati, & quod præcipuas sedes habuerint ad caput Istulæ ab vtraque;

*Secunda pars
historiæ slauo
nicæ ab aduen
tu Lechi.*

le ab vtraq; ripa, vbi nunc est Cracouia, nec aliunde à septemtrionali astro huc venerint vt quidam tradiderunt.

Agnoscent autem contrarium sentientes à Iornande ipsos Sla uos Vinidas seu Vandalos dici, sed arte quadam plagam declinare volunt. Regerunt enim, ratione sedium, quas post Vandalum occuparunt, Vinidas ideo dici. At Iornandes significanter hîc dicit: Vinidarum natio ad Vistulam confedit, & eosdem qui confederant, non. qui in eorum. loca successerant Sla uos dici. Adde quòd Vandali nostri ex Pannonia, vbi antea diu manebant, abierant in Hispaniam, non ex Polonia, licet hîc supplementa exercitus eos accepisse credendum sit. Non igitur Roxolani hîc vacuas sedes poterant reperire. Nam & cum Longobardis postea isti, qui hîc remanserant dimicarunt, vt supra ostensum est. Sed addatur hîc locus ille nobilis ex Procopio de bello Gotthico statim ab initio: Gotthicæ, inquit, gentes multæ quidem & aliæ prius fuisse, quàm nunc, omnium maximæ ac potissimæ Gotthi ac Vandalii & Visogothi, & Gepides & Sarmatæ, & Melanchleni appellati (paulo autem inferius & Alanos Gotthicam. gentem. vocat.) Sunt & qui Geticas has gentes vocent, qui omnes nominib. quidem. inter se differunt cætera conueniunt. Nam. & albi sunt omnes corpore, flauî coma, proceri quoque & aspectu probo. Legibus item eisdem vtuntur, & vna lingua Gotthica appellata. Et vt mihi sane videtur, ex vna omnes gente procreati. Sic ex vtroq; autore ambobus locis collatis rem planam habes lector.

Gotthicæ gentes vocantur Vandali, et lingua nostra Gotthica appellatur

532. De Sla uorum veterum ingeniosa & insidiosa arte interceptiendi captiuos, quod nostri vocant. *iezyká došlác*, quæ industria hucusque in hac gente viget, ex Procopio quædam. adiiciam. Cum Belisarius inquit, sollicitus esset, vt adipisci posset aliquem ex Gotthis nobilem virum. qui ei posset patefacere consilium. Gotthorum, cuiusnam rei fiducia tam graua bella tolerarent: id Valerius intelligens ex Imperatore, operam ei mox ea in re pollicetur. Esse namque sua in cohorte Sla uinorum quosdam, qui vel angustiore rupe arbutoue delitescere consueissent, eoq; pacto, ex hostibus quem. vellent arriperent, cuius rei cum ad Istrum. flumen, vbi sedes ipsi haberent, tùm Romæ in barbaros alios periculum factitassent. Belisarius itaq; cum sibi hæc dicta perplacuisse, Valerio statim. iniunxit, id vt negotii diligenter curaret. Tum ille delectum ex Sla uinis aliquem, qui corporis magnitudine multis præstaret ac robore, virque acerrimus esset, & ad eam rem peridoneus, ex hostibus aliquem comprehensum. ad se vt deduceret misit, promissisque hunc oneravit, si modo factis id exequeretur

xequeretur. Sclauinus itaq; ille mox abiens antelucano tempore, eum in collem euadit, in quo pro pabulo defecando quotidie certabatur, ibique humi prostratus ruboq; & sentibus obtectus delituit. Tum simul ac dies illuxit, vir Gotthus quidam eodem adueniens herbas mox legere, nec ex rubo quicquam suspicari, quo ille integebatur, sed identidem subiecta in castra despicere, cauereq; item, ne quis in se hostium aduentaret. Tum repente Sclauinus exortus barbarum à tergo inuadit, complexusq; medium & simul elatum Romanorum in castra mox intulit, Valerianoq; in manus tradidit.

*Ars & astus
Sclauorum in
comprehenden-
dis hostibus.*

Addatur hic & illa legatio Iustiniani ad gentes Slauonicas, qua hortatur eos, ut sedes veteres incolerent in Histria ad urbem Turrem Traiani dictam. Ex quo loco apparet, dudum gentes nostras habitasse in Illyrico ante Iustinianum. Sed vocatos fuisse non Slauos, nam nondum confederatio illa fuit ita celebris, sed Sporos. Expresse enim dicit, Antas illos & Slauos vnam gentem fuisse, sed inquit, à priscis vocatos fuisse Sporos. Verba sunt Procopii: Quod quidam Rossos non ineptè, id est, dispersos exponunt. Habet ne adhuc de quo dubitet aduersarius? Et describit tandem capita religionis eorum & politiam: Certe hæc sunt non nouorum hospitium: dicit enim libro primo statim ab initio: Is autem inquit, populus loca supra Istrum iam pridem incoluit, qui Antitani ab Appiano Alexandrino vocantur, & inter gentes vetustissimas & Illyriorum Dardanos & Lyburnos nominatur.

*Ad Turrem
Traiani sedes
vetus Sclauo-
rum.*

*Sporus cogno-
men Russorum*

530. Alia mentio Slauorum fit in historia, ubi pugnam describit Slauorum & Antarum ad flumen Istrum cum Hildibio illo bellicoso principe, qui in illa ipsa pugna cadit & Romanorum res collabuntur, ut postea nostri liberè Istrum flumen traicere & Romanos insanabilibus malis afficere inciperent. Verba sunt Procopii. Hæc acta sunt quarto anno Iustiniani.

*Constitus Sla-
uorum cum Hil-
dibio.*

547. Slauini Illyrios vsque ad Epidaurum vastant. Epidaurus est in Græcia cuius Homerus vites laudat.

530. Slauini iterum Illyricum & Thraciam vastant. Procop.

565. Liuba & Lymba Gotthorum rex in Hispania regnat, & fratri postea regnum tradit. Hæc ideo addo, ut quis fuerit status Gotthorum post accersitum Lechum in Poloniâ, intelligi melius possit. Istis etiam temporibus ille Belisarius victor iam senex & præsenio incuruatus Hunnos Græciam infestantes vicit & cecidit.

585. Hoc tempore, id est anno regni Lechi tricesimo quinto Sclauini instinctu Hunnorum regis Chaiani, quem Caganum alii vocant, Thraciam diripiunt.

*Slauorum iam
dudum cum
Hunnis amicitia.*

594. Blondus dicit: Altera Sclauorum pars Mauricii temporibus in Dalmatiam. Illyricumq; migrasse dicitur: qui verò manferunt, paulò post mutarunt nomina, & partim se Polonos, partim Boëmos nominauere. Hæc Blondus libro primo Deca. prima historiæ. Ex quo testimonio liquet, duas causas cōfoederationis Polonos habuisse: Primam, quòd potentiores erant: Secundò quòd hîc Sclauorum domicilium erat, qui postea in Illyricum. commigrarunt. Liquet & ex eodem loco istis gentibus vîtatatum fuisse commigrationes ex Polonia in Sclauoniam, & rursum ex Sclauonia in Poloniam, quod & Czechî Lechiq; ad eas oras aduentus comprobât.

Eodem anno Christi, Lechi verò quadregesimo quarto, Priscus dux Mauricii Sclauinos cædit. Musacium regem eorum (muzik nostri vocant) temulentum cœpit in regia fratris funus peragentem.

595. Sequenti anno Sclauos Sorabos qui cum. Czecho fratre Lechi Boëmiâ occupauerant, Thasillo Bauarus vicit, Trithemio id referente. Hæc iam propius accedunt ad res Polonorum & Boëmorum.

600. Gregorius cognomento Magnus, eius nominis primus, Pontifex maximus qui aliquanto post Iustiniani tempora Mauritio imperante post sexcentimum annum à Christo nato Ecclesiæ præfuit, ita scribit ad Episcopos Istriæ: Equidem de Sclauorum gente, quæ nobis imminet & affligor vehementer & turbor. Affligor in his, quæ in vobis iam patior, conturbor, qui per Istriam iam in Italiam intrare cœperunt. Hoc etiam tempore controuersia illa de titulo principatus in ecclesiâ inter Gregorium Magnum & Ioannem Constantinopolitanum Pontificem excitata fuit. Nam Ioannes cum audisset Gregorium dici vocariq; Magnum, ipse se primatem supremumq; voluit nominari.

610. Sclauini Boëmici & Polonici Garibaldum. filium Thasilonis, qui iam mortuus erat, ad Moguntum vicerunt & regnum eius vastarunt. Diacon. scriptor. Hæc acta sunt Vilsimari filii Lechi temporibus anno septuagesimo post aduentum Lechi & Czechî in eas regiones. Phocæ verò Imperatoris septuagesimo.

641. Sclauini regnum Austriæ (sic enim tunc Austriam vocabant,) infestant, & Sigibertum eorum regem profligant. Sed postea anno sequenti à Dagoborto nostri Sclauini & Vinidæ seu Vandalorum reliquæ victi sunt. Saxonum enim exercitu adiutus erat Austriacus. Ob rem prosperè gestâ quingentos boues eis loco stipendii remisit. Thrithe.

650 anno,

650 anno, hoc est, temporibus Craci, Slauini Italiam inuadunt & cum Aione principe & Rodoaldo Samnite vario Marte dimicant.

658. Constans Imperator nepos Heraclii contra Slauinos orientales exercitum ducit, eosque magnis incommodis afficit. Annalium.

680. Bulgari Slauicæ gentes, quarum & Iornandes iam suo æuo meminit Thraciam inuadunt, & Imperatorem tributa dare cogunt. Hos Vulgaros magis propriè debere dici quidam tradunt, eo quòd à flumine Volga orti prodierint.

680. Anno Christi, statim ante Craci tempora, in sexta Constantinopolitana synodo celebris Slauorù mētio fit, in suggestione actionis quartæ: Expectauit, inquit, totius concilii seruilis nostra suggestio omnes adiuuare, ne si tantum pars, quod ageretur, agnosceret, partem lateret. Maximeque quia in medio gentium tam Lógobardorum quàm Sclauorum plurimi cōfamulorum nostrorum esse noscuntur, qui de hoc curiosè fatagere non desinunt, &c. Apparet ex hoc loco Slauos adhuc illo tempore auersatos fuisse imagines. Nam ad illud concilium quod pro imaginibus plurimum elaborabat, verebantur accedere, ne ad subscriptionem cogerentur. Hæc sub ipsum tempus Craci & vrbis Cracouiensis foundationem acta sunt. De prærogatiua illa, quod intercedente Cyrillo & Methodio Slauis Slauonica lingua sacra peragere concessum fuit, annotant & Chronologi nostri.

689. Iustinianus secundus Bulgaros aliosque Slauos bello aggreditur, & cum alias gentes Slauicas profligasset, à Bulgaris fugatur, ac vix fuga salutem acquirit.

707. Iustinianus auxilio Bulgarorum regis Terbellini imperium recepit & regnat. Iornandes autem Bulgaros Slauos vocat. Et Suidas de Sclauis. Σκλάβων ἔθνος τὸ περὶ τὴν Ἰσπρίαν. Ibi enim & Bulgares tum erant.

713. Bulgari totam Thraciam populantur, Constantinopolim ad auream portam vsque omnia deprædantes. Securi tandem domum redeunt. Rectè ergo recens Chronologus Polonicus exclamat: Tunc, inquit, verè dicebantur Slauaci ob res præclarè gestas, at nunc inquit, Slabaci potius possunt dici, id est, imbecilles, minimeque potentes. Annal.

718. Circa hæc tempora defecit regnum & nomen Gotthorum in Hispania, & Austurum regnum coeptum est vocari, occasionem præbentibus ad eam rem moribus obscœnis & turpibus regum Gotthicorum. Iam enim in Hispania mores degenerant. Vnde

Reges Gottho-
rum defecerunt
hoc tempore,
id est, regnan-
te Craco apud
nos.

Hunorum ad-
uentus.

rant. Vnde Rodericus ultimus Vestgotthorum nostrorum in hispania rex, Iuliani comitis & legati filiam cum stuprasset, à Mauris à Iuliano sollicitatis bello in acie occiditur. Hoc etiam tempore Muchauia Saracenus Christianorum prouincias infestat.

744. In Pannonia cum Suatoplugo rege Poloni sedes fixerunt. Inde Panorum, nomen est nobilitatis Polonæ. Rectè autem Carion de Pannonibus dixit: Pannonia olim Pæonia dicta. Estque nomen hoc, inquit, vetustæ nobilitatis indicium. Circa eadem tempora Hunni septem itineribus, totidemque exercitibus è Scythia egressi Pannoniam Attylæ titulo repetunt.

748. Vuratislaus Boëmiæ rex circa hæc tempora regnavit. Nomen eius à Slavis est dictum, sicuti & Polonici reges affectabant omnium maximè sic vocari. Inde nomina regum, Poloniæ Boleslavv, Chabriboleslavv, Wacslavv, Wladislavv. Alii verò heroes Polonici, Zalislavv, Iaroslavv, Bretislavv, Miroslavv, Boleslavv, Przybislavv, Zaslavv &c. Nam Polonici principes præcipui tutores confederationis illius esse volebant, ideo honoris causa illo nomine libenter se insigniebāt, à qua dictione etiam nobiles Poloni *slachcice* vt quidam, volunt vocantur. Sicut enim, Carion de Pannonia dicit: Pannonia est vetustæ nobilitatis indicium: ita quoque nostræ nobilitatis decus in Polonia florebat. Vnde *slachcice* ab eadem, Slauorum denominatione veterib⁹ est dictum. Slauaci autem dicebantur, quòd famam maioris facere soliti erant quàm aurum, argentum, & quæque preciosiora: vel quod pactorum cōuentorumque custodes erant fidelissimi. Hinc phrasis est vsitata nostris *Aga ia Cjech słowo dżierżet.*

759. Constantinus Slauinos penes Macedoniam subegit. Dicunt autem Oratores regum Poloniæ qui ad Turcam mittuntur, multoties audiuisse se à Slavis illis qui circumcirca Constantino-polim degunt, quòd affirment, se non aliunde eò venisse, sed ibi antiquitus mansisse. Ideo narrant se esse Venetos, vel Paphlagonas veteres. Indè fit quòd in Turcica domo lingua Slauonica passim hætenus vtuntur. Sicuti olim, apud Aegyptios Soldanos temporibus Malmaluchorum eadem vsi sunt Aegyptii.

760. Constantinus à Bulgaris victus nobiles multos amisit.

763. Bulgari occisis principibus Zeletim ducem faciunt, qui graui bello à Constantino, victus à suis occiditur, & Paganus ei sufficitur. Annal. Constant.

774. Imperator dolo Bulgaros inuadens magnam in eis cædem facit.

775. Imperator Bulgaros classe inuadens naufragium passus inglorius

inglorius recessit Annal. Eodem anno Thelericus Bulgarorum rex, astu proditores suos ab imperatore expiscatur, quos ubi cognouit, medios secuit.

784. Stauratius Patricius Slauinos in Thessalia & Græcia subegit.

789. Carolus nondum Magnus nec Imperator dictus Slauis Bohemicis, qui Vilzi dicebantur, bellum infert, eosq; conditionibus quibusdam iuris sui facit. Abbas. Hic idem paulò ante Magdeburgum Germaniæ nobilem ciuitatem ampliat, & hoc nomine donat, cum antea Parthenopolis diceretur. Ferè etiam istis temporibus Leo coronam Imperatoriam ex ecclesia Cōstantinopolitana cum raperet, & capiti imponeret, subito in capite eius enati carbunculi, & mox febrè accedente valida, morte moritur. Hæc in annalibus Constantinopolitanis narrantur, qui ad annum hunc 814. perducti desierunt. Ex hac igitur historia aliquomodo interregna illa in historia Polonica possunt sarciri. Nam istæ narrationes collatæ cum historia regum Poloniæ, statum rerum nostrarum qui tum fuerit tam cum orientalibus, quàm cum occidentalibus Imperatoribus, illustrat & declarat.

LIBER QVINTVS,

in quo comprehenduntur ea quæ acta sunt in ijs terris à temporib. Caroli Magni, ad Otthonem Magnum.

P R O O E M I V M.

Continetur in hoc libro historia Regum Poloniæ, qui interiecti sunt inter Caroli Magni & Otthonis Magni tempora. Dixi autem supra, hunc omnium aptissimum ordinem ad memoriam iuuandam & fastidium ex lectione leuandum. Imperatoribus enim regnantibus qui Magni dicti sunt, magne aliquæ mutationes in Rebus publicis eveniebant, ut iam dictum est. Sic Carolo Magno imperante, Imperium Romanum translatum est à Græcis ad Gallos vel Francos, quod sanè absq; magnis motibus fieri non potuit.

LESCVS SECVNDVS.

Anno ab orbe condito
Anno à Christo nato

4765.
804.



Comprehendere volens in compendio historiam Lesci Secūdi, primò dicam de eius electione & inauguratione, mox quomodo se gessit in bello, tertio quis fuerit tempore pacis: quarto de eius exitu & morte,

b quinto

*Methodus in
describendis re-
bus gestis sin-
gularū regum.*

Lesci dolus.

quintò mores, & ingenium eius exponere vtile erit. Hanc enim methodum hæcenus seruavi, & deinceps seruabo. Lescio igitur mortuo eius nominis primo, ad præcludendas occasiones rixarum de principatu, inuentum fuit nouum genus electionis, nouum quidem genti nostræ, sed apud externos non inusitatum. Nam apud Persas cum Cyri regis stirps defecisset, inter Satrapas septem pactum fuit, vt cuius equus primū hinniret, is in regem eligeretur. Itaque Dario ex præfixa lege regnum obuinit, eò quòd equus eius primò hinniuiisset. Cum enim suo magistro equorum modum futuræ electionis narrasset, eumque, vt arte & industria se iuaret, hortatus esset, astutus Persa in eodem loco huic rei destinato de nocte equum equæ admisit. Ita dilucescente die equus Darii cum candidati processissent in campum, desiderans equam, primus hinniuit. Hoc forsan exemplum Poloni imitantes inter se sanciunt, vt duo equi duorum candidatorum in campum educantur, & vtrius equus cursu alterum superet, ille in regem eligatur. Res quidem periculosa initio visa est, negotium tanti momenti fortunæ et aleæ committere, sed tamen ad sedandos & sanandos ambitiosorum animos valde apta. Itaque ad condictam horam & locum educuntur equi extra urbem, Pradnicium versus, vbi & meta procurentibus designata fuit. Agminatim spectatum vtriusque sexus homines vrbe sese effundunt. Incitati sunt à carceribus equi. Sed Lescio consilio dolum adhibuit. Stylos namque ferreos sabulo inspergens, quæ equus antagonistæ currere debebat, abdiderat, vt quamuis cursu velocior esset, inter procurrendum subinde impeditus retardaretur. Ipse prudentem in se sorem habuit, quem ante submonuit, parato consilio, vt via, quæ libera erat à stylis, equum duceret. Arrisit ergo fortuna Lescio, vt equus eius prior, metam attingeret. Sed mox subdolum consilium in eius caput recidit. Nam, detecta fraude, statim trucidatur. Non enim antiqui moris Poloni vafros ingenio, regali fortuna dignos existimabant, sed qui probitati prudentiam fortitudini animi iustitiam aptè cōiunxisset, hunc demum tantis honoribus aptissimum statuebant. Ne autem plebiscitum illud, in quo electionis illius formula continebatur, prorsus irritum fieret, eligunt regem quendam, cui nomen etiam Lescio imponitur, hominem plebeium & priuatum, qui tantum spectaculi causa vrbe exiuerat, cumque illud par candidatorum cursu equorum decertaret, ipse quoque per iocum pactus cum socio, vter ipsorum rex esset, pedum cursu incitatus apud procures obequitantes decertabat. Commendabant hunc Lescium dotes corporis, videbaturque eis alter Hercules aut maximus Imperator. Nam non modò

pedum

pedum cursu socium cum quo pactus erat vicerat, sed etiam equites illos seriò contendentes cursu pedum adæquarat, præterea opinio probitatis, prudentiæ, & animus nequaquam vilis & humiliter eum cōmendabilem reddebant, quæ omnia accuratè contemplantib⁹ vel ipsa lineamenta corporis in eo significabant. Adde quòd ipse primus dolum illum alterius Lesci deprehendens, nihil tale subesse putantibus detexerat. Igitur magno cōsensu & applausu cunctorum ordinum, sed potissimum plebis, quòd ex plebeis oriundus erat, res salutatur, Lescusque vt dictum est, nominatur. Euectus ad hos honores, dedit omnem operam ne opinionem de se conceptam falleret. Nam iustitiam cum probitate coluit, ad euntibus facilem, egentibus liberalem se præbuit, & si quos potentiorum vi & iniuriis premi audiret, statim se acerrimum vindicem, nisi ad saniores mentes redire vellent, interponebat. In cultu & victu corporis non fuit nimius, nisi si quando in publico dare aliquid splendori atq; maiestati cōsebarur, maximè exterorum hominum causa. Vt tamen prioris fortunæ non obliuisceretur pannos illos foeciles & lacinias tunicæ, qua olim usus fuerat, præ oculis sibi appendi iussit. Quid multa? Nihil iuris in eum prorsus habuit illud vetus dictum. Asperius nihil est humili, cum surgit in altum. Cumq; durius bellum sibi instare cum magno Imperatore, & peritissimo rerum bellicarum præuideret, omnem dedit operam, vt militem sibi exercitatissimum peritissimumq; rei militaris redderet. Proinde quando ei aliquid ocii à rebus seriis dabatur, id in exercenda iuuentute consumebat. Martium campum exemplo Romanorum instituit, ibiq; varios ludos militares & simulachra conflictuum, qui in bello accidere solent, edebat. Quoq; hæc maiore cum alacritate animorum agerentur, decertantibus honorifica præmia proponebat, quæ ipse in medio residens veluti agonothesia liberali manu singulis pro meritis distribuerebat, neminem suis laudibus defraudando. Intelligebat enim optimus princeps fundamentum rei bene gerendæ in eo potissimum esse situm, si militem legionarium, non tyronem neq; gregarium, aut agrestium turbam in aciem produceret. His igitur eius virtutibus planè regiis, Bohemi etiã inuitati, honores ei regiones, modo non dedignetur, decernunt, precibus etiam additis. Quibus de rebus vbi ad Carolum Magnum perlatum est, audiens tantam huius regis virtutem, tantaq; Bohemorum erga eum studia, veritusq; eius potentiam, bellum ei ad Saxoniam fines confestim indicit, contraq; eum Carolum filium cum exercitu præualido mittit. Sed Carolus cum reperiret, hostes & ducem exercitatum, & exercitum

Lescus secundus.

Lescus memor prioris fortunæ.

Expeditio Caroli Magni contra Polonos.

*Polonorum
propensa vo-
luntas erga Ro-
manos Impera-
tores.*

instructissimū habere, non ausus est praelio decernere reſq; infecta peruaſtatis modò finibus, inglorius domum rediit. Referunt quidam Leſcum hunc in ea expeditione occubiſſe. Sed iſti nullius autoris idonei teſtimonio id probant, niſi Abbatis. At Lechonem ille vocat, qui iam dudum mortuus fuerat. Refert tamen Sabellius Siauorum, Polonorum, & Bohemorum, legatos Imperatori cum muneribus Aquisgranum tum occuriſſe. Nam maiores noſtri haud dubiè ea prudentia & modeltia præditi erant, vt licet fines ſuos conſtantiffimè propugnarent, tamen Imperium Romanum Dei opus eſſe agnoſcerent. Nec iudicabant foelices illos futuros, qui temerè manus nouandis rebus iniicere vellent. Interim potentiorum principum, ſi quando arrogantius impeterentur, vim vi repellebant, Marobudi illius, regis Marcomanorum, ex Quadis ſeu Sarmatis oriundi exemplum imitati, qui Auguſti temporibus florebat. De quo ſic Velieius Paterculus memoriae prodiſit: Marobudus genere nobilis, natione magis quàm ratione barbarus, finitimos omnes domuit bello, aut conditionibus iuris ſui fecit. Diſciplinæ militaris exemplum ad formam Romanorum retinebat. Aduerſus Romanos ſic ſe gerebat, vt bello eos non laceſſeret, ſed tamen oſtenderet ſi laceſſeretur ſuperèſſe ſibi vim, voluntatem & facultatem reſiſtendi. Hæc acta ſunt ab hinc annos circiter 787. poſtquam Imperii honores ad Gallos ſeu Francos transferri cœperant. In eadem enim tempora incurrit ingreſſus Caroli Magni Romam qui à Pontifice ad templū euocatur. Cumque in illa ſolennitate ducibus comitibusq; aſtantibus in throno conſediſſet, ad orandumq; ſe comparaſſet, à Pontifice Leone nil ſperante tale Carolo, renunciatus eſt Imperator Romanorum, choro acclamante: Carolo Auguſto à Deo coronato Magno, & pacifico Romanorum Imperatori, vita & victoria. Dicitur Imperator offeſus ea re reſpondiſſe: Si hoc ſciuiſſem, nunquam in templum veniſſem. Volebat enim Imperator teſtatum, ſe ius imperii adeptum eſſe, non liberalitate Pontificis, ſed iure belli, & quod per tranſactionem cum Imperatoribus Græcis ius omne in eum deuolutum eſſet, Græcis omne ius ſuum, quod in Imperium occidentis habuerant, Carolo concedentibus.

LESCVS TERTIVS.

Anno ab orbe condito

4722.

Anno à Chriſto

810.

LESCVS Tertius filius Secundi Leſci in nomen patris & regnum ſucceſſit. Multa hic bella cum finitimis geſſit, ac cum Imperatore Carolo præfertim. Qui cū audiffet, quòd

quòd ex pactis & formula confœderationis, cuius supra meminimus, gentes linguæ nostræ veluti conspirantes contra eum adornarent bellum, ipse quoque pro remedio ad id ipsum, quo petebatur, confugit. Ideoq; inter illa tria regna celeberrima, hoc est Italicum, Gallicum & Germanicum, fœdus similiter conficit, ut ita conspirationi conspirationem, & confœderationi confœderationem opponeret. Itaque in tribus locis ferè eodem tempore gravissimum exoritur bellum, sed omnium maximum in Pannonia, quod octo annis duravit, ita ut Caroli exercitus isthic consenuisse dicatur: ad extremum reliquiæ eius in Transsylvania domicilium sibi delegerunt, ibiq; sedes fixerunt. Horum esse posteritatem Germanos illos, qui in Transsylvania visuntur, pleriq; putant, ut affirmat prior editio Carionis, sed recenter editus Carion negat, potiusque eos esse posteritatem Gothorum illorum vetustorum ex coniecturis docet. Sed eo consilio hoc facere videtur, quòd priorem sententiam mutavit, ut videlicet cunctis probatum faceret, id quod de veteri Germania ad Pontum Euxinum promulgare voluit. At omnes scriptores quicunque Gothos à Getis ortos esse tradunt, contrarii sunt huic sententiæ. Sed de rebus istis iam superius aliquoties disseruimus. Redeo iam unde digressus sum. Dum igitur vtrinq; magno animorum ardore administratur bellum, aduenit & ipse Lescus adiutum suos gẽtiles Slauos, collatisq; signis, ut Dlugofus refert, prosperè dimicauit. In istis enim bellis semper nomen Polonorum cæteris celebrius fuit, quos velut præcipuos in hac confœderatione alii focii esse volebant. A celebri-
rate autem huius fœderis manauit mos ille, ut Polonorum reges, Boleslauri, Mecellauri, Venceslauri ab istis Slauis nomine composito denominarentur. Secundum bellum Carolo Magno fuit cum Sorabis ad Albim & Salam gente Slaui-
ca, quòd vario Marte administratum fuit, nec tam facile finitum. Huc enim spectant per-
uastationes & depopulationes, quæ secutæ sunt, quarum meminerunt scriptores. Blondus dicit & Bonfinius, eo tempore Albi & Salæ fluuiis præsidia contra Sorabiẽses Slauos (sic enim loquitur) à Carolo Caroli Magni filio imposita fuisse viuentem adhuc patre. Vitichundus etiam bellorum meminit, quæ Francones Turingii & Saxones cum Slauis eius regionis incolis eodem tempore gesserunt. Sic & Crantius & alii. Einhardus autem Caroli Magni alumnus scribit, quòd tum temporis Sala fluuius Turingios à Sorabis qui & ipsi Slaui erant, diuidebat. Carion verò volens ostendere Sorabos reliquias esse Sarmaticę gentis, etymon nominis Soraborum à nomine Sarmatiæ deriuat. Videntur igitur Vendæ isti So-

Caroli confœderatio contra confœderationem Slauonicam.

Prima editio Carionis cum posteriore pugnat.

Secundum bellum Caroli Magni.

rabi, & Vilci adhuc cum Gothis ante Augustum eò processisse, & oram illam ad Albim subegisse. Vide Trithemium de bellis Gothorum ante Christi aduentum cum Saxonibus, aut cum Marobudo qui fuit genere Quadus, qui Senones, Augusto regnante, & alias nationes ad Albim armis & conditionibus iuris sui fecerat, inter Rhenum versus Sueuis, vt Suetonius narrat, ab Augusto translatis. De Marobudo vide Strabonem & Tacitum & Paterculum. Nam cur Dion Vandalicos montes vocasset ex quibus Albis oritur, si negatur Vandalorum istic fuisse sedes? Tertium bellum eiusdem gentis Slauorum, exortum fuit eodem regnante Carolo Magno, ad Orientem cum Nicephoro primo, Orientis Imperatore, quo tempore etiam Bulgari & ipsi Slaui Mysiam deuastarunt, exercitus deleuerunt, Imperator ipse necatus est, & amputato eius capite, cranio pro poculo ad bibendum vsus est Bulgarorum princeps. Missa erant etiam eò auxilia à Polono. Nam certatim cuncti Slaui tum temporis contra Imperatores laturos suppetias, tanquam ad extinguendum commune incendium vndique accurrebant. Non deterruit eos itineris longitudo, ac perinde eis erat ex Pannonia Constantinopolim ducere exercitum atque Occidentem versus ad ostia Albis, vbi Sorabi intrepido animo Carolo se opponebant. Redeo iterum ad res Polonorum. Lescus complures filios reliquit, ex quibus legitima vxore Popielum suscepit, penes quem summam rei esse voluit, nec prius cæteris possessiones attribuit, donec sacramento adacti promiserint ea omnia, quæ pater de Popielo & vniuersa herciscunda sua familia statuisset rata & firma se habituros, nec nouis disidiis eius regnum turbaturos aut interpellaturos. Quod vbi illi fecerunt, ad hunc modum inter eos partitus est prouincias cum vrbibus.

*Lescus diuidit
inter filios. e-
gnam.*

FORMA DIVISIONIS PROVINCiarVM INTER
FILIOS LESCI TERTII, QUÆ DIVISIO RVINAM FECIT
MAXIMAM SARMATICI DOMINII.

Serbia cecidit Iaxæ. Mysia Vladislao. Zgoiseletia, quæ nunc Brandenburgum est, Præmislo. Bogdano, Rugiani, Pomerani cum Cassubiis. Vissimiria Vismaro, olim à Lechi ædificata filio.

Lipa nomen arboris cum sit, prorsus miramur, quomodo flumini illi quod Rhenum est versus, inditum fuerit. Sed & Mysiæ vrbs celeberrima, quam nostri Lipsko vocant, eandem cognominis sui naturam & originem referre videtur. Si autem hæc incredibilia esse videntur, etiam illa videri debent quæ de Dais, Sais & Carmanis à scriptoribus Germanis memoriæ prodita sunt: pari enim fundamento nituntur. Nam si ideo veterem Germaniâ ad Euxinum Asiæ

*Sais. Dais,
Carman.*

Asiam versus excitare licet, quòd ab Herodoto ea de ora loquente mentio fit istorum nominum, certè Lechus Lecho & Lipa Lipe ita syllabis & literis est còformis, vt Dani Dais, Saxones Sais, Germani Carmanis, nec vtrisque fucus historicorum deerit, cùm Berofus Sauromatarum fines vsque ad Rhenum, cuius ostia Lech vocant Germanicè, proferat. Sed quæ in statu coniecturali versantur, non sunt commiscenda cum iis, quæ de limitibus Imperii Sala & Albi temporibus Caroli Magni Blondus, Bonfinius, Vitichundus, & istis antiquior Einhardus Caroli æqualis memoriæ prodiderunt.

*Argumenta
quæ ab etymo
nominum pen-
tuntur quo in
loco sunt haben-
da.*

LESCI TERTII CONSILIVM IN DESIGNANDO
SVCCESORE, EX DLVGOSSE.

Ex filiis Popelum in spem principatus liberaliter educatum successorem sibi viuens designauit, cæteris sacramento vt Popelo parerent adaçtis. Occidentalem et maritimam oram omnem inter Al bim & Habelam fluuios ad Oceanum Sarmatias spectantem inter eos partitus est (alii vocant Oceanum hunc Germanicum) illud verò mare ad Iodanum, Oceanum Sarmaticum: sed quomodo Oceanum hunc vocent ipsi viderint. Nam Oceanus, qui non ambit continentem, Oceanus non est.

POPELVS SENIOR.

Anno ab orbe condita
Anno à Christo

4780.
815.

HÆ autem prouinciæ quomodo postea Germanicæ ditionis esse cœperint, & quo pacto à Polonorû regno auulsa & abrepta sint, inferius per occasiones dicemus. Sed certè ignauia successorum in causa fuit, quod Popeli filii Lesci exemplo mox comprobatum est, qui de se iudicio patris & expectationi minimè satisfecit. Nihilq; memorabile prorsus præstitit, nisi quòd sedem regiam Craconia Crusficiam transtulit. Oppidum illud est situm in ora Cuiaiensi inter paludes ad lacum Goplo. Cuius instituti multæ causæ referri solent. Sed illa potissima fuisse creditur, quòd homo meticulosi & desidis animi quæsiuit antrum, vbi remotior ab Hungaris & Germanis, remotior à fratribus, à quibus sibi cum primis metuebat, securius viueret, & à negotiis Reip. alienatus indulgeret ventri, & iis, quæ sub ventre sunt. Sed non diu animi proposito frui concessum ei fuit. Priusquam enim ad illam amplitudinem honorum euectus est, & fratribus visendi sui copiam fecit, in morbum incidit, ac ita demum non longè post lenta ægritudine & sollicitudine conseruandæ vitæ consum-

*Sedis regis
translatio.*

tus est. Vsq̃ue adeo nihil est durabile in hac caduca & mortali vita. Verè igitur eum alloquitur Poëta noster.

*Succesſiſſe etiam patris te laudibus æquum,
Non tantum viris Imperioque fuit.*

DE MORE POPELI SE EXECRANDI. EX
MIECHOVIENSIS HISTORIA.

Morem se execrandi habuit Popelus vt ſapientiſſimè huiusmodi verba pronuntiaret, ò vtinam à murib⁹ corroderer; quod quanquam non ipſi, filio tamen eius accidit, vt referunt ſcriptores.

POPELVS IUNIOR.

Anno ab orbe condito
Anno à Chriſto

4792.
830.

*Popeli iuueni-
nilis ætas.*

*Privata eius
vitia.*

Publica,

*Persona Pope-
li distorta.*

Vſtis funeri Popeli ſenioris perſolutis, iunior concordī optimatum ſuffragio & patruorum aſſenſu in regem eligitur ac inauguratur, datoque & accepto iureiurando rerum potitur, cunctis ipſi ſe ſubiectos fore promittentibus. Et verè quidem dictum eſt: Non domus dominum, ſed dominus domum cohonestare debet. Sed Popelus Cruſſicium ignobile oppidum inhabitans vita ſua etiam ignobili⁹ reddidit. Statim enim primum iuventutis florem nequiciis contaminavit & ingluvie. Designati ei erant tutores, ſed puer perditiffimus arbitratu ſuo viuendo iugum eorum mox excuſit. Nihil iuuit eum autoritas procerum ei adiunctorum. Hæc conciliauit ei vxorem, ſed remedium ceſſit ei in deterius. Nam quæ ante vitia contraxerat permaſerunt, & quorum adhuc expers fuit, veteribus noua adiecit: compotatio, choreæ, crapula, amplexus puellarum, cum æqualibus conſilia capere, in multam diem ſtertere, hæc iamdiu ei in vſu erant: porrò auaritiā, faſtum, crudelitatem hæc ab vxore Germana primum didicit. Adeoque prioribus ſuis quaſi priuatis vitiis publica etiam addidit. Decreta & honores vendere, diſtributiua iuſtitiam ſuſq; deq; habere, quos videbat conformes ſuis morib. magiſtratus commendare, dignos & idoneos præterire, crudelitate principatum ſibi ſtabilire moresq; iſti in vſum ita iam abierant, vt, qui ſecus ſentiret, ab aſſentatoribus aulicis pro turbatore haberetur. Hæc autem omnia faciebat, vxore in eo vitia alēte & quotidie nutriente. Cum autem in eo præter has animi labes, etiam deformitas corporis appareret. (Fuit enim diſtorta facie, raro capillo, imberbis, improbo aſpectu) ipſa vxor eo deſpecto ad augendam rem priuatam ſeſe conuertit. Omnia munia regia ad ſe callidè & ſenſim attraxit, ita vt maritus rex quidem nominaretur, & pro rege ſe gereret: ſed

iuſtitia

iustitiæ administratio, fisci potestas penes vnam mulierem esset. Ideo vsus iam obtinuerat in aula eius, vt emergere nemo posset, qui vera virtute niteretur sed adultores, mimi, histriones, com-
 potores, lenones, vnicè ab eo colebantur. Indies autem iis vitiis
 in ea muliere inualescentibus cum Popeli patrui & alii boni viri
 ægerrimè talia ferrent, eiq; sese opponerent, creauit eis pericula,
 quodq; peius est, nouum & adhuc in Polonia inauditum consili-
 um de tollendis eis aggressa est, vinumq; veneno medicatum eis
 propinat ac ita eos enecat, idq; non modò consentiente, sed etiam
 adiuuante, pro scelus, marito.

*Mores aule
Popeli deprauati.*

DE MORTE POPELI ET VXORE EIVS A

MVRIBVS ABSUMPTIS EX ALIQVOT HISTORICIS.

Quanquam autem liuores corporum, & effusa præcordiis visce-
 ra, manifestum veneni indicium faciebant, nemo tamen indignum
 optimorum principum interitum apertè deplorare ausus est, me-
 tu tyranni. Sed non finit inulta esse diu diuinum numen scelera.
 Nam ex cadaueribus putrefactis enati mures inusitata magnitu-
 dinis, impium parricidam cum scelerata vxore atq; liberis fugien-
 tem cum horrendis sibilis quoquo versus per aquam flammamq;
 persequuntur: nec claustra profunt aut abigentium satellitum præ-
 sidia. Ad extremum diffugientibus omnibus absumptis prius fili-
 is, deinde vxore, postremus ipse in sceleris miserabiliter lenta mor-
 te consumitur in arce Cruscia. Ita non in casum ceciderunt
 patris eius imprecationes. Iuxta illud Poëtæ.

*Nam ter inie-
cto igne propel-
lere eos vole-
bant aule ser-
ui, sed non pote-
rant.*

*Narrat Mie-
chouensis Ar-
chipiscopus regē
Gallie consumi
le quid olim
passum fuisse.*

*Est Deus est scelerum vindicta & pœna malorum
Vnde putes minime posse venire venit.*

Hæc euenerunt circiter annum 830. Vt autem priuata illa delicta
 priuata pœnæ, sic publica publica sunt secuta. Non enim hæsit in
 iis, quæ commemorauimus ultio Dei, grauiora sunt secuta: pestis
 fames & istis adhuc deterius interregnum turbulentissimum, quo
 non modò res Polonorum, in deterius verti cœperunt, sed vni-
 uersæ Reipub. Slauorum, status à summo illo culmine ad imum
 procumbere & labi cœpit. Nam mox deinde orientalium Slauo-
 rum exercitus trecentorum millium, vnà cum duce vel rege eo-
 rum Suedislao victus est, & rex ipse à Bóssinis oppressus fuit. Bul-
 gari quoque, qui & ipsi Slauorum gens erant, per id tempus, aut
 non ita multò post à Basilio Orientis Imperatore magno prælio
 debellati sunt, & nouo crudelitatis exemplo, si modò in historico
 fides non desideratur, quindecim millibus captiuorum oculos e-
 ruit, in singulis tantum centuriis vno monoculo relicto, qui soci-
 is reuertentibus ad suos vnde venerant, dux itineris & monstra-
 tor viæ

*Slauorum Res
publica quan-
do cœpit colla-
bi.*

*Basili Impera-
toris crudeli-
tas in Slauos.*

*Slauorum occi-
dentalium disti-
dia.*

tor viæ esset. Hæc in oriente acciderunt. Ad occidentem verò, Historico Mutio referente, inter duces Polonicae siue Slauonicae gentis, filios existimo Lescii Tertii, quibus ad Albim flumen possessiones pater attribuerat, ciuilia bella secuta sunt, ita vt postea de principatu contendentes cum summa infamia Slauicæ gentis arbitrio extranei principis Ludouici Pii Caroli Magni filii rem totam subiecerint, coramq; eo strepitum iudiciorum experiri non erubuerint. Sed illa, quæ dicta sunt de Slauorum calamitatibus ad orientem posteriora fuisse existimo. Tempore nimirum interregni, de quo mox dicemus, aut regnante Pisto, hoc est circa annum 860.

INTERREGNUM.

*Priuata studi-
a tempore in-
terregni.*

Interregnum hoc longius fuisse prioribus existimo. Durasse enim illud supra vigesimum sextum, vel septimum annum opinor. Nec difficile est coniectare deficiente rege, quæ & quanta mala statim obrepserint. Nam præter alia detrimenta, quibus hæc Respub. affecta est, illud sane non postremum fuit, quòd inter se neminem inuenirent cum autoritate, cui concederent controuersia illius decidendæ munus, quæ inter Principes suos Germanos oborta erat. Igitur Francofurtum usq; proficiscuntur utq; causam cognosceret, Imperatorem appellant. Interim Germani ipsi nacti occasionem dum pro se quisq; ageret, fines carpere, prædas agere ex ipsis non desierunt. Quibus malis fatigati ac ferè non consumpti Poloni indicunt Crusficiæ comitia, ac tandem vt modus malorum illorum inueniatur, inter se deliberant. Sed ambitiosis magnas post se trahentibus factiones, utque diutius interregni licentia possent abuti, rem totam corrumpentibus, infecto negotio disceditur. Duplicatur igitur malum, & prioribus maiora damna accumulatur. Quib. visis ii qui melius sentiebant, penè obstupescit diutius hæserunt, donec ab infirmis mediocres, & à mediocribus sublimiores partim probris, partim minis impellerentur, & extimularentur, vt priuatorum compendiorum obliti de creando quamprimum rege absq; mora consultarent. Itaq; necessitate compulsi comitia rursus eodem in loco id est Crusficiæ indicunt. Non deerant & tum maleuoli pestes Reipub. qui obliti communis parentis suæ, Reipub. inquam, secum minimè expendebant, quòd publicis commodis neglectis, etiam priuata agrè sustentantur. Et perrexissent haud dubiè isti vltius inflare simplices, & extendere in longum consultationes, quæ in medium adferebantur, nisi Deus præter opinionem ad eligendum Pistum

dum Piaſtum hominem plebeium mentes fluctuantium extimulaſſet. De qua re iam nobis dicendum erit. Quod autem non ita cito, ut boni viri deſiderabant, electus fuit rex, haud dubiè irascentis peccatis ſupremi numinis potentia obſtitit. Sed alia propior cauſa non latebat, prudētiores, nimirum, quòd modum eligendi futuri regis in promptu non habebant, qui modus quoniam haecenus per ſeptingentos hoſce annos non eſt inuentus, licet aliquo modo delineatus, proſectò peccatis noſtris imputandum eſt. Et ſæpius bonos viros audio querulis vocibus deplorare hanc noſtram incogitantiam & ſecuritatem, qui experientia edocti ſapere tamen nolumus. Nec videmus grauiffimam iram Dei nobis hac de cauſa impendere, quam veluti in vagina patientiſſimè diu reconditam habet.

Cauſa cur tardè & difficulter regum electiones perficiantur & abſoluantur.

PIASTVS.

Anno ab orbe condito
Anno à Chriſto.

4804.
842.

REbus Polonorum laborantibus & ad interitum ſpectantibus Deus Optimus Maximus ſuccurrit, datq; regem illis oppidanum illius ciuitatis, nempe Cruſſiciæ, cui nomen fuit Piaſtus. Pater eius fuit homo tenuis fortunæ admodum, nec reperiēbatur quiſquam hominum, qui crederet, aliquando limen ædium eius tantos honores potuiſſe intrare. Et certè quicquid euenit, Deo eſt imprimis acceptum referendum, ſed ſi vltiora reſpicias, hoſpitalitas cum liberalitate ei viam patefecit, ut ſententia cunctorum idoneus ad capeſſendos faſces ampliffimi regni iudicaretur. Cum enim eſſet homo priuatus non modò obuios quoſq; placidè & peramanter in ædes ſuas preſtando recipiebat, ſed etiam optimatibus ædes & penus eius patebat, hoc verò cum alias tum maximè, quando comitia cauſa eligendi regis celebrabantur, faciebat. Comprobauit autem Deus tribus ſignis eius regnum: PRIMVM ſignum fuit miraculum non vulgare. Nam cum ex ingenita bonitate cunctis è penu ſua & cella largiretur aſſatim, nullum tamen detrimentum nec diminutionem vaſa & penus eius ſenſerunt, quinimo quòd largiore manu cuncta cunctis depromebat, eò largius ei omnia affluebant plenaq; nihilominus vaſa reperiēbantur, & maſtra depoſita paſta redundabat.

*Liberalitas
Piaſti.*

Secundum eſt documentum regnum eius ex Deo fuiſſe, quòd poſteritas eius ſemel amplexa religionem Chriſtianam durauit ſere quingentis annis uſque ad Cazimirum Magnum, quin ad extremum reliquiæ eius micant ad huc in progenie Teſſnienſium Ducum in

*Reliquie poste-
ritatis Piaſti.*

cum in Sylesia & Bregensium, Legniciensiumq;. Fuit non ita pri-
dem hic in medio noſtrū Anna filia Conradi Ducis Maſouio-
rum, cuius filia nupſit primò Ioanni Tarnouio, deinde Koſtkæ Pa-
latino Sedomiriēſi qui ex ea duas ſuſcepit filias. Fœmina hæc fuit
lectiſſima religionisq; cum primis ſtudioſiſſima, omnibusq; bonis
meritò laudata. Diu ergo durauit poſteritas Piaſti, ſed & ipſe ad
multos annos produxit vitam & regnum ſuum. Nam pro certo af-
firmatur, eum vixiſſe viginti ſupra centum annos, ſapienterque ac
clementer ſubiectos ſibi populos imperio rexiffe. Quæ res nobis
pro tertio documento eſſe poteſt, eius regnum diuino fauore &
auxilio cœptum & ad extremum deſenſum fuiſſe. Fuit homo ſta-
turæ mediocris, vaſti tamen corporis, figuræ vt loquuntur, qua-
dratæ. Mores eius ſimplices, compoſiti tamen & amabiles. Hic ſe-
dem Cruſſicia parricidiali ſanguinea Popelo deſœdata Gneſnam
iterum tranſfert, ibiq; domicilium ſuum figit. Finis eius regni in
annum 895. incidit, quo anno Slaui orientales, Vararius, Ruricus
& Tubor ieciſſe fundamenta Kiouia ampliffimæ vrbs dicuntur.
Porro eodem Piaſto regnante Lodouicus ſecundus Imperator ad
occidentem ſedem tenuit, quo imperante Lodouicus Balbus con-
tra Slauios bellum geſſit, eorumque ducem Raſdlic dictum, vt H.
Mutius reſert, excœcauit. Imitatus ſcilicet tyrannide Baſilium Im-
peratorem orientis, qui ſimili quoq; pœna exercitum Slauiorum,
vt ſupra retulimus, affecerat. Hæc de Slauiſ ſolemus aſcribere, vt
exordium & progreſſus regni Slaui, & quibus in rebus regno Po-
lonia conferri poſſit, melius conſpici queat.

ZIEMOVITVS PRIMVS.

*Anno ab orbe condito
Anno à Chriſto nato.*

4857.
897.

*Suatoplugi
mors.*

Piaſto filius ſucceſſit Ziemouitus, qui antea patri ſupra
modum ſenio conſecto veluti ſocius regni adfuit. Hic
cum eſſet impigro animo, ea quæ erant Popelonum ne-
gligentia amiſſa, recuperare ſatagit. Nec eius conatibus fortuna
deſuit. Slaui enim tunc meridionales duce Suatoplugo ex Panno-
nia & Morauia progreſſi Germaniam vehementer afflixerant,
contra quos Arnolphus Imperator Hungaros euocat, qui Slauios
proſtigarunt, & Suatoplugum regem eorum, qui recens Chriſtia-
nam religionem amplexus erat interfecerunt. Sed rursus cum eis
merita ſtipendia Imperator non perſoluiffet, cōuerſis animis iram
ſuam in Germanos effundunt, magnaq; clade afficiunt. Dum igi-
tur iſti vario Marte inter ſe decernunt, Polonus occasione naſta,
ſua de

fua de Morauis facilè recuperat, præfertim cum Suatoboius filius Suatoplugi per ætatem rebus labentibus succurrere non posset. Atq; hic est ille Suatoboius, qui Methodium Slauorum primum apostolum supplicio affecerat, & ob id Diis & hominibus inuisus in auia & syluas concesserat, tandem in monasterium se abdens, pœnitentiam agendo, finem vitæ suæ & regno Slauonico in Pannoniis & Morauia imposuit. Lætus hoc successu Ziemouitus rursus ad occidentem exercitum contra Prussos & Popelonidas, qui iam magna ex parte ad Germanos defecerant, exercitum duxit, iis quæ domitis, & à Prussis rebus & prouinciis vindicatis, placidè animam efflauit. regnauitq; triginta duos annos. Habemus iam historiam complectentem finem regni Slauorum Pannonicorum. Sub idem etiam tempus Constantinus Monomachus Orientis Imperator dicitur Roxolanos Slauos nauali prælio vicisse, & reliquis eorum Bosnæ domicilium dedisse. Bohemici etiam regni conuersio facta est sub illud tempus in Thafillo rege. Vandali etiam & Sorabi occidentem versus ad Germanos magna ex parte transitio nem fecerant. Soli Poloni Dei beneficio, qui erant præcipui tutores illius confœderationis Slauonicæ, intrepido animo usq; ad eam diem ac deinceps permanferunt. Et licet res eorum Germaniam versus accisæ sunt dissidiis Ducum, qui primo à Lesco Tertio, deinde à Boleslao Criuoustio oriûdi erant, tamen postea cum fœnore septemprionalibus prouinciis aucti detrimentum acceptum refarciuerunt.

Suatoboi exitus & regni Pannonia peritodus.

Bosnenses sedes fixerunt.

Slauonica cum hæ gentes attrite, Polonia excepta, quæ fuit præcipua tutrix Slauonicæ confœderationis.

LESCVS QVARTVS.

Anno à condico orbe

Anno Christi

4854.

902.

Hic princeps merito inter bonos gubernatores numerari debet: sed oblitus superiorum regum antecessorum suorum, qui Slauonicæ confœderationis præcipui tutores videri volebant & reuera erant, principibus Slauonici nominis, qui ripas Albis spectabant, cum grauissimo vrgerentur bello ab Imperatoribus Romanis, ferre auxilia neglexit. Itaq; à rege & tutoribus cum opem frustra implorassent, feruientes temporis tributum pendere coacti sunt, vnde factum est vt Sgorzelecia siue Branburgum in Germanorum ditionem cesserint. Commemoratur hic à quibusdam atrox prælium ad Lachninum, in quo gentis Slauonicæ ad bis mille periisse dicuntur. Commemoratur & aliud Lesco bellum sociale contra Pomeranos. Nam etsi Lesco fuit princeps ocii quàm bellicæ gloriæ amantior, tamen ne dominio ma-

c ris prorsus

*Dominium ma-
ris plurimi fa-
ciebant veteres
Poloni.*

ris prorsus excluderetur, cum alias prouincias viciniore Germa-
niæ defendere neglexisset, hanc tamen negligere nequaquam vo-
luit. Vsq; adeo tum Poloni magnificiebant possessionem maris, &
nauigationum commoditates, vt mallent multorum ducatum,
qui regno conferri possunt, & infinitarum vrbium & vicorum ia-
cturam pati, quàm se à maris dominio excludi & nauigationis com-
modis priuari. Tenebant enim omnium veterum hominum con-
siliū, q̃ insulas & littora maris libentiùs occupabāt: quod à Ger-
manis vicinis nostris sedulo obseruari hætenus videmus. Nunc
malum⁹ campestria curare, agros stercoreare, arare, occare, & quæ
magno sudore & labore congestimus, aliis distrahenda cum ma-
gno damno & infamia nostra, permittere. Maximi tunc motus in
tota Europa insurrexerunt. Nam translatio Imperii à Francis &
Gallis ad Germanos magnos secum tumultus & bella trahebat.
Sub id etiam tempus, Bohemis regnum abrogatum, Slaui vicini
Albis ripæ ad Germanos defecerunt. A Germanis præfecturæ li-
mitaneæ institutæ sunt. Marchia Brandenburgensis Henetis opposi-
ta est. Contra Sorabos Marchia Landsburgensis. Contra Polo-
nos Syllesios Marchia Mysnensis, contra Danos, Marchia Schleui-
censis in Cymbrica Chersoneo. Necessè est igitur Lescum fuisse
synchronum Ludouici quarti, & Conradi vltimi, qui prodiit ex
prosapia Caroli Magni. Ac fortassis etiam attigit annos tempo-
rum Henrici Saxonis q̃ Auceps dictus est, cui hoc inuentum insti-
tuendorum Marchionatuum tribuitur. Fecit enim Germania con-
tinuo bello cum Slaus, cum de defensione limitum deliberaret,
minus incomodum visum est defensores limitum seu Marchiones
constituere, amplis prouinciis eis attributis, quàm, vbi datum si-
gnum esset de aduentu Polonorum, totum Imperium commoue-
ri, aut saltem sumptibus totius Germaniæ ingentes exercitus in fi-
nibus contra illorum incurfiones alere.

*Marchionatu-
um institutio
finis.*

ZIEMOVITVS SECVNDVS.

Anno à condito orbe

4883.

Anno à Christo

921.

PAuca admodum de rebus gestis huius regis traduntur, &
ferè omnia in historia Miecislai filii eius comprehendi
poterant. Vt tamen filum historiæ non abrūpatur, & chro-
nologica ratio dilucidius explicari possit, non piguit huic etiam
principi suam paginam attribuere. Hoc enim vel ob id iurè à no-
bis illi debebatur, quòd nobis procreauerit filium Miecislauum il-
lustrem principem, cuius auspiciis Polonia Christo nomen suum
dedit.

dedit. De cuius miraculosa à cæcitare sanatione, in qua natus erat, historiam prætereo. Neque enim mei instituti est, ea, quæ alii prolixè & eleganter tradiderunt, repetere, aut cum eis stylo contendere. Satis me functum officio putabo, si originem veram nostrarum gentium explicauero, huicq; explicationi ex subsequenti historia, quam tradiderunt Chronologi nostri eiusque circumstantiis lucem adiecero, præteritaque cum consequentibus quàm aptè & concinne sibi cohæreant, demonstrauero. Ideo & vicinorum res sæpe cōmemoramus, & quæ interea tam ad occidentem quàm ad orientem euenerunt, atteximus, vt compositis componendis, totum corp⁹ historiæ quàm solido fundamento nitatur cerni queat.

Institutum auctoris.

Anacephalæosis historiæ Slauonicæ.

Resumens res actas à Lescione Secundo vsque ad Miesconem, sub quo Polonia Euangelio nomen suum dedit, hoc est, à Carolo Magno vsque ad Otthonem Magnum Imperatores Romanorum per 140. annos.

805. Lescus Secundus cum exercitu Caroli Magni dimicat, & in pugna illa occumbit, vt quidam affirmant: sed id nullius idonei auctoris testimonio comprobant, nisi Abbatis, qui tamen non Lescum sed Lechum hunc Slauum nominat. Notum est autem ex historia, quæ præcessit, Lechum ducentis annis ante morte naturali ex hac vita decessisse.

807. Hoc anno cum Chumoid dux Rhodum vastaret, asserunt eum à diuio Nicolao naufragio punitum, vnde mos canendi inoleuit: Sancte Nicolae, tu nos ad portum trahe. sed hoc tempore de nullo sancto Nicolao quidquam legimus. Forfan igitur hæc reiicienda sunt in aliud tempus.

809. Hoc anno, mense Augusto, Nicephorus Constantinopolitanus Imperator, contra Persas bello infelicitè gesto, in Bulgaros mouet, emuncturus ab eis argentum, quo pactam pecuniam dissolueret. Sed acie victus & cæsus est, cùm imperasset annos nouem. In eodem prælio Stauratius Nicephori filius vulnus accepit.

810. Bulgari ad Strimonem fluuium Romanos vincunt, multosque eorum duces occidunt, Sardicam capiunt. Volunt autem Bulgaros dictos à flumine Bolga, quasi Roxolanos Volgæ accolæ.

810. Hoc tempore in Polonia Lescus Tertius regnabat.

Lescus tertius.

812. Michæl Curoplates cognomento Rangabe Imperator rem infelicitè aduersus eosdem Bulgaros gessit; ita vt postea desperatione ductus in monasterium se abdiderit vnà cum filio. In eo prælio robur exercitus Romani periit, qui auxilio Græcis vene-

c 2 rat. Periit

rat. Periit & Asbaldus dux copiarum viuis igni crematus ab hostibus. Qui tunc etiam Bosnam, Dalmatiam, & alias regiones vsq; Iustinopolim metropolim Istriæ Italicæ prouinciæ, quæ nunc Venetis paret, dominio suo subiecerunt. Volebat tum Algimundus rex Lögobardorum illa vrbe eos depellere: sed & hunc cum exercitu ad internecionem propemodum deleuerunt, ipsumq; interfecerunt. Vnde postea Epeirum (Albaniam nunc vocant) totamq; maritimam illam oram Imperio suo adiecerunt. Vocantur nunc illæ vrbes, Iablaniec, Suuatigrod, Iaice, Lyfa, Mokra, Bielogrod, Dobra, Kroia, &c.

*Finis annalium
Constantinopolitanorum.*

814. Leo Armenius Imperator Bulgaros magnis cladibus affecit. Iam hic annales Constantinopolitani deficiunt.

821. Michæel cognomento Balbus Imperator ex Amorio Phrygiæ oppido veritus fortunâ Bulgarorum cum eis triginta annos inducias pepigit, eorumque opera Thomam, qui affectabat imperium, profligat, captumque brachiis & pedibus truncatum interemit. Hæc & sequentia acciderunt Popelo seniore in Polonia regnante.

Popelus Senior.

Historiæ difficultas & perplexitas istis temporibus.

823. Hoc anno H. Mutius refert duos fratres Slaunonicæ gentis de principatu paterno coram Lodouico Pio Imperatore Francofurti contendisse, quodque is minori natu regnum detulerit, subditis hunc præferentibus, & ad regnum inuitantibus. Conqueruntur hic scriptores Germanici de difficultate historiæ temporibus Caroli Magni & laborant in inuestiganda annorum supputatione; sed & Polonicis idem accidit. Dubitant enim quot annos Lesco primo & secundo tribuant. Tandem ex autoritate H. Mutii finem vitæ Lesci tertii in annum 823 reiiciunt. De qua re consule D. Cromerum in historia eiusdem Lesci tertii. Aliud dissidium emergit de ætate Suatoplugi illius clarissimi Pannonum regis. Quidam enim ad annum 744. referunt, quidam verò cum circa annum 808. periisse tradunt. Sed de hac re in Ziemouiti historia latius.

824. Hoc anno Bulgari ad Lotharium Lodouici filium Imperatorem occidentalem Aquisgranum comitia habentem veniunt rogatum vt inter Francones & eorum ditiones terminos definiat. Abbas autor.

828. In Vasconia in Galliis quiddam pluit de cœlo frumento simile. Annotant autem scriptores Vasconiam olim Rutheniam vocatam fuisse, esseq; Vascones reliquias Russorum qui cum Gothis & Vandalis Galliam & Hispaniam penetrarunt. Sed alii negant Russos Ruthenos debere dici. Hoc verò eo consilio faciunt, vt hominibus probent Russos nouam gentem esse in his regionibus, nec an-

bus, nec antecessisse illa tempora, quando ex Roxolania in Poloniam huc venisse Slauios, Germanis pulsus, persuadere volunt. Hactenus indiscriminatim. Ruthenos & Russos Rascios vocarunt. Sed de iis rebus postea.

840. In hunc annum incidit interregnum illud post obitum Popeli iunioris regis Poloniae, quando aliquoties comiciis habitis ob priuata studia & domestica odia, nouo rege non creato, proceres discessere. Et nisi Deus collabenti Reip. adiutricem manum suam supposuisset, actum fuisset de rebus nostris.

845. Michäel Theophili Imperator cum Bulgaris pacem facit reddita regi sorore, quam bello Græci ceperant. Hæc cum esset in Christiana religione rectè instituta, persuasit fratri vt pro ethnica Christianam fidem amplecteretur. Hac occasione Bulgari peruenerunt ad cognitionem Christi. Et mirum est quo pacto ad eam rem adiecerunt animum inter illa dissidia acerbissima de imaginibus, quæ maximè hoc tempore vigeant. Nam quas Theophilus Balbi Imperator qui hunc præcesserat confringendas curauerat, easdem. filius eius Michäel Theophili restituerat, reuocatis ab exilio Episcopis qui pro imaginibus retinendis pertinacius patri sese opposuerant.

Dissidia ob imagines in tēplis.

856. Russi classe ad pontum Euxinum comparata, primùm in limites Græci Imperii irruerunt, sed res eis non successit. Hæc ex historia Constantinopolitanorum annotantur. Nam quæ Russorum Annalistæ annotant, de tempore non conueniunt, vt suis locis annotabitur. Hoc tempore etiam annotant Russos in ita pace cum Imperatoribus, regionem illam occupasse, vbi Triballorum sedes erant. Hæc demum. Rascia est appellata. Nostrum vocant Racouie.

860. Annotant hoc tempore, hoc est sub finem regni Piaſti, Lodouicum Lotharii filium prosperè pugnasse cum Slauiis, principemque eorum Raſtiz ob rupta fœdera exoculasse. Nomen ipsum Rascia Germanis fatum indicat fuisse vnum ex illis posteris Lesci tertii, qui iam ad Germanos defecerant ob eam causam, quòd circa inaugurationem Popeli eorum. ratio non fuit habita, sicuti sperabant.

Raſtitz primiceps Slauiorum

859. Nicolaus Pontifex plurimum. elaborauit, vt Bulgaros ad fidem Christianam orthodoxam & obedientiam Romanæ ecclesiæ missis legatis viris idoneis, reduceret. Qua in re morem gesserunt Pontifici. Nam eiectis Græcis sacerdotibus qui vocabantur Fortiniani, à quib⁹ antea in eorum sententiam pertracti erant, partes Romanæ Ecclesiæ secuti sunt. Ac eorum conuersionem re-

Slavi Saracenos vincunt.

centem Deus gloriosissima nomini Slauonico victoria obsignauit, statim enim post suam conuersionem, cum audissent Saracenos Gallias vastasse, Hispanias debellasse, iamque in Italiam pedem inferre & Garganum montem in Apulia tanquam arcem belli occupasse; illi nil morati classibus & copiis comparatis voluntarie terra marique eos aggrediuntur & oppressos contrucidant. Scribunt ad triginta millia iugulatos fuisse ex Saracenis. Nam euadendi occasio eis præcisa fuit, cum eorum triremes & naues antea mirando artificio, igne Græco aquas nihil timente eis immissis, absumptæ fuissent.

861. Ab hoc anno Russorum gens annales suos de conditoribus suis auspicatur.

Origo equi quæ pro insignibus Moschorum Dux gerit.

861. In hunc annum etiam expeditio Russorum illa, de qua multa magnifice prædicantur, refertur. Ferunt, tunc eos classe instructissima comparata, Constantinopolim Duce Olechone petiisse. Vbi post obsidionem urbis arctissimam Imperator auxiliis subsidiariis destitutus in gratiam Olechonis confugit, eisque fauorem ingentibus donis aucupatur. Placatus igitur Olechus mutato consilio obsidionem soluit, ac in memoriam eius expeditionis, arma sua, equum currentem clypeo inculptum, quo hætenus pro insignibus Magnus dux Moschouitarum vitur, ad portam appendit, qui hætenus depictus in eadem porta, quam Galatinam vocant Constantinopoli visitur, & à Constantinopolitanis inter antiquitates urbis illius aduenis monstratur. Originem signi istius ad equum, quo plurimum hic Lechus delectabatur, referunt, dicuntque, fatidicos Russorum Kiouiensium huic Duci paranti se ad bellum denunciaſse, eum eoque superstitem mansurum, quo ad equus ille superstes esset, sed equo mortuo, & caluaria eius ad pedes abiecta cum vatum illorum artem friuolam traduxisset his verbis: Vtinam verò Sagis idem fatum accidat, quod meo equo: Ecce interim, dum cranium pede protrudit, dira vipera ex eo profilit, & pedem eius lædit, quo vulnere accepto, breui contabuit & expirauit. Hæc Annalistæ Russorum annotant, quos Lato-pisios illi, id est per annorum seriem historiam ducentes lingua sua proprie admodum vocant.

Anna'iste Lato-pisiditli.

862. Circa hæc tempora Slauis etiam in Morauia Euangelium à Cyrillo annunciatur, autore Michæle Imperatore Cōstantinopolitano, adhuc superſtite Piaſto, sed sene iam tum admodum. Non est autem existimandum hæc dici de illo Cyrillo Hierosolymorum episcopo, qui aliquot ante sæculis Iuliani Imperatoris temporibus floruit, seu de illo Alexandriae episcopo, qui Theodosio iunioris impe-

iuniore imperāte vixit, & aduersus eūdem Imperatorem Iulianum scripsit, sed de quodam alio, de quo magna erat opinio, gentili Slauorum, quem Pontifex vnā cum Methodio Romam euocauerat, quō eos moneret, quo pacto erga gentem istam se gerere deberent. Ac inter colloquendum cum Pontifex quodammodo expositulasset cum eis, quōd absque ipsius consensu lingua vulgari Slauonica sacra tractarent, Cyrillus respondisse fertur adducta sententia ex Psalmis Dauidicis: Omnis spiritus laudet dominum, & omnis lingua confiteatur ei. Ac cum multi multa in hanc & in illam partem disputarent, atque eam quæstionem sedulò versarent, tandem communi assensu itum est in hanc sententiam, vt Slauicæ gentis hominibus, ob linguæ illorum latissimum per varias nationes & dialectos vsum, patria linguā liceret sacrum peragere. Cuius moris vestigia paulò ante patrum nostrorum memoriam in suburbio Cracouiensi in templo sanctæ Crucis extabant, sacerdote istic populari linguā sacrum peragente. magistratu id non modò ferente, sed etiam autoritate sua & legibus illam institutionem protegente. De hac re lege Æneam Syluium in Chrono. Polon. libro primo, capite decimo tertio. Permanierunt nostræ gentis homines in fide Christiana ad hunc vsque diem. sed Bulgari offensi quibusdam institutis ecclesiæ Romanæ prætulerunt Constantinopolitanam sedem, cui vnā cum Russis hætenus parent, & obediunt.

Disputatio Cyrilli cum Pontifice de vſu lingue Slauonicæ

869. Basilius Macedo Imperator Orientis Russis iterum nuntantibus in religione Christiana persuasit, vt penitus valere iussu Ethnicismo, religionem Christianā sanctè & constanter colerent.

886. Leo Philosophus dictus Bulgaros, cum pace violata deficere cœpissent, suis & Turcorum armis confisus repressit. tamen postea eundem licet Philosophum simulatæ pacis conditionibus delusum ex improviso circumueniunt, & magna clade afficiunt. In hac historia fit prima Turcorum mentio.

Prima Turcorum mentio.

906. Ziemouito apud nostros, Constantino Leonis f. in orientali Imperio regnāte, Bulgari quaternis expeditionibus urbem Constantinopolim obsederunt. Adrianopolim bis cœperunt, & diripuerunt. In vltima expeditione, Thracia peruaſtata, in Macedoniam vsque penetrarunt.

Habes hîc historiam Slauonicam per annos centum quinquaginta, ex qua & res gestæ Polonorum illustrari possunt, & interregna, quibus historia nostra claudicat, suppleri. Ad hæc quæ gens stirpis Slauonicæ vbi hæserit, & quo tempore, cognosces. Nam alio tempore Croatæ, alio Rascii, Bulgari, Sorabi, ingreſsi variis occasionibus, occuparunt terras sub cognatis suis, aut Pannoniis

c 4 aut Dalmatis

aut Dalmatis aut Illyriis. Quod si cui plus ocii & virium suppetet, posset eam historiam, nostram methodum sequendo, locupletare. Et faceret hoc plurimum ad illustrandas res nostrarum gentium. Probatum autem mihi illud argumentum eorum, qui affirmant Slauos non esse dictos ab vna gente aliqua, aut ab vrbe, aut à stagno, vt quidam scriptis prodiderunt. Neque enim ex æquo omnes hoc modo se eodem cognomine, appellari passi fuissent. Multò minus audiendi sunt illi, qui verbositatis vitium genti nostræ ex hoc cognomine Slauorum affricare volunt; quorum vanitatem hac in patre irridere, est satis confutare.

Slauorum nomen non esse ab vna gente vel vrbe, nec à stagno deductum, vt quidam putant.



LIBER SEXTVS,

in quo comprehenditur historia regni Poloniae, à temporibus Otthonis Magni vsque ad Cazimiri Magni Regis Poloniae tempora.

PROOEMIUM.

A Signavi & posui terminos Historie huius præstantissimos illos sex Principes, qui Magni sunt dicti. Et iam confecimus historiam Regum, qui interiecti erant inter tempora Caroli Magni & Otthonis Magni. Restat perficiendum à temporibus Otthonis Magni ad Cazimirum Magnum, hoc est, per annos 290. Tunc enim rursus Imperium à Gallis ad Germanos translatum fuit, tunc Hungari duce Gesa magnos motus ediderunt, tunc Poloni & cum his Pannonij alique Slauonice nationes religionem Christianam sunt amplexæ. Iamque appetit finis millenarij ab aduentu Saluatoris.

MIECISLAVS SENIOR.

Anno à condito orbe

4924.

Anno Christi

962.

Anno post aduentum Lechi in Poloniam

415.

Anno post Cracum & Cracouam restauratam.

265.



Vere dictum est: Conueniunt rebus nomina sæpe suis. Mieciſlaus enim iuxta nostræ linguæ proprietatem, perinde sonat, quasi dicas Gladio laudem acquisiturus. Atqui hic reuera gladio sibi laudem, quæsiuit. Nam & pri-

Nam & primus nostrorum regum & summo animi ardore amplexus est verbum Dei, quod gladius à spiritu Dei vocatur præacutus, & suscepta fide Christiana, è vestigio hoc ipso gladio omnia idola gentilicia iugulauit, confregit ac ex fanis ethnico more instructis eiecit. Meritò igitur hoc nomen est sortitus. Commeruit profectò hac de causa laudem immortalem, & inter omnes reges Poloniae, quotquot erunt, veluti sidus radians refulgere debet, ac ut Cicero de Poëta Homero dicebat, quod ille Græcos & Troianos Achillem, Aiacem, Hectorem, Æneam dimicantes præliantesque ita viuis coloribus depinxit, ut cum ipse esset cæcus & visu orbatus, nos qui videmus, & oculis præditi sumus, videre fecerit, idem de hoc rege merito dicere possumus. Nam cæcus & hic erat natus, sed ita, ut nos, qui videmus, & oculis præditi sumus, videre fecerit arcanum Dei consilium de gubernando & liberando genere humano. Nec modò ipse tam masculo animo hoc gladio contra Satanam dimicauit, sed & subditi eius, (ut verè dictum sit: Regis ad exemplum totus componitur orbis) exemplo domini moti, & testimoniis verbi eruditi ita in Euangelio profecerunt, ut inter sacra sacerdote Euangelium clara voce recitante strictum gladium è vaginis educentes sursum attollerent, nec prius recondiderent, quàm recitatio euis finiretur, quo ritu proculdubio innuebant se & totam gentem Slauonicam ita acres defensores Euangelicæ professionis futuros, ut mallent quiduis perpeti, vitam & opes suas profundere, quàm sinere vnum apicem ex mandatis Euangelicis sibi è manibus eripi. Hinc est quod Bulgari & ipsi Slauones circa annum octingentesimum quinquagesimum nonum, baptismo iam accepto, cum audissent triste nuncium, Christianos eorumque loca à Saracenis in Italia ferro & igne absumi, atque vastari, statim coacto exercitu in Apuliam transfretarunt, & in Gargano monte cum Saracenis ita atrox prælium commiserunt, & sua pectora pro incolumitate fidei ita opposuerunt, ut triginta millia interfectorum prostrauerint, exceptis iis qui fuga dilapsi erant. Sic & Poloni post susceptam religionem primo duce Miecisiao deinde filio eius Boleslao Chobri multa insignia facinora ediderunt. Nam Borussi, Pomerani, Iazyges, Samgitæ, Liouones & aliæ gentes armis eorum edomiti nomen suum Christianis adiungere coacti sunt & quod postea Cruciferorum ordines introducti, & expeditiones Principum Germaniæ, Regum, & Imperatorum ipsorum cum magnis impensis dubio Marte belligerando præstare vix potuerunt, hoc illi officium summo cum ardore pro Christianis adimpleuerunt. Ex hoc ergo eorum feruenti animo ap-

*Homero cæco
confertur Mie
cislaus.*

*Circa Euange-
lij recitationē
inter sacra gla-
dios enagina-
bant slauī.*

Euangelici qui.

*Disidia in reli-
gione Christiano-
rum deplora-
rantur.*

*35. annos Mie-
cislaus regnat.*

ti animo apparet ipsos fuisse verè assecclas Christi domini, merito-
que Euangelicos appellari debere, quandoquidem eos non pu-
dait Euangelii, ita vt & signis, id quod erant, designare, & quod
signa significabant, re ipsa præstare contenderint. Hæc ideo liben-
tius recito & commemoro, quia hodie prohi pudor & dolor, pes-
simo exemplo, Christiani populi inter se diuisi ita infestis animis
de quæstionibus legis dimicant, vt putes fideles cum gentibus, cir-
cumcisos cum incircumcisis, Turcos cum Christianis de summa
rerum dimicare. Et cum vtraque pars magno consensu vnâ con-
fessionem fidei retineat & confiteatur, hoc est, tria orthodoxa
symbola, tamen ita implacabili odio alii contra alios feruntur, vt
Euangelici Catholicos, & Catholici Euangelicos conuiciis mu-
tuò afficere, & non sine opinione quadam contumeliæ, nomini-
bus ipsis Catholicorum & Euangelicorum alteri contra alteros
abuti non desinant. Et tamen sicut Catholicorû nomen quod hæ-
resi opponitur, fuit & est maximi faciendum, ita Euangelicorum
etiam in pretio semper fuit. Apparet certe maiores nostros, vete-
res inquam Polonos, hoc nomen adeo non erubuisse, vt etiam,
dum à sacerdote Euangelium recitaretur, omnes se nudato capite
erigere, & quemadmodum dictum est, gladios e vaginis expedi-
re pro magna laude duxerint, imitati scilicet exemplum Constan-
tini Magni, qui codicem Euangelii sibi præferri publicè volue-
rit. Et Paulus Apostolus vas electionis palam de hoc cognomine
gloriatur, inquit: Non pudet me Euangelii. Sed iam ad histori-
am redeo. Cum igitur Miecislus ad Deum se conuertisset, Deus
etiam ad eum se conuertit, ei que successum in rebus gerendis de-
dit. Nam & Russos cum ei bellum ciuile mouissent (pro cognatis enim à nostris agnoscebantur) coërcuit, & Bohemos regem su-
um agnoscere nolentes, quod esset puer, ad officium reuocauit.
Regnauitque triginta quinque annos prosperè & satis foeliciter.
Ergo hic princeps verè gloriam Slauonici nominis consumma-
uit, dum non modò regna & prouincias ad eorum imperium adie-
cit, sed & Satanam, ne tantum sibi contra eos virium sumeret, re-
pressit. Tunc enim regnum Dei vim magnam patiebatur, iam Bul-
garis, iam Pannoniis, iam denique Bohemis & Polonis regnum
Dei intrare contendentibus certatimque fidem Christianam am-
plectentibus.

HISTORIA DE HOLHA IMPERA- TRICE RVSSORVM.

Ad Miecislai tempora referendum puto ea quæ Russorum Chro-
nicarii de sua Holha vel Helena narrant. Fuit hæc foemina lectis-
sima, & mari-

sima, & mariti supra modum amans. Cum enim Dreulanii, id est
 populi qui Syluestrem regionem inhabitabant, maritum eius tru-
 cidassent, hanc iniuriam stupendo ausu ulta esse fertur, cuius stra-
 tagematis nec in Gercorum nec in Latinorum historia quicquam
 simile legimus. Primò igitur quos potuit comprehendit & viuos
 terra defodit, alios igne circumiecto cum in balneis se lauarent,
 combussit. sed nondum satiata tali ultione, urbem eorum admo-
 dum arcta obsidione cinxit, & prepsit. Cum autem ea potiri non
 posset, erat enim partim naturalis loci & rerum opportunitate, par-
 tim indutria humana insigniter munita, ad foemineam astutiam
 decurrit. Misit in urbem tali cum legatione oratores suos: Iam in-
 quit satis indultum est iræ, iam ad facietatem satis superq; ulta sum
 mariti necem, à vestris tamen munitionibus statui non discedere,
 donec tributum mihi contuleritis, quod quidem perexiguum
 erit; nimirum ut vicatim detis mihi & ad castra mittatis ternos co-
 lumbos & ternos passerulos ad redimendas vitas vestras, & ut hoc
 pacto testemini me esse legitimam Imperatricem oræ septemtrio-
 nalis. Suscipiunt conditionem obsessi, nec mora mittunt ei aues,
 quas exposcebat nomine tributum. At illa ellychnia pice illita & sul-
 phure, insuper fomite adiecto iussit illis columbis & passerulis al-
 ligari & rursus in æera dimitti, quod ubi factum est, quælibet avis
 ad aedes ubi nidum & domicilium habuit è vestigio reuolauit, e-
 xitium toti vrbi ferens. Nam ubi in suis nidis confedere, ignis sta-
 tim & incendium vrbs in mille locis simul & semel ab ellychniis
 illis alligatis exortum est, atque ita tota vrbs intra paucas horas
 in cineres & fauillas redacta est. Mox igitur auditur clamor ciui-
 um & eiulatus mulierum & lactentium, discurretur passim per vr-
 bem, & an incendium extinguendum, an verò hosti armis occur-
 rendum dubii per urbem discurrent. Interim Holha militem in
 urbem introducit, & passim occurrentes contrucidat nulli sexui
 parcendo, ita mariti necem ulta fama tanti facinoris non modò
 Rusiam sed & vniuersum orbem impleuit, tandemque plenam vi-
 ctorem adeptam, Kiouiam cum triumpho rediit. Quomodo autem
 eadem Constantinopolim cum valido exercitu adierit eamq; ob-
 federit, ac demum cum Ioanne Ziemiszka Imperatore Orientis in-
 duciis factis in gratiam redierit, hæc in annalib. Moschorum, Rus-
 forum & Polonorum abundè describuntur. Illa sanè expeditio per
 occasionem hoc effecit ut & ipsa Holha & tota Rusia baptismi sa-
 cramento accepto religionem Christianam amplecteretur. Iste fu-
 it exitus illius expeditionis & atrocis belli.

In eiusdem Miecislai ætatem incidit victoria vel potius tyran-
 nis Basilii

nis Basilii Imperatoris Græcorum qui dicitur deuictis Bulgaris quindecim millia eorum exoculasse, in singulis centuriis vno tantum monoculo relicto qui eis dux itineris domum redeuntibus esset. Sed Russorum annales referunt Imperatorem istum aut eius successorem à Suetoslauo Russorum Monarcha, qui fuit Holhæ filius, acerrimè profligatum, totamque Græciam debellatam. Post illam gloriosissimam victoriam ferunt præcipuos Græciæ duces ad Russorum castra confugisse ferentes munera, auri magnam vim, argenti que signati & non signati, pacem & veniam rebellionis deprecantes. Sed Suetoslauus omnia illa munera spreuit solis armis, hoc est gladiis, hastis, iaculis & alia ex ferro suppellectili bellica, quam Ruthenici scriptores Panadocmi, vocula Græca appellant, pro se retenta. Quæ animi celsitudine & heroico facto ita se commendabilem toti Græciæ fecit, ut eum sibi palam pro principe deligi poscerent, & qui armis vix debellari poterant, virtute illa bellica delectati subditos se ipsius libenter faterentur, poscerentque sibi gestiendo, talem Principem dari, qui magis armis, quam auro, delectaretur. Hæc in annalibus Russorum habentur.

Ingressus Romanam Otthonis Magni.

In eadem tempora incidit ingressus Romam Otthonis Magni. Commemorantur hic transactiones eius ab historiis, quas habuit cum Ioanne eius nominis duodecimo, atque etiam cum Leone Octauo. Nimirum de iure conferendi iuris patronatus Episcopatum per anulum & baculum, ut vocant. Mittebant enim olim Imperatores hæc insignia iis qui Pontifices fieri volebant. Fecitque idem Imperator tunc Ordinationes quasdam quæ ad modificandam potestatem Pontificum pertinebant. Sed antequam ea perficisset intercesserant antea non parui tumultus, & etiam captiuitates durissimas Pontifices pertulerant. De quibus rebus Platina & alii scripsere.

DE RELIGIONE VANDALORVM ET SLAVONICARVM NATIONVM INTER QVAS ET POLONORVM.

Quæ scriptores rerum Polonicarum in hoc argumento attulerunt, non vitupero, nec obseruationes eorum contemno, tamen meas quoque, ad illustrandum hoc negotium perpauca adscribam. Dixi superius his vocibus, Sarmatæ, Vandali, Slaui, & Poloni vnâ gentem indicari, quæ tamen variè mutabantur iuxta rationem euentuum & temporum vicissitudines. Ideo Blondus Foroliuensis sic ait. Populi isti non diu Slauorum nominatione tenuere: sed cum eorum pars Mauricii Imperatoris temporibus in Dalmatiam Illyricumque immigrassent, qui manserunt domi paulò post mutarunt nomina

runt nomina, & partim se Polonos, partim Bohemos nominauere. Cum igitur Sarmatæ vocabantur impense Dianam colebant, de cuius templo quod habebant in Taurica Chersoneso, superius dixi, dum Iulii Cæsaris tempora complecterer. Postea persequens Claudii tempora dixi quædam de eius templi celebritate, nimirum quod ex spoliis Ephesini templi illud locupletare voluerunt. Hæc si coniungantur cum iis, quæ D. Cromerus attulit de cultu Dianæ seu Dzienuonæ Ephesinæ à Polonis exhibito, non parum altera res alteram illustrabit. His addantur ea, quæ attulimus Augusti tempora persequendo de diui Pauli Apostoli & D. Andreae laboribus in conuertendis ad Deum istis gentibus. Tandem de D. Martino & D. Hieronymo viris summis; qui cum essent homines eiusdem generis, fieri non potuit, quin & ipsi laborarint de promouendo euangelio apud suos populares. Nauauit etiam operam suam eis Cyrillus & Methodius & Theophylactus, qui in Mæsia, id est inter Bulgaros docuit. Extant Slauonica lingua opera eius. Fecit autem is Chrysostomi operum compendium. Sic ex duplici literarum Slauonicarum figura, quarum altera Bukouica, altera Cyrillica apud eos vocatur; et ex epitaphio Romæ Reginae Bolesnensium, quod extat in sacello templi magni, characteribus magnis descriptum. Ex iis (inquam) omnibus apparet, plerasque prouincias Slauonicæ gentis statim post tempora apostolorum amplexas fuisse religionem Christianam. Neque enim temere gloriari puto clerum Russorum magnoque consensu affirmare, se operâ Diui Pauli Andreaeque Apostolorum conuersos esse ad fidem Christianam. Reuocanda autem sunt in memoriam, quæ superius ex actis Apostolicis & ex Epistolis ad Timotheum & ad Titum de iis rebus adduximus. De Gothis constat, quod ante expeditionem illam Italicam amplexi erant Euangelium. De Vandalis etiam liquet ex Vigilii ad Trasimundum Regem Vandalicum, & ex plerisque scriptis Diui Augustini, quod iam tum Vandali connumerari se volebant inter fideles. De Slauis etiam, qui sunt propago Vandalicæ gentis, constat ex concilio Constantinopolitano sexto, quod & ipsi iam tum ecclesias suas & Episcopos habebant. Legatur subscriptio synodi illius, quam suggestionem vocant. Fuit autem hæc synodus celebrata anno sexcentesimo octuagesimo. Ante verò D. Albertum annis 320. Quæ igitur de Bohemorum Pannoniorum duce Suatoplugo, Polonorum Bolesnorum, Miecislao & aliarum gentium Slauonicarum ab historicis conuersione ad Christianismum referuntur, intelligenda puto de publica & vniuersali ab omnibus ordinibus doctrinæ Christianæ susceptione. Interim

*Dzienuonia,
Dzienuoia Dianæ
etymon re-
sticiunt.*

*Paulus Aposto-
lus de Russis
bene meritis.*

one. Interim negari non potest eos lōgè antea habuisse initia non contemnenda Christianarum institutionum. vt ex hoc epilogo rerum à me commemoratarum liquet. Iam verò cum sub ethnica religione vixerunt, non admodum absurdè sensisse videntur. Vnum enim DEVM vt colerent, legibus sancitum apud eos fuit, quod ex Procopio de bello Gothorum liquet. Slaunorum inquit idem, nationes nō ab homine aliquo vno reguntur, sed ab antiquo plebeia communiq; libertate viuunt, & idcirco res omnes, quæ vel utiles sunt, vel forte difficiles in commune consilium deducunt. Ista hætenus à Polonis sanctè seruantur. Vnde legem illam sæpius allegant. Nihil in nos absq; nobis rex statuere potest. Apparetq; hinc non nouiter eos isthïc confedisse temporibus Iustiniani: quandoquidem vetera eorum Reipub. instituta non sine quadam admiratione recitat. Ideo addit: Sed ab antiquo plebeia communiq; libertate viuunt.

*Slaui semper
nil pretiosius
libertate fuit.*

DE BOHEMORVM CONVERSIONE.

D. Cromerus ex sententia Blondi Bohemorum conuersionem in annum 990. reiiicit. Et ego eius sententiæ subscribo, licet pleriq; post Boriuoium annum 929. huic rei assignent.

DE POLONORVM CONVERSIONE.

Polonorum conuersionis annum assignant 965. Antiquiora sunt quæ de Slaunorum conuersione adhuc tempore concilii Nicæni secundi retulimus. Antiquiora etiam ac vetustiora sunt quæ de Vandalorum Christianismo in Africa diximus. Omnibus autem antiquissima sunt, quæ de Mysiorum, Dalmatarum, & Illyriorum conuersione ex scriptis Diui Pauli attulimus. Hi omnes ad cognationem Polonorm pertinent.

DE RVSSORVM CONVERSIONE.

Etsi Zonaras historicus Græcus scribit, Russos amplexos fuisse dugmata christiana temporibus Basilii Macedonis, hoc est anno 863. tamen credibile est eos postea resiliisse. Nam de clarissima Imperatrice Russorum Holha, seu Helena conuersa ad Christianismum referunt id factum esse circa annum 963. Quare prior illa Russorum couersio fortasse publica non fuit. Quod verò Lambertus Saffnaburgensis circa annum 960. affirmat Russos ad Otthonem misisse Oratorem, vt sibi Episcopus christianus mitteretur ab eo, hunc Oratorem existimo vnum fuisse ex illis quos Wladimirus in omnes partes mundi miserat exploratum quæ religio esset possibilior ad credendum. Aut de Rugiis non de Russis id exponendum, vt D. Cromerus demonstrat. Sed & ipse ita sentio certa esse illa de Russorum conuersione quæ ipsimet memoriæ prodiderunt, nimirum eos circa annum à creatione mundi 6497. secundum

*Wladimirus
per Oratorem
inquit, ut, quæ re
ligio in mundo
optima.*

cundum verò nostrum calculum 4940. suscepisse euangelium. Numerant enim Russi, Græcos secuti, à creatione mundi annos circiter 1550. præter eos, quos nos numeramus. Sed si ab anno Christi aduentus tempus conuersionis eorum numeres consentient ipsi anno 980. id accidisse. In ea enim sententia sunt plures & potiores autores, quòd præeunte eis Wladimiro ipforum principe publicè amplexi sunt religionem christianam. Hic Wladimirus fuit filius Suatoslai illius bellicosi principis, nepos verò Helenæ, qui subacta Russia tota orientali, occidentali, meridionali, septentrionali interfectisq; deniq; omnibus fratribus Monarcham se Magnum totius Rusiæ voluit dici. Quo titulo magnus dux Moschouiæ hætenus utitur, eumque ab isto Wladimiro accepit. Et, si Sauromatæ cognomen ex Hebræo exponatur, dux altitudinis, ut doctiores volunt; tunc isti duo tituli, Sauromata inquam & Magn⁹ dux eodem respicere & idem innuere videbuntur. Nam quam nunc Moschouiam vocamus Ptolomæus & alii Sarmatiam Asiaticam vocant. Quod etiam linguæ Slauonicæ idem apud Moschos qui apud Polonos vsus indicat. Hic etiam Wladimirus ex Nouogrodia magna, sedem Kiouiam transtulit. Hic primò legatis exploratum missis, quæ sit religio in mundo, quæ melioribus fundamentis nitatur, amplexus est dogma christianum ritusque & ceremonias ecclesiæ Constantinopolitanæ, in qua sententia hætenus gens ista perseverat. Tradiderat autem mihi quidam ante aliquot annos exemplum literarum, quas Oratoribus suis tradiderat ablegans eos per varias nationes exquisitū de religione, ut iam dictum est, & certò affirmavit se ista descripsisse ex antiquitatibus Monasterii Præmisliensis. Has literas in Polonicum exemplar inferam, ubi Deo volente hoc opus patria lingua versum fuerit.

DE HVNGARORVM CONVERSIONE.

Ante annum quidem 1009. Hungaros conuersos fuisse ad fidem Christianam tradunt; sed certum est Stephanum regem paulò antecessisse hoc tempus. Is autem bellum gessit cum auunculo Dziula ob susceptam Christianam religionem.

SCHEMA QVOMODO SVCCESSTVE ISTA-
RVM GENS ALIA POST ALIAM CONSENSIT IN CHRI-
STIANAM FIDEM.

Bohemi anno	900	Ergo {	ante annos	683.	{	Post Boemos.	65.
Poloni anno	965		ante annos	618.		Post Polonos	15.
Russi anno	980		ante annos	603.		Post Russos	15.
Hungari anno	995		ante annos	598.			
			d	2	CAPITA		

DE DEO.

His præterea (inquit) in lege cautum est & à suis maioribus proditum, inter Deos aliquem vnum, qui fulminis fabricator est, rerum omnium dominum ac solum esse vt credant, illique boues & hostias mactent, &c. Verba sunt Procopii. Hunc Deum, fulminum Pyoratum fuisse vocatum à veteribus Polonis Chronicarii nostri ferè omnes scribunt, quem Pyoratum, à Moschis etiamnum maximi fieri, coli, & iugiter ei ignem accendi testis est Sigismundus Ebertius & Guagninus de Moschouiticis rebus. Habent enim Idolum quoddam & delubrum celebre in Nouogrodia magna, quod ciues illius vrbis præ aliis summè suspiciunt, de quo sic Guagninus. Hoc idolum à Nouogrodiensibus præcipuo cultu latriæ adorabatur. Habebat autem formam hominis lapidem ignitum manu tenentis similem fulmini. Nam Perun Ruthenis & Polonis fulmen significat. In huius laudem & honorem, ignis ex quercubus, qui perpetuo die nocteq; ardet construebatur. Quòd si negligentia ministrorum ad hoc officium obeundum designatorum ignem extinguere contingeret, tum capitis poena pledebatur &c. Existimo huius ignis eos morem ex Mose traxisse, per quem Deus iuge sacrificium instituit. Ignis meus, inquit, semper ardebit in altari, in Leuitico.

*Fortune nihil
tribuunt.*

*Habitadi mos
& tuguria.*

*Ante qui.
Spori.*

De prouidentia verò Dei sic Procopius ibidem tradit Slauos credidisse: Fortunam verò inquit, nec sciunt quidem nec alias vim aliquam in homines habere fatentur. Sed postquam sibi siue domi morbo correptis, siue in prælio constitutis è propinquo mors imminet iubentur quidem, si incolumes fortè euaserint Deo confestim pro anima sacrificium facere. Vnde quàmprimum mortis illud discrimen defugerunt sacrificium ex voto & promissis absolunt, & putant ferè hoc pacto salutem sibi per sacrificia redemisse, &c. Habitant autem incondita tuguria & longo inuicem intervallo, callidi tamen siue malefici minimè sunt, sed in populando ac rapiendo Hunnicam seruant consuetudinem, &c. Verba sunt Procopii: Dicit mox, vtramq; gentem tam Antas, quàm Slauos, vnā gentem esse, quos, inquit, Sporos prisca vocabant &c. Ideo Russorum nostrorum nomen idem significare putant. Nam Rossia idem est quod Græcis *ρωσσία*. Sparsim enim hinc & inde, id est, sporad. s. habitabant, casasq; habitant plerumq; virgultearum plectili opere confectas.

DE LITTERIS ET SIMVLACHRIS

SLAVORVM.

De literis Hlaolicis, quod à Bulgaris eas acceperint, & Bulgari à Græcis cautè est legendum. Nam Græci non modò Slauonibus sed & Romanis gloriantur se litteraturam tradidisse. Sed Cato refutat eorum sententiam, vociferaturque contra eos. Ostendunt Galli litteraturam introductam fuisse apud ipsos ante Cadmi in Europam ingressum, idq; opera Druidarum sacerdotum Gallicorum qui antiquitùs floruerunt apud Gallos & Germanos. Nā & Germani ostendunt litteraturam ad se inuectam adhuc ab illis Regibus qui post Tuisconem enumerantur in historia. Babylonica. Ideo in Diodorum Siculum & Laërtium inuehit Annius, quod sparserint illā narrationem de Græcis, quasi ab eis ad Latinas & alias Europeas nationes literę allatę essent. Propterea dixi cautè esse talia legenda. Vereor enim ne eodem modo glorientur Græci se Hlaoticas literas Bulgaris misisse. Constat enim ex historia quod Zamolxis olim Magus vel pytagoricus ad Getas literas attulit. Mominus & Strabo Berebistem regem Getarum tēpore Christi & Ceneum Magum sicuti olim Zamolxē artes ad eos liberales attulisse. Getę autem iisdem in locis, vbi Bulgari postea dicti, sedes habuerunt. Fuit autem hic Ceneus philosophus tantę autoritatis apud has gentes, vt cū iuaderet vites excindendas, ei paruerint. Ideo Ouidius cōqueritur, se in illis regionib. viuere, vbi vites non coluntur. Vide ea de re Strabonē libro 7. Berebistes rex vsus est oraculis Dianę quę ex antro edi aiebat, vt ita sibi dicto audiētes subditos redderet. Strabo etiam libro 7. montes sacros fuisse ipsis pro templis & delubris testatur. Indē Sagori mons à Ptolomæo in Sarmatia nominatur, id est, *svieta gura*, eò quod Dianę illi dicatus fuerit. De religione Naharualium Elysiorum quos Syllesios esse volunt sic Cornelius Tacitus memorię prodidit. Apud Naharuales antiquę religionis lucus ostenditur. Præsidet sacerdos muliebri ornatu, sed deos interpretatione Romani Castorem Pollucem quę memorant. Eius numinis nomen Alcis, nulla simulachra, nullę peregrinę superstitionis vestigium, vt fratres tamen venerantur, &c. Hęc ad verbum descripta ex Cornelio tacito. Hos fratres Castorem inquam & Pollucem Poloni cum summa alacritate & tripudio in conuiuiis & comotationib. inuocabant, de quo ritu & consuetudine sic Martinus Cromerus Episcopus Elpergensis scribit: Hi Polonis Dii fuerunt. Sunt qui his addunt Lelum Polelum, quos in conuiuiis & commestationib. appellari adhuc audimus cosque Castorem, & Pollucem esse autumant. Hęc verifi-

*Litterę apud
Gallos ante Ca
dmi.*

*Viri literati a
pud Slauos an
te annos 1000.*

*Dianę cultus
Slauis.*

*Simulachrum
Alcis apud Syl
lesios.*

Castor, Pollux

milia esse videntur. Et descriptioni Cornelianę valde conformia, vbi traditur Elysios vel Syllesios, qui pars Polonię erant, plurimum oblectatos esse memoria Castoris & Pollucis, vt iā audisti.

Carmen de Polonorum conuersione ad fidem Christianam.

Christe sub hoc ad nos venisti principe ab hoste,

Possessas stygio commiseratus oues.

Cesserunt idola tibi, Mars, Leda, Gemelli,

Cynthia, Pluto, Ceres, Iuppiter, Aura, Venus.

Fœmina te nobis ostendit prima, Bohemo

Sanguine, prima crucem nos docuitq; tuam.

Sis tu prima quidem nobis est caussa salutis

Ipse Deus, mulier caussa secunda fuit.

Illa tuo tingi Miesconem fonte maritum

Effecit, terra est tota secuta ducem.

Plurima tunc data sunt tibi templa nouemq; Cathedrę,

Et quos sacrifici dilapidamus opes.

An Berebistis regis Getarum factum laudandum.

Sed quia Berebistę Regis nostrorum popularium Getarum mentionem feci, eiusque astutum factum in moderandis populis dominio eius subiectis commemoravi, non abs re fuerit per digressionem de hoc facto inquirere. Nimirum rectene vetustas sentierit, Magistratibus ad retinendum vulgus in officio conducibile iudicans, fabulis ad astutiam compositis & in vulgus sparsis conscientiis mortalium cōpedes iniicere, vt ita videlicet ad parendum Imperio commodiùs trahi, duci & reduci possint. Videtur fane res plausibilis & speciosa sine gladio & armis homines effrenes & indomitos veluti vrsus circulo in rostrum iniecto, quod lubet ducere & pertrahere. Et exempla non desunt. Nam complures legiferi ita fecerunt: apud Gręcos Pisistratus, apud Romanos Numa cum sua Nympha Egeria &c. Quin & auctoritates complures ad eam rem comprobendam adduci possunt. Nam Plato & ante Platonem Pythagoras aliique Italicę philosophię sectatores Rempublicam legibus tanquam ex cera formantes, hoc idem suaserunt. Sed animaduertendum est in ea quęstione discutienda, non omnia omnibus ætatibus conducere. Multa nunc obsunt quę olim profuerunt.

profuerunt. Multæ medicinæ profunt in ætate iuuenili, quibus si in senectâ vtare plurimum obsunt & interitum minantur. Iudicabant olim rei militaris periti pro re vtili clypeis vti oblongis in bello & loricis, at nunc contenti armis ferreis in aciem prodeunt etiam contra sagittiferos Scythas. Ita & seculo illo rudi & tenero quando adhuc sapientia omnis inter reges & paucos quosdam eorum necessarios ac familiares sedem & domicilium suum habuit, facile fuit plebi imponere, superstitiones alere. At nunc quando tot Collegia doctrinarum sunt instituta, scholæ oppidatim erectæ, typographiæ denique prius ignotæ passim tandem receptæ, & alii mille modi inuenti sunt quibus inter homines omnis generis scientiæ propagatæ sunt, & mortales vsu rerum maiore edocti ad arcem scientiarum vsque peruaferunt, alia nunc sunt rempora, alii mores. Dies diem docet, vt est in prouerbio. Nunc quid sit Deus & quomodo in hæc inferiora agat, etiam & pueri volunt scire. Pro re certa narrât non obscuri autores olim in Polonia tota, tantum tria bibliorum volumina reperta fuisse; apud Regem inquam apud Archiepiscopum & Ostrorogorum familiam. Itaque si nunc Plato à mortuis resurgeret & videret non in sua Academia tantum, sed etiam in compitis & plateis à quouis de Deo disputari, certè illam suam sententiam retractasset, & alio modo de Repub. scripsisset, & alio modo cum plebe agendum suasset, quàm olim rudi illo seculo suaserat. Nam si nunc diceret, vt dixit in libro de Iusto: fingamus inquit, nos fratres esse quia nos vna mater terra progenit. Ideo alii ex hominibus sapiunt naturam ferri, alii naturam auri, alii argenti, alii inquam sunt nobiliores naturæ, alii non ita, & occurrens tacitæ obiectioni inquit: At homines narrationi simplici non credent? Ac respondet: Si hoc nunc non credent verum esse, at posterius seculum, quod nobis succedet, credet. Iubet tandem vt per obstetrices & prudentes didascalos talia puerorum animis à teneris annis instillantur. Omninoque suadet vt Principes alant superstitionem in populo. Certè si nunc inquam talia Plato doceret, palam ab omnibus exhiberetur. Propterea alia nunc ratione dixerim persuadendum hominibus vt morigeros obedientesque se præbeant magistratibus. Præterea oracula sacra inquit: Non eget Deus vt pro illo loquamini dolos. Itaque vt verum fatear, mihi magis huius seculi philosophia hac in parte placet quàm Græcorum. Præstat enim sincere cum populo agere. Nam semel in suspensionem magistratu apud plebem adducto, semper insidias sibi strui putabunt. Sunt enim alii modi & argumenta non decurrendo ad mendacia, quibus plebi certò persuadere pos-

sumus ut placide magistratui obtemperet. Primò quia Dei voluntas est: secundò quia turbatores ordinis destruit Deus, nec fore felices statuit, qui ordinem politię petulãter & temerè turbant. Tertiò ab honesto, ab utili & à necessario. Sed longiore inquisitione omissa, ad historiam nostram redeamus, postquam lectorem defatigatum continua lectione historię tædio iam leuauimus.

BOLESLAVS CHOBRI.

Anno ab oibe condito

4960.

Anno Christi

1000.

Abhinc annos

585.

*Wladimirus
princeps Russo-
rum Kiouiam
aggreditur.*

Maximum decus gentis Polonę regem Boleslaum Chobri fuisse apparet. Nam ex regibus qui præcesserunt alii fuerunt bellatores, alii autem œconomi, alii in prudentiæ laude excelluerunt. Hic autem omnia in se vno coniunxisse videtur. Bellatorem quidem eum fuisse testantur bella Russica. Cùm enim hæc gens ante quingentos annos prætextu Slauonię confederationis veluti adiutum suos gẽtiles ad eas regiones peruasisset, & tandem successu elata bellorum gestorum, contra Græcos & Bosnenses duce Wladimiro, regiones Polonorum occupasset, nec satis ei esset, quòd intra fines veteris Sarmatię ingreſſa Vandalorum patriam depopularetur, Kiouiam, quoque urbem prorsus in umbilico ipso regionis extruere cœpisset, & maiora aggressa intra ma Polonia scrutari cœpisset, Rex certior factus ad Axiacum flumen, quod nos Bog vocamus, contra eos ducit exercitum; sed Ieroslaus eorum Princeps seu Rex, cùm vim exercitus Polonici grẽ se sustinere posse perspiceret, receptui canere iubet, & intra paludes se recipit. Boleslaus castra castris admouit, eaq; diripit: cumq; Russos pugnam detrectare animaduertisset, Kiouiam urbem eorum primariam atque eximiam obsidione cingit. Fuit Kiouia vrbs tunc amplissima, id quod ruinæ, solitudines & rudera eius hodie testantur, ibiq; Russorum, duces regiam suam esse voluerunt. Hanc Polonus cum arctiore obsidione presisset, per dediti- onem capit, & tandem Borysthenem versus contendit, ibiq; exemplo Herculis fines veteres Sarmatiarum occidentem versus ad confluentem Zula fluiui, & Borysthenis tribus ferreis columnis erectis firmavit. Iniecit & Tubos quosdam flumini æneos artificiosimè ad hoc præparatos, ut sono suo perenni nomen eius resonarent, & ut in omne æuum duraret, stabiliuit. Alii propter cavitatem quandam quæ in rupibus est, gigni illos sonos qui à longè audiuntur, prædicant. Confectis iis rebus, Boleslaus domum est reuersus triumphans, ubi pro victoria reportata vota exoluit, complura splendida templa

*Columnæ Boles-
lai.*

*Sonitus quidã
in Borysthene
à longè exaudi-
tur.*

dida templa in honorem Dei omnipotentis erigens, quibus adie-
 cit & pecularia dona quædam ex manubiis de hoste partis. Fuit
 secundum eius bellum non minus celebre contra Saxonas & Bo-
 hemos aliasque Germanicas gentes, adeptaque ex eis victoria pari
 successu, ut in Russia fecerat, tres columnas locat ad confluentem
 Albis & Salæ ad confirmandos limites veteres sui regni, quo tem-
 pore & Budisinum ab eo combustum fuit. Tantus tunc metus &
 formido cunctam Germaniam inuaserat, ut ne custodes quidem
 limitum quos Marchiones vocant, auderent in conspectum eius
 se offerre, aut quicquam hiscere. Nec multò post siue necem Diui
 Alberti ulturus siue patrias sedes recuperaturus (nam ubi nunc
 sunt Prussi, Venetos Ptolomæus ad sinum Venedicū & Chronum
 flumen ponit, quos Moschi Venetos, Varingos, & mare ipsum Bal-
 ticum Variuskoie mare vocant.) in Prutenos expeditionem facit,
 eoque tertiis aut quartis castris peruenit. Cumque pauore percul-
 si nemo ex eis ad pugnam prodiret in Ossam flumen nemine repu-
 gnante simili modo tres ferreas columnas quarto à Rogozno lapi-
 de iniicit. Locus ab accolis hætenus monstratur. De limitibus
 meridionalibus nulla tunc controuersia fuit. Nam flumen illud
 in Morauia non longè ab oppido Granice, quod limitem nostra
 lingua significat, pro limitibus Sarmatiæ habebatur. Atque ita pro-
 uinciarum maxima parte recuperata, quæ negligētia amissæ erant,
 vniuersisque controuersis sopitis ad studium religionis se, ut de-
 cet probos Principes, conuertit. Extiterat per id tempus Diuus
 Albertus vir zelo pietatis illustris, & amore sedulitateque in proue-
 henda religione Christiana admodum celebris. Is in Pannonia se
 liciter ministerio suo defunctus baptizato aut cōfirmato, ut aliqui
 referunt Stephano rege Hungariæ, in Poloniam se contulerat, qua
 peragrata, in Prussiam perrexerat annuncians euāgelium & remis-
 sionem peccatorum credentibus. Sed homines idolis dediti sur-
 dis auribus hæc audiuerunt, eumque crudeliter obtruncarunt. Cu-
 ius constantia & indefessum studium in propagando regno Dei
 cum Romam relatum esset, absque vlla dubitatione in numerum
 duorum fuit relatus. Audiuerat ea de re Otho tertius Imperator;
 itaque fama sanctitatis eius & miraculorum celebritate motus vo-
 ti exoluendi causa, quo se obstrinxerat, periculoso morbo labo-
 rans in Poloniam ad eius sepulchrum contendit. Quod autem ali-
 is diuis prætermisis ad hunc se contulit, existimo hoc ei calcar
 addidisse, quòd eius subditus fuit. Nam Magdeburgensem fuisse
 tradit Helmoldus presbyter, qui ante quadringentos annos Slauo-
 nicam historiam conscripsit. Et credibile est eius operâ potissi-
 mum fuisse

*Alie tres colu-
 mne ad conflu-
 entem Salæ &
 Albis.*

*tertiò colum-
 ne tres ad flu-
 men Ossā.*

*Boleslaus sine
 imposito bellis
 ad religionem
 se conuertit.*

*Venenum obie-
ctum Othoni.
tertio.*

*Commentum
de tributis re-
sellitur.*

mum fuisse apud Pontificem effectum, vt hic vir sanctus cum esset eius popularis in album diuorum referretur. Nam tum temporis Romæ Imperator sedandis Crescentii seditionibus commorabatur. Fuit illa commoratio Romæ Cæsari huic exitiosa. Sublato enim Crescētio cum eius vxore consueſſe dicitur, ad extremumq; eam sibi vxorem fore, fertur ei promississe, quod quia non præstitit venenum ei in chirothecis, quas Roma discessuro donauit, mulier ista obiecit. Aculeo igitur veneni læsus Imperator confidebat se opem à Diuo Alberto tanquam suo populari & domestico numine citius relaturum. Itaque Gnesnam, vbi erat sepultus, contendit, de cuius aduentu Boleslaus cum audisset, ipsemet amplissima procerum frequentia stipatus ei obuiam it. Mira Posnanienses ciues, cum istic iuuenis agerem de hac pompa ingressus Imperatorii narrabant, quomodo videlicet viæ ad septem vsque miliaria Posnania Gnesnam inſtrate erant, qua Cæsar nudus pedes ob reuerentiam Diui Alberti gradiebatur, quem rex ipse summo cum honore deducebat. Ibi cum satis esset datum religioni, secretiora consilia habituri conclaue intrant, ibique de multis rebus, quæ pertinebant ad salutē Reipub. Christianæ inter se cōferunt, reliquum tempus conuiuiis destinatur. Ac tandem, cum satis indultum esset cibis, potui, & aliis ludicris ad recreandum tanti hospitis animum honoratum amplissimis donis in Germaniam dimisit. Quod autem rex tam exquisito apparatu & solenni pompa accepit Imperatorem, id factum puto vel exhibendę modò humanitatis causa, quę innata esse huic genti prædicatur, vel vt grati animi signis, tantam erga se regnumque suum propensionem adæquaret Imperatoris, qui novos honores, regium videlicet decus, in Boleslaum conferendo secum in Poloniam attulerat. Iam si quis conferat ea, quæ dicta sunt, cum iis, quæ autor supplementi Charionis hoc loco narrat de tributo ab Othone imposito Polonis minimè gentium hæc inter se cohærere animaduertet. Nam Principem tanti nominis, tot victoriis planè gloriosum pro exhibita illi nuper beneuolentia tributo onerasse, nequaquam verisimile videtur. Miseris hæc belloq; attritis conueniunt non victori, qui Russis formidabilis, Germanis reuerendus, Bohemis & Borussis metuendus, Pontifici verò summo ita charus & spectatus erat, vt cum in numerum diuorum ob insigne pietatis studium retulerit. Fuerit sanè hæc causa quædam, externa vel potius prætextus aduentus Imperatoris in Poloniam, nimirum vt inuiseret sepulchrum Diui Alberti, sed ex circumstantiis aperte liquet, aliam latentem & secretiorem causam fuisse. Videlicet vt bellicosum virum, quem ferro auertere

LIBER VI.

226.

auertere non poterat dum in Saxonia bella gerit beneficio aliquo placatum sibi redderet deuinciretq;. Nam non temere in historia additur, quòd, absoluta ceremonia coronationis, conclaue secretioris consilii intrauerunt. Ibiq; multa de iis, quæ pertinebant ad salutem Reipub. Christianæ inter se contulerunt. Sepultus est Boleslaus in Basilica Posnaniensi in medio templi, cuius sepulchro Epitaphium est inscriptum, paruum quidem, sed ob reuerentiam antiquitatis valde iucundum. HAC IACET IN TVMBA REX PIVS GLORIOSA COLUMBA BOLESIAVS CHOBRI. Literæ sunt vetustate penè consumptæ sicut & ipsum sepulchrum, vtcunque tamen possunt legi. Est autem dignum, obseruatu, quòd & Germanorum imperii, & trium regnorum, hoc est, Polonorum, Hungarorum, & Bohemorum in vnam fermè eandemque ætatem exordia incidunt. Nam translato à Gallis ad Germanos imperio circiter tempora Othonis Magni, non ita multò post reliquæ tres prouinciæ ad hoc culmen regii honoris euectæ sunt, Imperatoris ne autoritate, an verò Pontificis non disputo. Illud tamen pro certo historia Calui montis astruit Pontificem Romanum Benedictum eodem tempore iam tum in suo Senatu decreuisse vt dux Poloniae Chobri in Regem coronaretur, & iam coronam ex purissimo auro paratam ad hoc habuisse, vt si forte Boleslaus vellet, eam ei mitteret, sed vbi audiuit Boleslaum maluisse ab Imperatore quam à Papa coronari, admonitus ab angelo STEPHANO diuo Regi Hungariæ eandem misit. Hæc leguntur vt dixi in historia Calui montis.

MIECISLAVS IVNIOR.

Anno ab orbe condito
Anno à Christo.

4987.
1025.

IN frequenti procerum & equestris ordinis conuentu Miecislaus regiam dignitatem iamdudum sibi decretam adiit. Erat tum triginta annorum & quinque cùm Guesnæ vna cum vxore Rixa die Pentecostes coronaretur. Et quia præsidiorum Polonicorum, quæ arcibus Russicis imposita erant à rege Boleslao, ad nouum regem de Russis querelæ subinde adferebantur, quòd inquieti nouos motus cierent, Kiouiensésque lenta, sed tamen molesta obsidione premerent, tandem contra eos ducit exercitum, nulloque negotio, eorum insolentiam reprimi, & captiuos, qui in deditionem venerant, per arces custodiendos distribuit. Sed vix hoc sopito bello, aliud cum Bohemis erupit. Infestabant ii Morauiam, quæ ditionis Polonorum tum erat, præsidiaque nostra munitionibus exturbabant, ac tributa sibi à Boleslao imposita pendere

Bellum Russorum.

Bellum Bohemum ob tributa negata, & fines violatos, de quibus supra in Chabria lege.

Defectio Vandalicarum provinciarum ob tributa negata

Contributio s. Petri.

Bellum Pomeranum.

fit appendere recusabant. Hęc instinctu Vlderici, qui Bohemis tum præerat, eos fecisse ex certis coniecturis non obscure apparebat. Negabat ille quidem, seque minimè conscium esse istorum probatum facere volebat, sed circumstantiæ rei eius vafrum animum ad astutiamque compositum detegebant, & res ipsa loquebatur, cum filium suum Prædislaum impigrum, iuuenem clam coucitalse ad violanda pacta conuenta. Itaque Rex ulturus hanc perfidiam contra eum conscribit exercitum & obuiam ei procedit. Oderat quidem rex bellum, semel eius incommodis degustatis, cum esset in expeditione Russica, tamen extimulatus multitudinis conuitiis, qui pusillanimitatis probum obiiciebant, officio deesse non potuit. Cumque iam se in conspectum hostium dedisset. Bohemi primò causam denegati tributi prætexunt, quòd auxilio Polonorum destituti pecuniam debitam in sumptus belli erogarint. Sed deinde regis tenero animo & imbecilli iudicio perspecto, aperrè rebellionem faciunt. Itaque vario Marte inter eos decertatur. Bohemorum exemplum Lubecenses & Camenesenses secuti similiter Polonorum iugum excusserunt. cum iis & vrbs Lubeca hoc idem facit. Et cum solita stipendia denegarent, pensionem tamen quam vocant S. Petri, vsu iam dudum recepto, ad ærarium ecclesiasticum in Poloniam mittunt, vt deinde vna summa cõgesta, summo Pontifici nomine Polonici regni mitteretur. Quo solo argumento reuinci possunt ii, qui negant, illas terras vnquam fuisse ditionis Polonorum. Secundiore & feliciore deinde successu contra Pomeranos administratum est bellum. Nam & isti ad defectionem spectabant. Cùm ergo, relictis suorum viribus, Hungarorumque auctus copiis, quas Bella frater Stephani secum adduxerat, in campum Miecißlaus prodisset, non segniter Pomerani conferunt signa. Sed mox funduntur & profligantur, & dux eorum in prælio occubuit. Multi in potestatem tum deuenerunt. Defectionis suosores capitis supplicium pertulerunt; at multitudini parsum est Ita ignominiam acceptam rex ex Bohemicis certaminibus posterioribus successibus abstergit, & præterita damna cum fœnore compensauit. Anno autem millesimo tricesimo quarto vita defunctus Posnaniæ sepelitur. Confutationem falsarum narrationum, quas hîc historici affinxerunt, vltro prætereo. Nam res commenticiæ seipsas quales sunt produnt. Qualis hic fuerit Princeps & quales spiritus pectore habuerit non est difficile ex historia recitata colligere. Synchroni Miecißlai erant in occidente Conradus Imperator in oriente Romanus. Hoc etiam tempore duæ illæ factiones Guelphorum & Gibellinorum institutæ in Italia erant,

Guelphus

Guelphis dignitatem Pontificiam defendentibus, Gibellinis verò Imperatoris celsitudinem protegentibus. Nam de suprema dignitate retinenda tam Pontifices quàm Imperatores sollicitudo versabat. Magna deinde Ilias malorum ex harum factionum conspirationibus consecuta est. Nam Germani Imperatores in Italia assiduè degere non poterant. Ne igitur Pontifices Imperatores absentes proscinderent, eorumque vitæ famæ & facultatibus insidiarentur, omnino videbatur è re Imperatorum esse aliquem globum hominum in Italia habere ibique relinquere, qui, siue adesset siue abesset, Imperatoris partes tuerentur, atque hoc consilio Gibellinorum quasi ordo institutus est & stipendia eis ex redditibus Imperatoris sunt destinata, aliis certos fundos, aliis portoria & census donatos possidētibus. Ex horum stirpe ii, qui nunc vocantur Columnæ, Scaligeri, & alii prodierunt.

Factiones Guelphorum & Gibellinorum.

Columnæ, Scaligeri, & alii prodierunt.

INTERREGNUM.

Capita tantum consignabo, ut saltem series historiæ non interrupto ordine ab omnib. legi possit; & tamen lector, quæ per id tempus euenerunt, non ægrè intelligat. Motus in Repub. futuros prædixerat viuens Rex Boleslaus. Sed & terræ tremor insolens, qui tum acciderat, idem portendebat. quorum motuum causa fuit regina Rixa, quæ omnia exactionibus permiscebat, & contemptum gentis cum nequaquam in se celare posset omnia susque deque habebat. Ad extremum cum thesauris regno profugit, quibus cum venisset Brunsvigum & Magdeburgum, sibi possessiones emit. Ad ea mala accessit deterius, nimirum rusticorum contra ordinem equestrem tumultus, qualem etiam Constantini Magni temporibus inter eas gentes fuisse supra meminimus. At etiam ecclesiasticis non fuit parsum. Plebei enim recordati prioris status cum viuerent in gentilibus, & conferentes cum eo mala, quæ eis acciderant tempore interregni, beatiores se fuisse cum idolis seruirent, non obscure prædicabant. Inde factum est, ut Episcopis manus ferè iniicerent. Accessit Maslai Pocillatoris regii tyrannis à quo Masouios dictos esse quidam affirmant. Non desunt autem qui eos à veteribus Masagetis oriundos putent. Russi deinde ab oriente, Bohemi ab occidente, ut lacerarent Poloniam nihil omiserunt. Cum enim ipsi imperio se obnoxios reddidissent, in manifestamque seruitutem coniecissent, facile apparebat eis summè cordi fuisse si socios poenarum sibi adiunxissent. Hæc fusè ab historicis nostris commemorantur. Rixa interea profugiens non cessauit Cōradi Imperatoris animum sollicitare, iam

Interregnum, id est, tempus inter reges.

Calamitas publica redimantur in ecclesiasticos.

Maslai.

Cazimirus inter monachos.

licitare, iam muneribus, iam blanditiis in suam sententiam pertrahendo, ut iunctis viribus Polonos persequeretur, illatamque ipsi iniuriam, ut ipsa putabat, armis vindicaret. His malis fatigata Polonia de Comitibus habendis tandem cogitare incipit, utque de creando nouo rege decretum promulgetur, sollicitè vrget. Nec mora, indicitur conuentus Gnesnæ; ubi cum sententiæ aliquantulum variarent, communi tandem consensu in eam sententiam decurrunt, ut in Gallias mittant ad Cazimirum reuocandum. Viuebat iste Cluniaci inter Monachos voto sacerdotali iam obstrictus. Itaque proceres, electis oratoribus, eis mandant, ut si aliter fieri non possit, ne in Galliis cesserent, sed Romanam contendant, & Pontificem Benedictum rogent, ut vicem huius regni commiseretur, vtrumque futuro regi Cazimiro relaxet; quod & obtinuerunt. Eductur ille monasterio, & ad regnum adducitur potissimum ea in re adiutus Henrici Imperatoris eius nominis tertii autoritate, qui sexcentos cataphractos, honoris & securitatis causa, eum Cracouiam usque regiam gentis, aut quò maximè ipsi videretur, deducturos ei adiunxerat. Quàm autem hilari & læto animo à cunctis ordinibus exceptus sit, vix dici potest.

CAZIMIRVS PRIMVS.

Anno à condito orbe

5005.

Anno à Christo

1041.

Gnesnam igitur tanquam ex alio orbe venienti & quasi re diuino Cazimiro cuncti obuiam procedunt; ubi etiam omnibus ei impensè gratulantibus & legatis exterorum celebritatem illam cohonestantibus, patrio regno inauguratus est; gubernationisque suæ initium à depositione suadenda intestinarum simultatum est auspicatus, quibus foeliciter sublatis, externa circumspexit. Et quia cum Russis acerbissimum bellum sibi instare præuidebat, gentem, quæ ferro vinci non potuerat, consilio edomare aggressus est. Inprimisque foedus societatis contra quosuis hostes cum eis pepigit; utque ea res stabilior & firmitior esset, Iaroslai principis sororem in matrimonium ducit. Fuit hæc ex stirpe Constantinopolitanorum Imperatorum progenita, ex sorore inquam ipsius Imperatoris nata. Mox contra Maslaum tyrannum exercitum ducit, eumque affecutus superat. Nec iuuerunt Maslaum copiae Masouiorum, neque auxilia, quibus confidebat, Prussorum, & Iazigum. Fuerunt autem Iaziges populi sparsi hinc inde per Sarmatias, & à Mœotide incipiendo extendebantur Prussiam versus, medii inter Poloniam & Lituaniam; ad quorum differentiam illi, qui ea loca incolebant, ubi nunc est Transsylvania, & Tibiscus flumen,

Iaziges qui?

flumen, Metanastæ vocabantur: hos verò qui à Cazimiro fusi fugatiq̃ue fuerunt, inter Masouios mansisse & Lituanos, credibile est. Ab hoc Maslao Masouios & Plocenses appellatos quidam, asserunt; sed mihi nequaquam credibile est gentem tam generosam à latrone, quem laziges in crucem gratificaturi Cazimiro egerant, cognomen sibi quæsiuisse. Potius mihi probatur sententia illorum, qui eos & originem & nomen à Masagetis antiqua gente traxisse affirmant. Referunt hîc scriptores bella Henrici Imperatoris cum Bohemorum populis, quos tunc debellatos ab eo tradunt. Referunt etiam eodem tempore regem Bohemię dignitatem electoratus adeptum esse ad eum scopum re detorta, ut si aliorum sententię in eligendo Imperatore minimè conuenirent, sed bifariam numero p̃ares diuideretur, vtri parti ille veluti censor astipularetur, hæc ipsa præualeret suffragio. Verum hîc desideratur fides historicorum. Nam Bohemorum gens nondum regiam dignitatem adepta erat. Ac bella tam cruenta cum Imperatore gerere, & tamen honores ab eodem, hoste sibi infensissimo consequi, videntur secum pugnare. Ad Cazimirum nunc redeo, qui domi forisque negotiis aptè compositis, rebus humanis exemptus est, desiderium sui non modò apud suos, sed etiam apud extraneos relinquens. Ante mortem ritè sacris procuratus fuit, & certis quibusdam proceribus, tanquam tutoribus fidelibus, filios commendauit. Fuit Cazimirus procerioris staturæ, forma liberali, neruosus, & robore militari præditus, capillo denso, promissa barba, litteris mediocriter eruditus; hoc nomine tamen gratus. Quod verò D. Cromerus nouiter hæc tunc contigisse regibus Polonorum prædicat, ego quidem Boleslaum Chobrium illitteratum fuisse nequaquam existimo. Hic fundauit Tinecense monasterium ordinis eiusdem societatis, apud quos in Galliis vixit.

*Masouij an d
Maslao.*

*Regnum Bohem
iæ electoratu
m adipiscitur.*

*Cazimirus pri
m^{us} inter reges
polonię litteratus.*

BOLESLAVS SECVNDVS.

Anno ab orbe condito

5030.

Anno à Christo.

1068.

Hic magno applausu & fauore populi in sede patria consedit, & à principio speciem boni viri & regis boni præbuit: sed adultior factus, secundisq̃ue rebus & successu continuarum victoriarum elatus, impotentius dominari coepit. Primum bellum eius fuit cum Wradislao Bohemo, qui infesto exercitu Poloniam intrans, cuncta flammis & ferro repleuerat; cui Boleslaus tumultuaria manu celeriter occurrit, eumq̃ue superat. Secunda expeditio eius contra Prussos fuit, quos cum securis & nihil tale opinantes aggressus esset, confestim trucidat opprimitq̃ue. Fu

c

2

it hoc ad

Victorie Boleslai de Bohemis, Prussis, Hungaris, Germanis, & Russis.

Kionia obsessa.

Cur ad Illyrios Boleslaus maluit confugere

Ecclesiastici ordinis calamitates huius temporis.

it hoc ad Ofsam flumen Prussiae posterioris limitem. Nam antiqua Prussia nullos limites Sarmatiam versus habuit, cum eius pars olim fuerit. Tertium progressus est contra Andream Hungariae regem; quem ubi ad portas Mosouienfes affecutus est, ita attriuit, ut eum mori cogeret; ceteros ei confederatos dissipauit, ex quibus Wladislaum Bohemiae ducem excacauit, Germanorum vero duces partim necauit, partim comprehesos detinuit. Post victoriam hanc partam Bellam Hungarum Albae Regiae in sede regni collocauit, victoremque exercitum pro nauata opera a Bella & aliis proceribus Hungaricis, remuneratum prosperè domum reduxit. Narrantur & alię victoriae eius de Russis reportatę; sed illa quę septem annis durauit, quò diuturnior eò celebrior fuit. Tunc enim ferè vniuersam Russiam in potestatem suam redegit, amplissimamque victoriam de Vessolodo reportauit; Kioniam etiam obsedit; ac tandem arctioris obsidionis incommodis cum eorum pertinaciam fregisset, in deditionem accepit. Boleslaus igitur magni nominis tunc & bellator egregius magnam gloriam consecutus est. Sed vna re vniuersum fructum laborum suorum elisit; quòd præsulem dignissimum diuum Stanislauum ad moderatiora consilia eum retrahere conantem interfecit. Vnde factum est, ut à Pontifice summo excommunicatus cum aduersus infortunium diu obluetaretur, tandem cunctis inuisus & à fortuna desertus in Illyricum profugerit. Quòd autem apud Illyrios se citius recreandum speraret, quàm apud alias gentes, existimo hac ratione adductum fuisse, quòd apud suos gentiles & populares, ex quib. maiores ipsius Cechus nimirum & Lechus prodierant, nondum memoriam excidisse suorum cognatorum facillè diuinabat, seque tantò gratiorem hospitem ibi futurum perspiciebat, quantò ipsum foediùs à fortuna depressum, & à summo fastigio ad imum tam repente decidisse intelligerent. Nec arbitror ab innata aliqua malicia hanc ferociam ei inhæsisse, ob quau truculenti carnificis nomen mereretur; sed adulatotum & aliorum sycophantarum aulicorum delationibus exasperatum fuisse contra sacratum virum reor. Aut sanè fatis urgentibus ad eam amentiam prolapsus est; iuxta dictum: Vehementes motus animorum odio habet Deus. Videtur autem & superius sæculum, occulto quodam sidere, admodum infensum fuisse clero. Nam ut complures superiores Pontifices partim in captiuitate mortuos, partim veneno sublato, partim alia ratione miserabiliter extinctos hoc loco non commemorem; quæ hoc eodem tempore Henricus Quartus Imperator cum Gregorio Septimo Pontifice egerit, & quis finis illi tragediæ fuerit, omnes norunt.

Non est

Non est igitur mirum, si vir sacratus Stanisla⁹ à Boleslao tunc temporis tam grauius est passus. Nulla enim re animi mortalium citius deprauantur, quàm pessimis exemplis, quæ tantò magis agunt, quantò superiores sunt illi, qui ea edunt. Cùm igitur inter Pontifices prerogatiuas suas defendentes & Cæsares iura imperialia propugnantes tam immania & atrocia exempla parricidiorum hominidiorumque passim ederentur, non est mirum si hoc contagium etiam Poloniam peruasit, animumque regis corrumpit, qui forsitan Episcopo iniiciens manus nequaquam putauit, talem nubem tanta tonitrua edere posse, quanta postea edidit. Vfus fuisse fertur rex in tollendo episcopo opera Iastrzebiorum Srenauiorum, qui propterea milites Boleslai etiamnum à quibusdam vocantur. Miror tamen cur Vincenti⁹ Cadlubkus, qui non ita multò post vixit temporib. videlicet Kriuoustii, eiusque historiam conscripsit, hoc adeò insigne factum adhuc recens non scripserit, nec vllam mentionem eius rei fecerit, vel si Vincentius, qui episcopus Cracouiensis erat, laudem hanc antecessori suo Stanislao inuidebat (sunt enim non pauci, quorum cor inuidia laborans in arctum contrahitur, cum vident æquales suos præsertim populares opinione probitatis, vel aliqua eruditione ipsis antecire) Gallus tamen quidam rerum Polonicarum nec non Lampertus Saffnaburgensis rerum Teutonicarum scriptor, qui per hæc tempora vixit, rem tam dignam notatu & pupillam oculorum omnium maximè sua fama ferientem sicco pede prætereire non debuit. Sed interim dum hæc scribo, oblatus est mihi liber historiæ Polonicæ domini Mathiæ Stricouii, in qua cõmemorat nobilem quendam virum Polonum D. Valentinum Kuzborzki affirmantem, quòd in Carinthia in quodam monasterio Ofsiæ non procul ab vrbe Feltkirchen repererit sepulchrum huius regis Boleslai Audacis, vbi post ante dictos exantlato labore monach⁹ vixit, nec priùs à sodalitia, quis esset, agnitum, quàm post mortem inter suppellectilem ipsius repererint litteras quasdam, quibus maximæ res continebantur, & alia insignia regalia. tunc veluti stupefacti vehementer mirari cœperunt, eiusque corpus summa reuerentia sepelierunt, superque caput statuam marmoream instar equi ephippia gestantis collocarunt, addito hoc epitaphio, seu inscriptione: BOLESŁAVS REX POLONIAE OCCISOR SANCTI STANISŁAI EPISCOPI CRACOVIENTSIS, &c. Hæc si facta fuisse reperiuntur, non absurda videri debent cætera, quæ hæc historia de D. Stanislao complectitur.

Iastrzebiorum
gens.

*Epitaphium
Boleslai Audaci.*

Est & alter scrupulus, quem inter colloquia multi solent iniicere. Quærunt enim, quæ causa tanta fuerit, quidue pontificem

summum Gregorium eius nominis septimum impulerit, ut iram & indignationem suam non modò in patratores criminis regem Boleslaum sed etiam in vniuersum regnum effuderit, & regnum Polonis abrogarit. Sunt qui dicant, vehementer fuisse motum regis vita scelesti, & atrocitate quadam ipsius homicidii; quippe cum non solùm viro innoxio violentas manus iniecerit, verùm etiam eum membratim dissecandum iusserit. Alii referunt, motum fuisse sanctitate tanti viri, qui tanto zelo præditus erat & timore Dei, ut cum videret Archiepiscopum Gnesnensem, cuius plus intererat, quasi per transennam regis fœdam vitam aspicere, ipse se acerrimum censores interposuerit. Magnæ sunt hæ causæ & vtræque probabilis. Sed videtur mihi tertia addenda, quæ licet à scriptoribus, aliisue commemorata non fuerit, tamen circumstantiæ illius temporis produnt, eam non postremam fuisse. Vehementer

*Causa oculi
disidij inter
Imperatores,
& Pontifices.*

*Cur regia digni-
tas adempta
est Polonis
hoc tempore.*

tunc statum rerum Christianarum perturbabat illa controuersia exorta inter Pontifices & Imperatores de conferenda dignitate regia. Imperatores enim iactabant, Imperatorum esse reges creare, Pontificum verò sanctos canonizare, ut vocant; contra Pontifices nitebantur exemplis Politie veteris testamenti, vbi Pontificum erat eos confirmare, qui ad munus regium subeundum aptissimi viderentur. Notæ sunt controuersie & bella Henrici quarti Imperatoris cum aliquot Pontificibus; qui ita tum illa ætate afflictus erat ob huiusmodi controuersias, ut multi iam fasces Imperii aliorum periculo deterriti suscipere detrectarent. Iam verò quia Otho tertius decus regium Poloniae paucis ante diebus contulerat, ipseque Gnesnam veniens, ut supra narrauimus, Boleslaum Chobri regem Poloniae, inuito, aut saltem inconsulto Pontifice, coronauerat, ideo Pontifices exasperati semper occasiones quærebant hanc Imperatorum potestatem minuendi, aut certè irritam reddendi. Et quia Boleslaus audax suo enormi facto fenestram & aditum ad perficiendum vetus hoc consilium Pontificibus patefecerat, idcirco nulla mora interposita Gregorius septimus fulmen hoc ignitum primò in Boleslaum torquet, eumque de regni folio deiicit; deinde sancit nouo edicto proposito, ne Episcopi quemquam iniussu suo regem inungant, aut coronent. Quamquam Lampertus Saffnaburgensis res imperatorias cohonestans, ait Imperatores Romanos ita fuisse commotos contra reges Poloniae, anno Christi 1070. ut eos dignitate regia priuarint, & causam tantæ indignationis annexit: Quia, inquit, dux Polonorum qui per multos annos Teutonibus tributarius fuerat, cuiusque regnum olim Teutonum virtute subactum atque in prouincias redactum fuit, repente in

it, repente in superbiam elatus regiam dignitatem, regiumque nomen sibi vsurpauerat, diadema imposuerat, atque ipso die Natalis domini à quindecim Episcopis in regem fuerat consecratus. Consideratur hinc fides huius historici. Primum enim Poloni nūquam obnoxii fuerunt germanis Imperatorib⁹, vt non minùs verè, quàm solidis rationibus, euincit D. Cromerus. Deinde quindecim Episcopi in Polonia tum non reperiabantur. Adde quòd Poloni circiter octoginta annos ante hoc temp⁹ regem habebāt, & quidem fauore Othonis tertii Imperatoris. Quem etiam absoluisse Polonos ab omnibus tributis & obsequiis Guagninus affirmat. Qui tamen dum, maximè se fauere Polonis testatum vult facere, tum maxime peccat in Polonos, affirmans videlicet eos absolutos fuisse ab obsequiis & tributis ab Othone tertio, tempore inquam illius inaugurationis ad regnum. At Poloni nulla vnquam obsequia ex pacto, multò minus tributa Imperatorib⁹. pependerunt. Nulla itaque absoluteione ab eisdem indigebant. Cæterum hinc Saffnaburgensis, & Monachus Herueldensis imposuerunt Seba. Munstero, qui auctoritatem istorum secutus labitur in eundem errorem, iuxta dictum: Cæcus cæcum ducit, ambo in foueam cadunt: O nos miseros, siquidem ita est, vt affirmat Saffnaburgensis. Idem enim nobilicū agitur, quod Poëta inquit: Si fortuna volet, fies ex Rhetore consul, Si volet hæc eadem, fies ex consule Rhetor. Verba Munsteri sic se habent: Otho secundus sublimauit Ducatum Poloniæ in regnum. Sed rex eius paulo post, cum rebellis esset Romano Imperio, iterum degradatur, & ex rege fit dux sub tributo seruiens. Hæc ille. Obseruet lector quomodo scriptores isti scindunt sese in contraria. Qui res Romanas illustrare volunt, Papæ id attribunt, quòd offensus Boleslai crudelitate ob cædem diui Stanislai regnum ei abrogarit. Isti contra, qui in partibus Imperatoris sunt, sibi ipsis Polonos regios honores vendicasse, tributaq^{ue} denegasse aiunt; pinde, degradatur inquit, ab Imperatore, & ex rege fit dux. Sciebant probè Imperatores & eorum scriptores, regios honores Polonos non sibi priuata auctoritate vsurpasse, vt dicit Saffnaburgensis. Sed cum ad Pontifices confugerent recuperaturi denuo regium decus, Imperatores ea re offensi nolebant eos pro regibus legitimis agnoscere. Eò quòd derelictis ipsis Imperatoribus, à quibus ab initio autore Othone id consecuti erant, ex manu Pontificum id obtinere annitebantur. Itaque exasperati crimen læsæ maiestatis eis impingebant. Hanc puto causam ea in re dissidium inter historicos illos peperisse.

*De dignitate
regi Poloniæ
dissidium hi-
storiarum.*

Munsterus.

WLADISLAUS PRIMVS.

*Anno ab orbe condito**Anno à Christo*

5044.

1082.

POloni Wladislaum Hermanum fratrem Boleslai regem designant; quod munus ipse diu subire detrectauit: cunctis tamen instantibus recusare non potuit. Tergiuersationis huius duæ causæ referuntur: altera quòd fratrem adhuc reditum sperabat: altera quòd interdictum illud Pontificium aliquid noui propediem editum suspicabatur. Recens enim exemplum seueritatis in Henricum à Pontificibus editum cunctorum regum animos vehementer pupugerat. Itaque cum esset Princeps pacis, quàm belli, amantior, dubium, decus armis periclitando quærere nequaquam volebat. Sed vbi vrgeri se Pomeranorum, incursionibus vidit, ope diuina confusus expeditionem contra eos adornat, signisque aliquoties collatis, ipsos ad deditionem compulit. Tradunt autem eum fuisse religioni ita deditum, eiusq; ceremoniarum ita pertinacem, vt certis diebus festiuis, more Machabæorum, pugnam inire detrectaret, malletq; quoduis periculum subire, quàm solennitatem festi contemnerare. Qua tamen in re animi potius pius affectus quàm ipsum factum laudandum videtur. Inter reges porrò felices Wladislaus numerari posset, cum propter victorias celebres, tum propter filium Boleslaum Criuoustium, cui vix parem inter reges Polonorum, reperimus, nisi ad extremum instabilis fortuna ciuili bello eum implicasset. Nam cum aliud consilium ei non restaret, nec multorum, cohortationes & admonitiones quantumuis humilimè profuissent, cum filio suo Sbigneno ad Crusficiam populosam tum urbem, & celebrem ita cruento bello confligit, vt aqua vicini lacus sanguine tincta propemodum rubesceret. Victus filius & postmodum patri reconciliatus vtcunq; in fide permansit: sub finem tamen vitæ suæ simulatam iram suam celare non potuit. Pomeranos etiam idem, rex ad Drzuuaczam fluuium proffigauit. Habuit autem tunc Sicciechum virum impigrum manu & consilio, quem copiis præficiebat. De cuius moribus D. Cromerus multa tradit. Tandem, Wladislaus placida morte anno 1102. quiescit, & in basilica Plocensi sepelitur. Quod attinet res externas, Huius ætate Constantinopolis suburbia Turcæ primùm inuadunt; quos tamen Iohannes Imperator cum præda reuertentes vnà cum Bulgaris excipit & opprimit. Huius quoque ætate Croatæ gens Heneta, sicut & Bulgari, progressi usque ad regiam urbem populabundi, prædas agunt ac tandem in Liburnia sedes

*Bellum cum
Sbigneno.*

*Wladislai mors
& sepultura
Plocie.*

burnia sedes suas figunt. Quod ideo commemoro, ut series historiae Slauonicae & conuersionis domini eorum in Europa continuari & melius animo concipi possit. Alexius etiam orientis Imperator à Bosinis bello petitus & victus, foedus cum eis pepigit pacem mercatus: parteque ditionis ad Moglennam eis concessa multatur. Alani etiam eiusdem stirpis Henetæ populi confederunt eadem ætate ad Constantinopolim, ubi ad hanc diem manendo reliquias ecclesiæ Christianorum, & ipsum Patriarcham ita sustentant, ut meritò soli patroni eius prædicentur ab illo clero Græcorum. Ita imperium orientis Henetorum armis attritum & Turcorum subdolis artibus labefactatum ægrè se tum intra muros sustentabat.

Croate in Liburnia hæserunt, quando.

Bosini ad Moglennam.

Alani ad Constantinopolim.

Annotatio.

Hic rex Wladislaus Henrici quarti Imperatoris Romanorum, qui cum Pontificibus Romanis vario euentu plus satis conflictatus est, filiam viduam (nam antea Hungariæ regi Stephano desponsata fuit) duxit, ex qua filias tres suscepit. Hæc propter illos addo Historicos Germanorum, qui hac ætate Germanos Imperatores durius se gessisse, quàm antea vnquam erga Polonos & Poloniae reges memoriæ prodiderunt; quod nequaquam circumstantiæ rerum patiuntur. Nam hic Henricus supramodum implicatus tunc erat discordiis cum Romanis Pontificibus. Præterea cum affine viro præclarissimo non est verisimile cum inimicitias quæsiuisse.

Wladislaus gener Henrici.

Refutatur; qui Polonos obnoxios imperio faciunt.

De initio, & origine regni Bohemiæ, nam & hi Slauones sunt.

Wratislaus primus Bohemiæ rex coronatus est 17. Calendas Iunii ab Eugelberto Archiepiscopo Treuirensi in Ecclesia Pragensi, anno 1086. quinto verò huius Wladislai regis Poloniae. Aeneas Sylvius vno anno variat. Liqueat igitur, regnum Bohemicum longè posterius Polonico cœpisse, idque Pontificia auctoritate extitisse, non autem Imperatoria, ut Polonicum.

BOLESLAVS CRIVOVSIVS.

Anno à condito mundo.

Anno à Christo nato.

3056.

1193.



Quæ celebritatem & amplitudinem nominis tanti regis cuperem, si modo possem, omnia acta eius clarius comprehendere; sed ut dixi non est mei instituti singulis immorari. Tamen nequid reticeatur ex eius præclare factis, imitabor methodum

thodum Suetonii, qui, ut exactius describeret historiam suorum Imperatorum, singulis ætatibus, & insignioribus eorum gestis, suum caput, & paragraphum attribuit. Hoc igitur & ego faciam in describendis rebus gestis huius Boleslai.

De nomine Boleslai Kriuoustii.

Boleslaus nomen, ut similia alia, declarat veterem conatum & institutum regum Poloniæ, qui cum præcipui tutores essent Slauonicæ confederationis, eò quod præcipuam arcem belli in Polonia Slaui sibi erexerant, & ex hoc loco meridiem versus, attestante Blondo, ad alias remotiores regiones processerant, Slauorum appellatione ita delectabantur, ut ab illa, nomen sibi & suis liberis libenter imponerent. Hinc igitur nomen quoque Boleslai originem ducit. Diutius autem huius parentes absq; posteritate, ac matrimonii fructu permanferunt; ita ut iuxta persuasionem, præcorum ad Ægidii Abbatis subsidia recurrere, ad illudque monachorum sodalitium donaria afferre impetrandi huius nati causa coacti fuerint. Tum demum eorum pias & deuotas preces exaudiuit Deus, huncque filiolum eis donauit. Quod verò Kriuoustius vocatur, ferunt eum aliquomodo retortum os habuisse, eiusq; Symptomatis vlcus quoddam causam fuisse.

De puericia Boleslai.

Anno decimo tertio regni Wladislai decretum est bellum contra Bohemos, qui nouo titulo regio elati, quem ante nouem annos adepti erant, iam obliuiscabantur cognationis & stirpis veteris Polonorum, pleraq; vetera pacta conuenta violabant. Rex ipse Wladislaus ob aduersam valetudinem ad eam expeditionem proficisci non poterat, sed Sicciechum, vniuersis copiis præficiens mandata, iam adornanti iter, quo pacto se gerere deberet, dabat. Aderat Boleslaus filius nonum agens annum, attentoque animo omnia hauriebat, & in leonini catuli morem, qui teneris etiamnum vnguibus laniatu tamen iam gaudet, generosum pueri pectus belli gloriæque cupiditate impendio exardescerebat; neq; diutius animo conceptam flammam ferens, genua patris amplexus, & collo eius implicatus, vix magnis precibus, osculis, & blanditiis eum exorat, ut cum Sicciecho ad id bellum mittatur. Sicciecho itaque pueri cura mandatur. Vbi ad exercitum ventum est, puer singula quæ fiebant curiosius obseruare, versari inter ordines, omnibus arridere, vigilias cum Sicciecho obequitare, aliaq; multa præter ætatem facere, ferreque, ita ut indoles illa, studiumq; pueri futuram eius

Indoles Kriuoustij.

turam eius magnitudinem non obscure portenderet. Cum esset duodecim annorum iuuenis patrem obnixè cum lachrymis sollicitat, ut sibi copias ad arcem quandam recuperandam committeret, cuius audaciam prouidentiam animositatemq; rex admirans, legionem vnam, certis adiunctis rectoribus, illi commisit; cætero exercitui Sieciechum Palatinum Cracouiensem præfecit. Arcem itaque obsessam fortiter oppugnarunt; sed quia in loco munitissimo sita erat, ideo incassum laborabant. Qua de causa dux exercitus obsidionem soluere suadebat; sed Boleslaus regius filius à proposito eum retraxit, & militibus confirmatis domos & tuguriola circa arcem hyemis tempore imminente, erigere iussit, ut videretur arcem per hyemem oppugnare velle. Quia re conspecta, Pomerani obsessi ad Boleslaum cum muneribus supplices veniunt, se & sua ei offerentes, quos ille liberos dimittens arcem recuperat, prudentiaq; sua omnia damna à Pomeranis illata relarcit, ad patremque cum ingenti præda ouans reuertitur.

De adolescentia Boleslai.

Anno 1103. ætatis verò eius decimo octauo post mortem Wladislai Hermani patris regni gubernandi habentæ ipsi traduntur, quem statim bella Morauica & Bohemica exceperunt. Et vix Bohemicis sopitis, Pomeranica aggressus est; de eius autem pugna ci ingenio & animo strenuo scriptores multa tradunt. Ex quibus Guagninus ad hunc modum: Accidit autem, dum post insignem victoriam in festo dedicationis templi apud quendam nobilem conuiuium celebraret, recreationis gratia centum duntaxat equitibus cinctus venatum processit, ubi in tria millia Pomeranorum insidiantium incidit, in quos ipse rex veluti leo rugiens primam impressionem fecit, tribusque interfectis, suos animosiores reddidit. Quidam verò Pomeranus in ipsum regem collimans equum sub eo transiit, attamen à persequendis hostibus altero equo nato haud destitit, donec multo cum labore à tam obstinata audacia vix retractus fuerit, victorque ad suos conuiuentes profligatis hostibus redit.

Bellicosum ingenium Boleslai.

De bello Germanico quod à Boleslao Kriuoustio cum Henrico Imperatore eius nominis quinto, Anno Christi 1109. gestum esse prædicatur.

Nostri histo.

Nostri historici causam istius belli explicantes narrant, quòd Poloni Hungaros hostes tunc Imperatoris auxilio & com meatu iuuabant, militesque Bohemos ei obstrictos ad sua castra pelliciebant: sed hæc occasio belli potiùs dicenda est. Ipsam autem causam veram tam funesti belli aliam fuisse rerum circumstantiæ detegunt: nimirum quòd reges Poloniae contra Henricos Imperatores in illis dissidiis cum Pontificibus Romanis non obscure sentire videbantur. Vehementer igitur Imperatores ringebantur & Polonis indignabantur, quòd tam cito, veluti obliti beneficii accepti ab Othone tertio Imperatore, qui hanc gentem regni titulo patrum eorum memoria insigniuerat, ad Pontificum partes transissent, ab eisque ex eorum manibus restitutionem dignitatis regiae tanquam à legitimis dispensatoribus tantorum honorum, duce Wladislao Hermano, præteritis & posthabitis Imperatoribus Romanis, mendicassent. Propterea H. Mutius referens causas huius belli, primam narrat fuisse quod tributum Imperatori debitum dare recusauerint, regemque sibi elegerint, ipsique coronam imposuerint. At Poloni ut ante dictum est, nulla vnquam tributa Imperatoribus pependerunt. Coronam etiam non ipsimet sibi, ut ait Mutius, sed Otho tertius eis imposuerat. Necessariò igitur hæc intelligenda sunt de illa repetitione & recuperatione regiae dignitatis, quam Wladislaus Hermanus magno sudore & sumptibus à Gregorio septimo Pontifice consecutus est. Exercebat igitur dolor status Germaniæ, sibi ius hoc & prærogatiuam quasi è manibus cripi & regium decus ab iis & adimi & restitui, quorum minime intererat se huiusmodi rebus implicare. Hinc est quòd post modum prædictus Mutius addit. Qui, inquit, summus contemptus erat Imperatoris. Vtrum autem hoc deliberato consilio fecerint Poloni, non est meum tanta de re iudicium ferre. Addam tamen deplorationem & querelas cuiusdam Germanici scriptoris neoterici, ex quo quilibet intelligere poterit, quàm valde offensi fuerint & etiamnum sint Germani depositione eius amicitia, quã cum Othone tertio & gente Germanica ante 600. annos Poloni inierunt. Eleuata est, inquit ille scriptor, & in contemptum adducta apud vicinos reges autoritas Imperatorum, & incitati sunt hi, ut illis cum rabie Pontificum conflictantibus paulatim sese ab obedientia & veterum pactorum legibus subducerent, & ab Imperio auellerent, cui certis eonditionibus ita paruerunt, hætenus, ut annua tributa subiectionis testificandæ causa pendere sint coacti. Hæc tributa Imperatoribus detracta, & controuersias omnes inter vicinos reges, Pontifices ad se, tanquam supremum Christiani orbis iudi-

Causa cur Imperatores infensi Poloniæ Regno.

Mutius refutatur.

Causa dissidii inter Imperatores & Pontifices.

Controuersia inter Reges.

ani orbis iudicem transtulerunt, quod non solum opum causâ, sed multò magis autoritatis Romanis profuit & regibus libertatis nomine gratissimum. Imperare enim regibus Monarchæ, & consensum atque coniunctas vires orbis Christiani augescenti potentia Pontificum opponere amplius non poterant. Addit postea, Sed & regibus noui compedes & noua sunt vincula, iniecta, qui quærentes, vt metu Imperatorum essent soluti, in grauiora pericula inciderunt. Nam & postea iidem reges commissi sunt cum Imperatoribus, & vt secum ipsi digladiarentur effectum est. Nam extenuata & eleuata Imperatorum autoritate, reges cum non haberent quem reuererentur, autores fuerunt bellorum intestinorum. Sed & solutio hæc Hierarchiæ elisit multoties conatus optimos Imperatorum, qui magno apparatu belli studebant infringere potentia Turcorum, &c. Sed digressi uncula hac omissa litteras Henrici ad Boleslaum, & Boleslai ad Henricum prius præfigemus, vt ex eis intelligi possit vera causa sequentis belli ad quod describendum mox accedemus.

Literæ Henrici Cæsaris Glogouia ad regem Boleslaum missæ.

Henricus Cæsar Boleslao Duci Polonia gratiam & salutem; Tanta probitate comperta meorum Principum consilio adquiesco, & trecentas marcas recipiens hinc pacificè remeabo, hoc nisi satis sufficit ad honorem, si pacem simul haberemus & amorem. Si autem tibi placuerit hoc approbare in sede Cracouiensi. Cito me poteris expectare.

Ad hæc ita ei respondit Boleslaus.

Henrico Cæsari Boleslaus Dux Polonorum, Pacem quidem sed non in spe denariorum, vestra quidem Cæsareæ potestatis nutu consistit manere vel redire, Sed apud me præ timore vel conditione nullum potestis vilem obolum inuenire. Malo enim oram Poloniae regni salua libertate perdere, quam semper pacificè, cum infamia retinere. Ex iis litteris apparet Henricum nouo exemplo & antea inandito tributum à rege extorquere voluisse. Quod antequam concederet Boleslaus, extrema quæque pati paratum se declarat. Iam ad ipsum bellum, explicandum veniam. Henricus ergo Quintus coniunctis viribus cum Suatoplugo rege Bohemiæ validissimas copias contra Boleslaum in Syllesium duxit Lubasq; ciuitate expugnata Glogouicem urbem frustra acerrimè oppugnauit magna suorum militum strage. Boleslaus autem,

*Pugna ad
Glogouiam.*

f cum ad

cum ad eum expectata auxilia confluxissent, propius hostem accedit; nec tamen pugnandi copiam, quamvis flagitantibus suis, faciebat, sed è latebris & insidiis hostilem exercitum carpebat, pabulatores & alios quavis causa egressos per submissos milites excipiebat ac trucidabat. Sæpius intempesta nocte cum clamore & clangore tubarum hostium castris adequitabat; excubias aut opprimebat aut è stationibus depellebat, nonnunquam prandentes aut quiescentes tumultuariè adoriri, persequenti hosti cedere, recipientem se rursus persequi. Exurebat etiam circumiacentes villas; obsidebat itinera; sæpe reuertentibus prædam excutiebat. Celebre his rebus erat Boleslai nomen inter hostes, totaq; castra laudes & virtutes eius compositis etiam ad id carminibus personabant.angebatur Cæsar, cumq; vndiq; vrgeretur, obfesso quàm obsidenti similior erat. Tentata fuit per legatos pacificatio, sed Cæsarem præposterius affectus trahebant. Cum enim condiciones, quas Cæsar proponebat, vt indignas nostri auersarentur, ille, arca aperta, thesauros suos eis monstrabat, additis his verbis: Hic, inquit, Polonos perdomabit. Cui Scarbicus vnus ex Oratoribus regis, notans iactantiam Cæsaris, respondit, annulo, quem in digito gestabat, in illum ipsum thesaurum proiecto. Auro, inquit, adiciam aurum. Quo scommate Cæsar intellecto, gratias egit, inquit lingua Germanica, *Hab dancē*/ quod significat Gratias ago. Vnde familiæ nomen Habdancorum mansit, & insignia eorundem, quæ hanc figuram referunt, W, adhuc *Hab dancē* à Polonis vocantur. Cum igitur Cæsar nec periculis nec conditionibus iustis ad tranquilliora consilia perduciposset, Boleslaus instructa acie in diluculo ei occurrit, collatisq; signis, impetum in eum facit. Committitur atrox pugna quæ ab ortu solis vsq; ad horam pomeridianam durauit. tandem, cuneo iuxta militarem scientiam instructo, cum latera Cæsarianorum inuasisset, subito solui eorum acies coeperunt. dilabebantur demum cuncti, nequicquam eos Cæsare reuocante. Qua re animaduersa & ipse Imperator sibi consulens salutem quæsiuit, vno duntaxat seruo comitatus. Ita Poloni exultantes, & exuuiis interfectorum ditati, victoria ouantes receptui canunt. Fuit hæc pugna commissa in campis Vratislaviensibus miliare vnum ab ipsa vrbe; quem locum hætenus accolæ caninum campum vocant, eò quòd isthuc post cladem illam multitudo canum ad cadauera confluxerat; & longo tempore ob eorum rabiem vix prætereuntes tuti transire poterant. Rediit tandem Henricus ad mentem meliorem. Nam commissurus se itineri Romam versus Boleslaum demissè & perblandè rogat, vt, certis conditionibus

Scarbina.

Habdanci.

Caninus campus.

*Expeditio
Henrici in Italiam.*

conditionibus, habita Imperatoriæ dignitatis ratione, animum suum ad pacem faciendam flectat. Conuentum est Bambergam; mutant animos hostiles; scribuntur conditiones pacis. Obseruabant tunc prudentiores in Cæsare, an post illa sæuissima bella & tonitrua irarum animus eius integrè placatus esset, an signo aliquo animi dolorem testaretur, anq; externa membra sensibus interioribus in eo obtemperarent; sed omnia integra reperta sunt, omnia sanata. Impetator enim prorsus amicum se Boleslao declarat; sororem suam Adleidem ipsi, filio verò eius filiam suam Christinam in matrimonium despondet. Ita post bellorum tumultus omnia læta esse, omnia serenascere coeperunt.

Finis belli matrimonii in & amicitia ex-primere.

De bello Russico.

Meminerant Russi paulò ante à Rege Boleslao, non sine maximo probro, strategemate quodam plagiario Iaropelcum, ducem Haliciensem opera Vlostonocii Comitis Xiaznenfis abreptum & ad regem usq; in Poloniam deductum. Igitur, ut par pari referrent artemq; arte compensarent, sollicitè quærebant. Mittunt igitur cum perblanda & verisimili narratione nuncium inuitatum regem, ut in Russiam quamprimùm veniat reducturus restitutusq; ad sedes suas principem Haliciensem, qui gratitudinis ergo pollicetur se deinceps in potestate eius permaniturum. Additi sunt alii colores, quibus veluti fucò postulata sua, ut verissima viderentur colorarunt. Rex Boleslaus, ut erat natura apertus & credulus, dictis fidem adhibet, aliquotq; cohortibus stipatus venit ad condictum locum. Interea Russi obuiam procedunt tamquam cōgratulaturi honoris & officii causa. Interim regem cum eius comitatu circumfundunt & hostiliter inuadunt. Rex autem astutiâ Russorum animaduersâ, milites suos, qui pauci erant, ad resistendum hosti fœdisfrago facunda oratione confirmauit. Sed Palatinus Cracouiësis admonitione regia minimè motus, cum præcipua ala equitum, cui præfectus erat, inter primum tumultum aufugit. Rex verò aliter fieri non posse videns, strenui militis & Imperatoris officium agit. Primò cum suæ aulæ equitatu Hungaros aggressus est, quos strenuè repressit & prostrauit. Viribus deinde resumptis, cum validis Ruthenorum copiis manus acriter conseruit; iamq; Ruthenorum acies inclinabantur, cum recentes copię auxiliares validiores, Polonos vndiq; circumdederunt, viresq; eorum perfregerunt. equus sub rege ipso ita confossus est, ut intestina ex eo profluxerint; alium tamen equum, qui ipsi aderant suppeditant, sicq; vix, à suis non tam persuasus quam compul-

Bellum cum Russis.

Credulitas Boleslai.

Fuga Palatini

fus, illæsus euasit. Quapropter mœstus animo angebatur, non tantum Ruthenorum foedifragorum insidias, quàm Palatini Cracouiensis perfidiam turpissimam execrans; cui rediens pelliceum leporinum & columbam, id est instrumentum, quo mulieres fuso fila ducunt, liniq; fasciculum & restim misit, indicans eum lepori in fugiendo similem fuisse, & quod non dignus esset pro viro sed pro muliere haberi, resq; muliebres non autem viriles tractare, suspendiumq; quod resti indicabat esset commeritus. Palatinus itaque iste desperatione adactus, in campanili ubi oratorium suum habuit, fune campanæ sese suspendit; cuius nomen ad posterorum dedecus vitandam in Chronicis reticetur. Attamen posteriores historici nomen eius inuestigarunt; vocatumq; fuisse Wsebor scriptis iam patrefecerunt.

Erga religionem quàm fuerit propensus.

Liberalitas Boleslai erga ecclesias.

Signa penitentiae.

D. Aegidius pro ratione habetur.

Quietem igitur nactus Boleslaus Basilicam Cracouiensem humilem etiamtum & neglectam in augustiorem formam redegit, excitatis altius muris eius, ac duabus turribus ad latera eius adiunctis. Supellectilem quoque eius veste pretiosa, auroque & argento facta maiorem in modum auxit. Posthæc quamuis magnis in ornatum templorum & in alimenta sacerdotum, atq; egenorum impendiis atque donationibus, iugique precatione & lachrymis, & aspero tenuique victu & cultu corporis, cilicio pro veste utens, & cinere sese aspergens, ægrotorumq; mendicorum pedes subinde manibus suis abluens, admissum in Sbignenum fratrem facinorosum sedulo expiaret, aliisque satisfaceret, tamen ipse sibi minimè satisfaciebat, nisi & laborem longæ & molestæ peregrinationis voto conceptæ adiiceret. Itaque solenne Christianis quadraginta dierum ieiunium, pane tantum & aqua gustandis, cilicium induitus, cum exegisset, paucis sacerdotibus & aliis piis hominibus comitatus, ad Aegidii tutelaris diui sui sepulchrum peregrinationem priuati hominis habitu suscepit, atque id iter magna ex parte nudis pedibus cōfecit; nullum templum, nullum monasterium, nullum egentium domicilium, nullum deniq; sacerdotem aut mendicum præteriens, quin liberalitatem & munificentiam suam in eum declararet. Quindecim dies apud diui sepulchrum ieiuniis & supplicationibus vacans commoratus, cum in Poloniam reuertisset, & reliquum illius anni tempus quieti dedisset, vere proximo in Hungariam ad diui Stephani sepulchrum alteram peregrinationem ex eodem voto

eodem voto instituit, eaque religiosè & pedestri itè itinere peracta, & quidem non sine molestia, propterea quòd splendide & sumptu modum honorificè contra animi sui sententiam à Stephano rege genero suo, & à primoribus Hungaris acciperetur ac deduceretur, Gnesnam etiam eiusdem voti exoluendi causa adiit, ut videret diui Alberti reliquias, quas paulò ante Iacobi Archiepiscopi operâ in propatulum prolatas è latebris sciuerat. Nam diu post captum & vastatum à Bohemis id oppidum, paucis rei consciis, delituerat. Adhæc octoginta pondo auri & multas gemmas in urnam eiusdem diui tunc simul contulit.

Moriturus ecquonam modo disposuerit domi suæ.

Vbi mortem appropinquare sibi sensit, conuocatis proceribus qui officii causa vndique conuenerant, & quatuor filiis astantibus de concordia apud eos verba fecit, partitiisque omnia, quæ tunc erant Polonicæ ditionis, inter quatuor filios, principatum & summam rerum penes Wladislaum natu maximum constituit, ceteros eius auctoritatem sequi iussit. In partitione quintum filium, qui superiore anno natus erat, præterierat. Id proceres eum obliuione fecisse existimabant. Itaque admonent, ut ne illum exortem patrimonii relinquat. Respondit princeps: Iam illi quoque portionem suam esse designatam. Admirantibus cunctis, non aduertitis inquit in curru inter quatuor rotas quintam esse partem currus cui homines insident, & onera imponunt, quæ quidem à rotis sustentatur atque portatur? Eum igitur locum inter quatuor fratres quintus obtinebit, illisque suo tempore succedet. Diuinitus ne id quod futurum erat, præsciuerit, an ut solent homines instante morte alienati mente diuinare, an verò discerpere in plures principatum voluerit, dicere non habemus. Nec ita multò post sacris Christianorum mysteriis ritè procuratus vita excessit, maximo totius Poloniæ desiderio, cum regnasset post patrem annos triginta sex, vixisset quinquaginta tres. Funere Ploscum solenni pompa elatus est, & iuxta patrem sepulcro conditus.

*Kriuoustius in
Plosco tumulatus.*

De habitudine corporis eius.

Fuit autem Boleslaus hic habitudine corporis satis firma, vegeta & laborum patiente, colore fusco, statura mediocri. Os ei carbunculus ab ineunte adolescentia distorserat, atque inde Kriuoustii cognomentum habuit. Animo verò excelso fuit, & periculo-

rum contemptore; iusti & æqui obseruantissimus: ad iram, gratiam, misericordiam ex æquo pronus: ad credendum perfacilis, quæ res ei multarum aduersitatum, & ad extremum exitii causa fuit. Ad beneficentiam & liberalitatem cum in omnes, tum præsertim in eos, qui in re militari præstabant, pròptus: modestia & clementia singulari, laudis & gloriæ cupidus, pacis artium non expers, verum belli studiis longe præstantior: ad quæ à teneris, quod aiunt, vnguiculis toto animo ferebatur. Itaque omne ferè sui regni tempus bella gerendo exegit, miles strenuus & audax, dux prouidus, solers, animosus, & felix.

Res notatu digniores exterarum gentium, quæ incurrunt in eius seculum.

*Calo Ioannes
Imperator.*

*Phranciochori
on,*

Lotarius Imperator eodem anno est mortuus aut certè vno tantum anno anteuertit Boleslaum. Eodem tempore Calo Ioannes orientis Imperator, memorabili exitu vitam finiuit, manu in venatione ad digitum minimum venenatæ sagittæ illapsu leuiter læsa, quam vnà cum aliis aper ab eo sauciatus subito iusultu pharetra excusserat; ex læsa parte veneno celeriter in omnes corporis partes discurrente. Vir hic eximius fuit, qui aliquo modo Græcorum nomen instaurauit, & celebrius reddidit. Tartaros, qui hac ætate Europam vastabant, submouit. Hunnos ad Istri & Sauis confluentem profligauit. Locus ille Francis etiam fatalis fuit, eos enim Hungari ibidem deleuerant vnde *φραγκοχώριον* in historiis, ob Francos in eo profligatos is locus dicitur. Eiusdem Boleslai temporibus. Suatopelcus Monarcha Russorum. Kiouiensium, socer Boleslai mortuus est anno 1112. Multas & præclaras victorias per id tempus Russi ex Polouuciis, qui Gothorum reliquæ esse censentur, reportarunt. Sed omnium nobilissima illa prima censetur, in qua ad viginti duces Polouutiorum interfecti sunt. Accidit autem hoc anno Christi 1103.

*Tres gentes no
bilitate hoc
tempore.*

Eiusdem regis nobilissimi temporibus tres non minùs claræ, quàm nobiles gentes in Polonia effioruerunt. Labeciorum, qui pro insigni cycnum gestabāt, ob fidem & summam animi propensionem erga Poloniam, & Poloniæ reges, cum ipsi essent origine Dani. De his lege latius in historicis Polonicis. Secunda stirps, quæ honoribus est aucta, fuit Habdancorum, ob legationem ad Henricum Imperatorem, quam tum summa cum dexteritate & gloria nominis Polonici eius stirpis princeps obiuit. Tertia ea est, quæ vocatur Woynia ob bellicam virtutem, quod regem Boleslaum à Russis

LIBER VI.

247.

um à Russis circumseptum cum summo discrimine vitæ suæ planè è faucib. hostium liberarit. De qua re est superius annotatum. Insigne huius gentis est compositum ex cruce & ansa aheni.

De cessione iuris Imperatorij ab Henrico quinto.

In huius tempora incidit Henrici quinti ingressus Romam, ubi veniens duos Pontifices vi cepit, & cum Cardinalibus sede deiecit. Sed tandem excommunicatus cum fulminis vim sustinere amplius non posset oneri succubuit. Iura enim Romanis remisit, & patrimonium sancti Petri concedit, ut Carolus Sigonius in sua historia refert. Adhæc iurat Pontifici idem Imperator, vitam, membra, honorem, regalia sancti Petri tueri. Hæc cum Vormatiæ in magna hominum frequentia publicata essent 1122. Anno. Nono Calendas Octobris magnus applausus consequutus est in plebe ob spem futuræ tranquillitatis. Sed episcopi valde territi erant. Timebāt enim, ne qui per baculum & annulum inuestiti erant, beneficiis priuarentur.

Hunc casum scriptor historiæ Germanicæ istis verbis ita deplorat.

Ita ergo constituta sancta que à Carolo Magno iura Imperatorum, & annos trecentos conseruata ac defensa, seditio domesticorum & Pontificum cōspiratio vno momento elisit & euertit, &c. Alius etiam Germanicus scriptor Ioannes Leuenclaius de bello Moschouitico scribens inuehitur in Pontifices, vocans eos non sacros sed execrandos, quod æmulatione laborantes paulatim tum temporis reges & maximè Poloniæ regem ab obedientia Imperij abduxerint: ut ita eos obedientiæ suæ subiicerent, conditionibusque quibusdam iuris sui facerent, legibus certis circumscribendo.

Hic quinquaginta pugnavit prælia, signis

Collatis, casu non variante fidem

Pugnavit quoties toties & vicit eorum

Nomina, quos vicit quod breue claudat opus

Cæsaris Henrici magnas fudisse cohortes

Sat sibi, deessent cætera, laudis erat.

Mærore interiit, quod prorsus inermis ab hoste

Ædisfrago victus fraude doloque, semel

I modo, Pompei numeram mihi Roma triumphos,

Nos Boleslai prælia, maior vter?

*Pompeium Caesar bello prostravit aperto:**Fraus potuit nostrum vincere sola ducem.*W LADISLAUS ET BOLE-
slaus Crispus.*Anno ab orbe condito**Anno à Christo*

5101

1140.

Boleslaus cum quinque filios reliquisset vni ex eis Wladislao regnum celsit. Verum is, cum sibi arrogantius in reliquos fratres sumeret imperium, pecuniamque eorum subditis imperasset, & mel, oua, anseres, & triticum eos ad sua granaria deferre cogeret, nec se à quoquam ac ne à Senatoribus quidem à suo institutodeduci pateretur, vna cum uxore Christina motus est regno, cumque aliquantulum restitisset Senatusque consultum spreuisset, profligatus mox in perpetuum abiit exilium.

*Wladislau
motus regno.*

Egit posthac apud Conradum Imperatorem, egit & apud Barbarossam, ut quam sibi illatam putabat, vlciscerentur iniuriam, regique sedi ipsum restituerent. Sed oblata capita accusationis facile qui successerat Boleslaus, diluit, & Imperatoribus satisfecit. Fuit postea regnum Polonorum tranquillius usque ad annum 1171. Iam quæ domi & foris euenerunt, dum isti fratres regni gubernacula tenebant, non abs re fuerit paucis consignare. Istis re temporibus increbuit & inclaruit fama illius in toto orbe terrarum celeberrimæ expeditionis quæ vocabatur Pro recuperatione terræ sanctæ.

*Expeditio pro
terra sancta.*

Qua fama excitatus Henricus dux Sedomiriensium frater regis Boleslai, etiam ipse se Germanicis & Gallicis Argonautis illis adiunxit, excitatusque & expergefactus paternis virtutibus vna cum eis ire perrexit. Hunc secutus est quoque vir magni nominis Iaxa de gente Gryfiorum, qui postea principatu Pomeraniæ potiti sunt. Qui cum in bello strenuum militem se præbuisset, domum quoque reuersus non minorem laudem pietatis & moderationis meruit. Ne verò nudis verbis, qualis esset ostenderet, etiam rebus ipsis id testatum fecit. Duo cœnobîa erexit: alterum Miecho-

Iaxa. uia, cuius oppidi situs persimilimus Hierosolymitano prædicatur, alterum Andreiouiæ. Iure quidem suo gloriari possunt Germani & Galli ob recuperatam terram sanctam, sed non soli: Aderant ibi & nostri, qui pars magna laborum fuerunt: Proinde suis meritis fraudari non debent. Hos autem conatus Christianorum adiuuit etiam Boleslai Proceri virtus, qui etiam Fridericum Barbarossam Imperatorem cum aliis, tum circa oppugnationem Mediolanensem sub signis eius militando non mediocriter adiuuit.

*Bolesl. Pro-
ceri virtus ad
Mediolanum.*

Laudatur

Laudatur Friderici ipsius factum, quòd armatus & equo insidens flumen ad Mediolanum traiecerit, meruitque ob id <sup>pu-
xuvd'uvos vo-</sup> cari. Laudetur, inquam, Fridericus. Sed & Boleslai Proceri factum non est dissimulandum. Nam cum eques quispiam vasto corpore, gigantea mole, prodiens vrbe Mediolano identidem Cæsarianos ad singulare certamen, vociferans, contumeliosis verbis prouocaret, & cuncti propriæ cuti, vt dicitur, cauendo, post principia starent: ipse non ferens totius exercitus ignominiam, inconsulto licet Imperatore, prouocatore aggreditur, in oculisque cunctorum, qui ab vtraque parte spectatum prodierant, vt euentum duelli viderent, equo deiecit, desiliensq; confestim obtruncavit. Redit tandem ad suos spoliis, quæ hosti detraxerat, sibi impositis, & ab omnibus cum summa gratulatione & applausu, vt fieri solet in tali casu, excipitur, vniuerso exercitu Boleslai virtutem ad sidera efferente. Quo quidem eius heroico facto Cæsar ita fuit delectatus, vt eum Torquato illi Romano, qui primus hoc nomen inuenit, perblandè compellans comparauerit. Ex eo autem tempore magno in honore iuuenem apud se Imperator habuit, & cum alia documenta suæ beneuolentiæ erga eum dedit, tum in restitutionem eius, reconciliationemq; cum fratribus, maiore studio, confecto Mediolanensi bello, incubuit. Et quando cgressus syluis vicina coëgi, vt Poëta inquit, Petri quoque Dunini probitas & calamitas simul, quam expertus est fortuna aduersa, commemorandæ essent. Veneri etiam Episcopi Plocensis mors <sup>Venerus Plo-
censis Episco-
pus.</sup> miraculis quibusdam insignis enarranda esset, nisi leges breuitatis, quas mihi ipse semel imposui transilire nollem. De Syllesiæ etiam nomine cum alii hoc loci inquirant, mihi quoque aliquid dicendum esset, nisi superius iam hoc præstitissem. Addam tamen hic annotatiunculam quandam ex Chronico Wratislauiensi, quam cum ibi hospes essem, in summo templo inueneram descripseramq; Valterus inquit nonus Episcopus Wratislauiensis, ordinatus est anno domini 1148. & tempore huius Episcopi Poloniæ Canonici, & sacerdotes habuerunt vxores legitimas. Et facti sunt generi & foceri nobilium. Et erat magna inter clerum & nobiles concordia. Tempore dicti Episcopi ædificata est murata ecclesia sancti Iohannis Wratislauiæ. Hæc ad verbum bona fide descripta sunt.

*Status Ecclesiæ
& sub hoc rege.*

De regno Bohemorū sub annum 1154.

Fridericus Barbarossa, pace facta cum Polonis, anno sequenti expeditionem in Italiam persequutus est (vbi cum Alexandro tertio Pontifice, quid negotii Venetiis habuerit, passim tradunt auctores) Bohemorum & Polonorum auxiliis adiutus. Ratisbonæ au-

g tem in ipso

tem in ipso procinctu Wladislao Bohemorum Principi regium diadema imposuit, & pro nigra aquila, leonem album duplicata cauda, ut posthac hæc insignia eius essent, dedit. Erant antea Reges Bohemi coronati, sed à Pontifice. Innouatio autem coronationis & insignium mutatio respiciebat eò, ut Pontificibus adimeretur ius coronandi Reges. Id enim sibi proprium vendicabant Imperatores, & hæc fuit non postrema causa belli & dissidiorum inter Pontificem Alexandrum & Imperatorem. In hæc tempora incidit illud bellum atrox in Bauaria & expugnatio oppidi Vaisberg, ubi cum Imperator Fridericus edixisset, ut Velphus cæteri;que equestris ordinis viri, vincti in custodiam traderentur, oppidum à militibus diriperetur, ciues vitam ac libertatem redimerent: tunc mulieres quæ fuerunt in vrbe, antequam portæ aperirentur, petiuerunt ut sibi saluis abire liceret, portantibus de suis rebus quantum vnaquæque posset, quod cum à generosi animi victore facile impetrassent, capiunt consilium pium & memorabile. Nam cum hostes aurum eas ac gemmas mundumque muliebrem, aut pecuniæ aliquid secum ablaturas putarent, illæ omnibus his rebus militum prædæ relictis, maritos suos in humeros sublatis, & paruos liberos in sinu atque amplexu tenentes, vrbe alportarunt. Imperator ingeniosa pietate mulierum mirifice delectatus, omnibus cōuiuio exceptis, clementer ignouit.

*Mulierum
in viros
erosque
ma Philias*

De transitu Conradi Imperatoris per Poloniam, cum exercitum duceret in Asiam pro recuperatione terræ san- ctæ, ex Miechouiensi.

Boleslaus Crispus cum Germanis Mieczlao & Henrico, in metis ei personaliter occurrentes, cum magna veneratione præfatum Romanorum regem & ipsius exercitum per Poloniam conducentes, omnes sumptus & expensas liberaliter tribuerunt, pontes & passagia refecerunt, ad extremumque Constantinopolim versus deduxerunt. Henricus autem vnus ex filiis illis Kriuoustii, dux Sedomiriensis & Lublinensis, refutatis nuptiis, quoniam celibem vitam elegerat, cum voluntariorum militum delectu, in pulchro apparatu ad tuendam terram sanctam (quoniam illa tempestate à regibus Christianis ipsius quærebatur recuperatio) profectus est. In profectiois articulo, ecclesiam parochialem in villa Sagosc, ad fluiuium Nida cum bona dote fundando, & terras Sedomiriensem & Lublinensem Boleslao Crispo ad gubernandū commendat, postque vnus anni

*Antiquitas hu-
manitas maxi-
ma in regibus
Polonie.*

vnus anni lapsus, sospes in patriam rediit, militibus suis nonnullis morte & periculis absumptis. Ducibus Poloniae aliquot annos tranquille & sine bellis vitam agentibus.

Quo pacto Emanuel Cōnenus Imperator orientis Conrardum Imperatorem occidētis cum toto exercitu Christianorum hospitio exceperit.

Fuit Emanuel affinis Conrardi, propterea fiducia amicitiae securius se, transmissio Helleponto, Asiae commisit. At ille insigni perfidia, penē grauius hostibus ipsis, afflixit eius exercitum, ferro, fraude, ad extremum & veneno copias eius popular⁹ est. Magnam enim partem militum eius perdidit, submissis panibus, qui parati erant ex farina, cui gypsi tenuissimus pulvis commistus erat. Sed hanc perfidiam Rogerius Siciliae Rex cito vlus est, Corcyra, Aetolia, Acaruania, Corintho, Acrocorintho, aliisque locis ac provinciis, Emanuele exuendo. Postea classem regiae vrbi admoovit, & impetui in eam facto, suburbia flammis iniectis exussit. Aegrē se cum Imperii titulo intra mœnia, Imperatore conseruante, quin & ipse non ita multo post, satis concessit, cum attigisset annum, tricesimum octauum Imperii sui. Imperii finem hoc versu praedictum ei tradunt.

ἀλλ' ἵτάτη σ' ἐκείδ' αἶνε λαβὴ λόγῳ. quem versum ego sic verterem,
Verūm rapit te nominis pars vltima.

Postremae enim literae nominis ΕΜΑΝΟΥΗΛ Græcis triginta octo significant. Multa de curiositate eius naturae differunt historici: Cum enim ingenio valeret & eloquentia, delectabatur monstrosi opinionibus, & ostentatione ingenii, in disputationum conflictibus. Conrado mortuo, Fridericus Barbarossa Imperator in Poloniam est ingressus, vt ita subsidaria auxilia à Boleslao extorqueret. Quia verò videbant Poloni institutum Friderici esse honestum, nequaquam difficiles se in ea re prae buerunt. Statim enim Boleslaus, dictus proceræ staturæ, qui filius Vladislai maioris natus erat, se ei adiunxit: & præclarum illud virtutis suae specimen, quod ante commemorauimus in exercitu, ipsius apud Mediolanum edidit, exercitu Boleslai virtutem ad sidera efferente.

1162. Bellum Vandalicum cum Danis, in quo Henricus Leo Danis auxilio fuit, Crantius quinto & octauo capite.

1165. Item Vandalicum bellum cum Danis renouatur. Belli Vandalici cum Danis meminit etiam Cromerus.

MIECISLAVS SENEX.

Anno ab orbe condito

5076.

Anno Christi

1174.

SEnatus cunctique ordines cum persoluisent iusta Boleslao Crispo ad Miecislaum regnum deferunt, partim eam ob causam quod maior natu esset, partim quod morum peculiari quadam grauitate apud eos commendabilis erat. Sed is iudicium senatus & opinionem cito sefellit. Nam grauitas morum, quæ præter ætatem in adolescentibus elucere videtur, sensim intyrannidem vt plurimum degenerare vertiq; solet. Hoc verum esse exemplo quoque Miecislai experientia docuit. Nam cum omnia sibi permetteret, monentes contemneret, & omnia pro libidine agere cœpisset, redargutus est priuatim à Gedeone Archiepiscopo. Sed illa admonitione deterior factus, in vitia Reipub. noxia indies magis ruebat. Proinde cum priuatis admonitionibus nihil profecisset, publicè etiam exposulare cum eò aggressus est Gedeon; assistentibus & gestu annuentibus cæteris: modeste is quidem, vt is, qui quomodo erga reges sese gerere cum regibus agere deceat, probè nouerat, sed tamen non absque aculeis. Materiam orationis ei subministravit occasio Mulieris cuiusdam, quæ contra priuignum coram Rege querelas protulerat. Aderat enim tunc forte Gedeon, & exemplo Prophetæ Natan, qui ficta narratione de oue erepta, Dauidem criminis conuicerat: ipse quoque vt sese Rex agnosceret, & resipisceret, efficere est conatus. At meliore euentu Natan id confecit. Is enim effecit, vt Dauid poenitentiam feriam ageret. Sed Miecislaus nullum fructum receptæ admonitionis edidit: imò in vetita magis ruebat, negataq; concupiscebatur. Itaque cum neq; priuatis, neque publicis admonitionib; quicquam profecissent, lege Traiani Imperatoris contra eum agunt. Electus hic ad imperium, strictum gladium Romanis porrexerat, vt si male imperasset, eo contra ipsum vterentur. Et iurisperiti quidem illam legem magis castrensem esse volunt, vbi dux in tyrannidem ita notoriam prolaberetur, vt res nec probatione nec vlllo teste indigeret. Nam in castris in puniendis admissis comperendinationes locum non habent. Vt vt tamen se res habet, exponaturq; lex vt lubet, certè Senatus amplissimus regni huius, satis prudenter & longanimiter se gessit erga Principem suum, præeunte Archiepiscopo Gedeone. Quamquam postmodum cum seditiones & bella ciuilia metuerent, & admonitionibus nihil planè profici viderent, ad consilia acerbiora eos decurrere necesse fuit: Miecislaum igitur regem summo magistratu mouent, & Cazimirum Sedomirien-

*Lex Traiani
Imperatoris
fuerit ne ca-
strensis & an-
tenenda.*

Sedomiriensem fratrem iuniorem, licet inuitum, & moras necen-
tem in locum eius surrogant, ac per Stephanum Palatinum Craco-
uiensem regem nominant. Ita Miecisslaus cum vniuersum negoti-
um proteruia sua coniuncta cum ferocia corrupisset, regno priua-
tus est. Libertas hæc senatus Polonici prudentiâ temperata, eò ma-
gis est laudanda, quòd adhuc sub illa seruitute viuentes, cum aue-
nam pendere regi, & gallos gallinaceos, ouaque apportare annua-
tim cogebantur, apertè tamen se pro Repub. opponere non refor-
midauerint, maximè cum nullum aliud remedium eis restaret, con-
tra hominem, obfirmato animo, in præceptis ruentem: Diligentissi-
mè tamen cauendum est ea in re, nequid nimis. Extremum enim
hoc debet esse remedium.

*Nominatio re-
gis noui per
quem.*

CAZIMIRVS SECVNDVS.

Anno à condito orbe
Anno Christi

5140.
1178.

Cazimirus, fratre exautorato, nequicquam exterorum au-
xilia implorante, rerum potitur: Defectio autem à Miec-
isslao, qua magistratu supremo summotus, & ex rege extor-
ris tactus fuit, à filio maiore natu Othone initium sumpsit. Laben-
tibus enim rebus parentis, Otho ne sibi deesse videretur, inuaserat
in possessiones patris, maioremq; Poloniam occupauerat. Vtque
tutius ei sic esse liceret, missis ad Cazimirum legatis, se fore in po-
testate eius & deinceps imperata facturum promittit. Obtinuit à
patruo rege id quod optabat, maiorisque Poloniæ principatum à
dipiscitur, Gnesna excepta, quam ad retinendam, & amplitudinem
nominis, auctoritatemque tuendam, vt pote priscorum regum do-
micilium antiquius & augustius, sibi vtilem fore iudicabat. Otho-
nis exemplum. Pomerani secuti, similiter se Cazimiro dedunt,
quos in fidem & clientelam recepit, eisque Boguslaum, de gente
Gryfforum præficit, cuius opibus & clientelis posterius confisi, ex-
cusso iugo nomen sibi principis vsurpauerunt, cum antea præfectu
ræ nomine tantum imperitarent. Nunc pro clientibus regum Po-
loniæ aliqua ex parte se gerunt, tantum ratione Bithomiæ arcis &
Lemburgi. Conatus est Miecisslaus recuperare priores fortunas,
& regi Cazimiro magna ex parte persuadet. Iamque aliquoties in-
frequenti senatu mentio horum facta fuit, instinctu Cazimiri, sed
nullo profectu. Ipse demum rex cum acrius intercederet pro eo,
oratio eius à senatu non obscuro murmure excepta fuit. Cum cr-
go apertè nihil profecisset, clam ei per internuncios indicat, se non
aduersaturum, si aliquomodo saltem se posset insinuare absq; ma-
gno rerum tumultu. Nec moratur ille, primoque Posnaniam pau-
g 3 cis post die-

*Otho fili⁹ Mie-
cislai defectio-
nis principum
capit.*

*Boguslaus Gry-
ffus, non à rege
tantum, sed à
regno deficit.*

*Lemburgum et
Bitomia.*

*Cazimirus non
sincerè agit
cum Senatu.*

*Statuta regni
Pontifici con-
firmanda offe-
runtur.*

*Expeditionis
pro Hierosoly-
ma recuperan-
da a iis quos cau-
se.*

*An Polonia ex
necessitate sub-
sidia Christia-
nis Imperato-
ribus mitteret.*

cis post diebus ipsam Gnesnam intercipit. Interea Cazimirus de legibus quibusdam, quæ abrogandis quibusdam moribus barbaris seruiebant, ad Senatum & ordines rogationem facit. quam rogationem cuncti ratam faciunt, utque in maiore autoritate leges illæ haberentur & retinerentur firmitus, etiam à Pontifice summo Alexandro illo qui Barbarossæ Cæsaris Venetiis ceruicem pede preffit, eas comprobari petit & impetrat. Commemorantur hic Cazimiri victoriæ de Russis partæ. Expugnauerat tum is Chelmensem Belsensemque & Brestensem, Droiciensemque tractum, & in provincias redegerat. Primus hic Russi talionem reddidit pro illa perfidia, qua usi sunt erga Boleslaum Kriuoustium, cum eius exercitum toties victorem non virtute sed fraude ultimò dissipassent. Hæc apud Vincentium Cadlubkum eius synchronum, nam ei à commentariis fuit, latius reperies. Sicut enim Polybius Scipionem, Procopius Bellisarium, sic Cazimirus secundus Cadlubkum voluit esse rerum à se gestarum, à commentariis. In hæc ferè tempora incidit expeditio Barbarossæ, quam susceperat Hierosolymam, ad vindicandam terram sanctam. Nam hæc causa, huic instituto prætexebatur. Sed qui intimos eorum sensus explicare poterant, aliam occultiores huic rei subesse obseruabāt: nimirum regnum & prolationem regni & imperii, videlicet ut Cæsar & Pontifex Romanus recuperata Hierosolyma, in Asia non modò occidentis, sed etiam orientis deinceps reuera vocaretur hic Pontifex, ille verò Monarcha. Nec amplius duo Imperatores, sed vnus, non quatuor patriarchæ, sed vnus & summus Pontifex diceretur, cui vtrumque imperium pareret. Et hæc est causa cur Græci Imperatores aduersabantur huic expeditioni. Non quod nollent barbaros à Christianis quàm longissimè arceri, sed quod defendenda Hierosolyma se per latus peti, sibiq; ipsis pericula creari ægerrimè ferebant. Hinc est quòd aliquando Gallos, & Germanos, Italosq; cruce signatos orientem petentes, vi & armis adoriebantur, quod gypsum farinae immiscebāt, fontes veneno intoxicabant, ut si videlicet aperto Marte non possent, occultè tamen eorum quàm maxime institutum impedirent. Nostri tamen Poloni sincere Christianos in eo consilio adiutos cupiebant. Nam eodem tempore imperata pecunia, ex decimis colligebatur, mittebanturque subsidia. Sed quod nostri pio consilio faciebant, instar eleemosynæ liberalitatis ad eum usum pecuniam contribuentes, hoc illi & eorum scriptores sinistrè interpretati sunt. Affirmant enim, tum Polonos ex pacto tributum Imperatori solitos fuisse pēdere. Quasi verò Princeps felicissimus Cazimirus, qui aliis tributa imponere solebat, tributum sibi imponi passus fuisset. Vixit Cazimirus annos quinquaginta sex,

ginta sex, regnavit septemdecim. Post illa bella reliquum vitæ tempus legibus, & emendâdis civium moribus insumpsit. Fueruntque isti Cazimiri, & ille primus, & hic posterior principes salutare Reipub. & homines frugi. Testantur hoc bella utriusque & opera pietatis, quæ dum viuerent, erga indigos exercuerunt.

Res exterorum quæ hoc tempore contigerunt.

1181. Alexius Comnenus alter orientis imperio præerat, sed hunc Andronic⁹ patris frater patruelis oppressit, cum vix annum attigisset decimum quintum, neruo arc⁹ gutture eliso immaniter strangulans, impositumq; arcæ plumbeæ in mare demersit, acclamantib. cædis sociis illud Homericū: Imperitare malum multos; rex vnicus esto. Virtus est autem De⁹ breui tantum scelus atq; iniuriam Alexio illatam. Nam à Wilhelmo Siciliae rege vindicante iniustam cædem, prælio victus est Andronicus. Et cum ob immanem sæuitiam publico flagraret odio, dum fugam parat, à multitudine comprehensus est, abscissaq; altera manu & oculo effosso camelo insidens, facie ad caudam versa, per vibem circūductus, vulgiq; vncis & harpagonibus, frustulatim conceptus fuit. Ita poenas dedit parricidii. Hæc euenerunt quinto ferè anno regni Cazimiri.

*Supplicium
per neruum ar-
cus.*

*Andronici Com-
neni tyrannus.*

De Pontificij legati aduentu in Poloniam ex Miechouiensi, lib. 3. cap. 4.

1189. Iohannes Cardinalis cognominatus Malabranka, à Clemente Papa tertio missus, in Poloniam venit. Et habita synodo Cracouiæ propter reformationem cleri, tam Episcopis, quam vniuerso clero pro recuperatione terræ sanctæ decimam imposuit.

*Malabranka
Legatus Ponti-
ficis.*

De origine Cruciferorum ordinis Teutonici.

Friderico primo Imperatore in Asia pro recuperanda terra sancta bellum gerente, & Prolemaidem obsidente, ciues Lubecenses & Bremenenses multa pietatis officia præstiterunt militib⁹, qui aut telis icti, aut alia ratione vulnerati ab hostibus erant, aut relictī à sociis in castris oberrabant. Horum enim opera isti sub papilionibus ex velis nauium in terra expansis, reficiebantur ac recreabantur. Accidit verò ut Imperator Fridericus deambulans per castra hanc eorum beneficentiam cum pietate coniunctam videret, qui collaudata

collaudata eorum virtute, suspiriis ex imo corde ductis, dixisse fertur: Ciues hi beneficentia & pietate omnes principes, qui adiunt, longè superant. Hoc enim officium erat omnium, qui alios facultatib. antecellunt. Arreptaq; inde occasione rem totam ad comitia castrensia desert. Fuitque autor, vt ordo Germanorum militum ex nobili prosapia electorum institueretur, quorum officium imprimis esset curam pauperum in terra sancta existentium gerere. Erant tunc confirmati Templariorum & Ioannitarum ordines. Ex horum institutis medium quiddam eligitur, vt esset norma addicentium sese huic regulæ. Placet hoc cunctis Imperatoris consilium, concediturque eis ex regis largitione domus hospitalis Hierosolymis. Effectumq; est, vt Pontifex Celestinus tertius, qui nuper Pontificatum inierat, hoc institutum ordinis huius confirmaret, qui dedit eis vestem, albam, nigra cruce insignitam, vt dignoscerentur. Concessit etiam eis facultatem creandorum equitum Auratorum, vt vocant, qua autoritate ipsis quodammodo regib. sunt comparati. Hi quomodo in Prussiam fuerint delati, quidue negotii cum nostris gentibus habuerint, suis locis annotabimus. Georgius etiam Sabinus mihi quondam coniunctis inus, iis de rebus aliquid conscripsit. Hic autem ordo institutus est anno quarto ante mortem Cazimiri Iusti regis Polonorum.

Modus instructionis exercitus Cazimiri contra Russos ad Haliciam.

Cazimirus vt milites ad prælium ineundum incitaret, commemorat breuiter ante paucos annos, in iisdem locis ad Haliciam casos milites patris Kriuoustii non virtute, sed dolo ac prodicione, quib. vt perfidiosorum hostium sanguine parentare velint, hortatur & monet. His animatos verbis in aciem educit, & sinistro cornui Palatinum Cracouiensem præficit, ipse verò dextrum administrandum suscipit. Nec mora, signo dato, pugnandi potestatem facit. Explicant & Russi suas acies, concurritur infestis armis & animis, ac durum prælium committitur. Premebantur nostri in sinistro cornu à sagittariis, nec iam satis suos seruabant ordines. Ibi Cazimirus re intellecta, subsidium suis laborantibus submittit. Atque adeo ipsemet, vt scribit Vincentius, magno suæ vitæ periculo succurrit, & inclinatam aciem vix restituit. Reprimuntur ergo feroces Russi, & mox, commutata fortuna, pedem referre incipiunt. Instant nostri acrius turbatis & trepidantibus, & cohortati sese mutuò in fugam eos coniiciunt. Quo animaduerso, cæteri, qui dextrum cornu nostrum adhuc sustinebant, terga vertunt &

tunt & ipsi. Persequuntur nostri, maiorem longè in fugientibus, quàm dudum in resistentibus itragem edunt, permultos viuos capiunt, duces hostium commutando equos euasere. Deinde reuersi nostri castra opulenta diripiunt. Halicienses mox deditionem fecere. Cazimirus autem magnam rationem habuit expeditionis Hierosolymitanæ, nec summo iure est vsus cōtra suos hostes Hungaros ad Haliciam, sic enim Platina in Clemente tertio. Polonia autem rex salutem Christianorum cōsulens, Hungaris pacem dedit, quò omnibus facilius proficisci ad tantam expeditionem liceret.

De morte Cazimiri ex Cromero.

Ad quartum nonas Maii anniuersaria diui Floriani celebrabantur. Ibi Cazimirus totum eum diem rei diuinæ in æde diui & piæ in egenos & afflictos largitioni dedit. Quod ferè omnibus festis diebus facere consueuerat, neque temerè eos lusibus & conuiuiis contaminabat. In sequenti die grande conuiuium instruxit, proceres omnes, qui tunc aderant, inuitauit. Feruente conuiuium, exhilaratis conuiuiis, & multa de præteritis atque periculis inter se conferentibus, & principis res gestas & felicitatem celebrantibus, ipse nonnulla de immortalitate animæ, atque cœlitum beatitudine nō ineptè in medium protulit. Erat enim ab ineunte ætate non pessimè educatus & institutus. Deinde hausto mediocri poculo, subito concidit, & paucis horis animam exhalauit. Subitusne morbus eum inuasit, an venenum à muliercula, quam deperibat, præparatum hauserit, incertum est. Nam & hoc sermone hominum diuulgatum fuit.

Conclusio.

Habent apud scriptores suas laudes Chobrius & Kriuoustius reges Polonia; sed Cazimirus secundus, etiam si laudatur, tamen cur non ita alacriter commendetur à nostris historicis, valde miror. Pomeranos siquidem hic in ordinem redegit. Podlasios domuit, Prutenos gloriosè subegit, Russos potenter bis debellauit. Cum his quatuor hostibus illi duo bellatores cruenta bella gesserunt; non tamen eorum maxillis fræna ita iniecerunt, ut rebellare postea non possent, quod omnino præstitit hic iustus, hic pius princeps, exteris admirabilis, suis reuerenter amandus. Et si Kriuoustium cum Cazimiro, patrem cum filio componere licet: Kriuoustium compararem Iulio Cæsari, vi & robore militari conspicuo. Cazimirum verò Cæsari Augusto conferre possem. Hic enim forsân natura non fuit bellator, sicuti & de Augusto referunt; sed tamen fortuna vbique à partibus eius stetit. De hoc enim propriè dici po-

h test, quòd

test, quòd solus suo æuopost illas victorias celebres, cum finiti-
mis pace firmata & longa quiete stabilita Iani templum occluse-
rit.

LESCVS ALBVS.

Anno ab orbe condito
Anno à Christo.

5157.
1195.

POloni meritorum Cazimiri patris memores, Lescum e-
ligunt in regem. Aderat quidem Miescus senex, aderant
SYLLESII, & Opolienses duces, qui iure quodam suo
ad principatum aspirabant. Sed tantus amor patricii regis tunc
cunctos tenebat Polonos, vt non dicam Germanum aut Italum,
sed ne Syllesium quidem, ac neque Miesconem ex maiori Polonia
vellent eligere. Cunctorum enim tum persuasio hæc occupaue-
rat animos, nequaquam ex re atque dignitate Cracouiensis & Se-
domirienfis conuentus fore aliunde sibi principem accersere. Li-
cet autem lex naturæ atque etiam diuina suadeat, ex sua gente eli-
gendum principem, tamen exemplo hoc demonstratum est, electi-
onem domesticorum regum ciuilia bella facile concomitari, ma-
ximè si candidati complures sint, qui æquum ius suæ ambitioni
prætexentes per factiones & inconcessa media rem agant. Cum e-
nim audiuiisset Miesco, se neglectum esse, statim accurrit, corro-
gatoque vndique exercitu, ita atrox ciuile bellum & mox proeli-
um ad Mozgauam flumen, septem à Cracouia, quatuor verò ab
Andreiouia miliaribus distans, excitat, vt de salute Reipub. ad-
modum dubitaretur. Et iam fusi fugatiq; Miescouiani erant, cum
superuenientibus Wratisslauenfibus, Opoliensibusque, denuo in-
stauratur pugna. Fuit hoc cruentum & funestum proelium. Perit
in eo Boleslaus Miesci senis filius: ipse faucibus domum lectica re-
portatur. Ab altera parte Romanus Russus, pluribus vulneribus
acceptis medio è proelio excedit. Palatinus verò Sedomirienfis
Gonoricius viuis capitur. Dum æstuat Polonia ciuilibus bellis,
venerat huc Cardinalis Capuanus, elaborauitq; sollicitè in abro-
gando rescindendoq; matrimonio sacerdotum, quod ad eam diem
in vsu retentum fuerat, Autor est Dlugosius, Pambertus Saffnabur-
gensis, ac etiam ipse Martinus Cromerus id multis verbis adstru-
it. Miechouiensis id de concubinis intelligi vult, sed dominus Cro-
merus & de vxoribus legitimis adiecit, idque ex sententia Dlugo-
sii, q̄ expresse vxores nominat. Quod verum esse chronicon Wra-
tisslauenfe comprobatur superius à me adductum.

*Ad Mozgauam
ciuile bellum.*

*Cardinalis Ca-
puani a Lescio
in Poloniam.*

Miesco quarto postquam apud Mozgauam malè pugnauerat,
anno Christi 1195. Anno ab orbe condito, 1195. Cuiaviensem o-
ram Lescioni

ram Lesconi tum iuueni eripit, mox maiora ausus, ubi pollicitationibus credulae matris Helenae animum expugnat, & proceres in suam sententiam pertrahit, regiam ipsam vi & armis occupat, nec tamen ea, quae liberaliter promiserat, exoluit. Transactionem enim cum Helena & proceribus huiusmodi fecerat: Si regem se nuncupari paterentur, filio Helenae, ubi adoleuisset, regni habenas rursus se daturum. Cum autem animos Cracouiensium saepius offendisset, nec vlla spes restaret, eum pactis conuentis, quae cum matre Lesci sanxerat, statutum, cuncti veluti signo sublato contra eum conspirant, Lescoque debitum & olim destinatum ac delatum regnum arcesque deferunt. Miescus ubi minimè rem ioco agi vidit, ad solitas artes confugit, instructusque variis verborum blanditiis Helenam accedens, eamque affinem suam carissimam appellans, non tam mihi inquit est hoc imputandum, quam tuis clientibus, &c. Atque ita crimen haecenus ei non praestitae fidei amouere à se nititur, totamque culpam in Nicolaum Palatinum Cracouiensem reiiicit, quem seditiosum hominem vocat, ei que notam illam inurit, quod illi usitatum sit principes pro libidine instituere, & rursus destituere; utque ipse sub alieno nomine dominaretur, hoc semper spectare. Vbi finem sermonis fecisset, mulierem suis artibus pedetentim ab instituto deducit, seque ad regnum iam tertio insinuat. Nicolaus Palatinus considerata leuitate mulieris insanabili, profectus Polniam ad Miescum regem, tempori se accommodat, transitionemque facit. Interim rex vario successu fortunae defatigatus, cum iam ageret septuagesimum tertium annum, inopinata morte opprimitur, Calisiaeque sepelitur in templo Pauli Apostoli. Verum postea vrbe in alium locum translata, sepulchrum eius in suburbio relictum est. Ita qui viuis variis tempestatum casibus iactabatur, etiam post mortem desertus, & ludibrio fortunae expositus remansit, dum sepulchrum eius ab iniuriis coelestibus minimè liberum, tecto concamerato, more aliorum regum, non dignatur. Commisereri eius sane debuit vel ipsum Vagrouiense monasterium, quod ipse crexit & opibus locuplerauit. Res admodum exilis erat, sui patroni ossa, si non exornare, at saltem contegere, ut se memores beneficiorum acceptorum hac ratione testarentur. Temporibus huius regis historia mentionem facit quoque regum Polocensium, ex quibus celebratur Volodomir. Quod ideo annotaui, quia creberrima hodie fit mentio Polocensis expeditionis, quando rex Stephanus summa vi & virtute militum illam arcem expugnauit, & totam prouinciam in potestatem suam redegit.

Helena credula.

Miescus blanditus Reginam circumuenit.

Mors Miesconis.

WLADISLAVS LASCONOG.

Lectio Lasconogi præ aliis est admirabilior, quippe in qua non armis, non technis, sed virtutis & mansuetudinis excellentia inter principes decertatum est, dum singuli regios honores cum iniuria alterius capeffere detrectant. Nicolaus Palatinus leuitatem Helenæ iamdudum auerfatus, etiam ad eius filium Lescum Album principatum deferre, tergiuerfabatur primò, tandem, reliquis consentientibus, & ipse in eorum sententiam concedit, ea tamen lege, vt prius Gonoricium Palatinum Sedomiriensem æmulum suum in exilium mittat. Fuit enim ei ita infensus, vt licet aliquoties reconciliatio inter eos tentata & in speciem perfecta fuerit, tamen cum nunquam, quoad vixit, amare potuit. At Lescus, cum vidisset sibi leges præscribi, & quasi compedes iniici, potiùs quàm Gonoricium fidum consiliarium & sibi amicissimum prodere velit, ipsos regios honores suscipere dedignatur. Contra Gonoricium, qui vnice Lescum suum dominum diligebat, ne sua commoda negligat hortatur, se licet senem imbecillum libenter in exilium iturum, & quidem alacriter, modò occasione ipse ne desit, regnumq; sibi debitum in alienam familiam transferri non patiat, non commotus est Gonoricii oratione Lescus, sed quantò efficacius documentum beneuolentiæ ipsius erga se considerat & admiratur, tantò pertinaciùs in priore sententia persistit; proinde alium sibi Cracouienses Proceres istis legibus regem quærant, denunciat. Quem nuncium ab animo excello Lesci profectum dum Proceres examinant, Wladislaum Lasconogum regem renunciant. At is quoque se declarat non esse ita regnandi cupidum, vt principatus causa ius & vinculum consanguinitatis violare velit, debitumque regnum fratri interuere. Interim Lescum de Senatuconsulto Cracouiensium certiore facit, nihilq; se aduersus animi ipsius sententiam pacturum promittit, modò sibi deesse nolit; id quod non modò hortatur, sed etiam iubet. Vides priscos homines de re tanti momenti, vbi non datur bis errare, rarissimo exemplo sinceritate & integritate decertantes. Quod si nunc aliquid tale eueniret, certe à nuperis hominibus is, qui ita se gereret, tanquam intempestiuus virtutis cliens irrideretur, & nisi fallor etiam exhiberetur. Enimvero pro honoribus non satis est, hac tempestate igne & ferro decertare; confugitur ad illicita media, propinantur & toxica, obiciuntur venena sensibus tactus, gustus, visus, superstitibus & adhuc spirantibus, qui aliquo munere præfecturarum funguntur, iam noui gregales, non secus ac vultures de successione solliciti, conuolant. Talem tantamque animi in Lescione mo-

Lescione modestiam Deus comprobavit illa victoria celeberrima ei concessa, de principe Russo Romano, quem ad Zaichostiam de bellavit. Monstratur insula illa, ubi est traiectus nobilis in flumine à nautis, ubi pars exercitus ruforum dissipati & compulsi sese receperat, plurimis post pugnam desideratis. Regiam etiam dignitatem, cuius adipiscendæ spem sibi iam ipse præcidisse videbatur, iterum recuperat. Commemoratur hoc Lascionogi tempore, Lio num conuersio ad fidem Christianam, de qua in nostra historia rerum ecclesiasticarum fusiùs tractatur. Commemoratur & victoria eius Ruforum de Lituaniis parta.

LESCVS ALBVS.

Lescus tertium rex creatur. Cadlubkus primus scriptor historiæ Polonorum præmium laborum & eruditionis Episcopatum Cracouiensem consequitur. Fuit autem synchronus Innocentii Papæ, qui decretalium libros promulgauit. Eodem tempore Haliciæ in Podolia, seu Galatiæ regnum instituitur, cuius regem idem Cadlubkus primus inaugurat. Sed euentus breui docuit, hoc regnum non bonis auspiciis institutum fuisse. Rex enim Colomanus victus à Russis cum Salomea vxore, forore Lesci capitur, & annum in custodia asseruatur. Qua re Poloni audita, indignabundi vndiq; confluunt, & mox talionem reddunt, de Russis insigni victoria reportata. In ea pugna decem Duces insignes Russi capiuntur, & adducuntur ad regem Lescum viui. Incidisse etiam in hæc tempora narratur primus Tartarorum in Rusiam aduentus, & clades ab eis illa recitatur, quam Cometes inusitatae magnitudinis prænunciauit. Libertates etiam & immunitates, exemptionesque ecclesiastici ordinis tum auctæ sunt: elaborante ea in re maximè omnium Henricho Archiepiscopo. Hoc etiam tempore Cruciferorum nomen in his oris innotuit. Vocati erant hi ad ferendum auxilium, tandem pro dominis se gerere coeperunt. Imitati sunt forsan in eo facinore Turcos. Nam & isti eadem prorsus occasione vocati à Marco orientis Imperatore, nimirum vt ipsi opem ferrent, murato cōsilio Græciam occuparunt. Lescus hic à Pomeranis dum balneat securiùs, interficitur, exemplum relinquens mortalibus, quàm verum sit dictum Philosophi:

Regnum Galatiæ.

Libertates Ecclesiasticæ.

Cruciferi.

Turci à Marco Imperatore euocati.

μὲν γὰρ ἀπὸ τῶν.
Anacephalæosis historiæ chronologica, vsque ad Boleslaum Pudicum.

Quia hîc series historiæ perplexa est, ob Miesci senis & Lesci Albi

trinam, aut quaternam resumptionem principatus, ideo seriem hystoriæ in ordinem chronologicum hoc modo redeimus.

1185. Valachi Isaaco Orientis Imperatori rebellant, cum quibus is infelicitè congregitur. Prima hinc mentio fit Valachorum, quos Græci scriptores Blachos vocant. Dixi autem Traiani acta persequens de Valachorum origine. Sed non desunt, qui potiùs à Genuensibus Italis, qui ad ostia Danubii confederant in vicinia, vel in ipsa sede Valachorum, eorum linguam immutatam esse putant. Cuius rei tres rationes non contemnendas habent: Primò, quòd Valachi in sua lingua non tam Latinorum quàm Italicorum sermonis corruptelas habent. Verbi gratia: Passa pro trāseas, Curciani pro cortigiani, id est aulici, & consimilia. Quorum omnium expers erat ætas Traiani, quæ adhuc incorruptam linguam habuit. Secundò, quòd illæ coloniae Traiani Romanorum, ab Adriano, & aliis reductæ rursus fuerunt ex Dacia in Italiam. Tertiò, quòd, si reliquiae essent exercitus Traiani, non obliti fuissent hystoriæ Romanæ scriptores, eos vocare ex corrupto nomine Italicorum, Valachos seu Blachos. Sed nusquam per mille annos fit mentio Blachorum, nisi ab illo tempore, quando Genuensium coloniae Kili-an, quæ Achyleæ etymon redolet, occuparunt. Cõpone hæc, quæ nunc dicuntur, cum illis, quæ in Traiano à me sunt commemorata, & rem planam habebis. Nec desunt, qui eiusdem generis Italos hac via in Litvvaniam ab ostiis Danubii per Valachiam transiisse affirmant, & tales parufaciunt illam narrationem de Libone, qui in Litvvaniam aduenisse dicitur. De Columnensium autem aduentu ad illas regiones inferiùs dicemus.

1194. Nicolaus Palatinus cum fratre Episcopo Cracouiensi in tutorem Lesconi Albo designatus, iuramentum ab ordinibus Poloniae eiusdem modi, sicuti & regi præstare solent exigit. Metuebant enim fluxam fidem plebis, suspectamq; habebant leuitatem multitudinis, ne ab eis aliquando vel ad Miescum senem, vel ad Opoliensem Ducem deficerent.

1195. Mozgouiense bellum ciuile sic Miechouiensis describit lib. 3. cap. 27. Habet enim interdum gratiam antiquus stylus, quo vsus est Miechouiensis. Ad Mozgauam fluuium à cœnobio Andrzejouiensi quatuor miliaribus distantem, cum Sedomirienses, Lublinenses, Brestenses, supra Bug, Mazouitæ, & Romanus Mscislanicz princeps Wladimiræ, quæ Lucensis appellatur, fororinus Ducis Kazimiri nouissimè mortui, ad Mozgauam applicuerunt, progressum Mieczlao impedituri. Ordinatisque aciebus anno domini 1195. Nicolao Palatino Cracouiensi dextrum cornu, Romano duce Wladimiræ sinistrum tenente, & Gonoricio Palatino Sedomiriensi

Cause cur non à latinis sed ab Italis qui post corruptam linguam latinam in vsu regionibus versati erant Valachi oriundi.

Ciuile bellum a Mozgauam ex Miechouiensi.

no Sedomiriensi in subsidiis relicto cum Miescon e sene conflixerunt, mutua se cæde obtruncando, perinde ac si inter infestissimos & perpetuò dissidentes bellum gereretur, neutraq; parte gradum referente, strages horrenda cadauerum vtrunque edita est. Ad duces quoque ipsos clades peruenit. Boleslaus siquidem filius Miesconis senis in conspectu patris lancea traiectus, ex equo delapsus occubuit. Miesco senex à quodam milite gregario impetitus, morti destinabatur frequēti ictuum ingeminatione, ni magno clamore se ducem Mieczlaum asseruisset, & cassidis detractiōe veneranda canicie militem terruisset, quapropter miles educens illum ex acie, ne ab aliis violaretur, fugere consuluit.

1198. Wladimiro Haliciensi mortuo, Romanus memor meritorum suorum, quo pacto Polonis, & Lescio Albo implicatis civili bello ad Mozgauam inter maiores & minores Polonos nauaset operam, Haliciensem principatum ambit, eumque deposcit. Abhorrebant autem Halicienses à Romano, crudelitatem eius veriti. Itaque decreuit frequens senatus, vt Romanum Nicolaus cum exercitu cò deduceret. Ibi Lescius orare, vt sibi cum exercitu proficisci illo liceret. Pertæsum se iam esse mollis & ociosæ vitæ, quam hæten⁹ inter coetus muliebres apud matrem exegisset. Cupere se, deinceps armatum inter armatos viros versari, & quæ principis essent munera, vsu condiscere. Si adhuc nequiret alium, tamen eum se vsu in exercitu præstiturum, quem signa sua præstarent. Quod si non impetraret, tamen vel cum vno comite castra secuturum se esse.

Lesci Albi alicritas ad bellum.

Educatio muliebri.

1199. Quarto anno Miesco senex, postquam malè pugnauerat ad Mozgauam, vt sibi præstrueret viam ad principatum Polonia, Cuiaviam Cazimiri filiis præripit ac præoccupat. Ita primum, terrore iniecto, tandem cum Helena matre, & cum iis, qui ei fauebant, vulpina industria tractat de conditionibus pacis. Negat Lescum principem, ritè creatum, aut se inuito, certum stabilemque principatum obtinere posse. Non deesse sibi consilia, & auxilia externa. Lescum puerum esse. Curatores eius inuidia laborare: Bonam nobilitatis partem clam secum sentire. Verùm si sibi principatum concedat, redditurum se esse Cuiaviam filiis eius. Se sane senem esse, nec diu viuere & regnare posse. Interim Lescus fieret princeps, se in ordinem, & politiam meliorem redacturum regnum.

Miesco senex Cuiaviam occupat.

1200. His inducta & persuasa credula mulier, annuentibus tutoribus, cum eo transigit: iure iurandoque die Diui Bartholomæi memoriæ dicato transactione confirmat. Deinde vnà cum filio Sedomiriam secedit. Miesco potitur rerum. Tunc secundò regnasse dicitur.

1220. Quod atti-

*Alexius Mur-
ziph-us.*

1220. Quod attinet res exterorum, Anglia & Hybernia in-
fulæ Romano Pontifici tum vectigales factæ sunt. Alexius orient-
tis Imperator pulsus, Haliciam ad Romanum, qui Polonorum o-
pera princeps factus fuerat, confugit. Hic, credo paulò post ab A-
lexio Duca cognomento Murziphlo, ob coniuncta ac veluti ocu-
lis imminetia supercilia, sic dicto, plebi insaniendi obiect^o, periit
tumultu. Tyrannus autem ipse Murziphlus deinde alibi compre-
hensus, post effoscos oculos, Constantinopoli de turri præcipitatus
fuit, promiscua plebs in cadauer sæuit.

*Cistercienses
Monachi.*

1201. Monachi Cisterciensium è Portensio monasterio euo-
cati in Poloniam, delicatum genus malorum, secum attulerunt,
quæ etiam nunc de porta vel de porti vocantur.

*Honores præ-
posterè distri-
buit Mieci-
slaus.*

1201. Miecislau promissa non seruat, cumque Lesci mater
importuniùs intaret, fidemque datam in eo requireret, & iusiur-
randum præstitum ei obiectaret, nihil dissimulans, respondit, pa-
ctis & iureiurando contra ius gentium se minimè teneri. Ita He-
lena dimissa, ingenti animi sui dolore, crudelitatem suam damna-
re, procerum suorum dicta & consilia, licet serò, probare ccepit.
Offenderat iam Miecislau non leuiter animos procerum, & equi-
tum, propterea quòd nonnullos possessionibus certis & antiquis
deturbarat, easque quibusdam è maiore Polonia asseclis donarat;
quodq; eisdem magistratus mandabat, indigenas præteriens. Ita-
que quasi conspiratione facta, Miesco cum suis principatu derici-
tur. Nicola⁹ omnia ad matrem & pupillum iure tutorio transfert.

*Nicolai Pala-
tini consilium
et i. a. i. u. o.*

1202. Irrequieto animo Miescus existens, tertio molitur do-
los, & quidem propius admotis technis rem agit: Quòd promissa
non impleuerit, dicebat non per se, sed per Nicolaum Palatinum
fieri, qui subolsaciens, quòd filios Cazimiri adoptare in animo
haberet, se à tutorio munere excludendum ratus, nihil omisit, ut
eum in suspicionem adduceret. Cæterum illum ut seditiosum ho-
minem amouendum; utpotè qui se erga teneram Lesci ætatem pal-
ponem aulicum, & erga se, qui paterno animo & matri & filio fa-
ueret, iniustum censorem præstaret. Probè enim intelligebat Mie-
cislau, cum fuisse maximum obicem & aduersarium consiliis suis,
quem reliquus conuentus Cracouiensis sequeretur. Itaque his ar-
tibus elidere eius consilia satagebat. Nec in casum cadere conat⁹
eius videbatur: Iam enim labefactauerat animum mulieris, maxi-
mè inuidis æmulisque Palatini animum eius irritantibus. Itaque,
re tota intellecta Nicolaus Posnaniam ad Miecislauum, quamuis in-
fensum sibi hostem magnis itinerib⁹ contendit, ac salutem incolumi-
tatiq; suæ prospecturus, ulturusque ingratham mulierem, ei omnia,
quæ prodesse, quæue obesse eius instituto videbat, aperit. Qua re
erectus ani-

erectus animo senex ad solitas artes suas refugit, & apertè iam postu-
lata Helenæ refutat, seque opera Nicolai adeptum esse principatum
gloriatur. Toto autem negotio iam in hanc, iam in illam partem ti-
tubante, Miescum inopinata mors opressit, cum ageret annum se-
ptuagesimum tertium. Inter foundationes (quas vocant) eius, illud
inuentum fuit ipsi⁹ magis peculiare, quod Wagrouiensi monasterio
instituto, sanxit, ut non nisi Germani, iiq; Colonienfes, in illud co-
ptarentur. Causam instituti addunt, quòd quondam honorificè ha-
bitus esset à Colonienfibus, cum eò adolefcens religionis ergò ve-
nisset.

Mors Mieſci.

1202. Comitia Cracouiensia eligendi regis gratia indicuntur;
in quibus detecta sunt vana studia hominum & contentiones potissi-
mùm inter Nicolaum, & Gonoricium Sedomiriensem, Palatinos, in-
terq; Lescum Album, & Lesconogum regulos. Et illud quidem par,
maleuolentiâ, istud verò reuerentiâ & honestate inter se decertabat.
De qua re in historia nostra iam dictum est. Ad extremum Wladisla-
us Lesconogus eligitur; quem à gracilitate pedum sic dictum esse pu-
tant. Laudat hunc Miechouiensis à peritia artis pugillatoriæ: peritif-
simumq; in ea arte ab incunte ætate fuisse ait, dum in Germania com-
moraretur.

*Lesconogi cor-
poris dotes.*

1205. Lesconis Albi ætatem ac principatum, plurimùm orna-
uit victoria, de Romano duce Ruſſorum parta, quam Miechouiensis
ita describit. Itaque ingressus Romanus cum copiis pugnatorum, pri-
mo ætatis tempore Lublinum obsedit, & cum non prosperaretur,
probè enim à Polonis defendebatur, in terras Sedomiriæ grassan-
do descendit, & flumine Istula superato, circa Zaichost confedit.
Principes verò LescoAlbus & Conradus, ex omnibus terris suis Se-
domiriën. Lublinën. Mazouia, & Cuiavia bellatores ex nobilib⁹ &
plebeis circa Sedomiriam collegerunt, & eis Christinum Comitem
Palatinum Plocensem præfecerunt, qui industria et alu, decima no-
na Iunii oriente, appropinquauit Ruſſorum exercitui. Romanus ve-
rò vix tumultuariè suos ordinauerat. Sagittarii Polonorū in necem
ducis Romani fidefragi conspirarunt, globoq; militum facto, in du-
cem Romanum, & eum protegentes insiluerunt: equo igitur sub ip-
so telis confosso, & eum deiicere satagentibus, ad ripam Istulæ per
medias acies cucurrit, dextrarioque cadente, ac foeta equa sibi admi-
nistrata, Istulam tranauit. Et gratus equæ de salutis ministerio, inter
alios dispersos & fugientes, pedes promiscuus cucurrit. Ab infecuto-
ribus Polonis miles gregarius existimatus, occisus est, in Sedomi-
riamque relatus, à duce Lescone fuit sepultus. Vnde post à Ruthenis
& proceribus Wladimiræ mille marcis argenti & restitutione om-
nium captiuorum Polonorum redemptus, in Wladimiriam ductus

*Lesco albi victo-
ria de Romano
ad Zaichostium*

i est, ibi tumu-

*Somnium Ro-
mani.*

est, ibi tumultandus. Cromerus autem libro septimo hæc scribit: Fer-
tur item, idem Romanus nocte ea, qua prælium consecutum est,
somniaſſe, multitudinem passerum à longe minore numero acanthi-
dum, ab ea parte, quæ ad Sedomiriam vergit, aduolantium dilania-
tam esse. Idque somnium cum amicis manè narraret, senioribus atq;
prudentioribus triste & mali ominis visum esse. Dies, quo apud Zai-
choſtium pugnatū est fuit 13. Cal. Iulii. Miechouius causam istius belli
refert, quod Romanus Lesconi dare negarit tributum; aitque susce-
pturum eam expeditionem in Poloniam, copiisque ex vniuersa Rus-
sia contractis, ad suæ religionis Episcopum, quem Wladicam vo-
cant, dona misisse, ut sibi in Poloniam inuasuro, eamque treennio
vassaturo, autoritate Pontificia benediceret. Qui, spretis eius donis,
benedictionem, tanquam ad iniquum & execrabile properanti faci-
nus, denegauit, inquiens, Iniusta bella mouentes, in patriam non re-
dire viuos. Comminatus autem ei erat Romanus tyrannus concussi-
onem, si ei benedictionem denegasset, &c.

1205. Hoc tempore Litviani à Russis victi. Quam victoriam
Cromerus sic describit: Post hoc tempus Litviani, gens syluestris
& obscura Russorum agros prædis agendis infestare coepit, cruento
prælio victi, subera, restes, & falces frondeas, quibus ea gens in bal-
neis sudorem prouocare solet, tributum nomine deinceps pendere ius-
si sunt.

*Ordo Liuo-
nensium.*

1205. Hoc anno ordo Gladiferorum fratrum in Liuania coepit,
autore Alberto Rigenſi Episcopo. Vestem albam, rubenti gladio
cum stella insignitam, gerebant. Regula eis cum templariis commu-
nis erat. Priuilegia à Papa innocentio adepti, ut omnes, quas in Li-
uania & circum circa, terras subigerent, possiderent. Horum virtute
magna pars Liuania subacta. At, cum Cruciferi fratres ordinis
Teutonici in Prussia potentes fierent, deposita sua regula, Pontifice
annuente, Teutonicis sunt uniti (chron. ord. Teut.) Apud Pleſcoui-
enses tum Vuoldemarus regis munere fungebatur, cui etiam Liuo-
nes tunc parebant, & tributa pendebant.

Mors Nicolai.

1206. Lescus Albus ad principatum reuocatus, Wladislao mo-
destissime id non modò ferente, sed etiam, cognito consensu con-
uenus, discessione sua Posnaniam, approbante. Hoc anno & Nico-
laus Palatinus mortuus est. Ideo Lesconis negotia, tanquam obice
sublato, prosperius succedere coeperunt. Eodem anno Fulco seu Pel-
ka Episcopus Cracouiensis vita excessit, qui sibi, & suis successori-
bus prærogatiuam loci, & suffragii secundum Archiepiscopum Gne-
snensem ab Innocentio tertio impetrauit.

1206. Eodem tempore sacrum collegium, liberam Episcopi li-
beris suis suffragiis electionem principibus non immiscentibus sese,
huic rei, à

LIBER VI.

267.

huic rei, à Pontifice per Iohannem Archidiaconum impetrat: Et hoc modo Vincenti⁹ Cadlubkus genere Roseus, vir doctus, vt tunc tempora ferebant, electus est à collegio quamuis ipse præsens non adesset. Hic primus, cum regeret ecclesiam Cracouiensem, Polonicam historiã gentis suæ conscripsit. Quam ita incipit: Tres tribus ex causis theatrales edere solennitates, &c. Hæc ita non sine traductione quadam Miechouiensis, vt is, qui elegantio rem se scriptorem esse putabat, refert. Moxque de eius stylo iudicium fert: Plura, inquit, de exteris, quàm Polonorum gestis, nodosè & inuolutè in primis libris perstringens, &c. Præfuit is ecclesiæ aliquot annis: tandem abdicans se episcopatu, in monasterio Andreiouiensi professus, ex bono factus est optimus: sic autem de eo Miechouiensis. Tandem post quinque inquit, annos ergastulo carnis solutus, in domino quieuit, in monasterio Andreiouiensi sepultus est.

*Roseus.**Cadlubcij historia.**Iudicium Miechouiensis de stylo Cadlubcij*

1206. Colomanus Andreæ regis Hungarorū filius, Haliciensē principatum adeptus est; vbi & solenni pompa inunctus est, coronatus, & rex Galatiæ seu Haliciæ appellatus à Cadlubco Episcopo Cracouiensi, assistente ei Iuone Cancellario Poloniae, gente Odrouasio. Quid verò isthic egerint isti duo, disserit Cromerus ibidem.

Coronatio Regis Haliciensium.

Circa eadem tempora Concilium, Lateranense septimū celebratur, in quo 412. Archiepisci, & 1300. Episcopi congregantur. In eo Concilio, cum immensā multitudinem monachorū mund⁹ laboraret, & in dies nouorū monasteriorum foundationibus, insanisque ob eam causam profusionib⁹ Respub. exhaurirentur, marsupiaq; locupletiorum exinanirentur. Itaque statutum fuit, Canone 13. Ne quis de cætero nouam religionem seu regulam monachalem institueret, sed quicumq; voluisset ad religionem conuerti, vnam de approbatis assumere. Præuidebant enim tum Patres, si seculū diutius itaret, & quoties nouæ hæreses, sicuti domin⁹ eas futuras ad finem mundi prædixit, orirentur, nouæ quoq; societates monachorū profligandis eis instituerentur, facile futurū, vt per eam occasionem maior pars orbis sub potestatem & ditionem ecclesiasticorum deueniret. Atq; ita medicina morbo ipso esset deterior. Ideo non ita multo post istud Concilium Conrardus Dux Mazouiorum, autoritate huius sacri conuentus, & disputationib⁹ illius seculi, quæ tum passim ea de re ferebantur mot⁹, cautè & circumspectè Culmam, Toruniam & alias possessiones suas, Cruciferis donat: nō quidē videlicet iure sempiterno, ne quid menti Concilii derogaretur, sed ad temp⁹, quoad nimirū, hostes Christianorū septentrionales debellarentur, quibus sublati, alia ratione cū ipsis Cruciferis transigere ei liceret: hoc min⁹ est adhuc quàm ius feduciarū, seu fæudi. Huic exemplo, ii quibus nūc cordi est nouas regulas monachorū introducere, deberent insistere. Nam si idcirco eas intro-

ductas fuisse volunt, ut hæreses subingressæ confutarentur, conuictis & refecatis hæresibus gladio verbi dei, possessiones illis datæ, ad priores possessores deberent iterum redire, aut ad alios publicos vltius conuerti, iuxta alium canonem, illi autem professioni alicui iam antea receptæ se addicere. Si inquam, hoc incommodum euitare vellent, quod solerter tum illud Concilium præuidebat.

1211. Circa hunc annum Hungari à Russis victi, Colomanus rex cum vxore captus. Poloni quidem, qui Hungaris commilitabant, Russos primò superarunt, sed cum onusti præda domum redirent, à Russis excepti sunt & trucidati. Nam cum nostri cedere cœpissent, Russi vexillum nostrorum captum erexerunt, ad quod conuersi Poloni acurrebant. Interim Polouucii cum Russis profiliunt, obuios quosque interficiunt.

1211. Elati victoria Russi, adiunctis etiam sibi Litvvanis, crebris incursionibus Poloniam vexarunt. Quo facto motus Lescus Sulistuum cum expeditis copiis mittit, qui, collatis castris, Russos magna clade profligarunt. Et quinque duces captos bello ad Lescum adduxerunt. Ita cōpensata fuit Hungarorū & nostrorum clades superior.

*Tartarorum
prima incursio
in istas terras.*

*Polouucio-
rum origo.*

1202. Secundum alios 1188. Tartari Scythica gens cum antea vltra Caspiū mare habitassent, in eas oras primò peruenerunt. Et Russis Polouuciisq; bellum intulerunt, sed Russos, quos Tartari non dissiparant, Polouucii ipsi excepere. Disserunt hīc, Miechouiensis, & Cromerus de Polouuciorum origine, & consentientes tradunt, fuisse eos Gothorum veterum reliquias. Et mox Cromerus de lingua Polouuciorum differēs, alserit eos locutos fuisse Russorum lingua non valdè diuersa à Polonica. Hæc refert libro 7. in Lescone Albo. Quæ si ita sunt, argumentum haud leue habemus, Gothos veteres lingua Slauonica vsos fuisse, quandoquidem Polouucii, eorum scilicet posteritas, eadem hætenus vtitur. Hæc adieci ad illustranda ea, quæ superiùs de Gothis à nobis dicta sunt. Sigismundus verò Eberstinus Polouucios à Poloczko, vbi sedes habuerunt, vocatos esse putabat.

1204. Post hanc cladem Russi debellati & subacti sunt, ita ut non modò tributa penderent, & iussa facerent, sed etiam seruis prædæ essent. Hæc Cromerus.

1227. Inuisente Lesco cunctas regiones ditioni suæ subiectas Pomeranis, ne longiùs à principe dissiti, quererentur se patrocinio destitui, Suetopelcum præficit, & amplissimam potestatem & iurisdictionem, etiam in Palatinos, qui tum duo erant, nempe Gedanensis & Suecensis, & in cæteros magistratus concessit. De redditibus autem totius Pomeraniæ, mille pondo siue marcas argenti quotannis fisco principis Polonorum, ut penderet, constituit.

1220. Cum ageret duos de triginta annos, rogatu procerum vxorem

xorem duxit Grimoslauiam Rulsam, ex qua Boleslaum Pudicum in *Pudicus & So-*
arce Corcinenſi editum, deinde Salomeam, ſuſcepit. *lomea Leſci na*

1220. Circa eadem tempora Henrichus Barbatus Dux Wrati-
ſlauienſis ex Heduigi vxore filia Bertholdi, Ducis Carinthiæ & Mar-
chionis Morauie, Henrichum & Conradum ſuſcipit. Hæc Heduigis
poſtea inter diuos relata eſt.

1221. Hoc anno Balaklei Soltanus Princeps Zauologeniſium
Tartarorum, inuitatus diſſidiis domeſticis Ducum Ruſſiæ, eorum
terras inuadit. Cecidit etiam tunc Olha, atauus Ducum Prunſciorû,
quorum origo deſcendit indubitato tramite à Iaroslauo, qui fuit
vnus ex duodecim filiis Wladimiri monachi dicti, quos Ruſſi augu- *Origo Bohati-*
ſto nomine Bohatiros, id eſt heroas vocitant. Et tunc arces illæ tres *rorum, qui ve-*
Czapczakley Oſlam & Balakley de nomine ipſius Ducis dictæ à Tar *rè Bohatiri ob-*
taris ad Boryſtenem & Bohum excitatæ ſunt. Harum fundamenta *ſuſceptam*
tantum hodie viſuntur. Vlti ſunt, non ita multò poſt Ruſſi, eam in- *Chriſti fidem*
iuriam vnà cum Skirmuto Duce Litvvanix, fuſo, fugatoq; ipſo Bala *& heroica fa-*
kleio ad Koidanouum. Cuius belli cauſa fuiſſe narratur, quòd Litvva *cta vocari de-*
ni legatos Scythicos tributum eis nomine Ducis volentes impone- *bent.*
re, amputatis naſis & auribus, non ſine grauiffima cõtumelia, ad do-
minum ipſorum remiſerunt.

1222. Aerarium Baſilicæ Cracouienſis taſtum de cælo conſla- *Aerarium et-*
grat; vbi & ſupellex vniuerſa Cadlubci abſumitur. Itaque Episcopa *cleſie Cracoui-*
tu Cracouienſi ſe abdicat, aduerſante Principe, & diſſuadente col- *enſis conſla-*
legio ſacerdotum (incompatibile tum fuit, vt annotant, mona- *grat.*
chum & Episcopum eſſe) & in Andreiouienſi monaſterio reliquos
quinque ſuæ vitæ annos exegit.

1222. Diuus Hyacinthus inter diuos relatus. Iuo Episcopus
paroeciam Cracouienſem ad templum primarium in foro vrbiſ fun-
dat. Nam antea Trinitatis templum loco paroeciæ erat. Sed eâ tran-
ſlatâ, cum ſodalicio Dominici commutatio illa facta fuit.

1226. Idem Iuo Kacienſe monaſterium Cifterciienſium, Mo-
gilam paternum rus, locum Vandæ reginæ ſepulchro nobilem tran-
fert, & magnificè locupletat. Eodem tempore ptochodocium ſancti
ſpiritus dictum, fundatur.

De immunitatibus, & libertatibus eccle- ſiaſtici ordinis.

Henrichus Archiepiſcopus Gneſnenſis, Theodorici ducis bernen-
ſis ex Eudoxia Polona filius, bonam & ipſe in hoc pietatis ſtudio na-
uauit operam. Perfecit enim diligentia & autoritate ſua, vt Princi-
pis, atque omnium ducum, procerumque Polonorum conſenſu, &

*Laicum et pro-
fanum forum
opponitur ec-
clesiastico.*

*Celibatus in-
uectus.*

*si moneta à sa-
cerdota'i ordi-
ne exdebatur,
quomodo qui-
dam pecuniam
tunc incognita
fuisse Polonis
dicunt?*

*Liberalitas Iu-
onis Episcopi
Cracouiensis.*

vniversi conuentus constitutione, sacer & ecclesiasticus ordo omnis cum ascripticiis etiam & subditis suis, ab omnium profanorum iudicum, etiam ducum, atque adeò ipsius summi principis iurisdictione prorsus liber esset, ita vt ne per exceptionem quidem vllam, aut reconuentionem pertrahi ad vllum profanum siue laicum (vt vocant) forum possent. Eamque constitutionem Pontificis maximi & sedis Apostolicæ autoritate confirmauit. Sacerdotes verò omnes ex decreto Synodi à se conuocata, vxores & concubinas, quas retinebant adhuc plerique, post edictum legati Pontificii abdicare coëgit, iureiurando ab eis exacto. Hic etiam obtinuit à sede Apostolica Archiepiscopis Gnesnensibus perpetuæ legationis munus. Hæc ex Miechouio, qui idem sic scribit, Wladislaus ergo inquit, Othonis, tota maiori Polonia possessa, diuinam miserationem & sui sublimationem recolendo, libertates, & priuilegia binis cathedralibus ecclesiis suis principatus, Gnesnensi, & Posnaniensi contulit, villas ecclesiarum, & earum incolas ab omni seruitute & contributione, quæ olim camera Ducis soluebatur, absoluendo, & ab omni iurisdictione ordinaria & extraordinaria Palatinorum, Castellanorum, & cæterorum officialium. Donauit item vtrique Pontifici auctoritatem in bonis ecclesiæ venandi, & monetam fabricandi. Præterea donauit Paulo Posnaniensi Episcopo & eius successoribus villas: Sulkouam, & Krobiam, ratione suæ & patrum suorum sepulture. Hæ libertates ferè se æquant Ducum potestati. Sed quò maiores libertates consecuti sunt ecclesiastici, eò res tota magis in odium & inuidiam tunc fuit versa, Miechouio sic referente: Occasione itaque inquit, harum libertatum edax liuor corda nobilium maioris Poloniæ peruasit, & clandestinis contra Wladislaum Othonis qui & Plvacz dictus est, machinari cœperunt iusdinas.

1220. Punitiones Dei epidemicæ consecutæ sunt. Fames intolerabilis, pestisq; acerrima quæ ferè triennio grassata est. Anarchia quoque & bella ciuilia, in quibus & ipse Lescus princeps perit. Creditumque est à multis hæc accidisse ob illa diuortia & diremptiones matrimoniorum in statu ecclesiastico, cum mariti cogerentur abdicare coniuges legitimas, iureiurando de non repetendis vnquam illis per vim præstito. Ita diuulsi à parentibus filii, & matres abiurata, lamentis omnia implebant. Fieri enim non poterat hæc discesio ac separatio absque lachrymis & suspiriis ab imo pectore profectis.

Commendatur hic summè pietas Iuonis episcopi Cracouiensis, qui in illis pestis & famis calamitatibus memor, se non dominum, sed dispensatorem esse bonorum concreditorum, plurimos subleuauit, multisque eius liberalitas saluti fuit.

1222. Conradus Mazouiorum Dux, cum Pruthenorum excursionibus

tionibus cohibendis per se ipse par non esset, cruce signatos Teutonici ordinis, quos nostri Cruciferos nominant, per quendam monachum sectæ Cisterciensium, vndique in subsidium euocat, Prussisq; opponit, datis & concessis eis possessionibus in finibus Mazouia & Prussia. Hoc tempore Torunia ab eis excitatur olim Tarnouia dicta, Quidzinum, quod illi Rissenberg postea dixerūt, Papouia item quod Dobrinum. Atque ita illa ora prorsus eis conceditur, quæ interiecta est inter Mazouiam & Prussiam, vt essent, si diis placet, defensores aduersus incursiones.

1227. Comitatus habentur Gansauia in maiore Polonia propè Znenum (villa est abbatis Tremesensis) quorum causa pretextebatur, vt componerentur intestina dissidia Ducum maioris Poloniae. Reuera autem ideo habebantur, vt Suatopelcum præfectum Pomeraniae, qui tributa negarat, horum occasione euocatum, sine armis & bello opprimerent. Sed ille, consilio principum explorato aliud cogitat, occasionemque rei gerendæ obseruat, vt id, quod animo proposuerat perficere posset. Itaque, cum post illas graues deliberationes Lescus, & Henricus se ad balneum conferrent, ipse cum expedita suorum manu adest, & in diuersoria tentoriaque proxima irrumpens, obuios quosque rei nouitate attonitos, facile aut obtruncat, aut propellit, & ad balneum, vbi eos esse acceperat contendit. Resciuerat iam Lescus de hoste, itaque exilit, equumq; nactus cum paucis fugæ se mandat, sed hostibus eum assecutis, cum aliquandiu inermis cum armatis, vnus cum multis contendisset, fortiter dimicans apud Marcinouum pagum occubuit. Henricus autem, qui ætate grauis fugam desperauerat, fauciatur in balneis, & nisi eum aulicus quidam, cui Peregrino cognomen fuit, supra eum prostrat⁹ protexisset, idem, quod & Lesconi, ei haud dubiè accidisset. Sed vt cunq; reptans ad suos euasit, ac in lectica Wratislauiam delatus est. Ex eo tempore Suatopelcus pro duce ac domino Pomeraniae se gerere cœpit. Chronologus quidam Germanus non postremæ autoritatis, describens hunc casum principis Lesconi, Suatopelcus inquit, Pomeraniae præfectus defecit, Pomeraniae ducem se constituit, regeq; bello occiso, ducatum confirmauit, qui hodie à Polonia regno auulsus. Mirari satis non possum hominis leuitatem. Comitatus, o bone, tum rex celebrabat, non bellum. Adde, cum præfectum eum ipsemet nominet, quodnam bellum inter regem & præfectum, inter dominum & seruum esse potuit? In balneisne bellum geritur? Aut quem autorem eius commenti de hoc bello habuit? sed breuitatis causa iam missum hoc faciam.

*Occasio intro-
ductorum Cru-
ciferorum.*

*Cruciferi per
monachos in-
troducunt.*

*Torunia, Tar-
nouia.*

*Lescus in bal-
neis.*

*Aulicus cui no-
men Peregri-
no Henricum
seruat.*

*De Suatopelci
ducatu commē-
tum cuiusdam
historici.*

Epitome Chronicorū Lituanicorum,
Rusſiæ, Prusiæ, Mazouiæ & Liuoniæ,
vbi discutiuntur quædam dubia occur
rentia in eis. Ita autem res vtriusque
gentis collatæ interſe melius, vt
purpura iuxta purpuram,
dignoscentur.

Scriptores belli ſacri pro liberando ſepulchro domini, expeditiones omnes Chriſtianorum Principum quæ decem fuerunt, enumerant: Optime ſanè illi, ſic & ego hîc enumerans eorundem militum expeditiones in Prusiâ, Lituaniâq; contra gentes ſeptentrionales, in re ſimili operæ precium me facturum putauî. Quum regnum Polonicum nondum diuulſum inter filios regum eſſet, totam molem belli contra Pomcranos, Pruſſos, Lituânos, Iazygas, Tartaros, & alias idolatricas gentes quæ in circuitu erant, ſuſtinebat, vt teſtantur bella regum Kriuouſtij & Chobrij, qui vindicaturus cædem Diui Alberti, grauiter in Pruſſos animaduertit. Quo nomine apud populos Chriſtianos valde ſe comendabiles reddebant, & meritò quidem. At regno hoc diuiſo, & in aliquot tetrarchias & ſatrapias ſeiſſo, vires eius fatiſcere cœperunt. Unde & Conradus Mazouiorum Dux, deſtitutus ſolito præſidio & auxilio, coactus eſt Cruciferos in has regiones euocare. Iam enim gens Boruſſa patriam eius Maſouiâ ita vaſtauerat, vt Plockam etiam ſedem eius ſæpius tentaret atq; adoriretur.

Prima expeditio.

Conradus igitur per Ciſterciënſem Monachum Chriſtiernum Cruciferos vndique conuocat, quibus Ducem Sylleſiorum Henrichum & Wratiſlauiënſem, Lubefenſemq; Episcopum adiungit & præſicit. Commiſſum eſt atrox prælium. Sed eo remoti, non ſublatis hoſtes è medio. Hic ergo procinctus expeditio prima à nobis vocabitur.

Secunda expeditio.

Vt durabili ſtabiliq; præſidio bellum illud duceretur, accerſitur ex Liuonia & aliud genus Cruciferorum, quos Albertus Archiepiſcopus miſerat. Commiſſum eſt prælium acerrimum, quod duobus diebus durauit: &

uit: & fusi profligatiq; sunt Liunionj Cruciferi, & ad paucos ita redacti, ut ex illis tantum quinque domum repedauerint.

Tertia expeditio.

Post illam cladem appulerunt huc & alij Cruciferi Mariani dicti, Roma usque à Gregorio nono missi, duce Hermano de Salicen, quibus Culma, & Torunia cum amplissimis territorijs, iure propemodum feudi, ad tempus tamen, attribuuntur. Sed conditiones certe non absurdæ huius donationis apud scriptores reperiuntur quæ si cum alterius generis Monachis seruatae fuissent hoc seculo à nostris, non ita oneri Reipub. illi essent. Tunc duæ arces illæ ad Toruniam Rogouia, & alia eo in loco, ubi Cathedralis est ecclesia, à Prussis extractæ erant. Sed Pipinus Dux eorum extractis intestinis atque exenteratus, crudeli morte necatus fuit à Cruciferis.

Torunia Mazoviae prouincia fuit tum, Episcopoq; Ploensi parebat.

Quarta expeditio.

Hac Marianorum inaudita in Pipinum crudelitate, præsertim in ipsis initijs eorum aduentus commissa, fortuna mutata est, & exasperatae vicinæ gentes: Curlandi, Lituani, Samogitæ & Prussi (omnes tum gentiles, & ab eadem stirpe orti, ut quibusdam placet) atrox bellum excitant ad S. Georgij arcem in Curlandia. Mindocus tunc apud Lituanos regnabat, qui Pontificis Romani autoritate in regem creatus erat. Nam spem fecerat se religioni Christianæ adhaesurum. Sed cum promissis non stetisset, perfidiæ poenas non ita multo post luit. Noctu enim dormiens nihilq; tale prorsus suspicans à Troinata filio suo oppressus et iugulatus fuit, haud dubiè quòd res diuinæ lusui & ludibrio ipsi essent. Mariani igitur confisi auxilijs regis Daniæ, & Liunionsum Cruciferorum copijs, quas sibi tum recenti fœdere, & imitatione rituali vestis, insigniq; permutatione adiunxerant, contra tot gentes procedunt, sed aliquoties fusi, fugatiq; de retinendo suo statu valde desperant. Tunc etiam Lituani post victoriam, Hirschum illum militem strenuum Magdeburgensem, in oblationis hostiam Dijs suis armatum, ita ut in equo vitali (ut vocant) in prælium descenderat, captusq; ab eis fuerat, igni flagranti subiecto, equo subsultante & hinniente, viuum vnà cum armis ipsisq; calcaribus cremant: Valdè tum luctuosum tempus fuit Cruciferis. Nam præter alia quæ amiserunt, illud fuit damnum irreuerabile, quòd opinionem virtutis militaris, de qua tantopere gloriabantur, prorsus apud vicinas gentes perdiderunt. Vnde illa verba Dursburchij qui res illorum conscripsit: Tres inquit, vel quatuor hostes centum Christianos tum, cum magna verecundia, fugabant. Pro-

inde fracti animo ingeminabant orantes illa verba Psalmi, veluti cum Deo expostulantes: Ecce domine quomodo confortati sunt inimici nostri, &c.

Simili quoque genere oblationis paulò post Sambiensem præfectum, viuum, pariter equo feduciali (vt loquuntur) insidentem, iidem Litua- ni post victoriam combusserunt. Simile quid de Germanis ipsis apud Cornelium Tacitum legitur, sicuti eis Loeticus rex Poloniae descensurus in prælium cum eis ad Plawno, pagum exprobrat: Humanas hostias, inquit, quondam Diis offerre soliti. Ecce tibi legem Radamantbi. Si quis, inquit, talia patitur, qualia fecit, poena iusta putanda est.

BOLESLAVS PVDICVS.

Anno ab orbe condito.

5190.

Anno à Christo nato.

1226.

Bella Conradi
ad Ska'am.
Ad Wroclaw
sum a ter con-
fictus.

Intorium (vt sic loquamur) regnum seu potiùs interregnum quindecim annos durauit. Quæ autem mala interuenerint interea, per annorum seriem enarrare magis commodum erit. Septem ferè annorum erat Boleslaus, cum est patre orbat⁹, ideo principatus eius gubernationem ad se rapiebant propinqui. Vnde bellum ciuile inter Henrichum Barbatum Wratislauensem, & Conradum Mazouium exarsit. Confectus fuit primus ad Skalam, in quo Conradi filius Præmissus cecidit, itaq; Conradus receptui iubet canere, & pro victo abijt. Secundus ad Wrocyrisum pagum. Sed & ibi profligatus Conradus, celsit ad syluas proximas, & inde Mazouiam. Paulò post Henrichum in villa Spitcouiensi diuinæ rei vacantem, capit. Sed Hedwigis Henrici pia coniux cum liberat, & parricidiale illud bellum sapientiâ componit. Henrichus tutela, & regni administratione se abdicauit, iureiurando interposito.

Moneta eudendi
di ficultas.

1228. Boleslaus Pudicus adoptatur à Wladislao Duce maioris Poloniae, quamquam incertum an à Lesconogo potiùs, vel Sputatore sic dicto, qui multas possessiones & illas prærogatiuas ecclesiæ Gnesnensi & Posnanienfi donauit. Vacationem nimirum omnium laborum, immunitatem pensionum, facultatem cudendi monetam, venandi in syluis. Ad hæc, ab omni quarumuis personarum præfectorum, Palatinorum, atque adeo ipsorum principum iurisdictione. De hac re D. Cromerus libro octauo.

Non ita multò post, cum Conradus Dux Mazouiae, &c. concedente & abdicante se Henrico, quemadmodum superiùs narrauimus, pro tutore & primatē se gerere cœpit, IVO EPISCOPVS CRACOVIENSIS siue Henrici voluntate, siue sua sponte, & metu odioque Conradi, cui aduersatus erat, sedulò profectus ad Pontificem maximum Gregorium eius nominis nonum, cum quo adolescens in Aca-

lescens in Academia Parisiensi coniunctè & familiariter vixerat, acceptusque ab eo Parisii honorificè, relaxationem per vim exacti iurisiurandi Henricho impetrauit. Et proxim⁹ iam erat pubertati Boleflaus & à Córado patruo alienus, in Henrichum prono studio pariter cum matre ferebatur: atque adeo iam iuris sui esse cupiebat. Hæc vbi ex obscuris indiciis & signis intellexit Conradus, Bolellaum vnà cum matre per speciem colloqui capit. Cirskumque quæ arx est in Mazouia, asportat, ac de necando puero cogitat. Deinde, mutata sententia, suasu Wladislai Sputatoris, & Marci Palatini Cracouiensis operâ, in Seciechouiense monasterium, quod in tractu Sedomiriensi supra Vistulam situm est, eos transtulit, & asseruari iussit. Thuronium & Colima Prusisæ vrbes primum fundantur à Cruciferis. Conradus Prusiam longè & latè igni vastat.

1234. Fratres Cruciferi cum Henricho Marchione Misnensi Pruthenos ad fidem compellunt. Et Gregorius Pontifex Polonos ad delendos Pruthenos instigat.

Circa hæc tempora Bolellaus Pudicus cum matre Grimaua, inebriatis & sopitis custodibus, effugerat: quem Henrich⁹ Wratisslauiensis reducit, Sedomiriensemque ei Palatinum attribuit. In loco vbi templum diui Andreæ est, munitionem castelli statuit Conradus, & arcem Cracouiensem obsidet.

Henrichus Barbatus maritus D. Hedugis, dum curam agit Boleflai Pudici, Opatouiam Lubussensi Episcopo donat, Borcumque, & Cazimirum. Iuonis Episcopi Cracouiensis de loco cum Laurentio Wratisslauiensi Episcopo, qui postea ex rosarum odore decessit, contentio exorta. Basilica Cracouiensis, fortuito incendio in turri, quæ ex testamento Iuonis plumbo tecta erat, excitato, conflagrauit, quâ Visslaus postea instaurauit, & aliam turrin excitauit.

1237. Fratres Gladiferi Liunionis cum fratribus Cruciferis Teutonicis vniti, Hermanus Balbi primus Liunionis Magister. Elblina etiam Prusisæ ædificata.

1238. Henrichus Barbatus rediens ab obsidione Gnesnensi Croisnæ grauiter ægrotare coepit. Nec multò post, hoc ipso anno diem clausit extremum. Cuius corpus ad Trebniensense monasterium ab Henricho filio, cui Pii cognomen, datum est. Nam Hedugis vxor in ipso monasterio degens, neque ægrotum visere, neq; mortui finus deducere, aut ei obuiam prodire voluit, ne quo rerum humanarum commercio animus eius à diuinis auocaretur. Quinetiam, cæteris viris iuxta ac mulieribus plangentibus & lamentantibus, sola moderatè coniunctissimi mariti mortem tulit, impium esse voluntati diuinæ aduersari sapius affirmans. Ac ne viuentem quidem, illum sæpe adiit, nisi fortè, vt egenis & iniuria affectis opitularetur. Com-

muni enim consensu totos ferè triginta annos disiuncti, & continentes vixere. Ex quo tempore Henrichus barbam promisit, atque inde Barbatus vocitatus est. Eodem anno dissidia inter Pontificem & Imperatorem Fridericum secundum arserunt. Pontifex voluit eum regno exuere, ille Cardinales, Episcopos, & Abbates, qui petebant Romam, itineribus præclusis, coepit, & alios mari immerfit, alios in carcere detinuit.

1239. Boleslaus Kunegundam Belæ filiam in uxorem ducit, puellam moribus & sanctimonia vitæ nobilem. Dos eius quadraginta millia marcarum fuit. Tali autem coniugio beatus Boleslaus, tamen primis nuptiarum diebus eam non attigit. Imò, confirmata religione, postea mutuo consensu ambo perpetuam vouere continentiam, hinc Boleslao Pudici nomen inditum fuit.

1240. Circa hæc tempora Ioannes Czapla Scholasticus Polocensis iuris peritus, Wratislauiensis atq; Ducalis Cancellarius, & moderator pueri Conradi, quasi aliquorum consiliorum conscius, à Conrado Mazouia Duce in patibulum actus vnà cum dominicano monacho. Excommunicat⁹ ab Archiepiscopo Gnesnensi, Louitium ei sempiterno iure donat, ea conditione adiecta, vt libram siue marcam auri Duci Mazouia eorum bonorum nomine quotannis penderet. Atque ita à Gregorio vndecimo absolutus est. Hoc eodem tempore diui Francisci Alsisiatis nouo tunc instituto viuentibus monachis coenobium Cracouiense à Boleslao Pudico fundatur. Per eadem tempora illa fatalis controuersia reuixit de dignitate Pontificali & potestate Imperatoria, inter Pontifices Romanos & Fridericum Imperatorem. Scripsit Petrus Vineam tum librum pro potestate Imperatoris, cui respondet Innocentius quartus. Lege Volater. post lites verborum etiam ad strepitum armorum recursus est. Nam factio Guelphorum pro Pontifice, Gibelinorum pro Imperatore sefe opponebat acriter.

1241. Tartarorum sexcenta millia, duce Bathi, in Poloniam, Russiamque venientes, vtramque regionem crudeliter vastabant, ciuitatibus villisque succensis, indeque captiuos educebant. Rex igitur Boleslaus, cum & Henrichus Dux maioris Poloniae, ceterique principes contra Tartaros vnanimiter progressi, proelium cum eis acre commiserunt. Iamque Tartarorum inclinabantur acies, sed quidam Vexillifer Barbarorum cum vexillo processit, in quo erat scripta græca littera tali modo X. superius verò in cuspide hastæ erat caput quoddam terribile infixum, arte magica confectum & efformatum, ore fumum vaporemque sordidum in Polonos euomens, quo velut peste quadam & incantationum infascinati, vires amiserunt. Sicque funditus à Tartaris, non secus atque à grandine segetes prostrati sunt.

Pugnæ huius

Pugna huius rationem & instructionem amborum exercituum qui volet scire, inueniet inferius in libello camppiductorię graphicę rem descriptam. Pugna hæc fuit acerrima: Nec incruenta Tartaris victoria cessit, ita ut fracti viribus pedem retulerint, nec ulterius progredi ausi sint. Atque ita fortitudine Polonorum ducum Germania defensa fuit, ut incolumis remaneret. Sicut olim Græcia à trecentis Lacedæmoniis aduersus exercitum Xerxis. Perit in eo proelio Henrichus Pius Hedugis & Barbatii filius: quem deductum ad alterum arcus iactum à loco conflictus, incondito clamore sublato Barbari capite plectunt. Corpus eius agnitum fuit ex sexto pedis digito. Nam caput fuit abscissum à Tartaris. Perit ibi & Magister Cruciferorum Prussiensium, & alii quàm plurimi.

1243. Boleslaus Pudicus rerum potitus, ex Hungaria, quò ob Tartarorum irruptionem fugerat, reuocatus eo anno. Ita enim Miechouiensis dicit: Quapropter vox & clamor tribulorum ascendit, quòd post miseras Tartarorum clades miserabilius & grauius à propriis opprimerentur, à Conradi videlicet exactoribus. Missique ex templo in Hungariam & Morauiam crebri nuncii, ut Boleslaum Pudicum quærerent quò afflicta patriæ subueniret, tanquam hæres, qui non est reuersus vsque anno Domini millesimo ducentesimo quadragesimo tertio, &c. Hedugis eodem anno moritur. Cromero sic referente: Altero post maritum anno obiit Hedugis, qui à Christo nato 1243. Septimo Idus octobris. Corpus eius, quod croceum, dum vixit, propter rationem victus duram atque tenuem, assiduaque ieiunia fuerat, post mortem insolito splendore coruscasse fertur, Deo perhibente testimonium sanctimonie, & pietatis eius.

1246. Daniel Rufforum dux filius Romani, qui ad Zaichostium perierat, à legato Apostolico coronatus, in sede Colomani Hungari sedet.

1248. Litviani victi à Cruciferis cum Mendaco eorum duce, qui postea rex creatus fuit. Et Curetes populi auxiliares pariter cum eis conciderunt. Eodem ferè anno Svvatopelcus Pomeranus ille Gryfius occisor Albi Lesci, Prussis se ducem adiunxit, & omnes Cruciferos potestate exuit. Hic etiam ut stabiliret suum principatum Bohemie principis filiam duxerat. Magister tunc prouincialis vel Marsalcus, ut illi vocant, Cruciferis præfuit. Eodem tempore Magdeburgum à Cruciferis arx in Prussia excitatur munitissima & admiratione digna, quanquam Annales Cruciferorum & Miechouiensis ad annum 1280. id referunt.

1247. Conradus Dux Mazouiorum proelium cum Boleslao ad Iarosinum commisit, in quo Boleslaus, & Sedomirienses in magna trepidatione erant. Mox prosequens victoriam Conradus Cracoui-

am ducit exercitum. Cumq; copiam pugnandi Boleslaus ei non dedisset, arcibus duabus excitatis, vna ad Thinec, alia ad Lelovv, domum reuertitur. Atque ita, cum multas turbas in vita sua excitasset, & bella non necessaria cum cognatis, extremum vitæ diem clausit. Hoc anno hic, vt dictum est, Cruciferos in suam & totius Poloniæ perniciem primus, animalia inquam, illa in iis terris nondum visa adduxerat, cum quibus quàm atrocia bella gesserit Loctie rex, Wladislaus Iagello, & Cazimirus postea dicitur.

1250. Guelphorum & Gibellinorum factiones, à Pisis initio facto, in singulis ferè vrbibus excitantur. Nam altera pars sequebatur Pontificem, altera Imperatorem. Ita magna laniena secuta est, sed hoc Chronicarii Germanici in annum 1238. reiciunt. Sensit & Polonia huius dissidii incommoda. Venerat enim legatus Pontificis Innocentii in Poloniam, habitaq; Synodo Wratislaviæ, imperavit Episcopis quintam partem reddituum dari Pontifici, quò iam debilitatas vires suas aduersus Fridericum Imperatorem inde confirmaret. Pro hac verò intempestiua humanitate, vt vocant, Polonorum relaxauit eis ieiunii magni vinculum. Nam, cum nouem hebdomadis, veteri Pontificum instituto, vulgò seruaretur (& à Russis hætenus seruatur) indulgit, vt esset deinceps hebdomadarum tantum sex & dimidiæ. Hinc natum est nomen, *Stary miesopust*, sicuti & nunc post reformatum anni cyclum vetus natale, & vetus Pascha vocatur, abscisis nimirum decem diebus currentis anni 1582. quo hæc accidit Calendarii reformatio.

Vetus quadragesima.

1252. Salinæ Bochnenses repertæ. Id beneficium Kingi vxori Boleslai pietatiq; eius acceptum referunt. Ex inde damna sarcit, quæ ei Tartari intulerant.

1252. Sacer Stanislaus inter diuos relatus, reclamante Hostiensis Cardinali, & in Fastis seu Martyrologio exinde connumeratur.

1255. Mindacus dux Litvvanix magno astu à Cruciferis persuasus, ad religionem Christianam perducitur. Cum enim armis ab eis esset attritus, vt etiam domesticis inuisus redderetur, ob nouam videlicet religionem, eum (si sic loqui fas est) in Christianisunt. Vt ita foris & intus conuulsis eius viribus, magis obnoxius eorum iniuriis redderetur. At non ita multò post, re animaduersa, ad sua idola resiliit. Meminit tamen historia, Litvvanos iam tum ante Iagellonem aliqua initia habuisse religionis. Iamque ante aliquot annis Episcopi Litvvanorum, Gerardus, inquam, & Vitus, in illa festiuitate aderant, quando D. Stanislaus in numerum sanctorum ascribendus promulgabatur, hoc est septuagesimo & quinto anno post eius mortem. Anno autem Christi 1253.

1556. Poloni Morauiam & Opoliensem terram vastant. Hageki errorem

geki errorem hîc nostri scriptores confutant. Vide D. Cromerum. Othocarus Bohemorum dux (nec dum enim diadema regium acceperat) Prussiam perdomuit. Tum Kinisberga, id est Regius mons ad finum maris Balthici excitatur, & à regis nomine, Othocari videlicet, sic est dictus. Detegit etiam hîc triplicem errorem D. Cromerus Æneæ Syluii, qui, ut captaret beneuolentiam apud Bohemos, fingit, contra consensum historicum, hunc Othocarum debellasse has regiones inter Bohemiam & Regium môtē. Secundò quòd dicit, ab eodem Tartaros debellatos. Tertiò, quòd asseuerat id suis viribus eum confecisse. Aut, inquit Cromerus, ostendat quando Bohemi eas terras amiserint, tunc credetur ei, quòd eas subiecerit. Sed si hoc non potest ostendere, neq; igitur eius narrationi relinquitur locus. Brandenburgū etiam in Prussia in memoriam Marchionis Brandenburgensis excitatum fuit sub idem tempus. Eodem seculo fit mentio oppugnati Raciŷy oppidi à Svvatopelco illo defettore, qui primus in eas regiones artificium inuexit veterum Romanorum, testudinis ex clypeis cōficiendæ, ut milites sub tali propugnaculo tutius possent versari, & mœnia aggredi atq; subire. Et hoc artificio in expugnando Naclo vsus est. Ibi ei exprobatum fuit defectionis illud scelus. Tum ex arce audita fuit vox, quæ ad aures eius vsque peruenit: Plures, inquit, adsunt, qui à fraudulentis victoribus pœnas expedituri sunt.

1257. Richardus rex Angliæ, rex Romanorum pronunciatus, priuilegium Teutonico ordini conficit. Hyacinthus etiam hoc tempore ab exilio huius vitæ in domum coelestem commigravit. Verba sunt historici. Eodem tempore Boleslaus Caluus excommunicatus, ob captum & ad subuculam vsq; exutum Thomam Episcopum Wratislauensem. Describunt hîc historici nostri modum cruciatæ emittendæ, hoc est diplomatis, qua cruce signatis permittitur reges ac duces vnâ cum eorum regnis diripere, sicut acciderat huic Boleslao Caluo. Ad hunc videlicet modum. Scripsit inquit, Pontifex maximus, Alexander quartus, ad Archiepiscopum Gnesnensem, ut coadiuratis Cruciferis Polonis, concitaret eos contra Boleslaum. Eodem modo traditur ad Magdeburgensem Archiepiscopum mandatum dedisse, ut à Germanicis quoque Cruciferis idem curet fieri. Ita Boleslaus Caluus distractus, dum in hanc & in illam partem oculos dirigit, à fratre per dolum capitur.

1258. Bella ciuilia in maiore Polonia inter duces, qui 24. tunc numerantur fuisse. Prædicatur Boleslai Pii, ducis Calisiensis audacia, quomodo cum aulico comitatu, exercitum magnum hostium dissipauit ad Opatkouicam. Extremis enim perturbatis & primos impellentibus, omnibus maior, quàm erat, visus est numerus copiarum. propterea

propterea quòd sylua lōgiorem prospectum adimebat, clamantium verò hominum amplio rem sonitum reddebat. Daniel etiam Russo- rum Dux arcem Lublinensem capit, & monasterium Zaichostense, ubi pater eius perierat diripit, Sedomiriam incendit, vnà cum Tartaris, quibus se ducem præbuerat. Cracouia ab eisdem incensa, ita vt Boleslaus iterum cogeretur profugere in Hungariam. Sed alii hanc Sedomiriæ incensionem in annum 1260. referunt. Ideo Sedomiriæ ad eum vsq; diem illa martyrum strages anniuersaria celebritate postridie Calendas Iunii magno populi cōcursu recolitur. Ita Daniel, se illa perfidia vltum esse cladem Romani patris, quam ad Zaichostiam acceperat, gloriabatur.

Daniel Romanus.

1260. In hoc etiam tempus nostri scriptores (quanquam in viginti annis circiter discrepant) Danielis Romanidis coronationem referunt. Dicuntque eum, postquam satiatus esset cædibus & effusionibus sanguinis Polonorum, quas Tartari passim ediderant, subiungassetque magna ex parte Rusiam Australem, spe erectum ab Opifone legato apostolico in Polonia tum agente per nuncios petiisse, vt sibi & successoribus suis titulum regium impetraret; ipsum verò sanctè promississe, se cum vniuersa gente sua ad Romanæ & ecclesiæ catholicæ societatem siue vnitatē accessurum, & christianas regiones aduersus Tartaros, qui iam ingentem formidinem omnibus principibus christianis incusserant, defensurum. Dissuadebat id Opifoni legato Predota episcopus Cracouiensis, & nonnulli alii, sed nihil profecerunt: obtinuit Daniel quod petebat. Sed quod contrà promiserat, non seruauit, quin potius fidei & iurisiurandi religionem violauit, & pristinæ religioni pertinaciùs postea adhæsit, christianos verò non modò non defendit, sed etiam cum Tartaris, pariter infestauit. Cum Litvvanis etiam contra nostram gentem sensit, eisque commilitauit. Cur autem Pontificibus vltra Poloniam tot reges creare in mentem venerit, nunc non disputo. Quidam dicunt, hac ratione voluisse eos sedis Romanæ maiestatem condecorare, tribus regibus simul adiectis præter eos, qui iamdudum regum nomine appellabantur. Alii dicunt hæc facta esse in barbam (vt vulgò loquuntur) Imperatoribus occidentalibus. Negabant enim Imperatores, Pontificem habere potestatem creandi reges. Contrà, Pontifices vt & re ipsa & verbis demonstrarent, sese & velle, & posse reges creare, tres breui tempore inaugurant, Haliciensem videlicet, Litvvanicum, Mindacum, & Polocensem Wladimirum; quorum nunc regna à rege Poloniæ tenentur, & in prouincias redacta sunt. Et, si multitudine regnorum gloriari liberet, vt plerique Monarchæ faciunt, certè Polono non deessent occasiones titulum suum augendi, & infarciendi regnorum nominibus, vt ita Rex quinque magnorum regnorum: Poloniæ nimirum,

animum, Lituaniæ, Haliciæ, Polociæ, Kiouiaq; diceretur. Cuncta enim hæc dominia à Pontificibus regiis titulis sunt cohonestata insignitaq; ceremoniis solennibus adhibitis, & priuilegiis ad id traditis. Sed quis tandem effectus fuerit multiplicationis tot regum, non est difficile cognitu. Barbaræ quidem gentes, Scythæ, inquam, & Turcæ, qui iam satis exasperati erant, ita ut istas regiones vastarent, & cateruatim sæpius se in eas infuderent, certè regum ista institutione non parum commoti sunt ad res nouandas. Timebant enim, ne istæ duæ res nouæ, nimirum cruce signatorum exercitus, qui orientem versus sæpe procedebant, & regum nouorum inauguratio aliquod ipsis exitium accelerarent.

*Principatus
Poloniæ quin-
que regna.*

*Malus exitus
consilij de au-
gendo numero
regum.*

Dixi, circa hæc tempora, quando videlicet differunt historici de clade Sendomiriensium & coronatione Danielis, discrepare inter se in 20. circiter annis. Quod accidit puto propter bella & turbulenta tempora illius ætatis. Vnde fit ut & historia eius æui plerisque in narrationibus erroris suspitione laboret. Conqueritur etiam hic domus amplissima Sienieniorum, Olesniciozum, Pozovviorum & aliorum, qui signo utuntur Debeno nominato, de Monachis sodalicii illius, qui vitæ institutum sequuntur cœnobij S. Crucis. Nam volentes historiam suæ societatis speciosiore magisque figuratam reddere, multa confinxerunt, quæ pugnant cum historia familiæ eorum, quam per manus à maioribus suis traditam accipere. Certum est autem, & pro confesso tenendum, Dembrotem, qui signum sanctæ Crucis reduxit, Polouucium fuisse; qui Polouucii ab illis Gothis Italiæ vastatoribus originem ducunt: habitasseque in eadem plaga Russiæ, ubi nunc est solitudo, & coloniæ nonnullæ ipsorum. Et credibile est, ideo ipsum ac Polouucios omnes Tartaros vocatos fuisse, non quod Tartari essent: sed quia cum Ducibus Russorum Leone & Romano, qui vindicaturi clades superiores venerant à Polonis acceptas, duces itineris Scythis in Poloniam se præbuerant. Inde, inquam, factum esse reor, ut per inuidiam Tartari vocarentur. Præsertim cum etiam in vicinia Tartariæ habitarent. Non minùs autem scitè, quàm verè, à Ptolomæo dictum est: Finis vnus rei participat de appellatione alterius. Quam ob causam, confinii videlicet ratione, Sarmatæ, atque etiam Germani interdum ab autoribus Scythæ appellantur, de qua figura sermonis luculentiùs libro primo huius operis à nobis disputatum est. Sed & aliæ coniecturæ non desunt, quib; docetur eadem res. Neque enim alioqui, si Dembrotes Tartarus seu Scythæ fuisset, signum sanctæ Crucis per eum remissum fuisset. Nam ad primum conspectum à Sendomiriensibus fuisset discerptus, & illi, qui cognatos suos nō ita pridem crudeliter ab eo trucidatos minerant, cupiditate vindictæ, sanguine eius suis parentassent: Sed

*Origo Dem-
brotum in-
ter quas se-
quentes Sie-
nienij habitāt.*

1 quia eum &

quia eum & generis Gothici antiquitas, & religionis vnitas, linguæ quæ Russicæ vsus cōmendabilem apud nostros, vt ipsius populares, reddebant, ideo hunc præ aliis idoneum putabant, qui tutò & commodè ad suos veluti contribules sacrum, istud signum ferre posset. Et virgo Adleida Debniades ideo in nuptias eius faciliùs consensit, quòd hominem suæ religionis esse, nec ita multum à se dissidere perceperat. Præterea (pace sodalitii illius dixerim) apparet hanc historiam minimè secum consentire. Nam si anno 1260. sub Boleslao Pudico, fuit crux relata, & rursus sub Cazimiro magno, anno 12. vbi latebát, demonstrata, quomodo ab eodem reportata & demonstrata credetur, quandoquidem prius tempus à posteriore propemodum 100. annis differt? Per quod temporis spatium tres reges intercesserant: Præmissus nimirum rex, Venceslaus Bohemus, & Wladislaus Loticus, & bona pars regiminis Cazimiri magni. Iam autem, cum Sendomiria vastaretur, dux cohortum nuncupatus est, & agmen ducebat. Ideo 40. aut paulo minus annos is tunc natus fuisse coniicitur. Sed coniectura hac omissa, ad institutum reuertamur.

Circa hæc tempora vrbs Cracouiensis iure Teutonico, quod & Sredense vocatur, vtī cœpit. Condonet lector, quòd breuiter & succinctè capita rerum enumeramus, neque enim nostrum propositum est ea, quæ alii prolixè tradiderunt, largiùs prosequi: satis est, quòd primam partem historię nostræ ab aliis neglectam tradidimus. Porro capita rerum in hac secunda parte tantum proponere sufficiat, vt saltem complementum historię habeat lector.

1260. Circa hæc tempora Michaël Palæologus Græcorum Imperator auxilio Guilelmi ducis Genuensium occupat Byzantium; inde inuasit imperium Orientis, Balduinumque cum Gallis expulit. Huius progenies Constantinopolim obtinuit annis ferè ducentis. Interim Bulgari, Rascii, Seruii, & aliæ gentes Slauonicæ suis parebant regibus, & Despotis. Et qui antea amici aut confœderati Constantinopolitanis erant, mox hostes facti, assiduus incursionibus Thraciam & Macedoniam infestant.

1263. Boleslaus Pudicus, cum videret Iazygas, gentem ferocem, sæpius ipsius terras infestare, regionem eorum, agmine composito semperque instructo, 22. mensis Iulii ingreditur. Sciebat enim, gentem indomitam, atque aut mori, aut vincere animo obfirmatam, ad pugnam quamuis iniquissimam accursuram. Nec eum opinio fefellit. Nam statim, illucescente sole, vbi se nostri in conspectum eis obtulerunt, magna alacritate ad eos contendunt. Producit Boleslaus suos in aciem; Concurritur infestis armis. Cumque aliquot horis Marte dubio pugnatum esset, tandem instantibus nostris, ad paucos rediguntur Barbari, ducemque ipsum Cunhatum inter primos pugnantem amittunt,

tem amittunt, & tamen pedem non referunt. Ita fortiter dimicantes occidione occisi sunt, & qui remanserant ex militari ordine, religionem Christianam, capitali poena proposita, suscipere sunt coacti. Tametsi autem de Iazygum origine plerique hæsitant, tamen Sarmatas fuisse nemini dubium est; Sarmaticaque lingua eos locutos, vel inde euinci potest, quòd hætenus tam hi, qui in Podlasia habitant, quàm illi, qui ad Tibiscum in Hungaria hætenus manent, lingua Slauonica, licet paulo difficiliore, quàm Russi, vtuntur. Et hic dux eorum, Cunhatus de quo modò diximus, nomen prorsus Russicum habuit. De iis autem quum iam aliquoties dixerimus, superuacaneum est de iisdem luculentius differere. Tapia eodem anno in Prussia excitatur.

Iazygum origo.

1263. Ecclesiam parochialem Mariæ Magdalene Posnaniæ fundatam Miechouiensis tradit.

1264. Monasterium in Brzescie Cuiaviensi fundatur.

1264. Russi & Tartari fusi & profligati à Polonis ad Pietã campum. Dux autem Russorum erat Suarno. Nam Daniel Romanides paulò ante mortuus erat, licet Miechouiensis mortem, eius in annum 1266. referat. Victoria hæc accidit Iunii mense eadem die, quæ antea ad Zaichostiam à nostris prosperè pugnatum fuerat. Res primò eminus scorpionibus, & arcubus gerebatur, sed dum Scythæ in eo genere pugnae exercitatos se declarant, inuehuntur nostri in acies eorum, & cominus hastis atque gladius res geritur. Referunt pedem hostes; instant nostri. Nitebatur Suarno restituere suorum aciem, sed, cum nihil ageret, in fugam se coniicit, atq; ita vniuersa acies hostium conuertitur, & mutuo sese impellit & impedit: Ita nostri plena potiuntur victoria. Existimatum est tum piis precibus principis Boleslai, & religiosæ coniugis Kunegundis, impetratam fuisse illam victoriam, magis quàm humanis viribus, cum numero hostes quadruplò nostros excederent. Nam certò narratur, Kingi Reginae attitisse tum duos candidatos angelos, qui futuri belli euentum ei prædixerint. Vnde videre licet, vt iam aliquoties dictum est, regna primordialia magis peculiari cura tutelaque à Deo cœlitus defendi, quàm ea, quæ proximis seculis suppullulasse creduntur. Numerantur autem iuxta Mosem à Lyrano 73. vt sunt Iberorum, Celtarum, Tuiscorum, Sarmatarum, & consimilia.

1264. Hoc anno Cometes dirus & Luridus arsit, in occasum sese porrigens, durauitque tres menses, quo etiam tempore Urbanus Papa, vt Miechouiensis refert, festiuitatem corporis Christi instituit. Eodem tempore Boleslaus Dux Calisiensis, atauus Cazimiri Magni priuilegia & libertates indulsit Iudæis, quas scriptores historiæ Polonicæ & Priluzius, vt legibus contrarias, reprehendunt. Quod cum ego senioribus Iudæorum aliquoties obicerem; ad hunc mo-

dum responderunt: Si hæc ita se haberent, vt Prilufius dicit, certè nos non tuliffent reges, non modò per hosce trecentos annos, sed ne per tres menses quidem. Adieceruntque, se habere confirmationes fuarum libertatum & priuilegiorum non solùm à regibus Poloniae, qui ordine alter post alterum vixerunt, sed etiam ab Imperatoribus, ipsisque denique summis Pontificibus Romanis, quorum exemplo Dux Boleslaus maioris Poloniae & Cazimirus Magnus, cæteriç; Reges easdem confirmarunt, corroboraruntque.

Quinta expeditio.

1263. Dux Brusfingæ, & Margrauius Morauie cum filio, & Landgrauius Turingie magnam vim militum contra Prussos adduxerunt, vt ulciscerentur mortem Helmerici Magistri, quem in Lubusouensi terra cum exercitu ferè occisione occiderant. Superiore autem anno Wilauum arcem, à Regio monte triginta millibus passuum sitam, Lituani, adhibitis variis bellicis machinis, magna contentione oppugnant.

1266. Predota Episcopus Cracouiensis mortuus est.

1266. Arcem Cracouiensem, totum montem complectendo, Boleslaus Pudicus restaurat. Circa eadem tempora Salome Haliciensis Regina, Boleslai Pudici soror, vxor verò Colomani in Zaichofstienfi monasterio vixit, deinde in Skalensi vitam exegit. Funus eius Cracouiam ad D. Francisci templum illatum est.

Sexta expeditio.

1266. Nec minus etiam celebris fuit Ottobocari regis Bobemie expeditio in Prusiam hoc anno. Erant enim in illo exercitu Poloni, Bohemi, Syllesii. Sed & Rusi eodem tempore Nadrouitas, & Scalouitas, annis 60. ante aduentum Marianorum, ex veteribus ipsorum sedibus, vbi est nunc Ragenta, eijcere contendunt. Cumq; isti arctiore obsidione in arce quadam premerentur, interrogati, quonam pacto inedia tam diu sustinerent: responderunt se viuarium quoddam in area arcis habere, quod illis piscium copiam suppeditet. Subiungit Dursburchius historie illius scriptor atque exclamans: Mirum est, inquit. Cum gentiles possessores illius arcis essent, viuarium illud tantam copiam piscium illis affatim producebat, nunc postquam Christiani potiuntur isto loco, tantum ranis illud viuarium scatet. Sed tandem inquit, iudicia Dei sunt inperuestigabilia. Demonstrauius autem in chorographia nostra, illius regionis antiquissimos fuisse possessores Slauinos, ideo etiã nunc Slauonia illa prouincia vocatur, vnde & Ptolomæus Venedicum sinum mare illud appellat. Ideo à Nadrouitis Prussis Russorum Principes tam enixè eam

tam enixè eam vindicare contendunt. Hoc tempore etiam Regiomontana arx fuit excitata, & ad conseruandam memoriam huius expeditionis Ottobocari regis Bobemiæ Mons regius est vocata. Hoc quoque tempore apud Lituanos regnabat Troinata, qui Mondocum patrem una cum duobus filiis Rukla & Repikascba auxilio Doumantis iugulauerat. Sed & ipse non ita multò post à Woysilkone comprehensus in venatione excarnificatus fuit. Fuit Woysilko filius etiam Mondoci, sed monasticam vitam professus in Vronscensi monasterio ad Pinsko priuatim vitam religiosam ducebat. Hunc proceres Lituani diu renuentem cunctantemq; precibus & inuitationibus sollicitantes, ad gubernacula Reipub. suæ, in tanta rerum perturbatione, euocauerant. Kiernonieq; solenni ceremonia inaugurauerant. Euectus ad eam dignitatem, nihilotenus voti sui memor, vestem ritalem monasticam seu cucullum supra Ducalem habitum superinduebat: Sed hunc non ita multò post, Leo Dux Rusorum per speciem comitialium consultationum ad interiora Rusiæ, Wladimiriam illam vicinam nobis in Volibnia, euocatum post conuiuium quoddam manu sua interfecit. Iam enim à conuiuium Leo & reliqui conuiuæ Duces ad sua diuersoria abierant, cum mora parua interiecta, Leo ad curiam Woysilkonis rediens in cubili dormientem excitat, & quasi adhuc comesatiunculæ indulgere volens, elicere conatur. Bibemus adhuc Kumie, sic enim Rusi affines suos blandiusculè vocitare solent. at ubi non pareret ille, euaginato acinace, caput eius dissecuit, ita ut cerebro paries proximus aspergeretur. Ita Woysilko miserabili morte vitam, simulq; posteritatem perfidi Mendoci patris, adeoq; stirpis antiquæ Centamorum ab insignibus auitis dictæ finiuit: continuataq; tamdiu successio in principatu, in aliam familiam Columnarum dictam, electo Vitbene, & sede ducali Nouogrodiam translata, isto tempore transiit. Delati ad commemorationem istarum duarum familiarum celeberrimarum Litanorum, paucula hîc, historicos Lituanicos submonituri, adiciemus. Germani scriptores viri eruditi, & in historica lectione versati, Columnarum, Vrsinorum, Scaligerorum, & aliorum consimilium familias à Germanis non à Romanis reteribus deriuant: Romanos quidem esse fatentur, sed posterioribus temporibus ab Imperatoribus Germanicis Romæ collocatos iusq; ciuitatis adeptos, in eum finem, ut isthîc manentes, tanquam Imperatorum clientes, & alumni (nam redditibus certis & portorijs ab iisdem aucti erant) auctoritatem ipsorum aduersus indignationem Pontificum, si quando oboriretur, tuerentur. Hac igitur ratione familiæ Lituaniæ Columnarum & Centamorum à Romanis originem suam trahere potuerunt.

Woysilko interfectus crudeliter.

Origo Columnarum Vrsinorum.

runt: Sed hæc transmigratio vt longè posterioribus temporibus acciderit, necesse est. quando nimirum Guelphorum, & Gibellinorum factiones extiterunt & per Italiam Germaniamq; sunt sparsæ. Ex prædictis igitur causis & per prædictam occasionem has gentes ex Germania in Italiam traductas fuisse tradunt. Neque hoc absurdum videri potest. Nam rerum Romanarum antiquiores scriptores Columnarum ac Vrsinorum nullam mentionem faciunt. Fieri autem potest, vt cum Cruciferis, qui expeditionibus frequentibus, terra mariq; viam ex Italia septentrionem versus aperuerunt, & ab vrbe Roma veteri ad Romam nouam, ad litus Balticum sitam (sic enim portus ille Curlandicus ad imitationem comparationis Romæ Romulæ cum Roma Constantino-politana, quæ etiam *viâ sâm* vocabatur, antiquitus nominatus est, & ibidem Pontifex etiam gentilis, Kriuei Kriueto dictus, sedem suam habuit primariam) huc aduenerint. qui demum insinuantes se in amicitiam Lttuanorum, primò socij, demum & domini gentis esse cœperunt. Hanc verisimiliorem originem Columnarum Lituanicorum esse puto. Nam et Dorsprungij nomen & Prosperi magis est cognatum sono Germanicis nominibus, quàm Italicis. De Libone Nauarcho Pompeij speciosior narratio videtur. Sed ego de rebus vetustis iudicium hîc cuius suum relinquo, meliora adferentibus subscribam & cedam.

1268. Suatopelcus decrepitus iam, mortuus est, & recordatus defectionis suæ, moriturus filiis mandat, vt Polonos duces omni ratione & beneuolentia sibi deuinciant. quod quia postea obliti sunt facere, magnis se calamitatibus implicarunt.

1270. Ludonicus Von Balderhem Magister prouincialis Prusis (erant enim alij Generales) vnâ cum Liunionæ Magistro Plescouiam obsidet, & Russos ad faciendam pacem cogit.

1271. Paulus Episcopus Cracouiensis ob raptum sacratæ virginis ex Skalensi monasterio, qua abusus esse fertur, Syradiam iussu vel permissu Boleslai ab Othone & Zegota iuuenibus Toporum familia ortis, deportatur, ibique mensem vnum seruatur. Hic diuinitus quadam die de coelo ob sua scelera increpitus fertur huiusmodi verbis: Væ tibi Paule Episcope. Rursus ferunt, talibus dictis eum in cubiculo compellatum: Ne timeas paule Episcope, age quod lubet, septimo deinde anno morieris.

1273. Boleslai victoria contra defectores in hunc annum incidit. Huius belli concitator fuisse fertur idem Paulus Episcopus. Ipse tamen Boleslaus non prorsus immunis à culpa fuisse fertur. Nimirum, quod indulgentia quadam calumnias in iudiciis regnare pateretur; quibus etiam hætenus impunè laborant Causidici nostri seculi. Neque prorsus incorruptus iudex fuisse ferebatur: onerosus item nobilitati

Paulus Episcopus
Cracouiensis
fuit.

nobilitati propter crebras venationes. Nam tunc ferunt adhuc nobiles subuectiones præbuisse principibus. Itaque mutatione plerique principis, nouoque domino creato, sperabant se liberatum iri istis malis. Paulus tamen autor fuit conuenticulorum aduersus Principes, semina iaciendo futuri belli.

1279. Hoc anno Boleslaus Pudicus ad quartum Idus Decembris fatis concessit. Cracouiæ apud diuum Franciscum, quod monasterium ipse condiderat, sepultus est in choro templi à sinistra parte. In cuius sepulchro tale epitaphium legitur. ANNO DOMINI MCCXX. OBIIT ILLUSTRISSIMVS PRINCEPS ET DOMINVS BOLESLAVS CRACOVIENSIS, &c. Sed inscriptio tempore variat à calculo chronologorum nostrorum. Benignus & religiosus Princeps fuit. Cuius illa extant in Cracouiensem Episcopum, & ecclesiam memorabilia beneficia, quibus sacerdotes, eorumque adscripticios ab omnibus pensionibus & teloniis liberauit. Ab omni item iurisdictione magistratuum suarumque ipsius exemit (quod ab Archiepiscopo etiam quodam effectum fuisse supra meminimus) Episcopumque omnino Ducali iure in bonis suis esse voluit. Adhæc po-
testatem fecit Canonicis Cracouiensibus senos ex nobilitate aut duodenos ex plebe quos vellent ab expeditione bellica eximendi. Condidit etiam sancti Marci monasterium Cracouiæ. Ciuitatē Cracouiensem iure Saxonico siue Magdeburgensi, quod etiam Sredense & Teutonicum vocatur, vti iussit, constituitque. Quinquaginta duos annos post mortem patris Kinga vxor virgo permansit, mortemque mariti moderatè tulit. Distractisque cunctis facultatibus in usus egenorum, diui Francisci professioni & instituto vitæ sese addixit. Postremò Sædeciam cominigravit, ibique reliquum tempus vitæ in monasterio peregit. Non multò post Pudicum mortuus est Boleslaus Caluus Legnicensium Dux Rogatka dictus.

*Epitaphium
Boleslai.*

*Immunitas
Cleri.*

*A bellica expedicione tunc
primū clerici
exemptus.*

S. Marci monasterium.

*Kinga Regina
& Ducissa.*

De origine Ducum & Archiducum Austriæ.

Rudolphus Albertum filium Augustæ Vindelicorum, in cōuentu principum Austriæ, Styriæ, Carinthiæ & Carniolæ ducem appellauit. A quo originem duxerunt ii, qui deinceps illis regionibus præfuerunt vsque ad nostra tempora, & Carolum Quintum Imperatorem, Hispanorum, Siculorum, Neapolitanorumque regem, ac Ferdinandum Cæsarem, regem Romanorum, Hungarorum, & Bohemorum, fratres germanos, ac liberos eorum inclytos.

ANNALIVM POLO.
LESCVS NIGER.

Anno ab orbe condito
Anno Christi.

5345.
1279.

*Prælium Goz
license.*

SVccessorem Boleslaus accepit Lescum Nigrum Siradiensem Ducem. Hunc enim viuis adoptauerat: præterea ex fratris patruele nepos ei fuit. Patri igitur adoptiuo Lescus iustis persolutis, nemine ex cognatis aduersante, rerum potitur. Inter extraneos Rusi primùm duce Leone Danielis filio & Romani illius Haliciensium nepote, adiunctis sibi Tartaris, primò Lituaniam, deinde & Poloniam aggrediuntur. Cum istis Palatini duo ad Goslic pagum altero à Sendomiria milliario temerè quidem, ut qui multò pauciores, sed tamen euentu prospero concurrunt, cōmisso quæ prælio, tertia die Februarii eos fuderunt. Nam, cæsis primis, magna trepidatio cæteros inuasit. Sic, abiectis armis, terga verterunt. Cæsa feruntur in eo prælio hostium octo millia, capta duo, militaria signa septem. Nostri victoria potiti, mox Rusiam vastant vsque Leopolum. quæ vrbs ab hoc duce conditore nomen tunc accepisse dicitur.

1281. Bellum cum HENRICO Wratisslaviensi nomine tantum & non re ipsa, Probo dicto, ob Duces tres captos. Quo anno etiam Siculi Gallos vna hora, dato campanæ ad vespertas signo, per omnes vrbes ex composito trucidant. Hinc in prouerbum abiit: Si culæ vespere.

1282. Ius tum Lescus dicebat Cracouiæ, cum audisset Lituanos & Iazygas subita excursione Lublinensium regionem tripartito agmine depopulari. Itaque sepositis omnibus negotiis, armis correptis, magnis itineribus ad eos contendit. Sed hostes iam præda onusti recesserant. Itaque cum lassus animo angeretur, sopore eum inuadente, diuinitus consolatur à quodam, qui speciem diui Michaëlis referebat, in somno ei apparente: qui ei sponsonem certæ victoriæ faciebat, si non desisteret, & persequeretur hostem. Paruit ille: Nam, cum somnium hoc militibus manè exposuisset, dici non potest, quàm eos alacres ad persequendos hostes reddiderit. Itaque cum recentibus hostium vestigiis insisteret, 13. Octobris ad Naruam & Nemen flumina eos consequitur. Perculsi aliquo modo metu, cum se iam euasisse sperarent; Sed tandem ad arma ventum, Iazygibus arma arma acclamantibus. Modum pugnae & instructionem exercitus habes à me in libello Campiductoriæ expressum. In summa, victoria nostri potiti sunt gloriosa. Nam & canes nostratium, quos secum iam ducebant Barbari, ut letiore vlulatu nostris quodammodo gratulabatur: sic fauis morsibus Barbaros ipsos impetebant. In eo prælio reliquæ Iazygum equestris ordinis, qui à suscepta religione defece-
rant, penitus

rant penitus extinctæ sunt & deletæ. Lescus victor in Poloniam rediens diuo Michaëli, qui sibi in somnis victoriæ spem fecerat, Lublini templum eius rei mnemosynon condidit.

Septima expeditio.

Tunc Liuonici Ensi feri totis viribus suum robur in vnum conferentes Lituaniam ingressi, cum Doumante prælium acerrimum committunt in campis Vidriminscijs Gedrociorum, duobus milliarijs à stagno nobili Kiamento dicto. Ibi robur Liuonum concidit, totusq; illorum exercitus deletus est. Vnde campus ille hætenus Caulis vocatur, quod significat ^{campus Can-}bellum lingua Lituanica. Inueniuntur illuc hætenus à colonis ^{fra} fragmenta framearū, sagittarum, & pili hastarum. Celebratur etiamnum ab agrestibus cantiunculis hic Doumantes, qui tandem seditione, ciuiliūq; bellorum incommodis patria extorris & extrusus ad Plešcouienses profugit, à quibus etiam in Principem fuit electus. Hic primum Plešcouiā muris cingere cœpit. Vnde Plešcouienses Moschi quandam suorum mœniorum partem, parietem Doumantis hætenus vocant. Sed quia ambiens principatum Lituanicum ad necandum Troidenum Ducem subornauerat rusticos, qui redeuntem à balneis nihilq; tale suspicantem fustibus interemerunt, ideo à Laurasio filio eius prælio victus, & trucidatus est. Fuit igitur Laurasius filius Troideni Reguli Lituanorum, qui, vanitate gloriæ huius mundi spreta, in monasterium sese abdiderat. Sed ob cædem patris grauissimè commotus, cucullo abiecto ad tempus, & correptis armis Doumantem persequutus est, exercitūq; eius fuso, eum interemit. Postea, ubi iræ suæ satisfecisset, ad institutum regulæ rediit, designato in locum suum Lituaniæ principe Vithene. Ab hoc se libertates accepisse, gloriatur Lituania. Sed forsā mala fide à principibus, qui Laurasio successerunt, seruatæ, aut ab ipsis met negligenter curatæ & defensæ sunt. Vsq; enim ad Cazimirum Poloniæ regem & forsā ad Augustum, ingemiscebant conquerentes, se oppressos seruitute, populi Lituaniæ. Hæc per modum compendij cuiusdam de rebus Lituanorum percurruntur.

1283. Suetopelcidæ Duces Pomeranorum Cruciferis sua donarunt. At donationes illas legatus Pontificius Philippus Episcopus Firmianus, qui tum ex Hungaria malè ibi tractatus venerat, rescidit. Gneuenſe tamen territorium eis concessit; in quo mox arcem condiderunt, præsidioq; firmarunt. Eodem anno Lescus præliatus est cum Lituani ad Lukouiam, qui tum Sedomirſensem agrum vastabant. Laudatur hic pietas Lesci, qui initurus prælium, suos milites ad humiliandum se Deo cohortabatur, & sacrosanctæ Eucharistiæ vsu, pec-

*Donationum
rescindendi ius
penes legatum
Pontificis.*

m catorumque

catorumq; confessione se communire iubebat. Addidit & cohortatoriam orationem, qua eis ob oculos posuit, honestissimum esse pro patria mori, gloria, quam vitæ, bonos fortesque viros cupidiores esse debere. Irent ergo alacres, cæsorū hostium sanguine suis parentarent, & captiuos opem lachrymis & eiulationib⁹ implorantes liberarent. Instructionis huius hypotyposim in Campiductoriæ meæ libello reperies. Apparuit hinc summa fortitudo nostrorū hominum qui, quasi firmo muro obiecto, denso agmine acies hostium disiecerunt. Post debellatos hostes in Paulum illum Episcopum Cracouiensem animaduersum est, qui captus, in Syradiam iterum à satellitibus est deportatus. Creditum est enim, eum memorē prioris captiuitatis, quum apud Lescum detineretur, per quosdam nobiles ex Sedomiriensibus Lituanos ad illas incursiones Poloniæ concitasse. Magnas enim necessitudines & clientellas habuit Paulus in tractu Sedomiriensi; quibus confusus semper rebus nouandis studebat. Illo ipso

*Lucardis mors
miserabilis.*

tempore Lucardis mors condolenda, vxoris Præmisli maioris Poloniæ Ducis, accidisse fertur; quæ à pedisequis suis iugulata fuit. Nec expers huius culpæ Præmislus est habitus; eò quod ne quæstionem quidem de scelere habuisset, nec poenas exegisset. Vulgari igitur carmine notatus est, quod carmen sua ætate Dlugossus vulgò cantari solitum esse memorat. In hac elegia, vel cantico, oratio Lucardis miserabilis expressa fuit, quæ maritum pro coniugali amore & honore, quem illi semper habuisset, supplex orabat, ne vitam sibi adimeret, sed vel vna subucula tectam in domum paternam remittat. Causa verò huius parricidii Præmislo ea fuisse fertur, quod nullos ex ea susciperet liberos. Sed non inultum id scelus tulit Præmislus. Nam etiam post secundas nuptias prorsus absque mascula prole decessit. Erat illud seculum corruptum, & Principes plerique illicitis libidinibus dediti erant. Narratur ferè per idem tempus, Alberti Comitis Turingiæ, cum insigni eius vxoris calamitate ac miseria exemplum damnatæ libidinis. Duxerat iste Margaretam Friderici secundi Imperatoris filiam, ex qua duos filios susceperat, Fridericum & Ticemanum generosissimæ indolis adolescentes. Sed ea nō contentus, exarsit amore pellicis tanto, vt etiam vitæ coniugis insidias strueret. De quibus illa certissimis indiciis edocta, vt cederet furoribus & scelerari mariti, & vitæ consuleret, hortantibus amicis prudentibus ac fidelibus, consilium de fuga coepit. Ostenditur adhuc locus in arce Isenacensi, vbi non est alta magnitudo à scopulo extra arcem & fenestram ex qua domina cum quinque comitibus demissa fuit. Nocte cum migratura esset, priusquam à filiis discederet, assidebat ad lectulos, & calamitatē suam deplorabat. cumq; consiliarius senex & matronæ eam comitantes & hortarentur, vt properaret; tandem valedictura filiis auellebatur

auellebatur inuita, quod eorum pericula sciret non leuiora suis, Friederichum natu maiorem, lachrymis & eiulatu, materni doloris magnitudinem ostendens, osculis crebris complexa, postremò mirabili motu genam eius mordicus prehendit ac læsit. Vulneris cicatricem Princeps quoad vixit, retinuit, & cognomētum inde Admorfi consecutus est. Mater tandem Francofortum euasit, vbi in monasterio virginum commorata, ne procul à filiis abesset, post paucos annos mortua est. In istud etiam tempus miserandus casus Episcopi Wratislauiensis refertur, cuius causā hæc fuit: Imperauerat quandam contributionem ordini ecclesiastico Henrichus Pius Wratislauiensis, quæ cum non daretur, ille bonā episcopalia occupat, ob quam causam ab Archiepiscopo Svinka Gnesnensi excōmunicatur. Et quia excōmunicatio secum trahebat interdictionem à sacris, & cerimonia religionis plebi adempta & sublata, murmur, odia, & querelæ excitantur. itaque ille vt istum Gordianum nodum semel præcideret, iratus Episcopum & Sacerdotes omnes ditione sua eiecit, ne scilicet vulgus dum ociosos Sacerdotes perambulantes videret per urbem nec sacra peragentes, aspectu eorum magis ad detrahendum ei irritaretur, studiaque in contraria vt fieri solet, scinderetur. Perlata hæc res fuit vsque ad consilium Lugdunense. sed iam prius aures patrum falsis criminationibus Henrichus per legatos occupauerat. Itaque Thomas in quintum vsq; annum exilium perfert apud Ratiboriensem ducem à quo honestè habitus fuit. sed & Ratiboriensem ducem bello eam ob causam Henrichus persequitur, agrosq; eius diripit, nil quæ omittit, quod ab irato hoste in eo casu fieri solet. Cum igitur obsidione aliquātulum Ratiboriensis premeretur, ne aliqua sibi maiora incommoda ab Henricho accerferet, ipsemet Episcopus indutus Pontificia veste, cum Sacerdotibus ad Henrichum prodit. Attonitus Henrichus, & quasi numine afflatus de papilione exiliit, & obuiam profiliens ad pedes Episcopi sese abiecit. consecuta est demum reconciliatio. Nam animo ita compunctus erat Henrichus, vt etiam Wratislauiam ipsam urbem cum territorio sempiterno iure ecclesiæ, & ipsi donaret: sed Episcopus pius eam donationem abnuitt & refutauit. Deus tam prudentes & mansuetos procul à maleuolentia Episcopos huic seculo deprauato largiatur. In minore autem Polonia Paulus telam, quam texere cœperat in perniciem Lesci, perfecit. Ita enim ei odia & pericula procreauerat, vt etiam ægrè se Cracouiæ cum vxore sustentaret & defenderet, cunctis contra eum insurgentibus. Nam & ii qui ei fauebant, quique in comitatu eius aulico fuerant, ab eo se subducebant, veriti ne sibi fraudi esset, à publico vniuersi conuentus consensu, qui contra Lescum agitabat consilia, dissidere. Cracouia sola tum in fide Lesci permansit. ipse cum vxore

*Exemplum
irati principis
erga Episcopum.*

*Episcopi mansuetudo qua
fregit pertinaciam Principis.*

*Fides Cracovi-
ensium in Les-
cum.*

*Calamitates
que precesse-
runt Lesci mor-
tem.*

Lesci mors.

in Hungariam profugerat. Requiriti tandem Cracouienses à cunctis ordinibus, responderunt, Non licere sibi iusiurandum Lesco semel datum violare. Gratus fuit postea Lescus & memor tantæ benevolentiae, quam in duriori fortuna à Cracouiensibus expertus est. Ideo Teutonibus solis regimen urbis tunc attribuit, habitu quoq; & cultu corporis cum eis conformato, ostendens quanti eos faceret. Hac anno 1285. gesta sunt. Ac re semel in deterius vergente multæ calamitates tum in Poloniam & Poloniae principem Lescum coniurasse videbantur. Gostinum à Cazimiro surreptum, Ploscum à Wladislao interceptum, & Sochaczouia. Prussia tum vermes caudis cancerorum consimiles produxerat, qui, quoscunque aculeo pupugissent, intra tertium diem exstinguebant. Dobrinum à Prussis incensum. Mazouia Cirnensis à Lesco vastata. Tartari Poloniam depopulatur, à quibus Cracouia ægrè sese defendit. Syradienses fusi & præda exuti à Mazouiis, contra Mazoura à Syradiensibus. Tartari tum Sædecensi monasterio, pauore, vt creditum est, diuinitus perculsi parserunt. Tanta autem tum præda è Polonia à Tartaris abacta esse dicitur, vt, cum cam apud Wladimiriam recognosceret & partirentur inter se, vnum & viginti millia innuptarum puellarum censa esse dicantur. Lescus igitur his aduersis rebus & suggillationibus hominum afflictus ex mœrore & angore animi in morbum incidit, quo tanquam igne deustus & tabefactus vltima die Septembris vita hac misera defunctus, & in templo sanctæ Trinitatis apud sodales Dominicanos honorificè sepultus est. Cui epitaphium tale est inscriptum. HIC SEPULTVS LESCO NIGER DVX CRACOVIENSIS ET SEDOMIRIENSIS, QVI DIEBV SITÆ SVÆ HVNC LOCVM ORNAVIT. OBIIT ANNO MCCCLXXXVIII. Bonus & frugi princeps fuit, si vltima prioribus respondissent. Donauit hic Episcopo Cracouiensi iure sempiterno decimam de omnib; metallis in cuiuscunq; solo reperirentur.

INTERREGNUM.

*Intestina &
socialia bella.*

Orbata tunc Polonia legitimis dominis erat, cuius principatus in medium positus erat; quem alii ambiebant iure cognationis, vt Wladislaus Locticus frater Germanus Nigri; alii gratia populari, vt Boleslaus Plocensis; alii & potentia, vt Henrichus Wratisslauiensis; qui omissa Bohemia, ad cuius principatum procerum, quorundam conspiratione contra Venceslaum inita, inuitabatur, clam accersitus à ciuib; Cracouiensibus cum iusto exercitu aduenit. Venienti ciues, inter quos lanii maximè pollebant potentia, portam urbis aperunt. Quod vbi Boleslaus reseruit, Cracouia se, nequicquam eum retinentibus proceribus, proripuit. Wladislaus verò Locticus apud Syradienses

radienses quiescebat. sed cum videret quemque pro se agere, indignum putans alienum fratri suo Lesco successorem in principem queri, exercitum cogit, & ad Seueriam oppidum ad quartum Calendas Martias cum Henrici copiis signa confert. Occurrit tum ipse Henrichus. sed Opoliensis suis copiis alium ducem copiarum præfecerat. Committitur itaq; prælium multis vtrunque cadentibus. sed Wladislaus victor euasit, Opoliensisque saucius ab eo captus est. Victor Cracouiam profectus apertis portis omnium consensu & acclamati-
one renunciatur, plerisque equitibus fidem eius sequentibus. Sed & hic non diu principatum retinuit. Henrichus enim minimè deiectus Seueriensi clade, nihil ad celeritatem reliqui sibi faciens, nocte intempesta Cracouiam accessit, eamque in potestatem redegit. At Wladislaus inopinato tumultu perculsus, cum neque numerum, neque genus hostium exploratum haberet, prodicionem metuens ad Franciscanos sodales se recepit; vbi suos passim per vicos palantes cædi & se quæri audiens, sumpto monachi habitu, de muro à Franciscanis demissus euasit. Grassatum est deinde per urbem in eius familiares. Interim Wratislauiensium mortuo, Wladislaus ad recuperanda amissa ianua patefacta est; nisi Gryphina Lesci Nigri vxor conatus eius elisisset. Nam hæc de sua dote sollicita, ius suum principatumque Poloniae, confectis ad id diplomatis Venceslao Bohemiae donat. qui cupidus proferendi Imperii cum exercitu in Poloniam ad eundem possessionis gratia misit. Cui Præmissus, deducto præsidio, Cracouiam tradidit. Videbat enim cum acri hoste ipsi impendere inimicitias. Ne igitur duplici bello pariter distineretur, validiorem hostem ei obiecit. Bohemus igitur, Cracouia accepta, Sedomiriam pergit, & in itinere Oblescomum arcem prope Vistulam sitam, vi capit. Ad Sedomiriam ubi venit, à Wladislaus, multis casis, & plurimis vulneratis, repulsus est. Itaque Gryphina secum abducta, veritus ne sententiam mutaret, in Bohemiam abiit. At Wladislaus re ad Sedomiriam ex animi sententia gesta erectus, Wisliciam deiecto hoste, nullo negotio recuperat. Inde Cracouiam populabundus pergit.

*Lofficus a' so
da'es Franci-
scanos.*

Octaua & nona expeditio.

1290. Commemorari hinc possent infinita particularia bella Cruciferorum, & vastationes certaminaq; terrestria, naualia & glacialia cum istis gentibus. Multos mortales hæc absumpserunt, adeo ut pro maxima & stupenda expeditione censerent possent. Vithenes per dies octoginta Prusiam vastat. sed postea à Cruciferis in angustias compulsus cum suo exercitu adeo profligatur, ut ipsemet in Lituaniam ægre euaserit. In sequenti anno Libenteile Cōmendator Ragnetanus Austechiam pro

m

3

uinciam

uinciam maritimam & municipium Romanouo, clarum gentilia religione, euerit. Ibi enim sedes primaria fuit religionis idolatricæ, & gentium summi Pontifices isthic habitabāt. Hos Kriuei kriueito vocabant. Quod facinus pro scelere nefando ducebant eius sectæ homines. Ideo Lituani, Samogitæ, & alij eius farina multa certamina, vt pro aris & focus, terra & mari eis mouerant.

Memorable sane & audax facinus commemoratur hīc Lituani cuiusdam militis, cui nomen Nouedomano fuit, qui, vt classem Cruciferorum in flumine Nemen ad nocendum paratam facilius delere posset, mulieris miserabilis habitu se ornavit, sedensq; ad fluminis ripam supplices manus nauigantes versus in cælum attollebat, dolenter lamentando, operamq; implorando, applicarent ad ripam, misererentur afflictæ, vellent eam à popularium suorum vi & tyrannide liberare. Hæc lingua Polonica, cuius peritus erat, cum singultu & lachrymis identidem implorans opem, clamore reiterabat. Illi miserati, applicant classem ad ripam, recepturi eam. Interim ille, rudente manu forti correpto, nauem primam, & cum hac totam classem ei adnexam retinet. Ibi exclamantis signo audito ij, qui in proxima sylua insederant, adiutum accurrunt. ita atroci certamine orto, circumuenti hostes ad vnum contrucidantur. Circa eadem tēpora Osilia insula à Lituanis oppugnata multos mortales perdidit. Cōsimile et illud memoriæ mandatum est de illa instructissima inusitatæ amplitudinis triremi, quam eodem in flumine Mariani extruxerant. diciturq; per ambitum transtrorum pinnacula habuisse: Ex hac, obseruata occasione, ad hanc aut ad illam ripam, prout videbatur, applicantes, ad prædas agendas proficiebant. & si quis in eos irruebat, iterum naui à litore reducta, ad alteram partem se transferebant, aut in medio gurgite, iaculantes in hostem, sistebant nauem. Ex hac cum sæpe Lituaniam infestarent, Lituani diu, quonam eam modo arcerent, deliberabant. Nam, etiamsi sexaginta scaphas milite instructas obijciebant ei, nihil proficiebant, donec rudentem arte quadam nacti cum anchora abscinderent. Ita illa machina fluctib. abrepta & demum rectore destituta primò per alueum fluminis fluctuans, tandem in ipsum salum delata depressa mergitur, & cum milite in abyssum Acheronta petit.

1288. Sub idem tempus arcem Carcus ad ostia Treideræ fluminis, quæ se mari sociat, Vithenes expugnauit. vbi etiam Brunno Magister Liuoniæ cum 1500. armatis prostratus periit. Eodem anno Strasburgum seu Brodnicium Lituani inuasērunt, & sacra pariter ac prophana euerterunt, ac defædarunt. Et quidam ex eis scelestus etiam in fontem sacrum aluum expurgauit. Sed Schak quidam strenuus miles ipsos assecutus, mores eos docuit honestiores, fuis, ac profligatis eorum copiis. Schakoues,

is. Schakones, Bazynij, Schorcij adhuc Patricij remanserunt ex veteribus familijs quæ in Prusiam concesserunt. Fuit Sachakus Venceslaus ex eadem putato stirpe, Cancellarius Ducalis Prusie, qui complures legationes cum laude obiit ad reges Poloniae. Cum hoc ego aliquot annos exegi in academia & aula Ducis Prusie Alberti Senioris. Fuit Vithenes supra alios infestior Christiano nomini, multaq; petulantiùs egit aduersus Christianos. Nam & in Polonia tunc Cathedralē Ecclesiā Leciciensem spoliavit, multis æditis exemplis contumeliosis in sacratum ordinem. Et anno 1311. magnis copiis Prusiam ingressus, omnes eius prouincias vsque ad Brassergam ferro & igne euerit. Cumq; infinitas cateruas captiuorum secum abduxisset, hierothecā, in qua mysteria sacra Romano ritu asseruantur, arripiens, corā nobilium virginum captiuarum comitatu manibus suis confregit, pedibusq; conspuendo conculcavit, addita exprobratione: Quid sibi vult Deus iste, qui nec vos nec se ipsum è manibus meis vindicare potest? Sexta tandē Maij in aurora ipsa, ab Henricho de Plock, legato vel succedaneo Magistri Prusie fusus fugatusq; fuit. Multi tunc mortales conciderunt, multi in deditio nem accepti, quorum alios Cruciferi laqueo strangulatos suspenderunt, alios in flumina & stagna viuos præcipites dederunt. ita vt ex illo Vithenis numero exercitu paucissimi euaserint. Quin & ipse duobus tantum comitatus caput vulneratus, ad suos euadens ægrè vitam seruauit. Huius victoriæ memoriale monasteriū virginibus sacris ipse Plock Teruniae muratū excitauit. Tales multæ clades illatæ et acceptæ Vithenis temporibus enumerantur, quem Regem Lituaniæ Dorsburchius vocat.

Venceslaus
Schak Cancellarius
Ducalis
Prusie.

1292. At Bohemus in sequenti anno, coacto exercitu, Poloniam intrat, & in Syradiensem ditionem primū impetum facit. Habebat quidem Wladislaus exercitum; sed nunquam tamen ad iustam aliquam dimicationē veniebat. sed obequitans, hostem continuus incursionibus exercebat, è latebrisq; subito profiliens offerentes se excipiebat; ita vt in nusquam postea è castris absq; forti equitum præsidio prodire auderent, & in castris excubias nocturnas duplicarent. Ita hostes fatigati, combusta tamen Syradia, ad sua dilabuntur.

1292. Annus hinc nobilitatus est morte Kunegundis Boleslai Prædicti uxoris. quæ in Monasterio Sædecensi, plus duodecim annis post mortem mariti exactis, duram vitam ducens, extremum diem clausit. Hanc Paulus Cracouiens. quem Improbum historici vocant, consecutus est; sed forsan ad sepulchri tantum foueā, non etiam cœlestis patriæ ianuā. qui cum aliis studiis minimè dignis Episcopo, tum venerationi sic fuit deditus, vt venatorē, quod feram imprudens casib; repulerat, venabulo trasadegerit. Accepit autē successorem Procopium de gente

pium de gente Cufflonum, & Gryphinae propinquum, quæ in Bohemiam abducta fuit. Circa hæc tempora etiam accidit, ut Luticus Pacollai filius Henrichum Legniciensem Ducem dominum suum balneantem dolo caperet. Erat hic Luticus ex intimis Henrici. sed patrem eius Pacollaum gratia & favore principis insolescentem, Henrichus capite plecti iusserat; quod is homicidii reus, crimen, frustra dissuadentibus amicis, gloriabundus fateretur. Lenierat tamen cum Lutici Henrichus dolorem, postea collatis in eum plurimis beneficiis. Sed malè curatum ipsi vulnus videbatur, cum ei refricaret cicatricem Cōradus Glogouiensiū Dux, summus Henrici ob interuersum Wratislauiensium principatū, inimicus. Hic itaq; cogitans eum in aliquod præsentissimum periculum præcipitare, Luticum ad facinus sollicitat; efficitque ut apud eum plus valeat vetus dolor, quam tot recentia beneficia. Henrichum igitur in balneo corp^o curantē, ac nihil tale suspicantem Luticus ex balneo extrahit, & vili palliolo tectū atque equo impositum, continuato nocte dieq; cursu, Sanduoiithum, quod in ditione Conradi erat, asportat. Inde victus Glogouiā perducitur, & in angusto vase ferreo concluditur; in quo duo parua foramina erant, alterum quo cibum sumeret, alterum quo aluum purgaret. In eo sex menses asseruatus dimittitur. sed tamē vires recolligere non potuit. Verū, tribus ex actis annis, paulatim contabuit. Ita vides, quod ne vetustas quidem, quæ nobis simplicior fuisse videtur, à dolis & malignitate humano generi innata, libera fuit.

*Vithenes ad
Sochaczouiam*

1293. Anno à Lituanis, duce Vithene, maiori Poloniae & præsertim Lecycyensis clades illata & depopulatio ingens edita; ita ut ex abductis captiuis viginti capita in singulos hostiū cederent. Commiserat proelium cum Vithene Cazimirus dux, frater Loctici, ad Sochacouiam vadato Bsura amne, magnamque stragem in Barbaris ediderat. tandem, cum in confertissimos hostes incidisset, interfectus victoriam hosti concessit. Nam ducis casu conspecto, commilitones eius, victoriam prosequi non poterant. Eodem anno Cruciferi, obliti beneficii Mazouiorum, Vilnam arcem eorum expugnant. Exinde pro defensorib⁹ hostes eis redditi, causabantur se id iure fecisse, quod dux Masouiorum receptaculum Lituanis eorum hostibus præberet. Troideni enim ducis filiam in uxorem sibi acceperat. Itaque indulgendo Lituanis, suis præsens exitium creauit. Sed iam ad Præmislum veniendum est.

*Pretext^o cur
in Patronos
suos Mazoni-
os Cruciferi se
mis. l. l.*

PRÆMISLVS REX.



Præmislus, Præmisli prioris filius posthumus, vir excelsio animo, nihil nisi magnum cogitans, cum esset dux maioris Poloniae, animos totius Poloniae, sua dexteritate in rebus agendis in

agendis in se conuertit, cogitareque secum coepit de restituendo regno Poloniae, quod iam ducentis & quindecim annis intermissum in obliuionem venire coeperat. Ad eam rem perficiendam praeter id, quod regio stemmate natus, in maiore Polonia, hoc est, sede Lechi primaria, dominii sui fines latius protulerat, iuuabat eum quod etiam ab Henricho Wratislauiensi testamento Cracouiensis & Sedomiensis Princeps nominatus fuerat. Igitur his opibus & titulis fretus, cuncta sibi prona instituto perficiendo, & minimè impossibilia factu putabat. Igitur indictis Gnesnam vetustam totius Poloniae sedem Comitibus, anno Christi 1295. rex creatur, & à Iacobo Svvinke Archiepiscopo Gnesnensi tricesimum octauum annum agens inungitur adstantibus Ioanne Gerbisco Poshaniensi, Ioanne Ronca Wratislauiensi, Goslao Plocensi & Conrado Lubefensi. Visslaus verò Wladislauiensis Antistes, & Culmensis habebant legitimas causas absentiae suae. De Procopio narratur, quod aeger & propinquus morti erat. sed Culmensis laborabat inuidia, quod iam Cruciferis Rigenisque Episcopo addictus esset. De Wladislauiensi ignoratur, quid eum detinuerit. Sed forsan his omnibus consilium Praemisli durum videbatur, cum singuli sua studia aliis Principibus obstrinxissent. Ideo post principia stare & euentum rei domi malebant expectare, iuxta illud: Minus gaudebis & minus dolebis. Suscepto regno Praemissus mox cogitationes suas intèdere coepit, ut Poloniam vniuersam pacatam redderet, & in concordiam pristinam vnumque corpus omnes Palatinatus, qui tunc pro Ducatibus erant, redigeret. Ac primùm ob praesumptum à se regnum cæterorum Ducum animos blandis ac modestis legationibus demulcere coepit, & ad sopiendâ odia, sedandaque dissidia cohortari cæteros non desuit. Et quoniam Cruciferos de occupando Gedano consultare coepisse, utque illud fructuosius, quam cum in manibus Polonorum esset, redderent, cogitasse subolfecerat, idcirco Gedanum munire coepit, propter euitandas Cruciferosum machinationes, & (quod multò periculosius prudenter prouidebat) ne videlicet mundo iam ad deteriora prolabente, classes aliquarum gentium, portum illum secundo vento inuectæ, de occupanda Pomerania, & Pomeraniae adiacentibus prouinciis, consilium nefarium inirent. Interim, quum animus eius magna meditatur, mors inopinata eum septimo aut octauo regni suscepti mense perimit, Marchione Brandeburgensi operam ad eam rem suam, ut creditum est, conferente. Habuit is de Satecensi territorio, quod Polonis pridem surripuerat cum eo controuersiam. sed forsan magis metuebat potentiam principis nouis accessionibus auctam & cumulatam. Itaque, obseruata occasione, quum Liberalium, ut fertur, seu ipso Bacchanalium die genio indulgeret, eum securum nilque tale opinantem opprimit.

*Deliberatio-
nis initium de
restituenda re-
gni Poloniae
monarchia.*

*1295. Comitibus
a generalia.*

tem opprimit. Strenuè quidem ille, vt decuit fortem virum, hostes reprimebat. Sed cum vnus omnium telis cominus eminusque peteretur, ad extremum succubuit.

Quo tempore, & per quam occasionem
Præmissus trucidatus fuit ex D.

Cromero.

Otho Longus elector Marchio, cum Othone altero, & Iohanne Conradi fratris filijs ex Constantia Præmilli sorore susceptis, & valida suorum manu, nocturno itinere per sylvas & auia profecti, diluculo eius diei, quo Christiani anniuersario cinere capitibus aspergendo præteritorum flagitiorum abdicationem, & vitæ mutationem, profitentur, armatis locum circumdant, rati omnibus, qui circum regem erant, longa vigilia & crapula pridiana sopitis, nihil sibi negotii fore in peragendo scelere. Expergefactus tamen tumultu Præmissus subita & in opinata re primò cōsternatus, cum paucis, qui euigilant, in hostes ad se venientes, nesciens, qui nam, quàmque multi essent insiluit, & multis strenui fortisque viri operibus in eos editis, cum vnus omnium, telis cominus eminusque peteretur, obrutus cecidit. Volebant hunc Saxones equo impositum secum abducere. Sed cum agitationem nullam ferre posset, pugionibus immaniter confossum reliquere.

W L A D I S L A V S L O C T I C V S
Rex designatur.



Omitia Posnaniæ ad Kalendas Maii, qui dies diui Alberti memoriæ apud Polonos dicatus est. vbi de nouo rege creando procures cum nobilitate conueniunt. Ibi eligitur Locticus propter multas causas. Præcipuè verò, quòd peritiam rei militaris multò vsu sibi comparasset, & non parum roboris habere videretur. Omnes eum pro rege se agnituros iurant, arciumque & munitionum omnium possessio ei traditur. Distulit tamen is, incertum qua de causa, coronationem inunctionemque nec Regis nomen, sed Hæredis regni Polonici vsurpauit. Interea profectus, Pomeraniam in ordinem redegit, Voislaum quendam ei præficiens. Syllesiam autem longè latèque depopulatus est. Cuius prouinciæ vrbs primaria Wratisslauia aut tunc, aut paulò ante obsidione ita fuit pressa, vt conditiones accipere cogeretur, & mœniorum vrbs altitudinem ad quatuor cubitos demoliri. Sub idem tempus Boleslaus Dux exactiones ante eum diem in

um diem in Polonia inauditas inuexit. ut nobilitas ex censu pro magnitudine possessionum & reddituum descripto militaret; cum viri-
 tim antea id facere solerent. Proditum est tunc memoria de Conrado Gibboso Sinauiensi duce, qui praepositus Wratislaviensis fuit; quod, cum ad Archiepiscopatum Salisburgensem vocatus esset, & in itinere apud Viennam accepisset, cereuisiae usum illa in regione non esse (laudabili enim olim cereuisiae Suidniciensi assueuerat) repudiato Archiepiscopatu domum reuersus sit. Vituperatur hac de causa & stoliditatis reuincitur, quod ei in mentem non venerit, artifices cereuisarios eo deducere, si tantopere cereuisiae desiderio tenebatur. Merito igitur reuertens a fratre compedibus coercitus est. Sed & Wladislaus Locticus rex nouus amplitudine honorum, ut saepe fit, mox deprauatus, libidinibus indulgit, & latrocinia militum non coercuit. Quare admonitus ab Episcopo Posnaniensi cum non resipisset, excommunicatur, & omnibus sacris interdicatur. Et quamuis satisfecisset Episcopo, tamen homines odium semel in eum conceptum concoquere non poterant. Proinde post tertium annum regnum ipsi abrogatur. & Venceslaus Bohemus, aliis multis indigenis Ducibus praeteritis, creatur. quod nemo potentior iam hosti obici Wladislao poterit; qui munitiones quasdam in terra Cracouiensi ad eam diem retinuerat. Euenerunt haec anno 1300.

Iuxta quantitatem reddituum sub Loctico ordo militat equestris.

Decima expeditio.

*Pro expeditione decima oppugnationes, propugnationesque arcium, urbium, insularum computari possunt. Nam si respicias Occidentem, & Septentrionem, nulla fere arx est, quae non sit oppugnata ab hoc ordine Crucifero: Vnde arx in finibus Pomeraniae adeo acriter fuit oppugnata, ut cum omnibus orientalibus urbibus, quae obsidionem à Saracenis sustinuisse dicuntur, conferri possit. Quia enim repentina inuasionem in-
 expugnabilis videbatur, tria castella per circuitum in propinquo eius excitata sunt, ut ita lenta obsidione & continuis vexationibus ad dediti-
 onem compelli posset. Vineae etiam, turresque ambulatoriae sunt paratae ac constructae. Sic quoque Santocum infelix saepius repetitis vicibus oppugnatum, saepe inuictum, saepe etiam concussum fuit, ad extremum expugnatum est. Vnde semel omnis praecideretur pro eo digladiandi occasio, funditus dirutum, euersumque fuit. Sic Dremum, sic Valcium, sic Sluchouum. Quid referam Dodecapoleos seu Marchiae nouae vastationes? Derfauiae item, Choinicij, Magdeburgi in Prussia, & aliarum infinitarum urbium, ad extremum ipsius Gedanni. De qua urbe D. Cromerus sic: Nec in vlla cuiuspiam munitionis expugnatione plus Polonici sanguinis effusum esse praedicatur ab vllis Barbaris, quam tunc à religi-*

n 2 osis illis,

osis illis, & Polonorum beneficiarijs. Quid oppugnatio Suiociæ arcis: ubi duopatibula è regione arcis excitata erant. Ipse verò Ziffridus Comendator, ut lictor sanguine madens, quotidie compluribus funibus, atque restibus equi ephippio impositis, seipsum deuouebat non prius sumpturum cibum, quàm omnes illos funes, atque restes in suspendendis captiuis insumpsisset. Transeo ad fines Lituaniæ. Illa execranda Velona sepiissime oppugnata, tribus etiam castellis, ut de Vscie arce supra retulimus, excitatis coangustata, quot absumsit mortales? Ubi & ipse Mag. Dux Gediminus, dum periculoso exemplo ipsemet & ducis, & militis officium in procurandis machinis obit, ictus globo sub muris arcis concidit. Sic Ko-wna, sic Gartenæ, ipsa denique Vilna caput gentis. Sed harum calamitatum descriptiones breuitatis causa abrumpam. Hæc ergo excidia & discrimina tam Lituonica, quàm Polonica, aliud nihil inuenit, nisi illud infælix consilium de mittendis hac Roma & transferendis Cruciferis.

VENCESLAUS REX.



Venceslaus accitus, Gnesnæ coronatus, Rixæ Præmissi regis filiam in vxorem ducit, ut sibi eò firmius stabiliat regnum. Omnia, quæ in ditione Wladislai erant, in potestatem suam redigit. Interim Russi naçti occasionem, Sedomirien. tractum longè & latè vastant, arce Corcinenfi, quæ lignea etiam tum erat, incensa: prius ferè, quàm, omnibus peractis, ad regem de excursionibus eorum nuncius perferretur. Sed tamen Venceslaus malebat Wladislaum persequi, quàm Russos. Wladislaus tunc in eam miseriam deuenerat, ut nusquam pedem figere, nemini se credere, omnes suspectos habere, cogeretur: veritus, ne quo modo in cassides venantium incideret. Itaque in syluis latitare, & locum subinde etiam, quem vespere ceperat, media nocte mutare cogeatur. Tentare quidem animos procerum non desit. Sed, cum omnes pauere, consensum ordinum metuere, decretumque Comitiorum aspernari nolle animaduertit, in Hungariam profugit; & ex Hungaria Romam priuato habitu profectus, facinora sua durior poenitentia expiauit. Interim Venceslaus Bohemia rediit, Bohemis suis re vniuersa in Polonia comendata. Obtulerat tum filium suum duodecim annorum Hungaris in regem. Nam multis displicebat exemplum, regem à Pontifice accipiendi. Ideo non omnes Hungari, Caroli Galli Neapolitani regis filium Marcellum, ab eo Roma missum, pro rege agnoscebant. Interim Poloni Russos cum Tartaris, & Lituanis profligarunt, magnamque stragem in eis ediderunt, arcemque Lublinensem, quæ septem & quinquaginta annos in Russorum potestate fuerat, recuperarunt. Sædecia à Venceslao

Lothii calamitates.

Causa cur Hungari Carolum Marcellum Calium pro Rege volebant agnoscere.

à Venceslao rege condita; Biecz possessio Episcopo Cracouiensi adempta; parœciæ tantum conferendæ potestas penes Episcopum relicta. Non vidit postea Venceslaus Poloniam, cò quòd occupatus fuit bello Hungarico. Obtrudebat is filium, vt dictum est, Hungaris in regem, sed non adiuuit fortuna conatum eius. Ideo, repudiato regno, ex Hungaria filium reduxit, & tandem Pragæ veneno appetitus lenta morte absumentus est. Eius morte cognita, Wladislai res in Polonia meliore loco esse cœperunt. Nam & Bohemos Cracouia depulit Wladislaus, Alberto Aduocato autore, & aliorum voluntates postea facile sibi adiunxit. Fecit quidem anno sequenti Venceslaus Iunior expeditionem in Poloniam, vt patri succederet. Sed, antequam Polonia fines attingeret, Olomucii meridiano tempore in cubiculo quiescens, interfectus est. A suis ne, an ab alienis subornatis ab Alberto Cæsare, ne tum quidem in recenti scelere certò sciri potuit. Ex eo tempore Bohemi exteros reges habere cœperunt.

WLADISLAUS LOCTICVS.

Iterum Anno 1305.

Comitia Cracouiæ noui regis gratia habentur, in quib⁹ Wladislaus magno omnium consensu Rex creatur, exceptis Posuanien. & Calissien. Hi enim verebantur, ne grauius in eos animaduerneret, quòd eum prius eiecissent. Maluerunt igitur se subdere Henricho Glogouiensi, qui ex sorore Præmissi natus erat. Quade causa Wladislaus Henricho bellum statim intulit. Verùm, illo nusquam in aciem prodeunte, motus illi conuiuere. Coronatio tamen Wladislai minimè tum perfici potuit; quòd diadema, ac reliqua regni insignia Gnesinæ de more asseruarentur. Et Archiepiscopus, sine quo non fit coronatio, in ditione Henrici erat. Hæc de potestate Archiepiscopi in coronando rege totidem verbis ex D. Cromero sunt desumpta; ne quid meis verbis detractum ordini cuiquam quis esse putet. Quamquam tunc vacasse sedem Metropolitanam Gnesinensem idem autor testatur. Pomerania etiam in ordinem redigitur à rege Wladislao. Gedano præficitur Iudex Pomeraniæ. Sicque, iureiurando à Pomeranis accepto, quòd in potestate ipsius semper futuri essent, putabat se clausisse templum Iani, & pacem semper duraturam sanxisse: sed mox ad ingenium rediere. Autor nouorum motuum fuit Petrus Cancellarius Pomeraniæ, qui quantò plus possidebat, tantò maiore cupiditate & ambitione æstuabat. Et, cum repulsam passus esset à Wladislao in quibusdam postularis, consilium nefarium cœpit prodendæ patriæ Marchionibus; qui ingressi cum exercitu facile omnes munitiones regionis capiunt, adiuuante Petro. Gedanum cum castra admouisset, portæ ei oppidi à Germanis aperiuntur: cum magna

tur: cum magna iam ex parte Teutones ibi essent. Arx à Bogusso Iudice, & Nemira honestissimo equite defendebatur, donec Wladislaus subsidia auxiliaria eis submitteret. quod quia citò perfici non poterat, & indies incommodis obsidionis vrgebantur, Cruciferos interea adiutum sibi Poloni, annuente rege, euocant. Hi enim amicissimos se Polonis, vt iure optimo esse debuerant, præferebant. Statuuntur conditiones, vt dimidiam arcem ipsi tenerent, & annum vnum suis sumptibus arcem à saxonibus defenderent. Deinceps verò post exactum annum, quæcunque impendia facerent, eis præstarentur; nec prius arce decederent, quàm exoluta illa sibi essent. Omnia hæc semina erant futurorum bellorum Crucifericorum, quæ Poloniam exercuerunt, fatis sic ordinantibus. Repressi quidem sunt hostes, & vindicata à Saxonibus moenia. Sed cum superiores iam se Pomeranis Cruciferi esse animaduernerent, ferociùs se gerere, & sæpe cum illis iurgari, atque rixari, ad extremum totam arcem sibi vendicarunt. Primores Pomeranorum, ipsumque præfectum arcis Bogussum in carcerem coniecerunt. Bogussus temporì seruiendum sibi ratus, totam arcem ipsis concessit, quam ad primam postulationem promittebant se reddituros, vbi pro impensis eis iatisfactum esset. Facile quidem de exitu rei diuinabant nostri. Sed quid facerent, cum extrema quæq; illi minarentur? Itaque cuncti arce excefferunt. Hæc vbi audisset Wladislaus, coepit eum poenitere consilii. Videbat enim lupis se ouem commississe: non sublatum, sed duplicatum sibi bellum, duosque se pro vno hoste sibi conciliasse. Accedebat ad eas calamitates, quòd arx Cracouiensis, quæ tum lignea erat, non ita pridem vnà cum templo primario conflagrarat; cum ab ea parte vrbs, quæ circum ædem omnium sanctorum est, ex fortuito ibi enato incendio carbo ardens vento delatus, in tecto Basilicæ plumbeo inhæsisset. Et hæc est causa, cur superiorum principum sepulchra in arcis templo non apparent; sed tantum posteriorum regum, qui post hoc incendium vixerunt. Sed Basilica, dirutis eius veteribus muris, in eam, quam nunc obtinet, formam & amplitudinem post quartum decimum annum reedificata est ab Hankero Episcopo Syllesio, nobili gente, Oxio. Sed ad Cruciferos redeamus; quorum Magister Henrichus, & rex Wladislaus conueniunt in Graiouice pago, in tractu Cuiauiensi: definituri de arce Gedani, quam hypothecæ nomine tenere se prætendebant Cruciferi. Paratos autem interim se reddere eam declarabant, si impendia persoluerentur. Æquum eum postulare. Rex ait, & expensarum omnium summam iubet iam proferre. Ibi ille conceptum animo dolum detegit, ac centies mille marcas latorum grossorum poscit. Genus est hoc numismatis, quod vnà cum Wenceslao Bohemo rege in Poloniam non ita pridem inuectum fuerat, & quar-

rat, & quarta parte nostratem grossum excedit. Ferunt enim, ante hunc Wencellaum signato auro aut argento Polonos in emendis rebus minimè vfos fuisse, sed tantum permutationem rerum vsurpasse. De inopia autem & nummo Polonico ex pellibus aspergillorum, ne scio quid Poëta Ianicius, & alii tradiderunt. quibus ego conquerentibus de tanta inopia veterum non possum assentiri. Quæ res supra iam demonstrata est, & adhuc demonstrabitur. Negat igitur Wladislaus, iustam eam esse æstimationem, bonorumque virorum arbitrio in eo se stare velle ait. At magister id recusat: subsecuta sunt deinde alia mala: Litvani enim Calisiensem & Syradiensem tractum vastant.

Moneta.

1310. Cruciferi cum Marchionibus foedus ineunt. Pomerania Polonica bello petitur à Cruciferis. Gedanenses nundinæ in prædam cedunt urbem inuadentibus & populantibus. Nec in vlla cuiuspiam munitionis expugnatione plus sanguinis effusum esse prædicatur à Barbaris, quàm tunc à religiosis illis, & quidem beneficiariis gentis nostræ. Gedano potiti Dersezauiam, quod Tschouum à nostris vocatur, petunt, eamque perfidiosè iuris sui faciunt; Cazimiro regis filio non sine cõtumelia excluso. Choinicium; deinde Syvece arcem adoriuntur, & capiunt. Vbi Siffridi commendatoris (præfectos arcium sic vocant) præ aliis plusquam barbarica hostilitas apparuit. qui quotidie compluribus funibus atque restibus in equum impositis, seipsum deuouebat non prius sumpturum cibum, quàm omnes funes illos atque restes in suspendendis Polonis insumpisset. Atqui huius nefariæ impietatis breui pœnas dedit. Quadam enim die, cum ad focum staret, furiis de repente exagitatus, in ignem se coniecit. Ita diuino iudicio, qui permultos iniuste perdiderat, iuste periit. Paululum tandem Cruciferi prouecti, tota Pomerania potiuntur. Ne autem id absque prætextu iuris iustitiæque titulo fecisse videantur, rem totam tali fucò tegunt: Pomeraniam emunt à Marchionibus Brandenburgensibus decies mille marcis latorum grossorum, eamque emptionem ab Henricho Cæsare sibi, & ordini suo confirmari curant. Tali fucò probatos se fortasse coram Dei iudicio, & apud bonos viros fore putarunt. Nec dissimili scelere Liunionenses Cruciferi eodem tempore Rigam urbem atque territorium Episcopo, à quo ante centum & quatuor aut quinque annos simili de causa in Liunioniam inducti erant, per summam iniuriam eripuerunt. Quare cum Romæ contestata lis plus octoginta annis ducta esset, tandem Bonifacius nonus Rigam ordini Cruciferorum, quindecim millibus aureorum acceptis, addixit. Per idem ferè tempus Templariorum ordo potens & ipse ac locuples, per vniuersum orbem Christianum, quasi dato ex Viennensi concilio à Pontifice signo, deletus est, ob nefanda quædam scelera, & prauas de religione opiniones; bona

Cruciferorum plusquam barbarica crudelitas.

Siffridi commendatoris barbarica atrocitas.

Bonifacio venalis iustitia. Sic & Polonis cum Prussis accidit.

Templarij.

que eorum

que eorum Rhodiensibus D. Ioannis militibus attributa. Dogmata Templariorum, quæ antea Valdensium fuerant, expressa sunt in Concilio Lateranensi sub Alexandro tertio Papa, parte prima. Sed nos ad nostra reuertamur. Quod autem Wladislaus non statim præbuerit se vindicem iniuriarum, quas à Cruciferis Prussiensibus ditiones eius patiebantur, motus Cracouiensium in causa fuerunt. Nam eius urbis ciues qui non ita pridem Henrichum Wratislauiensium Ducem opera laniorum in eam introduxerant, Poloniaeque pro Principe obtrufferant, Boleslaum Opoliensem eodem exemplo ad eosdem honores euehere moliebantur; Alberto Aduocato, & Muscata Episcopo eis consilium præbentibus. Sed in utrosque animaduertit Wladislaus: Episcopum enim captum ab eo referunt, & in custodiâ traditum. Aduocato autem redditus per amplos è molis, macellis, atq; tabernis ademit. Reliqui ciues, qui defectionis capita erant, vnâ cum Aduocato Boleslaum in Syllesiam secuti sunt, ibique exularunt. Iam enim antea Ducem hunc Opoliensem acciuerant, promittentes eis arcis facillimam deditionem, illis ipsis quos cõmemorauimus, adiutoribus. Sed cum spe exciderent, propugnatoribus in fide Wladislai permanentibus, domum Aduocati in ipsis mœnibus prope portam, quæ à diuo Nicolao nomen habet, eminentem, pro arce Boleslaus occupauit. Sed cum imminere iam Wladislaum cum exercitu audisset, præmonitus à Rege, non sine quadam expostulatione seucriore, paruit monitis, deductoque præsidio domo Aduocati, vrbe excessit. Eius defectionis suspicio serpsit etiam ad prepositum Miechouiensem. Ideo huic quoque irrogata poena est, adempto ei pago Lentkouice satis luculento, quem Albertus Aduocat⁹ præpositi frater tum possidebat. Acciderunt hæc circa annum domini 1313. Per id tempus Henrichus Imperator vi veneni in Eucharistia dati extinctus fuit. Fames autem in his regionibus talis & tanta extitit, vt nullo quantumuis foedo edulii genere, ac ne cadaueribus quidem humanis, Dlugosso referente, vulgò abstineretur. ita vt etiam parentes in filios sæuirent. Quam famem pestis, & pestem Cruciferica bella secuta sunt. Hæ igitur calamitates Wladislaum retrahebant, ne tam citò, vt sperabant alii, exerta cum gladio manu in Cruciferos animaduerneret. Interea Cruciferi veterib. nouas iniurias adiecerunt, clero etiam non parcentes, cum tamen & ipsi in clero numerari vellent, vsurpatis sibi decimis, & suppressis sacerdotiis, eorumq; prouentibus in priuatos vsus conuersis. Magna postea contentione & strepituiuris in Consistorio Romano de iis rebus à Polonis, & Cruciferis litigatum est; & præsertim coram Ioanne Pontifice eius nominis 22. Quo etiam Oratores à Rege, adeoq; vniuerso clero missi sunt, vt Cruciferis omnes eorum nefarias impietates exprobrarent, deq; omnibus regis & regni iniuriis

*Conspiratio
contra Wladislaum Episcopum,
Aduocati,
& Prepositi
Miechouiensem
& ciuem
Craco.*

1313.

gni iniuriis tam ecclesiasticis, quam secularib⁹ eis litem intenderēt; simulq; autem vt Wladislao diadema & nomen regium impetrarent. Existimabant enim inauspicatò id sibi Præmissum sumpsisse, Pontifice inconsulto. Meminerant enim honorem hunc Polonis interdictum fuisse statim post cēdem diui Stanislai. Cruciferi autem vbi hoc subolsederunt, mittunt & ipsi Oratores cum plenaria potestate, hoc est, saccis auro argentoq; plenis, vt, quàm maximè possent, conatus Wladislai irritos redderent. Ad quas res perficiendas cum opus haberent grandi pecunia, Pomeraniæ toti binos grossos imperarunt in singulas marcas, quas quisque in bonis haberet. Ad hæc eiectas naufragio merces lege Rhodia vsurpare cœperunt. Quibus rebus factum est, vt toto fere quadriennio nihil aliud impetraret Gerardus Poloniæ legatus à Pontifice, quàm vt cognitio causæ in ipsa Polonia Archiepiscopo Gnesnensi, Posnaniensi Episcopo, & Abbati Mogi-
lenfi delegaretur. Quod verò ad regnum attinet, Pontifex, vt Poloni iure suo pristino vterentur, permisit. Nam, apertè Wladislao regnum decernere noluit, ne Iohannem Bohemiæ regem, & socerum eius Philippum regem Franciæ offenderet. secretò tamen voluntatis suæ significationem Gerardo dedit. Cum igitur Pontificis mentem & voluntatem Wladislaus perspectam haberet, comitiis indictis Cracouiæ ad vicesimam diem mensis Ianuarii, vnà cum vxore Heduigi in Basilica Cracouiensi coronatur, anno Christi 1320. Atque ex eo tempore ius coronandi regis atque ipsa regni insignia Gnesna Cracouiam translata sunt. Nec multò post Elizabetham filiam Carolo Hungarorum regi bis viduo in matrimonium collocat. Interim delegatorum à Pontifice iudicium Cruciferi detrectant, appellationē quæ interponunt: sed reiecta appellatione damnati sunt. Itaq; Pomeraniam regi reddere, ac centum quinquaginta millia marcarum pecuniæ pro perceptis fructibus, aliaque triginta millia in litem expensa numerare iussi sunt. Cum autem non parerent rei iudicatæ, anathemate icti sunt, ita vt nusquam, iis præsentibus, sacra fieri liceret. Dum hæc ita geruntur, Lituani Mazouiam depopulantur, & Duces Syllesiæ parricidalibus bellis labefactati, prædæ Iohannis Bohemiæ sese exposuerunt. De cuius astutia & inexplebili auaritia dicerem, nunc, nisi prius id fecissem, id quæ non meis verbis, ne quis rem esse fictam putet, sed præcipui nostræ ætate Chronicorum Germaniæ scriptoris, qui Carion dicitur. Inuenies hæc superiùs folio. Ad interuertendum ducatum Syllesiæ partim vi, partim astutia præbuerunt occasionem fratrum germanorum, Wladislai, & Henrici dissensiones atque improbitas. Wladislaus latrocinia exercebat, diuexans Bohemiam & Syllesiam. Comprehensus à rusticis ab Henricho fratre qui Dux Wratislauensium erat, in carcerem coniicitur. Ita, vnà labelliam trahente,

*Coronatus
ius rec
tim ex Pon
ficis consensu.*

*Syllesia adem-
pta quibus oc-
casionibus.*

*Iohannis regis
Bohemorum
perfidia & a-
naria.*

liam trahēte, ambo eò sunt perducti, vt regi Bohemo se subderēt, su-
a; illi venderent. Ad extremum autem Wladislaus qui Glogouien-
sium Dux dicebatur, veneno sublatus est, ne amplius hominibus in-
iurias, stirpi verò suæ ignominiam inferret. Augebat inter fratres
hæc dissidia Rex Iohannes & fouebat, committens eos inter se, vt
sibi hoc modo obnoxios magis redderet. Henrichus tamen paren-
tem suam Poloniam venerabatur, Wladislaique Poloniæ regis fi-
dei se, ac suum dominatum omnem tradebat, sed Wladislaus vir bo-
nus, vbi hostem eius propulsauit Henrichum sua sibi habere iussit,
vt sorores nobiles inde nuptum posset locare. Id vbi cognouit Io-
hannes rex, qui iam de Wratislauia propemodum desperarat, noua
spe erectus, dolum adhibet. Henrichum per speciem arduorum &
arcanorum negotiorum accitum blanditiis, liberalitate, precio, in-
gentibus promissis, & odio denique inimici fratris induxit, vt Wra-
tislauensi dominatu cederet. Ita adiutoribus vsus proceribus, & ma-
ximè ciuibus Wratislauensib⁹ pecunia corruptis, effecit vt ipsi ius su-
um venderet Henrich⁹, & quod efflagitabat adipisceretur. Wratista-
uia igitur potitus est Iohannes, & non longè post Goltbergenſe &
Haniouienſe territorium, quod Wratislauienſis Senatus hypothecæ
nomine à Boleslao possidebat, per iniuriam ei ademit. Expotula-
uit cum eo de erepta sibi Wratislauia Boleslaus, iusiurandumq; & fœ-
dera commemorauit, atque obiecit; quodque difficillimo tempore
se eiectum à Bohemis omni ope destituisse, exprobrauit. Sed ea expo-
stulatione hoc tantum profecit, vt Iohannes responderet ei: Propin-
quiorem se sibi esse, quam cuiquam alteri. Simili ratione & Legni-
cium occupauit. Sed quid dico simili? cum illa precibus potissimum,
hoc verò minis additis extorſerit. Quare metu Boleslaus perculsus
imperata fecit, & eò redactus est inopiæ, vt filios quoque ad extre-
mum Wratislauensibus mercatoribus oppignoraret. Posthæc reli-
qui Duces, nempe Glogouienſis Zegauienſis, Oleſnicienſis, Stinaui-
enſis, & Falkembergenſis vtrò in ditionem Bohemi regis deuenere,
& partim timore potentiæ Iohannis, partim inuidia Wladislai regis,
libertatem suam Bohemis prodidere. Militum ad extremum Epi-
scopi Wratislauienſis arcem idem rex Iohannes per vim iuris sui fe-
cit. Quamobrem diris à Nankero Episcopo & anathemate deuotus
fuit, & ipse cum omnibus præbyteris & Monachis Wratislauia ex-
cessit; nec tamen arcem recuperauit. Solus Suidnicenſis Dux, & post
cum filius eius vniceus in fide Boleslai & societate Polonorum per-
mansit. Retinet etiamnum pleraque omnis Sylleſia vestigium vetu-
stæ originis suæ à Polonis deductæ, pensionem, quam S. Petri num-
mum vocant. Quæ quidem per illa ipsa Sylleſicæ defectionis tempo-
ra eò redacta est, vt nummus tantum ærcus, quem obolum vocam⁹,
in capita

in capita quotannis penderetur; cum antea tres oboli, & cribrum a-
uenē in singulas familias pendi solerent. Sed iam ad Wladislaum à Syl-
lesiis redeamus, quem maximè sollicitum reddebat erepta à Crucife-
ris Pomerania, quibus cum & Bohemi iam sentire incipiebant, utpo-
tè quòd utrique rapto viuere ex Polonis assueuerant. Accedebant &
eò Lituani, quos domare difficile erat, cum secum pugnandi copi-
am non facerent, sed, rapta præda, fugerent; & domi obiectu sylua-
rum, & paludum latebris, ac denique incultarum solitudinum inter-
iectu tuti essent. Fluctuante igitur Wladislao rege, nec satis explican-
te, quānam via sibi ad euadendum ex iis difficultatib. potissimum in-
eunda esset, tandem hanc sententiam frequens senatus comprobauit.
Cum Gedimino Duce magno Litanorum (hunc titulum à Russis
cum principatu eorum ad se Lituani transtulerunt) fanciendam esse
cum primis amicitiam ad quam rem ut sibi viam præstrueret, lega-
tos mittit, qui foedus cum eo feriant, & filiam eius Cazimiro filio
suo uxorem petant, & rogent, ut captiuos Polonos liberos dimittat.
idque sibi loco dotis gratissimum futurum pollicerentur. Non gra-
uatim Gediminus legatorum postulatis annuit, sponsamque cuesti-
giò cum eis mittit. Quæ ingentibus omnis conditionis, sexus, atque
ætatis captiuorum cateruis comitata, veniens Cracouiam, religio-
nem Christianam à Nankero Episcopo edocta, & sacro lauacro ini-
tiata, Annæ nomen accepit, & ritu solenni Cazimiro sextum deci-
mum annum agenti nupsit, anno Christi. 1325. His rebus ex animi
sententia à Wladislao rege peractis, occasiones rei benè gerendæ vn-
dique sese ei postea offerebant. Nam Mazouios cum exercitu, per-
uastata eorum regione, à societate Cruciferorum faciliè auulsit, & in
Marchiam progressus cum infesto exercitu, debiliorem ad res moli-
endas reddidit; cunctosque Cruciferos metu non mediocri percul-
sit. Lituani, qui regem iam sequebantur, maximè omnium, non-
dum exuta barbarie, in hostes defæuiebant. Vltus est tunc Wladisla-
us Premisli mortem de Marchionibus: reduxitque secum 6000.
captiuorum.

Facinus cuiusdam monachæ me- morabile.

Commemoratur in ea expeditione præclarum monachæ cuius-
dam facinus, quæ capta à Lituano quopiam, cum ad stuprum trahe-
retur, rogauit eum, ne sibi vim faceret. mercedis autem loco promi-
sit, se illum edoctrum esse, quī corpus eius vulnerari nullo vnquam
ferro posset. Quod cum ediscere ille percuperet, dixit illa, quid faci-
endum esset, idque in suo corpore primum fecit; dein iugulum ei for-

tis puella præbuit, ut in ipsa eius rei periculum faceret. Credulus ille, stricto gladio, caput eius amputavit. Ita illa Barbari libidinem elusit, stuprumque honesta morte euasit.

*Bellum cum
Cruciferis.*

Igitur Wladislaus tali rerum suarum fundamento iacto, non putavit sibi diutius differendum esse bellum cum Cruciferis; qui ne Pontificis quidem Maximi autoritate, ut ipsi Pomeraniam redderent, commovebantur. quin etiam fastu turgidi subinde potentiam suam, ut insuperabilem, iactitabant. Itaque in sequentem annum expeditionem toti Poloniae contra eos ad Checzeni oppidum indicit; à Carolo rege Hungariae genero suo non contemnenda auxilia impetrat; à Rulsis, à Lituanis similiter obtinet. Cum quibus omnibus fines hostium ingressus, omnia agit hostiliter, ut Crucesignatos elicere in aciem posset. Sed illi in munitionibus se diligenter abdiderant. Quia autem Poloni rudes esse videbantur in oppugnationibus munitionum, ab hoc genere pugnae in initio aliquantisper abstinet. Cum autem Mazouia nostri infestare coepissent, prodeunt Cruciferi cum Mazouis & Cuiaviam petunt, quo cum properè nostri accurrissent, collatis signis, funduntur hostes Mazouii quidem erubescere tum cognatos Polonos: Sed Cruciferi plusquam pro sepulchro domini dimicantes fortiter ad internecionem unam cum Commendatore Toronensi cæsi sunt. Hoc anno Nankerus Episcopus Cracouiensis, ut qui Syllesius esset, ad Wratislavienses transiit, & Iohannem Grotum Slupiecium successorem habuit, hominem gratum Pontifici, eò quod adolescens cum eo familiaritatem contraxerat.

*Iohannes Grotus
Slupeciensis.*

Vndecima expeditio.

1329. Rex Bobemorum Ioannes cum Magistro Prusiae Samogitiam vastat, & depopulatur, ut iam in Polonica historia monstratum est. Kumererk Comes & Baro de Egerburg cum maximis copijs à Rheino usque progressus, agmina maxima ducens in Prusiam venit. Adiunxerat se istis promiscua multitudo, ex qua contracta phalanx vocabatur usitate Peregrinorum exercitus. Sed isti modico operæ precio facto, in hyberna concesserunt. Tanta enim tum seuitia hyemis fuit, ut arbores etiam iniurijs cæli & intensissimo gelu perstrictæ vix ad se post aliquot annos redierint. Subsequentæ sunt tandem vastationes terræ Dobrinenfis, & oppugnatio arcis Gedimini à nomine Ducis appellatæ. Fuit Gediminus Dux Lituaniæ bellicosus, qui Cruciferis ita coeperat esse formidabilis, ut etiam Pontifex, ad mitigandum eum, legatos suos miserit. De hoc sparsa fuit fama à Cruciferis, quod proposuisset in animo sacro baptismo initiari. Sed ille hoc resciscens, misit oratores suos Rigam, per quos oratione perampla palam in corona omnium expurgavit se ab eo rumore.

eo rumore. Cuius orationis exordium tale fuit: *Missæ sunt* (inquit) quædam literæ à sacerdote Romano Papa, quibus dominus meus infamatur baptismi suscipiendi: Sed dominus meus iuravit per Deorum fortitudinem, se perseveraturum in religione patrum suorum, &c. Fuit autem Gediminus hic Magister stabuli apud Vithenem Mag. Ducem Lituanie, vir ambitiosus & excelsi animi, qui interfecto domino suo principatum inter suos arripuerat, et latè propagauerat, subacta magna parte Rusiæ. Nam domitis Cruciferis, Wladimirum Ducem ad Wladimiriam vicit, promotis castris Luscum, Lucensium Ducem eadem felicitate submouit & profligauit. Stanislauum Kiouicensum Monarcham acerrimo prælio ad profluentem Piernam, quatuor miliaribus ab ipsa vrbe, cum cæteris Ducibus superauit, Seueriamq; suo imperio subiecit. Non contentus ea victoria, etiam Tartaros aggreditur, eosq; vincit, superat, & ultra ostia Tanais pellit, ac submouet. Rediensq; post eas victorias ad suam regiam, de hostibus deuictis ac debellatis triumphauit, ciuibus vrbe effusus eum cum manuum applausu excipientibus. In his ferè omnibus nostri historici cum Lituanicis Annalistis conueniunt, eo excepto, quòd eum negant fraude adijße possessionem Magni Ducatus Lituanie. Stabuli enim Magistrum fuisse pernegant, sed potiùs filium Vithenis legitimum asserunt. Nostri quidem historici, Dlugossus, Miechouius, & Cromerus in aula regum Poloniæ, Gedimini seu Gedeonis nepotum, vixerunt, eisq; ab intimis secretis fuerunt. Existimo, quòd non passi fuissent reges nostri eos in hoc errore versari, suumq; progenitorem indignè hac tanta macula ab ipsis aspergi. si, inquam, à rei veritate eos aberrasse vidißent. Adde quòd quidam ex nostris istis scriptoribus, quò viciniore illis temporibus fuerunt, eò certiora scire, & nobis tradere potuerunt. Magnum tamen est, fateor, id, quòd opponitur, nempe consensus Latopisciorum seu Annalistarum, nisi forte metu Gedeonis tantum eius scelus occultarunt. Sed suum cuique hìc iudicium relinquo, malintne eos, qui veluti publica fide scripserunt, sequi, an illos, quos sui sæpius falsi accusant. Bellis his confectis Gediminus, & pacata Lituania, ad decorandam patriam sese conuertit, sedemq;, quæ primò Nouogrodia Kiernouiam translata fuerat, rursus amœnitate loci inuitatus, Kiernouia Trocos veteres transfert. Locorum situm non describo, nam in Chorographia nostra id cuius videre licet. Post aliquot annos, cum venatum procedens, delatus esset ad loca, vbi nunc est vrbs Vilna, vrbumq; animal eximie magnitudinis propria manu venabulo, in monte, vbi nunc est arx, confecisset, res ipsæ, & cæteris applaudentibus boni ominis est visa. Accessit eò somnium, eidem rei consentaneum. Vidit enim e-

odem in loco illa ipsa nocte per somnum lupum cataphractum, in quem alij centum lupi terribiles ululatus edebant. Magno igitur consensu creditum est, non fuisse fortuitum somnium: sed admoneri diuinitus, urbem istic præclaram statuendam. quod & postea fecit, sedemq; eò Trocis ex augurum sententia tertium transtulit. Locus ille inter duo proxima flumina Viliam, & Vilnam, antea præter solitudines & prata amœna, nil habuit. Ibi verò corpora mortuorum Ducum, nota ceremonia, cremabantur, quæ lingua patria Suuintoroba, non longo intervallo à latino sono & significatione, quasi Sanctus rogus dixeris, vocabatur. At postea urbs ibi condita, atque vnà cum ea Respub. Lituani- ca paulatim ad eam celsitudinem, quam modò videmus, creuit. Rex Poloniæ Locticus audiens, quòd stabili pede fortuna faueret Gedimino, filiam eius locari in uxorem filio suo Cazimiro expetit, & facile obtinet. Hocq; præludium quoddam fuit vnionis illius duarum istarum gentium, quæ postea facta est temporibus Iagellonis. Adducitur nupta Cracouiam, deducentibus eam mille viris, hirsutis pellibus vrsinis amictis, quo terribili ornatu non minùs tunc cunctorum in se oculos conuerterunt spectatorum Lituani, quàm olim Imperator Otho Magnus, cum, ducens ingentem exercitum, sub muris Parisorum in Gallia constitit, cunctis militibus eius à maximo ad minimum stramineos pileos capite gerentibus. Atqui vterque hic ornatus etiam à pauperrimis hoc delicato seculo risu & cachinnis excipretur. Locticus igitur et Gediminus post illam affinitatis coniunctionem feliciter administrarunt vterque suam Rempub. sed dispar vtriusque fuit exitus. Nam Wladislaus morte naturali satis concessit, Gediminus autem cum ipsemet ceu miles gregarius machinas mœnibus arcis Viclonæ admoueret, à milite Mariano globo bombardæ, tum primum in Germania inuentæ, necdum Litua- no militi visæ, traiectus fuit. Itaque extinctus Vilnam ab exercitu deportatur, et in prato bustorum Suuintoroba, vitali seu fiduciali equo, ut vocat, impositus, cum nobili quodam armigero viuo, qui tunc ei dilectissimus fuit, ritu gentis recepto, duob. herodijs vel falconibus, duobus vertagis, & duobus pedibus vrsorum ungulatis adhibitis, armatus comburitur. Illi quidem corpus ipsum vnà cum flamma in cælum deferri opinabantur. Christiani verò corpus terreum terræ mandari, animam vcrò vtpotè, cælestem, cælitum consortio iungi credunt & confitentur.

1329. Insequenti anno Iohannes rex Bohemorum euocatus à Cruciferis, cum grandi exercitu, vere ineunte, in Prussiam venit, Dobrinumque & Wladislauiam expugnat: Tandem Mazouiam pariter cum Cruciferis ingressus, eò adegit Ducem gentis, ut se ipsi Iohanni, quasi iusto Polonorum regi subiiceret. Tandem Cruciferi, ne iniuste

ne iniuste ac per vim Pomeraniam sibi usurpasse dicerentur, perfecerunt precibus, & precio apud Iohannem (aut ex composito res ita agi videbatur) ut sibi Pomeraniam iure sempiterno donaret; Dobrinum autem quatuor millibus & octingentis sexagenis (ut vocant) Pragensibus venderet, venditionemque ob signatis literis testaretur. Omnia hæc perficiebantur artibus Ioannis, qui Syllesiorum Duces Syllesia priuare iamdudum statuerat. His peractis, reduxit Ioannes exercitum, & stulta vanitate de subactis & ad religionem compulsis Barbaris triumphauit.

1330. Ætate sequenti maturescentibus segetibus denuo Cruciferi isti cum Liuonibus, fratres videlicet cum fratribus, egressi, Vissogrodum, Naclum, Raciſzum, & alia pleraque ditionis suæ faciunt. Wladislauiam ubi accesserunt, acceperunt aduentare Regem cum magnis copiis, Hungarorum, Austriorum, atque Lituanorum. Itaque dilapsi, ad sua defendenda redierunt. Postquam verò Wladislaus fines hostium attigit, populationes longè latèque exercere iussit. Nec vllum crudelitatis genus ab iratis omissum est. In transmittenda Deruancia flumine aliquantulum difficultatis fuit. Nam vada huius fluminis caudicibus ac sudibus per longum spacium hostes impediunt. sed rex citato equo retrò fluuium traiecit. Grauioribus equis utebantur hostes. itaque non potuerunt in tempore ad vadum nostris occurrere. Aduentantium vim ii, qui primi de nostris copias transmiserant, fortiter sustinuerunt; donec omnis exercitus traiecit, & ad suos ordines rediit. Hostes inopinata re perculsi, cedunt; nec nostris pugnandi copiam faciunt. Sed ad petendas conditiones pacis delabuntur. ubi rex non difficilem se præbuit. Induciæ ad annum factæ, ea lege, ut Dobrinum arcem Cruciferi traderent. De Pomerania verò Carolus Hungariæ & Ioannes Bohemiæ reges arbitri delecti. At Carolum Regem tum aduersus casus perculit. de quo sic accipe.

De Caroli Regis Hungariæ quodam casu.

Felicianus quidam de Zaachorum familia, stricto gladio in cœnaculo Carolum Regem adortus. sed frustratus ictum, dextram modò eius leui ictu perstrinxit, Regina quatuor digitos dextræ manus amputauit: filios verò pædagogi accurrentes obiectu corporum suorum protexere. Mox parricida à Iohanne Patocio, nobili iuvene, prostratus, concursu satellitum membratim dissectus est. De causa sceleris variant auctores. Nonnulli eum affectasse tyrannidem volunt; alii stuprum. clara sorori suæ à Cazimiro Regina fratre, ipsa concubina & conciliatrice, illatum vlcisci eum voluisse, memorant.

Cruciferi

*Cruciferi ad in-
genium rede-
unt.*

1333.
*Persarum con-
suetudo.*

*Vincentius sa-
motulius.*

*Cazimir^{us} vix
euasit manus
hostium.*

*Plouince
proelium.*

Cruciferi praesenti metu liberati nihil de conditionibus imple-
uere. Itaque paulo post sequenti anno Comititia habentur & in Co-
mitiis rex Wladislaus bellum decernit. In quibus etiam iturus ad bel-
lum Rex more Persico Wladislaum filium viginti annos natum toti
Poloniae praeficit; ut fama nominis eius non tam se facile Saxones &
Bohemi commouerent. Ad haec ut regnum is retineret, si quid aduer-
si in Prussico bello accideret. Sed ob ademptionem praefecturae Vin-
centius Samotulius plurimum offensus, ad Cruciferos transfugiens,
multa pericula creat regio exercitui: Cruciferique, ipso ductore, ple-
raque oppida in Polonia occupant. ita ut parum abfuerit, quin Cazi-
mirus ipse Pisdri oppido caperetur. sed praemonitus, porta confe-
ctum se eiecit. Legniciensis arx demum capta, Gnesna, Zvena, & alia
pleraque intercepta, incensa, & vastata. Cum igitur Wladislaus an-
geretur, spectans patriae incendia ad aliud consilium decurrit. Cogno-
uerat id fieri Vincentii consiliis, itaque Vincentium sibi rursus re-
conciliandum satagit; nec sibi indecorum ducit, etiam subdito se, v-
bi res exposcit, demittere. Nam talis demissio confertur pugillato-
rum saltationi, qui, quod magis ad humum sese acclinando prius de-
mittunt, eò altius neruis adnixa, sursum feruntur postea saltu & attol-
luntur. Mittit igitur secretò ad Vincentium, ut eum ad sese pellice-
ret. Ille, ut est Polonorum nobilium natura minimè obstinata, Re-
gi morem gerit. veniensque ad regem, veniam supplex petit; Com-
municatoque cum rege consilio, qui ei impunitatem promittebat,
proditione proditionis maculam eluere & obliterare tentat, adhor-
taturque regem ad conferendam cum hoste manum. Docet, in tan-
ta multitudine plurimam esse faciem imbellium hominum; si impe-
tum in eos facerent, vim nostrorum nequaquam sustinere eos posse,
quantumlibet gloriantur de robore cataphractorum, & phalangum
suarum. sibi verò eas partes sumit, ut hostem ab omni suspicionem proe-
lii abductum fallat. ac deinde iterum in castra Cruciferorum reuer-
titur; quibus percitantibus. respondet, nihil à Polonis periculi esse. Re-
gem pauidum & conscium exiguarum suarum virium diutius exer-
citum tenere non posse. Ita confirmati Cruciferi in incepto persiste-
bant, magis populationibus dediti, quam ad pugnam capeffendam
alacres. Interim Rex contemplatur locorum conditiones, & ubi
committendi proeli idoneae occasiones arripi possent. Est Pagus
Plouince propè Radeiouiā, ubi latè patens est planities; ita ut op-
portunior locus ad proelium nostris equitatu maximè valentibus
tum non offerretur. In hoc igitur totus erat Rex, ut omnia ex prae-
scripto artis militaris fierent, cuius peritissimus erat. Non putabant
autem Crucesignati, rem vniuersam dimicationi Regem commissu-
rum; sicuti Vincentius eos securos reddiderat. At, ubi hinnitus plu-
rimus equorum

rimus equorum audiri coeptus est, & strepitus aduentantium increbuit (nam conspectum densa nebula adimebat) tunc illi quoquoersum curitare, dissonum clamorem edere, & alia argumenta pauoris ostendere coeperunt, quæ omnia Regem, & regium exercitum plurimum confirmabant. Ita enim hæc clara erant, ut etiam digito rex suis, quod magis eos sponte pugnare exposcentes ad prælium animaret ostenderit. Orationem protrepticam non est mei instituti hic, ubi breuitati studeo, explicare. Inueniuntur ista luculenter apud alios. Constat tamen Regem maximè incubuisse, ut æquitatem causæ suscepti belli suo militi demonstraret, calamitatem captiuorum, ploratus, & eulatus miserabiles amplificaret, quos ferè ab exercitu exaudiri affirmabat. Adsunt, inquit, propè propinqui nostri, qui fidem vestram implorant. Contrà verò hostium immanitatem, & truculentiam amplificabat. An vos latet, inquit, an vos fugit gentis immanitas, humanis hostiis olim diuos placare solitæ? Ego, ne virtuti vestræ diffidere videar, si vos diligenter in hostem tam trucem incitare instituerem, ampliùs non loquar. Reipsa commonstrate, vos esse non degeneres parentum vestrorum, qui non numerare hostium multitudinem, sed necessitatem pugnae ineundæ ponderare solebant. Hæc quasi paruus puer (Nam perpusillæ staturæ erat; inde & Locticus dictus est) in medio virorum proceritate corporis conspicuorum, & armis fulgentium, ore flammiumo, ocellis micantibus, voce ardua & excelsa, perorando explicabat, non sine vehementiore totius corporis gestu, præsertim verò manuum, brachiorumque crebra motatione; seueritatem quandam militarem in fronte corrugata præferens. Nam prorsus Martialis naturæ erat. Insusurauit etiam compluribus, ac secretò concredidit consilium Vincentii, de hoste à tergo aggrediendo. quæ res plurimum faciebat, ad muniendos & confirmandos suorum animos. Explicat igitur acies: ac prima de quinque, cohors aulicorum, magno impetu in hostem inuehitur. Excipiunt illi, qui contrà constiterant. Non impigrè deinde aliæ cohortes concurrunt, exceptis subsidiariis. Pugnatur vtrinque summa contentione, neque quisquam refert pedem. Adest omnibus locis Wladislaus suos animans, & defensis integros submittens, ipse indefessus, quamuis effæto iam & senili corpore. Feruescente autem prælio, cum Vincentius adhuc nusquam appareret, subuereri iam Rex coeperat, ne quem is dolum neceret. Circumspiciebant & alii memores promissorum Regis. tum ille à tergo hostium clamore sublato, cum suis impetum in extremos auersos, quemadmodum conuenerat, fecit. Ibi verò turbati illi, reque noua perculsi. primi etiam, exaudito clamore & tumultu, respicere, & sciscitari inter se, quidnam id esset. Instant nostri acriùs respectantibus, & remissiùs pugnantibus. Nec mo-

*Compendium
& capita ora-
tionis adhorta-
torie ad forti-
ter pugnantem.*

*Victoria me-
morabilis Po-
lonorum de
Cruciferis ad
Pionne pagu*

bus. Nec mora; iam cæsis duabus, vniuersas acies perterrefactas in fugam conuertunt. Fit longè maior fugientium strages, quàm quæ dum pugnantium fuerat. Adeò namque dōlori, & iracundiæ Poloni indulgebant, vt neminem viuum seruarent. Iamque debellatum nostri credebant, cum ecce longiore interuallo nouas hostium copias effuso cursu aduentare aspiciunt. Erant ii, qui, præmissi ad capiendam Brestam, ibi hælerant. at certiores facti de nostrorum aduentu, suppetias latum suis accurrebant. Aliqui autem ex ipsis cum inter nostrorum ordines se inferere cœpissent, renouato proelio, repulsi sunt à nostris, nec vim nostrorum recenti victoria ferocientium sustinere. Erant enim & lōgo cursu equorum defatigati, & armorum nimio pondere prægrauati. Cæsa feruntur his duobus proeliis hostium quadraginta millia, Dlugosso referente. Triginta verò tantum de promiscua nostrorum multitudine, ac duodecim de nobilioribus tum cecidere. inter quos insigniores fuere Zegota Morauicius Cracouiensis, Christinus Ostrouius Sedomiriensis, signiferi, Svincius Castellanus Zarnouiensis. Dies, quo hæc gesta sunt, fuit 27. Septembris. Et quoniam ferè ad vesperam pugnatum erat, reliquum illius diei, & nox sequens curandis & reficiendis corporibus data est. Postera die cæsum strages recognita est, & spolia lecta. Inter quæ rex ipse obequitans, conspicatus est quendam iacentem multis vulneribus affectum & admiratione cæteris prostratis digniorem, cui nomen Florianus Sari fuit. Cuius historiam carmine redditam, utpote rem memorabilem hîc adscribere volui.

Tempus erat, quando nostros inuaserat agros
Gens fera, de nigra quæ cruce nomen habet.
Huic Wladislaus Loktek occurrit in armis,
Fudit & hostiles fortiter ense manus.
Nec mora, cæsum squalentia corpora lustrat.
Postera cum cœli fulsit ab axe dies.
Ecce iacet miles viridi resupinus in agro,
Milleque vulneribus debilitatus erat.
Iliaque intrepidus manibus cohibebat amicus,
Vulnera ne forsan per geminata fluant.
Vidit vt hæc dux, ad proceres sic voce locutus:
Illius ò ingens est dolor, atque labor.
Miles ad hæc: Maior dolor est vicinus in aruis
Pessimus, expertus dux generose loquor.
Subiicit his Princeps: Isto te fasce leuabo,
Ne dubita, vitam dent modò fata tibi.
Hinc miserum tollit, spaciofaque vulnera sanat,
Et totum pagum donat habere viro.

Stemmaque

Stemmaque virtutis transuersas insuper hastas
Tres dedit: huic Sario nomen eratque viro.

Ex hoc stemmate nunc claret Ioannes Zamoscius regni Poloniae
Cancellarius & supremus Copiarum praefectus.

Duodecima expeditio.

Sequitur duodecima expeditio, & ea non postrema, contra Wladislaum Loeticum Regem Poloniae, à quo magna clade tum profligati sunt, ut iam in Polonica historia pluribus ostensum est, sed propter res Lituanicas iterum breuiter mentionem eiusdem rei nos facere oportuit. Quam autem irato numine tum ordo ille depugnarit, ex numero caesorum intelligi potest. D. Cromero sic referente: Caesa, inquit, fuerunt his duobus praelijs hostium viginti millia, de nostris verò quingenti; ut apud alios reperio, triginta.

Tredecima expeditio.

Gedimino successit Olgerdus, qui vleisci volens mortem patris Gedimini, Prusiam ingressus longè latèq; eam vastat, ita ut superiores vastationes collatæ cum hac posteriore, nihil esse videantur. Eodem tempore Eberhardum Schorc, phalagem Saxonum ducentem deleuit. Non aut si tunc sunt prodire ad certamen Cruciferi, sed tantum ex tectis prospiciebant, spectantes penatum suorum incendia. Vastatio igitur Loeticiana, quæ accidit anno 1527. Gedimino & Hungaris auxilia sua in hoc conferentibus, si coniugatur cum ista, tantam effusionem sanguinis efficiet mortalium, ut ad eam ex Apocalypsi illa praedictio adaptari possit: Ab his, inquit, tribus plagis occisa est tertia pars hominum de igne, & ex fumo, & sulphure, &c. Magister Prusiae Rudolphus Dux Saxoniae Lutherus, Generalis (nam iam Venetijs sedem suam huc transtulerant) audita & visa clade suorum, in rabiem & amentiam versus, præ dolore moritur. Praeesserunt has vastationes & miracula. Accidit tum tremor terræ in Prussia, illis terris antea inauditus, aliquot vicibus, haud dubiè prænunciens eas calamitates. Hoc successu Olgerdus elatus, exercitum victorem duxit contra Tartaros, patris Gedimini virtutem imitatus. Non debet autem latere lectorem de Tartaris, quòd ii tempore interregni Polonici, hoc est, regno diuulso, & inter regulos in partes & prouincias scisso, occasione arrepta, non modò Rusiam sed & Podoliam, & ipsam Poloniam saepe armis infestarunt, & attriuerunt; Podoliamq; vectigalem sibi, magna ex parte, reddiderunt. Vnde Bacota, Bala kley, Czapezakey, Kuczmien, Kaczibey & alia prodigiosa nomina minutarum arcium Podolicarum Scythicam phrasim & feritatem reso-

Occasio, quando irrepserunt Tartari in Rusiam.

nantia, quæ pulsus Tartaris, ad hunc diem permanent. Deus igitur miseratus Poloniæ, Hungariæ, Germaniæq; calamitates, excitavit Olgerdum Lituani, qui, etiamsi gentilis erat, tamen omnib. Christianis Europæis egregiâ tunc nauavit operam. Progreſſus enim cum suis copijs vsque ad Boryſthenem & ostia eius, totum robur Tartarorum, & tres duces eorum Kadlubachum, Demetrium, et Kaczibeium, à quo portus ille Kaczibeius vocatus est, armis suis attriuit, proſtigauit, & disiecit, ita vt alij eorum ultra Tanaim fluuium, alij ultra Tyram, ad Dobruccenſes vsque campos, à quibus Orda Dobruciorum vocata est, fuga dilerentur. Attriuerat iam hos quoq; antea Demetrius Moschorum Dux. Sed successu victoriæ elatus, securiorq; factus, cum Olgerdo inimicitias sibi vltro attraxit. Misit enim ad eum legatis, imperat ei tributum. quare exasperatus Lituani legatos eius penes se detinet, et absque vlla mora collecto exercitu, primò Witęſkum, deinde Moschouiam vsque cõ tendit, nec prius cessauit, donec vrbis ipsius Moschouie mœnibus exercitum admouisset, in monte q; adorationis (vt ipsi vocant) è conspectu arcis ante ipsam urbem constitisset. Nouum hoc erat apud Demetrium et, instar portenti cuiusdam, stupendum. Acciderunt hæc anno 1331. die ipso Paschæ, cum Demetrius iret ad Cirkie-w. Ecclesias enim suas Russi ita vocant. Cum itaque ritu solenni deduceretur, per legatos, denunci at ei bellum Olgerdus, & mittit non absque contumelia ouum vermiculato opere variatum, (mos est enim patrius Russis in ea festiuitate puerulis suis ludentibus ouum varijs coloribus distinctum donare) loco tributi, quod exactum oratores suos ad ipsum paulo ante miserat. Addit et fomitem cum filice & chalybeo excusorio, minaturq; conflictum & incendia, ni sibi ex tempore capiat consilium. Vnde apud Lituanos de bel latoribus vigilantibus in prouerbum abiit: Si vis ouum variatum coloribus hosti donare, surge mane et lucem anticipa. Hæc à me ex sententi a Annalistarum Lituanicorum et præcipuè D. Stricouij viri de Lituania optimè meriti narratur. Demetrius ergo, cum in præsentissimum periculum videret se coniectum, elata illa & temeraria opinione de suis viribus, tempori seruire coactus est. Itaque, vt redimat pacem, imperata facit. Conditiones, qualescumq; tandem proponebantur, accipit. Sic victorem victor Olgerdus domat, arcemq; deinde ipsam Moschouie ingreditur, et trophæi instar vexillum suum cum hasta præpilata in medio arcis defigit. Fines inter vtrumq; magnum Ducatum præscribit ad Vgram flumen vsq; Ouansq; exercitum incolumem in Lituaniam re portat. Vbi Vilnam venit, à suis cum triumpho et comploſione manuum, more gētis, excipitur. Fuit hæc victoria celebris, statimq; per orbem diuulgata est. Itaque,

Olgerdo hæc
tribuantur nō
Vitoldo.

gata est. Itaque hoc successu Olgerdi principes Christiani commoti, & calamitatibus Cruciferorum excitati, metuentesque, ne Olgerdus eodem impetu in universam Christianam Rempublicam irrueret, vires eius reprimere volentes, copias, quam possunt maximas, undique maximo apparatu contrahunt. Pontifex Clemens sextus conficit Bullas, tradit cruciatus, emittit litteras ad cunctos principes Christianos, hortatur, monet, expediant arma, eant tanquam ad extinguendum commune incendium à gentibus idolatricis ortum. Promittit indulgentias in forma plenissima: ita ut, qui tunc profiteretur militiam contra Lituanos, & Samogitas, iretque ad illud bellum, non secus id cum iuuaret, ac si Hierosolymam ipsam ad sepulchrum Domini, aut Romam ad Iubileum, vel Compostellam ad sepulchrum Diui Iacobi, votum peregrinationis impleret. Unde æstimare licet, cum quanto ardore tum administraretur illud bellum. Ideo superius alicubi dixi, quòd aliquis molem istius belli Septentrionalis pensitans, non absurde illud cum orientalibus, quæ ob recuperationem terræ sacræ suscipiebantur, comparauerit, vel etiam ei prætulerit. Nam ibi remotior, & per mare periculosior nauigatio fuit. hic propior & per terram tutior. Ideo tantum ibi .x. expeditiones nobiliores numerantur. Hic verò duplo plures, exceptis particularibus bellis, numerari possent. Ibi 100. annis bellum gestum fuit. hic fere 200. durauit. Ibi periere 300000. hominum. hic etiam ad centenas myriadas numerus istorum ascendit. Sensit hos dolores non tantummodo Lituania, sed etiam ipsa parens nostra Polonia, ut mox patebit inferius, ubi bella Griualdica, Choiniciensia, & Marchionica narrabimus. Hæc ergo de indulgentiis cum perlata essent ad Germanos, Gallos, Anglos, Hungaros, & Electores Imperij, statim Ludouicus ipse Rex Hungarorum ducit exercitum per Poloniam (nam nepos fuit Cazimiri Magni) similiter Ioannes Rex Bohemorum, & comes Lucemburgensis cum Bohemis & Silesiis; sic & filius eius Marchio Morauie; sic Comes de Halles. auxilia item insularium Regum, Angliæ, & Daniæ aduenerunt. Sic Saxoniæ Dux, & Pomeraniæ, Marchio Brandeburgensis, & alij quam plurimi principes & supremi copiarum ductores undique conueniunt, qui ubi in Prusiæ campos conuenerunt, iam non opus erat Lituanis, eam hostilitate amplius vastare, & ad egestatem reducere. Nam isti ipsi tale exitium illi prouinciæ intulerunt, quale ab hoste crudelissimo quispiam expectaret. Reges igitur ad summam caritatem annonæ reducti, increpato ipso Magistro, & obiurgato, quòd malus Edilus annonæ fuisset, & quòd ea, quæ ad victum pertinent, exercitui & equis nihil procurasset, quodque in eas angustias eos præcipitasset, domum redierunt

Rodolphus Saxo tum Magister in Prusiā venit. Sed eam iam vastā tam inuenit.

Duo sacra bella conferuntur

mun redierunt. Quæ autem ipsi non vastauerant, Lituani post illorum discesum vastarunt, ac funditus omnia deleuerunt, & solo æquarunt. Hic finis fuit illius expeditionis & sacri belli Lituani. Interim incensores illarum calamitatum bella illa nobis funesta, & conflictus, veluti quædam ecuria & hastiludia, absque vlla commotione aut commiseratione inspectabant, alia post alia agmina submittentes, & bella ex bellis ferentes; donec ad prælia Griualdica, & Choiniciensia cum Polonis res deuenit. Vbi iam non de finibus tuendis, sed de summa rerum, deq; aris, & focis irato & furente Marte dimicatum est.

Quatuordecima expeditio.

Olgerdo successit Iagello. Quo autem tempore disidiis laborabat Polonia ob interregnum, eodem tempore & Lituania intestinis bellis occupata fuit. Kiestutus Dux accusatus apud Iagellonem à Voidilone plebeio homine, sed affinitate Iagellonis insolescente, delatorem comprehendit & in patibulum agit. Iagello talionem reddens, vicissim Birutam magni nominis senatorem, & ipsius Kiestuti socerum, ad patibulum trahit, & ante urbem in monte laqueo suspendi iubet. Neque hac vindicta satiatus, ipsum Kiestutum in carcere necat, Vitoldoq; ipsi similiter fecisset, ni piæ vxoris arte ac beneficio seruatus fuisset; quæ inuisens virum, loco eius pedisequam, quam secum adduxerat, mutatis inuicem utriusq; vestibus & habitu, in carcere discedens reliquit. Consequuta sunt inde tristia mala: Vitoldus ad Cruciferos transfugit; quatuor fratres Iagellonis partim strangulat, partim in profluentem deiecit, partim in patibulum agit, & manu propria crudeliter sagittis configit. Inde cum Magistro Prusie Valerodo, et Lancastro regis Angliæ fratre, stipatus Gallicis Anglicisq; præsidis, terra & vndis fluminis Nemmen, magnas copias ducit, ac primum Grodnam, deinde ipsam Vilnam tanquam hostilis vrbs esset, nil patriæ miseratus, eam defendente primo præside Smogorseuio Polono, qui Procancellarius & Dux belli erat, post verò Olesnicio, acriter oppugnat. Olesnicius, vt arcem commodius defendat, urbem ipsam Vilnam flammis absumit. At Vitoldus interim nihil eorum, quæ ad summam crudelitatem restabant, omittit: absque vlla commiseratione, patriæ nutricis suæ incendia & depopulationes quotidie spectans. Quid putas quantum hominum tunc flamma ac ferro absumptum est? Annon bella hæc loca expeditionis maxime censeripossunt? Nil iuuat apud Cruciferos, quòd per ea tempora Neophyti Christiani facti erant Lituani, non profuit inquam, illis quidquam quòd nomina sua Christo dedissent. Amota tamen causa debuit cessare effectus. At illi, baptisato Iagellone, alios colores & prætextus belli inue-

tus belli inuenerunt. Et sicuti Moschus, nostro tempore, ansam belli contra Stephanum Regem queritans, vendicare sibi Pomeraniam, Prusiam, & Liuoniam cepit ratione cuiusdam iuris successionis post Prussum Ducem prognatum suum, quem finxit Claudij Imperatoris fratrem fuisse. Ita tum illi destituti iusto prætectu belli, Primò dixerunt, sibi Lituaniam donatam fuisse à Mendoco illo, qui à Pontifice Rex nominatus fuerat. Secundo Samogitiam sibi vendicabant, quasi à Kiestuto ipsis donata fuisset. Tertio Marchiam nouam pariter vendicabant, quasi ipsis a Marchionibus vendita aliquot millibus grossorum Pragensium; quam venditionem prætendebant ipsis confirmatam fuisse ab Imperatore. Qui nulli rei impensius studebant, quàm malignitati, rapinæ, ventri, & ijs quæ sub ventre sunt, Obliti interim Hierosolymæ, cuius defendendæ voto tenebantur. nec eia urbs in memoriam redibat unquam, nisi quando post comestiones & prandia, animi causa, per eius figuram terræ insculptam decurrebant. Vñ enim illis receptum erat ubi que in Prussia, in collibus editioribus prope arces nobiliores figuram quandam labyrintheam & intricatam terræ insculpere, quam Hierosolymam vocabant. ut Grudenti & alibi etiam nunc videre est. Hanc ipsi, vel serui ipsorum coram eis, hilaritatis ergo, post pocula & crapulas percurrerant, & hoc pacto religionem se solutos putabant, si pro defensione vera Hierusalem à Saracenis oppressæ, fictam ludibundi percurrerent. Hanc vanitatem illorum, & otium traducens Cazimirus tertius, baud illepidè in eos iocatus est, missa legatione ad Pontificem Pium secundum antea Aneam Syluium vocatum, rogans ut istos suos milites in insulam Tenedum in orientem deportandos curaret, defensuros ibi Christianos à Turcis, ut Regula illorum postulabat; quandoquidem iam, prudentia senatus Polonici, Septemtrio Baptismo sacro initiatus esset, manusq; Christo dedisset. Nihil profuerunt hæc. Immo cum aperte non posset Pontifex, clam tamen per submissos oratores Cruciferos istos in nostram gentem exacuebat. Sigismundus itidem rex Hungariæ & Imperator quomodo nutriuerit illa dissidia inter Polonos, & Cruciferos, ex historia liquet. Nam Griualdici belli ipse fuit præcipuus faber; & deinceps, quoad vixit, nihil aduersum nos de sua malignitate & hypocrisis remisit. Qui cum apud Hungaros captiuus detineretur, & opem à Wladislao Iagellone imploraret, Iagello, quò eum officiis suis sibi deuinciret, & deprauatum animum eius sanaret, de liberando eo satagit & pecuniæ non exiguam vim mutui nomine ad eum mittit. Sed is tamen ea re minimè fuit placatus. Proinde ut par pari fratres Iagello & Vitoldus referrent, Bohemicos tumultus contra eum concitauerunt, misso

uerunt, misso nepote Coributo, qui se Bohemis aggregando, ducem se illis præbuit. At Sigismundus ad conuiuium euocatus Luceoricensē, rursus machinatur mala. Nam ut Vitoldum cum Rege fratre committeret, & ab eo auelleret, coronam illi promittit, & titulum Regis Lituanicæ. Ita utrinque & Marte & Mercurio, & ferro & ingenio decertatur. Expostulante enim Sigismundo, quod Coributum Rex Wladislaus in Bohemiam submisisset, Vitoldus non à Rege, sed à se submissum fuisse prædicabat. Rursus ad Vitoldum conuersus & rogans, cur inique igitur ipse secum egerit: Vitoldus in ipsum culpam reijcit, quod nimirum infideliter amicitiam coleret. Ita ille vicissim rogatus, quare committere & collidere utramque nationem Polonicam & Lituanicam intempestiua honorum delatione sategerit, negauit is palam; sed tamen clam inter suos iactabat, se inter istos duos canes, Vitoldum nempe & Iagellonem, os iniecturum esse, cuius uterque arrodendi cupiditate inuicem sese mordendo deuorarent. Merito igitur cum turpiter sepius maleuolentiæ exempla erga nostras gentes edidisset, à Bohemis pro hoste nationum linguæ Dalmaticæ declaratus fuit: Sed & Pius Papa non dissimili ratione, ut diximus, in nostras gentes peccans, à scriptoribus historiæ nostræ eiusdem malignitatis accusatur. Sed iam, quia nobis legem breuitatis imposuimus, ommissa descriptione prolixioris expeditionum istarum, per seriem decem sequentium comitiorum, incipientes à coronatione Iagellonis, res Lituanicas summatim scribemus.

Insequenti anno Cruciferi, aucti numero militum, ex Germania Cuiuiam populatum eunt. Breste autem obsident. Contra quos bonus Senectio iterum exercitum ducit. Videbant tunc Cruciferi oppida & pagos incensos, & ubiuis incendiorum flammæ collucescentes. Ideo irritatus Magister Lutherus Crucifericus, proelio cum Rege decernere voluit. Sed à Commendatoribus ab ea temeritate retractus fuit. Caduceatore igitur misso, à credulo Rege annuas inducias impetrant. Ne tamen Rex nihil egisse cum illo exercitu videretur, ut Syllesios vlsceretur, qui superiore anno Poloniae terrorem armis incutere voluerant, copias duxit. Vbi, cum omnes pauore consternati in arcibus latere vellent, quinquaginta & amplius munitiones eorum cepit. Reuersus ab eo bello Cracouiam, donatis ac dimissis auxiliariis, languere coepit. ac sensim inualecente morbo, ubi imminere mortem sibi sensit, ritu christiano sacris mysteriis confirmatus est. Deinde, quæ disponenda restabant in gubernando principatu, peragens, Cazimirum filium ad colendam iustitiam hortatur; eumque proceribus assidentibus languida voce commendat, utque eum post se Regem creare velint, rogat. Post hæc in Martio, qui mensis senibus

mensis senibus exitialis esse solet, extremum diem clausit, & in Basilica Cracouiensi ad læuam aræ maximæ sepultus est. Sed inscriptio in eius sepulchro nulla apparet; sicuti nec in Cazimiri Magni. An quia contempserit honores istos caducos, an verò quòd intus in monumento incisum sit aliquid, quod doceat, cuius illud sepulchrum sit, ignoro. Regnavit post coronationem suam annis tredecim, & paulò amplius, Princeps singulari prudentia, patientia, mansuetudine animi præditus, ad euntibus perfacilis, statura pusilla, sed animi celsitudine peramplus. De quo rectissimè scriptum est: Fuisse eum animi magnitudine tanta, usque ad decrepitam ætatem, & virtute adeò eccellente, ut cum maximis regibus rectè comparari possit, & eò quidem magis, quòd turbulentius & mutilatius regnum accepisset. Præcessit hunc paulò Vincentius ille Samotulius, qui & hostilitatis & commiserationis erga patriam suam exemplum in se reliquit. non tamen impunè ei cessit illa præuaricatio aduersus parentem suam Poloniam. Nam, licet posterioribus ausis superius ab se patratum facinus oblitterasse se iam crederet; tamen commemoratio incendiis patriæ, & iustus dolor ad eam diem seruatus ob amissos sanguine iunctos, & rei familiaris detrimentum eius opera acceptum, ita quoddam contra eum extimulauerat, ut sibi aliter satisfactum iri nequaquam persuaderent, nisi eum tanquam autorem illarum belli superioris calamitatum è medio tollerent. Plus enim apud offensos seruatus & continuatus dolor præteritorum malorum, quàm præsentium beneficiorum & meritum obsequiorum, valere solet.



LIBER SEPTIMVS,

in quo comprehenditur historia Polonica incipiens à temporibus Cazimiri Magni Regis Poloniæ, vsque ad Stephani primi tempora, sub quo hæc in lucem eduntur.

PROOEMIUM.

IAM omnes videre possunt, quàm aptè hæc distinctio librorum huic historiæ quadret. Quod autem à Cazimiro Magno septimus liber incipiat, causa est, non modò quòd Poloniæ regnum ad interitum spectare incipiens, ob dominorum pluralitatem, eorumque discordiis distractum, & in multas portunculæ diuisum, rursus in unam monarchiam reunitum est: sed etiam quòd ab hoc rege legibus reformatum, pacis artibus recreatum, muris & varijs munitionibus instauratum fuit. quo nomine, Magnus vt vocaretur, meruit Cazimirus.

CAZIMIRVS MAGNVS.

Anno ab orbe condito

5295.

Anno Christi

1333.

Moderator
iuuenilium Ca-
zimiri consilio-
rum Iascus
Melftinus.

CAzimirus Rex cum vxore coronatur; etiam si Heduigis Cazimiri mater, se regina superstitè, negabat eam debere coronari. Sed hic scrupulus statim exemptus est, exorata matre à Cazimiro. Quæ, vt nihil dubii relinqueret, & deciam antiquâ secessit, diui Francisci institutum professâ. Ioannes Melftinus, Iascus dictus, Regi iuuenilium consiliorum moderator est datus. Nix hoc anno sub finem Aprilis, quæ 5. diebus durauit, magnam fertilitatem præter expectationem omnium attulit. Locustarum enim etiam vis magna in Poloniam postea aduolauerat. Cum autem Cruciferi sententia lata à regib. Hungariæ & Bohemiæ, eiusque conditionibus non starent, missus est legatus ad Pontificem Ioannes Grotus Slupcius Episcopus Cracouiensis, qui apud Benedictum duodecimum perfecit, vt duos Prælatos mitteret, qui Polonorum Regi Cuiusiam, & Dobrinum redderent, & decem millia florenorum adiudicata numerari à Cruciferis curarent. Cruciferi verò, ne arbitrorum decreto, aut Pontificis mandatis parendi necessitate tam feruidè vrgerentur, perfecerunt apud Lodouicum Cæsarem, vt is Cruciferis, & Magistro ordinis Theodorico, pœna adiecta, interdiceret, ne cuiusquam præcepto quicquâ de iis terris, quas ab Imperio

ab Imperio haberent, cuiquam cōcederent, neūe apud vllos iudices de iis disceptarent prāter assensum ipsius. Indignabantur enim Imperatores & ægerrimè ferebant, iura Imperialia à Pontificibus attingi. Sed optimè excipi poterat, nihil hīc in Imperatorē peccari, cum eas terras, de quibus lis erat, non ab Imperatoribus, sed à Poloniæ Regibus haberent. Confederuut tandem iudices Wratillauix, & Cazimiro adiudicarunt Pomeraniam, Cuiuiam, Dobrinum, Culmen-
*Iura Imperia
 lia & Pontifi-
 cialia.*
 se & Michalouiense territoria. Pecuniamq; pro damnis maximam ei Cruciferi dare sunt damnati; & quia iudicatum non præstiterunt, anathema te percussī sunt. Dimicatum est postea, alternante fortuna victorias. Habitaq; sunt Comitia Cracouiæ; in quibus Carolus rex Hungariæ successor designat⁹ Cazimiro. & declaratum est, Syllesios defectione sua ad Bohemos sese hoc honore successione indignos reddidisse. Sequentem annum Russia Meridionalis subacta, & ad Palatinatum formam redacta, insignem facit. Cumq; Leopolum Cazimirus in suam potestatem redegisset, hoc vnum Russi sunt pacti, vt retinere sibi veteres religionis ritus liceret. Ingens vis auri, argenti, gemmarum, vetusta Russorum Ducum gaza, in iis arcibus reperta est. in qua insignes erant duæ cruce aureæ plurimis & pretiosis gemmis distinctæ. Ad hæc duo diademata cum sella & veste auro gem-
13 4 5.
 misq; rigente. Hæc omnia Cazimirus secum in Poloniam asportauit. Hi autem successus animum eius postea deprauarunt. Nam, ablegata Zarnoueciam vxore legitima Heduigi, Hessorum Principis filia, totum se libidini tradidit. ita vt etiam cōditiones pacis iniquas à Cruciferis, solis Episcopis reclamantibus, acceperit; quò sic ociosus liberiùs voluptatibus indulgere posset.

13 4 5. Iohannes rex Bohemiæ ille, qui Syllesiam nostris detra-
 xerat, Poloniæ intulit bellū tanto ardore, vt cum senio, laboribusq; confectus esset, ac alterum quoque oculum iam amisisset, tamen libenter se moriturum tum affirmaret, cum Cracouiæ muros manu victrice palpasset. sed cum spes fefellit, exercitu eius à Polonis partim dissipato, partim profligato. Cecidit in eo proelio ex Bohemis Zagliz Ptaszek, & Alzo Sramberg, capti quamplurimi. Palma rei bene gestæ Prædotæ Galcæ, gente Odreuzia, data, & Toporo Hinconi, qui ita dictus fuit ab Hincone Bohemo spectatæ nobilitatis viro, quem in conflictu ceperat. Ioannes ipse Rex paulò post in bello Anglico in Gallia interfectus occubuit.

13 4 6. Comitia illa Visliciensia celebrata, quibus Palatinorum, & iudicum infinita potestas certis cancellis coërcita est; vt non ex moribus, aut libidine sua, sed è scripto iure deinde iudicarent. Certæ etiam mercedes eis, & aliis ministris iudiciorum constitutæ sunt; vt ne quid præterea à litigantibus exigerent, multæq; quas iudices arbitratu

dices arbitrato suo dicebant, & exigebant, definitæ, Ad hæc sublati mos barbarus iurisiurandi conceptis verbis dandi, in quo si quis vel verbo lapsus esset, atq; adeò sititubasset, causa, quantumvis iusta, cadebat.

1346. Cazimirus nouum oppidum Cracouiæ iunctum condidit, & de suo nomine Cazimiriam appellauit; cum antea Bauolus pagus diceretur.

1349. Russicum bellum in quo Cazimirus magna foelicitate usus est; vna ætate expugnatis Lulco, Wladimiria, Breste, Chelino, Volinia omni, Belzensi, Brestensiq; tractu: Hæc sibi Lubartus, & Keistutus, ductis vxoribus stirpis Russiæ ducum, vsurpauerant. Postea Ludouicum Hungariæ regem successorem in regno sibi designauit. Hungarici verò reges iure suo in Russiam, quod adhuc somniabant post Colomanum, cesserant. Reuersus ex Russia Cazimirus, secundis rebus, laudibusque hominum elatus, rursus damnatæ libidini se tradidit, palàm cōcubinas in arce Cressovv & Opoczno alendo. ob

Bariczka Vi-
carius Ecclesi-
Cracouiensis

quam rem Martinum Bariczkam vnum de Vicariis Crac. missum, vt regem de ipsius facinorib. admoneret, vix id facere ausum statim in profluentem Vistulæ demergi iussit. Et mirum est, quòd in albū martyrum non fuerit relatus. Propter quod nefas Regis, poenæ epidemicæ consecutæ sunt. Pestis præsertim exitialis, quæ miseros mortales passim absuñebat, & in quintum diem prolata, carbunculis, & apostematis enecabat. A quibusdam creditum est, eam à Iudæis, infectis veneno fontibus, effectam fuisse. Non modò autem in ipsa Polonia, sed in aliis quoque prouinciis eadem lues inualescebat. Tartari etiam aliquoties Russorum terras infestârunt. Et vix Tartaris cessantibus, Lituani idem ausi subingrediuntur, trāsmisissis copiis per Istulam, vadum eis monstrantibus nostris. His tot calamitatibus edomitus Cazimirus rediit ad se; & crimen necati sacerdotis agnouit. missoque legato ad Pontificem, absolutionem, & decimas omnium decimarum in subsidium aduersus Barbaros sibi impetravit.

Lituani.

Decimas rex
non aude sibi
surpare sed à
Pontifice im-
petrat.

1353. Cum Martius, Aprilis, & Maius vltra medium, verno ac pene æstiuo calore ad calamos, & aristas segetes perduxisset, coorto de repente acri frigore & gelu, nix duos cubitos alta terras operuit, & in sextum vsque diem durauit. Et cum omnes iam existimarent, segetes corruptas, vbertas frugum præter spem tanta coorta est, quanta vix vnquam aliàs fuit.

1355. Missi ad Ludouicum Regem Hungarorum legati nomine toti⁹ Poloniæ, retulerunt diploma eius, quo is recepit, nunquam se, neque posteros suos vllum tributum, aut exactionem vlli ordini Polonorum, neque sacro neque profano, imperaturum; neque iter facientem cuiquam oneri omnino futurum. Præterea damna ac de-

trimenta

trimenta in expeditionibus, quæ fiunt ultra fines, accepta, omnibus compensaturum. Hæc sunt, quæ ordini nobilium Rex Ludouicus ante regnum initum concessit. Accessit eodem anno Mazouia ad societatem cæteræ Poloniæ: & regiæ authoritati sese subdidit. Veniens enim Calissiam Ziemouitus Dux Mazouiorum vnà cum prouinciæ cunctis ordinibus, ad sextum calendas Ianuarii publicè vexillum ad pedes Regis proiecit, & in verba eius aliorumq; deinceps regum Poloniæ iurauit. Ad hæc obsignatis tabulis subiectionem suam testatus est. Eodem tempore ex Germania coloni in Russiam à rege acciti, oppidis & pagis in Pedemontana regione seu Podgorze ad imitationem Germanorum nomina imposuerant. qualia sunt Lembur-ga, Landeschutum, Pislina, Gerlica, Freistadia, Hicinum, Ticinum, & consimilia. Superius autem monstratum est, Bastarnas iisdem in locis prorsus confedisse, quibus etiam hæc palma tribuebatur ante mille annos, quòd reliquis Sarmatis diligentiores patresfamilias essent. Cum ergo hanc laudem auitam atque antiquissimam hic angulus Sarmatiarum habuerit, non est mirum, quòd nunc toti Poloniæ abundè equos, pecora, linum, copiam butyri, caseorum, & similium rerum suppeditet. Amauit hic princeps supra modum ordinem ciuium & agrestium; ita vt vulgò Rex rusticorum vocaretur. Nec ipsos modò Teuthonas iure suo Saxonico siue Magdeburgensi vti permisit, sed suis quoque Polonis id ipsum indulxit. Quoniam verò ab iis iudicis ad Magdeburgensè tribunal in Germaniam vsque prouocabatur, non sine quadam ignominia Poloni nominis & magno dispendio litigantium, sustulit eam prouocationem Cazimirus. & in arce Cracouiensi supremum & prouinciale iudicium Teuthonicum constituit, ad quod prouocationes omnes ab inferioribus subselliis ex tota Polonia fierent. Cui quidem iudicio præsidet peritus eius iuris Aduocatus vnà cum septem Scabinis (sic enim appellari quæstorem cum iudicibus vsitatum est,) quos magnus Procurator arcis delegit, ab eoque iudicio ad Regem prouocatio permittitur. Sed, quando causæ cognitioni binis sex oppidorum siue ciuitatum decurionibus seu consulibus delegatur, ab iis prouocatio nulla est.

1356. Hedugis Regina, cum Zarnoueciam Castellum ablegata quindecim annos ibi, honestè tamen & lautè habita, vixisset, ad extremum à patre, nemine prohibente, domum reducta est.

Borcouicius Palatinus Posnaniensis biennio post mortem reginæ Hedugis in Olstinensem arcem deportatus, in retro & obscuro carcere inedia vitam finiuit. cuius exemplo conterriti homines malefici, ac prædones, non mediocriter coerciti sunt.

1358. Nec diu cunctatus Cazimirus, tertio uxorem ducit, Hedugem & ipsam Henrici Glogouiensis Ducis filiam.

*Tribunal ciuili-
um caesarum
constitutum,
quemadmo-
dum nunc Pe-
tricone & Lu-
blini causæ no-
bilium iudican-
tur.*

*Compositio in
ter status.*

*Compedum
struendorum
modus.*

1359. Hoc anno Rex & Iarosslaus cognomento Bogoria Archiepiscopus Gnesnensis inter nobilitatem Cracouiensem, Sedomiriensemque, & Bozentam Episcopum Cracouiensem, de iure decimarum, de iurisdictione ecclesiasticorum iudicum, de nouis parœciis instituendis, de moderandis immunitatibus Clericorum, & consimilibus controuersis agunt, atque componunt, ipsisque libertatum suarum patronis abusus suos, excessusque amicè modificantibus, concordiam conciliat. Nondum desierat ira Dei grassari ob delictum Regis, etiam si cum Pontifice Romano Cazimirus in concordiam iam redierat. Nam à Valachis Poloni ignominiosè sunt profligati strategemate quodam, quod compedes Vegetius vocat. Id fit in hunc modum: Inciduntur ab agrestibus robora in syluis, ita tamen, ut truncis suis adhuc utcumque cohæreant. Vbi verò iam eas syluas agmina hostiū ingrediuntur, tunc agrestes planè succidunt extrema ipsisque citima robora, eaque impellunt, ut sic reliqua omnia deinceps sese impellant ac mutuò collidant. Ita ruina obruti, qui ingressi fuerint, pariter imbelles cum fortissimis cōcidunt, & ex illa maxima strue lignorum, tanquam capones ex corte educti mactantur. Effodiuntur etiam scrobes in orbitis viarum, & cespitibus adoperiuntur, ut currus, & alia impedimenta vnà cum rotis deprimantur, retardenturque. Adiciuntur & terriculamenta quædam, quibus ducentes exercitus, sub lato clamore, facillè in pauorem & trepidationem impelluntur. Hoc accidit nostris, iisdem fere in locis, primùm, ut dictum est, sub Cazimiro Magno, & postea etiam Iohannis Alberti Regis temporibus, quando prioribus cladibus attriti, cautiore esse nolebant. Iam nunc nostri experientia edocti prudentiores sunt. Etenim transmissuri exercitum, præmittere solent exploratum aliquot turmas equitum, leuioris armaturæ, qui occupant loca in illis syluis natura magis munita. Et, si viderint aliquod periculum, recurrunt ad suos vel in tempore præmonent vniuersum exercitum. Si verò aliqui interim ex Valachis occurrerint, sustinent eos leuioribus certaminibus, donec auxilia submittantur. Ac ita securè transitus exercitui patet. Redeo iam ad historiam. Ad hanc externam cladem nostrorum accesserunt & domesticæ strages, pestilentia nimirum tanta, ut in sola vrbe Cracouiensi nondum ita frequenti, ut nunc est, viginti millia mortuorum censa esse dicantur. Magis autem in nobiles & locupletes, quàm in vulgus grassata est hæc lues. cum alioquin, quemadmodum experientia docet, sæpius eueniat ut in bello quidem nobiliores, in peste verò plebem Deus ad poenam exposcat.

1364. Cazimirus Rex missis Auinionem ad Vrbanum quintum Pontificem oratoribus duo impetrauit: Alterum, ut in Russia cathedra metropolitana erigeretur: alterum, ut Cracouiæ noua Academia exemplo

LIBER VII.

327.

demia exemplo Caroli Imperatoris, qui idem Prage in Bohemia nō ita pridem prastiterat, institueretur. Vtrumq; inquam, impetrat; & mox perficit. Quanquam Academiae coeptum opus morte Cazimiri intermissum fuit. ut tam pii, & tam sancti instituti atque operis la gello Wladislaus postea particeps, Deo sic prastituente, redderetur. Eodem anno, visitando ecclesias Archiepiscopus Iaroslaus, contro- uersiam veterem de decimis, tanquam vlcus prius malè sanatum, cu rare vult; & cicatricem obducere tentat, per compromissum litem dirimens. Eodem anno Wratislauia fortuito incendio conflagrat. Fames etiam Poloniam inuasit, quæ cura ac diligentia Regis mitiga ta est. Horrea enim sua & granaria referta aperuit in gratiam plebis. Sic alii cōmutatione rerum, alii opus faciendo, qui verò ditiores e rant, pecunia emendo, sibi facilè annonam comparabant. Itaque hoc tempore complures arces in Polonia, & oppida muris, vallis, atque fossis munita, piscinæ, aggeres, & aquæductus multis in locis facti. Ex quibus est ille, qui Bochnam vique per quinque miliaria duci est institut; quò deriuata & immissa aqua ex Vistula, sal, ligna, ac ceteræ merces vtrò citroq; naubus, vel ratibus deportarentur. Præbuit ergo Cazimirus sequentib. regibus exemplum, ut non mo dō in solio diademate & aliis regni insignibus ornati sederent, nec tantum Martis cruenta facta meditarentur; sed etiam œconomicis factis aliquando vacarent. utq; non modò exactionibus & teloniis, sed etiam emolumentis suo ipsorum ingenio partis se viuere meri tō gloriari possent. Hoc sanè prastitit Cazimirus. qui tali sua indu stria effecit, ut anno sequenti, cōuiuium memorabile illud celebra ndo, splendorem gloriæ suæ auxerit, exteris regibus id spectantibus, & non sine admiratione contemplantibus. Pontifex autem maxim⁹ Urbanus, mitigatis tum regum animis, non modò pacem inter inimi cos, verum etiam affinitatem conciliauit; effecitque, ut Carolus Im perator neptem Cazimiri Regis Elizabetham Boguslai filiam, vxor em quartam duceret. Tertiam enim Annam Bernardi Svvidnicien sis Ducis filiam, acceperat; ex qua Wenceslaum filium susceperat. Cum hac Svvidniciensem dominatum, supremum Syllesiae spoliū Poloniae detractum, sibi acquisiuit.

*Visitatio Ar-
chiepiscopalis.*

Nuptiarum descriptio ex D. Cromero.

Conueniunt eò inuitati à Cazimiro Reges, Ludouicus Hunga rorum, Sigismundus Gothorum siue Danorum, & Petrus Cyprio rum, Ponto & aduerso Histro in Valachiam, & inde terrestri itinere per Rulsiam Cracouiam aduectus. Præterea Duces, Otho Bauaro rum, Ziemouitus Mazouiorum, Boleslaus Svvidniciensem Bernar di defuncti frater, Wladislaus Opoliensium, & Boguslaus cum spon sa filia. Ad

Ceremonia Regum & Principum obuiam euntium Imperatori.

Georgius dux Belzensium.

sa filia. Ad extremum venit Carolus cum splendido comitatu. Cui venienti omnes principes, atque reges cum Cazimiro Cracouia ad vnum miliare obuiam profecti sunt; & non modicum spatium pedibus progressi, quod idem facere Imperatorem cognouerant, amicè inter se consalutarunt. Cum autem ibi appropinquaret, Carol⁹ sponfam cum patre, & magna puellarum & matronarum caterua obuiam habuit, deductusque cum ingenti pompa, in arcem Cazimiro petente, diuertit. Cæteris in vrbe hospitia distributa. Omnes hi principes aduenientes, in extrêmis Poloniæ finibus Cazimiri iussu comiter & perhumanè accepti ac deducti, liberaliter & magnificentissimè habitati sunt: durantibus vsque in vicesimum diem nuptiis, & conuiujs. Et cum abunde omnia ad sumtum suppeditaretur hospitibus, regiorum procuratorum atq; dispensatorum prouidètia; tamen ne quid magnificentiae desideraretur, magna dolia in foro vrbis collocata sunt; alia vini, alia auenæ plena, vnde lumerent, quantum quisque vellet. Præerat autem procuratoribus, ac dispensatoribus omnibus regiis Verincus Germanus Cōsul Cracouiensis: quem Cazimirus propter singularem industriam, atq; dexteritatem in rebus agendis thesauro suo præfecerat, & omnium cōsiliiorum suorum non modò participem, sed moderatorem propemodum habebat. Is igitur cū esset ditissimus, nō habuit satis nuptias illas regio nomine quā splendidissimè administrare; sed, vt suam quoq; magnificentiam Poloniæ adderet, Imperatori, Regibus, Ducibus, & proceribus eorum domiliuæ conuiuium magno apparatu dedit, & ampla munera omnibus largitus est. Inprimis autem Regi suo Cazimiro; ita vt, quæ ei donauit, plus centum millibus florenorum æstimata esse dicantur. Nuptiis ritè peractis, & fœdere sempiterno inter Reges icto, ac iure iurando firmato, & missis inter se vtrò citroque amplissimis muneribus, domos quisque suas disceserunt, ad fines vsque regni à Polonis proceribus deducti. Post hanc Cazimiri cum regibus solenniter initam amicitiam, omnes vicini, depositis armis, eum prensabant & se fidei eius committebant. Ex quibus Georgio Belzensium Duci, cum se imperata facturum promitteret, concessit, vt ditionem suam retineret. Quin & Chelensem arcem de Lituanis captam Cazimirus ei adiecit. Eadem expeditione, quam in Russiam susceperat, Lusum, Wladimiriam, Olescum arces in iurisdictionem suam redegit. Cruciferi etiam, cū in Prussiam suscepisset iter videndi Magdeburgi gratia, vt ad eius, aliarumque vrbium exemplum Poloniā magis cultam redderet, perhumaniter & honorificè eum acceperunt; ac mansuetudine, & prudentia eius victi, submissionem erga eum testati sunt tantam, quātum antea armis nullus regum Poloniæ sibi apud eos conciliare potuit.

1370. Sic igitur ad summum gloriæ culmen cazimirus regno perducto, & sibi æterna fama acquisita, anno 1370. Predboriæ, cum venatum de festo ad proximam syluam, frustra dissuadentibus aliis, abiisset, fugientemque ceruum insequeretur, equo, quo vehebatur, cum impetu labente ipsius corpus, cum carnosum esset, conquassatum est. Relatus est Predboriam, & postea Sedomiriam, indies febri inualecente, præsertim cum iam frigida aqua, iam mulso uteretur, nec à medicis præscriptam sibi victus rationem seruaret. Cracouiam deinde delatus, quærit ex medico Mathæo, num iam Cracouiæ peruenisset, tacitè admonens promissorum, quibus ei Cracouiæ certam sanitatem medici polliciti erant. Quæsiuit postea, an aliqua spes eius valetudinis superesset. Cumque animaduerneret, medicos more suo bona spe ægotantem ductare, testamentum condidit, in quo multa multis largitus est, & præsertim Gneſinensi & Poſnaniensi ecclesiæ. Cracouiensi verò crucem alteram insignem auream ex duabus, quas Leopoli deportauerat. Executionem testamenti Iohanni Strelcio Decano Cracouiensi & Cancellario regni, Suchivilko dicto, commisit. Ad extremum in Christiana religione, ut Christianum decet, mortuus est. & in Basilica Cracouiensi ad dextram aræ maximæ honorificè sepultus, sub imagine sculpta in marmore. Vixit sexaginta; regnavit annos triginta septem. pacis artibus clarus, sed & bellicæ laudis non expers. Nam Mazouiam, Russiamque regno adiecit; & quæ alii bellis cruentis præstare non poterant, ille consiliis salutariis commodè perfecit. Oppida cinxit muris triginta, arces ferè quadraginta: monasteria complura. Academia Cracouiensis fundamenta iecit, aquæductus, & piscinas extruxit, quamquam hæc cura posteriorum regum potius fuit. Sed & hanc ipse non est aspernatus, iuxta illud: Quæ singula non iuuant, coniuncta multa iuuant. Tabernæ mercatorum, & propolium in foro Cracouiensi eius est opus. Sed quod maximum vallum est Reipub. & firmamentum fortissimum, leges egregias promulgauit; & laqueos earum, & alia barbarica instituta summa cum dexteritate refecuit. Adeuntibus facilis; querimonias etiam infimorum, ubi ipsi tenuiores homines difficiles se præbere solent, ille constanti temporis spatio ad id constituto, per benignè audiuit. Tenuiores à potentiorum vi & iniuria sedulò vindicabat; ita ut æquior plebi, quam nobilitati esse videretur. in moribus elegans. Poloniam bellis, & aliis calamitatibus vastatam & infrequentem, populosiorem reddidit. Cæterum in vita domestica non deerant ei sua vitia. In cibo, & potu intemperans; & inde in libidines ruebat. Nam præter greges cōcubinarum, asseruabat Bohemam quandam Rechecanam. captus eius pulchritudine. qua cum aliter potiri non posset, conceptis verbis vxorem eam se ducturum promisit: confirmante

Leges Cazimiri.

fit: confirmante id Abbate Tinecensi, quem mulier illa cum vidisset tiara ornatum, Episcopum Cracouiensem esse credidit. Sed & hanc cum deinde caluam & scabiosam comperisset, eiecit, & Iudææ cuiusdam Hester consuetudine vsus est. Itaque iusta Dei poena, nulla mascula prole, exceptis nothis, relicta, decessit. Sacerdotes tamen continentes, licet ipse incontinens, singulari fauore persecutus est. Statura fuit procera, licet paruulo patre natus, eaque corpulenta; capillo denso & crispo; promissa barba; voce sonora: sed balb⁹ aliquantulum. Quæ forma & corporis habitus Cazimiri Magni, prorsus cum Cazimiri primi forma corporisque habitu conuenit. ita vt isti duo principes, vt nomine, ita & persona simillimi inter se fuisse videantur.

LVDOVICVS HVNGARORVM & Polonorum Rex.

Anno ab orbe condito
Anno Christi

5332.
1370

Quia non vitas regum Poloniæ, sed Polonorum, res gestas iuxta annalium normam describere ab initio proposuimus, ideo à Ludouici rebus gestis in Hungaria abstinēbimus. im morabimur autem iis tantum rebus, quæ ad Poloniæ regnum spectare potissimum videbuntur. Magno tunc dolore Polonos occupatos fuisse, nemo est qui non videat. Nam iis, qui indigenis regibus antehac parere didicerant, nunc externo regi se subdere graue & onerosum erat. Accedebat eò, quòd Mazouii ad prædas accurrebant: Sætocum & alia sibi vendicando. Lituani etiam, rati se nactos commodam occasionem, Volinia capta, progrediuntur ad Istulam; & tandem vsque ad intima Poloniæ, vbi est Lissecense monasterium omnia diripiunt. Itaque Poloni, cum aliunde nihil opis sperandum restaret, mittunt oratum Ludouicum, ne cunctetur, sed quamprimum, ad capeffendum iam sibi destinatum regnum veniat. Quod cum & procures Hungari instantes suaderent, respondisse fertur: Non satis intelligere, neque hos, quid suadeant, neque illos, quid petant. Prospiciebat enim è re neutrorum id fore. Nam sicuti duobus gregibus non expedit vnum pastorem habere; ita duas Respub. vix vlla ratione sine alterius incommodo ab vno administrari posse existimabat. Venit tamen ad nos. cui frequentes Poloni ad Sætociam obuiam progressi, eum excepere. Rogatus publicè à Iohanne cancellario, an testamentum regis Cazimiri ratum esse iuberet, præcipitanter assensus est. Nam immodicæ donationes mortui regis sine magno damno Reipub. præstari non poterant. Ideo postea ipsemet de iis, quæ nothis filiis Cazimirus legauerat, apud terrestres iudices (vt vocant) disceptandum

sceptandum esse censuit. De eius coronatione à maioribus Polonis scrupulus iniectus est. Hi enim contendebant, ut Gnesnæ veteri more fieret. sed Ludouicus proximorum regum Wladislai aui, & Cazimiri auunculi exemplum ea in re secuturum se esse dixit. Coronatus est itaq; Cracouiꝑ ab Archiepiscopo Gnesnensi decimo septimo die Nouembris: Nec tamen desiderium Cazimiri defuncti regis ex animis hominum Rex nouus euulsit; imò plus etiam auxit. cum non modò (in quo valde dissimilis Cazimiro erat) aditus ad eum difficiles essent; sed ne adiri quidē à nostris sine interprete posset. Nam tum lingua Latina non ita fuit, ut nunc, vsitata Polonis. Commemoratur autem, quòd circa eius coronationem à Wladislao Opoliensi, & Cazimiro Stetinenſi Duce iusiurandum acceperit, quod perpetuò in potestate ipsius, & regum Poloniae deinceps futuri essent. Vide Dlugossum. Exequias deinde magnificentissimas & sumptuosissimas auunculo apparauit. ubi infinita penè hominum multitudo lachrymis, planctu, eiulatu, ingens defuncti regis desiderium testata est. praesertim, quòd vnà cum eo successionem regum suorum vetustissimorum iam inde à Piaſto hæcenus deductam & continuatam, abruptam atque extinctam esse cerneret. Hoc cum Ludouicus probè animaduertisset, veritus ne aliquam filiae Cazimiri nouandarum rerum occasionem Polonis darent, ablegauit eas in Hungariã. & constituto ibi iudicio, perfecit, ut non ex iusta vxore nata, ideoque hæreditatis paternæ incapaces pronunciaretur. Quod sanè ingrati hominis facinor, ex iusta diuini numinis vindicta extitisse videri potest, ut filiae Cazimiri paternarum libidinum, & stupri ingenuæ puellæ Feliciani filiae oblata in eodem pene loco, quo ille deliquerat, poenas luerent. Abiit postea Ludouicus ex Polonia, Elizabethæ reginæ matri administratione regni commissa. At Goluchouius postmodum motus est præfectura maioris Poloniae, & Otho Pilecius cõtra leges ei substitutus. Sequenti anno Iaroslau cæcus abdicauit se Archiepiscopatu. Memoratur etiam de eo illud excelsi animi facinus; quòd, cum iuuenis adhuc Bononiensis Academiae Rector esset, tranſtulit inde Academiam sua authoritate, propter Britannum siue Anglum quendam scholasticum à magistratu vr̄bis capite plexum. nec prius eam restituit, quàm pro cæde illa Angli satisfactum esset. Fertur autem Iaroslau mandasse moriens, ut cadauer suum non ostio, sed pertuso pariete in Basilicam sepeliendum inferretur. quòd non ritè, neque legitimè Archiepiscopum se factum esse diceret.

1374. Leges quædam & libertates à Ludouico ordini nobilium datae. Primò, ut vectigalis nomine subditi nobilium non nisi binos grosos in singula iugera quotannis darent; cum antea duodecim dare consueſſent. Secundò ut nobiles à reliquis pensionibus, & oneribus deinceps

Terrestres iudices inter regem, & posteros Cazimiri iudicant.

Stetinenſis & Opoliensiſ ducis iusiurandũ

Ingratitudo Ludouici regis pœna Cazimiri libidinum.

Iaroslai Archiepiscopi facta.

Capita libertatum à Ludouico concessa.

ribus deinceps liberi essent, eorumque subditi perpetuam vacationem & immunitatem haberent. Tertiò ne rex vllum magistratum perpetuum siue honores aboleat, neque extero homini cuiquam conferat; ac ne præfecturam quidem arcis cuiusquam, aut oppidi. Ad dunt quidam expositionem. Quæ iurisdictionem adiunctam haberet. Easdem præfecturas nemini ex Ducum illustri genere orto se daturum promittit. Hæc Casouia Ludouic⁹ Rex sancit, ordinibus cunctis Poloniae assentientibus. Tametsi Episcopi ne eos quidem binos grossos concedere volebant, defendentes se Boleslai Pudici remissione. Hæc ille cum præstitisset, Poloni vicissim annuerunt eius votis, ut alterutra filiarum eius post ipsum in Polonia regnaret.

*Wladislaus ex
genere Piaſti
Endiuioni in
monasterio.*

1375. Secuti sunt motus quidam in regno, quorum causa fuit Wladislai Cuiaviensis Ducis in Poloniam reuocatio. Hic enim non contentus fortuna sua, abdiderat se in monasterium Endiuioni. Cuius recordati quidam ex Polonis, cum angerentur supra modum ob dominatum externi regis, hunc, utpote qui solus ex legitimis successoribus Piaſti remanserat, ex monasterio reuocant. Veniens igitur molitus est nonnulla, sed quia inuitis fati hæc fiebant, nequaquam ei eiusque a seclis consilium successit. Rediit igitur Endiuionem, spreta Abbatia, quam ei Ludouicus homini gratificaturus in Hungaria dederat. ibique denuo cucullam sumpsit. Narravit mihi vir Magnus quidam ex maiore Polonia, illustri loco natus, se istuc vidisse monumentum Wladislai istius (quamquam ipse putabat esse Boleslai Audacis) cui Epitaphium tale inscriptum fuit: **W LADISLAUS REX POLONIAE HVC DELATVS ET MORTVVS HIC SEPELIRI VOLVIT, &c.** Elizabetha Ludouici mater ex Dalmatia reuersa in Poloniam, cum ei de Lituanorum incursionibus referretur, muliebri leuitate laborans, quietos & securos omnes esse iubet, inquit: Filium suum tam longis grauib⁹que esse manibus, ut solum nomen eius non modò Lituani, sed cunctæ circumcirca nationes contremiscant. Interea ipsa musicis & choreis erat dedita. Tunc etiam ille tristis casus accidit, cum aulici Elizabethæ Hungari, diripientes focum anteportam Velicensem, contentione cum ciuib⁹ exorta, Iasum Kmitam præfectum Cracouiensem sagitta emissa interfecerunt; post verò ex ipsorum numero centum sexaginta prostrati ceciderunt. Tri duo arx fuit occlusa & ab armatis obsessa. quo casu Elizabetha perculsa in Hungariam moesta reuersa est. Hoc etiam tempore in Græcia Turcæ vrbes nobiles cepere. Itaque Pontifex, oratore misso, binos grossos de vnaquaque exprouentib⁹. marca ad subsidia ferenda Christianis à Polonis exigit. Quoniam autem Prædislaus Pogorelicius Episcopus Wratislauiensis paulò ante vita excesserat, relicta magna pecunia, ideo ex eius hæreditate legatus triginta millia aureorum adiunxit illi

*Ingens pecuni
& summa exi-
gitur. & Ro-
mam ex Polo-
nia exporta-
tur.*

adiunxit illi summæ. Insuper octo alia millia annua pactus est Pontifex, donec aliquis Prædislao successor daretur. Cuius approbatione ob id Pontifex in septimum annum distulit. Motus eo exemplo Ludouicus Rex, suscepturusque bellum contra Lituanos, ab Episcopis subsidia ad tam pium bellum contra Barbaros petit. Sed nihil impetrat. Verebantur enim Episcopi, ne munifica ac voluntaria ipsorum contributio in morem, & mox inde in legem abiret. Nihilo tamen minus profequitur institutum bellum contra Lituanos Ludouicus. In qua expeditione orto inter Hungaros, & Polonos iurgio, Petrus Safranecius in faciem ab Hungaro quopiam vulneratus fuit. Cumque res ad seditionem ipse videretur, Petri dolorem Rex leniens, donat ei territorium cum arce Piezskovva *stata*. Septem vexilla Toporum familiæ in illa expeditione fuisse feruntur. Sub idem tempus cathedra Præmislensis & Wladimiriensis instituta, Gregorio Papa annuente. Porro Archiepiscopalis sedes in Russia Haliciæ constituta fuit. Hæc Ludouicus ideo faciebat, quod iam inhiaret Russia; quæ ei ob fertilitatem soli supra modum placuerat; & propterea cõ expeditionem antea ipsemet susceperat. Nam Archiepiscopo Haliciæ, in sede nimirum veteri Colomani Hungari regis, ut supra commemoratum est, residente, facile omnem Russiam, quam iam animo conceperat, dicto obedientem sibi fore pollicebatur. si inquam Archiepiscopus istic ex ipsius sententia resideret. Suspecta ea res fuit Polonis, quod attinet Russiam. Sed mussantur fere principum & potentiorum iniuriæ. Adiecit & aliud enorme, quo magis exasperatos Polonorum reddidit animos, quod Wladislaum Opoliensem se absente gubernatorem regno præfecit. Negarunt Poloni se homini externo, quem ipsi sibi principem non constituissent, parituros esse. Eo accessit & ecclesiastici ordinis murmur. Nam, cum liberatos se a Boleslao Pudico ab omnibus contributionibus sapienter legarent, Ludouicus tamen absens, ut aliquid ab eis emungeret, consilium illud est secutus: Magnū petas, ut æquum obtineas: Imperauerat enim eis dimidium veteris exactionis; hoc est senos grossos in singula iugera; utque ita exigerentur, quæstoribus edixerat. Cum illi iniuriam sibi fieri quererentur. Respondit, se gratiam illis fecisse non iniuriam. Nam cum duodecim grossos veteri instituto cogerentur numerare, ille dimidium tantum exigebat. Cum autem immunitatem ab eo donatam, regno datis diplomatis, vrgerent, Respondit, eos eam gratiam tunc, cum hæc generatim omnibus donarentur, refutasse. Ita ultro citroque commutatis verbis, eo res recidit, ut ex duobus malis minus eligendo, maluerint duos grossos vnâ cum reliquis ordinibus contribuere, quàm, nouis artibus circumscripti, ad grauiora onera pendenda cogi. Nam Pudici priuilegia, & immuni-

*Hæc eadem ex
actio Regi ne-
gatur.*

*Prorox vel
gubernator
Regni.
Ecclesiasticus
& politicus
ordo offensus.*

tates, quæ sacro ordini concessæ fuerant, non admittebant. Sed quòd ille fuisset princeps partis Poloniæ, non totius: itaque coronati Regis locum minimè tenuisset. Aliam autem faciem rerum subsequutam esse. Quare nouum casum nouo remedio indigere. Hi colores tum excogitati fuerunt.

1380. Post hoc tempus machinam æneam, quæ à sono terribili Bombarda vocatur, Germanus homo apud Venetos excogitauit. Ludouicus Polonis Budæ Comitia indicit ad medium quadragesimæ. Erat hæc res noua, multa quæ secum incommoda trahebat; ad exterarum oras per tanta locorum interualla Senatores euocare, veris præsertim tempore. Constituti tunc sunt Triumviri, penes quos summa rerum in Polonia esset.

*Ioannes Gnes.
Archiepiscopus.*

1380. Zauisza Episcopus Cracouiensis in prædio suo Dobrouoda, seu repentino & vehementi morbo, seu de scala lapsus (variatur enim fama) cum aceruum fortè ad constuprandam rusticanam puellam ascenderet, extinctus est. Et cum funus eius pompa militari efferretur ab amicis, auditæ sunt voces dæmonum vociferantium: Proficiscamur meretricatum. Auditi sunt tum & strepitus, & hinnitus equorum. Post hunc Ioannes Gnesnensis Archiepiscopus, homo præcipiti iracundia, & in ecclesiasticos homines dictis & factis contumeliosus, decessit. Ludouicus Rex cum languere se, & sensim destitui viribus sentiret, indictis Comitibus Zyvoleni in Scepusio, frequenti se natu Mariam filiam natu maiorem, & vnà cum ea Sigismundum sponsum eius, Marchionem Brandenburgensem, successorem in regno Polonorum designat. Sed Sigismundus non suo ordine, & ante tempus agens negotium, magnum obicem in hoc adeundo regno sibi ipsi posuit. Interim Ludouicus Tirnauia, vbi cum Hungaris Comitibus celebrabat, 13. Septembris moritur. Regnavit in Polonia duodecim annis. Statura fuit mediocri, prominentibus oculis, atque labris; capillo, barbaque crispa; sereno vultu, humeris parum incuruis, moribus temperatis, in supplices clemens, maleficio iuxta, ac beneficio se superari haud patiens. Nihil vnquam inconsulta astrologia faciebat, in homines doctos fuit propensior. Illud habuit peculiare, quòd nonnunquam, dissimulato habitu, vicos & oppida perlustrauit, ut cognosceret, quid de publicanis & exactoribus, iudicibus & magistratibus suis, ac de se denique vulgus hominum assentandi nescium sentiret, multa quæ ex horum sermonibus in se suisque correxit, ac castigauit. Bulgaros, Bosneneses, Serbios, Croatas, eos denique, in quibus solis nomen Slauorum hæserat, ad officium ipsi parendi reduxit. Ita dominante eo, Polonia, & Poloniæ adiacentibus dominis coniunctis, iterum, quasi postliminio, gentes illæ, quæ quondam ad Slauonicam confederationem pertinebant, veluti oues in vnum ouile

Slauonice gentes sub Ludouico in vnum corpus coagmentatae.

ouile compulsa, & rursus coacta in vnum corpus coaluerunt.

INTERREGNUM.

Sigismund⁹ Marchio Brandenburgensis à Ludouico socero designatus, iam se propemodum pro Rege Poloniae gerebat. Sed tribus rebus voluntates Polonorum à se alienauerat: Primum quòd Demaratum, morosum hominem, praefectum Posnaniensem vt amoueret rogantibus nobilibus, surdis auribus audiebat. Deinde quòd eiici & remoueri ex caenaculo Polonos cibum sumpturus patiebatur: Postremò quòd sacerdotium quoddam in Polonia, repudiatis procerum precibus, homini Bohemo contulerat. Itaque maioris & minoris Poloniae nobiles causa eligendi noui Regis in oppido Radomsko indicunt Comitiam. vbi concluditur de stirpe Ludouici regem creandum; sed talem, qui in Polonia per se ipse regnum administraturus esset. Quo quidem verbo facile Maria filia cum Sigismundo eius viro excludebatur, Sigismundus enim Hungariam simul obtinere cupiebat. In Wisliciensibus verò Comitibus, vbi ipse adfuit apertius repulsam passus, discedit. Et cum Cracouiam diuertere voluisset, exclusus est. Verebantur enim, ne dolo, vel accitis ex Hungaria militibus, eam in potestatem suam redigeret. Rediit ergo in Hungariam. Sumptus tamen ei de publico suppeditati sunt, dum per Poloniam iter facit. Ibi cum turbæ excepere. Inuenit enim Carolum Neapolitanum ab Horuato praefecto Croatiae opera Reginae interfectum esse. Polonia quoque maior tum à tumultu non erat liberata, ob Demaratum praefectum; qui etiam si in Wisliciensibus Comitibus satisfacturum se omnibus receperat, tamen responsum retulit: Non aliter satisfacturum esse, quàm, si magistratu abiret. Itaque publico placito nobiles ei parere detrectabant. Secutæ sunt deinde cædes & proelia inter Suiduam & Demaratum, interque Ziemouitum, & eos, qui Elizabethæ partium erant. Nam Archiepiscopus Bozenta, priuato consilio ad Ziemouitum transiens, regem cum Lecicia renunciauerat. Et nisi exercitum ad sedandos motus ex Hungaria Elizabetha misisset, maior Ilia malorum & calamitatum adhuc secuta fuisset. Præstitisset tamen, si ipsamet venisset. quod quia non fecit; missus est ad eam Sediuius Szubinius, vt maturaret suum aduentum. Sed, cum videret, se ambiguus verbis ab Elizabetha ductari, quodque peius est, ne rediret in Poloniam, vetari, ipse clam sese Iadera vrbe euoluens, fere intra viginti quatuor horas sexaginta miliaria bene longa, vt sunt Hungarica, crebro mutando equos, emensus, Cracouiam lassus peruenit, vt de omnibus Polonos certiores faceret. Sancitum est igitur postea (& statuta dies octaua Maii) vt Hedwigis altera Ludouici filia se sisteret, si regnare vellet. ni faceret, aliter

ret, aliter sibi prouisuros esse. Sed neque hac via aliquid perfectum esset, nisi iterum Szubinius, quem angebat nobilium iuuenum retentio, in Hungariam priuatim profectus fuisset. vbi perfecit, vt Hedugis in Poloniam rediret. Venit itaque comitata Demetrio tituli sanctorum quatuor coronatorum præsbytero Cardinali, & Archiepiscopo Strigonienfi, aliisque Proceribus Hungaris. Ad cuius aduentus famam exciti Polonorum proceres, vsque ad Sædeciam profecti sunt. Deducta Cracouiam honorificè cum perampla ac splendida aurea & argentea stragulæ vestis suppellectili, qualis decebat tanti Regis filiam, die sanctæ Hedugis Legnicensis ipsa Hedugis coronatur à Bozenta Archiepiscopo magna omnium læticia & fausta acclamatione. Ita lenitum fuit in animo Polonorum regis desiderium, propter suaves & liberales mores Hedugis Reginae cum verecunda modestia, prudentia, decentique suauitate coniunctis. quarum virtutum non vulgare condimentum, erat forma corporis eximia. Noua deinde cura procerum animos incescit de adiungendo Reginae marito. Et iam quidem Vilelmus Austriorum dux, quem à pueritia in aula sua educauerat Ludouicus, designatur ei maritus. Sed Iagello Lituanus huic antepositus est à Polonis. In ea deliberatione habita est ratio inprimis incrementi fidei Christianæ tum & accessio nis magnæ prouinciæ ad regnum Poloniæ. Promittebat enim Iagello summa cum alacritate se & permissurum, vt ipse primum, deinde suus populus initiaretur sacris Christianis per baptismum, & Lituaniam regno adiecturum, si ei Hedugis in matrimonium daretur, verumtamen nihil citra senioris reginae sententiam his de rebus statuere iussum est. Ad quam ipsa Hedugis quoque prouocabat, cum procerum postulationem aliter rectè refutare non posset. Sed illa optatum responsum Polonis dedit. Si, inquit, è re vestra publica hoc fore existimatis, non remoratura sum vestra commoda, neq; religionis Christianæ incrementa præcisura. Interim Vilelmus Austrius, certior factus de statu rerum Polonicarum, ac de propensa Hedugis Reginae erga se voluntate, cum splendido comitatu, & apparatu, magnisque diuitiis Cracouiam inopinatus venit. Sed arcis ingressu prohibitus est. Illa tamen eius videndi causa, luce clara, stipata suo aulicorum & puellarum comitatu, in cœnobio diui Francisci conuenit. Fama etiam, siue vera siue falsa, vulgatum est, eam confirmandi matrimonii causa prius, quàm Iagello appropinquaret, eò venisse: Sed quicquid erat, suasu Demetrii Gorai regni Thesaurarii verentis, ne quid tale fieret, nihil actum est. Intelligens autem Vilelmus sibi Polonos palam aduersari, simul de aduentu Iagellonis certior factus, aliquanta interiecta mora, clam se Cracouia euoluit.

1386. Aduenit tandem Iagello Cracouiam 12. die Februarii v.
nà cum

nà cum Ducibus Russis, & Lituanis, habens etiam secum fratres aliquot germanos, & Vitoldum patruelem. His comitatus Iagello est ingressus. In thalamoque ipso Heduigem Reginam, magna cum admiratione eximiae formae eius, salutauit. Postridie autem ei dona perampla per Vitoldum, & Borisum & Svvidrigelonem misit.

WLADISLAUS IAGELLO.

Anno ab orbe condito

5348.

Anno à Christo nato.

1386.

Quia omnibus in Polonia, qui ad regium munus efferri & coronari debent, antiquus mos est idemque pius & religiosus, ut antea per modum praeparationis cuiusdam peccata confiteantur sua, sacrosanctaeque Eucharistiae sumptione obsignentur: Ideo cum Iagellone idem mos est seruatus, idque eò magis, quòd Wladislaus antea gentilis erat. Nam & tota Lituania more gentium ignem pro Deo colebat atque serpentes; nihilque alienum in eis à gentilismo erat. Hos igitur errores, Catechumenus cum esset Iagello, priusquam cum Heduigi matrimonium iniret, una cum fratribus abdicare iussus, 14. Februarii à Bozenta Episcopo sacro fonte ablatus est; Christianaeque religioni initiatus, Wladislai nomen accepit. ac tum demum matrimonium solenni ritu cum Heduigi regina contraxit; Lituaniamque omnem una cum Samogitia, & ea parte Russiae, quae in ditione eius erat, Poloniae iure sempiterno adiunxit, & in unum corpus redegit; iureiurando interposito, & obsidibus datis ipso Vitoldo, & Lubarto. Nam veteres tametsi ad eam perfectionem sapientiae exquisitam non peruenerant, de qua praesens seculum gloriatur, ita tamen cauti erant, ut vnicè cauerent, ne Respub. quoquo modo decepta, detrimentum aliquod irreparabile pateretur; neque sub specie religionis deciperetur. haud facillè persuasi, quantumuis noui hospites demissè ad aram starent, & suspiria ducerent (forsan ad conspectum formosissimae virginis) liberaliterque multa de se deierantes pollicerentur. Quarto autem die post, inunctus ab Archiepiscopo diadema regium nouum suscepit. Nam vetus, in Hungariam à Ludouico asportatum, nondum ad eam diem reportatum erat. Sequenti die in urbem solenni pompa deductus, solio in foro posito collocatus, iusiurandum à Cracouiensibus & oppidanis de more accepit. Postea indultum est conuiuiis & choreis. Per eos dies Cruciferi ab Andrea fratre Iagellonis, qui apud Russos religionem Christianam professus erat, concitati, Lituaniam hostiliter inuadunt. Sed dedit postea Andreas temeritatis poenas toto triennio Checinenfis carceris squalore confectus. Iohannes etiam Venetius, gente Polomenius, iudex Posnaniensis, qui propter iniusta iudicia, & scelera per-

s

petrata cruen-

*Iudex cruentus
Demon vocatus.*

petrata cruenti dæmonis cognomen meruerat, à Posnaniensi conuentu confiscatione bonorum, & carcere multat⁹ est. Laudatur hoc tempore pietas Hedwigis reginæ; quæ, cum videret, Regem maritum ecclesiasticorum bona, barbarico adhuc more, pignoris nomine occupasse ac cepisse, ob negatam ei stationem vt vocant, eum vt pignus dissolueret deprecata est. Cum igitur ille pignora capta reddi iussisset, ibi illa suspirans: Pignora quidem reddimus inquit, agrestibus; cæterum lachrymas quis eis reddet? Pium Reginæ dictum, & sempiterna memoria dignum. Profectus est deinde Rex cum Regina in Lituaniam. Vbi Apostoli, & Euangelistæ officio functus, ita elaborauit in promouenda fide Christiana, vt etiam ipsemet eis interpretatus sit symbolum Apostolicum. Cum autem imminenti esset laboris singulos sacro fonte tingere, nobilioribus tantum hic bonos habitus est, reliquum verò vulgus cateruatim distributum. aqua sacra à sacerdotibus aspergebatur; vnumque nomen cuique cateruæ, tam virorum, quam mulierum, imponebatur. Ad quod diuinum opus vt alacrius eos Rex inuitaret, pannos laneos nouos, & calceos eis largiebatur, cum ad eum diem istis carerent, & peronibus, vt historia testatur, magna ex parte vterentur. Vlnæ demum Basilicæ extructæ & Episcopatus institutus est. Reuertens Iagello in Poloniam Leopoli Petrum Palatinum Moldauicæ, seu Valachicæ cum proceribus ipsius, solenni iureiurando adactos in fidem & clientellam suscepit.

PRIMVS CONVENTVS.

Dixeram superius, me deinceps res Lituanorum, per seriem Comitiorum, instar epitomes, consignaturum, hoc iam nunc præstandum est. Nam historici varia methodo texere solent historias; alij per Pontificum vitas; alij per Imperatorum mutationes; alij per Regum ætates procedunt. nos hic per comitiorum, seu conuentuum celebrationes rem totam ediseremus. Iagello igitur Magnus Dux Lituaniæ, fessus & fatigatus tot calamitatibus, tam à Cruciferis, quam à fratribus illatis, qui coniurasse videbantur in eius patriæ perniciem, de Hedwige Ludouici regis filia ducenda consilium capit; vt ita amplissimi regni amicitia munitus, hostes suos, tam extraneos, quam domesticos, facile continere ac compescere posset. Senatus Polonici hic summa prudentia, & prouidentia commendatur; quòd conficiendis nuptijs istis, non modò priuatis utilitates, & bella Cruciferica tolli posse iudicarunt, sed etiam Septentrionales gentes, quæ etiamnum ethnicæ superstitioni mancipatæ erant, ad religionem Christianam conuerti posse sperarunt. Et sanè, quæ Pontifices cum Imperatoribus tot bellis, & impensis præstare non poterant, hoc salutari eorum consilio perfectæ sunt. Pax restituta, Christianorum res

stianorum res auctæ ac propagatæ, & omnes bellorum causæ tandem sublatæ. Quod quibus modis, quibusue medijs confectum sit, ex breuissima suo ordine ac per temporum seriem descriptione decem comitiorum, quæ in ea causa coacta sunt, iam patebit. Fuerunt quidem & aliæ postea expeditiones, & bella Grinwaldica & Choiniciensia; nec statim hoc vlcus sanari potuit. sed describentes acta comitiorum celebriorum, expeditiones etiam istas in transcurso breuiter consignabimus, ostendemusq; quando, & per quos hæc bella finita fuere, & templum hoc Iani occlusum. Nam hoc plurimum facit ad amplificanda merita nationis nostræ apud omnes Principes Hierarchici ordinis. Sicut enim antea Christianos proficiscentes ad bella Orientalia contra Saracenos nostri iuuerunt; ita hæc Septemtrionalia ante Cruciferorum huc aduentum humeris suis ipsi sustinuerunt, & post deiectos Cruciferos Septemtrioni pacem ideoq; omnibus Christianis restituerunt. Primus igitur conuentus fuit in negotio vnionis circa coronationem Iagellonis. Quid autem ibi tractatum, & conclusum fuerit, ex conditionibus inter Polonos, & Lituanos, in priuilegijs, & Chronico Lituatorum expresse liquet. Quarum prima & præcipua fuit, vt ipse Iagello cum suis fratribus & dominijs Christianus fieret. Secunda, vt ipse cum omnibus dominijs suis statim se vniret, incorporaret, inuisceraret (sic enim priuilegia loquuntur) ad regnum Poloniae. ita vt pro vno denique dominio reputentur; & ea, quæ Litواني rapuerant & auulserant à regno Poloniae, restituantur; hoc est arces ciuitatesq; & præcipuæ Russicæ provinciae, nec non & Podlasia; captiuiq; inde abducti liberi dimittantur. Tertia, vt terræ Syllesiticæ, Pruthenicæ, & Pomeranicæ à regno Poloniae tempore interregni, videlicet post diuisionem inter posteritatem Regum, auulsæ omnino recuperentur. Quarta, vt Iagello thesauros omnes suos, quos habet, & habere poterit, in Reipub. vtilitatem conuertat. Cum his conditionibus totidem fere verbis expressis, Poloni cum Lituanis ad Iagellonem sunt dimissi. quas vbi ille expresse ac luculenter comprobauit, relatumq; est, ipsum nec breuem statura esse, nec deformem, sicuti in vulgus & potissimum apud Reginam ab aduersæ factionis hominibus sparsum fuerat, quin potius vtrumque commodius reperiri, cuncti hoc nuncio, et Regina ipsa exhilarati sunt. Cõscriptæ sunt deinde transactiones, iurandum datum & acceptum, vades, & sponsores interpositi. scuti latiùs apud alios, & in hisce annalibus nostris descriptum habetur. Passim autem ad commendandum Principem suum paranympbi Iagellonis iactabant, Iagellonem, quod multis principibus viris petentibus hæctenus negauit, id eum Heduigi, & matrimonio eius datum esse, vt se Christianis mysterijs initiari sit curaturus.

1390. Antequam Rex iret in Lituaniam, intercesserat simulas quædam inter Regem & Reginam. Delata enim fuerat Regina apud Regem & probri infimulata, ac si, illo adhuc absente Vilelmum AUSTRIUM clam Cracouiam venientem, ad se admisisset: sed Regina ea de re iureiurando Regi satisfecerat; & delator, cum documentis destitueretur, & se dixisse, negare non posset, mentitum se esse, clara voce latratu de more sub scamno edito, professus erat. Est verò apud Polonos antiquitus ea grauissima & plena dedecoris poena. Ita amor coniugalis postea inter eos redintegratus fuit. Absente Rege, Elizabeta, exercitu comparato, in Rufsiam perrexit, & Leopolim, aliasque vrbes in potestatem suam redegit; Hungaris, & Sylefiis deiectis, quibus præfecturæ à Ludouico commendatæ fuerant. Eodem tempore Lancaſter Anglorum Regis filius, & Francones, Teuthonesque opinione præ militiæ contra Barbaros à Cruciferis illecti, cum triplici exercitu in Lituaniam hostiliter veniunt. Aduersus quorum vim Nicolaus Moscorouius cum aliis Polonis ægrè arcem Vilnensem defendit. Non erat tunc ita absurdum, idque ob vim arctæ illius vnionis vtriusque gentis, in Lituania præfecturas Polonis commendari. Nam & post Moscorouium Iohanni Oleſnicio gente Debino, præfectura Vilnensis à Rege commendata fuit.

Præf. Eli Vil-
nenses ex nobi-
litare Polona.

1391. Per idem tempus Croatæ, Bosnenses, Bulgari, Valachi, atque Transalpini imperium mulieris, & externi regis Sigismundi aspersionati, ad defectionem propendent; & Hedwigem, vt veram hæredem Hungariæ, agnoscunt. Sic Bazarabiæ Palatinus cum ditione sua in fidem, & clientellam Wladislai regis, Hedwigisque reginæ concedit. Quæ ideo adnoto, vt melius res Slauonicæ, quo in statu fuerint, etiam post mortem Ludouici, cognosci possit. Et existimo, in gratiam & fauorem harum gentium, sub idem tempus sacra Slauonicâ linguâ Cracouiæ in templo ad sanctam Crucem ab eadem Hedwigi prudentissimo consilio instituta fuisse. Nimirum, vt commendabiliorum se eis hoc pacto redderet. Hoc ministerium & cantus Slauonicus retentus fuit vsque ad tempora Dlugossi Historici; quod idem attestatur autor. Rufsia pars, & cum ea Belzensis præfectura sub idem tempus Ziemouito Mazouiorum Duci, assentiente Regina, donatur.

1392. Wladislaus, vt se molestia belli Lituanici liberaret, cum fratres germani ignaui, & venationibus tantum dediti essent, Vitoldum patruelem Lituaniæ Ducem declarat, qui fidelitatis iuramentum ei præstat.

Lituaniæ Dux
Regi iuramen-
tum præstat.

1394. Vitoldus iure precario à Wladislao Rege Cameneciam impetrat in feudum. Nam Cazimirus Magnus iam dudum vnâ cum Rufsia eam possederat.

1396. Sigismun-

1396. Sigismundus Rex Hungariæ, ne sibi à Turcis Bulgariam Rasciamque auferri pateretur, coacto exercitu ex variis nationibus, infelicitè cum Bajazete Turco pugnauit ad Nicopolim. Nam Galli, cum sibi, honoris causa, primum agminis locum in eo proelio depoposcissent, atque impetrassent, ubi se eis in conspectum. Turcici præcursores obtulissent, non expectatis phalangibus Germanicis, & equitibus Bohemicis, Polonicisque, à Bajazete lunata acie (ut fert eorum consuetudo peruetusta) partim cæsi, partim capti sunt. Hoc infelici casu perculsi cæteri, diffugerunt, & ipse Sigismundus exutus castris, & omnibus spoliatus ornamentis regiis, in parua nauicula vix euadens, incidit in classem Venetorum, quæ eum reduxit. Hæc acta sunt ad Nicopolim Bulgariæ metropolim. Laudatur in eo proelio animositas Scyborii Poloni, qui fugit gente Stoius. Hic sequens fugientem Regem, cum nauiculam ingredi non posset, & Turcæ imminerent, ita ut erat armatus in Danubium se proiecit, & enatauit, charusque postea Sigismundo fuit. Bajazetes autem paulo post apud Stellam montem celebrem victoria Pompeii de Mithridate memorabili proelio victus est à Tamerlane Scytharum Imperatore, & in ferrea cauea in modum feræ per Asiam circumuectus. Vitoldus etiam cum Flediga Scytha Tamerlanis legato eodem tempore infelicitè pugnauit: Vbi fortiter pugnans Melstinius, cum euadere posset, occubuit. Cum enim ei, quod timidus esset, commilito quidam Sciucouius, obiecisset, eumque illectum venustæ vxoris amore terga daturum. in pugna auguratus fuisset, eò quod pacem Melstinius suaderet Vitoldo ineundam cum Tartaris, ipse quidem augur ex pugna retulit pedem, aufugitque, Melstinius autem inter confertissimos hostes, ut optabat, maluit occumbere. Annotatur autem hic, quod paulo ante à Vitoldo Scythæ illi Lituani fuerant traducti, & supra Vaccam collocati non procul à Vilna.

1399. Per idem etiam tempus Hedwigis Regina circa partum mortua est. Hæc mirificè ob id laudatur, quod Reginis Poloniæ exemplum ducendæ vitæ perfectissimum reliquerit. Fuit namque Hedwigis pietate & sanctimonia vitæ prædita; ab omni fastu, leuitate, & iracundia aliena; ocii iuxta ac alienorum à suo sexu atque dignitate negotiorum fugiens. Tempus omne suum, vel in diuino cultu, aut lectione eorum, quæ ad pietatem, moresque formandos pertinerent, vel audiendis & leuandis viduarum, pupillorum, & aliorum miserabilium querimoniis & calamitatibus impendebat. Pragæ domum per amplam Lituaniis erudiendis condidit. Academiæ Cracouiensi perficiendæ multa legauit. Ieiuniis aliisque exercitiis Christianis vacauit. Præter autem alia signa sanctitatis eius, illud memoratur, quod, Cruciferis in quodam conuentu ferocientibus, & iustas conditio-

Locus ille Cossonasi à Turcis vocatur, hoc est Anserum campi, quod id genus volucrum statis anni temporibus eo conuolent, ut totis agminibus in Europam commigrent.

Melstinijs mors heroica.

nes pacis aspernantibus, prophetico spiritu cladem illam, qua postea illorum vires fractæ conciderunt, prædixerit; inquires, se quidem vi uente, pro ea audacia nihil aduersi eos passuros; post mortem verò suam maximis cladibus illa omnia expiaturus.

3400. Iustis Reginae peractis, Wladislaus moestissimus, de retinendo regno dubitabat, mortua hærede. Neque enim ignorabat, se externum hominem, propter uxorem apud liberrimam gentem regnasse; sed à Senatu recreatus, & meliora sperare iussus, acquieuit sententiæ eorum.

SECUNDVS CONVENTVS.

1401. Conuentus secundus in negotio eiusdem unionis fuit Vilnae celebratus, quò Wladislaus se contulit, ut promissa pactaq; conuenta cum Vitoldo, & Lituaniis suo, Polonorumq; nomine renouaret. Vbi promissum & litterarum monumentis cautum est, ut si Vitoldus absque liberis decederet, in Regis & regni Poloniae potestatem venirent omnia, quaecunque is possedisset, una cum magno Ducatu, excepta dimidia parte Nouogrodiae cum quatuor prædijs quæ Sigismundo Vitoldi fratri cedere debeat. Ea tamen lege ut Regi & regno Poloniae sit subiectus. Exceptis etiam bonis dotalibus Annae uxoris Vitoldi, quæ post eius demum obitum ad Regem & regnum deuolui deberent. Hæc acta esse anno 1401. litteris ea de re tunc conscriptis & obsignatis confirmatum est. Deplorent hic quidam scriptores, & conqueruntur, Lituaniam fuisse tunc hac transactione circumuentam: erratumq; hoc, ut illi vocant, in Senatorum Lituanicorum simplicitatem reijciunt. At mulier, si pudica est, minimè dolere debet, quòd aliquando uni nupsit. Floret pace, opibus, & gloria nihilominus ut Poloniae regi pareat, magnus ille Ducatus, & gratulari sibi debet, quòd hac ratione tandem Dei Optimi Maximi beneficio liberatus sit ab illis Crucifericis, ne dicam tartareis furialibusq; bellis, incendijs, vastationibusq; quæ eam Lituaniam circiter ducentos annos exercuerant, ac vexauerant miris modis; & quæ res peior erat, à civilibus bellis, & funestis lanienis Regulorum suorum. Certè Vitoldus non fuit humilis animi. si circumscriptum se sensisset, erratum hoc in Hrodlenis Comitibus correxisset. quod tamen non fecit, imò firmiori assensu, & solenni ratificatione confirmauit, ac roborauit una cum alijs; ut inferius patebit. Quod autem ex Latopiscijs seu Annalistis, qui millies errorum grauisimorum conuicti sunt, de conuentu Præmissiensis commemoratur; scriptores, qui veluti publica fide nobis historiam tradidisse videntur, nihil ea de re nobis reliquerunt.

1401. Secundæ nuptiæ Wladislai cum Anna Ciliciæ Comitis filia, quibus nuptiis Anna mater sponsæ, Cazimiri regis filia interfuit. Non statim verò post sponsalia hæ nuptiæ fuerunt, sed sponsa prius octo menses linguam Polonicam didicit. Eodem anno Academia Cracouiensis excitatur. Per hoc tempus Venceslaus Caroli Imperatoris filius, qui post patrem annos viginti duos imperium tenuerat, ab eoque tandem propter ignauiam remotus fuerat, totus computationibus deditus; adeò ut cum aliquando accepisset de quadam arce sua nuntium, eam conflagrasse, non quidem de rebus maioris momenti, quomodo se haberent quærît: sed tantum de vino sollicitus, an cella vinaria incendio superfuisset euestigiò interrogat.

*Alteravxor
Iagellonis.*

1402. Wladislaus Rex templum corporis Christi Posnaniæ erigit. Quòd, inquit, istic corpus Christi in pratis Posnaniensibus repertum fuit. Referunt autem ciues Posnanienses, tunc Regem ipsum Posnaniæ fuisse, cumq; eodem in templo die Ascensionis imago resurrectionis sursum funibus iuxta morem autum eius festi traheretur, interrogasse fertur, cuius esset ea imago. Responderunt, Dei. Tum ille, Detis ei, inquit, candelam. Cum verò Diabolus in specie Draconis deiceretur ex summitate templi, rursus interrogauit, quid sibi hoc vellet, Responderunt, esse Diabolum cælo deiectum. At ille, Detis ei duos cereos. Interrogatus quid ita? Respondisse fertur Polonico idiomate: *Siuz Bogu á dyablá niegniemy*/ idest: Deo seruias, Diabolum ad iram ne concites. Quanquam id de Diabolo iniquissimo illo iudice Posnaniensis prouinciæ dictum esse quidam putant. Eodem tempore Wladislaus, cum esset Toruniæ, dum obequitat, ut videret situm & munitionem vrbs, à muliercula quapiam seu casu, seu data opera sordibus perfusus fuit. Et cum morci ob delictum illud destinaretur muliercula, ipse impunitatem ei impetrauit. Rastrale (ut vulgo appellant) seu agraria contributio, decem nimirum grossi in singula iugera, imponitur, ex quo centum millia marcarum collecta esse memorantur. Tanta tunc fuit quæstorum fidelitas. Hoc etiam tempore particularia comitia instituta fuisse, memoriæ proditum est. Wladislai item cum Venceslao Rege Bohemorum, Wratislauia conuentus, non sine admiratione Bohemorum & cunctorum hospitum, celebratur. Nam cum Marsalcus regius præcessisset Regem, comitatus sexcentis hastatis: Rex Bohemiæ ratus, iam ante urbem adesse Regem, prodiit.

De bello Grinualdico Polonorum Lituanorumq; cum Teuthonibus ordinis Cruciferorum, & causa belli.

Causa belli ma-



Ausa belli magni Pruthenici liquet ex legatione & colloquio Archiepiscopi Gnesnensis, quod habuit cum Cruciferis. Cum enim Archiepiscopus dixisset, Regis, non Vitoldi proprium & hæreditarium esse dominatum Lituaniæ, & proinde desinerent Lituaniam infestare: Magister excandescens ad hæc verba, feroci vultu, & ore tremulo statim se arma Lituaniæ illaturum. minatur. Cui Archiepiscopus non ferens Magistri superbiam: Desinas, inquit, nos bello terrere: si arma contra Lituanos ceperis, vicissim arma nostra domi senties. Ad hæc regessit Magister: Cum ita dicis, caput ergo potius petam. Ex hoc colloquio liquet, Lituaniam fuisse præcipuam causam suscepti belli; quòd eam infestare & diripere Cruciferi non desinerent. Sed Venceslaus Rex Bohemiæ, arbiter huius controuersie electus, eandem auxit, & maius belli excitauit incendium; dum nulla habita ratione iustitiæ, & æquitatis, pro Cruciferis fert sententiam. qui insuper ineptissimè, quæ extra controuersiam erant, adiungit; vt Poloni scilicet non nisi ex Occidentalibus oris regem sibi deinceps peterent. Desperata igitur æqua pace, Wladislaus, dimissis in omnes partes litteris, restibus de more alligatis, expeditionem cunctæ Poloniæ edicit. Incidit tunc quæstio in Senatu, an mercenarii milites externi deberent aduocari ad hoc bellum. Sed Zbigneus soluit hunc nodum: Si, inquit, vicerimus, non nos, sed hostes eis stipendia præstabunt. Sin verò victi fortè fuerimus, an erunt, qui pro cæsis captisque, ea petant? Atque ab eo tempore consilium hoc Zbignei à senatu regio comprobatum, in eiusmodi casu locum obtinuit. Laudatur etiam, hinc Polonorum factum; qui possessiones per amplas in Hungaria à Sigismundo habentes, cum intelligerent, eum ad violandum fœdus cum ipsorum Rege pronum esse, raro exemplo & memorabili, omnibus bonis suis in Hungaria valere iussis, & Sigismundi pollicitationibus spretis, patriæ suæ auxilia laturi accurrerunt. quibus Wladislaus liberalitate, & gratitudine postea respondit. Ituri ad bellum, Archiepiscopum, tum gubernatorem Poloniæ ac veluti interregem aliquem reliquerunt. Poloni, Vitoldus, & Lituani ad Cernecense monasterium cum regio exercitu conueniunt, nauali ponte iuncto. Cruciferis interea consilia agitantibus, omnes bellum paci anteponunt, excepto Comite Vendensi; qui propter vsum rerum & annos prudentior, dissentiebat ab aliis pacem suadens, & communem esse Martem, dubiumque euentum belli, discutians. In quem Varnerus Commendator inuectus. Poteras, inquit, cum isthoc animo domi manere, & ægrotorum fratrum curam gerere; At ille, ego, inquit, quæ recta & vtilia iudico in medium consulo. Verumtamen, si aliter aliis videbitur, ita me Deo propitio geram, vt genere meo dignum erit. Tu vide, ne sis dictis, quàm factis, fortior.

*Archiepiscopus pro conciliatore pacis
Feciale agit,
educens ante
tēpus bellum.*

*Iniquum regis
Bohemi arbitrium.*

*Deliberatio de
externo milite*

*Primatus vtilitas tempore
belli & interregni.*

etis, fortior. Intercepit rixam Commendatorum Sciborius; pace in-
 que enixius suadere coepit. Sed eum quoque, licet tum oratorem,
 Magister increpuit, inquiens: Polonus cum sis, rem Polonorum agis.
 In exercitu porro regio cum ex Lituaniis quidam prædas in Poloni-
 a agerent, ædiculamque sacramenti alicunde abstulissent, ipsumque
 sacramentum profanè abiecissent, clamare ac fremere cuncti cœ-
 perunt, nisi plectantur latrocinantes & sacrilegi, militiam se desertu-
 ros esse, nec in castris sic impiis commoratuos. quo clamore & fre-
 mitu commotus Rex, auctores sceleris perquiri iussit. Inuenti duo
 Litواني, Vitoldi iussu, ipsi sibi patibulum excitant, & suis vterq; ma-
 nibus barbaro, sed patrio tamen more, sese suspendunt, obiurgantes
 interim se mutuò, quòd sua cunctatione iram Principis in se magis
 accenderent. quasi is morte atrocius etiam, aliquid amplius in eos
 statuere posset. Interea dux belli supremus cum imperio, Zindramus
 Mascoivius Ensiser Cracoviensis, ortus ex familia, cuius est insigne
 sol, declaratur. Erat is statura parua, sed ingenti spiritu, & rei milita-
 ris admodum peritus, homoq; planè indoltrius. Priùs igitur passim
 proceribus inter se deliberantibus & tantum munus suscipere detre-
 ctantibus, ille tandem ad se omnium consensu delatum cunctans, &
 summa modestia alios præferens, suscepit. Deus det huic seculo tam
 prudentes & ab omni ambitione & labe alienos viros. Adiungitur
 Duci supremo belli consilium castrense; in quo, tanquam in comiti-
 is, de summa rerum statuebatur. Tertiò edictum publicum conscribi
 tur & promulgatur, cuius capita longum esset hic referre. Verùm in
 libello nostro Campiductoriæ hoc, & alia complura huius belli de-
 scripta reperies. Ibidem, causæ quoque explicatæ, cur ante confli-
 ctum illi Teuthones præmissi sint cum tibicine ad exercitum regi-
 um cum illis duobus gladiis. quos, cum Regi offerrent, is ut boni
 ominis rem ab eis accepit. Tali autem ad Deum oratione non sine la-
 chrymis & suspiriis excitasse suos ad prælium fertur. Deus Optime
 Maxime, inquit, non modò factorum, atque dictorum, sed & cogi-
 tationum omnium cognitor. Tu mihi testis es certissimus, me inui-
 tum ad hoc bellum cum Christianis, utcumque licet Christianis, ge-
 rendum descendere. Tu etiam nosti consilia pacis me nunquam de-
 fugisse. Sed quando nihil apud istos mansuetudine profeci, arma su-
 mere coactus sum, tuisq; auspiciis vexillum hoc nunc explico. Tu,
 quæso, iustiori causæ faueto, & Christianum sanguinem, quos bel-
 lum vtrinque absumet, ab illis, qui bello causam dederunt, expetito.
 Hæc Rex, collachrymante omni exercitu. Absterfis tandem lachry-
 mis, carmen patrium, cuius autorem Diuum Albertum fuisse refe-
 runt, cecinere. Interea à Zindramo Mascoivio, & Vitoldo ducibus
 belli acies instructæ erant. Læuum cornu Poloni, dextrum Litواني
 tenuerunt;

Zindramus
 Mascoivius su-
 premus Dux
 belli.

Oratio Regis
 ad Deum ante
 conflictum.

tenuerunt; eò quòd Sagittiferorum dexteritatem plus iuuat ad dextram esse. Quinquaginta fuere signa Polonica; Lituonica, quadraginta. In prima acie robur totius exercitus, & veterani milites collocati. Iamque signum pugnae à Rege poscebatur, & iam bini ex aciebus procurentes cum pari numero hostium manus conseruerant. Rex, peractis sacris, armatus in aciem prodibat, cum ecce duo aliunde progressi, intacti ad Regem perducuntur. Hortantur illi ne cunctanter & meticolose pugnam ineat; duosque gladios offerunt, alterum Regi, alterum Vitoldo. Ne autem inter nemora cogerentur latere, promittunt etiam vias & spacia se dilatatuos & ampliaturus regis aciebus. Dumque illi obnixè orant, ut fides dictis ipsorum habeatur, non modico interuallo retrocedunt hostium acies. Rex igitur pius gladios oblatos humiliter accipiens, ingemuit dicens: Quamuis armis omnigenis abundo, attamen hoc munus, quod praesagium victoriae (Deo fauente) videtur, libenti animo accipiam. His dictis, classicum vtrunque canitur. Inde maximo clamore infestis signis concurritur. Tartari & Lituani arcibus suis, creberrimo sagittarum iactu aethera obumbrant. A Teuthonibus tamen in primo conflictu fugati sunt. In quorum locum Poloni armis munitiores & viribus recentes successerunt. Hi tandem Pruthenas acies perfregerunt, & vndique circumdatas ad internecionem funditus prostrauerunt. Cæsa feruntur in eo proelio quinquaginta millia. Magister autem Generalis, & Commendatores omnes (quos trecentos fuisse affirmant) capti sunt. Captus item Córados Albus Olesnicensis & Cazimirus Stetinensis Duces. Nec mirum cuiquam videri debet id, quod dixi de numero caesorum. Nam centum quinquaginta millia hostium fuisse cæsa quidam scriptores tradunt. Tota Germania tum conspirauerat. Verba sunt D. Cromeri; cuius sententiae cæteri omnes hac ætate historici, praecipui subscribunt. Huic bello nullum simile legitur in historia harum gentium. Zarnovius Bohemus, qui cum cohortibus Bohemorum, bello feruescente, secesserat, ob id infamia ita fuit notatus, ut ne vxor quidem coniugali thoro eum dignaretur. Attamen ista secessio Bohemorum nostris tum fuit bono. Nam Nicolaus Traba, qui eos latitantes obseruauerat, acriter obiurgando nomine Regis tunc iubet eos redire, cum adhuc plurimum in debellando restabat laboris. Hi ergo reuertentes in aciem noui exercitus speciem hostibus praebuere, terroremque addidere. De captiuis non est sumptum supplicium, nisi de duobus, Marquato Salisbergio comendatore Brand, & Schimbergio; nequicquam Vitoldum deprecante Rege. Nam in colloquio quodam prope Kaunam matri Vitoldi probrum obiecerant, & capti nihil de fastu suo remiserant. Fuit autem Mater Vitoldi Biruta nomine foemina adeò honesta, ut etiam pro sancta a gentibus illis,

*Ante prælium
inuium visio
quedam in ca
lo apparuisse
fuit, mona
chi cucullati lu
stantis cum Re
ge. sed victus
monachus ca
lo deicitur.
Que res tum
pro omine futu
ra victorie ac
cepta fuit.
Qua de re vide
apud alios.*

LIBER VII.

347.

tibus illis, dum virginitatis voto obstricta viueret, haberetur. Non temere igitur tantopere iratus est Vitoldus iis, qui eam probro afficiebant. Testatur D. Striconius, se in Samogitia Polondæ ad mare vidisse eius idolum; quod Suietos Byrutos à Samogitis & Curlandis vocatur. Narratque, illuc, quæstus causa, statim temporibus, Sacrificulos confluere in eiusque honorem cereos & alia hætenus offerre, & sacrificare. cum tamen illa ethnica fuerit, & ritu ethnico virginitatis votum vouisset. Huius patrem nomine similiter Birutum. Jagello pro Voidalone Kiestuto strangulato ira feruens in monte ante Vilnam suspendit. Insequenti die post victoriam solennes gratiarum actiones cum hymnis, & aliis solennibus ceremoniis Deo omnipotenti exoluuntur. Hinc caforum funeribus cura impensa est. Inuentum est corpus Magistri Virici Comitis Vendenfis; qui ita, ut prædixerat, fortissimè dimicans occubuerat. Alia corpora curribus imposita Magdeburgum deuenta sunt; Rege mortem hostium, simulque rerum humanarum vicissitudinem pijs suspiriis & lachrymis prosequente. Vexilla hostium, & alia exuuia ad perpetuam memoriam Cracouiæ in Basilica arcis posita sunt. De numero caforum ex Polonis sic Cromerus libro septimo. Et affuit Polonis sanè non obscure diuinum nomen in eo prælio. Nam præter Tartarorum, Russorum, Lituanorum stragem, quæ non parua fuit, de nobilioribus Polonorum cecidere, inter quos Iacubovius gente Roscius, & Imbranius Ciulcius gente Cerinius maximè insignes fuere.

1414. Eiusdem Jagellonis temporibus Sigismundus rex Hungariæ, frater Venceslai, Caroli quarti filius Imperator, pacem Ecclesiæ restituere cupiens, plurima regna obiuit, ut concilium Constantiæ eorum quoque assensu conuocaretur. Fuit apud Gallum, apud Anglum, apud Polonum regem; Romæ quoque apud Pontificem. Ad hoc autem Concilium venit Iohannes vicesimus tertius Papa. Imperator ipse Sigismundus noctu die natalis Domini eodem aduenit; & in missa eiusdem diei nocturna Euangelium illud ipsemet, uti Diaconus, cantauit: Exiit decretum à Cæsare Augusto, alludens ad ea quæ ibi agebantur; cum eius cura & sollicitudine conuocatum fuisset vndique concilium illud. Aderant autem ibi à Polonis quoque missi legati, & honorificentissimè ab omnibus sunt habiti. Pii tunc affectabant esse principes. Nam idem ipse Imperator amictus vestitu clericali Euangelium cantauit ut Clericus. Jagello verò Poloniæ Rex Lituanos propria voce in religione erudire in templo non erubuit.

Post talem & tantam victoriam Poloni modestè satis superque se gesserunt erga Cruciferos. Nam præter quàm quòd ex captiuis Nobilioribus tantum de Marquato commendatore & Schimbergio

t

2

sumptum est

sumptum est supplicium, idque, ut dictum est, à Vitoldo iustissimè illis irato, nequicquam interim pro eis deprecante rege, muneribus etiam, infinitis ii, qui Polonis sese adiungere non recusarunt, sunt honorati. Nam & ciuitas Gedanensis dimidium omnium emolumentorum molæ farinæ, agrumque vnius milliaris spacio circum urbem, in mari etiam piscationem per duo miliaria consecuta est. Kinsberga, Torunia, Elbinga tunc in ditionem Regis venerunt, & aliæ à Cruciferis possessæ vrbes quamplurimæ, paucis exceptis. Plauenius tunc nobilissimus inter Cruciferos orationem habuit valde argumentosam & meditatam. Cuius summa erat: Parcere subiectis & debellare superbos. Quem versum inscriptum aureis litteris in porta arcis Regiomontanæ ipse vidi. Fuit & alia tum victoria Polonorum de Cruciferis ad Coronouiam celeberrima. Alia etiam sub Golubio, quarum descriptiones infra habebis.

Tertius conuentus.

1417. Comititia Grodzensia celebrata fuerunt post reditum Regis ex Hungaria; vnde Coronam veterem, sceptrum, pomum, & Boleslai gladium regni insignia reportauerat. Horum causam hanc fuisse putant: ut videlicet cum maiore & celebriore solennitate renouarentur repeterenturque; denuo pacta inter Lituanos & Polonos. Nam illi conuentus superiores, & si fuerunt celebres satis, tamen, si conferantur cum isto, priuatum quiddam sapere videntur. Ideo hæc & diplomata iisdem de rebus sunt confecta, & ob maiorem solidioremque coniunctionem insignia prosapiarum Polonicarum prosapiæ Lituanorum pro se quæque speciatim accipiunt; ita ut in posterum nō tanquam socij nominis Poloniæ, sed tanquam populares censerentur. Sed quid dico populares, quandoquidem & gentiles & cognatos atque adeo fratres, propterea quod iisdem signis militaribus ab vno quasi adoptati, vnum asem, (ut sic dicam) participant, dicere possumus. Nam hoc verba illa priuilegiorum huius coniunctionis testandæ causa confectorum, Incorporamus, inuisceramus, vnimus, appropriauimus, innuere videntur. Quæ, inquam, verba ter & quater in ijs priuilegijs repetuntur; ne forte casu & ὁδοῦ, ut Homerus ait, effugisse viderentur. ut in posterum nulla differentia inter Lituanum & Polonum relinqueretur. Ideo & electio Regis, ut posthac vna foret Lituanorum iuxta ac Polonorum, statuitur. quod utique in prioribus conditionibus quodammodo suppressum fuerat. Tunc verò Lituania verè liberam se factam fuisse profiteri potuit. Nam & bona terrestria (quæ vocant) tunc ipsis sempiterno & hæreditario iure à Rege attributa donataque fuerunt. ita ut ea vendendi, commutandi, & donandi

Et donandi facultas eis permitteretur: neque post mortem patrum possent deinceps eisdem à Principe priuari. Forsan enim antea precario à Principe ea possidebant, eisq; quoad illi placuisset, fruebantur. sicuti apud Asiaticos hæcenus fieri audimus. Item concessum, ut iure dotis vxoribus possessiones obnoxias facere possent. Hæc Comitia vocantur Polonica lingua ob summam celebritatem Wálny Seym, hoc est, comitia firmissima, quasiq; vallo quodam munita. Alij, ut rem minimè vulgarem tum accidisse existimetur, Gallico vocabulo Parlamentum, vbi videlicet omnia ad vnguem excutiantur, vocant. Siue enim spectes hominum frequentiam, siue verborum formam in contractibus seruari solitam, siue cautiones, siue solennitates, nihil reperiri posse puto, quod ibi ad perfectionem addi possit. Qui in arcem illam Grodlum veniunt, videre possunt ibi picturam in quodam pariete, in quo Vladislaus ipse, Et Vitoldus expressus est. Episcoporum etiam ibi depictus est ordo, quo alter alteri assidebat; tum etiam procerum aliorum dignitateq; aliqua prædiorum subsellia. Ducum quoque Et equestris ordinis consessus. Nam nunciorum terrestrium (quos vocamus) vsus nondum tantopere, ut nunc, obtinuerat. Subcamerarij enim, Iudices locorum, Vexilliferi, et alij officiales vulgò dicti eorum munus supplebant. Eodem anno Rex, veniens Posnaniam, Petrum Episcopum Posnaniensem in delubrum seuocauit, Et in genua procumbens, culpam ab eo deprecatus est, quòd cum sede Cracouiensi deturbasset. quæ res per se vere virtutis plena, ac pietatis, dignitatem regiam Et auctoritatem minimè diminuit aut eleuauit; imò commendabiliorem reddidit.

1418. In hunc annum incidit expeditio 15. cõtra Cruciferos: quas expeditiones supra texere incepamus) regis Poloniæ, regis Daniæ, Sueciæ, Noruegiæ, Ducum Pomeraniæ, qui omnes, cum in castris essent, fœdus inierunt contra Cruciferos.

Quartus conuentus post mortem Vitoldi.

1451. In rebus humanis nihil est ita firmum ac stabile, ut commoueri nequeat. ut in hoc exemplo videre licet. Diximus de Grodlensium comitiorum auctoritate ac celebritate in negotio vnionis inter Polonos Et Lituanos. Nunc quid mox euenerit, consideremus. Mortuo Vitoldo, cum Rex in Lituaniam ire instituisset, S-widrigelo frater ipsius, non expectato aduentu eius, ut à Lituanis in Vitoldi locum inauguraretur, Et curat, et perficit. quod ille fecit, ut vnionis illius quasi structuram à fundamentis nouo exemplo dirueret. Adiecit Et alia nefanda. Adortus e-

t 3 nim Regem

nim Regem in confefſu verbis aſperis, canicimq; eius nihil reueritus, vix manus ab eo abſtinuit. Polonis etiam, qui reliqui penes Regem manſerant, catenas & Siculas veſperas minabatur; hanc inſolentiam eius Lituanis ſouentibus, aut ſaltem in ea conuiuentibus. Largitionibus enim maximis eorum voluntates ſibi adiunxerat. Nec rex ipſe prorſus immunis ab ea culpa eſſe prædicabatur; ſive quòd præſenio vigorem iudicij amiffet; ſive quòd impenſus S-widrigeloni fratri faucret, vt ei in Lituaniæ Ducatu ſuccederet. quod vt faciliùs agi & cõfici poſſet, maiorem partem Senatus Polonici, & in ijs Zbigneum Episcopum Craouiensem, à ſe amandauerat. Igitur, cum hoc triſte nuncium in Poloniã perlatum eſſet, complures Regem inſultantes criminabantur ac dictitantes: Cõdignè hæc Regi accidere quod ſuo iumento, vt dicitur, ſibi periculum attraxiſſet. Pro innato tamen amore Polonis erga dominos ſuos fremere cuncti cõeperunt. Inde delectam exercitus pro vindicando Rege agunt, vtq; ad conditum tempus cuncti ſe ſiſtant ad ripas Vicipri fluminis ad pagum Kiany in Lublinenſi prouincia, edicunt. Liberatur interim Rex, qui quodammodo captiuus in Lituania detinebatur; et placationis loco mille ſiclis à S-widrigelone lenitus, dimittitur.

W L A D I S L A V S T E R T I V S .

Anno à condito orbe

5396.

Anno Chriſti

1434.

N Quem ferè annorum erat Wladislaus cùm Rex declaratus eſt. Proinde eius coronatio turbas quasdam dedit. Quidam enim contendebant propter teneram ætatem iuſſurandum eum rite præſtare non poſſe, & idcirco coronationem differendam omnino ſuadebant. Verùm hic ſcrupulus exemptus eſt, producta tabella à Zbigneo è Cracouienſi Baſilica, in qua effigies Cazimiri Magni electi Regis impubis adhuc depicta erat. Proinde contradicentes refutati, rationibus deſtituebantur. interim tamen neſcientes moras, vt præteriret dies, plures ex nobilitate ad ſe pertrahere conantur. Quod vbi animaduerſum eſt, Marſalcus Oleſnicius iubet, vt, quibus placeret coronare Wladislaum, ad dextram concederent, qui alter, ad læuam. Ita liſ dirempta, cum omnes magno conſenſu Wladislaum coronandum clamarent; iuramentum tamen tunc ab eo non exigendum, ſed ad maturiorem ætatem id differendum. Interim autem placuit, vt Sophia mater, & primores pro eo fideiuberent, cum non priùs ad regni gubernacula acceſſurum, quàm iuſſurandum rite præſtitiffet.

1438. Vix ea ſopita controuerſia, alia emerſit inter eccleſiaſticos, & ordinem equeſtrem. Equeſtris ordinis homines Iaroſlai conſtitutiones vrgebant de decimis ex campis noualibus. Sed tandem illud tantum

tantum obtinuerunt tunc patronie ecclesiarum, ne obstringerentur conuehere curru suo decimam, neque delectum in frumento sacerdos haberet; modò ne data opera vitiosum ei daretur. Hoc tempore Podlasiâ Polonis ademptam fuisse annotatur. Paulo ante dissidia in religione inter Bohemos Sigisfundus Rex & Imperator curauerat sanari, introducta constitutione concilii Basiliensis, qua permittitur usus Eucharistiæ sub vtraque specie Laicis, ut vocant.

1440. Alberto Rege atque Imperatore mortuo, Hungari proceres assiduis precibus ad regnum Hungariæ suscipiendum Wladislaum inuitant & obsecrant. Re in consultatione Senatus posita, variabant sententiæ Senatorum, dissuadentibus multis, difficultatemque duorum amplissimorum regnorum administrandorum, & Turcici belli magnitudinem exaggerantibus, Aliis Reipub. Christianæ negotium id requirere contendentibus, & rem gloriæ plenam non esse parui pendendam. ac præstabilius esse, Polonos Hungarorum armis atque periculo contra Turcorum vim sese tueri, quam, illis proditis, & illo quasi intermedio pariete sublato, per se ipsos omnem maximi & difficilimi belli molem sustinere: Aderat fortè Amuratis Turcarum Imperatoris legatus, pecuniamque & centum millia armatorum Wladislaui offerebat, ut contra Hungaros susciperet bellum. Interim nuncium allatum est ex Hungaria, Elizabetham posthumum ex Alberto Cæsare peperisse. Et iam Rex abiecerat omnem de suscipiendo eo regno cogitationem; sed tamen victus est legatorum perseverantia. Hoc tempore fames maxima occupavit Poloniam; ita ut vulgus tenerioribus foliis, & frondibus arborum, & radicibus herbarum vesceretur. Attamen, rebus ita exposcentibus, in Hungariam iter Rex instituit; veniensque Budam, urbem illam in suam redegit potestatem. At quia iam Ladislaus posthumus infans præcipitantia matris coronatus erat, Rex Wladislaus in Poloniam omnino constituerat redire, nolens esse Hungaris causa civilium bellorum. Verumtamen Hungarorum perseverantiæ cessit. Renunciatur ergo, attollitur, ut vocant, & coronatur Rex. Interim Amurates non ignarus Hungarorum dissidiidiorum, civilisque belli, Bielogrodum obsederat; ad quem Rex Wladislaus Lucam Gorcanum, & Ostrorogum oratores suos mittit; postulans, ut ab obsidione discedat, pacemque ac foedus dudum ultro expetiturum secum sanciat. At ille ferox continuauit obsidionem in septimum vique mensem; nec nisi strage suorum adactus, ab ea discessit. Secutæ sunt tres de Turcis victoriæ amplissimæ; una ad Bielogrodum; altera in Transyluania; tertia ad Vascapum, ubi à regiis copiis magnis cladibus Turcæ sunt affecti. Capta est etiam à Wladislaui Sophia, quam Sardicam nonnulli antiquitus fuisse volunt. Profligata etiam ac ad internecionem usque prostrata sunt ad Morauam flumen

Lucas Gorcanus, & Ostrorogus legati ad Turcam.

Clades Turcicæ tres.

flumen Turcorum triginta millia; capta quatuor. Subacta est etiam Bulgaria. Fuit & ille præclarissimus Regis Wladislai conflictus pridie natalis Christi cum Carambeio duce Turcarum, præfecto Natoliae suae Asiae; qui ibi fusus & superatus in deditionem Regis venit. ubi fortiter dimicans Rex, aliquot sagittas aduerso pectore, ut refert Callimachus, excepit. Fuerunt etiam alia proelia Wladislai cum Turcis, partim ipso assistente, partim administrante per Hunniadem, & alios. quæ semper fortuna, consiliis, & auspiciis nobilissimi Regis felicissime ex animi eius sententia confecta sunt. His successibus in uniuersum orbem christitianum celeri fama vulgatis, frequentes ab omnibus Principibus & Rebus publicis atque etiam à Constantinopolitano Imperatore Ioanne Palæologo legationes venerunt ad Wladislaum; cui tam insignes victorias gratulabantur, & ad prosequendum inceptum eum hortabantur; pollicentes auxilia. Veniunt etiam ex Polonia congratulatum & rogatum, ne omnino despicatur & derelictui haberet Poloniam; rediret, & quæ per eius absentiam neglecta erant, redintegraret. Veniunt & ab ipso Amurate pacem postulantes & foedera; redempturiq; Carambeium, quinquaginta millia nummum aureorum numeraturos se promittunt. Rex Wladislaus, & Hungari tam honestam & gloriæ plenam pacem non abhorrebant. Sed quò facilius in suas conditiones pertraherent oratores Amuratis, in augustum amplissimumque Hungarorum & Polonorum confessum perducere eos, ibique à Wladislao audiri curant. ubi pacem petentibus induciæ tantum decem annorum sunt datæ. Paucis interiectis diebus veniunt à Venetis & præfecto classis eorum nuntii, adferuntque litteras, quibus nunciatur, Amuratem omnes ferè copias suas in Asiam ad bellum Caramanicum traduxisse; mare ab ipsis, & focis, classium præsidio teneri; hortanturque Regem, ut contra Turcam expeditionem paret, eamque acceleret, & hac occasione arrepta, toti Christiano orbi operam nauet. Vbi nuntii siue oratores iam commemorati perorassent, tum Iulianus Cardinalis, qui etiam Basiliensi concilio interfuerat, nomine Pontificis Romani verba facit: orsus eodem modo, ut nuntii Venetorum; atque initi foederis vinculum dissolvere tentat. Inducias illas & foedus necessitate quadam factum ait, & à Rege expressum: tempori Barbaros seruire, mox pacta violaturos. argumento esse, quòd, lapso iam tempore, non impleuerint promissa. Priora item esse cum Pontifice, Venetis, Genuensibus, Burgundione foedera, & societatem belli initam magis valere oportere. Quòd, si qua religione rex teneatur, ne iniurandum Barbaris datum violet, illo se cum Pontificis Maximi autoritate prorsus liberare. Hac eundem agendo & inculcando, perpulit Regem iuuenem, ut contra sacramentum iurandi aliquid sibi permitteret; assentiente etiam Hunniade

Hunniade Bulgarici regni promissione illecto. Non placebat hoc Regis de violandis pactis consilium proceribus Polonis. sed curiosos se in aliena Repub. diu obluendo, nolebant præbere. Itaq; post medium Septembris Rex Segedino castra mouit, non satis alacer, nec spe optima; quasi conscius periurii videretur. Iam enim Turcæ & filios Despotæ, & munitiones promissas reddiderant, sicuti in pactis constitutum fuerat. Traiecit autem Danubium apud Orfanam tertia Nouembris, & ad Nicopolim vicesimo sexto die peruenit. Cui Dracula Palatinus Moldauix occurrit; visaque paucitate exercitus regii, in quo vix quindecim millia equitum, & peditum longè minùs erat, reditum Regi suadet. Cum autem nihil profecisset, quatuor millib. suorum hominum, duce filio, exercitum eius auget. Ipse verò domum redit, duobus in aduersum belli euentum velocissimis equis Regi donatis. Vbi præclarum inprimis eximix virtutis specimen duo Poloni equites Ioannes Tarnouius & Lescus Bobricius; vel Hungaricorum annalium testimonio, edidere; dum alter Sumeni arcis portas, duobus vulneribus acceptis effringit, alter Petresii murum primus ascendit. Interim Amuratem cum octoginta millibus, Iouio teste, ex Asia traiecisse, conuiuentibus, aut mercede corruptis iis, qui nauali exercitu se prohibituros transitum Barbaris receperant, relatum est; nec tamen hic nuncius Regem ab incepto deterruit. Cum ad Varnam esset, post ortum solem hostes adesse ab exploratoribus nunciatum est. Laborare ex apostemate cruris Rex cœperat. itaq; Hunniades, militibus prælium poscentibus, ad hunc modum aciem instruit. Dextrum cornu montibus contiguum Despotæ, Transalpinis, Iuliano legato, & Episcopis concedit, Bobricio iis adiuncto cum paucis Polonis. Sinistrum ipse sibi desumpsit. Regem in media acie cum cæteris Polonis & Hungaris aulicis collocauit. Castra curulia præter morem remotius reliquit noua ratione indutus; quòd, inquit, intra ea multorum ignauia facile latere solet. Aciem vniuersam formam hemicycli (alii arcuatam, alii lunatam aciem vocant) habere iussit. Ferè consimili more Turcici Imperatores nostro æuo acies instruere solent. Ita acie instructa, ex illa valle sita inter montes, qui ad Varnam terminantur, vbi aciem Hunniadi instruere placuerat, prodeunt, & ad duo millia passuum hostibus obuiam eunt. Ibi signis defixis, ad tres horas hostes expectati. Accidit interea, vt seua tempestas tranquillo tempore derepente coorta signa concerperet, & ardor atq; alacritas præliandi in nostris iam fame ob expectatum diutiùs hostem pressis, Turcis ob id ipsum data opera tempus præliandi extrahentibus, tepesceret, & aliquo modo obtusior redderetur. Apparent tandem hostes ab extremis collibus in dextrum cornu nostrorum inuehentes. nec impetum eorum nostri ab

Instructio exercitus ad Varnam.

v ea parte

ea parte, equis infuetum camelorum aspectum, & odorem non ferentibus, sustinuerunt. Fusi per montosa Galatam versus ad decem ferè millia passuum fugantur. Meliore verò euentu à Rege, & Hunniade ab alia parte pugnatum est. Nam Barbari, nostris in eos validis copiis ruentibus, ad quatuor millia passuum non sine cæde, instabili ferè genere pugnae videntes, submoti sunt. Inde reuertitur Rex ad opem ferendam suis, qui reliqui in dextro cornu cum Iuliano & Francobano ægrè vim Barbarorum sustinebant. Impetu igitur hîc quoque non dissimili facto, hostes obstinatè pugnantes in fugam egit; ita vt dissipati Thraciam trepidatione implerent, quasi iam vniuersus eorum exercitus deletus fuisset. Iamque fuso ac fugato, & à sinistris, & à dextris vniuerso equitatu Turcico, videbatur Regi tantùm restare pugna cum Ianiceris; qui nudati præsidio equitum non diu victoris vim laturi existimabantur. Itaque temerè & cum paucis Polonis in eorum phalangem inuectus, contra opinionem omnia duriora reperit. Ibi enim ipse Amurates erat, quibusq; fortissimis stipatus. Ibi Asiaticus Bassa, qui cum plerisque orientalibus eò sese ex fuga receperat. Itaque Rex pedem referre turpe ducens & genere suo indignum, nec eius esse, qui bellum infert, fugere; cum magnam, inter confertos hostes pugnans, stragem edidisset, Asiaticumq; Bassam, quemadmodum Bonfinius memorat, interfecisset, ad extremum iam sub vesperam in Ianicerorum confertissimam cohortem irruit. Sed quia isti dolo scrobem seu fossam, cespitem intratam, ex instituto artis militaris illis vsitato, sibi circumdederant, ideo, impetu in eos facto, equus cespitem cedente vnà cum Rege in scrobem corruit. Itaque illi accurrentes Regem armis opprimunt & obtruncant; Principem longiore vita & immortalis gloria dignissimum. Alii paulo aliter hæc referunt. Ego autem tritam viam ingressus sum, remq; narraui quem admodum exceperunt veteres nostri ex ore duorum maximi nominis Polonorum, qui euaserant viui ex illo proelio, & in Poloniam redierant, Ioanne, inquam, Resouio, qui postea Episcopus Cracouiensis fuit, & Georgio Sanocio, artium Magistro, qui præmium strenuè nauatæ in proelio operæ Archiepiscopatum Leopoliensem consecutus est. Poterant autem omnium fere optimè omnia isti nosse; cum magno omnium cōsensu celebratum sit, Polonos à latere Regis nusquam tunc temporis discessisse. In Iulianum porrò Cardinalem declamitant potissimum omnes, eumq; consilii mali notabiliore morte diuinitus poenas exoluisse referunt. Cum enim vnà cum oculis auro impletis, quos secum attulisse dicitur, ad traiectum fluminis delatus esset, narrant à nauiculario fuisse interfectum, & in profluentem nudum deiectum. Callimachus verò scribit, eum in deuio saltu semi nudum & faucium à Georgio Sanocio Polono, cuius modò mentionem fecimus

onem fecimus conspectum, & cum exprobratione perfidiæ increpitum ibidem periisse. vtcunque est, certe de hoc potest illud Vergilianum usurpari:

cadit ipse Tolumnius augur,

Primus in aduersos telum qui miserat hostes.

Amurates ipse & totus tunc exercitus, si qua re animatus est ad sustinendum usque ad finem illud proelium, certè illa animabatur, quod certò sperabat, Deum non inultum relicturum illam Christianorum nominis diuini in vanum assumptionem. In annalibus Turcorum annotatum referunt, Amuratem tunc, cum iam proelium incalcesceret, accitis suis ducibus, in equo residentem expandisse magnū vexillum, quo imago crucifixi saluatoris depicta fuit, hisque verbis suam orationem exorsum fuisse: Christe crucifixe, si deus es, vt Christiani credunt, & nos non repugnamus, tam claram tamque euidentem contumeliam nominis tui nunc vlciscere, & vindica hanc perfidiam. Et non ita multò post, cum effatus esset hæc verba, incepisse nostras acies inclinare. Mirum est, quanta fama & celebritas sic istius pugnae: vt ferè nullus sit historicus, nullus poëta, nullus iuriconsultus, nullus denique theologus, qui huius nobilissimi Regis vicem querulis vocibus non deploret, & lugeat. Fuit Wladislaus hic proceræ statura, facie fusca, honesta tamen ac dignitatis plena, capillo nigro, laboris & inediae patientissimus; iustitiæ & religionis cultor eximius. Commissa hæc pugna fuit anno 1444.

CAZIMIRVS TERTIVS.

Anno mundi

5409.

Anno Christi

1447.



Azimiro hoc nullus Regum nostrorum, quod sciam, diutius feliciter regnavit. A coronatione enim eius ad mortem quadraginta quinque annos habemus. Itaque regnum eius longam historiam continet, & Longolius noster siue Dlugossus prolixè eam descripsit. D. autem Cromerus cæto libris perpetuis eandem complexus est. Ego verò fessus & visu debilitatus quid faciam? Mediocritatem sequar, vel potius adhuc infra mediocritatem, me continebo. Singulis tamen huius regis annis aliquid (nam hoc propriè annalistam decet) adscribam, quod vtile nostro ævo vel ad constituendam Rempub. vel ad formandos mores, vel ad bella tractanda iudicabo. Nam ita & superius me gessi, nō nisi ea commemorans, quæ profutura huic nostro seculo iudicavi. Cætera non ita necessariā vel prorsus omittens, vel obiter tantum attingens.

1447. Hoc anno 25. Iunii Cazimirus coronatur. Tertia post die, Castellano CRACOVIENSI coronam præferente, Palatino sce-

*Quam longani-
mè se gessit
in senatus Po-
lonie in toleran-
dum suum do-
minum.*

*Gorcanus Co-
mes.*

*Decimas ex
sublatis in re-
trahere à Ponti-
fice Rex cona-
tur.*

ptrum, Posnaniensi Palatino pomum, Sedomiriensi verò gladium, in urbem solenni pompa deductus, & in folio in foro posito collocatus, iusiurandum à Cracouiensibus de more accipit. Interregni tempore, antequam coronaretur, morosa & forsan etiā imperiosa admodum cunctatione, cum ad regnum inuitaretur, est usus. Cuius cunctationis causas alii alias ponunt. Sunt, qui dicant, causam fuisse, quòd præ aliis posteris Regis Jagellonis tenerimè patriam suam Lituaniā adamavit. alii Senatui magni illi Ducatus tantam moram tribuunt; quasi illi aut Polonis dominari, aut nihil officii vnquam eis præstare in animo habuerint. Erga hunc eius barbaricum saltum (hoc enim nomine historicus quidam hoc vitium in eo notavit) Polonicus senatus ita prudenter, ita modeste, ita lóganimiter se gessit, constantiq; patientia omnia vitia in eo toleravit, expectans, ut suos corrigeret mores, ut meritò nunc, sicuti & tunc, palmam togatæ prudentiæ promeruerit; cum omniumque fortissimorum regnorum senatu conferri hac in parte, atque etiam multis præferri possit. Per idem tempus Comes Gorcanus huius Palatini Posnaniensis Stanislai à Gor ka tritauus, & Petrus Samotulius Castellanus Calisiensis ad Pontificem missi impetrarunt Regi decem millia florenorum, in subsidium contra Tartaros, quæ ordo ecclesiasticus conferret. Decimæ verò decimarum quas petebant, negatæ sunt eis.

1448. Hoc anno legatus Pontificis Eugenii Cracouiam venit. Cui academia Cracouiensis nullum honorem venienti exhibuit, eo quòd Basiliensi concilio omnia tribuebat, necdum de cessione Felicis innotuerat, qui ad Pontificatum ab eo concilio promotus fuerat.

Quintus conuentus Lublini.

1448. Cazimirus tertius, siue aliquorum consilio inductus ad capefendum Ducatum Lituaniæ Sedomiria disceserit, siue clam de muro se demiſerit, ut scribasus Latopisciorum tradit, certè hac re omnes ordines regni, ipsumq; Wladislaum fratrem plurimùm offendit; cuius rei quia Lituani autores fuisse perhibebantur, disidia ea de causa inter Polonos & Lituanos toto tempore dominatus Cazimiri ab his comitijs Lublincensibus gliscebant. ubi cum in conspectum utriusque venissent, acerbius Poloni cum Lituaniis expostulabant. Demonstrabant Lituani, se sic fecisse, quòd aliter fieri nequebat, nisi incurrere periculum magnum voluissent propter sublatum Sigismundum Ducem ipsorum. Reverserunt Poloni, periculum istud vitari potuisse, si gubernatoris, nò Ducis titulo Cazimirus Lituaniam administrasset. Contra illi, Si titulo ducis vix effugi id poterat, multò minùs gubernatoris. Ita, dum utriusque sese carpunt

se se carpunt acerbius, Rex monuit Polonos, ut ita attemperarent verba sua, ne Lituani acrius irritati alienentur: Responsum est clarius: hac commodiorem viam ad retinendos eorum animos nullam restare, quam si Lituani, Rusiq; omnes, abrogato suo ipsorum principatu, Polonorum regno atque nomine censei se deinceps velint. quod cum illi nequaquam vellent, responsum datum est tale: Intentionem auctoris hac in re spectarent; pacta conuenta seruarent; priuilegia Grodzensia non posse eos rescindere, nisi prius libertates suas, adeoq; ius nobilitatis suæ in dubium vocent. Hæc stare incolumia non posse, si semel illa labefacta corruant. Quare prudenter se hîc gererent, ac cauerent, ne effugientes Charybdim, in Scyllam inciderent: Quod attinet Podoliam, hanc à Cazimiro Magno fuisse partim iure belli, partim iure propinquitatis Poloniæ regno adiunctam, & postea ex Ludouici, & post Ludouicum ex eius præfectorum manibus vendicam. Nam & Cameneciam Bacotam, & alius arces à Cazimiro fuisse exstructas & firmatas. Hæc erat summa controuersia. Quod si quis alius rem repetere vellet, inueniret etiam ipsum Ptolomæum ante mille quadringentos annos, incolas Podoliæ vocasse Sarmatas Tirangitas. Quod tunc & postea Tiræ seu Dnestri utriusque ripæ hæredes erant; Imò & Strabo, & Ouidius totam ripam Euxini & Mæotidos Sarmatarum patriam facit. Et postea Chobrius Rex Poloniæ & Audax Boleslaus, ut existimo, hac de causa atrociora ac cruentiora bella pro illis terris ad Kiouiam, nec nò & Criuouitius, Cazimirusq; secundus post eum gessere, ita ut & Borysthenes sanguine intumescere, & terra ipsa rubescere videretur. Itaque etiam si quis Rubeam seu Rubram Rusiam vocatam eam regionem, aliam ob causam concedat: tamen hac etiam de causa Rubra merito vocari potest, quod Polonorum, aliorumq; sanguine sæpius irrigata fuerit. Testantur hoc cippi & sepulchreta heroum Poloniæ per vniuersam eam sparsa. Hinc illæ columnæ æræ iniectæ sunt flumini Borystheni à Chobrio, & alia monumenta posita. Quod si Scythæ tempore interregni, hoc est, cum Polonia scissa in multas Satrapias à suis Regulis esset, occasione nacta, ferro omnia vastarunt, id non iure belli, sed latrocinantium more factum censei debet. Lituania porrò si Tartaros superiori æuo propulsauit, & aliquot prouincias à dubiis possessoribus vindicauit, hæc impendia posterioribus temporibus à legitimis dominis & possessoribus reparari sibi ac compensari sensit. De quibus rebus priuilegia & transactiones monstrantur claræ. Ideo Cazimirus Magnus illis temporibus ita confidenter pro possessore se Podoliæ gessit, ut etiam Tiræ secundo flumine inde Cyprii frumenta nauibus submiserit, ipsumq; Regem Cypri ad Caroli Imperatoris nuptias & conuiuium illud celebre Cracouiam

lebre Cracouiam versus contendente, illac potissimum deducendum curavit. Quin & Wladislaus Iagello in gratiam Constantinopolitanorum idem, quod Cazimirus in gratiam Cypriorum per Borysthenem à Caci-bærio portu fecisse scribitur. Nemo autem ringi aut mirari debet, si Deus primæua regna, quæ illo adhuc aureo seculo post diluuium statim extiterunt, quale est inter alia regnum Sarmaticum, peculiari quadam providentia tuctur & ornat. Hæc ideo addenda putavi, ut lectis chroni-cis Lituanicis, alijsq; cum eis cōiunctis, habeat quisq; in promptu, quid statuendum hîc sit; ac tandem, demonstrata veritate, æquabiliore et ma-gis pacato animo vtraque gens Polona & Lituana coniunctionis mu-tuæ hoc vinculum, ut maximum Dei donum, veneretur, Deumq; inde celebret. Sub idem tempus Duces Seuerienses pacta conuenta cum Vi-toldo olim inita, cum Cazimiro Vilnam venientes, confirmant. qua de re diploma extat, cuius exordium est tale: Ego dux Mubael Ioānis No-uosiedlensis & Odoiouiensis, cum fratre suo duce Fedoro, & cum nepo-te duce Ioanne Basliade, &c. Et paulo post: Modus componenda-rum litium inter eosdem duces & magnum ducem Moschorum, ma-gnumq; ducem Pere斯拉uiensem, et magnum ducem Prunscensem descri-bitur. Videlicet, ut si quid tale accideret, commissa reali (ita vocant) iu-dicio tota res permitteretur. Quod si quisquam istorum trium magno-rum ducum re iudicata stare nollet, Rex spūdet, sese iūquam patronum, Seueriensium causæ non defuturum. Hinc autem colligere licet duces Prunscenses tunc in illa regione absolute imperitasse. Ad equatur enim hîc dux Prunscensis Moscho & Pere斯拉uiensi, qui sine dubiō habue-runt absoluti iuris dominium suum.

Ducum Seueri-
ensem trans-
actio.

1449. Comitua Petricouiensia, in quib. cōtentio de loco inter Cardinalem, & Archiepiscopum mota, non tamen tum sedata fuit.

1450. Cazimirus Rex hætenus iuramentum regno non præstiterat. Itaque cōuentum est inter proceres, ne pro iusto Rege Ca-zimirus haberetur, quoad is iusiurādum, quod sæpe petatum fuerat, præstitisset.

1451. Comitua Petricouiensia, in quibus controuersia illa de loco inter Cardinalem, & Archiepiscopum prudentissimè sopita fu-it, hoc modo. Archiepiscopus principem locum haberet. Sancitum verò, ne quis Cardinalatus honorem deinceps, Senatu inconsulto, peteret, aut vsurparet. Videbant enim prisca homines, iuramenta, quæ fieri consueverunt in Romano cōsistorio cum iis, quæ regno à con-filiariis præstari solent, non per omnia conuenire.

Sextus conuentus Parcouiæ, &
septimus Brestæ.

1451. *Parcouiæ conuentum agunt cum Lituanis Poloni; ubi eadem cantilena recantatur. His datam fidem, pactâq; conuenta vrgentibus; illis ad metam constitutam progredi detrectantibus. Sed iam vehementius istic egisse videntur Poloni. Angebantur enim, & pro ludibrio reputabant, quod ad insignem sublimitatem & quasi ad culmen res Lituanicas perduxissent, eorum Principes ad tantam maiestatem extulissent, thalamoq; suæ regis filiæ admisset, per vniuersum orbem rem vniuersam sparsissent, bellum cruentum ad Grinualdum eorum causa sustinuisent, ad extremum autem res eò redacta esset, vt non nisi labores, sumtus, pericula, et tumultus comitorum pro tantarum rerum gestarum fructu & emolumento haberent. Cum igitur se spe deiectos, & propemodum expectatione frustratos ludificatosq; perpenderent, paulatim flammæ odiorum ita succensæ inter vtrâq; gentem erant, vt Lituanii senatores absque fide publica ad comitia illa venire renuerent; quæ tamen eis denegabatur, ne quid fœderibus hac re derogaretur. At illi durius quid suspicati, ad comitia venire detrectabant. Emanauerat enim fama, vt asserunt annalistæ Russi, ac si clam conclusum fuisset in senatu Polonorum, vt, si venissent, captiui tamdiu detinerentur, donec fidem datam liberaissent, pactâq; conuenta adimpleissent. Venerunt tandem: Sed urbem non ingressi extra mœnia castris positus locum cœperunt. Verum cum munitioni non satis fiderent, noctu tertia die solis absq; seruis in fugam se vsque Brestam coniecerunt; relicta suppellectili, & aliâ qua manu suorum in castris. Hæc ubi nunciata essent, rei nouitate perculsi Polonorum quidam, castra relicta visum accurrunt. Vnde coniectura coniecturam & suspitione suspitionem augente, ex illo leui argumento in opinione semel concepta confirmantur. Nam & serui eripientes se fuga, rumore inuulgatum pauore suo comprobarunt. Ab eo tempore, ob illum euentum fortuitum, occupauit animos Lituanorum erga Polonos latens quoddam odium; ita vt eos posthac vt debitor suum creditorem solet, intuerentur. Nam et insignia militaria, quæ paulo ante in signum vnitatis confirmandæ acceperant à nobilitate Polona, non sine fremitu tunc eis remiservunt; vt quidem referunt Latopiscij. Solutis comitijs Rex per speciem venationis in Lituaniam raptim se expediens abiit. idq; quemadmodum aiunt, & verisimile est, vt offensos Lituanorum animos cōsolaretur, melioraq; de se et Polonis sperare iuberet. Laudatur in ijs comitijs oratio Zbignei, quâ habuit in causa istius vnionis.*

Octauus conuentus Syradiensis, ex D.
Cromero ad verbum.

In comitijs

1452. In comitijs verò eadem, quæ pridem, cantilena à Lituanorum legatis superbè, & non sine minus repetita. Eiq; modeste à nostris responsum est: Cum Rege de iureiurando & confirmatione importuni-
us actum. Itaque is in angustum redactus, cum octo primoribus consilia-
rijs secretum consilium habuit: Et cum asseueraret, non posse tunc se si-
ne capitis sui periculo atque defectione Lituanorum, postulatis Polono-
rum satisfacere, annum vnum impetrauit; vt interea Luscum, & pri-
marius munitiones Lituanie in potestatem suam redigeret, thesau-
rumq; Lituanicum, in Poloniam transueberet. Tametsi admonerat Pa-
latinus Sedomiricensis Oleśnicus, videndum esse, ne Rex Polonos va-
na spe & pollicitatione lacteret: eoq; syngrapham siue diploma, quod
ea de re fidem faceret, ab eo exactum, & Regis, ac omnium illorum si-
gnis obsignatum Archiepiscopo asseruandum conceditum est: atque ita
conuentus ille solutus est.

Nonus conuentus Parcouiensis, ex D. Cromero.

1453. Mense Iunio Rex apud Parcouiam, Polonorum simul &
Lituanorum comitia habuit. Verùm adeatamen Lituani proceres nō
adfuerunt, insidias nescio quas causificantes: Legationem modò mise-
re, quæ vsitatam illam de corrigendis fœderibus, reddendâq; Podolia
& Volynia cantilenam occineret. Proferebant nostri diplomata Iagel-
lonis, Vitoldi, & Suidrigellonis, et suis in forum argumentis Lituanos re-
fellebant. quòd ij dicerent oppigneratam Vitoldo à Iagellone Rege Vo-
lyniam, & Podoliam quadringentis millibus aureorum fuisse, Vel in-
de enim liquidò constare, eas terras Polonici iuris esse, & mortuo Vi-
toldo, vnâ cum pecunia in ditionem Iagellonis legitima successione reci-
disse. Ad extremum ferebant eis arbitros, siue Regem, siue Pontificem
Max. seu quem alium principem vellent. Tartarorum principem siue
Cesarem illi edebant. Quod cum indecorum atque etiam ridiculum es-
set, ita dimissa est legatio, vt intelligerent Lituani, Polonos iuri suo ne
quaquam defuturos. Tentatum est à Rege & nonnullis consiliarijs, vt
in aliud tempus res tota adhuc reijceretur, Sed negarunt Poloni. Com-
memoratur hîc oratio Zbignei Episcopi, quodq; cum maxima libertate
perorarit. Extenuans enim Lituanorum minas, fidem & obsequia Po-
lonorum erga Reges amplificabat. contra Lituanie proceres in odium
inducebat, & suspicionem. Etiam si, inquit, fortuna paginam verteret,
Poloni nihil de suis erga Regem studijs mutabunt vnquam. Audiuit
hec Rex subtristis, demisso capite, & crebra ex imo pectore trabens su-
piria. Hæc ex Dlugosso & D. Cromero.

Diluitur argu-
mentum de Po-
dolia & Voly-
nia.

Decimus conuentus Petricouienſis.

Parcouia Petricouiam ad alia comitia ad diem natalem D. Ioannis Baptiſtæ indicta itum eſt. Ibi fortassis acta ſunt ea cum Rege & à Rege, quæ Dlugoſus Parcouiæ acta eſſe prodidit. Ibi quidem prolata eſt ab Archiepiſcopo Regis promiſſio diplomate conſignata; poſtulatū q̃; à Rege, vt ei promiſſioni tandem ſatisfaceret. Sumpta ad deliberandum die, reſpondit ille: Non licere ſibi aduerſum priori iureiurando, quod Lituanis dediſſet, iuſiurandum dare; daturum tamen, ſed vti modo Regem Polonorum, non etiam vti Lituanorum principem. Captioſum, ſicuti reuera erat, eiſmodi iuſiurandum viſum eſt. Itaque inſtare proceres vnā cum Sophia Regis matre, vt captione illa Rex abſtineret; &, commendato cuiſpiam Lituanorum principatu, Poloniam Rempub. per ſe ipſe diligentius adminiſtraret; Lituanos à ſuo contubernio amoueret; quatuor de primoribus Polonorum ſenatoribus publicè declarandos ſemper in conſilium adhiberet, ac de illorum ſententia cuncta a-
 geret decerneretq̃;. Quæ verò præter ſententiam ipſorum acta vel decreta forent, irrita vt eſſent; ſtationes, & ſubuectiones vti moderati-
 ſ, & more antiquo exigeret. Ni hæc faceret, diutius ſe non expecta-
 tuos; ſed ſibi reiſ. ſue publicæ aliter proſpecturos. Dictisq̃; facta adiecerunt; nam data & accepta fide mutuò ſeſe obſtrinxerunt, neuti-
 quam defuturos ſe eſſe patriæ reiſ. publicæ. His tandem tam importu-
 nis poſtulatū, atque etiam minis motus Caſimirus, iuſiurandum, quale petebatur, dediit. Quo facto, proceres cætera omiſerunt poſtulata, ſiue in aliud tempus reiecerunt, veriti ne ægrotum Regis animum exacer-
 barent: ſimul ſperantes, cum tempore ſanatum iri. Hæc ſunt illa no-
 uendialia comitia quæ videlicet in nonum tantum durauere di-
 em: quod quidem veluti nouum & inuſitatum Dlugoſus memorat. Nunc, ſiue quòd liberiùs ſententiam ſuam explicare cuique licet, ſiue quòd ſenatu Lituanico & nuncijs aucta eſt frequentia comitiorum, adi-
 ciuntur ſecundò & tertio alij nouem. Vel quia methodus & compen-
 dium tractandi negotia publica ſæpe impeditur ac tollitur intempeſti-
 ua quorundam facundia. Non ita multo poſt Zbigneus Cardinalis moritur, maximus Lituanomastiſ, vt vulgò, & potiſſimum à Litua-
 nis, exiſtimabatur. eò quòd impenſiùs & acriùs vrgeret negotium hoc; ne videlicet illud fœdus coniunctionis, & amoris mutui inter vtraque gentem, quod maximum Dei donum eſſe cenſebat, in caſum abiret. Fuerat enim præſens cum ab initio pacta illa fieret, ideo meliùs, quàm plerique alij iudicare poterat de vniuerſo illo negotio. Sed de his hactenus. Et quia Caſimirus iureiurando ab eo toties eſſlagitato, extremā ma-
 x num illis

Reformatio
 regionum conſe-
 liariorum &
 aulicorum ex-
 tra comitia.

zbignei mors.

nam illis transactionibus tum imposuisse est visus, nos quoque huic epitome historiæ rerum Lituanicarum finem faciemus.

1452. Daud Turca Amuratis fratris filius, pulsus olim à patruo Sedomiriam ad Regem venit. Sachmates etiam Imperator Tartarorum à suis fugatus ad Regem in Lituaniam fugit. sed hic captus Caunæ ad finem vitæ suæ in carcere retinetur. Eodem anno Hungari, Bohemi, & Moravi Fridericum tertium Imperatorem in noua ciuitate vrgent, Regemq; suum Ladislaum ab eo obsidione extorquent. Ludouicus Magister Prusiæ primus Regi fidelitatem iurat. Isidorus Kiouiensis Episcopus qui in Florentino concilio multa eruditè differens de religione Christiana inclaruerat, à Russis pulsus, eò quòd in Latinorum religionem concesserat.

1453. Tartari in Volyniam excursionem faciunt, vbi nouem millia captiuorum, ingentemq; aliam prædam fecerunt. Hos sunt insecuti, qui Podoliam inhabitant, Poloni cum præfectis regis, inter quos Lascius Zincouiensis, & Ioannes Niemiec laudantur. Hi noctu securos aggrediuntur; & magna strage profligant, prædamq; omnem illis excutunt. trecenti tantum ex eis euaserunt, qui nostrorum paucitate animaduersa, postero die cum nostris, viribus resumptis, manus conferere volebant. sed paruo negotio fusi fugatique sunt. Hoc anno Constantinopolis à Turcis capta.

1454. Prussi se, & suas munitiones Regi Polonorum dedunt. Nuptiæ Cazimiri Regis cum Elizabetha Alberti Cæsaris filia celebrantur. Hoc eodem tempore Capistranus Franciscanus homo eloquens in Bohemiam venit, vt omnes ad religionem romanam perduceret. Tandem in Poloniam Cracouiam à Zbigneo Cardinali aduocatur. Hic primùm in ipso foro, deinde in æde virginis M. quotidie per interpretem conciones ad populum habebat; quibus Rex & Regina adesse solebant. Is cum ludos, aleam, choreas & alia eiusmodi prohiberet, talem sibi opinionem breui conciliauit vt pro sancto haberetur. Episcopi Prusiæ hoc tempore Regi, iureiurando interposito, se addicunt; & abiecto cultu Cruciferorum, veterem habitum, qui diui Augustini profitetium regula dicitur, resumunt. Pacificatur tandem Prusia, Rege eis magnas prærogatiuas ex sua liberalitate concedente. Nam cum antea Cruciferis e Gedanensi ciuitate sexaginta aureorum millia quotannis prouenirent, vt Vapouius scribit, ipse pro his omnibus duo tantum millia aureorum imponit. Eodem anno malè pugnatum à nostris ad Choinicium. Primam quidem alam Cruciferorum Poloni perfregerunt, funditusq; profligarunt, & Baltazarum Ducem Zeganensem occiderunt, Bernandumq; Slumbarg Ducem ceperunt. sed tandem, cum se acies nostrorum frequentes ob angustiam loci explicare non possent, alii cæsi, alii dissipati sunt; & Rex, dum

& Rex, dum restituere pugnam conatur, in periculo fuit. Eius cladis culpa referebatur in eos, qui minùs commodum proelio locum delegerant, & leuiorem equitatum, ex præscripto militaris disciplinæ, ad turbandos & perrumpendos hostium ordines, non præmiserant, sicuti antea Polonis consuetudo fuerat.

1456. Comitia Petricouensia; in quibus tributum antea & post inauditum sancitur; quod sic describitur: Placuit vniuerso conuentui, vt Rex pariter, & ecclesiasticus equesterque ordo vniuersus dimidium annorum censuum conferrent, ne honorum quidem & magistratuum fructibus exceptis; oppidani verò immobilium iuxta ac mobilium bonorum æstimatione facta, vt binos grossos pro qualibet marca penderent. Agrestes verò singulos grossos in capita marium, & sceminarum numerarent. Cæterum equestres homines, qui nullos haberent agricolas, & adscripticios census, singuli videnos quaternos grossos: Cum autem ne hæc quidem suffectura essent, aurum insuper & argentum sacrum è Cracouensi Basilica à Rege importunè flagitatum; sed ab Episcopo constanter negatum est. Cui cum Rex irasceret, placatus est quinq; millibus florenorum Episcopi & sacri collegii fideiussione à mercatoribus mutuò acceptis, vt tamen Rex ea postea solueret. Eodem anno à Iohanne Hunniade maxima clade Turcæ affecti apud Nandor Albam; vnde ipsius Mahometis Imperatoris Turcarum fuga consequuta est. Vbi non ignobilis fuit sexcentorum Polonorum opera, qui à monacho Capistrano euocati erant ex Polonia.

1456. Ladislaus filius Hunniadis perduellionis insimulatus, cum insidiatorem suum Vlricum Ciliciæ Comitem interfecisset, capitis poenam luit, & Mathias frater eius iunior natu Viennam abductus est. Hic postea à Podebracio Rege Bohemorum, quinquaginta millib. aureorum numeratis, redemptus, Rex Hungariæ declaratur.

1457. Comitia Petricouia, & inde ad prouincialem Colensem conuentum Rex ipse ire non neglexit. Impetravit autem à nobilitate eius or, ut susciperent in se munº defendendarum trium arcium: Slochouia, Suecæ, ac Thucholia, quoniam pecunia deerat in stipendium mercenariis militibus, qui pro præsidio in his arcibus collocarentur. Erat hæc noua inuentio & compendiosa ratio muniendi arces. Gedanum deinde est Rex progressus; vbi Carolus Danorum Rex exul pedestri comitatu ei occurrit, eumque salutat. Eodem tempore Magdeburga arce potitus est Rex, persoluto stipendio militibus, quibus eam Magister Prusliæ hypothecæ nomine donec id solueret, tradiderat. Erat autem summa quadringentorum septuaginta sex millium. Commendatur hinc Gedanensium erga Regem & regnum beneuolentia & officiositas. maximè verò, quòd ad

Carolus Danorum Rex obuiam it Cazimiro cum pedestri comitatu.

Gedanensium merita erga Cazimirum.

*Hastatus quid
apud veteres
Germanos si-
gnificat.*

exoluendam eam pecuniam triginta millia denuo extra ordinem collecta contribuerunt. Commendantur & maiores Poloni, quod tempore difficili subierint sponte, non coacti, onustale, ut in centenas marcas annui census, singulos hastatos equites mitterent. Hastati autem singuli apud veteres Germanos tres equites intelligebantur. nempe hastatus reuera vnus grauioris armaturæ vnâ cum duobus sagittariis. Nam & auratum equitem olim **Dritter** Germani vocabant, quasi Tertium; quia videlicet duobus aliis sibi adiunctis militabat. Sed postea **Ritter**, adempta littera D. nominare cōsueuerunt, vnde nostrum Polonicum nomen **Rycerz**, quo strenuos viros appellare solemus. Per eadem tempora latrocinia innumera in finibus minoris Poloniae exercebantur; ita ut tota Polonia minor contra eos latrones expeditionem generalem fecerit. quam valde numerosam tum fuisse tradunt, ita ut sexaginta bellatorum millia in iis castris censa fuisse Vapouius memoret. Eodem anno Gizonius Iohannes ob ingrauescentem aetatem praefectura motus fuit: Sed sui aliam eius rei rationem reddunt: nempe quod Pontifex maximus id apud Regem clam per internuncios curauerit, eò quod Zisca Bohemo auxilia submittere Gizonius solebat.

1458. Hoc anno expeditio fuit in Prussiam; ex qua Rex reuocatur ab vxore; quæ cum Cazimirum filiū peperisset, supra modum coniugis absentis desiderio angebatur. Ad eam igitur cum Rex reuersus esset, ibi legatos Georgii Podebracii noui regis Bohemorum audiuit. Petebat is foedus cum eo & ingentia auxilia contra Cruciferos ei promittebat.

*Capita oratio
nis Rituani
qui post mor-
tuum Zbigne-
um Regem libe-
rius redargue-
re consueuerat*

1459 Hic annus nobilitatus est insigni victoria de Cruciferis, & eorum clade. Nec multum absuit, quin Ludouicus Magister eorum viuis in potestatem nostrorum venerit. Ingens praeda reperta apud victos; ita ut viceni aurei in singulos milites diuiderentur. Wratisslavia autem & reliqua Syllesia dedebat se Regi; sed rationem Podebracii Rex habere voluit. Comitibus postea Petricouiae indicta sunt, ad quæ nuntii Cracouienses non nisi sub fide Regis veniunt, & per Rituanium hominem, magni animi, & eloquentem, de multis rebus cum Rege expostulant. Praefectorum eius tyrannidem is accusat, nominatq; Iohannem Kuropatvvam, qui Senicium & Laticinium nobiles Chelmeneses indicta causa spoliatur, & omni contumelia affecerat. Commemorat & merita Polonorum in familiam Iagellonum, & opes quas ad Lituaniam iuuandam toties profuderant. Exprobrat Regi monetæ, quam cudebat, leuitatem, & non coercitam licentiam importandi adulterinam. Quod item vectigalibus Poloniam onerari pateretur. Sed & alia consimilia tum proponebantur Regi ob oculos; quæ ego adscriberem, nisi scirem Rituanii orationem etiamnum sapius &

sapius & domi & in comitiis commemorando iterari. Lecti sunt deinde viginti viri, qui de constituenda & reformanda Repub. sententiam suam dicerent: Regis autem arbitrio omnia deinde subiicerentur. Iugeralis contributio duodenorum grossorum tum ^{imposita} est agricolis. Ab ecclesiastico verò & equestri ordine ^{octaua pars} censuum promissa Regi in stipendia militum. Eodem anno Iohannes Albertus filius Cazimiro natus.

Viginti reformatores Reip. eliguntur.

1460. In hunc annum incidunt illæ dissensiones non tam inter Iacobum Sieniennium, & Iohannem Grusczinium, quàm inter Regem, & Pontificem maximum; quòd patrocinium hic Sieniennii, ille Grusczinii susceperat. quæ dissensio paulatim incensa ita efferbuit, ut aliquid magnum breui pepererit. Nam Sieniennius eam ob causam regem ita irritauerat, ut Rex ipsi & eius affeclis extrema quæq; non modò minaretur, sed etiam iam reipsa inferret. Itaque Sieniennius Pinczouia in arce patria obsideri iussus, in eam angustiam redactus fuit, ut cogeretur in Melstinum arcem se recipere; ubi à Iohanne Melstinio receptus unà cum Dlugosso totum annum se continuit; nequicquam prohibente Rege, ne perduellem suum & hostem ^{publicum} Melstinus seruaret. Pauci quidam ex ordine ecclesiastico tum Pontificiam auctoritatem regiæ anteposuerunt. Et ii quidem à Rege durius sunt tractati. Crizanovius ab apparitoribus per mediam urbem foras eductus est eò planè vestitu, quo Canonici in templo vtuntur, ita ut populus aspiciens eius vicem ^{commiseraretur}. Dlugossus redditus adempti. & alii acerbitatem Regis experti sunt. Iis verò, qui cum Rege sentiebant, si Pontificiis interdictis gravabantur, regio iussu & minis à Pontificiis decretis ad concilium futurum vniuersale prouocabat. Meminerat enim Rex, in Basiliensi concilio paulò antè conclusum fuisse, & magno consensu sancitum, ut Pontifices deinceps sententiæ concilii subiicerentur. Quam conclusionem & ipse Nicolaus Pontifex approbauerat, eiq; subscripserat. Ad hoc igitur præsidium Rex, exemplo aliorum Regum, Ducum, Imperatorum, in omnibus controuersis cum Romanis Pontificibus, tanquam ad tutissimam arcem confugiebat in illo dissidio.

Sieniennii controuersia cum Grusczinio seu potius cum Rege.

1461. Iudicium regum in Cracouienses ciues, de cæde Andreæ Tencinii.

1462. Ziemouitus & Wladislaus Mazouiorum Duces veneno sublati, & de successione in Mazouie & prouinciæ Bellsensis dominatum controuersia. Pacta & conuentiones inter Regem Cazimirum & Georgium Regem Bohemiæ. Qui vtriusq; Regis consensus, cum Georgius in religionis negotio suspectus esset, minimè probabatur Pontifici, eumque exasperabat contra Cazimirum. Conuentus item eorundem regum Poloniae & Bohemiæ, in quo splendor Polonica-

rum opum talis tantusque enituit, ut nunquam Cazimirum ad conuiuium inuitare ausus fuerit Georgius; ne scilicet proderet paupertatem suam.

1463. Capha à Turcis capta. Magnus tunc Poloniam inuasit timor. De Cruciferis aliquot celebres victoriae, terrestri & nauali proelio partae. Proinde continuis cladibus debilitati, ad extremum tantum legati Pontificii auctoritati confidebant, qui tamen nihil profecit. Nam aliquoties legatus prodiderat suum consilium, quod videlicet plus faueret Cruciferis, quam iustitiae. Et aliquando, cum eo inuito ciuitatum Prussiae nuncii publice introducti essent à Polonis, mox toti oppido interdixerat sacris. Causa autem huius excommunicationis fuit, quod cum Rege sentirent, aduersante Pontifice. Cum autem nostri, per speciem supplicationis ob rem bello bene gestam, campanas pulsare coepissent, legatus ita irritatus fuit, ut etiam mulieribus maritorum consuetudine & contubernio interdixit, quod maritos à fide Regi data citius auellere posset. Quae res etiam tum risum omnibus mouit. Scribunt & illud: Cum Rex in quodam colloquio priuato à legato exasperatus dixisset, malle se regno excidere, quam Sieniennium pati, se inuito, fieri Episcopum, legatus vociferari coepit. Praestare, ut tria regna pereant, quam ut ius & auctoritas Pontificis perturbetur aut diminuatur.

Polonorum victoria de Turcis ad Sauum, qua se plurimum Mathiae Regi commendabiles reddiderunt; ita ut postea opera eorum libenter usus fuerit in militia. Numerus Turcarum erat quatuor milium. Polonorum quinquaginta tantum.

1464. Iudaei direpti Cracouiae. Cruciferorum clades apud Golpergam. Pii secundi Pontificis Maximi mors.

1456. Cazimiri auctoritas & opinio apud Christianos creuit & apud Barbaros ex hac occasione: Pontifex Romanus & Imperator per Patriarcham Antiochenum apud Ezigerum summum Tartarorum principem egit, ut Turcis bellum inferret, quod eos à bello Christianis inferendo auerteret. Ezigerus respondit, in eo postulato se ex voluntate Cazimiri foederati amici sui pendere velle. De nouo igitur Pontifex cum Imperatore Antiochenum Patriarcham ad Cazimirum mittunt, petitem ut Christianos adiutos vellet ea in re; quandoquidem ipse Christianus communi religioni id deberet. Sed Rex eam deliberationem ad comitia distulit. Sub idem tempus quidam ararii milites ob non soluta sibi stipendia, coacto iusto exercitu, contra ipsum Regem quaedam machinantur. Angebat ea res supra modum Regem, quod sibi à bellis non concederetur respirare. Et maxime dolebat ei, quod didicerat eam ob rem Cruciferos resumere spiritus, cum iam antea satis attriti animum ferme despondissent. Itaque

LIBER VII.

367.

sent. Itaque statuit milites istos tanquam perduelles bello persequi. Quo comperto, accepta fide, in rem præsentem conueniunt, & pœnam publicè deprecati, ad pedes Regis sese abiicunt. Hac igitur de- *Ira & clemen-
tia Cazimiri,*
missa deprecatione tandem non modò veniam impetrauerunt, sed etiam pecuniam emeritam consecuti sunt.

1466. Polonorum victoria de Cruciferis ad Ofiecum. Venit interea Legatus à Pontifice ad componendas lites; quemadmodum ad Regem antea scripserat. Cui Rex per Dlugossum indicauit, se pacem non abnuere; modò ille bona fide patificatorem se interpone-
ret; neque imitaretur Hieronymum Cretensem legatum superio-
rem, qui Regi, ac si filius eius esset, operam suam pollicitus, cum po-
stea ad Cruciferos peruenisset, donatus ab eis calice aureo, ipsis non
obscurè fauebat; Et Cretensis, vt est in prouerbio, cretizauit. Inter-
ceptæ enim fuerant literæ legati, & ad manus Regis deuenierant,
in quibus calicis huius mentio fiebat.

Celeberrima pugna Polonorum ad Choinice; vbi & oppidum ca-
ptum fuit, ibique non modò abolita est illa infamia acceptæ quon- *Secundum bel-
lum Choinicen-
se, & victoria
Regis.*
dam cladis, sed etiam multis modis compensata. Ad medium igitur
Septembris, cum ex oppido erupissent hostes, commisso cum no-
stris prælio, in oppidum reiecti sunt. Nec multò post, prudentibus
nostris, rursum erumpentes, cum aliquot horis strenuè dimicassent,
multis amissis, terga verterunt. Instabant nostri fugientibus. Hostes
verò veriti, ne cum suis nostri simul in oppidum irrumperent, cele-
riter clauseruut portas permultos suorum excludentes: qui partim
cæsi, partim capti, partim in fossam plenam aquæ armati sese præcipi-
tantes submersi sunt. Nec multò post nostri sagittis ignem iaculati,
noctu oppidum incenderunt; ita vt quarta pars eius vnà cum fru-
mento conflagrarit. Quo casu tandem victa est hostium pertinacia,
& missis in castra Vidarico E. senoueno magno Commendatore, &
Iohanne Zalio, vitam fortunæque pacti, nunquam contra Polonos
arma se sumpturos esse, sanctè iurarunt. Redditis itaque, receptisque
vicissim captiuis, inter quos erat Paulus Iasenius, oppidum cum
bombardis, & omni apparatu & instrumento bellico ad quartum
Calend. Octobris dediderunt, & lacrymantes Pambergam profecti
sunt. Post hanc Cruciferorum cladem pax perpetua sancita fuit, Cru-
ciferique in fidem & clientellam Polonorum recepti, & Magister e-
orum Princeps renunciatus, ac consiliarius regni. Ab eo tempore
Pomeraniæ Ducatus, Michalouiensis quoque, & Culmensis terra re *Pomerania et
Michalouien-
sis Culmensis
que te ra Po-
lonie adiungi-*
cuperata regno Poloniæ adiungitur; pro quibus Poloni centum &
octoginta annis cum Cruciferis armis decertarant.

1462. Sigismundus Cazimiro natus.

1462. Iohannes Dlugossus regiis liberis præceptor designatur. *tur.*
Nuncii etiam

Nuncii terrarum instituti.

In hunc annum reuocatur nunciorum terrestrium (quos vocant) prima institutio: quā quam antea

Rituanius, & alij, Craconien- sis terræ legati ad Comitium delati fuerant

Nuncii etiam prouinciarum instituuntur. ut bini scilicet à Palatinatibus seu Satrapiis mitterentur ad comitia; qui videlicet essent veluti custodes communis libertatis, & medium quoddam, quo posset facilius & placidius summa potestas cum inferioribus ordinibus coalescere. Sylla quidem Romæ sustulerat Tribunos plebis in gratiam Senatorii ordinis. At Pompeius, quia Reipub. vtilis videbat, eosdem restitui curauit.

1470. Hoc anno venit ad Cazimirum legatus Friderici Imperatoris Raphael Lescinius: eques quidem Polonus, verum complures annos in ministerio Imperatoris versatus, eique inter paucos charus. Is conatus est Mathiam Regem apud Cazimirum in suspensionem adducere; utque ab eo sibi caueret, tanquam ab homine vafro, sedulo præmonuit.

1471. Georgii regis Bohemiæ mors. Wladislaus Cazimiri filius Rex Bohemorum creatus.

1472. Cazimirum regem Pontifex, atque etiam ipse Aegypti Sultan⁹ per oratores ad suscipiendum bellum contra Turcas adhortatur. Sed Cazimirus tunc bellis Prussicis, & expeditione duorum filiorum in Bohemiam, & Hungariam ita fuit exhaustus, ut ne in quotidianum quidem victum sumptus ei suppeterent. Eò factum est, ut militibus stipendia non persoluerentur. Hinc extiterunt plurima latrocinia. Nam mercenarii milites, unde se alerent non habentes, vias publicas quodammodo obsederunt, & alia extrema consilia ceperunt.

1473. Turcæ bis collatis signis cum Husancassano Aegypti, Syriæque Imperatore insigni strage victi. Ad quinquaginta sex millia caesa militum, & centum quinquaginta tribuni, quos Subbassas vocant, tum perierunt.

1475. Subacta Bazarabia à Turcis, quæ sita est ad littus ponti Euxini intra ostia Tiræ & Danubii, pavor ingens & trepidatio mentes nostrorum hominum inuasit; non secus ac si ipsa iam Podolia & Russia vastaretur.

1479. Sophia Cazimiri regis filia Friderico Marchioni Brandeburgensi nupta. ex qua natus est Albertus ille Dux Prusiæ, princeps sempiterna memoria dignus; patronus etiam meus olim clementissimus.

1479. Mortuo Bninio Poseniensi Episcopo, duo competitores eius Episcopatus fuerunt: Vriel Gorcanus Lucæ Palatini filius, Gnesnensis & Poseniensis præpositus, & Cancellarius regni; & Stanislaus Curozuacius Procancellarius regni. Sed Iacobo Archiepiscopo interueniente, collegium Poseniense regiam auctoritatem in eligendo Vrieli secutum est; qui Vriel etiam promissum Regis aliquantò ante

liquantò ante habuisse dicitur. Fuit autem & alius Lucas Gorcanus Palatinus Pofnaniensis, & postea idem Cuiaviensis Episcopus, pater Andree; quem Pofnaniensem absolutè ob nominis eius celebritatem Poloni vocabant.

1489. Cazimirus foedus icit cum Baiazere Turcarum Imperatore, per oratorem suum Nicolaum Firleium, gente Leopardium; qui postea Castellanus Cracouiensis, & dux exercitus Polonici fuit. *Nicolaus Firleius Dux exercitus.*

1492. Mors Cazimiri, subsecuta est. qui Vilna profectus cum Trocos vnus diei itinere peruenisset, fessus, ex nimia agitatione languere coepit. & inualecente morbo, ubi animaduertit supremum vitæ diem sibi instare, testamentum condidit, quo Wladislaum filium exhæredauit. Deinde sacrosanctis Christianæ religionis mysteriis perceptis, mense Iunio animam exhalauit. Inde in Poloniam solenni pompa elatus in basilica Cracouiensi sepultus est ad dextram in sacello sanctæ Crucis. ubi & Elizabeth vxor Cazimiri ab Alexandro sepulta fuit. Extatque ibidem epitaphium eius. Vel potiùs delubri eius inscriptio characteribus Slauonicis.

Polonicè.


*Ku chwale imienia naywysshoho Boha oycā wssemobusczo-
ho/ pobudowan Kosciol y sieiā káplicā / powielenim wielikoho ā
prestawnoho Korolā/ proświetnoho Kazimira z Boskoy miłosti
Polstoho y wielikoho Kniāziā Litowskoho/ Trockoho/ y Somo-
itstoho/ y Kniāziātiā Pruskoho/ Pānā y dediczā tych y inych mno-
ho ziem Gospodarā. y ieho Korolowey pronaiāsmeyshy pāniy
Elizabethy z pokolenia Czarstoho prodkā prenaiāsmeyshoho Zy-
gmiontā Pānā ziemie Rakuskoj/ Czeskoj/ y Dhorstkoj. Poletu nā
rozenia Bozoho pierrwshoho siemdziesiatoho tysiacnoho/ ā do-
konczāli sieiā káplicā Miesiācā Octob. 12. dnia.*

Eodem anno Mathias Rex Hungarorum ex apoplexia moritur.

IOANNES ALBERTVS.

*Anno ab orbe condito
Anno Christi*

5454.
1492.

 Azimiro sepulto ad medium Augusti, conuentus agitur Petricouiae noui Regis creandi gratia. Minùs pacata fuit illa electio; sicut ferè fit, ubi certus modus electionis incipienda, dirigenda, & perficienda praescriptus non est. Marsalcus regni, & Tenczinus Sigismundo, ut eligeretur, fauebant. Idem sentire videbatur Zbigneus Olefnicus Archiepiscopus Gnesnensis, tametsi creditum est, eum clam Mazouio fauisse, cum quo tum fixit in patenti campo tentorium. Insolentiùs autem & ferociùs sese gerebant Mazouii; ut, si non impetrarent, vi exprimerent id, quod petebant. *Incommoda in certi electionis modi.*
Zbigneus aperte Sigismundo fauebat, clam Mazouio.

y 1493. Albertus

1493. Albertus coronatur, Zbigneo Archiepiscopo mortuo, Fridericus Cardinalis, Archiepiscopus & Cracouiensis Episcopus, creatur. Venetorum legati gratulantur regnum regi, atque occultè eum contra Turcam concitant. Nam ipsis Dyrrachium eripuerat. Turcæ verò legatus, per amplis donis oblatis, pacem & amicitiam ei deferebat. Verebatur enim Turca ne pluribus simul bellis implicaretur. Fridericus Imperator interim moritur. Apud Visnoueciam in Volynia nostri à Tartaris superantur. Iudæorum domicilium Cazimiriam translatus; quem locum Cazimirus Magnus Gymnasio destinauerat.

1495. Iohannes Mazouiorum dux obiit. Plocensis ditio Poloniæ adiuncta est.

1496. Barbara Cazimiri filia Georgio Duci Saxoniae à fratre Iohanne Alberto in matrimoniū collocatur. Philippi Callimachi mors Polonis non ingrata. Nam idem ei acciderat, quod omnibus exteris qui modestè secunda fortuna non vtuntur. Increbuerat fama, cum ad tyrannidem incitasse Regem, decretaq; eius venundare solitum fuisse. Et difficulter quidem inuidiam, & obrectationes hominum vitant, qui se in gratiam regum insinuant, sed tamen meminisse debent consilii illius diuini. Exaltatus es supra alios, sis quasi vnus ex eis. Iouius scribit Callimachum miserè apud pistorem vitam finiuisset, sed refutatur epitaphio, quod Cracouiæ sepulchro eius, in ædibus s. Trinitatis, inscriptum ita legitur.

Callimachi epitaphium.

Philippus Callimachus experiens, natione Thuscus, vir doctissimus, vtriusque, doctrinæ & fortunæ exemplum imitandum, atq; omnis virtutis cultor præcipuus, diui olim Cazimiri & Iohannis Alberti Poloniæ regum secretarius acceptissim⁹, relictis ingenii ac rerum à se gestarum pluribus monumentis cum summo omnium bonorum mœrore & regiæ domus, atque huius Reipub. incommodo. Anno salutis nostræ 1496. Calend. Nouembris vita decedens hic sepultus est.

1494. Iohannes Albertus Rex cum fratre Wladislao Bohemiæ & Hungariæ Rege in Liuocz conuentum agunt; consultantes, quomodo, coniunctis viribus, cædem crudelissimam Wladislai patris sui vlciscerentur, propositumque suum nemini reuelant. Ideo Iohannes Albertus Creslaum Curosuantium Cancellarium & Episcopum Wladislauensem, qui ipsum ab instituta expeditione, quam Bucouiensem vocant, reuocare conabatur, immanis obiurgauit; inquit, sacerdotem sacrorum, non belli curam gerere debere: se autem vel indusium suum concrematurum esse, si id consilii sui consciū esse sciret. Non desunt alii, qui adhuc occultiore causam illius belli suscipiendi præter hanc habuisse Regem affirmant, quam ei Callimachum

Alij de Sigismundo fratre in Palatinatu Valachie constituto consilium habuisse prædicant.

Callimachum insidiosè inspirasse in perniciem, equestris ordinis, hætenus Poloni autumant.

1496. Expeditio belli quam Bucouiensem vocant. Hanc fatallia quædam signa, ut tum existimatum est, præcesserunt. Equus generosus in quodam paruo torrente iuxta Leopolim sub Rege succubuit, pauculaque aqua obrutus est. Eques item Polonus Szrobski, cum esset insanæ mentis, clamabat vociferans: Nostri in suum malum proficiscuntur. Fulmen quoque quendam equitem cum duodecim equis interemit.

Bucouienfis expeditio.

Præludia & occasio inimicitiarum inter Stephanum Moldaviæ Palatinum, & Ioannem Albertum Regem hæc erant: Promiserat Moldavius se Regi cum vniuerso exercitu comitatum pabuli suppeditaturum, quod quia non præstitit, Rex plurimum ei indignabatur. Socaniamque exercitum admouit; quæ cum venienti portas occlusisset, quaternis castris positis, oppugnare eam instituit. Habuit autem Rex tum exercitum numerosum. Nam octoginta millia bellatorum habuisse dicitur: curruum ferè triginta millia. Aderant etiam cum eo Sigismundus frater. Aderant & Magistri Cruciferorum Ioannis Tieffen legiones: sed ipse Magister Leopoli mortuus erat. Verum, cum recordarentur Poloni se eductos ex patria ad alia maiora, quam ad Socaniæ oppugnationem, tædio moræ dimissionem à Regepetunt. Et iam Wladislaus Rex Hungariæ inter Regem & Palatinum inimicitias per legatos composuerat. Fœdere itaque firmato, facile Rex suorum votis annuit; præsertim cum valetudinarius esset. Interea in reditu, iam nihil tale nostris opinantibus, cum syluam Boeuctiam ingressi essent, Stephanus fœdis fragus tam à fronte, quam à tergo, eos aggreditur, magnamque stragem in nostris edidit, complures captiuos secum abegit: Inter quos Gabriel Comes à Thecin erat. Et narrant ii, qui cum Palatino Syradia Magnifico Alberto à Lasko Despotam Valachia anno 1562. deducebant, se vidisse in illis syluis ossa illorum, qui tum fraude circumuenti & interfecti à Valachis fuerunt. Sed existimo & ipsorum Valachorum ossa ibi reperi. Nam & in ipsis nostri, Regis præsertim aulicus exercitus, magnam cladem fecerunt; ita ut prorsus pro victis ab illo conflictu Valachi disceserint, & plures multò ex eis perierint, quam ex nostris, exceptis Mazouiorum cohortibus, quæ illo syluestri genere pugnae illis incognito, Valachis autem usitato, concisæ sunt. Sed mox, ubi ad littora Pruti ventum est, iterum virtute Polonorum commissæ pugna, Valachi fusi fugatique in syluas se abdiderunt, magnam stragem nostris in eis edentibus.

Gozdziec sylua illa à Gottis veterib. dicta, qui illa loca olim habitabant.

1498. Turcæ Russiam vastantes, hyberna tempestate deleti. Perisse tunc eorum supra quadraginta millia tradunt. Multi postea re-

perti, qui, interfectis equis, in eos exenteratos & adhuc calentes tum se illatebrauerant. sed frustra; statim enim calor artus vita & sanguine destitutos deserebat. Reliqui, cum sese utcunque tandem explicassent, & in Moldauiam euasissent, à Stephano Palatino, & Valachis primò excepti sunt. sed cum Polonorum insequentium habitum mentirentur, diuexati sunt ab eisdem & contrucidati; ita ut vix decem millia ex toto ipsorum maximo numero, qui nostras regiones inuaserant, ultro transmissi, salua domum redierint. In religionem hæc res celsit Turcis; ita ut sibi persuaderent, gentem Polonam atque Russam diuinitus defendi. Eo quod irati cæli pruinis & niuib. tum deleti fuissent.

1500. Opatouia à Tartaris exusta, Zaichostum etiam, Bresta Lituanicum, Turobinum. Petrus Myskouius capitaneus Leopoliensis copiis tum mercenariorum præfectus erat. Tunc etiam Slupcius tantum vno vase cremati vini (quod vocant) seu aquæ vitæ, in campum educto, Barbaros placuit, ne ædes quas in villa patria Slup habebat incendio traderent adeo insigni artificio fabrefactas, ut etiam cum omnibus structuris horum temporum, quando omnia subtilius fiunt, comparari possit. Mihi certè illa domus videtur insigne monumentum antiquitatis.

1501. Adornante iter in Prussiam cum exercitu Ioanne Alberto rege, mittit ad eum Stephanus Moldauæ Palatinus legatos, deposcens, ut sibi Eliam Petri, qui ante ipsum Palatinus fuerat, filium profugum traderet; causam prætexens, quod is affectare dominatum diceretur. Traditus quidem non est ei Elias, verum capite plexus inspectantibus legatis. Et ne iniuste id factum esse existimaretur, vulgatum est crimen falsi in litteris regiis eum commississe. Mittuntur postea legati ad Magistrum Prusiæ. Sed dum eunt & redeunt legati, Ioannes Albertus rex apoplexia vitam Toruniæ finiuit, ætatis suæ anno quadragesimo quarto. Regnavit octo annis, totidemque mensibus. Corpus eius Cracouiam reuectum & in Basilica arcis sepultum. Vbi hoc epitaphium marmori incisum legitur: IOANNES ALBERTVS REX POLONIAE SVCCESIT PATRI DIVO CAZIMIRO, DE CHRISTIANA REPVB. NEDVM DE REGNO, BENEMERITVS. PACE ET BELLO CLARVS, INGENIO MAGNO, animo inuictus erat, rei bellicæ miles, eius ingenii consultor testis fuit. Nouem annis auitum & paternum regnum tenuit, annum agens quartum & quadragesimum Toruniæ 17. Iunii, Anno Domini MDI. primo immatura morte periit, relictis post se fratribus, Magno Wladislao Hungariæ & Bohemiæ rege, Alexandro Poloniæ successore. Regina mater ex longa stirpe Imperatorum, quæ filia regis, vxor, & mater erat, charissimo filio & bene merenti

*Elias Palatini
des Valachie.*

bene merenti cum altero filio Sigismundo duce hoc sepulchrum posuit.

ALEXANDER.

Anno mundi

5463.

Anno Christi

1501.

Comitia noui regis eligendi gratia indicuntur Petricouia; ubi heroës Polonici adeoque omnes ordines conueniunt. Ibi alii Wladislaum Bohemiæ & Hungariæ Regem, alii Sigismundum Glogouiensem Ducem; alii verò Alexandrum Ducem Lituaniæ, regem exposcebāt. Sed, cum illud diploma amplissimum, viginti quinque signis procerum Litanorum obsignatum legati Alexandri in medium produxissent, omnis dubitatio sublata est. Non deerant tamen, qui consilio dolum addere volentes, spargebant rumorem, Alexandrum omnino cum exercitu aduentare. Sic enim fit, ubi certus electionis modus non extat. Aderat autem in illis comitiis ipse Fridericus Archiepiscopus, filius Cazimiri Regis. tamen liberum populum liberè consultare permisit in præsentia sua de rebus quas vtiliores fore iudicaret conseruationi Reipub. Polonæ. Speciosa quidem fuit oratio eorum, qui Wladislaū proponebant. Nam paternum & auitum regnum duorum regnorum Hungariæ, & Bohemiæ opibus & autoritate munire, erat certè aliquid, quod oculos hominum facilè perstringere posset. Tamen ad mentionem Lituaniæ & necessitudinis cum Litanis iamdudum contractæ, omnes illos titulos quantumuis suo splendore coruscantes, sicuti & antea quoque tempore Wladislai Iagellonis, spreuerunt Poloni, & Litanorum amicitiam cunctis aliis rebus prætulerunt; vt eos hoc modo & ratione tantò magis sempiterno iure non tam sibi amicos, quàm secum membra & viscera vnus Reipub. redderent. O prudentissimum vetustatis consilium; quod postea & ipse Wladislaus per nuncios collaudauit, & Sigismundus præsentia sua factum cohonestauit, approbauitque. Itaque coronatur Alexander Cracouiæ. Helenæ verò vxori eius diadema denegatum est: eò quòd mordicus Græcorum religioni adhæreret. Nec filia meliorem spem de se dabat, ab institutis que Romanæ ecclesiæ prorsus abhorrebat. Eodem tēpore Sachmates Zauolgensium Tartarorum princeps à præfectis regiis capt⁹ Vilnam transmittitur, & cum aliquoties euadere conatus esset, ex fuga retractus est.

1502. Tartari Taurici Opatouiam, Lagouiam, Belzum, Iarofflariam diripiunt, & incendunt. Tunc fuit secunda Opatouiaë conflagratio.

1503. Hic annus memorabilis Friderici Cardinalis morte. Erat Fridericus aspectu decoro ac dignitatis pleno. sed animi moerore citò consenuit.

tò consenuit. cruciabatur enim, quod fortuna eum fratribus non æquasset, regios honores ei denegando. Ideo veluti despondens animum, inertiae sese dediderat, in compotationibus, turpique luxu ac fordibus cum quibusdam suis marcescens. Ad extremum morbo Gallico confectus moritur, vt Miechouiensis refert. Epitaphium eius sepulchro tale inscriptum legitur: HOC OPVS FRIDERICO CARDINALI CAZIMIRI FILIO qui quinque & triginta annis exactis, 1503. Marci 14. obiit, fratri charissimo diuus Sigismundus rex Poloniae pientissimus posuit. Ei Andreas Rola in Episcopatu succedit. Eodem tempore Vincentio Præebio Episcopatus Præmißiensis deferitur. Iohannes Lascus à secretis & annulo Regem in Lituaniam sequitur, bene exercitatus in negotio Cancellariæ. Conradus Mazouiorum Dux moritur, & filiis in feudum Mazouia conceditur, vt mascula proles hæreditate eam obtineret, orbi verò inter se succederent. Laudaturque hic liberalitas Alexandri, qua cæteros fratres superasse dicitur. Valachus prouinciam Pocucia, ad montes Sarmaticos sitam, iuris sui facit, de sua ditione iniuste prius detractam dictitans.

1505. *Motus in Lituania non omnino leues, dum Senatus Gliniscium, & Gliniscius Senatum apud Regem accusat. Fuit Gliniscius magni animi vir. Hic adolescens adhuc in Germania apud Albertum Saxonie Ducem, dum in Frisia bellum gerit, strenue se gessit, ac per omnes militie gradus magnum sibi nomen peperit. Itaque, rediens ad suos, vt fit, multa sibi permittebat, alios despiciatui habens. Quamobrem cuncti eum elati animi hominem iudicabant; dabantque ei vitio, quod potentia sibi parata & opibus, alios in odium apud principem adduceret, plerosque etiam falso criminaretur. Ita alij Palatinatu moti, alij Senatus ingressu exclusi in acerbo dolore versabantur. Vilna tum muro primum cincta. Mechmet Kierei Tartarorum Dux, ad Minsko castris positus, quoquoersus cohortibus dimissis, Lituaniam vastat, Dumque reprimatur impetus hostium, Prunscius Dux Hlebus multitudinis armis opprimitur. Sed quia delati sumus ad commemorationem huius strenui Herois, monet me occasio, vt altius repetam historiam huius stirpis. Post mortem Wladimiri Monomachi nuncupati, Monarchæ Kiouiensis adeoque totius Rusiæ, vnus ex filiis eius Iaroslans occupauit Rezanensem Ducatum: vnde cognominari voluit Magnus Dux Rezanensis. atque instituit, vt posteritas ipsius pro insignibus vteretur viro loricato in equo decurrente, cum stricto gladio. Ipsi, inquam, hoc inuentum tribuitur. Hic, confecto curriculo & vitæ, & dominatus sui in Rezanensi Ducatu anno 6652. vt Russi ab orbe condito numerant, duos filios reliquit; quorum maiori natu Iacopelko Ducatus Rezanensis sorte*

zanensis sorte cessit. Suetoslaus verò iunior in Ducatu Prunscensi sedes suas fixit. titulo similiter Magni Ducis sibi usurpato. Etenim fuit vir magni animi, non obscure referens indolem illorum duodecim Herorum, vel ut Russi vocant Bobatirorum, à quibus originem ea gens ducit; ut annalistæ Russorum memoriæ mandarunt. Hic moriens reliquit Georgium filium ex filia Olbæ Ducis Branskij. Georgio defuncto anno 6687. successit Iborus, & Iaroslauus. Iborus Hlebo Rezanensem Duci cum auxiliares copias adduxisset, in conflictum belli equo delapsus & graviter vulneratus, in itinere dum reuerteretur, mortuus est; relicta filia Olba, quæ postea Duci Quatuorecclesiensi nupsit. Iaroslauus autem filium habuit Wladimirum, qui ex Olba coniuge Restouiensis Ducis Olbam & Wsenolodum filios suscepit. Horum Olba anno 6727. à Tartaris, qui Duce Balakleio (à quo propugnaculum illud ad Borysthenem nomen accepit) Russiam vastabant, interfectus est. Wsenolodus autem ex Ducis Sudaliensi filium habuit Mscislaum, mortuusq; est anno 6737. Huius Mscislai temporibus, iuxta annalistarum Russorum sententiam, anno à condito orbe 6747. Batti ille princeps famosissimus Tartarorum cum valido exercitu progressus, devastavit patriam sedem istorum Ducum, Prunsko vocatam. Ipse Mscislaus in Quatuorecclesiensem principatū profugiens, ægrè vitam seruavit. Fratres tamen, nepotesq; eius, adeoq; omnes eius ditiones una cum arcibus mole belli tum oppressæ & deletæ fuerunt. Post mortem Mscislai Georgius filius ex Ducis Iaroslauensi habuit filium Suetoslaum. cuius ævo inciderunt illa bella Russica Gedimini Magni Ducis Lituaniæ, à quo etiam Stanislaus Kiouiensium Monarcha principatu exutus & deturbatus, Prunskum ad hunc confugiens, portum suorum maiorum reperit. Recreatus demum Rezanum concedens ad Ducem Rezanensem, filiam eius uxorem accepit, & ibidem vitam finiuit. Demetrius filius S-wetoslao successit, qui Tartarorum Zauolgensium Circassiorumq; continuis incursionibus fatigatus, anno 6861. fatis concessit; filio relicto Rosislao, qui ex Ducis Tuerensi progeniuit Demetrium filium, & tandem anno 6892. mortuus est. Demetrius nobiles inimicitias & bella gessit cum Duce Rezanensem, quoad vixit; ideo quòd auxilia ferens Duci Moschouicæ, ditiones eius attriuisset, ac debellasset. Hic, relictis duobus filijs, Georgio & Michaele, mortuus est anno 6929. De cuius morte cum ad Moschorum ducem fama peruenisset, misso Duce Iaroslauensi, consolatur eos, beneq; sperare iubet; ac veluti memor necessitudinis, quæ ei cū patre eorum interceperat, beneuolentiam eis suam ultro offert. hoc agens insidiosè & modis omnibus persuadere tentans, ut se eius tutelæ & defensioni utpote minores iusta ætate permitterent.

ætate permitterent. Erat hoc speciosum consilium, ac temporis illi & eo-
 rum ætati imbecilli conueniens. Sed præmoniti de humanitate Moschi
 insidiosa, nequaquam eius legationi assentiuntur. Offensus ille vehe-
 menter, cogit contra eos exercitum. Georgius in tempore monitus auxi-
 lia Tartari Præcopensis, missa in stipendium militi pecunia, implorat.
 Hinc aliquot millia expeditorum Tartarorum Carus Princeps mittit;
 quibus suorum tria millia Georgius adiungit. Cum hac manu Moscho-
 iam appropinquanti cum exercitu occurrit. Committitur prælium a-
 trox. Sed dux immaturæ ætatis multitudo circumfusus profligatur; i-
 ta ut fugæ se committens ægrè ad Præcopensium Ducem incolumis e-
 uaserit. Acta sunt hæc ab orbe condito anno 6930. iuxta annalistas
 Russorum. Postea Dux Moschouia, contracto exercitu, obsidione cin-
 git arcem Prunsko, & vi eam vnâ cum orphano Michaeli capit, quem
 secum in Moschouiam abducit; vbi possessiones ei attribuit. arci verò
 captæ præsidium validum imponit, ac omnem Ducatum in prouinci-
 am redigit, quæ hætenus ditioni eius subest. Fuit principatus iste opu-
 lentissimus, felicitatēq. soli nulli prouinciæ, quæ Moschis parent, ex-
 cepto Rezanensi Ducatu, cedens. Ideo Magnus Dux libenter cum ti-
 tulus suis adiungit. cuius rei monumenta Archiui Regij documento esse
 possunt. Habuit autem illa prouincia milites strenuos. Nam sita est in
 loco obuius ferocissimis gentibus interprofluenta Dunæ & Dunec, ri-
 pamq. Meotidos, non longè à portu Azow; ut in Chorographia nostra
 expressum cernis. loco fere illo, vbi aræ Iulij Cæsaris inter antiquitates
 Prunskiorum. monumentum celeberrimum, sitæ esse à Strabone & Ptolomæo Geo-
 graphis perhibentur. Quia verò Batti, Balakleius, & alij clari duces
 Tartarorum quibus cis Volgam habitatio est, illac exercitus suos ducta-
 runt, ideo per hanc prouinciā via expedita & transitus in Europam
 Tartaris commodior patet. Itaque est illa eorum iniurijs valde obno-
 xia. Ad quorum tamen transitus prohibendos Helena mater Ioannis Ba-
 silij Ducis Moschouia, anno salutis 1537. arcem muro & turribus fre-
 quentibus muniuerat, præsidioq. firmo imposito, armorum omnis gene-
 ris apparatus refererat. Cuius rei oculatū testem habuimus in Polonia
 virum non postremæ autoritatis apud illam gentem, Ducem Andreā
 Krupski, qui ex mandato Magni Ducis Moschorum Ioannis Basili-
 dis nuper mortui, præfecturam illam cum imperio militari administra-
 uit, idq. per 2. annos sed Moschi tyrannidis metu deinde perculsus, ad
 Regem transijt; cui præfectura Ko-wlensi in Volhynia prospectum fu-
 it: vbi etiam vitam finiuit. At verò Georgius, de quo ante diximus, cui
 facies decora ac principali stirpe & ipsius genere digna, apud Carum
 Præcopensē gratiam conciliauerat, interim obtinuit, ut ad recuperan-
 das patrias sedes

das patrias sedes remitteretur, adiunctis ei duobus Cari filiis cum exercitu non contemnendo: ea lege, ut, vendicata sibi patria, annuum tributum Præcopensi penderet, pecuniamq; in militum stipendia expensam numeraret. Accidit autem dum ille prosequitur iter, ut Carus ipse iam senex moreretur. quo nuncio accepto, ex itinere domum reuertuntur milites omnes, Georgio secum victo reducto, & in custodiam tradito. Non enim cernebat gens illa aliam rationem, qua sibi de expensa pecunia cauere posset. Itaque illuc undecim annos illam captiuitatem pertulit, donec benignitate Jagellonis est liberatus; qui etiam misis duobus magnæ autoritatis viris, quorum alter & quidem præcipuus Holsanensis Dux fuit, cum aduenientem in finibus benignè excipi, & honorificè in Poloniam deduci iussit, anno 1434. Hic Georgius postea Sigismundi Ducis Lituaniæ tyrannidem veritus, uxorem ducit Ducis Sam Slucensem, ex qua filium Ioannem suscepit, qui una cum matre breui fato concessit, Orbitatem igitur suam consolaturus secundo adiunxit sibi uxorem filiam Solomirencium Ducis ex qua Hlebum filium procreauit anno 1462. verum, sex annis exactis, subsecutus est priorem uxorem. Fuit vir comitate morum, & mansuetudine cum alijs, tum ipsi Cazimiro Regi filio Jagellonis maximè commendatus, qui erga eum signum fauoris & beneuolentiæ non vulgare edidit, curia Brestæ ipsi donata, & ampla possessione Comoneicka vocata, quam antea Rinuntouitb, & ipse vir clarus, loco præfecturæ rexerat. Georgij Hlebus filius vir acer in armis fuit, staturæ proceræ & conspicuæ; ideòq; se seruitijs Reipub. totum addixerat, & temporibus Iohannis Alberti, & Alexandri regum Poloniæ aulicus fuit primò, deinde Magister cohortum effectus, copias ductauit. Duxit is uxorem, filiam Tuonis Vilnensis Trocensisq; Potbipiatham nuncupatam; ex qua duos filios suscepit, Fridericum, & Andream, filiasq; aliquot, quarum una peperit Ioannem Zinouicium Dapiferum Magni Ducatus Lituaniæ, qui & capitaneus ut vocant, Trabsensis fuit. Hlebus tandè anno 1513. ad Minskò à Tartaris, cum multa opera strenui viri ac bellatoris edidisset & cum contemptu etiam vitæ suæ egregiè dimicasset, interfectus fuit. Vir decora facie, & suauis ingenio præditus: ideo cunctis; & potissimum ordini equestri desiderium sui moriens magnum reliquit. Ab omnibus ergo solenni pompacius funus deducitur, & mole ex terra in altum egesta honoris causa sepelitur. quæ ad hunc diem in Lituania Magnus cippus Ducis Hlebi Prunscij vocatur. Fridericus Hlebi filius Palatinus Kiouien. & Præfectus multorum capitaneatum fuit. Matrimonio autem iunxit sibi Theodoram filiam Bogusij Iglouiczinij. de quo obiter pauca. Fuit Bogusius vir toga clarus thesauriq; terrestris (ut vocant)

Lituaniæ præ-

Lituanie præfectus. Duxit is uxorem Ducissam Sanguskouiam ex qua tres filias habuit, quarum maior natu fuit Anna, quæ nupsit Stanislao Tencinio Palatino Cracouiensi; cui peperit Ioannem illum Baptistam Palatinum Belzensem, Præfectumq; Lublinensem, virum maximæ expectationis; nisi mors immatura transmarinam peregrinationem periclitantem peremisset; et Catharinam fœminam lectissimam. Hæc primò nupsit Georgio Duci Slucensi, peperitq; citres filios, qui nunc in luce hominum versantur. Tandem Christophoro Radiuilo Palatino Vilnensi secundo matrimonio est copulata. Iulia Bogusij minima natu filia Hornostaio nupsit. Theodora autem tradita fuit Friderico Prunscio Palatino Kiouensi, vt iam dictum est, ex qua duos suscepit filios & duas filias. Horum liberorum eius duo, Georgius & Maria immatura morte sublati sunt. Elizabeta verò alia filia iuncta est matrimonio Ioanni Zborouio, Castellano Gneznensi, aulæ regie copiarum præfecto, Odalanouienti, Grudecensi, Vendensi, Volstiniensi, Dubisciensiq; capitaneo, cui peperit filiam Annam anno 1576. quæ viuit; mater verò fatis concessit. Porro Alexander alter Friderici filius qui Kiouie anno 1553. natus est viuus superest. Hic, vt Reipub. melius inservire posset, in exteris nationibus magnam partem ætatis suæ varijs studijs occupatus exegit. In Germania sub præceptore strenuo, viro insigni, studiorum suorum primum tyrocinium fecit. Tandem profectum suorum studiorum vberiore reddere volens, Lutetiam Parisiorum concessit. Inde in Angliam, & in Galliam Belgicam. vbi Gantabrigiæ Louaniq; veluti mercaturam bonorum studiorum professus, substitit. In Hispaniam tandem, & postremò in Italiam, impulsus desiderio videndi variarum Rerumpublicarum formas, et militaris disciplinæ instituta, nauigationem, & peregrinationem molestam suscepit. Quæ res ei postea vsui fuit. Nam, cum Respublica Polona & Lituana de eligendo in regem Henrico Gallo deliberaret, ille, quamuis adhuc adolescens Magni Ducatus Lituanie nomine, ex sententia Reipublicæ illius, vnà cum Nicolao Radiuilo Palatij Magistro oratorem in comitijs egit. Et postea, confirmata iam ætate, Stephano regi ad famam benignitatis eius & aliarum maximarum virtutum excitus, suis sumptibus sponte, seu voluntaria (quam vocant) militia militauit. Commemoratur iam & à scriptoribus laudibus extollitur eius equitum ala, ob decorem eximium, equos egregios, armorum copiam &, quod maximum est, lectissimorū iuuenum numerosam manum. Hic nunc cobonestatus Dapiferi Lituanie titulo, Luceoria, vbi olim sedes Ducum Rusiæ fuit, & conuiuium illud multorum regum toto orbe decantatum, Præsidis munere fungitur. Sed ad patrem eius Fridericum redeo; cuius inter alia in Rempub.

lia Rempub. merita illud non postremum à viris militaribus sæpe commemoratur, quòd arcem celeberrimam in aditu & finibus ipsisq; faucibus Scythiæ, vltra Kiouiam, Bialacerkie-w dictam excitauit efferamq; illam gentem transitu ad nos, quoad fieri potuit, prohibuit. Certe summa eius industria vel ex loci illius ad construendam arcem delectu patet. Est enim ille locus veluti pharos & specula totius Rusiæ, vnde primum & certissimum nuncium de Barbarorum aduentu affertur. Sæpe ibi videas Tartaros sub mœnibus arcis, tanquam canes in culinam prospectantes. Quòd si lateant aut fallant excubias aliquandiu, magnus & inemendabilis error statim sequitur. Cum verò tempestiuè obseruantur, fama tandem de eorum irruptione ab vna in aliam arcem deferretur, donec ad Campiductorem et inde ad Palatinos Regemq; ipsum peruenit. Significat autem apud nos Campiductoris nomen simile quide- Campiductor quid proprie apud Polonos. ius, quod apud Gallos Admiraliij appellatio declarat. Nam, vt ille à maioribus custodia sic vocatur, ita hic à campis illis amœnissimis & à solitudinibus, quæ per centum & amplius milliaria nostratia Scythiam versus patent, nominatur. Horum enim illi custodia & tutela veteri instituto committitur. Potest igitur hic heros inter principes fortunatos connumerari, quòd gratia & beneuolentia maximorum, & minimorum, sibi comparata, ex hac luce decesserit; fortuna cum eo semper blandè, quasi ei obstricta esset, agente. Mortuus Vilnæ anno 1555. sepelitur in templo monasterij sodalitij Bernardinorum.

1505. Elizabeta regina, pientissima scœmina, quinque filiorum ad tantam sublimitatem honorù euectorum aspectu satiata, moritur.

1506. In Polonia in Senatu motus quidam oriuntur. Certatum enim est inter politicos & ecclesiasticos de ordine & ratione sedendi in Senatu regio, ac de expeditionibus bellicis. Contendebant proceres, vt Episcopi alterum latus regis sibi concederent, alterum, vel dextrum, ipsi tenerent; deinde, vt bona ecclesiis addicta, perinde ac Nobilitatis bona, publica belli onera sustinerent. Tuebantur Episcopi prærogatiuas suas; quòd regio lateri ab vtraque parte assidendi ius haberent, & militiæ vacatione ecclesiastica bona antiquitus gauderent. Post longam altercationem Rex tandem controuersiam ita diremit; vt Episcopis & ecclesiis suæ prærogatiuæ saluæ manerent.

Per idem tempus duo Strusii fratres, adolescentes strenui & bellicosi, à Valachis oppressi occubuerunt. De quibus etiam nunc elegiæ, quas Dumas Rusi vocant, canuntur, voce lugubri, & gestu canentium se in vtramq; partem motantium, id, quod canitur, exprimentes; quin & tibiis inflatis rustica turba passim modulis lamentabilibus, hæc eadem imitando exprimit.

Hoc anno Ioannes magnus Moschorum dux cum Stephano illo Moschorum potentia aucta amicitia Valachorum.

magno Valachorum Palatino affinitate & amicitia contracta, Casanenses, Permios, Sibiros, Lapos, Iugros Hungarorum progenitores, Bulgaros Asiaticos, Suecos, Liunos, partim subiugavit, partim tributarios sibi fecit, & Lituani septuaginta arces ademit. De hac re vide Hebersteinum Slauum oratorem apud Moschum Maximiliani Imperatoris. Eodem anno Lituani Tartaros ad Kleczko oppidū ingenti clade prosternunt & contrucidant. Laudatur in eo proelio virtus Stanislai Kiska Lituani, quem copiis rex præfecerat. Laudatur & dexteritas Glinicii aliorumque. Sed & Czarnicouii Sediouuii Palatini Posnanienſis animus & prudens ex tempore captum consilium, prædicatur. Is enim Vilna accurrens cum trecentis ex aulico Regis comitatu hastatis, in primo agminum congressu è propinquo colle Tartaris se ostendit; cumque armis fulgentem frontem aciei suæ latius diduxisset, ac tympanis atque tubis vehementius insonare iussisset, Lituani quidem animum, hostibus verò terrorem non mediocriter auxit, cum longè maiorem quàm pro numero, speciem exercitus utrisque subitò ex loco opportuno monstrasset. Itaque statim Tartari territi terga dedere. & Lituani alacres eos persequi non desierunt, donec omnes ad vnum cruenta clade fudissent. Quæ victori a cum Regi iam animam agenti nunciaretur, sublatis in cælum manibus suspirans & collachrymans, tacitus, amisso iam vsu linguæ, gratias agere Deo est visus, omnibusque circumstantibus manum porrigens ad superos commigrauit; anno ætatis quadragesimo quinto Vilnæ; vbi & sepultus quiescit. Quatuor annis & mensibus octo Polonia regni scepra tenuit. Cæsa referuntur tunc Barbarorum viginti millia; totidem equi capti, & præda omnis excussa. Admodum autem industriè tunc Lituani reliquias exercitus Scythici deleuerunt. Nam non contenti post primam & secundam impressionem victoria, conferebant se ad statua hostium, quæ **Росъ**/ hoc est calathus, vocantur. Ibi taciti manentes opperiebantur, donec cæteri hostes, qui prædatum longè lateque excurrerant, casus suorum ignari, ad statua, quemadmodum inter eos conuenerat, reuenterentur. Ita cunctos, qui post tertiam aut quartam diem turmatim reuertebantur, ut quique primi venerant, excipiebant, & aggressos magna strage concidebant. ex qua qui euadebant, à militibus interficiebantur, quos Glinicius in eum finem, quacumque suspicabatur Tartaros in fugam, se coniecturos, antea disposuerat. Ita & castra repetentes, & fugæ inde sese committentes, utriq; ad vnum occidione occisi sunt.

SIGISMUNDVS.



*Alexander sub
finem felicior
Alberto. Con-
tra Albertus
ab initio feli-
cior.*

SIGISMUNDVS.

Anno ab orbe condito
Anno Christi.

5469.

1507



Vrato sumptuosè funere Alexandri, Sigismund' frater eius Dux Glogouienfis, & Opauienfis Capitaneus generalis, Magnus Dux Lituaniæ, Petricouia Rex Poloniæ eligitur, & Cracouia ab Andrea Rosa Archiepiscopo Gnesnenfi 24. Ianuarii coronatur. Sequenti verò die eques, coronam in capite gestans, in urbem de more descendit; & ibi iurandum à magistratu vrbis Cracouienfis, & clauis vrbis accipit. Ad regium igitur munus & potestatem euectus, statim dedit operam diligenter, vt omnes ordines, & magistratus regni ad officia eorum legitima reuocaret; constitutaq; bene Repub. hostes regni coherceret. Cum autem neruo belli Respub. Polona ob immodicas largitiones Alexandri nuper mortui regis destituta esset, Sigismundo hac de causa valde sollicito peropportunè Ioannes Bonerus vir prudens, & diues præstò fuit. Nam præter id, quod pecuniæ, ex propria arca, magnam vim ei contribuit, ac numerauit, eas etiam ditiones & bona, quæ erant hætenus alieno ære obstricta, vt liberari possent, effecit. qua de re ex Ludouico Iusto Decio in vita Sigismundi, sic accipe: Comitatum Scepusiensem ex manibus Iohannis Iordan duodecim millibus aureorum liberauit. Ducatum Osuiciensem, & Salinas Russiæ à Paulo Nigro Cracouienfi ciue quatuordecim millibus aureorum exemit. Proschouiam oppidum à Georgii Lang hæredibus nouem millibus aureis liberauit. Nieschouiensem arcem è manibus Stanislai Koscielecii nouem millibus redemit. Item paulò post inter Cracouienfis vrbis mœnia, ad præfecturam pertinentia, præsertim molendina, custodiam piscium, macella, & quædam alia plus duodecim millibus redemit. Salinas Cracouienfes censibus plurimum grauatas, iis, magna pecuniarum summa erogata, leuauit; quibus tunc, in initio regni Iohanne Iordan mortuo, Andream de Koscielec præfecit. Ilkusiensis plumbi Olboram à Seuerino Bethmano quinque florenorum millibus exemit. Præterea Syradiam quinque millibus, Gostiniam duobus millibus, Miedzirzecz duobus millibus trecentis, Radomiam tribus millibus, Sochazouiam septem millibus, Piotrkouiam mille ducentis, Drohobicz quinque millibus, Rabstinensem arcem mille quingentis, Arcem Ritter mille, Lublinense teloneum mille quadringentis, Slochouiensem arcem quatuor millibus, Tucholâ vndecim millibus, Sandz quatuor millibus, Iuno Wladislauiam quinque millibus, teloneum & pontale Thoruniense decem millibus florenorum, ex diuersorum manibus eruit. Atq; hæc omnia in ipsis fermè regni initiis cum aliis multis regio arario adiecit. Interim Moschus, Glincio duce,

Prima cura
Regum recens
electorum.

Iohannis Bone-
ri prudentia et
diuitie.

Bona regalia
alieno ære ob-
stricta liberan-
tur.

Glincius.

*Firleius dux
belli contra
Moschum.*

Rechemberg.

*Trepka
veru alliga-
tus & ad len-
tum ignem to-
stus secretum
sibi commissu
non pandit.*

*Leana mere-
trix.*

*Bellum Vala-
chicum.*

*Logophetus
Valachie.*

qui Zubrezinio per idem tempus interfecto, ad eum transferat, exercitum in expeditionem contra nos educit. Cui Sigismundus copias suas, Duce Firleio, opponit. Moschicus exercitus, qui sexaginta milium fuisse certò affirmatur, potentiam Sigismundi, & industriam ducis belli reformidans, illa nocte, quæ conflictum diremerat, nequicquam eos ex fuga retrahente Glinscio per sylvas & paludes dilabatur. Sub idem tempus Glinscius, per Georgium Rechemberg equitem Germanum summæ tum authoritatis apud Regem, reconciliari cupit. Non abhorreret Sigismundus à viro; imò nobilem quendam iuuenem polonum Trepkam ad illum in Moschouiam ablegat. qui ut commodius mandata Regis exequi posset, perfugam se simulauit. Sed, aduersante ei fortuna, à Moscho capitur; & mox ad quæstionem abripitur ac torquetur. Laudatur in eo iuvene, quòd arcanorum domini sui tam pertinax fuit custos, ut etiam grauissimè tortus, sicuti Moschi in hoc excellunt, tamen mandatum perferendum sibi conceditum non reuelarit. Laudant Athenienses suam Leanam meretricem, quæ, cum tormentis adigeretur, ut consilia eorum proderet, qui contra Hipparchum tyrannum conspirauerant (nam amica fuit eorum) linguam dentibus ipsa sibi amputauit. At Trepka noster linguam integram habens, ingenita sibi virtute tacuit; ac maluit quæque extrema subire, quàm aliquid contra decus nobilis Poloni committere.

1509. Moschorum magno Duce iam pulso, ac propemodum profligato, Valachus iterum cum Polonis in harenam descendit. Ad urbem Leopolim is, & magnam partem Russiæ penetrauerat, thesaurosque inde non exiguos exportauerat. quem Poloni infecuti, cum assequi non possent (nam in profundis syluis se abdiderat) Dorochimam, Sczepanouice, Czarnovvzice, Botuszaniam, Chocymiamque coeperunt, & Sochauiam grauiter oppugnarunt. Ita, vniuersa regione peruastata, ad suos spoliis onusti, graui agmine reuertuntur. Interim, cum nostri Tyram seu Nestrum traicere vellent, Valachi, nactos se rati eorum profligandi occasionem, è syluis ad pugnandum eosque fluminis transitu prohibendos instructi erumpunt. Cum quibus equitatus aulae regiæ, qui in ea, ubi hostes erant, fluminis ripa remanserat, proelium acre commisit, transmissisque clam à tergo aliquot cohortibus Polonorum, omnem exercitum Bogdani Valachi fuderunt. Captiui fuerunt in eo proelio inter alios primores, aliquot Palatini & multi equites; quinquaginta autem securi percussi. ut scilicet compenlaretur mors mercatorum Polonicorum, quos Stephanus pater istius captos Trebovliæ, in oppido Podharce concidi iusserat. Triginta porro captiui insignes Leopolim deducti sunt, in his Logophetus minor, id est Procancellarius, quem Golofetum nostri corruptè vocant.

1511. Lubecenses Gedanensium portum inuadentes, multa damna eis inferunt; æs, cuprumque (quod vocant) Phocarorum inde abripiunt. Per idem tempus Laskovskius genere Sarmata à Turcarum Imperatore legationem obit. Quod exemplum est veteris instituti illorum principum. Legationes enim transfugis libentiùs, quàm suis, mandant. Vitus de Fuerst legatus Imperatoris Maximiliani Pisonem Oratorē summi Pontificis in senatu sede & loco priorē deturbat. Interrogatus quid ita? respondet & demonstrare conatur, in rebus politicis potiorē locum deberi Imperatori, quàm Pontifici. Hæc autē promanabant ex veteri dissidio inter Henricos Fridericosque & Pontifices de Cæsarchia (vt ita loquar) & Hierarchia, vtra alteri præferenda sit.

Laskowski
Turcicus legatus.

1512. Cum Sigismundus iam expertus esset arma Moschorum & Valachorum, tertio Scythæ contra eum arma mouent. quib⁹ Constantinum Ostrouiciū cum Lituanicis copiis, & Nicolaum Camenecium cum Polonicis ad Visnoueciam opponit. sed antequam vidissent hostem, concertatio quædam nobilis de principatu loci inter vtrosque oborta fuit. Constantinus enim dextrum cornu sibi deposcebat, eumque honorem sibi deberi contendebat, quod longo vsu hostium copiarū sibi, suisque optimè cognitæ essent; contrā verò Nicolao & suis incognitæ. itaque verendum esse, ne insuetis militib. pugna mala facientib. initia, aliquid triste consequatur. Contrā Poloni, eorum auspiciis rem geri clamabant; neque ex vsu fore tam exiguum exercitum in multas cohortes diuidere. Consultius igitur esse, vt adæquatis honoribus, & viribus iunctis, tanquam vnius corporis, vniusque Reipub. membra, quam Deus dare vellet fortunam expectare, de eaque masculo animo, viribus cum hoste contendere. Interim dum in hanc, & in illam partem commutantur sermones, anteambulones hostem iam prope adesse renunciant. Itaque, altercatione posthabita, raptim acies ad hunc modum instruuntur. Constantinus cum Lituanis dextrum latus occupat, quod Poloni antea aliquoties ob arcuū commodiorem vsū eis spontè concedebant, (nam vsu compertum est maiore dexteritate dextrā tenentes è pharetra iacula depromere & eiaculari) Polonis autem mercenariis sinistrum cornu tutandum celsit. Acies media ex nobilibus patriciis, ac veteranis confecta fuit. ita vt isti in medio, illi verò cum mercenariorum aliquot cohortibus veluti antemurale coram eis constiterint. Constantinus, vbi animaduertit, media acie instructa, honori suo Polonos prudenter cauisse, copias suas aliquot parasangis seorsim à Polonicis aciebus, ad colles quosdam abducit. Interea præter spem hostes, acie directā, agminatim suo more tripudiantes, in Constantini aciem statim irrumpunt; vt ita repentina audacia maiorem ei terrorem

Descriptio
prælii cum Tartaris ad Visnoueciam, cuius pictura cernitur Cracovæ apud Franciscanos.

Altercatio, vtra pars dextrum cornu tenere debeat.

ei terrorem incuterent. Susceptum est vtrunque magna spe victoriæ certamen. Iamque magna ex parte mixtæ erant cohortes Lituanorum cum Barbaris, cum Constantinus paulatim retulisse pedem dicitur; ut ita ipsum suis sequentibus, procellam Tartarorum, quæ ei imminabat, in Polonicas copias induceret. At vix Polonicas acies artigerat, ecce clamor à tergo coortus, significans, Lituanos Barbarorum insultus, atque pertinacem pugnam, telorumque ingentem vim amplius ferre non posse. Percussusque Constantinus, cum suorum fugam videret, Polonos, ut subueniant quam primum, hortatur. Hæc ferè ad verbum ex Iusto Decio retuli. Scio alios tradere, quod Constantinus consultò secesserit, ut hac ratione hostem pugnandi avidum post se eliceret; ac ita dum ipsum longa acie hostes vrgerent, latera eorum, hastatorum nostrorum cuspidib. obiceret. Sed Iustus illius seculi scriptor, contrarium tradit. Præfectus itaque Polonicarum copiarum, videns Lituanos à fortuna mulctatos, Sampolenskio, & Bernardo Pothocio strenuis militibus negocium dat, ut actutum subsidia laturo accurrant. Constantinus etiam suos fugientes sistit. Itaque redintegratis viribus, pugna atrox committitur. Mutata fortuna, qui paulò antè fugere cœperant, intrepidis animis hostem fugere cogunt. Interea Tartari, laborantibus suis, omnes, paucis exceptis, qui custodiendis captiuis relictæ erant, ad ferendam oppem accurrunt. Polonorum quatuor cohortes in eos immissæ ita iam se insinuauerant, ut vndiq; circumseptæ, in mediis aciebus non apparerent. submissæ deinde aliæ post alias continuatis vicibus; quæ tamen hiatum illum in summo ardore conflictus explere non poterant. Rediit ergo res ad illam mediam aciem; atque ita vniuersus exercitus vtrunque pugnare cœpit. Dum autem pertinaciter inter vtrosque certatur, vna ex nostris cohortibus, inter confertissimos hostes penetrando, à primis peruasit vsque ad nouissimos, vbi captiui nostri præsidio Tartarorum tenebantur. Quibus conspectis, statim vincula manibus paucorum demunt. hi soluti, alios quoque solvunt ac liberant; atque ita, sublati manibus in cælum, ope diuina implorata, arreptis securibus, verutis, & quæ casus offerebat, mox ex captiuis milites fiunt, & perumpentes acies hostium, secant, confodiunt, laniant. Itaq; tartari animaduerso infortunio suo, viribusq; & consilio destituti, terga vertunt, & quò quemq; casus ferebat, eo per campos diffugiunt. fugientes nostri persequuntur, sternunt, ac conficiunt. Gloriosa hæc victoria fuit, & incruenta. Nam, cum ex hostibus viginti quatuor millia ceciderint, ex nostris vix centum perierunt. Hoc prælium penicillo adumbratum habes Cracouiæ in Peristyllo monasterii Diui Francisci.

Ducis Zatoriensis mors.

1513. Helena Alexandri Regis vidua moritur & Ianusius Zatoriensis Dux

toriensis Dux dum Myskouium virum militari disciplina insignem, vt lultus refert, variis iniuriis afficit, ab eo, dum venationi vacat, interficitur. Occasio dissidii inter eos fuit riuus aquæ admodum paruuus, vt ipse vidi, quem Dux arbitrato suo auertebat.

1514. Sigismundus, cum accepisset triste nuncium, Sindensko arcem nominatissimam in finibus Lituaniæ dolo, & astu Glinicii à Moschis captam, exercitum triginta quinque millium contra Basilium Moschorum Ducem mittit. Et Lituanis quidem Constantinum Ostrouium, virum illa ætate peritia artis militaris cunctorum existimationem sua fama obscurantem, præficit. Polonis verò Svvierczouium celsitudine animi nemini secundum. Insigniores ex patriciis Polonis in hoc exercitu commemorantur Tencinius, Pilecius, Zborouius, Myskouius, & Kmita: Moschi, iam superato Borysthenes, ad nostros contendunt. Sed deinde data opera retrocedunt, vt nostros ob fugæ speciem, quam ipsi præsetulerant, exultantes, ad iniquiorem illis locum secum pertraherent. Iam enim inter proficiscendum locum certamini peridoneum, vt eistam videbatur, ex sententia cunctorum delegerant. Itaque ad eum, qui trans Borysthenem erat, remeantes, in vltiore ripa nostros opperiebantur. Poloni cum Lituanis, vbi ad Borysthenis fluentia peruenissent, difficultate transeundi obiecta, pollicentur, se Moschorum voto parituros, copiamque pugnandi daturus, modò patiantur ipsos flumen traicere. Moschi perplexè ea in re agentibus respòdentibusque, Poloni subitario opere flumen ponte internunt, peditatumque per eum transire iubent. ipsi cum toto equitatu, summa alacritate, in Borysthenis profluentem sese coniiciunt, feliciterque, non nisi vno milite amisso, traiciunt. Borysthenes flumen est, quod cum Rheno & Danubio confertur. sub arce tamen Orfensi, vbi eum superarunt, angustior paulo esse videtur. Nunciabatur interea Iohanni Celadino summo copiarum Moschi præfecto, iam partem exercitus regii flumen traiecisse; suadebantque, vt eam partem inuaderet, quæ tranauerat. At ille barbarico fastu plenus: Si, inquit, hanc exercitus partem profligauerimus, cum reliquis quid tandem faciemus? Etenim suis viribus tantopere fidebat, vt per iocum dictitaret, se non tam pugnando, quàm flagris abigendo, de nostris victoriam relaturum. Semel autem victoria adeptus, totam Lituaniam se occupaturum animo iam conceperat. Vbi nostri aliquomodo post tranatum in aurora Borysthenem sese recollegerunt, & madorem nimium ex aquis contractum desiccarunt, ad tertiam diei horam acie instructa, in medium prodeunt, tanta alacritate, & tam excelsa animo, ac si partam iam manibus tenerent victoriam. Itaque tubarum clangor, equorum hinnitus, militum animosus cooritur clamor. manus denique conferuntur. Lituani, vbi pri-

A a mam impressio-

Pugna ad Orsam cum Moschis.

Ostrouius Dux Constantinus.

mam impressionem fecissent, de industria paulisper cedunt, ad locum, ubi tormenta collata erant; quæ in Moschos insequentes, magno fragore, & reboatu displosa sunt. Interim rursus Lituanici equites in hostes irruentes, ad extremos penetrant, & cum illis conferunt manus, quos in insidiis in valle quadam à Moschis collocatos, ut à tergo nostros adorirentur, nouerant. Moschi, qui in prima acie stabant, cum detectas viderent suas insidias, inexpectato genere pugnae conterriti, libenter terga vertissent; sed media acie undique sepi, quæ euaderent, cernere non poterant. Vbi tamen, mucrone lateri adacto, multi passim sternerentur, reliqui quoquo versus dilabuntur. Excepit media acies proelium pari infortunio. Nam ecce interim clamor nostrorum à postremis aciebus oritur, & peruatit usque ad Moschos, quo significabatur hostem fugere. Quare iam dudum ad fugam parati, paratiores, ea voce audita, redduntur, cunctique fuga salutem sibi querere conantur. Sed frustra. Nam Poloni, & Litواني effusis copiis illos insecuti, passim eos cædunt, sternunt & contrucidant, reliqui aquis obiecti cuiusdam fluminis, cui Cropirna est nomen, quodque Orsam & Dubrovnam interlabitur, ita in ipsa fuga absorbentur, ut demersi cursum fluminis impedirent. tanta autem strages spacio quatuor milliarum est edita, ut, tanquam manipuli in messe, per campos, ubique, prostrati & ungulis ferratis equorum protriti iacerent. Magno consensu ab omnibus traditur historicis, & ab ipso Sigismundo Ebersteino denique idem comprobatum fuit, vniuersum Moschorum exercitum tunc constitisse octoginta millibus equitum. Solus Iouius à Demetrio oratore Moscho corruptus & deceptus, hac in parte eleuans Moschicæ stragis magnitudinem, quadraginta millium tantum mentionem facit. Sed eius sententiam puto à nobis optimè confutatam esse in libello Campiductoria. Capti sunt in eo conflictu omnes militiæ præfecti, & consiliarii; hi quoque ad Regem missi. Iohannes Celadin supremus Dux exercitus, cum duobus præcipuis viris Vilnæ in compedibus ferreis est detentus. Ex Polonis, & Lituanis tantum trecenti desiderati sunt. & ab eo tempore Moschorum Dux campestre proelium non audet cum Rege Polonorum committere. Nostri, castris opulentis direptis, domum redeunt, captiuisque Moschis omnes vrbes, oppida, & angulos villarum replent: ut ad extremum victum talibus mancipiis suppeditare eos tæderet.

*Paulo rberius
hæc à D. Stri-
conio narra-
tur. ex illo igi-
tur reliqua di-
sces.*

*Militis Per-
stinski casus.
Videntur hæc
priori bello cũ
usdem Mo-
schis accidisse.
Rex enim dici-*

Vnum adhuc, quod in eo bello accidit, & miraculi instar refertur à Sigismundo Ebersteino, prætere nō possum. Dicit se militem, Perstinski vocatum, in reditu ex Moschouia vidisse ad mensam Szidlouecii sedentem. de quo id, quod mox audies, & Szidlouecius, & alii complures, qui id viderant, comprobabant. Nimirum, cum ab equo rabie cor-

quo rabie correpto in medium flumen Borysthenis abreptus, excus-
susque esset, & diu non comparuisset, ac planè pro perduto, & deplo-
rato haberetur (fuit enim armatus cruretenus) subito ex aquis in ri-
pam egressum esse, tribus ferè hominum millibus id inspectantibus.
Qui interrogatus ab Ebersteino, ad eandem mensam, ut dictum est, lo
cum eo accumbente, quomodo meminisset, quid secum ageretur, fuit.
cum in ipso alueo fluminis lateret. Dixit, se, postquam equo excus-
sus in flumen fuisset, ter elatum esse supra aquas; atque ibi sibi venis-
se in mentem, quod ante dici audiuisset: pro perduto habendum esse
eum, cui non succurritur cum tertio emergit. Itaque se oculos a-
peruisse, atque alteram manum sustulisse, ceu signo dato, ut ei subue-
niretur. hacque ratione progressum enataste. Addebatque se bis plu-
rimam ex flumine aquam hausisse, & tamen diuinitus conseruatum esse.

1515. Mense Iulio Sigismundus Poloniae, & Wladislaus Hunga-
riae, Bohemiaeque rex, fratres germani cum Maximiliano Imperato-
re Viennae in Austria conueniunt; insigni planè ac splendido appara-
tu. auro siquidem & gemmis stragulaque veste certatum. quodam-
modo est inter hos reges. Sed Sigismundum apud Italos, Germanos,
Hungaros, cunctosque Christianos qui aderant, spectabilem supra
modum victoria Orlensis nuper de Moscho parta reddebat. Ita ut
quacumque veheretur equo, cunctorum oculos in se conuerteret.
Ibi etiam constitutae sunt nuptiae inter ipsum Sigismundum & Bo-
nam Iohannis Galeatii quondam ducis Mediolanensis filiam. Hunc
conuentum nostri Prisporenses vocant, eò quod Posonii primum
fratres conuenerant, cumque eis Lodouicus Wladislai filius.

Modus & ordo, quo se inuicem hi reges exceperunt.

Sigismundus primum, paulo post Wladislaus, & postremo Maxi-
milianus Caesar, suis quisque comitatus, ad pyrum quandam arbo-
rem in campo accessere. Missi sunt aliqui hinc inde legati, simulatq;
in ipsa planicie omnes fuere, antequam mutuo congraderentur. Igi-
tur, magna fide, utrinque pacatis animis, Caesar ad Reges fratres le-
ctica vectus substitit. Ibi Ludouicus Wladislai filius primo loco Cae-
sarem, uti patrem ac dominum, salutauit. Secundo loco Anna eius
soror eundem salutarum accessit. Wladislaus inde tertio loco ad ip-
sum verba fecit. Postremo Caesar Sigismundum humanissime exce-
pit. Ferturque haec verba tum protulisse. Haec est dies, quam fecit Do-
minus. Laetemur, & exultemus in ea. Ad haec Sigismundus latine
(ut singularis erat eruditionis) respondisse perhibetur, Serenissime
Caesar, utinam hic conuentus noster sit felix ac faustus nobis, subdi-
tis nostris,

tis nostris, & toti Reipublicę Christianę. Expleto salutandi munere, interuallo perbreui facto, alii qui aderant, illustrissimi cuiusq; nationis Principes, Cæsaris & regum dextras amplexi sunt. Mirum est autem, quantopere Maximilianus regibus fratribus, & alterius filio credebatur sese, atque in medio eorum magna cum fiducia versabatur. Laudatur hinc Mathematicorum Academia Cracouiensis solertia, quod videlicet verè prædixerint horam, diem, & successum congressus tantorum regum.

1516. Tartarorum incurfio in Podoliam, quos Martinus Camenicius cum paucis copiis ad Trebovlium feliciter pugnando superat. Et alio in loco quingentos eorum equites ad vnum occidione occidit. Sed ante initum proelium more suo Tartari immanissimè captiuos iuuenes, & puellas trucidant.

1517. Mense Februarij quatuor scelerati viri, & quidem sacerdotes, qui Cracouiæ Albertum Fontinum prouincialem minoritarum occiderant, permittente summo Pontifice, sui sceleris dant poenas. Duo ex hiis sacris de more prius exuri atque exautorati capite truncantur, quorum alter concionator erat. Reliqui perpetuis carceribus addicti.

1517. Lateranense concilium celebratur, ad quod Iohannes à Lasko Archiepiscopus, & Stanislaus Ostrorog Callisiensis mittitur. Extat tertio tomo conciliorum, Regis Sigismundi edictum, quod vnà secum isti in concilii confessum attulerunt. In hoc concilio pragmatica sanctio olim in concilio Basiliensi sancita abrogatur, damnaturque. Iam enim plerique reges & principes à Pontificiis decretis ad concilium generale prouocare assueuerant. Ideo & Cazimirus tertius Rex Poloniae exortis quibusdam inter ipsum, & Pontificem controuersis, conquerentibusque subditis eius de iniuriis, quibus supra modum grauabantur à iurisdictione Papali & decretis eius, iussit & edixit, vt ad concilium generale omnino prouocarent. Sed & Academia Cracouiensis Basiliensi concilio tunc adhærens, ne cessariò hanc ipsam sanctionem pragmaticam approbauerat. Timens igitur Leo decimus Papa, ne ratione hac autoritas pontificia collaberetur, & de singulis cum singulis in concilio tantus monarcha litigare causamque dicere cogeretur, hanc sanctionem pragmaticam, quæ pontifices censuræ concilii subiiciebat, hoc conuocato concilio, abrogari, & condemnari curat. Itaq; in hoc concilio Martinus quoque Luterus condemnatur, propterea quod & ipse ab initio cum suis accusatus & comparere iussus, eodem modo ad concilium prouocauit generale. Commemoratur hinc, quod, cum Ioannes à Lasko Archiepiscopus Romam proficiscens Venetias diuertisset, orandi in Senatu facultate ei data, multa de meritis gentis Polonæ erga Rempub.

ga Rempub. Christianam in sua oratione differuisset, Dux Venetorum Lauredanus exceperit, Nostri quoque, inquiens, terra, marique multa bella gerunt. Cui Lascus: Longè, inquit, serenissime princeps dissimile Venetis ac Polonis belli studium haecenus fuit. dum alteri pro gloria, pro rerum suarum amplitudine, & plerumque pro ipsius dominatus atque imperii amplificatione, bella ipsi non pauca aliis sua sponte, intulerunt. Alteri verò, multo suorum sanguine, pro Repub. Christiana Barbarorum eruptiones sustinent, & tanquam muro obiecto, sistunt ac cohibent. ne transcens ab his ipsorum finibus, intima Christianorum in periculum deueniant. Quibus addere potuisset, Polonos varias terras centum milliaria nostratia in longitudinem & latitudinem patentes, quas Prussi, Iazyges, Lituani veteres, & Samogitæ colunt, ad fidem Christianam & veri Dei agnitionem armis compulisse. Quare, sicuti alii ob similes causas Christianissimi, alii verò Catholici, sic ipsi (si ita loqui licet) Deicolentissimi vel potius Apostolici meritò possunt vocari; & locum omnium dignissimum in quouis Hierarchico confesso eorum rex tenere aut debet aut certè potest. Nam sicuti Apostolus Paulus plus se aliis laborasse iure gloriatur, ita hoc ipsum de illis haud iniuria prædicare licet.

1518. Sigismundo Regi Ducis Mediolanensis filia Bona sponsa Cracouiam adducitur. Cui cuncta Polonia cum splendido apparatu obuiam procedit. Fiunt nuptiæ; & coronatur Bona.

1520. Eadem filium Sigismundum Augustum parit.

1523. Iacobus Vinckelblochius Gedanensium concionator seditionis accusatur. Cuius rei gratia Rex Gedanum petit; vbi supplicio afficiuntur multi.

1525. Albertus Marchio Brandenburgensis Magister generalis ordinis Teutonici Cruciferorum, post plurima bella & dissidia, quæ illi cum Poloniæ regno intercesserant, tandem Sigismundo reconciliatus cum eo in gratiam redit. ab ipsoque primus Dux Prusiæ creatur, & abiecto habitu rituali Cruciferorum filiâ Friderici Regis Daniæ uxorem ducit. Suspectum hæc res reddidit Regem summo Pontifici, quòd abrogato videlicet in homine ab ecclesia Romana dissentiente monachatu antiqui sodalicii Cruciferici, cum eo ita benignè egisset. Ideo Iusto Decio mandatû à Rege fuit, vt ipsum ea de re apud Pontificem excusaret atque purgaret. Extant literæ Iusti ad Regem, quibus docet, quo successu hoc negotium Romæ gesserit. Cæterum reuera nescio, an vlli ex Principibus Germaniæ qui eam susceperunt, Lutheri doctrina tantopere utilis fuerit, quantopere regi Poloniæ Sigismundo fuit, qui eam est abominatus. Nam si ordo ille monasticus Cruciferorum in Prussia perdurasset, potuissent adhuc, vt pili in barba abrasa, iterum atque iterum illa bella funesta & diuturna renasci.

na renasci. At vbi ducalis Prussia Augustanam confessionem amplexa est, & propterea Dux eorum, exuta veste Cruciferica, vxorem duxit, iam bella illa & semina bellorum à radicibus imis abscissa funditus corruerunt atque extincta sunt.

1526. Ludouicus Hungariæ Rex, seposito consilio Sigismundi amantissimi ac prudentissimi patrui, & ferociorum quorundam consiliis abreptus, bellum contra Turcorum Imperatorem Solymannum mouit, quo se, & Hungariam propugnaculum non postremum Christianorum perdidit. Miserat Ludouicus ante expeditionem istam ad Sigismundum Trepkam nobilem Polonum, rogatum, vt ipsum visendi sibi facultas daretur, quò cum eo de ratione suscepti belli contra Turcam conferre posset. Sed Sigismundus Prutenica expeditione occupatus, ei hac in re morem gerere non potuit. Discedens igitur Trepka, veluti fatidico spiritu instinctus: Iam ergo, inquit, ò Rex fratris tui filium nunquam videbis, nec legationem ab eo audies. Et ita accidit. Nam paulo post nunciatum est, Ludouicum Regem atque vnà cum eo ipsum Trepkam armis Turcicis in pugna Muchacouienfi cecidisse. Credunt autem plerique, Sigismundum offensum fuisse, quòd ei Ludouicus ab initio dissuadenti hoc bellum non obtemperasset. Eodem anno Duces Mazouiæ Stanislaus & Ioannes immatura ætate decedunt, sicque ducatus Mazouiæ Poloniæ regno plenè cecidit.

1530. Sigismundus Augustus Sigismundi filius Rex Poloniæ eligitur ac coronatur, ac deinde vnà cum patre 18. annos regnat.

1531. Bellum cum Valachis, quod nostri Oberstinense vocant. cuius occasio hæc fuit: Petrus Palatinus Valachiae infelicitate armis in Pokutiam irruit, coloniamque Sniatinum, & vicina quæque cædib. & incendiis replet. contra quem Sigismundus exercitum, duce Ioanne Tarnouio, mittit. Posuerat is castra ad Oberstinum pagum loco natura munitissimo. Petrus autem colles editiores occupauerat; unde sese visendum præbuit nostris. Habuit autem numerosum exercitum, id est militum ad quinquaginta millia. Nam Turcos & Hungaros quosdam sibi adiunxerat. Instructio aciei exercitus Polonorum singularis planè fuit, & artificiosissima, ingenio atque industria Tarnouii excogitata, cuius descriptionem & typum in lib. nostro Campiductoriæ expressum habes. Præcipua tamen causa nostris victoriæ fuit illud, quòd non ab ea parte, qua sperabant Valachi, pugnae copiam prudentissimus noster campiductor dedit. Sperabant illi, vt plerumque solet, à fronte concursuras acies; & iam, patefacta in latum castrorum porta, in armis refulgentes stabant, prætensis hastis, & gladiis strictis, tãquam iam proelium inituri. Verum, ne quis pedem ferre extra castra auderet, antequam dux copiarum iuberet, grauissimè interminatum fuerat. Igitur Valachus cunctatione Poloni in proelio ineundo ani-

ineundo animaduersa, ratus metu id nostrorum fieri, castra eorum per auersam portam adoriri decreuit. Qua in sententia susceptoque consilio ut eum nostri confirmarent, iubet Tarnou⁹ cohortes, quæ in extrema acie, quam vallarem vocant stabant, in eum expedire. arma, & vires experiri. Prodeunt Balicius, Mathias Wlodecus, Sienuus, & alii. Pugnant utrinque acriter; isti cōfisi virtuti, illi multitudini. At ubi Valachi primos conatus suos, qui fortiores esse solent, in illam partem contulissent, & ita latera sua anteriori portæ phalangum suarum obuertissent, nostri nacta occasione, exoneratis machinis bellicis, destinatis ictibus ita eorū latera petunt, ut etiam ipsa bombardarum maiorum orificia, & rotas, quas secum trahebant, attingerent, ac perfringerent. Itaque exorta in medio eorum maxima conturbatione, cohortes illæ firmissimæ, quæ à fronte sese illis ab initio opposuerant, in eos medios iam insiliunt, iamque eorum umbilicos petunt. Ita & à fronte, & à tergo excitata pugna, atque in medio lateribus reuulsis, trepidare, & in metu versari coeperunt Valachi stratagematis nostrorum artificium admirantes. Ita undique, magis, ac magis in nostris inualecente furore bellico, planè turbantur hostes, sternuntur, atque in fugam vertuntur. Cumque iam, solutis ordinibus, nec caput nec cauda exercitus eorum amplius agnosceretur, à nostris passim contrucidantur. Ipse Palatinus vulneratus vix euasit. De Logopheto, & numero cæsorū Valachorum, Turcorumque, deque captiuis, ac triumpho, quo fuit exceptus Tarnouius, apud alios luculenter scriptum reperiēs.

1546. Martinus Lutherus moritur. Cuius mortem statim consequutum est bellum Caroli v. cum principibus Germaniæ. Sed non est mei instituti exterorum res gestas conscribere. Post illud bellum rediens Albertus Dux in Prussiam per Poloniam, & transiens Posnania, secum accepit viros doctos Euangelicos: Martinum Glossam Magistrum studii Cracouiensis, Ioannem Seclucianum, & Samuel monachum Dominicanum. Isti Regiomonti commorati, libellos cōplures lingua Polona per Poloniam de religione sparserunt. Et hæc fuit origo ecclesiarum reformatarum in Polonia.

1548. Sigismundus primus Rex Poloniæ iam vitæ, & gloriæ factus, non dico moritur, sed ad beatiorem vitam, regnumque melius, imperio Poloniæ pacatissimo relicto, ipso die Paschæ hinc latus migrat. Vixit 81. annos. regnavit ferè quadraginta duos. Moriturus admonuit grauiter circumstantes, qualiter se gerere deberent in gubernanda Repub. Sed Sigismundum Augustum filium potissimum quomodo allocutus sit, placet adiicere. Tibi quidem mi fili, inquit, deinceps mater, & sorores, & maximè Respub. curæ esse debebunt. In te ipse omnes omnium sitæ sunt; quas frustrari te æquum non est. Nonnihil qui-

Nō nihil quidem nobis debet Polonia: sed nos illi multò plus. Quippe quæ nos, maioresque nostros, posthabitis quibusdam illustrioribus & elegantioribus. & fortasse etiam potentioribus, sibi reges assumpsit, & summa fide, studio, obsequioque coluit. Te autem, quemadmodum ipse nosti, adhuc puerulum regio diademate insigniuit. Ad eius igitur salutem, & dignitatem vicissim te voluntatem tuam, studia, & conatus omnes adiungere inprimis æquum est. Id verò ita demum rectè facies, si omnibus te æquabilem, familiarem verò non nisi grauisimis, & sapientissimis quibusque præbueris: si nullius ius, & innocentiam neque gratia, neque odio cuiusquam opprimi fines. Hæc ubi effatus esset, cunctis plorantibus, animam expirat; sepeliturque in delubro Basilicę Cracouiēsis, quod vocant regium sacellum. Quis & quantus fuerit hic, ex epitaphio monumento eius inciso cuius cognoscere licet. Id autem tale est: **DIVVS SIGISMVNDVS IAGELLONIVS POLONIAE REX, ET LITHVANIAE DVX** Magnus, Scythicus, Valachicus, Moschouiticus, Prussicus victor ac triumphator, pater patriæ in hoc monumentum à se magnificentissimè erectum illatus requiescit.

SIGISMVNDVS AVGVSTVS.

Anno ab orbe condito

5510.

Anno à nato Christo

1548.

Sigismundus Augustus porrectum à Divo patre sceptrum regium accipit; vel potius olim datum secumque communcatum solus tenet. Cumque togata prudentia maximè excelleret, sapientissimè, quoad vixit, regnum administravit. In matrimoniis tamen non fuit felix. Nam Elizabetha Ferdinandi Romanorum, Hungariæ, & Bohemię Regis filia, quam duxerat, nulla prole relicta, sequenti anno qui fuit 1545. mortua est. Barbaram deinde Lituanam, ex stirpe Radiuilorum, quæ primùm Gaslardo nupserat, in matrimonio habuit. Sed & hæc non diu superstes fuit. Eam autem inuita regina Bona matre, & proceribus aduersantibus duxerat. Mortua Vilnæ in ecclesia D. Stanislai honorificè tumulatur. Tertiò ut, si fieri posset, prolem haberet, & amicitiam cum Ferdinando redintegraret, aliam filiam eius Catharinam, quam Franciscus Dux Mantuę viduā reliquerat, germanam sororem Elizabethæ, in matrimonium sibi consociat. Nuptiæ anno Domini 1553. Cracouiæ cum magna omnium ordinum hilaritate, & applausu celebrantur. sed tādē, cum nulla spes ex ea suscipiendæ prolis superesset, Maximiliano fratri Romanorum Imperatori in Germaniam eam honorificè remisit. Non ita multò, postquam eam duxerat, Regina Bona eius mater in Italiam, aduersante Senatu, discessit, non sine magno mœrore filii, & filiarum eius. ita enim eis valedicere videbantur, & complexu eius la-
chrymabundi

chrymabundi hærebant, ac si eam postea nūquam visuri essent. Affirmabat quidem illa, & sanctè promittebat, curata valetudine, se reuersuram. sed paulo post in Italia est mortua, thesauris magnis relictis, quos postea magna cum difficultate à Philippo Hispaniarum Rege vindicabant successores. Discessura mater annulum filio donauerat, cum gemma admodum pretiosa, quæ stella vocabatur.

1552. Gedanum Rex Augustus splendido comitatu, & pomposo apparatu proficiscitur, quod etiam dux Prusiæ Albertus Marchio Brandenburgensis venit. Venerunt & proceres regni Poloniæ & Magni Ducatus Lituaniæ: inter quos Iohannes Comes de Tarnovv Castellanus Cracouiensis, Iohannes Kmita Palatinus Cracouiensis. Nicolaus Raduilius Dux in Olika Palatinus Vilnensis, & alii complures. Habitæ sunt deinde deliberationes de rebus Pruthenicis, & ipsius Reipub. Gedanensis meliore administrationis forma; & forsan Lituonici belli, quod postea subsecutum est, ibi quædam probuleumata facta sunt. Magnificè Rex Augustus, vt rarus hospes dominus & hæres, habitus est à Gedanensibus; nec absque muneribus amplissimis ipse & eius senatus dimissus fuit. Tandem abundè honoratus in Lituaniam abiit per Regium montem; vbi similiter cum summa alacritate ab Alberto duce Prusiæ sene venerando honorificentissimè exceptus, & tractatus est. Periculum tamen vitæ magnum tum Rex adiit. Nam, cum more Germanico magno bombardarum reboatu saluaretur, casu quodam, aut ignorantia artificis, cum ignitam pilam tubus mortarii cuomisset, ea ferè ipsum attigisset, nisi, Deo sic providente, equus illius ex loco suo opportunè paululum decessisset. armigero tamè eius Visnouecio, qui cum ponè sequebatur, caput pila volans absterfit. In gubernatione Reipub. hic rex mira dexterritate vsus est. cuius rei multa documenta produci possent. idque inprimis, quod ipso regnante rarus fuit ex principibus Christianis, regibus, & Monarchis, qui fluctuante mundo ob controuersiam in negotio religionis Christianæ, aliquod naufragium non sit passus. Carolus ipse quintus Imperator prudentissimus fuit, & tamen in Germania, & Hispania multum vidit effusum sanguinis Christiani, si non ipso imperante tamen certè conuiiente. Sic in Anglia quot quantæque persecutiones, in Galliis item quot quantæque laniationes, & bella parricidialia extiterunt! Hoc incommodum nec Ferdinandus Caroli frater euitare potuit, quin in Bohemia, & Austria eius rei tristissima aliquot exempla ipse ediderit. Solus Sigismundus Augustus inter Christianos Principes ea in re palmam meruit. Nam, cum totus ferè orbis Christianus, vt dictum est, furenter nomine religionis quateretur, ille tamen Poloniam, & Lituaniam sanguine ciuium foedari non est passus. Minabatur ille interdum, à legatis Pon-

tificis exagitatus; sed tamen interea inter alia Ducem Prusiae, & vrbes eius prouinciæ ex præscripto confessionis eorum viuere passus est. Quin & Polonis suis à Romana ecclesia deficientib. ea in re molestus non fuit; & non modò confessionem fidei ab eis exhibitam amanter manibus suis suscepit; sed etiam concionatores eorum interdum audiuit, & in aula seruauit. Ex quibus fuere Ioannes quidam Cosminius, & Laurentius Prasnicus. Et professus quidem est ille, se Romanæ Ecclesiæ obsequentem esse. tamen incentores sacrorum, bellorum, & præsertim concionatores, asperius classicum canentes ciuiliaque bella cientes, peius cane & angue odio habuit, eosque sæpe seueriter increpauit. Meminerat enim prudentissimus princeps maiorum suorum mores, & instituta, qui malebant semper cum Tartaris experiri aleam cruentissimi belli, quàm communem parentem patriam vndique à ferocissimis Barbaris per circuitum septam, ciuilibus, & parricidalibus bellis implicare. Hic etiam Princeps duas res maximas in Repub. effecit id est Poloniæ & Lituaniæ vnionem, & legum executionem. quæ ita impossibilia ad præstandum cunctis in Polonia maioribus nostris videbantur, vt etiam multi senatores prudentissimi, rerumque peritissimi sæpius dictarent; cum vnio Poloniæ Lituaniæque, & executio legum fiet, permissores se, vt sibi laqueus collo iniiciatur.

1563. Warsouiae comitia indicuntur, in quibus post multas deliberationes priuilegia ea de re antiqua & potissimum Alexandri regis explicantur, & diligentissime declarantur.

1569. Lublini vnio illa Magni ducatus Lituaniæ cum regno Poloniæ executioni demandatur. Reclamabant quidem huic rei quidam ex proceribus Lituaniæ, vtque præsentia sua id non confirmarent, valedicētes Regi discesserant. Sed absentia illorum non obstante, Rex in conscientiae foro non fore prius se liberum, dixit, nisi ea, quæ maiores sui solenniter promiserant, iureque iurando confirmauerant, re ipsa præstitisset. Itaque sempiterna memoria dignissimus princeps antiquæ postulationi, & pactioni satisfaciens quasdam Lituatorum prouincias, ad Poloniam spectantes, à Cazimiro Iagellonis filio aliisque principibus auulsas, regno Poloniæ adiunxit, vniuit, atque, vt sic vsitatè loquuntur, incorporauit.

1568. Comitia fiunt magno omnium ordinum concursu, vbi alterum adynaton, seu impossibile iudicatum & incredibile idem Augustus perfecit; executionem nimirum legum, & maximè earum, quæ de occupatione bonorum regalium sancitæ sunt. Missi sunt ergo reuifores, & postea lustratores, (his enim appellationib. isti ab iis, qui Regi à commentariis erant, nominabatur) per vniuersas prouincias regni, qui iureiurando obstricti cogebantur omnia fideliter oculis suis perlustra-

fuis perlustrare, perlustrataque regi deferre: perlata autem Rex auctoritate sua, totiusque regni, executioni mandabat. Ibi etiam quarta pars reddituum omnium regaliū fisco Reipub. est applicata, & annata Episcopales eidem destinata; ut inde exercitus ad defendendas prouincias Russiæ, aut aliam quamuis ob causam, ubi necessitas efflagitaret, aleretur. Multa sunt & alia prudenter, & circumspectè ab hoc Rege sancita. sed hæc erant præcipua. Cum enim videret Sigismundus Augustus, se absque posteritate ex hac vita decessurum, loco posteritatis hoc fore duxit, ut memor paternæ admonitionis, sub finem ipsius patris vitæ, charissimam patriam ordini bono restitutam relinqueret. Quapropter omnem dedit operam, ut ea, quæ pro auus eius Wladislaus Jagello sanctè cum regno pactus erat, Cazimirus auus confirmauerat, Sigismundus verò pater, & patruus Iohan. Albertus, & Alexander stipulatione quadam, interueniente promiserant, id ipse reipsa præstaret, & perficeret. Duas germanas suas sorores Sigismundus Augustus in matrimonium collocauit; alteram Suecorum Regi, alteram verò Brunsvicorum Duci. Tertia virgo lectissima prouidentia diuina asseruata fuit, ut temporibus difficilimis præsidium patriæ esset. Hanc enim tandem STEPHANVS primus Rex Poloniæ in matrimonium duxit.

Descriptio Reipub. Babinensis exhilarandi lectoris gratia.

Per idem tempus res faceta, & plena iucunditatis à quibusdam nobilib. in terra Lublinensi excogitata fuit. Instituerant isti societatem quandam, quam Rempub. Babinensem vocabant: eò quod loci cuiusdam Babin dicti dominus & possessor is fuit, quo autore potissimum illa Respub. stabilita florebat. Significat autem vox Babin patria lingua anum, & Babine id, quod ad anum pertinet. Iam iocos, lusque, aniles nugas vulgò vocare solent. Itaque locus ille vetustate neglectus ac penè deletus, prætereuntibus risus materiam non tam sua exilitate, quam appellatione, sæpe largè suppeditabat. Homines igitur lepido, & amœno ingenio præditi, occasione arrepta, à loco, & loci possessore Rempub. Babinensem, id est sedem principalem omnium, qui miscentur sermonum facietorum, istam societatem appellarunt. Ut autem hæc societas magis conspicua redderetur, imitatione, ex quibus ipsa constabat, ipsius Reipub. Poloniæ constituendæ rationem, regem, & Senatum sibi deligunt; Archiepiscopos, Episcopos, Palatinos, Castellanos, præfectos oppidorum & militiæ, Cancellarios, & alia id generis munera gerentes ac magistratus sibi designant, & creant. Deferendi autem has dignitates, & munia im-

nendi hunc morem tenebant. Quemcumq; in conuiuiis, & conuentibus celebrioribus obseruassent in aliquo genere dictorum aut factorum, præter modum ac decorum excellere, eum maximè idoneum ad obeunda munera ei rei consentanea censebant. Verbi gratia: Multus erat quispiam in sermone de sublimibus rebus, & eius conditioni minimè convenientibus, hunc aut Archiepiscopum aut aliquem magnum Satrapam faciebant. Si quis vel sermone lapsus, vel aliam ob causam paradoxon aliquid seu perdifficile creditu in medium attulisset; hunc aut rhetorem, aut cancellarium Reipub. sue constituebant. Si quis Thraconicè gloriabatur, quòd fortiter, & audacter se gessisset in aliquo conflictu, aut de rebus bellicis supra modum non suo tempore, nec suo loco garriebat; hunc præfectum copiarum, aut equitem auratum creabant; literasque super ea re confingebant, cera, & sigillo obsignatas, quas non contemnendis viris, sibi tamen similibus deferendas tradebant; qui assurgentes eas accipiebant, & quadam cum reuerentia ad eum ad quem scriptæ erant, defererebant. Is autem cogebatur officium illud suscipere; vel, si illud de dignabatur, ab omnibus risu excipiebatur. Et quòd morosius se gerebat quis renuendo ac recusando eiusmodi honores, tantò magis ab illis irridebatur, & festiuè aulicis dictis ex composito tam diu exagitabatur, traducebaturque, donec edomitus collum submitteret. Quare ad mores corrigendos, ad sermones cautè miscendos, ad ciuitatem modestiamque in iunioribus formandam iocus & vrbinitas illa plurimùm pertinebat. Et erant ita nascuti censores vitæ ac morum illi optimi duces huius societatis, vt nullus physicus affectus humanos, & potentias animæ ita exactè definierit, nullus ethices professor de vitiis, & morib. ita explicauerit, nullus physiognomus ex vultu, gestu, incessu & intuitu ita hominum naturam cognouerit, vt illi (sic enim eos hoc loco vocare libet) diuini patres. Et cum aliquis eis nouicius per iocum in societatem offerrebat, tunc, veluti deliberaturi, tardiùs eum recipiebant. Proloquatur, inquebant, deoque primùm specimen aliquod suæ indolis; tum, videbimus ad quod officium erit maximè idoneus. Nam & ad inferiora quædam ea res descendebat. Si quis enim de canibus, de feris, de falconibus, non tempore suo, aut loco paulo fusiùs verba faciebat, hunc statim aucupem, & venatorem Babinensem faciebant. Si quis autem de religione supra modum ad mensam differebat, mox eum concionatorem Babinensem pronunciabant. Si quis ex sententia Romanæ ecclesiæ, aut cuiuspiam alterius sectæ, supra modum zelo flagrabat, aut etiam acerbius ea de causa in alios inuehebatur, mox eum inquisitorem hæreticæ prauitatis Babinensem declarabant. Si quis de equis, & eorum proprietatibus verbosius differebat, si de œconomicis rebus, admixto

bus, admixto præsertim mendaciolo aliquo, ut fit plerunq; inter comesandum, curiosius loquebatur, mox eum vel magistrum equitum, vel regium œconomum Babinensem, ad exemplum Magni procuratoris Cracouiensis creabant; assurgentesque interdum, in ipsa mensa honores illos eis deferabant. Usque adeo autem ista ludicra Resp. inualuerat, ut rarus esset in ipso regni senatu, in clero, inter aulicos, inter alios ordines regni, cui non aliquid tale aspergeretur. Sic alios, capitaneos; alios, copiarum ductores; alios, infantes Hispaniarum; alios, Factotum, alios, turbines Babinenses vocitabant. Res ista denique ad Sigismundum Augustum regem perlata est. de qua non sine magna delectatione sæpius multa audiuit. Et cum iniecta esset mentio aliquorum procerum, qui insigniti erant eiusmodi honoribus, interrogauit, an etiam Regem in ea Republica haberent. Cui respondisse fertur ipse capitaneus Babinensis, qui præ aliis supra modum vultu, aspectu ipso, & sermone facetus erat: Absit, inquit, à nobis cogitatio ista, ut, te viuentem, serenissime Rex, & superstitem, de alio rege eligendo cogitemus, aliumque creemus. tu & hic, & apud nos Rex esto. Risit placide humanissimus & benignissimus Rex, nec vllum signum indignationis dedit; imò verbis, quæ addidit, risum omnium auxit. Cæterum, cum aliquando quidam paulo grauius de regno Alexandri magni, deque Persarum, Babyloniorum, & Romanorum monarchia in confesso horum hominum dissereret. Tum quidam ex eis sermonem excepit. Quid, inquit, antiquitatem iactas, & amplitudinem illarum monarchiarum? Nostra Babinensis antiquior & Græca, & Persica. & denique omnibus est. Quia David de ea dixit: Omnis homo mendax. & hoc est eius fundamentum atque essentia. Ergo in ea Darius, Alexander magnus, & totus mundus includitur. Cunctis se se inuicem intuentibus, hic sermo ab omnibus cum applausu exceptus est. Iactabant autem, se habere priuilegia à regibus, & Imperatore, atque etiam summo Pontifice, quibus eorum Respub. confirmaretur. Iam si quis acerbè aliquod verbum in alium torfisset, aut mendacium cum damno alterius, & læsione dixisset, hunc nequaquã idoneum ad capeffendos honores in sua Repub. iudicabant. At qui vrbane absque damno cuiusquam aliquid comminisceretur, hunc non modò laudabant, sed etiam officio aliquo cohonestabant. Locum porrò comitiorum suorum iocoso vocabulo **GELDAM** appellabant, à Cedanensibus mutuata voce, qui populum suam **GELDAM** vocant. Sed apud nos inconditum garrum multitudinis congerronum ea vox significat. Et erant homines illi, qui duces erant illius societatis, prudentes, & magnæ existimationis apud quosque bonos, & apud ipsum Regem. Imò Petrus Cassouius officium iudicis terrestris Lublinensis iam longo tempore summa cum laude su-

Nomen loci comitiorum Babinensium.

cum laude sustinuit, & nomine prouinciæ Lublinensis in nuncium, terrestrem ad comitia generalia non semel electus est. Duo autem potissimum ex hoc numero, hic videlicet Cassouius, qui Cancellarius, & Psomka, qui præfectus. Babinensis vocabatur, adeò amabiles erant, ut etiam in deliciis à plerisque principibus viris haberentur. Nullaque conuiuia, nullæ nuptiæ iudicabantur felices, & iucundæ, quas illi beati senes sua præsentia non cohonestarent. Viuit adhuc alter eorum. Cassouius. Psomka verò ante biennium mortuus est placida, & Christiana morte. De quo eiusque morte cum in celebri quodam conuiuio mentio fieret, poëta quidam haud vulgaris, à proceribus inuitatus, Epitaphium mortuo, & quidem ex tempore, scripsit. quod tale est.

Epitaphium D. Psomkæ fundatoris societatis Babinensis.

Plurima si cuiquam debet Respublica, Psomkæ

Debet, in hac viridi qui requiescit humo.

Namq; sodalicium sanxit, fundamina cuius

Conficti absque dolo sunt fuerantq; sales.

Cresce sodalicium. quod si tibi nostra probantur

Carmina, me gremio, iungito, quæso, tuo.

1557. Pontem Varsoviæ exemplo Traiani Imperatoris, qui quondam in Istro simile quid fecerat, Augustus Rex in Istula miro, ac penè Dædaleo opere fabricat. Cui ne incendium fortuitum, nocere posset, iduc accidere, quod ante sexcentos annos ponti Caroli Magni in Rheno acciderat, Anna Regina soror Sigismundi, & vxor Stephani primi regis Poloniae propugnaculum ad alteram ripam ex viuo lapide erexit, eiusque portæ Epigramma tale inscribi curauit, quod nobilitatem stirpis eius, & ipsius Augusti admodum efficaciter exprimit.

ANNA IAGELLONIA POLONIAE REGINA,

Magnorum regum: coniunx, soror, filia,

Hoc opus, &c.

Tametsi autem, & ante, & post susceptum ab eo regnum Sigism. Augustus mauortium se, ut filium patris fortunatissimi bellatoris de cuius demonstrauerat, & multum militaribus viris, & instrumentis ad bellum pertinentibus delectabatur, armamentariumque plenum machinis fusilibus ut haberet, sollicitè curauerat: tamen, quia vetus dictum est: Virum, qui æuum cum tribus vxoribus egit, Martem iam non habiturum socium; ideo suam famam extendere alia via aggreditur; nimirum Friderici tertii Imperatoris exemplum imitatus, qui, cum

qui, cum animaduertisset; infelicem se bellatorem esse aduersus Mathiam Huniadem Hungariæ regem, pacis artib⁹, & industria malum illud corrigere, & compensare satagit. Nec tamen etiam in bellicis rebus sua laude fraudari debet August⁹. Commemorabo igitur expeditiones eius bellicas, & victorias eius auspiciis partas.

1557. Aduersus Guilelmum Furstembergium magistrum Liouoniæ ordinis Teutonici bellum iustissimum hoc anno suscepit, centenisq; millib. equitum, & peditum lectissimis tam Polonorum quàm Lituanorum Russorumque comitatus in Liouoniam, ipsum se ducem belli præbens, descēdit; eo quidem animo, vt omnino prælium cum hoste committeret, quò Archiepiscopum Rigensem consobrinum suum, à potentia Magistri liberaret. At Furstembergius sibi consuluit. Cum enim tantam & ducis, & exercitus alacritatem & pugnandi quasi ardorem animaduertisset, supplex veniens ad Regem, vnà secum Archiepiscopo adducto, pacem efflagitat, præliumque deprecatur; & se vnà cum vniuerso ordine, & prouinciis suis in fidem, & clientelam Regis dedit. Ita tum Augustus intra vnum mensem maximum bellum & incepit, & confecit. Productum fuit bellum vario Marte inter Prussiacum Magistrum, & Polonos serè per ducentos annos, multumque sanguinis cruentus Mars ibi fudit, infinitæque animæ ad Orcum sunt missæ. At Augustus Dei beneficio cum Liouoniæ Magistro æque potente, vt Prussus fuerat hoste, plura etiam latifundia in suo principatu possidente, breuissimo tempore bellum omne absoluit, vel potius extinxit. Causa belli erat, vt dictum est, oppressio Archiepiscopi Rigensis, quem Rex liberare decreuerat. Huius autem oppressionis causæ fuerant literæ quædam interceptæ, quasi ab Archiepiscopo scriptæ de dissipanda illa colluie Cruciferos, eò quòd dignitatem domus Brandenburgicæ in ipso Archiepiscopo Rigensi neglectui haberet, omnia sibi munia arrogando. Ita intempestiua de prærogatiuis concertatio formam illam Reipub. hominum tetricorum immutauit. At Furstembergius postea sibi pericula attraxit. quo in captiuitatem abducto, Gottardus Ketelerus Westfalus equestri genere natus, in eius locum surrogatus fuit. Hic cum aduersam fortunam antecessoris sui, & tyrannidem Moschi reformidaret, & nulla spes auxiliorum aduersus eum ab imperio afflueret, Regi Polo. fidelitatis sacramentum ea lege præstitit, vt ipsum contra Moschum & alios hostes defenderet. Nam Curlandiæ, & Semigaliæ Dux fuerat pronunciatus. Duxit autem is postea uxorem Annam Megelburgensem antiqua stirpe regum Obotritorum progenitam.

1558. Inuidit Moschus hanc gloriam Regi Augusto. Itaq; hæreditarii cuiusdam iuris prætextu numeroso cum exercitu Liouoniam armis tentat.

armis tentat. Torpatumque arcem Episcopalem, & alias plerasque suæ ditioni adiungit. Cuius superbiam Sigismundus non ferens, armis eum domare constituit. Hinc bella Moschouitica orta sunt; quæ usque ad hæc tempora durarunt. Hoc eodem anno Rex Crasnostaiam, expediendorum quorundam consiliorum causa, ex Lituania venerat. Hoc etiam anno Albertus Nouicampianus professor Academiæ Cracouiensis moritur. qui qualis fuerit, & quam dignus, ut eum nostris annalibus celebremus, ex eius epitaphio, quod Cracouiæ in templo indiuiduæ Trinitatis visitur, cognoscere licet. Habuit autem Poloniae regnum sub Sigismundo Augusto viros eruditos plures ac præstatiores, quam sub ullo alio Rege. Inter quos digni potissimum memoria sunt, ex theologis quidem & historicis, Stanislaus Hosius, & Martinus Cromertis. Ex oratoribus & optimarum artium scientia præditis Stanislaus Orichovius florido genere scribendi præstans, & Andreas Fricius, qui de Republica librum eruditum scripsit. Ex poetis verò & mansuetioribus musis deditis Ioannes Kochanovius, Andreas Tricesius, & Iacobus Prilufius iuris terrestris peritissimus: qui parens omnium qui nunc causas in Polonia agunt forenses merito dici potest.

1562. Sub tempus Carnisprivii (ut loquuntur) seu Bacchanalium, die Febr. 23. Moschus Dux æstuans ob felicitatem Regis, coacto exercitu trecentorum millium Poloczkam obsidione cingit, ac partim formidine, partim consiliis ad altum compositis per deditio nem capit, thesauris incredibilibus inde asportatis. Iudæos quos ibi inuenit, omnes baptismum abhorrentes in glaciem profluentis Dunæ compellit, crustaque glaciei circumsecta, ibidem eos demergere iubet. Polonis autem honos quidam est habitus. Vbi huius rei fama Varsoviæ ad Regem comitia tum celebrantem delata est, iustus dolor cunctorum animos occupavit. & communi consensu decretum est, ut detur opera ne id impunè tyranno cedat.

1563. Expeditio ad Neuelam. Florianus Zebridovius supremus dux tum copiarum fuit. Stanislai verò Lesniouolscii, Stanislai Zamo scii, & Ioannis Zborovii summa virtus, & fortitudo animi corporisque innotuit. Nam cum agmen tantum mille quingentorum ducerent, tamen exercitum Moschouiticum qui quadraginta millibus constabat, fortiter represserunt, & magna ex parte, dextra victrici, proffigarunt dissiparuntque. Postea anno domini 1564. Magnus Dux Moschouiæ detentis diutius oratorib. Lituatorum in Moscho uia, exercitum celeriter conscripsit; quem, absolutis oratoribus, in Lituaniam populabundum misit. Hic exercitus diuisus est in duas partes: quarum una Duce Srebny, quæ Smolenskum itur, altera Duce Soiski, quæ Ploczkam, tēdebat. qui Soiski in campis Czafniciensibus ad Vlam

bus ad Vlam fluuium castrametatus est. Quod cum Nicolaus Radiuilius Palatinus Vilnensis, dux exercitus Lituanie supremus, & Gregorius Chodkieuiceus campiductor ab exploratoribus. rescuissent, hos statim aggrediuntur, magnaque ex parte trucidant ac confodiunt; reliquos fugant. quorum multi per sylvas & agros palantes, partim à colonis cæsi, partim aquis submersi sunt. Triginta autem millia in ipso conflictu occisa esse compertum est. Ibidem PETRVS Soiski, supremus dux exercitus Moschouitici, vulneratus, fuga euadens, à rustico quodam securi (magno cum dolore Lituanorum, quod viuus captus non fuisset) occiditur. Vilnam delatus honorifice in Ruthe norum ecclesia primaria sepelitur. Altera porro exercitus pars, quæ Smolensko ad Orscham cum Duce Srebny contendebat, audita suorum cruenta clade, metu perterrita, omni bellica, ipsaque copiosissima, suppellectili abiecta, in pedes sese coniecit, turpique fugæ salutem consuluit.

Eodem anno 1564. in ipso festo diuæ Margaritæ, præfectus copiarum Stanislaus Pacz Archidapifer magni Ducatus Lituanie ac locum tenens (ut vocant) tunc temporis Palatini Vitepsensis, collegit ex Vitebliensi Palatinatu exercitum, adiuncta curia sua, & duobus centurionibus, aliisque cohortibus, quibus ipse præfecerat Isidorum Signiferum Vitebliensem, & Ioannem Svviporod Tenutarium item Vitebliensem, ut vsitatas appellationes usurpem. Isti cum duobus millibus equitum levis armaturæ contra hostem Moschum, qui tunc temporis Iezcriskam tredecim millibus armatorum grauiter oppugnabat, processerunt, manusque acriter conseruerunt; & hostium perrupta acie, tormentis potiti sunt. Inde vltiorē exercitum, qui fugam ceperat, insequuntur. Afsecuti, sternunt ac contrucidant, nonnullos capiunt. Octo millia Moschorum cæsa. cæteri, armis abiectis, quacumque potuerunt, fuga salutem suam prospexerunt. Nostri verò omnem suppellectilem, & vniuersa hostium arma, tormentumque quoddam magnum, tela ignea, vexilla, bombardas, & id genus alia abstulerunt. sicque Dei benignitate incolumes ac spoliis onusti, paucis ex suis in conflictu desideratis, Witepskam redierunt. Georgius autem Tovvmak Dux exercitus hostilis vix euasit. qui postea, viribus resumptis, eandem arcem Iezieriska acerrima oppugnatione, & igneis telis expugnauit.

1567. Ericus Rex Suecorum cum sex millibus Suedis in campis Kirempensibus ab exercitu Regis Polonie Augusti profligatus fuit. Qua in re laudatur industria & virtus Nicolai Taliuosi Castellani Samogitiæ. Huius suorum cladis nuncio accepto, Ericus in rabiem quodammodo versus, multa tyrannice fecit. Nam & Ioannem fratrem Ducem tum Finlandiæ, cui nupta erat Catharina Augusti

*Ericus Dux
Brunsvicensis.*

*Christophorus
Megelburgius.*

Regis Poloniae soror, noctu in arce Amboten in Finlandia capit, & aliquot annos in vinculis tenet. Laudatur hinc Catharinae fides coniugalitatis; quae memor mandati diuini in calamitate extrema marito non defuit, imò vilissima quaeque seruitia in captiuitate ei praestitit. Ericus tandem ambiens matrimonium Reginae Angliae, cum passus esset repulsum, impotentia animi actus, & dolore victus, duxit Stocholmiensem foeminam, multaque insolenter agens, folio delicitur; & in eius locum frater eius Ioannes captiuus surrogatur. Circa eadem tempora Ericus Dux Brunsvicensis cum viginti peditum signis, turmis aliquot equitum adiunctis, in Prussiam contendit, Gedanumque frustra obsedit. Cumque ulterius castra promouere vellet, à Duce Prussiae Alberto Marchione, traiectu Istulae, sicuti ei à Rege iniunctum fuerat, prohibetur. Christophorus verò Megelburgius, qui post Guilelmum Brandenburgensem Rigenfis Archiepiscopus designatus fuit, ab eodem rege Sigismundo Augusto in vincula coniicitur. Creditum est, Regem subolsescisse, vtrumque istorum turbas quaidam dare cogitasse, & agitare consilia quaedam noxia de Prussia. Memoria autem proditum est, Megelburgios duces originem suam ducere ex stirpe veteri Obotritorum regum gentis Slauonicae; quorum postremus Pribislaus nominatur.

Postea aliquot annis cum Moscho vario Marte decertatum est, magnis & paruis conflictibus. arces quoque vtrinque tentatae sunt. Dux quidem Sangusko praefectus copiarum Lituanicarum Vlam, & Susam arces Moschorum infestauit, ipsorumque hostium vires debilitauit; saepiusque parua manu ingentes eorum copias fudit.

*De causa eius
mortis variopar
ia narrant, &
vix credenda.*


1572. Tandem verò Rex Augustus, firmato foedere, & stabilita pace cum Moschorum Principe, recordatus se hominem esse & casibus mortalium subiectum, testamentum condit. & cum aliquantulum langueret, medicorum variorum opera est usus. Tandem Iulii mensis die octaua Knisini in confinio Lituaniae & Poloniae moritur, obdormiens cum patribus suis, vt pagina sacra loquitur. Corpus eius primò Tykocinum; demum post annum Cracouiam deportatum, fuit. Vbi in eodem delubro cum patre sepelitur. Eius autem monumento epitaphium tale est inscriptum.

SIGISMUNDO AVGVSTO POLONIAE REGI, ET MAGNO LITVANIAE ET RELIQUAE SARMATIAE DVCI AC DOMINO. PRINCIPI CONSILIIS PROMPTISSIMO, FACTIS LENTISSIMO. MORIBVS PIENTISSIMO. VITAE BENIGNISSIMAE. ANNA INFANS REGINA POLONIAE, FRATRI BENE MERENTI, SVO SVMPTV POSVIT, ET SVIS IPSA LACHRYMIS CONSPERSIT.

LIBER

LIBER OCTAVVS,

in quo capita rerū post Sigismundum
Augustum gestarum consignantur.



Væ acta sint post mortem Sigismundi Augusti, & præsertim sub Stephano primo, breuiter, comitis celebratioribus describendis, ostendemus. Nam latiore harum rerum expositionem, propter certas causas, in aliud tempus reiiciendam putauimus.

1572. Mortuo Sigismundo Augusto Rege, Knisini mensis Iulii die 8. ibidem primus procerum conuentus est habitus, & consultationes de statu interregni. Eodem anno generalia comitia procerum & equitum habita sunt propè Varsauiam in loco Camennio dicto, causa eligendi Regis. Vbi aderant oratores Pontificis, & Imperatoris Romanorum, Suecorum Regis, & aliorum Principum. Vbi etiam confœderatio inter Catholicos & Euangelicos sancita. hoc est, lex, qua prohibetur, ne alter alterum nomine religionis iniuriis afficiat, aut in Reipub. muniis, siue palam, siue occultè posthabeat: Nam hoc, Poenandi verbum, quod ibi legitur, significat. sed vtriq; in mutua pace viuant, & politica concordia, expectantes, donec tempus id, quod iustius erit, detegat. Hæc autem sapientissimè excogitata, nempe, vt vitari possent motus, & bella parricidalia, de quib. etiam nunc in Gallijs audimus, sanctè & sine dolo sibi inuicem spopoderunt, & vt Reges quoq; futuri, cum inaugurarentur, idem iureiurando comprobarent, constituerunt. Vnde verba illa in formula: Inter dissidentes de religione pacem manu tenebo. Ideo & Henricus Gallus, & Stephanus primus hoc ipsum, cum inaugurati sunt, præstiterunt.

1573. Henricus Regis Galliae frater, Andium Dux, nouus Poloniae Rex electus mense Maio. Oratores in Galliam missi adducendi in regnum noui Regis gratia.

1574. Aduentus Henrici noui Regis Cracouiam, ibidemque coronatio mense Ianuario. Discessio eiusdem Regis è regno, audita Regis fratris morte post menses quatuor. Expostulatio Polonorum cum eo acerba, quod tacitè & occultè discessisset.

1576. Comititia Cracouiae; ad quæ Stephanus Batorius Transsylvanorum Princeps, stipatus comitatu spectatissimo veteranorum venit. & quemadmodum superiore anno in conuentu Varsauiensis Rex electus, & postea in Andreiouiensi confirmatus fuerat, ita hoc anno in Cracouiensi inauguratus fuit.

1576. Comititia Toruniae magna cum celebritate aguntur; vbi

Cc 2 potissimum

Comitia Cracouiae 1576.

Comitia Toruniae 1576.

potissimum de Gedanensibus agitantur consilia; qua ratione possent ad officium reduci. sed cum aut fiducia opum, aut veriùs à consiliariis Imperatoris deprauati, nihil de consiliis semel initis remitterent, criminis læsæ maiestatis damnantur, & proscripti, seu, vt vulgò loquuntur, banniti pronunciatur. & paulò post, decreto bello, animaduersione est in eos constituta. Victoria Regis, & clades illorum ad Derfauum descripta est à Lasicio, & aliis. Reconciliati postea Regi & regno ducenta millia florenorum numerarunt, & conditiones oblatas acceperunt. Plurimum eos iuuat deprecatio pro ipsis apud Regem principum Germaniæ, & quòd complures ex eis viri graues demonstrabant, procella vulgi ciuium tumultuantis compullos, se, & alios non paucos deterioribus consiliis adhærere necessum habuisse.

*Comitia Varfa
mie 1578.*

1578. Postquam ventum est Varfauiam ad generalia totius regni comitia, primo ipso comitiorum die Moschi Principis & Tartari iniuriis expositis, bellumne cum his, aut cum vtro horum velint, rogat Rex. Cum Moscho bellum iussum: cum Tartaro dilatum. Iudicia item tribunalia ante ab Augusto expetita, ab Henrico verò permissa, à Stephano tum instituta fuere. nimirum vt tota Respublica ex suo corpore constitueret sibi iudices, qui causas vltimæ instantiæ, vt vocant, iudicarent, ac definitiua sententia lites dirimerent. Hæc res nouo ferme adhuc Regi publici fauoris & beneuolentiæ plurimum conciliauit, & iis, qui intimi Regi à consiliis erant, gratiæ sunt actæ, quòd non dissuasissent Regi rem, quæ salutis Reipub. futura erat. Introducti demum & auditi sunt legati exterarum gentium, & Georgius Fridericus Marchio Brandeburgensis valetudinarii agnati sui Alberti Friderici, Alberti senioris Ducis Prusiæ filii, curator constitutus fuit: qui mox fidelitatis solenne iuramentum Regi præstitit. Aderant ibi & Pomeraniæ Ducum legati, qui Principum suorum nomine in Bithomensem Leoburgensemque tractum ius imperium quæ Polonici regni agnoscebant; earumque ditionum literas inuestituræ (quas vocant) à Rege acceperunt. Reliquum tempus deliberationi de bello iam decreto administrando tributum est.

*Comitia Varfa
mie 1579.*

1579. Quo anno Polotia recepta fuit, eodem paulò post comitia Varfauia sunt celebrata. Rex inde rediens magna cum lætitia exceptus, sed non eadem tamen de ipso omnium sententia fuit. Varii enim variè eius consilia, & illustria facinora interpretabantur. Creditum est autem, suspiciones quasdam de illo sparsas fuisse à quibusdam, qui vrbanæ vitæ assueti, pacis tantum artibus præstabant. Hi siquidem animum iam desponderant; nec se emerfuros vnquam sperabant; quod viderent, passim eos, qui militiam sequebantur, prouchi ad honores. Quæ res cum fuisset obseruata, eam suspicionem Rex per Cancellarium oratione luculenta ex animis omnium eximere conatur.

conatur. Hac igitur ratione diluta sunt omnia capita criminationū: ostensumque, togatæ vitæ hominibus, qui vera virtute niterentur, more patriæ recepto semper restare aditum ad consequendos honores, & præmia: nec opus esse, confugere ad illicita & inconcessa consilia, ac labefactare fundamenta iacta rerum bene gerendarum. Hac oratione blanda placati esse sunt visi animi omnium; itumque est in eam sententiam, non agendum esse morosius cum Principe; nec animum eius serenum, & plenum spe felicitis exitus incepti belli, acerbioribus expostulationibus turbandum. ut, quo ardore animi rem inceperat plenam gloriæ, & ad salutem incolumitatemque Reipublicæ inprimis spectantem, eodem in ea perficienda pergeret. Adornatur igitur expeditio iterum contra Moschum. Interim autem cum Rex Vilnæ subsistit, Nassolimus legatus Moschi cum Georgio Oscilio quædam consilia suspecta habet; quæ res pessimè Oscilio cessit. Nam, patefactis consiliis, ad supplicium rapitur. Ibidem Vilnæ Paulus Vchanius, qui apud summum Pontificem, oratorem egerat, reuersus ens Regi notis ceremoniis dedicatum à Pontifice obtulit. Dirigit deinde Rex iter suum Czasniciū ad delectus habendos, inde ad oppugnandum Velissium: tum verò Lukos: postremò Zauolociam. Tres istæ munitissimæ arces opera Ioannis Zamoscii præfecti copiarum: consilio autem ac felicitate Regis expugnantur. Nec cæterorum interea supprimo labores, pericula, & cum contemptu vitæ suæ heroicis ausus: quorum etiam nomina in Chorographia nostra expressimus. Situm porrò horum locorum, adeoq; totius illius regionis, tabula expressum habes in eadem Chorographia nostra: quam tabulam literis ipsius regiæ maiestatis requisiti, ac iussi, nec non ab eius internuncio inuitati, superiore anno exarauimus. Eodem anno sub autumnum nouus quidam morbus, quiq; veteribus medicis & recentibus incognitus dicebatur, Europam eodem ferè tempore peruagat⁹ est. Quanquam non desunt, qui affirmant, idem morbi genus bis non ita multò ante, id est anno 1557. in æstate, & anno 1562. in autumnò, bonam similiter Europæ partem occupasse. Hunc igitur morbum & exercitus, & Rex ipse, dum ex Moscho- uia reuertitur, sensit. Natura morbi fuit talis, ut ab ima parte spinæ (quam vocant) cum rigore exorsus totum corpus perreptaret, supra modum debilem, quem inuasisset, ex grauedine potissimùm, red dens. tandem in febrem, nisi citò mitesceret, desinebat. Sed & curatio eius difficilis. Nam ad incisionem venæ non cedebat; & medicamentis purgantibus materia copiosior ad pectus attrahebatur. Vnde ei medici, sicut nec nomen proprium, sic remedium vllum certum non inuenerunt. Ita Deus nouit humanum genus solo flatu oris sui pro- sternere; adeò ut nihil ratio arsue humana tunc opitulari queat.

*Comitia Varfa-
uia 1581.*

1581. Redeunte Rege ab expeditione Wielikolukana effusa est ei tota Varfauia ciuitas extra portas, & maius gaudium obortum, quam antea: Vbi descendisset in templum, exceptus fuit solenniter cleri nomine ab Andrea Patricio oratione crudita & memorabili: qua testatus est incredibile gaudium vniuersorum: adeo ut etiam ad aduentum eius campanæ in locis sublimioribus appensæ imitatæ vocem humanam sono suo nomen eius modulantes exprimerent. Stephane, Stephane, Stephane. Per eosdem dies alii oratores, historici, & poëtæ varios ingenii partus edidere. Ego verò tradidi ipsi Regi triumphum, hoc est libellum, in quo victori vario poematum genere efformaueram & more priscorum Romanorum etiam consecraueram, aras, columnas, Pyramides, & arcus triumphales, exemplum cuiusdam Græci authoris in hoc imitatus. Elucubraueram etiam commentarios, quibus totam scientiam rei militaris in artem redegeram, quam variis exemplis historicorum, & schematis pulcherri-
mis illustraueram. Hic liber per me regiae maiestati fuit traditus; non tamen est typis mandatus. quamuis ex regio mandato à deputatis reuisus approbatusq; & maiestatis regiae testimonio diplomateque solenniter comprobatus fuerit. Continebantur enim in eo quædam arcana regni in negotio instructionis exercituum, quæ profanare neutiquam consultum iudicaui. Sed ea quotannis magna cum diligentia adhuc artificiosius illustro, atque expolio, adhibito consilio magnorum virorum, qui diu inter strepitus armorum versati sunt. Huius libri copiam q sibi fieri volet, sciat eum apud me, dum vixero, & post mortem meam apud hæredes meos futurum, à quibus id facile impetrabit. adhibita tamen quadam sponsione & cautione, ne temere euulgari possit. Et iam pluribus viris illustribus, ab ipsis requisitus, eum ipse curauit describi. Sequentibus diebus, cum inciperentur haberi comitia, similiter à prouincialibus nuntiis excipitur Rex amplissima oratione, qua pro re bene gesta nomine totius Reipub. ei gratias agunt. Gratitude hæc quidem non displicebat Regi, veruntamen hortabatur & monebat, ut non lætarentur tantum victoria, sed ea etiam vterentur, eamq; continuarent. Itaque, cum Duces belli conquererentur, Regem annuis expeditionibus, & regressibus impediri ac distrahi, milites confici, & hosti spacium respirandi dari; quò perpetuò bellum duci queat, in biennium tributum sciscitur. Præterea distinctè, cōscribuntur decreta, quæ spectant ad emendationem regiminis in toto regno: Delecti etiam deputantur, qui, quæ utiliora essent, cognoscerent. Tandem, confectis conficiendis, nuncii prouinciarum valedicentes & omnia fausta percantés Regi, duo rogant ab eo, rationem in posterum eligēdi Regis, & compositionem inter stat⁹. Rex testat⁹ est, se cohorrescere, quoties ei in mentem veniret

LIBER VIII.

407.

tem veniret tumultuum electionum præteritarum, & expauescere ad ea, quæ disidia inter statum ecclesiasticum, & politicum trahere secum possent. Sed in vtraque re magnas se difficultates perspicere. curaturum tamen, quantum in se esset, ut in his Reipublicæ laboranti subueniatur prospiciaturque. Hortaturque, quemadmodum & antea facere solebat, ut, ipso absente, paci & tranquillitati publicæ pro se quisque studeat. faulta tandem quæq; ac felicia precatur, tam iis, qui domi mansuri essent, quàm, qui in bellum ituri, ut mox lætabundi utrique in mutuos complexus ruerent. Ad quam rem tantus plausus à circumfusus excitatus est, ut plausum ipsum tanquam omen læti fururi successus, ac non diurni belli, plerique viri graues acceperint. Etsi autem deliberatio de modo eligendi Regis multa secum pericula trahit, præsertim si minùs syncerè tractetur: tamen re ipsa periculosius est chaos illud informe, & anarchia, qualem superioribus electionibus vidimus oculis nostris. Quare, ommissa occasione maximi huius incommodi tollendi, metuendum est, ne in nos postmodum illa quadrent, ac meritò iactentur. Serò veniunt Israelitæ ad colligendum manna post ortum solis. Serò afferuntur falces post messem, cum iam non nisi spicilegium restat. Serò pulsant fores quinque fatuæ virgines. Serò conantur intrare pigri per portam clausam. quando videlicet iam inter occidentales & orientales dominos distractum, scinditur studia in contraria vulgus.

Electionis inordinatæ incommodi.

In iisdem comitiis promulgata fuit ab Ecclesiasticis correctio Calendarii, quæ Roma transmissa fuerat à Gregorio eius nominis 13. Pontifice Max. Veteri instituto ac decreto sacrorum conciliorum, ab Alexandrinis, quod ibi antiquitus Mathematica studia florebant, anni supputationem Romani, & alii petebant. Ex horum ergo sententia, anno constituto, æquinoctium vernum 11. die Martii iam habebatur, eò quod nulla præmonitio facta esset de quinta circiter parte horæ, quæ, cum singulis annis ad explendas sex horas illas desideretur, propter quas quarto quoque anno dies vnus intercalatur, intra centum & viginti plus minùs annorum spatium, vnum diem conficit. Vnde res eò deducta erat, ut, iam decem diebus à concilii Niceni tempore confectis, iisq; in anno redundantibus, Pascha, & consequenter festa alia omnia, quæ mobilia vocantur, quæq; Christianis celebratissima sunt, sapissime spatio aliquot septimanarum tardiùs haberentur, quàm ipsius Niceni concilii, in quo de tempore Paschatis Christianorum constitutum est, mens fuerat. Gregorius igitur 13. Pontifex Romanus, hunc errorem sublatum volens, æquinoctium vernum, à quo mathematici annum incipiunt, ad 21. mensis Martii diem reiecit, decem diebus ex anno expunctis & amputatis. ita ut præterea solstitium hybernum semper cum festo natalis Domi

Calendarii renovationis.

ni concurrat; quemadmodum ab initio non sine causa excogitatum ac statutum fuerat. De hac redintegratione anni magna pars hominum benè sentit; & plerique Mathematici Academiae Cracouienſis eam abſolutè, ac perfectè traditam ſcribunt. Eam & ego probo, quam video (ſi tamen iudicium extremum humano generi uſuram huius ſeculi priùs non abruperit) rurfus poſt centum & viginti annos vnum diem in anno redundaturum. Nam adhuc integer dies quarto quoq; anno intercalatur, cum tamen, ut paulò ante attigim⁹, non ſex horas integras ſingulis annis, ſed quinque tantum cum quatuor circiter quintis vnius horæ partibus, præter trecentos & ſexaginta quinque dies, quibus ordinarius annus expletur, ſolis curſus contineat. Ratio quidem huius correctionis ſolido fundamento nititur, & eſt neceſſaria; miramurque, cur Græcæ Eccleſiæ homines, & noſtri Ruſſi huic ſanctioni contradicant. Sed Græcos miſſos faciamus, qui mordicus ſua placita iamdudum retinere ac tueri didicerunt. De Germanis plerique miror magis, quòd huic rei refragentur: cum ante promulgationem Calendarii iſtius ubiq; per Germaniam viri literati expeterent correctionem hanc, ut teſtantur complures ab eis ea de re libelli editi. Imò patrum noſtrorum memoria vir quidam German⁹ in Ptolomæi doctrina excellentiſſimus, Ioannes Regiomontanus, hac de cauſa Romam fuit euocatus, ut Pontifici ea in re nauaret ſuam operam: ubi ab inuidis æmulis veneno fertur ſublatus fuiſſe. Sed ego coniicio, Germaniam non tam ob reno-uationem Calendarii angere, quàm quòd rem tanti momenti arbitrio vnius, ut ipſi aiunt, ſuſcipere debeant. Nam veterum conciliorum, canonibus cautum fuiſſe demonſtrant, nihil tale tentandum, nec annum reformandum, abſque concilii legitimi cognitione.

Eodem tempore ordo militiæ pedestris, exemplo legionum Romanarum, in Polonia inſtitutus fuit. Nam veteres Poloni, quia campeſtria incolebant, equis potiſſimum gaudebant. Porro munia pedestrium apud eos extraneus miles, non ſine magnis ipſorum ſumptibus, obibat. Ut igitur hoc incommodum vitari poſſet, miſſi fuerunt ad regias poſſeſſiones, qui ex robuſtiſſimis viceſimum quæque in militiam legerent, & qui ita in militiam veniſſent, ab oneribus ruſticis ipſi & poſteri eorum immunes redderentur. Cautionem tamen hac in re à prudentibus audio deſiderari, ne hoc aliquando fraudi Reipublicæ eſſe poſſit.

Comitia Varſaviae 1582.

1582. Vbi proximè præterita deſierant comitia Varſaviae, inde hoc anno initium ſumferunt: hoc eſt à conſultatione de ratione eligendi Regis, & de compoſitione inter ſtatus. Addita etiam erat deliberatio de correctione vel modificatione tribunalitiorum iudiciorum, & de Liuania ordinanda. Sed quia tum ſuſpicionum ſpineta interſtatus

inter status supra modum creuerant, non videbatur commodum inter illa aspera correctæ semina rerum bonarum iacere, & rem tanti momenti dubiis mentibus obiicere. Inuecta est demum de euocationibus ad forum incompetens altercatio. quæ tam multum temporis absumpsit, ut quæ prius erant proposita, ad alia comitia differre necesse fuerit.

Verum is etiam qui in initio anni 1585. Varſauia celebratus fuit conuentus, eundem exitum fermè habuit. *Comitia Varſa
uie 1575.*

1586. Biennio ferè exacto, iam temp^o ſequentium comitiorum appetebat; & iam literæ, quibus indicebantur proxima comitia, per omnes partes regni perferebantur, probuleumataq; prouincialium comitiorum in palatinatib. iam magna ex parte habebantur, & nuncii terrarum deligebantur; cum subito de ægritudine ſimul & morte Regis veriſſima fama ſpargitur. Uſq; adeò inopinanter accelerauit ſinis vitæ eius. Cauſa mortis referebatur in exſiccationem domiciliorum cerebri, ob cogitationes vehementes, & ſollicitudines de proximis comitiis, quibus ſarcire ſatagebat incòmoda ſuperiorum comitiorum; in quibus parum aut ferè nihil effectum fuerat. Contra alii, exſiccationem domiciliorum cerebri lètum morbum eſſe oſtendebant; ſubitam autem mortem ei⁹ indicium eſſe acuto morbo correptum eum fuiſſe. Sed quæcunque tandem fuerit eius mortis cauſa, certè non modicas turbas, & pericula Reipublicæ hæc mors ſecum affert atque denuntiat. Sed ut de tanti Regis morte aliquid ſingularius memoriæ prodamus, cum magis ac magis in horas inualeſceret morbus, & permodica ſpes de eius vita ſeſe oſtenderet, interrogatus à circumſtantibus quo pacto ſe haberet, reſpondiſſe fertur. Licere ſibi nunc uti verbis illis diui Tertulliani: Quinquaginta quatuor annos peregi. ſcio quales dies fuerint; quales verò futuri ſint in poſterum, ignoro. Admonitus tum ab hominibus religioſis, ut myſteriis ſacris de more procurari ſe pateretur, primò ne impediretur admonuit; deinde ad craſtinam diem negotium diſtulit. Interim ob morbi vim proſtratis iam viribus, & hora mortis inſtante, verbis illis ex Dominico in cruce Eptalogio, ipſum Dominum imitatus, animam ſuam Deo reddidit: In manu tuas domine commendò ſpiritum meum, die 12. menſis Decemb. occidente iam ſole. Fuit vir tam in pace, quàm in bello excelſo & forti animo; iudicii magni, præfertim ubi ab affectib. liber erat; in victu & amictu parcus; ab omni iactantia & oſtentione alien⁹; eruditione inſigniter tinctus; ſermonis latini valde ſtudioſus, & prorſus Terentianus. Quod attinet conſtitutionem corporis, fuit quadratæ ſtaturæ ad proceritatem aſſurgentis; facie dignitatis plena; capillo nigro; ore venuſtè reſtrictò; colore fuſco ſimul & rubente; dente adeò albus, ut parem non viderim;

*Cave tibi Po-
lonia.*

viderim; quæ res eum meo iudicio valde amabilem reddebat; naso sublimo. atque ut breuiter dicam Attilæ primo Duci Hungarorum similimus. ut ex Procopii historici descriptione liquet. Natus est anno Domini 1533. sexto Calend. Octobris. Vixit ad annum ætatis suæ quinquagesimum quartum. regnavit annos decem, menses septem, dies duodecim. Cum autem tres pœnæ epidemicæ à Theologis numerentur; fames, pestis, bellum; & his deterior quarta addatur, turbatio ordinis in Repub. (nam ordine publico integro permanente, sæpe illis tribus occurritur: at soluto in Repub. glutino ordinis, primò bellum, deinde fames, ad extremum & pestis in immensum grafari solet) horum malorum nullum, regnante hoc Rege, Rempub. Polonam, Dei beneficio, attriuit. Nisi quòd in publico ordine, & iudicijs comitialibus iampridem quædam desiderabantur. Cui incommodo ipse haud dubiè prospexisset, si ei vsuram vitæ huius supremus Rex regum & dominus dominantium longiorem concessisset. Sed iam ad finem vitæ eius narratione perducta, finem quoque hîc historiæ nostræ faciemus.



Ad lectorem.

Autor ipse longo intervallo toto hoc tempore, quo hæc Craconie imprimebantur, in Russia abfuit. Quare ignoscat lector, si plerisque, in locis contextus indiget correctione. Nam ne iam impressa quidem recognoscendi, nisi quædam obiter, sicut nec indicem conficiendi, propter alias occupationes tempus habuit. Edunt alij tertium suos libros, & tamen obrepunt errata aliqua, quæ facile condonantur. Quantò magis prima hæc editio veniam meretur! Ex secunda porrò editione, volente Deo, cuncta castigatiora expectato.

Erratorum aliquot, emendationes. Prior numerus paginam, posterior versum indicat.

Pagina 2. versu 18. *Commiscent* Lege *commiscent*. 3. 5. *Cancelum* Lege *cancellos*. 3. 6. *ilias* L. *Ilias*. 5. 32. *regundarum* L. *regundorum* 18. 2. *incrementum* L. *incrementum* effatum dignum. 20. 34. *Sampson* L. *Samson*. 23. 8. *eorum* L. *earum*. 26. 22. *inter quos* L. *inter quas*. 28. 25. *scribit Dio* L. *scribit Dion*. 33. 20. *mperium* L. *imperium*. 57. 22. *galactophagus* L. *galactophagos*. 59. 23. *submonendum* L. *submonendum*. 66. in versu Ovidij. *mala brachis* L. *mala frigora brachis* 93. 8. *regundarum* L. *regendarum*. 104. 24. *Rzda* L. *Rha*. 116. 19. *Tibris* L. *Tigris*. 121. 3. *Gallias* L. *Gallias*. Et versu 12. *illa* L. *illa*. Et versu 15. *enn* L. *cum*. 122. 30. *admirattioni* L. *admirationi*. 134. 13. *sub Boleslao Chabri* L. *sub Boleslao Pudico*. 141. 8. *imbecilli iudicij* L. *imbecillis iudicij*. 153. 7. *Christum natum* L. *Christum natum*. 160. 27. *imaginattones* L. *imaginationes*. 168. 22. *oportunos* L. *opportunos*. Et versu 27. *salus* L. *salus*. 378. 20. *Strenuum* L. *Sturmium*. 177. 10. *coercenda* L. *coercenda*. 178. 16. *Germanarum* L. *germanarum*. 182. 4. *Premissum* L. *Premissum*. Et versu 27. *oportuna* L. *opportuna*. 242. *Scarbina* L. *Scarbicus*. 262. versu ultimo & insequentibus. *Gonortius* L. *Gonortius*. 289. 6. *Vidrimiuscijs* L. *Vidiminscijs*. *Ottomari* L. *Ottocari*. *Pieczmegij* L. *Pieczynyegi*. *Marthomani* L. *Marcomani*. 300. 20. *Marcellum* L. *Martellum*. 368. 16. & 17. *Aegypti Sultanus* L. *Persarum rex*. Et versu 25. & 26. *Aegypti, Syriaque Imperatore* L. *Persarum rege*.

Pag. 388. versu 20. 15 17. *Lateranense concilium, &c.* Totus hic locus reponendus est pag. 383. & ad annum 1512. referendus. & pro *Leo decimus*, quod hic versu 33. legitur, legendum est *Iulius secundus*. Quanquam sciendum est sub Leone decimo reuera pragmaticam sancti onem Basiliensis concilij abrogatam fuisse.

Proprijs sumtibus ipsius authoris excusum est hoc opus.

LIBRARY

THE UNIVERSITY OF CHICAGO
LIBRARY
540 EAST 58TH STREET
CHICAGO, ILL. 60637

THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 58TH STREET
CHICAGO, ILL. 60637

Proprius sumptibus suis aut oris ex
culum est hoc opus.

